





Lapis 875.
LIII. C. 12.

cypryan;





Desiderata

1890

registr. 1895

HISTORIÆ
RERVM PO-
LONICARVM,
LIBRI QVINQVE.

Quibus *Contra Pomeraniam S. Jacobi Na-*
gabat *Ord. hinc* *Castro S. Jacobi*

PRÆTER REGIONIS

SITVM, QUALITATEM ET TERMI-
nos; Gentis item Polonicae originem, linguam, mores, con-
suetudines, cæteraque quæ eo pertinent, ea quæ à Primis Regni
incunabulis, obseruato legitimo Ducum, Principum & Regum
ordine, huc vsque in Regno isto gesta sunt, diluci-
de & fuscè describuntur.

AVCTORE
SALOMONE NEVGEBAUERO
de Codano Boruffo.

Additus est in fine Index rerum & historiarum copiosus.



FRANCOFVRTI

Typis Wecheliani, sumptibus heredum Ioannis Aubrii.
M. DCXI.

40.879

HERVVM PO
LONICARVM
LIBRI QVINQUE

PRÆTER RÈGIONIS
SITVM, QUALITATEM ET TERRA
nos, Germanici Polonici originem, huiusmodi
incedit: ceteraque quæ copiosius etiam alibi
incunabulis oblectant legitimo Decem, principum & Regum
ordine, huc vltimo Regno illo gestant, aliter
delectantur.



SALOM
de Cæsaribus Romæ

XVII-932-III

Typis Pechelians, scriptibus hereditariis Aulicis
1732

LECTORI BE- NEVOLO S.



*Q*UAM necessarium & utile, le-
ctor beneuole, veteres putarint, ut
quis in se descendens, & natura & a-
ctionum suarum cognitionem sibi
compareret, velex eo animaduerti po-
test facile, quod è cælo descendisse il-
lud dixerunt: Nosce te ipsum. Quod si quis autē res
omnes paulo altius considerare & introspicere vo-
luerit, non magis sapientissimum illud, Nosce te
ipsum, quam hoc, Nosce quæ circa te sunt, necessa-
rium hominibus & omnibus modis amplectendum
deprehendet facile. Præterquam enim quod turpe
est homini, quæ Deus nobis inhabitanda concessit,
regionum nempe & prouinciarum fines, urbium,
oppidorum, fluuiorum, fontium, lacuum, nemo-
rum, montium, vallium, insularum, scopulorum,
promontoriorum mari imminentium, situs & ma-
gnitudines, marium motus, amplitudines, & pro-
funditates, portuum commoditates, sinuum flexu-
ras, & alia id genus multa ignorare; Historiarum
certe cognitione nihil iucundius, nihil fructuosius,
nihil ad vitam omnem, tum in primis ad Rempub.

regendam magis necessarium esse, summo semper consensu sapientissimi quique iudicarunt, ita quidem, ut cum omnes alie artes, quin imo ipsa etiam princeps & regina artium Philosophia, osiores atque obrectatores habuerint plurimos, qui ab historiarum lectione abhorreret, inuentus nemo fuerit, aut si fuerit, ab omni humanitatis sensu alienus habitus sit.

Fons profecto historiarum cognitio est limpidissimus, ex quo omnis pene civilis prudentia vis promanat. Non enim ex pecudum fibris, non ex avium volatu, non ex Hariolorum carminibus, futura prænoscuntur, sed animus in historiarum lectione diligenter & assidue versatus, quid ex quo eventurum sit, si non semper, saepe tamen vere prædicet. Tametsi enim magna est rerum humanarum varietas atque inconstantia, ita ut hoc ipsum maxime verisimile sit, multa præter id quod verisimile est, evenire, habent tamen plerumque similia incepta similes exitus, & quo unumquodque evasurum sit, optime dicet is, qui in magna exemplorum copia, circumstantias omnes accurate pensitando, initium, progressum, & eventum uniuscuiusque rei notarit probe, atque observarit, ut non immerito inde Cicero, historiam inter alia, vitæ magistram verissimo encomio appellarit.

Tametsi vero ad prudentiam comparandam nihil maius aut magis necessarium sit historia, idque propter humanos casus, qui velut in orbem sui similes

miles plerumque recurrunt, diligenter tamen in historiis legendis eius meminisse debemus, quod ab Aristotele sapienter dictum est, in historia legenda neque nimis credulum, neque plane incredulum esse oportere. Nam si omnia omnibus assentiemur, futurum est saepe, ut falsa pro veris habeamus, & turpiter in Repub. gerenda labamur. Quod si autem fidem historiis omnem detrahamus, futurum omnino est, ut nullos ab eis fructus consequamur. Quemadmodum igitur peccatum ab illis est, qui fabulis omnia vetustatis monumenta compleuerunt, sic nec illi laudandi sunt, qui curam antiquitatis omnem abiiciunt, quod putant historias ab iis scribi non posse, qui alienam fidem sequuntur, multo minus vero ab illis, qui rebus gerendis ipsimet vel adfuerunt vel praesuerunt, cum vel de seipsis multa eos metiri, vel certe principum metu, premiis ve & odio distractos, à vero deflectere verisimile sit.

Scythas legimus eam maxime ob causam literas omnes ac monumenta veterum à stirpe conuelleré conatos esse, quod acerbe ferrent Gracorum ac Latinorum Bibliothecas & parietes, rerum à se gestarum magnitudine repleti, reliquos vero omnes tametsi res quoque magnas ac memorabiles gessissent, turpiter omissos, veletiam atroci verborum contumelia notatos esse. Fuerunt enim Graci & Latini suarum laudum semper pracones, ceteri vero, praeter Hebraeos, nihil fere de seipsis memoria prodiderunt. Et fit, nescio quomodo, ut qui bellis &

AD LECTOREM.

rebus gerendis occupantur à scriptione semper alieni sint, qui vero plus aliquantoliteris sese dediderunt, earum illecebris & dulcedine capti, non modo à cæde & sanguine abhorreant, sed etiam barbariem & feritatem omnino deponant. Itaque Phocion Imperator Atheniensis, ciues suos belli magis cupidos quam peritos hortabatur, ut verborum copia quam præstabant, cum hostibus certarent, non armis, quibus inferiores eis esset: & Asiaticos, à quib. orationis quidè ubertas fluxit, molliores sæper fuisse videmus, contra vero Lacedamonii disciplinarum ac literarum omnino imperiti, res præclaras domi forisque gesserunt, non ab ipsis, sed ab hostibus decantatas.

Tametsi igitur hac ita se habeant, non tamen ab historiæ cognitione abstinendum, multo minus vero Scythico & Cyclopico more bellum literis mouendum, sed ut rerum veritas, quæ ad veram prudentiam comparandam efficax & utilis sola est, ex historiis percipiatur, delectus maxime & auctorum & historiæ, ut rerum omnium, adhibendus est, quod alia sint aliis digniores, magisque cognitu necessaria, in quo quidem genere ponendam & hanc Polonicarum rerum quam modo tibi exhibemus, sumptibus nostris in lucem productam historiam, omnino iudicamus. Eam cum clarissimus & doctissimus vir, Dn. Salomon Neugebauer Borussus, ante annos aliquot, hac in Poloniam transiens, clarissimo & spectatissimo, piæ memoriæ viro, Claudio de Marne, atque ita nobis etiam, societatem cum eo communem

AD LECTOREM.

nem tum colentibus, excudendam tradidisset, & vero continuationem eius breui post missurum recepisset, pro eo quo erga rem librariam, commodumque tuum ducimur studio, non lubentes solum operam ei nostram obtulimus, sed & prælo statim subiectam, omnibus numeris perfecimus & absolvimus. Cæterum ab Auctore tanto iam tempore, non solum historiae supplementum, sed & quod ei dedicatoria nomine præfigeretur, ne iota quidem ad nos mittitur. Viri igitur doctis qui historiam hanc in officina nostra libraria viderant, nos magno numero, ut tandem publici iuris fieret, urgentibus, cum ignoraremus, aliquidne humani forsitan Auctor (quod factum nolimus) passus esset, priuandam non esse Rempub. literaria fructu ex historia hac largiter percipiendo, nec nos commodo & emolumento habita impressionis & factorum sumptuum spoliandos putauimus. Accipe igitur lector beneuole hanc quam modo tibi damus historiam, eaque ad commodum & utilitatem tuam felix utere fruiere, supplementum eius quam primum ab Auctore transmissum fuerit, à nobis itidem expectans. Vale, Francofurti.

VI. Id. Mart. Anno.


1611.

A D
NOBILISSIMUM
ET CLARISSIMUM VIRVM

DN. SALOMONEM NEVGBAVE-
rum de Codano, Boruf-
sum, &c.


*F*acta Polonorum priscis abscondita seclis,
Digna tamen memori posteritate coli,
Quod tua, NEVGBAVERE, decus Prutenidos ora
In clarum profert cura laborque diem;
Na quod te dignum est, tua quod doctrina decusq;
Te virtusq; iubent, sedulus omne facis!
Et tibi, victurum, post tristia funera nomen,
Quodq; abolere queant tempora nulla, paras.
Perge precor, felixq; pios pertexe labores,
Et fac, quae restant, cernere posse bonos.
Inde omnes grato te dignabuntur honore,
Et tribuent curis pramia digna tuis.

M. Gotardus Arthusius
Dantiscanus.



HISTORIÆ RERVM POLO- NICARVM

Liber Primus.



OLONORVM origo est Slaui ca & Sarmatica, quæ olim *Polonorum origo.*

è Sarmatia transmissa Vistula flumine in ea Germaniæ loca, quæ prius Vendi siue Vandali inhabitauerant, commigrauit, sedesque suas & imperium versus Occasum ac Septentrionem longe lateq; protulit, ita vt à Sarmaticis moribus in Septentrionem quidem secundum utramq; fere eius fluminis ripam, in occasum vero secundum dorsum Herci-

næ syluæ, quo Bohemia clauditur, atq; inde porro secundum Albim fluuium vsq; ad eius ac Visurgis ostia, & sinum Balthicum, quicquid terrarum est, eius gentis ditio fuerit complexa. Qui populi omnes Slaui seu Slauii dici voluerunt: à finitimis vero cum Venedi siue Vindæ tum Vandali crebrius & vsitatus nominibus gentium, quæ prius ea loca tenuerant, nominati sunt. Suis vero interim nominibus peculiaribus, qui versus occasum Germanis erant viciniore, vsi sunt, & partim Sorabi, partim Obotriti, Lutitii, Vinuli, Rani, Vilzi, Rugii, Vetalabi, Retarii, Licicauici, Heueldi, Vuloini etiam, quod nomen cum Polonorum nomine cognationem habet, dicti sunt. Hos omnes Slaui cæ nationis ac linguæ fuisse, & partim domesticis Satraparum & Ducum defectionibus & pactionibus, partim armis in finitimorum Saxonum ac Germanorum ditionem nomenq; postea transisse memoriæ proditum est.

De Slauiorum autem origine variant Historici. Alii enim eam à Iapeto *Slauiorum origo.* Noe filio repetunt per Æneam, Alanum, quem primum ex Asia in Europam commigrasse ferunt, & ex eius filio inter quatuor natu maximo Vandalo Vistulæ flumini & Polonis nomen inditum esse, indeq; Vandalos dictos: multos etiam liberos genuisse, qui quarta parte Europæ occupata, Polonorum, Rusorum, Cassubiorum, Bohemorum, Morauorum, Slauiorum, Dalmatarum, Pannonum, Bosnensium, Croatarum, Bulgarorumq; regna condidisse perhibentur. Alii vero ab eodem Iapeto per Helisam filium harum gentium genus deriuant, illa ratione moti, quod Slauos, Dalmaras, & Illyrios esse opinantur, qui retineant etiamnum fere ea loca, in quibus hæ gentes ab initio post destructionem turris Babylonicæ in orbem vniuersum coloniis deductis, in Græcia consedisse à Iosepho & Beroso memorantur. Alii forte probabilius, cum animaduertent, nationem Slauiorum Vindos seu Vendos à Germanis appellari, & antiquitus hæc loca, quæ nunc Poloni, Silesii, Brandenburgici, Cassubii, & Pomerani tenent, ad Chersonesum vsq; Cymbricam tenuisse ex veteribus Historicis ac Geographis recognoscerent, eosdem Slauos ac Vandalos esse

esse existimarunt. Sed horum nil veritati consentaneum esse videtur. Nam primam illam genealogiam fabulosam esse nemo non videt. Reliquae duae opiniones eo refelluntur, quod non sit necesse, Slaus eosdem esse, siue cum Dalmatis & Illyriis, siue cum Vandalis, quod eorum loca incoluerunt, atque etiamnum incolunt. Nam non semper eadem gentes easdem sedes tenuere: verum aliae subinde ab aliis pelluntur suis sedibus, aut etiam delentur: nonnunquam etiam vltro in alias regiones commigrant, aliqua vel commoditate inuitatae, vel necessitate adactae. Vera autem Slausorum origo putatur esse à Russia, quae complexa est, quicquid terrarum est inter sinum Venedicum, Liuioniam, Sueciam, Oceanum glaciale, Rha siue Volgam, Mæotim, mare Ponticum, Sarmaticos montes, Poloniam, Lithuaniam, & Samogitiam. Cuius populi Ottone Imperante Mæsiam finitimam infestare coeperant, ita vt verisimile sit, ab iisdem posterius debilitatis partim Gothorum, Hunnorum, Vandalorum, Longobardorum, partim Parthorum, Persarum, & Saracenorum incursionibus atque bellis Romani Imperii viribus, non solum eam ipsam Mæsiam, sed & Daciam, Pannoniam, Dardaniam, Liburniam, Illyricum, Dalmatiam, & Istriam subactas & habitatas: Thraciam, Macedoniam, & Græciam diuexatas, & ad extremum Græcam linguam penitus corruptam esse, rebusque tam feliciter gestis eas Slausorum siue Slausorum nomen à gloria sibi simplisse. Eadem autem facilitate alia ipsorum quasi examina ad occidentem solem progredi, & omnem eam Germaniae partem, quae à Vistula ad Salam & Albim seu Visurgim vsque inter Carpathum montem, Danubium, & Oceanum Germanicum protenditur, occupare, & in ditionem suam redigere potuisse, cum ea populis exhausta & vacua esset, Gothorum, Vandalorum, Alanorum, Burgundionum, & Longobardorum continentibus bellis, & in alias sedes migrationibus: easque gentes mox imperiis distinctas, diuersis etiam nominibus appellatas esse, ita vt partim à Ducibus, partim à situ locorum, partim à prioribus incolis, denique à studiis, habitu, vel euentu aliquo noua nominasumerent. Solos autem eos, qui in natali suo remanserunt, antiquum Roxanorum siue Russorum nomen retinuisse.

*Russorum
origo &
nomen.*

Quando vero Russi Sarmatiam habitare coeperint, & vnde venerint, nomenque acceperint, nil certi scitur. Nam quod quibusdam ex Ezechiele deduci posse videtur, vbi mentio fit Ros Principis, Mosoch atq; Tubal, quia ambigitur, propriumne gentis sit Ros, an caput ibi significet, infirmum id est. Verisimilius Sigismundus Herberstenius vir illustris in sua Moscouia Russos dici vult à Russia oppido verusto ditionis Nouogrodenfis: non enim inusitatum est, ab ignobilibus etiam oppidis populos denominari, qui cum obscuri fuissent initio, postea virtute & armis nomen suum vna cum imperio propagarunt. Cui opinioni adstipulari videtur id, quod in annalibus Russorum legitur, dominatum Russorum apud Nouogrodiam magnam Biakozorum siue album lacum, & Isborscum initium sumpsisse à Rurico, Sineo, ac Trubore Variis fratribus. Quod si cui displicet, vel altiore etiam gentis originem requirit, nihil prohibet credere, Polonos ac ceteros omnes Slausos Sarmatas esse: praesertim cum constet iam, Bulgaros, Serbos, & Roxanos Sarmatiae gentes esse, indeq; egressos populos quodā tempore, nouas sedes occupasse in Germania & Romano Imperio, & Slausos siue Slausos sese dixisse. Demonstrari autem non possit, vnde & quo tempore populi illi in Sarmatiam

adue-

aduenerint, & priscos illos Sarmatas (si qui modo alii fuerint) inde pepulerint, vel deleuerint: sicut de Gothis atq; Tartaris potest, quorū illi quidem tenuerunt aliquando, hi vero etiam nunc tenent partem aliquantam Sarmatiæ. Atque huius opinionis est Martinus Cromerus, Historicus Polonorum grauissimus, quæ tantisper retinenda est, donec ab aliis solidioris aliquid afferatur.

Cæterum vnde & quando Poloni in has oras venerint, non minus, *Poloni vnde & quando in Sarmatiam venerunt.* quam eorum origo, incertum est. Qui enim Slauos Vandalos & Germanos esse volunt, non habent necesse affirmare, Polonos cum suo Duce aliunde in has oras, quas nūc incolunt, post vetustam illā Tuiskonis migrationē venisse. Itaq; asserunt, Slauos regionem suam ab omni memoria ad campos Sarmaticos tenuisse, & cū angustæ eis essent sedes in Polonia, Morauia, Bohemia, & Russia, nouas in Pannonia à Constantino Magno Imperatore eos impetrasse, indeq; imperante Mauritio in Dalmatiam & Illyricum profectos esse. Verū hanc opinionem refellere non est operæ precium, cū ante dictum sit, Polonos & Slauos Vandalis successisse in his locis, vbi nunc est Polonia. Alii aliunde omnino Polonos & Bohemos, & quidem è Croatia, profectos esse sentiunt. Lechum enim & Czechum fratres Principes viros apud Crapinā & Piaros degētes pertractosq; diffidorum ac bellorum ciuiliū, coadunata suorū hominū & aliorum voluntariorum manu, ad quærendas nouas sedes è patria versus occidentem solem per syluas montesq; iter habuisse: donec ad Albim fluiuium & Bohemiam venerint. Ibi Czechum soli bonitate delectatum cum parte multitudinis in incultis locis confedisse: Lechum vero cum cæteris ad Aquilonem ire perrexisse, eumq; tractum, qui Silesiam & maiorem Poloniam complectitur, habitatoribus vacuum occupasse. In hac sententia fuit Æneas Syluius, & fere Bohemi, Poloniq; Chronographi. Adiecit præter cæteros Syluius, Czechum cadis perpetrata iudiciū fugisse, eiq; fratrem Lechum fugæ comitem adhæsisse. Quod tamen minus vero consonum apparet: nulla enim causa erat, quare Lechus frater insons Czechum homicidii reum, ideoq; pœnam fugientem sequeretur, cum ex fratris fuga totius gentis principatū sperare potuerit. Quin, quod ineptum est, tantam multitudinem, quæ amplissimis duabus prouinciis occupandis sufficeret, Principes suos pœnam homicidii fugientes fuisse secutam, quæ nullo negotio eos supplicii reatu potuerit absolvere.

Porro quo tempore id factum sit, non satis conuenit inter omnes. Poloni non multo post diluuiū opinantur, quippe qui fratres illos partim filios, partim nepotes, partim pronepotes, aut non remotam certe posteritatem Iauani & Noe fuisse memorent. Æneas Syluius nullum tempus huic migrationi adscribit. Venceslaus Hagecus imperante Constantino tertio post Christum natum anno sexcentesimo quadragesimo quinto fundamenta regni Bohemici à Czecho iacta esse scriptum reliquit. Sed Lechum & Czechū nepotes Iauani, aut certe è propinqua eius posteritate progenitos fuisse, ac non multo post diluuiū è Croatia siue Pannonia in Bohemiam & Poloniam cōmigrasse, eo falsum esse demonstratur, quod de prosapia eorum à veteribus Græcis & Latinis, ac ne quidem ab ipsis Slauiis quicquam memoriæ proditum est. Neq; etiā quicquam historicorum Græcorum & Latinorum res gestas Polonorū aut Bohemorum, siue Slauiorum aut Vandalorum contra Alexandrum Magnum, & priscos illos Gallos res gestas attigit, quamuis pleraque omnia accurate descripta sint. Deinde ante Iustiniani tempora Slaui ca gens Croatia, aut Dalmatiam, aut Slauiam, imo ne Pannoniam vel Germaniæ partem, qua nunc

Polonia fere, Silesia, Morauia, Bohemia, Lusatia, & Pomerania continetur, tenuit. Nam quod dici posset, habitasse iam inde à diluuiò in his locis eas gentes post Lechum & Czechum conditores, sed aliis nominibus appellatas fuisse, eadem facilitate, qua dicitur, negari potest. Cur enim tam serò priscorum conditorum nomina, quorum memoriam interim longo isto temporis effluxu oblitterandam fuisse probabile est, accepere. Non magis vero etiam consentaneum est, eas gentes antiquitus quidem eas sedes tenuisse, verum longe post Lechum & Czechum eadem lingua vtentes, aliunde cum aduenissent, principatum adeptos, nouum nomen tum imposuisse. Non enim credibile est, externos Duces exules præsertim ab his gentibus in eo honore habitos fuisse, vt abiectis prioribus nominibus ab iis se denominari paterentur. Verum siue Czechus & Lechus ob eadem commissam siue intestina dissidia è patria migrauerint, siue vt commodiores atq; patentiores sedes quærent, certe nulla videtur fuisse ratio tam longinquæ & incertæ peregrinationis per auios montes ac syluas, ab extrema vsq; Croatia suscipiendæ. Nam videntur potius petitori fuisse Macedoniam, aut Epirum & Acarnaniam, aut Italiam, finitimas ac non incognitas sibi tum cœli clementia & vbertate soli, & omni cultu agrorum vrbiumq; præstantes regiones, cum vîtatius sit, gentes à Septentrione ad Meridiem velut è frigidis atq; incultis ad temperatiora ac cultiora loca migrare, quod exemplis migrationum gentium abunde probatur: quin substitutos potius in Pannonia vel Morauia, quæ & ipsæ cultæ ac fertiles terræ sunt, per quas iter ipsis necessario fuit faciendum, verisimile est. Cæterum grauib; autoribus demonstrare licet, ante sexcentisimum Christi annum, atq; adeo ante Mauritium Imperatorem Slauos hæc loca tenuisse, quæ nunc Poloni. Iordanes certe, qui ante Mauritiî tempora sui temporis historiam contexit, Slauium & Slauinorum mentionem faciens, ad sinistrum latus montium Sarmaticorum, & ad Vistulam fluiuium, qui nunc Poloniam interluit, habitasse eos autor est. Per quæ tempora Dalmatiam, Illyricum, & Istriam, infestatas quidem, sed nondum habitatas fuisse à Slaus, idem testatur.

Probabilius igitur est, circa Attilæ tempora, videlicet anno Christi quadringentesimo trigésimo eos populos, qui nunc Poloni & Bohemi dicuntur, progressos è Russia & Sarmatia, itidem atq; alios Slauos vacuas, aut certe infrequentes Vandalorum sedes occupasse, indeq; porro in interiorem Germaniam & Bohemiam arma protulisse. Nam facilius citiusque hac secundum dextrum latus Carpathi montis ad interiorem Germaniam aliquo modo vacuum tum penetrare potuerunt, è Russia profecti, quam in Slauoniam aut Dalmatiam longius à se distantes, & Romanorum Imperatorum armis defensas. In quas prouincias, vt & in Dalmatiam, Macedoniam, Thraciam, & Illyricum longe post Iustiniani tempora se infuderunt, vt ex Krantzio & Blondo constat.

*Polonorum
nomen.*

Polonorum autem nomen vernaculum an fuerit commune Slauium, an peculiare vnius cuiusdam populi, & quam vetustum, non satis constat. Ante septingentos quidem annos nusquam in annalibus vllis externis inuenitur. Nec vnum eius etymon memoratur. Vel enim à pole, quod & planitiem, & venationem Slaus significat, Polacos siue Polanos mutataq; vna litera Polonos appellari volunt, propterea quod & planam fere, apertamque regionem tenent, & apprime venandi studio tenentur: vel à conditor ore ac primo Duce gentis Lecho siue Lacho Polacos quasi Polachos, hoc est, posteritatem Lechi dici autumant.

Eius

Eius autem non iidem semper fines fuere. Nam Russiæ permagnam partem cum Podolia subactam, & Prussiæ nonnullam, & Polessensem tractû barbaris Iazigibus adeptum quodam tempore, Poloni suo adiecerunt imperio. Missis autem veteribus Poloniæ limitibus, qui non semper iidem fuere, siquidem nonnullæ prouinciæ olim iuris Polonorum post detractæ sunt, vt iam sunt circumscripti, breuiter delineandi fuerint. Igitur nunc Polonia, quæ quidem vno regno & iure hodie continetur, secundum longitudinem terræ habitabilis è *sententia Geographorum, à tricesimo octauo gradu, ad quinquagesimum secundum, vel tertium (incerti sunt enim in illa solitudine Scythica fines eius) ab occasu æstiuo versus ortum hybernum obliqua protenditur, amplius quam per ducenta milliaria Polonica, quorum vnumquodque quatuor Italica continet: tamen si Russica & Podolica sunt aliquanto longiora. Latitudo autem Poloniæ siue poli arctici eleuatio quam proxime est, vt loquuntur Astronomi, à quadragesimo nono vsque ad quinquagesimum quintum gradum. Pocuensis tamen Russiæ tractus à quadragesimo octauo incipit: quamuis non totus ille tractus, qui vtraque commemorata poli eleuatione continetur, ad Poloniam, vt hodie est, pertineat. Nam orientalis & occidentalis non excedit spatium plus minus triginta milliarium. In medio autem versus meridiem & septentrionem ad mare Balthicum, vbi latissima est centum milliarium eius intercapedo, inde patet, figuram eius intensi arcus speciem præ se ferre: cuius neruus paululum reductus, ad meridiem & occasum hybernum quadamtenus spectat, exterior vero curuatura in septentrionem, & ortum æstiuum obuersa sit. Quod si Podlussia, & ei confinis Russiæ, Volynia, Podolia, & Liuania, Prussiaq; ducalis, & Lithuania cum sua Samogitia, & Russiæ Alba, (quæ recens regno Poloniæ accessere) annumeretur, multo longius & latius versus orientem solem & septentrionem ea patebit. Sicque longitudo regni Poloniæ à finibus Marchiæ Brandenburgensis ad Nieprum ducta recta linea, non minus ducenta quadraginta milliaria complectitur. Latitudo vero ab ora Pocuensi ad Pernauam Liuniæ ducenta plus minus. Cingitur itaq; Polonia ab occidente sole Marchia Brandenburgensi & Pomerania vltiore: à septentrione mari Venedico & Sarmatico, cuius aduersa littora tenent Sueci: inde Prussia ducali, eiq; continente Lithuania in ortum æstiuum fere vergente. Hinc porro campestribus Scytharum siue Tartarorum solitudinibus præfusus orientalibus, & inde in septentrionem inclinante Biagrodensi Turcarum ora. Postea vero plane Australi Valachia siue Moldauia: deinceps Vngaria, & in Africum & occasum hybernum obuersa Silesia Bohemica ditionis ad Marchiam pertinente.

Polonia finis.

Polonia finis geographicus.

Finitimi Poloniae populi.

Partes Poloniae, & satrapia.

Limites.

Partes insigniores Poloniæ sunt, maior & minor Polonia, Lithuania, Russiæ, Prussia, Podolia, Masouia, & Cuiavia: quæ & ipsæ deinde satrapiis siue Palatinatibus, ac territoriis fere distinctæ sunt. Maior Polonia duas satrapias, nimirum Posnaniensem & Calissiensem complexa, occidentalis est, Silesiam, Marchiam, Pomeraniamq; vltiorem meridionali, occiduo, & arctoo latere attingens. Magis autem ad occidentem vergit Posnanienfis satrapia, Calissienfis contra ad ortum & septentrionem: qua parte sunt Paluci, Craina, & Cassubia. Minor Polonia orientalis est, Cracouiensi, Sendomiriensi, & Lublinensi satrapiis definita, versus Aquilonem & ortum æstiuum sitis. Quæ à septentrione Masouia & Podlussia tractui, qui dudum Lithuanicæ ditionis erat, ab ortu Russiæ, à meridie Vngariæ ac Silesiæ finitima est. Sunt autem satrapiæ

trapiæ Cracouiensis partes, tractus Siricius & submontanus, vterq; Scepusio & Vngariæ finitimus. Ac Sciricius quidem ad Occidentē vergens Cracouiæ vicinior est: Submontanus vero Russiæ & Sendomiriensi satrapiæ iungitur. Lublinensis item satrapiæ pars est Polesse reliquum, quod à Lithuanis detractum nō fuit. Silesiæ pars ea, quæ adhuc est ditionis Polonicæ, sic implicata est Cracouiensi satrapiæ, vt ab ea magna ex parte ambiatur. satrapiam ea nullam habet: sed in Cracouiensi fere censetur. Habet autem tria territoria: Olsuiciemense, Zatorienſe, & Seuerienſe, quorum duo priora superiori tempore suos habuerunt duces: nunc præfecturæ regiæ sunt. Seuerienſe est in ditione Episcopi Cracouiensis. Ab ortu vero hyberno Scepusiensem tractum vix & modice ea attingit. Inter minorem vero & maiorem Poloniam primarias totius Poloniæ partes intermediae sunt satrapiæ, Siradiensis, Lenciciensis, & Rauensis, nullum commune nomen habētes. Quarum prima ad Meridiem & Silesiam, Lenciciensis & Rauensis ad Septentrionem vergunt, Masouiamq; attingunt. Harum autem occidentalior est Lenciciensis. Nonnunquam ea tres vna cum Cuiaua, imo & Masouia maiori Polonia, sicut Russiæ & Podolia minori, accensentur. Cuiaua vero ab ortu Masouiae & Rauensi satrapiæ, à Meridie Lenciciensi & Calissiensis iungitur. Continet autē inter se duas satrapias, Brestensem, quæ magis ad ortum ac meridiem vergit, atque Inouladislauiensem, quæ magis est occidua & septentrionalis. Cuius non exigua pars est Dobrinum vltra Vistulam, ab oppido sic dictum, latere orientali confine Masouiae, septentrionali vero Prussiae. Masouia quoque eodem latere Prussiam, orientali Lithuaniam & Polessensem tractum, & versus ortum hybernum Poloniam minorem, eiusque satrapiam Sendomiriensem, meridionali vero Rauensem attingit: duabus satrapiis distincta, Plocensi nimirum, quæ occidentalis est, & ea, quæ peculiariter Masouiae nomen retinet, propterea quod diutius ducum suorum de Polonorum Principum stirpe oriundorum dominatu segregata, postrema omnium nostra memoria destituta Ducibus, ex pactis & iure feudi Poloniæ postliminio sit restituta, quæ quidem orientalis est. Rauensis quoq; satrapia quondam pars Masouiae fuit, suosque Duces habuit, sicut & Plocensis, & pleraque omnes. Prussia regia præter meridionale latus, ab occasu vltiorem Pomeraniam confinem habet: à septentrione sinu Balthico seu Venedico: ab ortu Prussia ducali cingitur. Tribus autem satrapiis distincta est, Culmensis, Mariæburgensi, & Pomeranica. Quarum hæc occidentalis est: reliquæ duæ, Vistulæ fluuiio ab illa diremptæ, orientales. Ex his autem Culmensis ad meridiem spectat, Mariæburgensis vero ad septentrionem. Varmia & ipsa pars est Prussiae regiæ, ad Aquilonem vergens, ducali fere vndique cincta, & ab ea quodam tempore maiorem in modum accisa: Mariæburgensem quoque satrapiam contingit: nec in vlla satrapiâ censetur, subiecta Episcopo suo & eius collegio, Regis Poloniæ maiestatem agnoscentibus. Michalouiense autem territorium est in satrapiâ Culmensi, Masouiae ac Dobrino finitimu: olim pars Masouiae. Ducalis vero Prussiae, præter regiam Prussiam, limes est à septentrione mare Sarmaticum cum lacu Curoniensi, & ora Liuoniæ: ab ortu Samogitia, cæteraq; Lithuania: à meridie vero Masouia. Satrapiam ea nullam habet, præfecturas plurimas. Russiæ, quam rubram nonnulli vocant, latere occidentali minori Poloniae iungitur: à septentrione Russiam albam & Volyniam habet: ab austro Vngariam, & nonnullam Moldauiæ partem attingit eo tractu terræ, qui Pocuce appellatur. Nam cætera Moldauiæ

siue Valachia, qua Podolia quoq; iungitur, magis est orientalis Russia. Continet Russia duas satrapias, nempe Belzensem, quæ ad Volyniam & Lithuaniam vergit, & eam, quæ peculiariter Russica & Leopoliensis dicitur, australem magis & orientalem: nisi quod Chelmenfis tractus eius non exiguus ad septentrionem, etiam ultra Belfensem prominet, & Podlassia finitimus est. Reliquum autem orientale latus eiusdem Russiae, ac totius regni Poloniae claudit Podolia, ab aquilone & euro albæ Russiae, à cætero ortu vastis campis Tartaricis ac Turcicis, à meridie vero Moldauiae continens: totaque vna satrapia censetur, quam Podolicam vocant. Hi nunc sunt Poloniae fines, hæ partes.

Est autem regio tota fere plana & aprica, maxime qua ad occidentem solem ac septentrionem vergit, & quæ penitus orientalis est, Podolia, ac vel nomine ipso decliuitatem præ se fert vicinorum Moldauiae, Russiae, & Vngariae montanorum intuitu. *Polonia seu lum quale.*

Minor Polonia itidem atque Russia, quo propius accedit ad fines Vngariae, hoc magis montana est & syluestris. Quo longius autem inde recedit, eo lenius decliuus est, magisque culta & meliore gleba. Tamen in meditullio quoque Sendomiriensis satrapia aliqua ex parte leniter cliuosa est. Prussia pleraque omnis excepta Mariæburgensi satrapia, qua ad Habum & mare vergit, collibus molliter, & ad fertilitatem amoenitatemque comode distincta est: itemque pars nonnulla Cuiavie.

Montes Sarmatici, qui Polonia & Russia ab Vngaria dirimunt, ardui & syluestres, non ignoti et sunt veteribus Geographis & Historicis: & in his celebris est imprimis Carpathus. In meditullio vero minoris Poloniae Lysecius est siue caluus, *Montes Polonici.*

in quo monasterium est S. Crucis, & Vauelus arce Cracouiensi, quæ suo ipsius nomine nobilior, & is, in quo situm est, Czenstochouiese monasterium, quæ clarum latine Monachi incolæ appellauere. Syluestris sane fuit superioribus temporibus pleraque omnis Polonia: sed nunc ubique diligenter excolitur, frugum leguminumque ferax, & pratis abundans. Nec tam deest et nunc sylvarum copia: non enim ea penitus exciditur & extirpatur, partim propter pascua & mellificia, partim propter

aedificiorum materiam, & ligna mitigando frigori necessaria. Tanta enim est vis frigoris interdum, ut radicitus arescant arbores, & aqua ex editiori loco effusa, priusquam terram contigerit, in glaciæ concreseat. Lacus quidem, & paludes, & flumina duobus tribusue mensibus hybernis, nonnunquam autem vel in quintum ac sextum usque glaciæ concreta, non modo peditibus, verum etiam equitibus, & curribus, ac plaustris quamuis oneratis, multis simul longo spacio peruia & secuta præbent itinera. *rbertas.*

In tanta autem cæli intemperie pomaria tamen sunt non infrequentia & fructuosa, ad Vistulam præsertim, & in suburbanis Cracouiensibus, Sendomiriensibus, Varfauiensibus, Toruniensibus, Gedanensibus, Elbingensibus, ite Vieliscensibus & Bochniensibus, licet remotioribus à Vistula, totoque tractu submontano ac

Sciriciensi, quibus pyrorum, pomorum, prunorum, persicorum, cerasorum, ac nucum bonitas varietasque certat cum Vngaricis & Italicis. Sunt & vites, quarum vuae in minori Polonia esur quidem non insuaues sunt, præsertim, si æstas & autumnus temperie suæ feruent: sed vinum inde expressum acerbius, ubi defecatum est. Nec metalla fossiliaque desunt in montanis: plumbi quidem intermixto argenteo apud Ileussum, Sclauconiam, Chranouiam, & Nouagoriam oppida satrapie Cracouiensis, & in finibus Silesie: argenti vini apud Tustanum in Russia: aris & lazurii, & plumbi item apud Chencinos: ferri in plurimis locis syluestribus: nitri apud Visciam, & alibi: salis apud Bochnam & Vieliscam in satrapia Cracouiensi, & apud Haliciam, Colomeiam, Solum & aliis compluribus in locis Russiae. Ac in Russia quidem id ex aqua è profundis puteis hausta decoquitur, & partim in modum farinae vel niuis minutum

relin-

relinquitur, partim in frustula conformatur : in tractu vero Cracouiensi, partim lapidea duritie solidum instar ingentium saxorum & rupium in subterraneis specubus alte lateq; excauatis, & villas, templa, oppidaq; superædificata sustinentibus, ferro excinditur, comminutumq; deinde & mola tritum, ad usus hominum accommodatur, partim & ipsum ex aqua iniectis lapidei salis frustulis & quisquiliis, quæ secantibus id abraduntur, decoquitur. In maiore quoq; Polonia apud Pinscum salinæ sunt, verum tenuiores. Sunt etiam in confinio Osuiecimensis territorii & Scepusii aquæ falsæ, vnde sal coctus Regi exhibetur, salinæ tamen nullæ sunt. Porro in desertis Podoliæ & Borystheni vicinis locis lacus est, cuius aqua sereno & ardente sole in solidum salem concrefcit, ita vt homines cum iumentis & curribus in eo, tanquam in glacie versentur, sectumq; in frusta arbitrato suo auhant: quamprimum autem pluit, soluitur illa glacies non sine periculo insistentium. Apud Bieczum vero in submontana regione vitreolum effodi, ac in viridem lapideamq; duritiem decoqui nuper cœpit. Marmor quoq; & Alabaster quibusdam in locis effodiuntur. Est in maiore Polonia prope Sremum oppidum collis, vbi ollæ, amphoræ, cacabi, & aliarum figurarum vasa fictilia sponte nascuntur, & sub terra effodiuntur mollia, in aerem autem prolata durescunt. Porro in mari Sarmatico Prussiam alluente colligitur succinum, quod fluctibus appulsum ad littora homines nudi obuiam euntes paruis retibus excipiunt, & extrahunt, molle primum, sed mox in aere durescit, tornoq; ac scalpro varie conformatur. In lacubus quoq; nonnullis à mari remotioribus id reperitur: vt in Pissia Episcopæ Varmiensis, modicum tamen.

Fluuii.

Aquis irrigua est pleraq; omnis Polonia, sed fluuios nauigabiles non multos habet. Præcipui sunt Vistula, Donaicius, Sanus, Veprus, Varta, Noteffius, Nester, Prutus, Bugus, Bohus, Pripetius, Narua, Dreuantia. Vistula in Tschinenfi tractu è Sarmaticis montibus exoritur, & per minorem Poloniam decurrit, Masouiam interluit, Dobrinum à reliqua Ciciauia dirimit, ac Prussiam mediam diuidit. Supra Mariëburgum autem in duos alueos sectus, insulam insignem & fertilem, quæ Zulaua maior dicitur, efficit, nomineq; amisso, sinister quidem alueus Leniuca, dexter vero Nogatus vocatur: quorum hic in Habum lacum tribus ostiis, ille vero duobus, partim in eundem Habum, partim in mare Balthicum se exonerat. Nieper, Borysthenes antiquis scriptoribus, in Moscouia ortus Albam Russiam, eiq; confinem Podoliam alluit, & in pontum Euxinum apud Ociacouiam munitionem Tartaricam exoneratur. Donaicii fontes in iisdem Sarmaticis montibus sunt, non longe à Vistulæ: hic per Scepusium & submontanum tractum decurrit, & Popruto auctus non longe ab Opatouecio vico Vistulæ miscetur. Sanus è Biesciade monte oritur, ac versus septentrionem & occasum æstiuum profluens, exceptis Liesco, Sobeno, Sanoco, Brozouia, Premissia, Radimno, Iaroslauia, Lezeisco, aliisq; torrentibus quam pluribus apud Sendomiriam in Vistulam se exonerat. Varta apud Cromolouiam originem habet, & per Siradiensem tractum ac maiorem Poloniam versus occasum æstiuum labitur, multa oppida præterfluens, aliquot fluuios minores excipiens, apud Costrinum in Oderam influit. Noteffius è Goplo lacu apud Crusuiciam scaturiens, per maiorem Poloniam versus occasum currit, Pacossum & alia quædam oppida atq; arces alluit. Nester in Russia è Sarmaticis montibus oritur, & Bistricia, Lipa, Sereto Russico, Sbrucio, Smotricio, & aliis quibusdam fluuiis auctus, multa oppida præterlapsus infra Po-

euce à Valachia diuidit, & super Bialogrodum urbem Turcicam in Pontum Euxinum influit. Bugus in Russia non longe ab Olesco oritur, receptis Rata & Muchauecio fluuiis, Naruæ è Lithuania profluente miscetur, qui apud oppidū Nouiduorum in Vistulam infunditur. Naruæ hoc est peculiare, quod venenata animalia auerferetur, adeo, vt serpentes, qui nauibus Bugo delatis adhæserint, edito sibilo refugiant, quamprimū flumen illud attigerint. Priperius in Chelmenfi tractu de palude quadam principium fluxus habens, postquam Styry, Turum, Slucium, Suiflocium fluuios admisit, in Nieprum siue Borysthenem supra Kiouiam se præcipitat. Bohus in finibus Podoliæ è palude oritur, & per Russiam albam ortum versus longo fluxu in Borysthenem non longe ab ostiis eius decurrit. Prutus in montibus Sarmaticis fluens per Valachiam siue Moldauiam in Danubium effunditur. Dreuancia non longe ab Alba & Pafsaria oriens supra Toruniam Vistulam subit.

Lacubus piscosis abundat in primis Prussia, in his nominatissimus est *Lacus*. Habus, quem etiam recens mare vulgo vocant: ad quindecim milliaria in longitudinem inter Gedanum & Regiomontum secundum mare patens, & ab eo angusta insula, quæ Neringa appellatur, disinctus: in latitudinem vero duo milliaria plus minus. Hoc aliquanto amplior lacus alter est eodem nomine, cognomento Curonienfis, in Prussia ducali, in quo sunt ostia Nemenis fluuii siue Memelæ per Lithuaniam defluentis. Inter hos duos Habos & mare peninsula est, quæ & ipsa Neringa sed Curonienfis appellatur, atres & oppida continens. Secundum hos est Drausenius lacus in Mariæburgensi satrapia, vnde Elbinga flumen profluit: Partecinus, Lubnus, Reufina & Vicininus in Culmenti: in Pomeranica vero Stuorzonagaci (quod stratum vel factum aggerem significat) inter Choiniciam, Slochouiam, ac Tucholiam septem milliarium spacio longus, quinque latus: vnde Berda fluuius profluens, per Crempscum, Lubonum, & Chariscouum minores lacus in Vistulam influit infra Bydgostiam. Nec ignobiliores his sunt, Vfdice, Lubscus, & Ossiecinus in eodem tractu. Sunt & in Varnienfi ditione non pauci, præcipue vero Dadaius, Zainus, Vadangus, Pissia, Blanke, Sinsel, Lingenaus, Lemanglus, Elbingus, & alii complures. Sunt & in ducali Prussia multi & grandes. Habet & maior Polonia & Cuiavia nonnullos piscoscosq; in quibus Goplus princeps, quinque milliaria patens in longum, semis in latum: post hunc sunt Blendnus, Pouizus, Slesinus, Sanus, & reliqui non pauci. In Cuiavia vero Tur, Lanscus, Bielscus, Luborinus, Orlie, Berdouus, Borimouus, Creuianta: & in Dobrinenfi tractu Gorznus, Mocouus, & Scamscus, minores aliquanto superioribus. Pro lacubus minor Polonia, Silesia, *Piscina*, Russia, ac Podolia piscinas habent arte manuq; factas permultas & grandes. Non carent tamen & lacubus, Lublinensis maxime & Chelmenfis tractus, è quibus Biale, hoc est, Albus, per antiphrasin dictus, cum aqua eius sit nigerrima, qua Aprili & Maio mense lauantes redduntur fusci, pisces profert pinguiissimos, qui brasmi siue clesci vocantur. De Krinice Belzensis tractus lacu mirabile illud est, quod narratur, eum certis temporibus altero vel tertio quoque anno exhauriri, cum mugitu quodam fluctuans ad fundum vsque, in vicinorum montium cauernas aqua, quæ aliquot diebus post refluit, se influante: atque ibi facilis tum est piscatio. Sunt autem eadem genera piscium in lacubus & piscinis. Vtrobique enim sunt lupi siue lucii, prafmi, perca, rhombi siue carassii sumi, sendacii, certæ, tineæ, anguilla, ruboculi, carpiones.

Pisces.

Ferunt etiam lacus nonnulli eos, quos fuluizas siue Marenas vocant. Fluuiatiles vero sunt cum iisdem fere omnes, tum delicati inprimis, truta, barbo siue mullus, fundulus, oculata siue lampreta, alosa siue borbocha, Polonis Mientus, cuius iecur potissimum est in deliciis, itemq; alii complures, qui latinis nominibus carent. Cancris & anguillis abundat inprimis Nida fluuius Pinczouiam, Visliciam & nouam ciuitatem præterfluens: Anguillis etiam & Stintis Habus, & alii nonnulli lacus Prussici. Marinis piscibus non admodum abundat ea regio: nobiles præcipue sunt haleces, quorū sale conditorum maximus est vulgo vsus in tota Polonia, Lithuania, Silesia, Boemia, Morauia, & Hungaria. Non desunt pomochlæ, neq; passerēs, salmones siue esoces, & sturiones vtrobiq; præhenduntur: sed è mari sursum fluminum certis temporibus enatant, transilientes obstacula, in quibus etiam insidiosis capsis collocatis capiuntur. Tanto autem sunt suauiores, quanto longius à mari & Habo recesserint.

Fera.

E ferarum animantium genere fert hæc regio copiam leporum, dorcarum, sciurorum, cuniculorum quoque alicubi: ceruorum etiam & aprorum, visorum, & luporum. Inprimis vero Nepolomicensis & Radomienis saltus nobiles sunt ceruorū venationibus. Horum autem & onagrorum ac bisontiū Prussia ducalis, eiq; finitima Massouia ferax est, & inprimis Podolia: vbi agminatim in campis non modo hæ fere, sed etiam feri equi pascuntur. Ferunt etiā capreas montana loca Vngariæ finitima. Caterum vti, hoc est, boues syluestres in solis Masouiticis syluis apud Vyskitcos extant, & harum quidem ferarum carnes aptæ sunt humano esui. Cultui vero pelles subministrant panthera, martes, vulpes, lupi, Rosomaci, lutræ, & castores, quorum caudæ etiam inter delicatos cibos, & pro piscibus habentur, reliqua carne inutili propemodum. Visorum quoq; volæ cum digitis comeduntur: pelles etiam stragulæ vestis vsū præbent. Cuniculi, lepores, & sciuri cultui iuxta & esui apti sunt. Sunt etiam in Podolia animalia sciurorum vel cuniculorum magnitudine in cavernis degentia, varias & maculosas pelles habentia, quæ ipsa ad vestitum & pallia sceminarum expetuntur, Crzecicos vulgo vocant. Omni autem genere ferarum magis abundat Lithuania propter vastitatem syluestrem. De iumentorum genere, bobus & equis abundat Polonia: camelis, asinis, & mulis caret: aliunde ii nonnunquam adducuntur, sed non diu durant. Ouium item & caprarum ferax est. Anium quoq; magnam habet copiam. Præter ailes autem, nempe gallos gallinaceos, domesticos iuxta ac Indicos, (qui nuper adeo inuecti sunt) anseres, anates, & columbas: in deliciis hæ sunt, Pygargus siue bistarda, pauo, grus, cygnus, perdix, bonosa, coturnix, sturus siue starnus. Et missis rapacibus aquilis, falconibus, accipitribus, miluiis, vulturibus, nisis, ardeis, & multis aliis, minorum quoq; auicularum aptarum esui ingens est copia. In his nobilis inprimis ea, quæ in solis fere Louiciensibus campis cum niue existit ac disparet, auicula passere non multo maior, quæ à niue Sniegula dicitur. Turdus rarior est, itemq; Pardua auis sylvestris, gallina non multo minor in campis Russicis ac Podolicis, in quibus etiam reperiuntur coturnices virentibus pedibus, quarum vsus spasmodum inducit.

*Aues.**Polonica lingua.*

Genti Polonæ sicut origo, ita & lingua communis est cum Bohemis, Russis, Moscis, Morauis, Silesiis, Cassubiis, Croatis, Bulgaris, Rasciis, Serbis, Illyriis, & vniuerso nomine Slauico: tamen dialectis ea tam varia est, vt nonnulli ex his populis egre & vix se inuicem intelligant. Caterum ab omnibus aliis linguis

linguis ea prorsus diuersa est, nisi quod multa instrumentorum, operum, & aliarum rerum ad opificia & communem vitam pertinentium vocabula à finitimis & priscis incolis Germanis mutuata est. Suntque hodie non modo mercatores & opifices Germani multi, sparsim in vrbibus habitantes, verum oppida pene tota & pagi pleni vrentium lingua Germanica in submontana regione, eiq; finitimis Russiæ & Scephusio, iteq; in extrema ora maioris Poloniæ, deductis eo, sicut & in Silesiam, & in Prussiam quodam tempore Germanorū coloniis, ac multis de plebe compēdii sui causa subinde immigrantibus. Quin & equestres quædam familiæ antiquitus è Germania ducunt originem. Cui rei argumento sunt stemmata siue insignia, & eorum nomina. Sed iam ii, atq; etiam oppidani & pagani diuturnitate temporis ac domicili, & connubiis magna ex parte in Polonos transierunt. Libenter autem & Poloni propter multū vsum ac commercia cū Germanis discunt linguam Germanicā: libentius etiā Latinam propter sacrorum ritus & sacerdotia, scribendiq; vsum, qui vulgarissimus fuit antiquitus, hac lingua cum in priuatis scripturis & epistolis, tum in actis publicis, ac diplomatibus, mādatis, edictis, decretisq; Principū, & omnī iudicum ac magistratū. Polonica enim lingua neq; tam copiosa est, quam alie, neq; scriptu lectuq; facilis. Sed Pruteni cum maxima ex parte Germani, aut è Germanis oriundi sint, in conscribendis actis iudiciorum Germanica lingua magis vtuntur vulgo, mixtim Polonica & Germanica loquentes. In Russia meridionali præsertim iam fere vsitatio est Polonica dialectus, quam vernacula, ex quo gens ea Polonorum cessit imperio, Polonis propter vbertatē soli & militiam aduersus Tartaros libenter ibi figentibus domicilia. Sunt etiā in Russia Podoliaq; Armeni, mercaturā exercētes: Iudæi vero longe frequentiores, etiā in cætera Polonia, præter Prussiā, sparsim oppida ac vicos incolētes. Vtriq; sua lingua vtūtur, sed & Polonica & Russica: Iudæi vero passim & Germanica.

*Habitandi
ratio in Po-
lonia.*

*Vrbes &
oppida.*

Habitant autem Poloni pagis & vicis potissimum, atque etiam oppidis, quibus fere castella & arces adiunctę sunt, dominorū ac præfectorū domicilia. Vrbes munitas nō multas habet & cultas, princeps est Cracouia in minore Polonia, Regum & Regni domiciliū, quæ habet Academiam omnīū disciplinarū ac doctrinæ studiis & professione florentem. Secundum hanc sunt haud ignobilia oppida in eadem minore Polonia, Lublinum externarum gentiū Christianarum iuxta ac barbarorum emporio nobile: deinde Sandomiria, Sandecia, Tarnouia, Bieczum, Vislicia, Ilcussum, & Osuiecimum in Silesia. In maiore Polonia Posnania est æmula Cracouiæ, commerciis itidē, & emporio Germanorum excultra. Post hanc sunt Calissia, Gnesna vetustate & Archiepiscopi sede basilicaq; nobilis, Vschoua siue Fraustadia, Costenum & Slupcia. In Russia Leopoldis vrbs satis munita, duas arces adiunctas habens, emporio, ciuiumq; elegantia ac humanitate florens, ac sede alterius Archiepiscopi non ignobilis. Præmissa quoq; arce munita, & duob. Episcopis, Romano & Russico, cohonestata est. Chelma quoq; itidem duos habet Episcopos, sed propter oppidi immuniti infrequentia, Tartaricalq; excursions, Romani Episcopi cathedra Crasnostaniā translata est. In Podolia Camenecia est vrbs arte naturaq; loci permunita, quę & ipsa suū habet Episcopū. In Masouia Varsovia, sedes olim & colonia Auarinorū populorū: deinde Ploscū basilica nobile & Episcopo, eiq; Episcopi oppidū Pultauia cū arce, & Lōza. In Cuiavia sunt Bresta & Vladislauia sedes & oppidū Episcopi cū arce. In Prussia Gedanū vrbs trib. oppidis coagmētata, portu, naualib. ac horreis nobilis: copia & varietate mercimoniorū

partim maritimorum ex toto occidente & septentrione, partim terrestriū ex diuersis mundi partibus, & fluuiatiliū maxime Vistulæ præterlabentis opportunitate abundans; munitione firma, ciuium, & conuenarum industria ac diligentia culta. Gedano proxima dignitate est Torunia olim emporio & rebus omnibus florentior: sed Gedani incrementa eā non paruis detrimētis affecere, & infrequentem reddidere. Quod ipsum itidē Culmæ prius vsu venerat. Quæ ciuitas ea dignatione fuit antiquitus, vt ab ea cætera omnis Prussia, atq; etiam Masouia, pleraq; ius peteret, quod inde etiam nū Culmen se dicitur. Nunc pareret Episcopo, qui inde nomen habet. Elbinga etiam Prussiæ est vrbs gemina, permunita ac copiosa, nisi quod ei officit ab altera parte Gedanū, ab altera Regiomontū. Regiomontū ducalis Prussiæ caput, tribus oppidis & arce magnifica, quam Pregola fluuius interfecat, & vno ferme milliaro infra ea in Habū influit. Minoribus item oppidis frequens est admodum vtraq; Prussia, & quidem nec incultis, nec immunitis. In regia primum est Mariæburgum, cum ipsum per se mœnibus turtibusq; permunitum, tum arce amplissima & munitissima clarum, situm ad Nogatum brachium Vistulæ. Mariæburgo non multum cedit Heilsberga Episcopi Varmiensis domicilium. Brunsberga quoq; oppidum geminum, permunitum, frequens & copiosum. Habet & alia plurima oppida mœnibus cincta, & arces validas beneq; ædificatas, quæ hic singula enumerare non necesse est. In cætera quoq; Polonia nō infrequentia sunt oppida pleraq; sine mœnibus, nec nisi ligneis ædificiis præter templa & castella siue arces adiunctas. Sunt itē arces in editioribus locis ac rupibus extructæ, nullis adiunctis oppidis. Sunt & monasteria ad munitionem pariter & cōmoditatem habitatorum exedificata, & vicis pagisq; non longe distantib. frequētata.

Pagi. Pagi pleriq; omnes, ad lacus, riuos, & flumina siti sunt, sparsim duplici vt plurimū ordine disiectis agrestium domiciliis. In his casæ sunt lignæ vel luteæ, humiles pleræq; omnes stramētis, nonnullæ asserculis intectæ, præter prædia domosq; dominorum, quæ ampliores sunt & cultiores. In Prussia tamen agrestes minus inculte habitāt: oppidani vero cultius & lateritiis fere domibus interiectu trabiū firmatis, & ad omnē cōmoditatem instructis. Vrbes longe sunt cultiores, nisi quod habēt domos angustiores: cætera vero Poloniae vrbes primariae laxioribus domibus, nec minus cultis habitātur. In quib. cū Germani mercatores superiori ætate lateribus ac lapidibus elegantius ædificare cœpissent, nunc Poloni quoq; eodem studio tenentur. Hypocaustorum maximus vsus est in tota Polonia maiore anni parte, sicut & balneorum ex calefactorum. Vestium genus neq; vnum est, neq; certum, aut suum cuiq; ordini, conditioni, ætati, & generi hominum: sed exoticis delectantur plurimi.

Vestitus.

Victus ratio. Victus gentis vulgo agrestis, præsertim succidia, lactariis, pisciculis, oleribusq; potissimū constar. Vrbani ac Nobilitati victus est lautior, mensæ cum altilibus tum feris animalibus, auibusq; & piscibus lautis instructæ: in quibus permagnus est aromatum vsus. Nec desunt bellaria, aliæq; lautitiæ, cum domi nata, tum exoticæ. Triticei panis vinique vsus non ita pridem inoleuit apud lautiores. Nunc quidem vtroque multum vitur etiam vulgus in conuiujs: nec obstat precium. Cæterum siliginei panis & cereuisiæ promiscuus vsus est in tota Polonia. Fit autem cereuisia, in Prussia quidē ex hordeo, in cætera vero Polonia etiam è tritico minutatim molito, & aqua decocta cū lupulo. Admiscetur nonnunquā tritico siligo, vel spelta, vel auena. Mel quoq; itidē cū lupulo aqua decoctum in frequenti vsu est, Russis præsertim & Podoliis, apud quos

quos permagna est apum & mellis optimi ex dictamo & aliis bene olentibus herbis ac florib. collecti copia. Nec Lithuanis, Prutenis & Masouis mel deest, qui & ipsi itidem id decoquunt, medonem vulgo vocantes. Color hominum fere candidus est, capillus flauus, vel magis albicans: statura mediocris, aut mediocrem paulo excedens, habitudo corporum succulenta, nisi quod foeminis, & maxime puellis nobilioribus, vrbaniſque studium est, vt se iunceas red-
Corporum habitudo.

Ingenia Polonorum sunt aperta & candida, & falli, quam fallere magis apta: non tam irritabilia quam placabilia, imo tractabilia, si placide tractentur. Exemplis aut inprimis ii comouentur, & sunt principibus ac magnatibus suis satis morigeri. Ad comitatē, ciuilitatē, benignitatē ac hospitalitatem prompti, ita vt ignotos & externos non modo libenter suscipiant hospitio, sed & inuitent, & omni officio prosequantur: & non modo ad conuictum ac familiaritatem quorumlibet faciles, sed etiam ad mores & imitationem eorum, cum quibus viuunt, externorum praesertim flexibiles. Iuuentutis laxior est educatio: sed ea naturae bonitate compensatur: ad scholas quidem mittere mares liberos, & Latinis literis teneram aetatem imbuere, omnibus pauperibus iuxta ac diuitibus, Nobilitati ac plebi studium est. Puellae quoque nobiles & urbanae vel domi vel in monasteriis vernacula, imo & latina lingua legere & scribere discunt: adultiores puellae quidem rei familiaris culinariae praesertim & pecuariae curandae, lanificioque seu linificio potius atque textrinae, & acu pingendi arti manus admovent: mares vel agriculturam, vel opificio cuiuspiam, vel mercaturam, vel magistratum & procerum, sacerdotumque opulentiorum ministeriis sese addicunt. Multi domi cum parentibus vitam degunt, eosque in re familiari curanda subleuant, ac decedentibus iis, patres familias facti, rem suam agunt. Complures libenter peregrinantur, dispendiorum rei familiaris negligentes, egestatisque & omnium, quae peregrinantes consequuntur, incommodorum tolerant. Externa enim magis quam domestica admirantur. Itaque linguas earum gentium, ad quas peruenerint, cupide & facile discunt: quinetiam in victu cultuque corporis & moribus noui aliquid peregre afferre student, indeque laudem elegantiae quaerunt. Sunt autem docilia hominum ingenia, & valent, quocumque intenduntur, sed alienis inuentis perdiscendis ea magis accommodant, quam vt noui aliquid ipsi excogitent, & excellere magnopere vlla re studeant. Non tam autem ad artes mechanicas tractandas Poloni apti esse videntur, quam ad studia doctrinae: nisi forte illas contempnere potius quam assequi nequiuerit. Externis quidem plerisque opificibus antiquitus vsi sunt, & vtuntur etiam nunc non paucis. Bonarum literarum ac doctrinae studia accuratius conſectantur, inprimis ii, qui his praesidiis ex humilitate sordibusque domesticis emergere cupiunt, aut qui sua vel parentum voluntate ad sacerdotium animos adiciunt. Rem porro familiarem diligentius curare non ita pridem, & eodem prope tempore, quo bellorum incommodis vacui, luxum splendoremque conſectari coeperunt. Sed in ea minor est vulgo partituendi ac dispensandi, quam acquirendi diligentia. Ad conuiuia & festas epulas conueniunt plerique vicini & amici inter se, ad vnum aliquem viri soli, vel pariter cum foeminis. Nec turpe habetur, puellas quoque interesse, & earum colloquia, conuiuia, choreasque à iuuenibus frequentari, parentibus earum cognatisque praesentibus: atque ita plurima contrahuntur matrimonia. Nec
Ingenia & mores Polonorum.
Educatio.
Studia.
Doctrinae studia.
Rei familiaris cura.
Conuiuia & compositiones.



raro in eiusmodi conuiujs similitates & inimicitiae abolentur, & vel dissolutae, vel nutantes amicitiae redintegrantur: quanquam intemperantioribus computationibus interdum cruentae quoque pugnae inter conuiuas & amicos accenduntur, iurgiis plerumque inter viliores seruos coortis. Potantibus enim dominis, nec illi à poculis arcentur: quin illiberalis cōuiuator habetur, cui curae non est, ut seruitia cōuiuarum bene pasta ac pota sint. Quo fertiliores enim hae sunt regiones, eo magis indulgent homines vulgo crapulae, prolixioribusque conuiujs ac computationibus, ita ut multi eum solum ducant fructum laborum ac diuitiarum suarum. Vigent autem passim inter mares computationes ad aequales haustus non solum in cōuiujs, sed etiam in cauponis, ad quas vulgus computandi causa conuenire solet: eoque prouecta est haec licentia, ut, quod profestis partu diebus est, festo die potando fere prodigatur. Atque inde fit, serpente potandi et profestis diebus & otii consuetudine & inertia, ut angustiore re familiari utantur multi, praesertim cum nemini curae sit, quid priuatus quisque gerat negotii, unde & quomodo se sustentet: & fructuosa etiam sit dominis & magistratibus illa potandi licentia. Etenim non exigua & tributorum & vectigalium publicorum ac priuatorum portio è cauponis corrogatur. Exolescit tamen sensim apud honoratiores illa ad aequales haustus potandi consuetudo, eorum studio, qui apud gentes politiores peregrinati sunt. In victu & potu, atque cultu corporis, vestiumque numero, varietate ac pretio maior luxus indies inualescit, inferioribus quibusque illustrium & nobiliorum exempla cupide amplectentibus, nullis autem legibus sumptuariis modum in victu cultuque corporis cuiquam ordini aut homini praescribentibus.

*Status &
ordines Po-
lonorum.
Nobilitas.*

*Nobilitatis
praerogati-
ua.*

*Nobiles
qui.*

Distinguitur autem populus Polonus partim genere, partim ex religione sumpro vitae instituto. Ac genere quidem in Nobilitatem ac plebem distribuitur: religione autem in sacrum & profanum, vel spiritualem & secularem statum & ordinem. Nobilitas Polona ad regimen ac defensionem ceterae multitudinis regionisque segregata est, atque inde, qui sunt huius ordinis, antiquitus milites, nunc equites ab equestri militia, cui sunt obnoxii, appellantur. Habet autem Nobilitas multas ac magnas praerogatiuas, quae partim Regum ac Principum munificentia firmatae sunt, partim moribus & institutis inualuere. Regi quidem ea soli fere subiecta est: iudicatur tamen ad praescriptum legum, & à magistratibus regni & regijs. E ceteris, priuatis praesertim, nemo Nobilitatem cum agris & pagis subiectam habet. Habet etiam Cracouiensis Episcopus in Seueriensi diuione: habet & Varmiensis, eiusque ipsius Ecclesiae collegium, & alii fortasse. Licet tamen homini nobili scultetiam siue aduocatiā in bonis alienis, paganis & oppidanis voluntate domini obtinere. Licet etiam priuati conditione in urbem vel oppidum cuiuslibet commigrare, saluis personae suae praerogatiuis, nisi is decus nobilitatis amittat. Nobilitas porro aestimatur genere & meritis, adiuncto vitae instituto. Habentur enim Nobiles, quorum maiores aut parentes virtutis ergo in eum ordinem allekti, militiaeque adscripti, ac gentilitio signo donati sunt, quique ipsi hanc meruere virtute sua. Sed praestabilius habetur, Nobilem natum esse, quam factum. Nasci autem Nobilem patre simul ac matre Nobilibus oportet legitimo coniunctis matrimonio: quanquam nec plebeia mater liberorum Nobilitatem minuit, dummodo pater sit Nobilis. Conferendi porro Nobilitatis potestatem solus Princeps habet: idque vel suo ipsius iudicio ac beneficio facit, vel interueniente testimonio, & quasi adoptione Principis

puta alicuius familiae virorum, stemma & gentem suam cum eo, qui ita creatur Nobilis, communicantium. Eiusmodi tamen creatis Nobilibus obtinere & possidere bona terrestria statuto quodam nouo non licet: sed posteritas eorum pari cum aliis natis nobilibus iure esse incipit. Amittitur porro nobilitas decreto Principis ob admissum dedecus & atrox aliquod facinus. Contaminatur etiam & abdicatur quodammodo, si quis desertis militiae & agriculturæ studiis, sordidum quæstum faciat arte mechanica, vel tenuiore ac minutoribus mensuris ac ponderibus vrente mercatura & cauponatione. Est autem pari dignatione Polonica omnis Nobilitas: nec est vllum in ea Principum, Marchionum, Baronum, Comitumque discrimen, exæquata quodam tempore omnium conditione. Ducum, qui peculiare haberent dominatus vel territoria, nunquam aliud genus fuit apud Polonos, quam id, quod à Boleslao Criuousto Principe propagatum fuit, cum is principatum inter liberos diuississet. Verum id iam defecit. Russi habuerunt antiquitus suos Duces, habent etiamnum Lithuani & Volynii. Neque enim subactis, vel in deditionem acceptis ea prærogatiua adempta fuit.

*Nobilitas
amissio.*

*Nobilitas
aqualis.*

Multæ sunt autem Nobilitatis Polonæ gentes, & quasi tribus, non locis & regionibus, verum signis quibusdam gentilitiis, eorumque appellationibus distinctæ, quæ singulæ rursus multas stirpes ac familias cognominibus & agnationibus distinctas complectuntur. Signa vero gentilitia siue insignia partim à rebus, quarum sunt notæ, partim ab euentu appellationem habent. Plurimorum ratio obscura est: nisi forte à primis conditoribus gentium ea sumpta sunt. Neque enim olim, vt nunc, ab arcibus, villis, & pagis, quibus dominabantur, denominabantur Nobiles, sed vndelibet sumpta aut indita nomina, ad longam posteritatem, amisso etiam vel commutato patrimonio, recte trans mittebant. Qualia supersunt etiam nunc multa, cum alibi, tum in submontano & Sciricenli tractu, & in Russia. Nunc malunt plerique de arcium, oppidorum, & pagorum nominibus deflexa paululum per denominationem in ski vel ki voce appellari. Interdum autem sine hac deflexione vel adiectione arcis, vel oppidi, vel pagi nomen, vnde quisque ortus, vel cuius dominus est, cum præpositione, de, vel, à, vel in cognominis loco vsurpatur, à magnatibus præsertim, & Nobilioribus.

*Gentes &
familia nobi-
les vnde
appellata.*

Habitat veto Nobilitas antiquitus sparsim in agris, in sua quisque villa, vel arce, rem familiarem operis ac laboribus adscriptiorum suorum vel mercenariorum curans, & agricultura, gregum, armentorum, & apiariorum fructu, itemque venatione atque aucupio non modo sustentans sese cum domesticis suis familiis, sed et honestas diuitias cõparans, vendēdis iis, quæ supersunt vsui domestico, quæque defunt, inde vicissim comparandis. Matres familias autem & puellæ Nobiles lanificium & linum, cannabimque & rem pecuariam tractantes, non dedecet vendere ea, quæ ex huiusmodi re familiari & fructibus eius supersunt vsui domestico. Quin & culinæ curam exegerunt, exceptis illustribus, ac senatoriis, quæ hæc pleraque dedignantur, aut pedissequarum opera peragunt. Iter facientes, fœminæ quidem vehiculis aut curribus vehuntur: mares vero vel iisdem, vel equis potius: pede strein incedere per viam longiorem præsertim, minus honorificum vulgo habetur, nisi paupertas necessitatem imponat. Prodeuntem in publicum nobilem virum iuxta ac fœminam affeclis maribus, fœminā vero etiā puellis pede quisque stipari honorificum habetur. Et in eum vsu alit quisque, domi suæ famulitium pro modo facultatum, idque simile

*Nobilium
habitandi
& viuendi
ratio.*

figura

figura & colore vestium, non sine sumptu & luxu vestiri vſitatum est. Aluntur & equi complures. Equitantem enim aut vehentem dominum famuli honoratiores non nisi per urbem, vel ad suburbana pedestres asſectantur. Ac Senatores quidem pedestres iuxta ac equestres, medii fere inter asſectas mares incedunt, honoratioribus antecedentibus, cætera vero turba cum pueris subsequente. In cætera nobilitate asſectæ omnes sequuntur heros. Matronas autem & puellas nobiles mares quidem antecedunt, fœminæ subsequuntur, præter filias, & quæ in filiarum loco habentur, ac sorores puellas, quæ secundum antambulones proxime matrem vel sororem præcedunt. Nec desunt nobiles iuvenes, qui vel studio ciuilitatis prudentiæque vſu rerum comparandæ incitati, vel tenuitate fortunarum adacti, vel præsidii contra vim potentiorum sibi suisque comparandi causa, non modo in magnatum & Episcoporum, sed etiam in parium ac inferiorum nonnunquam, eorum præsertim, qui magistratum gerunt, aut aliquo sunt numero in aula Regis, aut opibus, industria, eruditione, gratiaue populari valent, ministerium parua vel nulla mercede à parentibus & propinquis traduntur, vel ipsi sese addicunt: duratque ea ministeriorum præstatio, quoad vtrique hero siue patrono, & ministro siue clienti placet. Multi etiam de ditioribus necessariorum & amicorum liberos pio quodam ac honesto iuuentutis educandæ studio vltro sibi in familiaritatem ac ministerium adſciscunt. Ad eundem modum & fœminæ fœminis famulantur. Nec ignominiosum est hoc genus ministerii, sed liberale & sociabile: nec rara est in eo vicissitudo, ita vt cum quis habeat in ministerio, cuius parentibus ipse seruiuerit, honestaque habetur hæc iuuentutis nobilis educandæ ratio, æquabilitatem quandam etiam in æqualibus fortunis continens. Ac multos ex humili loco ac tenui fortuna non modo ad mediocres, sed etiam ad summos nonnunquam honores, amplissimasque opes ipsorum virtus, minorumque beneficentia prouehit, idque maxime conciliandis luculentis coniugiis, vel sacerdotiis. Honestatis magna semper à Nobilitate ratio habita est: fraudem facere, promissum fallere, peierare, mentiri, probrosum & infame semper habitum est, atque etiam nunc habetur. Quod si quid eiusmodi in probri loco cuiquam obiciatur, præsertim ab eiusdem ordinis viro, non tam legibus & magistratuum iudicio & autoritate, quam ferro manuque vindicatur. Dissimulare quidem probrosum habetur: loci tamen ratio ducitur.

*Nobilitatis
studia.*

Plebs. Plebeis minor est cura dignitatis ac pomposæ ambitionis, exceptis urbanis fœminis, quæ & ipsæ bene cultæ, ac pedissequis comitatæ incedere student. Vita autem laboriosior tam mulierum quam virorum, nullo fere sexus discrimine, nisi quod fœminæ opificia non exercent, neque vecturam, neque negotiandi gratia peregrinantur: vicina tamen oppida intra fines Regni adeunt, domique negotiantur. In plebe autem numerantur, quicumque nobiles non sunt, siue sint agricolæ, olitores, apiarii, & pecuarii, siue opifices & operarii, siue propolæ, vectores, ac mercatores, & siue in agris, pagis ac vicis vitam degant, siue in oppidis ac urbibus. Ac vrbes quidem & oppida à mercatoribus, opificibus, ac propolis habitantur: vici autem, & pagi, & suburbana prædia ab aratoribus, olitoribus, pecuariis, & apiariis. Caupones verò, molitores, operarii, vectores, iumentorumque locatores, vtrobique sunt. Sunt autem aliquanto meliore conditione urbani & oppidani, quam agrestes. Ac censum quidem annuum vtrique dominis suis pensitant, verum agrestes & vicani plerique omnes, operas præterea gratuitas ad colendos eorum agros, & alios vſus domesticos, non solum

*Urbanorum
& agrestium
discrimen.*

solum manuiarias, verum etiam cum iumentis ipsi, per se, vel per mercenarios & operarios suos præstant. Nec alio cuiquam commigrare inconsulto domino licet: ita ut videantur esse glebæ adscriptitii, nec multum à seruis siue mancipiis differant, præsertim ut nunc sunt tempora. Cmetones vulgo vocantur. His autem deretiore conditione sunt hortulani, qui hortos colunt. Vtrique Chlophi appellantur. Habent sane in eos domini vitæ necisque potestatem, præter eos, qui ab ineunte ætate literarum studiis, sacrisque se addixerunt. In plebe urbana non desunt, qui rem lautiorē per famulos ac vicarios administrantes, ipsi otio, honestioribus studiis, vel delitiis vacant. Multi lautius & sumptuosius victitant: atque inde crescunt rerum pretia, & non pauci ex iis ad egestatem rediguntur. Et hæc de Nobilitate ac plebe suffecerint. Sequitur ecclesiasticus ordo.

Est autem certus ordo eorum hominum, qui religioni sacrisque peculiariter vacant, & inserviunt, non genere, sed eorum, penes quos eius rei potestas est antiquitus, Episcoporum scilicet, autoritate, segregatione, & consecratione à reliqua omni multitudine distinctus. In quo non modo Episcopi ac sacerdotes, sed etiam ceteri sacrorum administri, & Monachi Monachæque censentur, è plebeio iuxta ac equestri ordine allekti. Vtrisque enim antiquitus iam inde ab initio patuit aditus ad hunc ordinem. Patrum demum aut auiorum nostrorum memoria ab episcopalibus non tam functionibus quam sedibus, & primariis quarundam opulentiorum basilicarum honoribus, quæ prælaturæ & canonicatus dicuntur, plebei (Theologis, Iureconsultis, ac Medicis aliquot exceptis) excludi cœpere. Quod iam ad Abbantias quoque ac monasteria, ubi ex professo mundana omnia abdicantur, inducitur. Secernitur etiam ecclesiasticus ordo vestitu ac cultu corporis à cætera multitudine: sed inter se non modo à cæteris sacerdotibus Episcopi, & ab utrisque Monachi, verum etiam ipsæ inter se Monachorum & Monacharum sectæ partim figura, partim colore vestium, partim toto vitæ instituto distinguuntur. Quæ, quoniam communia sunt Polonis cum cæteris Christianis populis, persequi hic prolixius necesse non est.

Ecclesiasticus ordo.

Ecclesiastici ordinis distinctio.

Distinctis ordinibus, reliqua rei familiaris Polonicæ ratio paucis proponenda. In magna rerum omnium copia, ut fit, maior aliquanto fuit superiori-
bus temporibus, quam nunc est, argenti & auri, rei que nummarie penuria, præsertim cum auri & argenti metalla nulla extarent, & minus nota essent Polonis transmarina mercimonia. Neque proprium habebant nummum Poloni, sed externis & maxime Bohemicis vsi sunt aliquandiu. Cœpit deinde ante ducentos annos à Casimiro Magno Rege Poloniæ æs & argentum signari ad Bohemorum exemplum. Aureos vero nummos primus omnium Sigismundus Rex nostra memoria signauit, bonitate & pondere Vngaricorum: tamen Alexandri Regis quoque fratris eius aureus nummus visus est. Sic autem creuit iam auri pretium, ut duplo nunc carior sit aureus nummus, quam fuit auiorum nostrorum memoria. Id adeo partim propter luxum ac crebriorem auri vsu, exportationemque ad externos, partim quia deterior nunc esse fertur reliqua moneta, cum ponderis diminutione, tum aris admixtione. Est autem ea multiplex. Ac grossus quidem argenteum numisma est cum admixto ære, olim vicesima octaua, nunc sexagesima pars Vngarici: sexagenæ sexagesima, marca quadragesima octaua, floreni tricesima. Sunt & minores grosso nummi. Medians quidem grossi dimidium, nona fere parte superans

Res nummaria.

*Mercimo-
nia.*

perans crucigerum Germanicum, sed iam exæquatus. Solidus tertia pars grossi, ternarius sexta, obulus vero decima octava. Atque hi quidem nunc ærei sunt in albati: superiori tempore habuerunt admixtum argentum, ut etiam nunc habent grossi & mediantes. Argentei vero sunt trigrossus ac segrossus, hic quidem sex, ille vero tribus grossis æstimatione par. Vtrumque primus signavit Rex Sigismundus primus. Sed iam pauci extant: exportantur enim & conflantur ab avaris Iudæis, mercatoribus, & argentariis apud gentes finitimas. Per magnus est autem etiam nunc apud nos usus externæ monetæ, quæ pro mercibus vndelibet importatur. Magna sunt enim nunc, si unquam alias, Polonis variarum rerum cum cæteris gentibus commercia: quanquam commutatione mercium permulta peraguntur. Exportantur autem imprimis siligo, triticum, hordeum, avena, & alia legumina, linum, lupulus, coria bouum, sebum, alutæ, mel, cera, succinum, pix, cinis, mali, asseres, cæteraque materies fabricandis navibus, & ornandis domibus apta. Ceruisia quoque & herba quædam tingendis lanæ ac serico idonea. Iam vero bouum & equorum magna vis non modo finitimis, sed etiam remotioribus populis suppeditatur. Ac equi partim propter pernecitatem, & laboris tolerantiam, partim propter molliorem incessum à remotioribus etiam populis expetuntur. Importantur autem vicissim aliunde panni non modo sericei & aurei, sed etiam lanei lineique subtiliores, aulæa, tapetes, & alia parietum, equorum, & hominum ornamenta, quorum opificia minus exquisita sunt apud Polonos, licet non desit materia, & aliis gentibus suppeditetur. Margaritæ item & gemmæ, & pelles zobelinæ, pantherinæ, hermillinæ, mardurinæ, murium ponticorum, vulpinæ, lupinæ, ursinæ, & aliarum ferarum, quarum maiorem copiam produciunt interiores Septentrionis Orientisque sylvæ: haleces quoque, & alia fassamenta, ac vento vel sole durati pisces marini. Ad hæc argentum, æs, orichalcum, & chalybs cum facta tum infecta. Bouum etiam copiam auget vber pascuis Valachia siue Moldavia, sicut equorum Vngaria. Vina plurima ex eadem Vngaria, ac Moravia: ex Austria, Rhetia, Slauonia, Italia, Creta & Græcia importantur etiam, sed pauciora. Gedanum autem Rhenense, Gallicum & Hispanicum, Canariense quoque & Creticum navibus aduehitur. Porro aromata, & varia eduliorum condimenta, ac cupediæ, quæ una cum vino & pannis aureis ac sericeis gentem hanc & Regnum vehementer exhauriunt, ab Oriente & Occidente importantur. Harum autem rerum atque mercium exportandarum, vel importandarum commercia sunt Polonis, maritima quidem cum accolis sinus Venetici, & Oceani Germanici, Pomeranis, Mechelburgensibus, Holsatis, Danis, Frisiis, Hollandis, Brabandis, & aliis Belgis, Gallis, Liouonibus, Moscicis, Suecis, Noruegiis, Anglis, Scotis, Hispanis etiam & Lusitanis: itemque per pontum Euxinum cum gentibus Turcicæ ditionis: terrestria vero cum Germanis, Morauis, Silesiis, Bohemis, Vngaris, Italis, Moldauis, Moscicis, Armenis, & Turcis.

*Monarchia
apud Polonos.*

Descripta Polonicæ gentis origine, terræ situ, populi lingua, moribus, & statibus hominum: iam Reipublicæ forma, & magistratuum ac munerum publicorum, quæ tam bello quam pace obeuntur, ratio breuibus est delineanda. Ex tribus primis & simplicibus Rerum publicarum formis, monarchiam siue unius principatû Poloni semper amplexi sunt, præter duo quædam tempora, quorum unum posteritate Lechi extincta: alterum itidem post Vendam in impe-

rium duodecim Palatinorum incidit, bonis plerumq; ac moderatis, & à tyrannide alienis vsi Principibus. Fuitq; contenta Polonia Principis siue Ducis nomine & imperio, donec Otto tertius Imperator Boleslaū cognomento Chrobustum, paulo post susceptā religionē Christianam: hoc est, anno post Christum natum 1001. regio diademate ac honore dignatus est. Nectamen vltra quartū Regem tuncis honos mansit apud hanc gentem. Nam post alterū Boleslaum prioris illius pronepotem, qui diuum Stanislau interfecerat, ducentis amplius annis Principes Polonorum regio nomine abstinerunt. Deinde vero anno Christi 1295. reuocatum, ac renouatum id in Præmisso, manet in hanc diem. Fuit autem initio liberior dominatus Principis, ac nullis propemodum legibus adstrictus, infinitam non modo omnium rerum, sed etiam vitæ necisque omnium potestatem habens. Post susceptam vero religionem Christianam, temporaria cœpit primum piis monitis Episcoporum ac cæterorum Christianorum populorum imitatione & moribus. Deinde bellicosa Nobilitatis meritis atque obsequiis, & forte etiam contentionibus multa de suo iure remittentibus & indulgentibus Nobilitati Regibus ac Principibus. Nunc sane angustis finibus regia potestas in ecclesiasticum & equestrem ordinem, & vtriq; subiectos homines ac bona circumscripta est. Ac in sacerdotes quidem iam inde ab initio susceptæ religionis Christianæ Rex nil prorsus iuris habet: de Nobilis vero capite ac fama non nisi in comitiis cum Senatu iudicat, certis aliquot causis exceptis: Senatu autem inconsulto neq; bellum cuiq; facit, neq; fœdus publice cum quoquam icit, neq; tributa, vectigalia, ac telonia noua instituit, neq; alienat quidquam de bonis regni, neq; rem vllam maiorem ad Rempublicam pertinentem statuit, aut facit. Porro leges nouas rogare, pecuniam extra ordinem publice imperare, moneram signare, successorem sibi designare, ne cum Senatu quidem potest, absq; consensu cæteræ Nobilitatis.

Principis potestas olim.

Regia potestatis fines.

Ius creandi Regis penes Senatum est, quod etiam Nobilitas sibi vindicare cœpit, ita vt demum tum in eo ratum sit Senatus iudicium, si assentiat cætera Nobilitas. Non temere tamen disceditur à stirpe regia mascula, si qua extat. A nouo Rege iusiurandum exigitur in hanc sententiam: quod secundum leges & instituta maiorum regnaturus sit, & suū cuiq; ordini ius priuilegiumq; ac beneficium à prioribus Regibus collatum integrum conseruaturus, neq; de regni finib. quicquā diminuturus, quin amissa ēt ab aliis pro virili sua recuperaturus. Vicissim autem Senatus omnis in verba eius iurat. Inauguratur autem olim quidē in Gnesnensi, nunc vero in Cracouiensi basilica ritu solenni Christianorū ab Archiepiscopo Gnesnensi sacris operante, ac duob. proximis Episcopis: vnctusq; inter scapulas sacro oleo ante aram maximam, vbi etiā sacrosanctam Eucharistiam accipit, & corona aurea redimitus, accepto in dextram scepro, & in læuam pomo, aureis, in editiore folio ex tempore præparato collocatur, omnibusq; rite peractis coronatus in regiam reducit. Postridie pompa itidem solenni coronatus in forum equo vehitur, Senatoribus regni, Episcopis quidem pone sequentibus, secularibus vero antecedentibus longo ordine: ē quibus tres primores pomum, sceptrum, ac strictum gladium ei præferunt. Ibi erectum ex tempore tabulatum sublime cum iis conscendit, & in editiori folio collocatur. Sedentem Senatus paulo inferior ordine circumfidet. Deinde assurgens Rex, versus quatuor mundi partes gladium vibrat, rursumq; residens, eius contactu siue leni ictu inter scapulas cuiusq; Nobiles & equites auratos creat. Urbani aut magistratus in verba noui Regis iurat.

Coronatio.

Regina coronatio.

Inde rite peractis omnibus, in arcem cum eadem pompa reditur, ac solēnibus epulis indulgetur. Nec multo diuersa est Reginae inauguratio, quæ fit præsentē, deducēte, ac postulante pro ea Rege. Deducit autem eam coronatam etiam ad forum Rex ipse quoque coronatus cum simili pompa, sed non iuratur in verba Reginae, nec ei defertur vlla potestas, aut iurisdictio.

Vectigalia Principis.

Vectigalia Principis aliquanto luculentiora & ampliora olim fuere, quam nunc sunt. Conferebant enim ei omnes agrestes & adscriptitii quotannis tributum rastrale siue regale in iugerum seu mansum duodenos grossos, & quidem Pragenses. Soluebāt & alias quasdam cum nummarias tum pecuarias, frumentarias, auenarias, & aliarum rerum pensiones: nec modo agricolæ, sed & oppidani, quin & Nobiles non penitus immunes erant, iumenta q; ei, quacunque iter faciebat, alii secundum alios suppeditabant, & canes cum venatoribus eius alere necesse habebant. Ne monastica quidem & alia ecclesiastica bona initio prorsus erant libera ab huiusmodi oneribus ac tributis: quorum appellationes videre licet in vetustis Principum diplomatis. Liberæ autem Principi erant vbique piscationes ac venationes: aliis non item, ne in suo quidem cuiquam fundo, absque peculiari Principis indulgentia. Multæ quoque maleficiorum Principi dependebantur. Exinde cum permagna esset rerum omnium ad victum pertinentium vilitas, & nec dum maritima cum externis populis commercia extitissent, non distrahebantur fruges & alii fructus prædiorum Principis, quæque ex pensionibus in cellam eius comportata erant, neq; ad vnum aliquem totius regni locum (quod non sine graui agrestium pressura futurum erat) cōuehebantur, sed in præfecturis asseruabantur. Cumq; ad officium Principis pertinere existimaretur, non desidem & vni alicui loco affixum hære, sed obire omne regnū, ac fines eius tueri, & omnium vñibus sese exponere, querimonias afflictorum audire, ius dicere, tenuiores à potētorum iniuriis vindicare, quoquo is venerat cū equitatu ac comitatu suo aulico, eius præfecturæ fructibus ac prouentibus alebatur, quoad ei manere ibi libuisset, opusue esset, siue quoad horrea cellæq; sufficerent, seu deniq; descriptis cuiq; præfecto p ratione præfecturæ, & prouentuū certis temporū spaciis. Ceterum postea cum Principes vel certo se loco cōtinere, vel bellis distenti peregre diutius abesse cœpissent, distrahi cœpere fructus prædiorū, qui præfectorum cum sua cuiusq; familia moderatis vñibus superessent. Remissæ sunt deinde Principum beneficētia sacro & equestri ordini, & vtriusq; adscriptitiis ac subditis pleræq; omnes pensiones atq; onera. Nunc sane equestris & ecclesiastici ordinis homines nil Regi pensitare necesse habent. Ac ne oppidani quidem eorū, aut agrestes adscriptitii, præter binos grossos vernaculos de manso pagano, & eo quidē solo, quē adscriptitius ipse sibi colit. Nam qui sacerdotib. & equitib. coluntur, itemq; suburbani & scultorum agri ab ea quoq; pensione immunes sunt: ne subseruiūt quidē Principi sacerdotū & equitū homines agrestes & oppidani, præterquā ad arces tempore belli perficiendas, atq; etiā nouas, si id ē senatusconsulto fiat, condendas. Non ita pridem Abbates & Præpositi monasteriorū certas pensiones, quæ stationes vulgo dicuntur, Regi denuo pendere cœperunt. Adscriptitii quoq; ipsorū ad colendos Principi agros, subuectiones ac pensiones quasdam frumētarias reuocātur, quo præfectorū regionū præsidio tutiores sint ab iniuriis improborū. His autē exceptis, soli præfecturarū adscriptitii in suis quiq; præfecturis agros colendo, & vectigalia pensitādo rem familiarem Principis sustinent: quæ nunc tamen aliquanto exquisitius curatur, quam olim.

olim. Habet is etiam è metallis mediocri vectigal. In iis autem conductiarum operarum usus est: quarum impensa deducta, reliquum cedit Principi. Omnium vero metallorum in Polonia fructuosissima sunt salinae. Sed habet in illis Nobilitas hanc prerogatiuam, ut in usum suum domesticum statis anni temporibus aliquanto minoris emat sale, quam ceteri homines. E teloniis quoque mercium & vectorum prouenit vectigal Principi. Ceterorum hominum nemo ius ullum habet instituendi & exigendi telonii, praeter peculiarem Regis indulgentiam, idque ob necessariam extra ordinem refectioem viarum, pontium & aggerum. Ceterum nautum à traiectu fluminum in suo cuique solo, instituere licet.

Telonia.

Duplex autem est telonium, vetus & nouum. Ac vetus quidem exile est, quod ab iis soluitur, qui intra fines regni negotiantur. Nouum autem maius: aliquanto, quod bouum, equorum, coriorum, frumenti, lanae, cerae, sebi, & aliarum mercium, quae ad exterarum oras exportantur, & earum, quae aliunde importantur, nomine pensatur. Vtriusque immunitatem habent ecclesiasticus & equester ordo, modo ne mercaturam quis exerceat, hoc est, venum ea exportet, quae ipse abunde emerit, ac non de suo pararit. Si quis tamen boues emptos suo pabulo ac frumento per hyemem aluerit, perinde habetur, ac si domus eius nati essent. Publice quoque ciuitates nonnullae habent immunitatem veteris telonii. Haec igitur nunc sunt perpetua Principis vectigalia: quae distrahere, aut addicere cuiquam haereditario iure Rex Alexandri Regis lege prohibetur. extra ordinem nihil à quoquam, nisi forte à Iudaeis Regi pensatur. Ex his autem vectigalibus Rex cum domestica familia sua sese sustentat: inde comitarii suo aulico stipendia praebet: inde in legationes, dotes & elocationes filiarum, arcium praedia, & sacra templa, viarum publicarum refectioem, machinas & apparatus bellorum, praemia bene merentium de se, ac de Republica, & in alios usus impendit: inde & Senatoribus fere, ac magistratibus publicis, ac nonnullis sacerdotibus certi ac perpetui redditus antiquitus constituti sunt, partim pietate ac beneficentia Principum attributi, partim accepto in usus necessarios precio venditi. Et haec de Rege & vectigalibus eius.

Impense Principis.

Legum scriptarum nullus fuit usus apud Polonos vetustioribus temporibus: nec ullae extant antiquiores iis, quas Casimirus Magnus Rex condidit: quae sanae pauculae sunt, nec multae iis à successoribus eius adiectae sunt. Extremis demum fere temporibus Sigismundi primi, & regnante filio eius Sigismundo Augusto magis ac magis novae leges fuerunt conditae, & antiquiores mutatae. Potestas autem condendarum legum, quae statuta regni vocantur, est simul penes Regem, Senatum, & Nobilitatis nuncios, nec nisi in comitiis. Priscis temporibus viua lex erat Rex siue Princeps: qui cum vnus in tam amplo regno omnia neque praestare, neque providere, ac ne iudiciorum quidem difficultates recte explicare posse videretur, & lubricus procliuisque ad tyrannidem gradus in summa potestate esse soleat, adhibiti sunt ei Senatores siue consiliarii, qui & consilia actionesque eius ad salutem Reipublicae & iudicia ad iustitiae & aequitatis trutinam dirigerent, & monitis consiliisque salubribus, quasi viuis quibusdam legibus pro re nata cum animum eius informarent, tum potestatem moderarentur. Hic est Senatus regius, multo amplior nunc quam olim, certo hominum numero constans, qui Senatores regni appellantur, & non nisi iurati ad hoc collegium & ad consilium admittuntur. Et perpetuum est hoc

Leges Polonorum.

est hoc munus, quoad uiuit quisq;, certis annexum honoribus ac magistratibus, partim ecclesiasticis, partim secularibus.

*Senatorum
genera &
numeros.
Archiepi-
scopi.
Episcopi.*

Palatini.

Castellani.

*Mareschal-
ci.
Cancellari-
rii.
Thesaurari-
rii.*

Sunt autē in Senatu regni Archiepiscopi duo, Episcopi quatuordecim, Palatini cū quibusdā Castellanis ac Capitaneis inter eos inferis triginta octo. Castellani maiores triginta & vnus, Castellani minores quinquaginta duo. Officiales regni decē. Archiepiscopi sunt Gnesnensis & Leopoliensis, Episcopi vero Cracouiensis, Posnaniensis, Vilnensis, Vladislauiensis, Plocensis, Varmiensis, Lucæoriensis, Præmislensis, Samogitiæ, Culmenfis, Chelmenfis, Kiouiensis, Camenecensis, Vendenfis. Episcopos subsequuntur Castellanus ac Palatinus Cracouiensis, Posnaniensis, Vilnensis, Sandomiriensis, deinde Castellanus Vilnensis, Palatini rursus, Calissiensis, Trocensis, ac Siradiensis, Castellanus Trocensis, Palatinus Lenciciensis, Capitaneus Samogitiæ, post Brestensis, Kiouicēfis, Inouladislauiensis, Russiæ, Volhyniæ, Podoliæ, Smolenscensis, Lublinensis, Polocensis, Belsensis, Nouogrodienfis, Plocensis, Vitepscēfis, Massouia, Podlassiæ, Rauensis, Bresciensis, Culmenfis, Mscislauiensis, Mariæburgensis, Braslauiensis, Pomeraniæ, Minscensis, Vendenfis, Derpatensis, Parnauiensis. Castellani vero sunt Posnaniensis, Sendomiriensis, Calissiensis, Voinicensis, Gnesnensis, Siradiensis, Lenciciensis, Samogitiæ, Brestensis, Kiouicēfis, Inouladislauiensis, Leopoliensis, Volynensis, Camenecensis, Smolenscensis, Lublinensis, Polocensis, Belsensis, Nouogrodienfis, Plocensis, Vitepscensis, Czernenfis, Podlassensis, Rauensis, Bresciensis, Culmenfis, Mscislauiensis, Elbingensis, Braslauiensis, Gedanensis, Minscensis, Sandecensis, Medirecensis, Vislicensis, Biecenfis, Rogosnensis, Radomienfis, Zauichostenfis, Landensis, Sremenfis, Zarnouiensis, Malogostenfis, Vielunensis, Præmislensis, Haliciensis, Sanocēfis, Chelmēfis, Dobrinensis, Polanecensis, Præmentensis, Criuinēfis, Czechouiensis, Naclensis, Rospirenfis, Biechouiensis, Bydgostienfis, Brezinensis, Cruiciensis, Osiuicemēfis, Camenēfis, Spicimiriensis, Inoulodēfis, Coualiēfis, Santocensis, Sochaczouiēfis, Varfauiensis, Gostinēfis, Vilsnensis, Racianzēfis, Sięprcensis, Vissogrodienfis, Ripinensis, Zakroczimenfis, Ciechanouiēfis, Liuefis, Slonensis, Lubaczouiēfis, Conariensis in Siradiēfi, Conariensis in Lenciciēfi, Conariensis in Inouladislauienfi Palatinatibus, Vendenfis, Derpatēfis, Parnauiensis in Liuania. Postremo loco sunt in senatu magistratus quidā & administri Principis, qui officiales regni vocātur, nempe regni Mareschallus magnus, Mareschallus Lithuania, Cācellarius regni magnus, Cācellarius Lithuania, Vicecancellarius regni, & Vicecācellarius Lithuania, Thesaurarius regni, & Thesaurarius Lithuania, & duo de magistratib. aulicis, Mareschalcus curiæ Polonicæ, & Mareschalcus curiæ Lithuanicæ. Putantur etiā duo Præfecti, nēpe maioris Poloniæ, ac Cracouiensis ad consiliū pertinere: sed raro accidit, vt ii nō aliquo alio honore Senatorio præditi sint. Hoc igitur est consiliū publicū apud Polonos, & Senatus regni cū coniunctis ei ditionibus 147. Senatoribus constans: quorū alii vocantur maiores, alii minores. Sunt autē maiores, Archiepiscopi, Episcopi, Palatini, & primarii aliquot satrapiarū Castellani vsq; ad Sandecensem: ceteri omnes minores, qui posterius in consiliū adhiberi cœperunt, & excluduntur nōnunquā a consiliis secretioribus. Porro Secretarii admittuntur quidem & ipsi iurati in Senatū, sed vt auditores modo, & quasi seminarium quoddam Senatus. Duo Referendarii siue supplicum libellorū magistri. Putantur & succammerarii aditum habere ad locum habendi senatus, claudendi & aperiendi ostii causā, idq; in suo tātum quisq; territorio. Iam & Senatorum filios adolescentes admitti in Senatū non inusitatum est.

Con-

Conuocantur autē Senatores à Rege ad cōsiliū, præsentes quidem, quoties opus est: qui vero longius absunt, nō nisi arduis de causis, vtpote ad comitia, vel celebritatis alicui⁹ gratia, nimirum ad nuptias Regis seu liberorum eius, aut si quis socius aut obnoxius Regno Dux in verba Regis iuraturus sit. Cum iis vero, qui adsunt. Princeps pro re nata consultat. Nisi forte res grauior incidat, quæ plurium consilio & consensu sit explicāda, velut de indicendis comitiis: tunc enim absentes singuli per epistolas regias consuluntur. Subseruiunt quoq; Senatores Regi ac Reipublicæ, quoties opus est, domi quidē in iudiciis cum aliis, tum recuperatoriis, quæ cōmissiones vulgo vocantur, foris autem in legationib. obeundis, aut si quid aliud publice cum dignitate peragendum est. Cum autē ii certis magistratib. ac honorib. præditi sint, habent etiā præter cōmune senatorium munus, curamq; totius Reipublicæ peculiaria officia pro diuersitate magistratuum siue honorum attributa. Ac Archiepiscopi quidē & Episcopi officia cuilibet nota sunt: nec vllum ii peculiare habēt in Polonia præ ceteris nationibus: nisi q̃ Archiepiscopus Gnesnensis sit legatus natus sedis Apostolicæ, primas regni, ac princeps senatus: penes quē est potestas indicendi comitia, conuocandi senatum, senatusq; consulta definiendi & edicendi absente Rege, & regno vacante. Palatini munera sunt, esse ducem copiarum suæ satrapie in expeditionib. bellicis, indeq; nomen habet lingua vernacula: in pace vero cōuentus Nobilitatis instituit, iisq; & iudiciis præsidet: precia reb. venalibus imponit, ponderum & mensurarum curam gerit. Iudæorū quoq; patrocinium ac iudicia ad Palatinum pertinent. Castellani vero sunt quasi legati Palatinorum, ductoresq; ac præsides Nobilitatis sub suo quisq; Palatino, & in suo quisq; territorio: vbi nullā alioquin iurisdictionē, dominiū, aut curationē præter hanc legationem bellicam habent: Habent & pleriq; certos redditus annueros. Appellantur autē Castellani etiam vernacula lingua mutuato à Latinis vocabulo, à castellis siue oppidis, eorumq; territoriis, quæ singulis singula sunt attributa. Solus autem Cracouiensis Castellanus, præter nomen & redditus, nihil habet commune cum aliis: sed liberum is honorem habet, absq; vllō prorsus munere, præter cōmune Senatorium. Tam Palatinum autem, quam Castellanū lege esse non licet quenquam in ea satrapia, in qua nullum propriū habet fundum seu bona terrestria. Vocanturq; ii vtriq; vulgo communi vocabulo Dignitarii, addito fere satrapie nomine.

Officiales vero regni ab officiis & functionib. quibusdā publicis, quib. funguntur, ad vniuersam Rempublicam pertinentib. hanc sumunt communem appellationem. Quorum officia sunt hæc: Mareschalcus est magister aulae regie, & administer consilii publici, penes quem ius est conuocandi senatū iussu Regis, vel primatis, præstandi silentium & audientiam, faciendi potestatem dicendæ sententiæ, legatos externos introducendi, eiiciendi ē consilio eos, qui ad id non pertinent, pronunciandi decreta regia in causis infamiae & capitalibus, promulgandi ad populum senatusconsulta, moderandi pompis publicis, hospites illustres suscipiendi, compescendi motus inquietorum, non modo circum senatum & in publico, sed etiam in priuatis Principis cœnaculis & habitaculis, animaduertendi in delicta, quæ in loco & oppido domicilii siue hospitii regii, vel comitorum admittuntur, deniq; in comitiis, & in comitatu regio diuersoria distribuendi, & imponendi rebus venalibus precia: vnde etiam vectigal seu tributum forale ipsi prouenit. Ipsi etiam est in aulicum Regis comitatum & ministros mensæ regie, aliorumq; munerum aulicorū

Conuocandi Senatus ratio.

Senatorum officia communia.

Archiepiscopi Gnesnen. officia.

Palatini officium.

Castellanorum munera.

Officiales regni. Mareschalci regni officia.

(pro-

*Cancellarii
& Vicecancellarii officia.*

(profanorum præsertim) iurisdicção, censura, & animaduersio: eoq; gestat in publicis conuentibus, & Regi in propatulum prodeunti præfert erectum sceptrum ligneum. Cancellarius & Vicecancellarius nominibus & loco distincti, sed potestate & munere exæquati, diplomatibus, edictis, mandatis, epistolis, & aliis scripturis regiis conscribendis ac signandis, quæq; ad eum mittuntur, accipiendis, & legendis præfunt. Itaq; in potestate sua habent signa regia, Cancellarius quidem maius, Vicecancellarius vero minus. Autoritas eorû eo usque patet, vt multa inconsulto Principe signare: quæ vero contra leges esse videntur, iubenti illi negare possint. Dant etiam responsa regio nomine, & quibus de rebus consilium haberi debet in senatu, proponunt: deniq; senatus consulta, regiq; & comitialia placita ac decreta literis mandant, ac in publicum edunt. Sunt & ii cognitores priuatarum querimoniarum, & prouocationum ab vrbani & oppidani, præfectorumq; iudiciis, ad regium tribunal deuolutarum. Secretariis, scribis, sacerdotibus, concionatoribus, & cantoribus aulicis, ceremoniisq; ecclesiasticis moderantur, is præsertim, qui est de ecclesiastico ordine. Lege enim quamuis non antiqua, alterutrum ex iis ecclesiastici, alterum secularis ordinis esse oportet, cum antiquitus soli fere sacerdotes eo munere fungerentur. Thesaurarius ipso nomine indicat munus suum, est enim promus & condus thesauri regii, symbolorum siue insignium Regni, quæ sunt corona, pomum, sceptrum, & gladius, supellectilis & redituum regionum scripturarumq; ac monumentorum publicorum: autor & moderator quorumvis quæstorum, curarum, ac dispensatorum Principis, & rationum reddendarum exactor, monetariæ officinæ magister, stipendiorum tam militariû quam aulicorum solutor: reddendæ Principi rationi obnoxius. Numerantur autem inter magistratus & officiales Regni duo duces exercitus, quorum alter generalis & supremus exercituum Regni præfectus, alter Campiductor seu Campestris præfectus dicitur. Ac ille quidem dux est ac moderator belli secundum Principem, & vicarius Principis. Ducit exercitum, capit locum castris, acies instruit, dat signum pugnæ ac receptus, com meatus & annonæ curam in bello gerit, precia rebus venalibus imponit, ponderibusq; & mensuris earum modum statuit, & in delinquentes animaduertit. Campestris vero huius est quasi vicarius à Principe datus, excubiarum potissimum explorationûq; curam gerit, & mercenariis militibus, illo præsertim altero absente, præest. Neuter tamen in senatu locum habet: quin temporarii esse perhibentur, neq; inter magistratus Regni habiti ante.

Thesaurarii officium.

Duces exercitus.

Longe minus autem alii quidam, qui & ipsi nostra fere memoria pro magistratibus regni haberi & appellari cœpere: neq; tamen in Senatu locum habent, neq; functionem vllam ad vniuersum regnum pertinentem: ii vero sunt gladifer, pocillator, structor mensæ siue incisor, dapifer, subdapifer, magister culinæ. Quorum officia inter terrestres honores ac magistratus referuntur. Dicuntur autem terrestres honores ac magistratus, qui non vniuersi regni, sed terrarum & satrapiarum sunt peculiare. Officia terrestria vulgo appellantur, & his qui præditi sunt, officiales terrestres. Sunt autem ii succamerarius, capitaneus, gladifer, vexillifer, pincerna, subpincerna, incisor, dapifer, subdapifer, tribunus, iudex, subiudex, notarius, thesaurarius, venator, magister stabuli. Habentq; certas suas functiones antiquitus in sua quisq; satrapia siue terra: quarum quælibet olim, discerpro in multos dominatus regno, suum Ducem habuit. Eius autem hi fuerunt administri peculiare. Nunc magna pars solum nomen

Officiales seu magistratus terrestres.

nomen nudumq; honorem retinet, nisi quod in extraordinariis iudiciis, quas commissiones vocant, regis mandatis subseruiunt, & in colloquiis assident. Tamen etiam nunc ii peculiaribus suis muneribus fungi recte posse existimantur in suo quisque tractu, à quo denominationem habet, quoties cum Princeps adit: nempe, vt gladifer Posnanienſis in ſatrapia Poſnanienſi gladium, ipſi præferat in ſolenni pompa: pincerna poculum adminiſtret: inciſor ſiue ſtructur menſam apponat: dapifer dapes inferat: ſubdapifer dapiferum cū baculo præcedat, ſubpincerna potus curā gerat: theſaurarius cōdus ac promus pecuniæ ſit ac ſupelleſtilis eius. Cæteri ſane funguntur etiam nunc fere ſuis muneribus. Ac vexillifer quidem in bello vexillum præfert exercitui ſuæ ſatrapie. Tribunus cuſtos eſt arcis in ſuo quiſq; tractu, durāte bello: Venator venationibus ac ſyluis præeſt. Magiſter ſtabuli equitio ſiue armento equorum. Iudex cauſis & controuerſiſ priuatis Nobilitatis diſceptandis & iudicandis præſidet vna cum ſubiudice, qui eius eſt ſocius, non vicarius, loco tamen inferior. Notarius ſcriba eſt & actuarius iudicii: ſed habet iſ quoq; in iudiciis ius dicēdæ ſententiæ, conſuetudine magis quam legum præſcripto. Succamerarius olim fortaiſſis præfuit cubiculo & cubiculariis Principis in ſua quiſq; terra: nunc regendis modo finibus agrorum ac bonorum terreſtriū præeſt: quem itidē atq; iudicem, ſubiudicem, & notariū iuratum eſſe oportet. Habetq; iſ ad id munus obeundum vicarios, & ipſos iuratos in ſingulis territoriis ſingulos, qui Camerarii vocantur, ſiue cubicularii, propterea fortaiſſis, quod antiquitus miniſtri cubiculi Principis ad id munus legebantur à Succamerario. Nunc iſ eos ſibi legit arbitrari ſuo ex equeſtri ordine eiſdem territori, & iureiurando adigit, mutatq;, quoties vult. Cracouienſis Succamerarius præ cæteris ea prærogatiua eſt præditus vt ſalinarū eius ipſius tractus arbiter ſit & inſpector. Cæterum hi non omnes in omnibus ſatrapiis ſunt, neq; in ſingulis ſinguli.

Capitaneus ſiue præfectus arcis, cui præeſt, cuſtos eſt ac deſenſor non ſolum arcis regie, ſed etiā pacis ac tranquillitatis publicæ in ſua quiſq; præfectura, quā à vi tutā debet præſtare & vindicare, ac furibus latronibuſq; repurgare. Ideoq; iuriſdictionem & coercitionem late patentē habet, non modo in agreſtes & oppidanos, ſed etiam in equeſtris ordinis homines. Adhæc omniū aliorum iudicum, eccleſiaſticorum iuxta ac ſecularium ſententias ad extremū executioni mandat, ſi executores alii nolint, vel non proficiant. Gerit etiam curā commodorum & reddituum Principis, qui ex re familiari, ac cenſibus & penſionib. oppidanorum & agreſtium proueniunt. Et omnino arces ac villæ, ſeu ruſtica prædia cum ſuis ſartis tectis, & oppida pagi; principis in ditione præfectorum ſunt. Solus omnium Cracouienſis Præfectus licet ampliſſimam iuriſdictionem habeat, tamen ſartorum tectorum arcis & reddituum Principis curam non habet. Eſt enim magnus procurator arcis eius, qui vtrumq; hoc onus ſuſtinet. Oportet autem præfectum eſſe equeſtris ordinis, agros & fundos proprios in ea ipſa præfectura, cui præſcitur, habentem. Neq; externo autem, neq; regio vel ducali genere orto conferri præfecturam fas eſt: nec duas cuiquam habere [licet: ac ne vnam quidem primariam duntaxat & iuriſdictione præditam cum primaria Caſtellania vel Palatinatū eiſdem ſatrapie, Poſnanienſi & Cracouienſi exceptis, in quibus non idem ius eſt. Ne Sileſiæ quidem cadunt ſub hanc legem. Capitanei vices gerit Vicecapitaneus, Burggrabiſ vulgo dictus, penes quem eſt vicaria præfecturæ totius poteſtas, & rerum iudicarū executio. Habet & alterū adminiſtrum ſtatorū ac certis temporibus peragi ſolitorū

Capitanei
ſiue præfe-
cti.

Vicecapitaneus.

*Iudex Ca-
strensis.*

*Notarius
Castrensis.*

*Præfectorum
re-
dictus &
administra-
tio.*

*Burggrabi
arcis Cra-
couiensis.*

*Salinato-
res.*

*Tributorum
exactores.*

*Officia cu-
ria.*

*Secretario-
rum munera.*

iudiciorum, quem iudicem castrensem vocant. Sed utrumq; iuratum, & ex-
questri ordine esse, certa; bona terrestria in ea ipsa præfectura habere oportet.
Nec eundem iudicē & Vicecapitaneum, terrestremue & castrensem iudicem
esse fas est. Habet item præfectura quæq; actuarium iuratum, quem notarium
castrensem nominat. Non sunt autem satrapiis, sed arcibus ac territoriis fere di-
stinctæ præfecturæ: nonnullæ etiam complura territoria in se complectuntur.
Sunt autē præfecturæ in regno Polonia innumeræ, quæ nulla successione, sed
ex Regis gratia in bene meritos de Republica conferuntur. Omnium aut præ-
fecturarum redditus partim ex agricultura, & re pecuaria, partim è molis fru-
mentariis ac syluis, partim è censibus, ac pensionib. agrestium & oppidanorum
proveniunt, & vel certo pacto præfectis locantur à Principe, vel eorū fidei cō-
mittuntur, ita ut rationibus reddēdis obnoxii sint. Condonantur etiā interdū
ob eximia merita. Oppignorari quoq; præfecturas non inusitatum est, eas præ-
fertim, quæ iurisdictione carent, quæq; nō sunt primariæ cuiusq; satrapia. Sed
ita demū id legitimū est, si rata reddituum portio quotannis de capite deduca-
tur. Quod cū in desuetudinem abiisset superiori tempore, comitiōrū decreto
nunc reuocatum est. In iis vero præfecturis, quæ iurisdictionem habent, si vsus
Reipublicæ oppignorationē requirat, etiā assensu Senatus comitiali opus est.
Sola Sendomiriensis priuilegio quodā neq; oppignorari, neq; locari perpetua
locatione potest. Habet arx Cracouiensis peculiariter decē custodes, qui Burg-
grabii sumpto à Germanis vocabulo appellantur, sine vlla potestate, præfecti
autoritati obnoxios: qui pacis iuxta ac belli tempore nocturnas atq; etiā diur-
nas, quando opus est, excubias per se, vel per administratos suos seruant: habētq;
militiæ vacationem, & eo nomine ambitur id munus à multis. Salinæ & alia
metalla habent suos curatores & administratos iuratos, & rationibus reddendis
obnoxios. Præst autem salinis Bochnensibus & Vieliscensibus, earumq; ad-
ministris & operis vnus salinator, quem Zupparium Cracouiensem vocant.
Russicis item vnus, quem Russicum appellant. Et est honorata hæc vtraq; cu-
ratio: sed neq; in regni, neq; in curiæ, neq; in terrestribus magistratibus nume-
ratur: quemadmodum neq; telonæ siue quæstores teloniorum, neq; tributorū
atq; exactionum publicarum exactores: & ii vero vtriq; rationibus reddendis
obnoxii sunt, telonæ quidem, si non redemerint telonia: quod faciunt pleriq;.
Huc etiam scriba siue notarius thesauri regii, quem Rex ipse edit, ac thesaura-
rio vicarium adiungit, scriba item castrensis siue campestris, mercenariorum
militum conscriptor, & solutor stipendiorum referendi sunt.

Sunt etiam à terrestrib. magistratibus non multum diuersa quædam mini-
steria in aula Principis, quæ officia curiæ dicuntur. Quorum administri terre-
strium plerorumq; & regni officialium (quorū sunt cognomines) quotidianis
ministeriis in aula Principis funguntur, fidēq; suam Principi ad suū quisq; mi-
nisterium iureiurando obstringūt. Sunt autem ii: Marschalcus, Thesaurarius
seu Vicerthesaurarius, Succamerarius, Referendarii duo, pincerna, structor mē-
sæ, subdapifer, dapifer, magister culinæ, & præfectus curruum, vexillifer, ac du-
ctor aulicæ militiæ. Qui omnes addito nomine curiæ, à superiorib. magistrati-
bus & officialibus cognominibus suis distinguuntur: forte & Secretarii huc re-
ferri debent, licet nullū peculiare certumq; munus attributū habeant, sed ad
nutū Principis præsto sint in obeundis eius nomine legationib. in scriptionib.
& lectionibus publicarum ac regiarum scripturarum, in acciendis ac deducē-
dis ad Regem, vel in Senatum illustribus hospitibus ac legatis Principum in-
exqui-

exquirendis vel referendis sententiis aërotoꝝ, & à cōsilio absentiũ primatiorum Senatorum, in recognoscendis pro Principe locis, factis, & causis controuersis, regionũ præsertim hominũ & administrorum inter ipsos, vel cū magistratib. suis. Numerus eorũ certus non est. In his eminet vnus, qui appellatur magnus secretarius. Is absentiũ Cancellariæ præsidũ vicem supplet in aula & comitatu Principis: nec tamen, vt illi, gestat signũ regium, sed quoties opus est, petito ab ipso annulo signatorio tã diplomata publica, quã epistolas ipso præseñte signat. Quod si is quoq; absit, peragit ea quispiã de cæteris secretariis, quẽ Princeps iusserit. Habet autẽ magnus quoq; secretarius secundũ Cancellarium & Vicecancellariũ prærogatiuam capeßendi honores publicos & magistratus, qui vacauerint, in arbitrio tamen regio positã. Habet & locum honoratũ supra omnes officiales terrestres & aulicos excepto Marechalco. Marechalculus curiæ absente Marechalco regni agit omnia, quã illius muneris sunt: à præseñte etiã socius adhiberi solet ac debet ad ea, quã sunt maioris momẽti peragenda, præfertq; cū eo pariter Principi sceptũ erectum. Thesaurarius itẽ Thesaurarii regni absenti vices gerit, adhibeturq; & ipse à præseñte ad pleraq; omnia. Succamerarius est magister cubiculi atq; puerorum cubiculariorum, aliorũq; domesticorum Principis administrorũ: sub cuius potestate est supellex ad lectũ & cubiculũ Principis, cultumq; corporis pertinens. Referendarii supplicũ libellorum magistri sunt, & querimoniis hominũ audiendis, Cancellariæq; referendis præsunt: quin etiã in litibus vrbaniß disceptandis præsto sunt eidem Cancellariæ, eiũsq; permissu exponunt Regi cum consilio causas & controuersias litigantium. Nuper adeo sententias quoq; rogari cœperunt in regiis iudiciis. Sunt autem duo pari potestate, alter ecclesiastici, alter secularis ordinis. Ductores copiarum, magistri stabuli, magistri culinæ, & præseñti curruum quẽ sint officia, ipsa eorum nomina ostendunt. Cæterorum munera iam explicata sunt in terrestribus officiis & curationibus, eadem enim sunt horum, atq; illorum. Sed cedunt hi illis præseñtibus in sua cuiq; satrapia.

*Secretarii
magni offi-
cium.*

*Marechal-
cũ curiæ.*

*Thesaurarii
curiæ.
Succame-
rarii.*

*Referenda-
riorum.*

*Alia mini-
steria auli-
ca.*

*Aulici e-
quites.*

*Satellites.
Cubicula-
rii & pueri*

Cæterum stipendiarii & aulici Principis equites, concionatores & sacrifici, quãuis honorato sint loco, tamen inter officiales nõ censentur: multo minus stipatores siue satellites, cubiculariiq; & pueri: sed perpetui sunt administri Principis, & præsto sunt ipsi iter facienti, aut quouis loco manẽti. Aulici vero equites equis stipendia merent, præsidii honorisq; regii causa, & equestre eũ vel currulem equestres fere comitantur. His vero Marechalci moderantur. Cæteri ministri nõ habent necesse equos alere. Itaq; pedestres prodeuntẽ in publicũ Principẽ deducunt. In longioribus autẽ itineribus ii, qui equis non merent, vel regiis vel oppidatim suppeditatis, vel conductitiis equis aut curribus vehuntur. Ex his stipatores præsidii causa sunt circa Principẽ. Cubicularii & pueri præsto sunt ad quãuis domestica ministeria: sed cubiculariorum peculiaris vsus est in acciendis in Senatũ & ad Regem consiliariis, & perferendis quoquo versus literis, mandatis, edictisq; regiis. Quã ad rem oppidatim & vicatim eis mādato Principis equi subministrantur: quæ subuectiones siue cursus publici vocantur. Incedentem in publico Principem aulici quidem antecedunt, stipatores corporis prælongis bipennib. more peditũ Germanorũ armati latera eiũs cingunt, cubicularii vero cū pueris subsequuntur: sed ita, vt & aulici Proceribus ac Senatoribus secularibus, & cubicularii pueriq; Episcopis ac Secretariis ecclesiastici ordinis proxima Principi loca honoris causa concedant: nisi forte Regẽ Regina sequatur. Tunc enim Episcopi quoq; & Secretarii cū proceribus antecedunt.

Regina comitatus. *Magister curia.* *Magistra curia.* *Secretarius Administri Regina.* Reginam vero longus ordo sequitur nobilium matronarum ac puellarum quæ etiâ suum habet comitatû, nec modo puellarum & matronarû, quæ in gynæceo sunt, sed etiam puerorû cubiculariorum & aulicorû, & in his peculiare administros siue officiales. Inprimis magistrum curiæ, qui omnib. præest, Reginamq; prodeuntem cû sceptro antecedit: & magistram curiæ, matronâ gynæceo moderantem: deinde Secretarium vel Cancellarium, cuius sunt munera, literas nomine Reginæ conscribere, & signare, & legere, & compellantib. eam responsa dare, quod fere commune habet cum magistro curiæ. Habet Regina etiam thesaurarium suum, & pocillatorem, & structorem mensæ, & subdapiferû, & dapiferû, & culinæ ac stabuli præfectos singulos, & alios inferioris conditionis: quib. omnibus victus, vestitus, & mercedes à Rege præbentur. Indidẽ ipsius quoq; Reginæ mensa instruitur, res vestiaria, mundus muliebris, & iumenta comparantur. Quod si ea Regi superstes sit, vidua de suo, ac de fructibus & reditibus eorum bonorum, quæ rex ipsi dotis ac donationis propter nuptias nomine de amplissimi consilii sententia attribuerit, sese cum vniuerso comitatu suo deinceps sustentat. Atq; hæc de magistratibus regni terrestribus & aulicis breuiter de cursa sunt.

Ecclesiastici magi- stratus & honores. De ecclesiasticis magistratibus, honoribus, ministeriis, & curationib. quales sunt secundû Archiepiscopos & Episcopos, Suffraganeorum, Abbatû, Prepositorum, Decanorû, Archidiaconorû, Scholasticorû, Cantorû, Custodû, Cancellariorum, Vicariorum in spiritualibus, Officialium, Cômmissariorum, ministrorum, priorum, custodum siue guardianorum, pœnitentiariorû, & paræcorum siue Plebanorum, non est opere precii hic persequi: ne de collegiis quidem Canoniorû, Monachorum & Monacharum, fratrum conuentualium, Vicariorum, & si quæ sunt alia. Neq; enim peculiare habent apud Polonos præ cæteris gentibus & nationibus Christianis neq; ad Rempubicam pertinent exceptis Archiepiscopis & Episcopis, & si quibus forte præterea peculiariter quædam Reipublicæ munera mandantur. Omnes autem ii Episcoporum & Archiepiscoporum potestati ac iurisdictioni subiecti sunt, præter, si qui Pontificis Maximi autoritate exempti sunt.

Plebs Polona. *Plebei magistratus.* Plebes vrbanae, oppidanæ, vicanæ, & agrestes partim Principi parèt, partim procerib. & equitibus, partim certis sacerdotiis attributæ sunt. Reguntur aut̃ à suis quæq; dominis, eorûq; præfectis ac procuratorib. ex equo & bono, siue ex arbitrio magis quam certis legibus: quanquã nō carent tamen suo. quæq; iure. Præter dominos autẽ, eorumq; præfectos & procuratores habet plebs quæq; oppidatim, vicanim, & pagatim suos magistratus. Ac in pagis quidẽ sculterum, qui est quasi deductor ac defensor coloniarum: qui vel ipse per se, vel per vicarium suû, cû adiunctis aliquot ex aratorû numero scabinis ius dicit. In ciuitatib. aut̃, & oppidis, & vicis præter hos, sunt etiâ cōsules, penes quos est ciuitatis cuiusq; gubernatio & custodia: in delinquẽtes animaduersio: publicorum cōmodorû administratio, curaq; ædificiorû & satorum tectorû publicorû. Inter eos autẽ vnus præsidet magister ciuiû seu proconsul, qui eos, quoties opus est, cōuocat, & in consiliû adhibet. Nam leuiora sine illis ipse gerit. Habent itẽ singula opificum contubernia in qualibet ciuitate & oppido suos magistratos, & his adiunctos aliquot seniores. In maiorib. vrbibus sunt etiâ ædiles, vnus & alter, de numero decurionû electi, pecuniæ publicæ quæstores, & satorû tectores curatores. In oppidis vero & vicis hæc à consulib. curantur. Hos magistratus in oppidis præsertim, iuratos esse oportet, præter scultetos siue aduocatos hereditarios.

gios. Nullos autem communes magistratus pagi inter se, neque ciuitates habent. Hæc de plebeis magistratibus.

Creandorum magistratuum, & honorum mandandorum in Polonia non vna est ratio. Olim Episcopi ex præscripto sacrorum canonum à collegiis primariorum sacerdotum legebantur: nunc Princeps umbratili quadam electione illis relicta solus arbitratu suo edit Episcopum, & Pontifici Romano commendat (quod fiebat etiam à collegiis) ut eius autoritate approbetur, præficiatur, & ab aliis Episcopis consecratur. Abbatum & Præpositorum eligendorum ius collegia Monachorum hætenus retinuerunt: sed iam vix retinent, ab Episcopis primum, deinde à Regibus etiam violatum. Palatinos, & Castellanos, & reliquum omnem Senatum regni Princeps legit, ac iureiurando obstringit sibi & Reipublicæ. Item confert præfecturas, cæterosque omnes magistratus, honores, & ministeria publica. Sed in magistratibus regni illud receptum est, ut non nisi in comitiis renuntientur. In iudice vero, & subiudice, & notario terrestribus ita est adstricta legibus potestas Principis, ut Nobilitas eius satrapia seu territorii, cuius iudex, vel subiudex, vel notarius decessit, conuentu instituto auctore & præside Palatino, quatuor patres familias equites eligat, de quibus Princeps vnum, quem vult, in locum vacantem surrogat. Abrogari vero magistratus aut honor vllus nemini potest, nisi per maximam vel minimam capitis diminutionem, hoc est, libertatis, ciuitatisue, siue nobilitatis & bonæ famæ amissionem: aut si quis alium magistratum honoremue adeptus sit, quem cum priori retinere iure non possit: ipse se quisque abdicare arbitratu suo potest. Præfectura & metallorum teloniorumque curatione Princeps amouere quemlibet, quando vult, potest, nisi cui ipse promiserit, ac diplomate cauerit, ut ad certum tempus, vel, quoad vixerit, amoueri nequeat. Aulico item magistratu & ministerio amouere quemque Regi licet: non temere tamen id facit, nec fere sine nota ignominia, nisi lex iubeat. Exactores tributorum annui fere creantur à Rege, vel comitali placito.

Plebeios magistratus partim domini, vel præfecti creant, partim ipsi sibi ciues legunt, præter Cracouiam, vbi Palatinus ius legendi Senatus habet, abrogandi non habet: nec nisi morte, aut maxima mediaue capitis diminutione honoris amittitur. Ex omni etiam numero vigintiquatuor consulum quotannis octo, quos vult, Palatinus rebus gerendis præficit, quos præsidentes vocant: de quibus certo ordine singuli fiunt magistri ciuium in sex hebdomadas. Nec multum diuersa est ratio consulum in aliis quibusdam ciuitatibus & oppidis: nisi quod præfecti in suæ quisque ditionis oppido vnum aut alterum legendi facultatem habent. Casimiria, Cleparia, & Prossouia magnus Procurator arcis Cracouiensis cum in legendis consulibus, tum in aliis rebus Præfecti vicem obtinet. Idem aduocatum & scabinos iuris supremi Magdeburgensis legit. Cæteros autem scabinos ipsi consules in sua quisque ciuitate & oppido legunt, & sacramento adigunt. Cæterum sculterus siue aduocatus hæreditarius in quouis oppido, vico, atque pago semel à domino constitutus magistratum hunc, obnoxium ipsi domino ad equestre ministerium, Reique publicæ, ad expeditionem bellicam, etiam ad hæredes transmittit: quin & in externum transferre assentiente domino potest. Est tamen ius fasque domino amouere sculterum contumacem aut inutilem, perfoluto ipsi pretio, quod habet inscriptum in diplomate, vel secundum æstimationem emolumentorum atque ædificiorum: nisi quid enorme & priuatione dignum is commiserit.

Ratio creandorum magistratuum. Episcopi electio.

Sacerdotiorum collatio.

Senatus equestris magistratum equestrium creandorum ratio.

Iudicis, subiudicis, & notarii electio.

Magistratus equestris honores perpetui.

Plebeiorum magistratuum creatio.

*Reditus
magistra-
tuum.*

Quo quidem iure multi sic abuti cœpere ad augenda commoda sua, vt scultetis sine vlla culpa eiectis prorsus, vel in ordinem redactis, agros eorum prædiis suis adiunxerint, iudiciis vero iudiciales aduocatos arbitrato suo præficiant. Reditus magistratuum Regni exigui, terrestrium vero & aulicorum nulli fere sunt. Honorem Poloni satis amplum & luculentum virtutis & honestorum laborum præmium esse duxerunt, etiam sine compendio. Sunt tamen certæ mercedes, & quasi sportulæ, quæ iudicibus iudiciorumq; administris penduntur à litigantibus. Primores aliquot Palatini & Castellani mediocres tamen habent reditus, partim ex agris & prædiis, partim è salinis vel teloniis, siue aliis quibusdā pensionibus à Principe antiquitus in omne tempus attributis. Episcopi nonnulli per amplos habent, vnde non modo ipsi commode & cum dignitate viuere, ac senatoria munera laute sustinere, sed etiam inferioris ordinis sacerdotes & administratos suos recte alere ac trahi, & omnem cultum diuinum cum dignitate administrare, & egenis deniq; liberaliter subuenire queant. Habent etiam decimas omnium segetum publico Principum ac totius Poloniæ consensu iam inde ab initio susceptæ religionis Christianæ attributas, & aliis quibusdā pensionibus postea vel cumulas, vel commutatas. Habent & luculentos fundos, prædia, pagos, oppida, arces, & territoria, partim Regum & Principum, partim priuatorum munificentia adiecta.

Iudicia.

Ecclesiastica iudicia.

Ecclesiastici fori causa.

Iudiciorum ratio varia & perplexa est. Habet ordo ecclesiasticus, quemadmodum & apud alios Christianos populos sua, quibus cæteri quoq; homines nobiles pariter ac plebei obnoxii sunt aliquatenus, in iis præsertim causis, quæ cum religionis, aut personarum, rerumque sacrarum ratione aliqua ex parte cōnexæ sunt: quales sunt de institutis & ritibus religionis, de impietate, heresi, schismate, magia, incantationibus, scenore, sacerdotiorum cauponatione: itē de decimis & fundis, & quibusvis censibus ac redditibus ecclesiasticis, de cæde, vi, & iniuria sacris initiato homini, reiue aut loco sacro, seu sacerdotii fundo illata. Ad hæc de iure patronatus, & de sacerdotiorum iure quævis controuersia, item q̄ de iure matrimonii & natalium, & de miserabilium egentiumq; personarum iniuriis, quæq; ex obligatione in foro ecclesiastico facta oriuntur. Testamentaria causæ profanorum hominum in hoc æque ac profanis foris disceptantur, dummodo extra iudicium testamenta sint condita. Aliter enim in eo foro disceptantur, in quo sunt condita. Nisi quid forte legatum sit pietatis ergo, & ad piam causam, hoc est, templis, ecclesiarumq; ministris, aut egenis: q̄ causa propria est ecclesiastici iudicii. Est aut iudiciorum ecclesiasticorum summa penes Episcopos, quorum vices gerunt ii, quos vocant vicarios in spiritualibus, cancellarii & officiales: inter quos vnus, qui est primarius, generalis appellatur, cæteri foranei. Ab Episcopis, eorumq; vices gerentibus, prouocatio est ad Archiepiscopos: & ad Gnesnensem quidem ab ipso etiam Leopoliensi Archiepiscopo, idq; eo nomine, q̄ ille est legatus perpetuus, siue, vt vulgo loquuntur, natus sedis Apostolicæ. Extrema tandem prouocatio est ad Pontificem Romanum. Omnes autem iudices ecclesiastici iudicant è præscripto ecclesiasticorum & Pontificiorum canonum: & præter diras siue censuras & interdicta ecclesiastica, habent ius quoddam coercendi fontes, in sui quidem ordinis homines laxius, in profanos autem restrictius, ita vt contra hos ad executionem rerum iudicatarum, vrbano- & ac terrestrius magistratuum opem ad extremum implorare necesse habeant. Habent & profani inter se, Nobiles iuxta ac plebei sua iudicia, quibus sacris initiatum ac sacerdotio præditum præesse non licet. Ac Nobilitas quidem terrestribus iudiciis peculiariter

*Terrestria
iudicia.*

riter

riter subest, quæ à iudice, subiudice, & notario terrestribus exercentur, alibi quidem quater, alibi sexies quotannis, alibi vero singulis mensibus: nisi forte iudex, subiudex, aut notarius desit, aut bellica expeditio, vel comitia, colloquiaue interueniant. Tunc enim silent iudicia Nobilitatis, non terrestria modo, sed & alia. Sunt autem in quolibet Palatinatu certa oppida, in quibus ius hoc dicitur Nobilitati, in eo ipso territorio bona agrosque habenti. Nec euocari quenquam è suo territorio licet, nisi ipse certa obligatione nominatim ab hac prærogatiua recesserit. Cæterum, qui nulla habet bona terrestria, conueniri hoc iure nõ potest. Ne sacerdos quidem, exceptis causis finium regundorum, & adscriptitij alieni profugi, cæsi, vel vulnerati: aut si villo alio, quam sacerdotij nomine, bona terrestria possideat. His iudicijs disceptantur pleræq; omnes causæ Nobilitatis priuatæ ac ciuiles, ac ciuilitè institutæ. Regundorum finium cõtrouersia hoc ipso quidem iudicio primum disceptatur inter equites, vel inter equitem & sacerdotem: sed ad extremum ad Succamerarium terrestrem remittitur: qui in rē præsentem veniens, ipse per se, vel per vicarium suū camerarium illius territorij eam definit, certisq; metis ac signis fines controuersos designat. Atq; hæc est vnica Succamerariorum iurisdictio.

*Terrestres
iudicii causa.
Succamerarij iudicium.*

Cæterum si cum regijs bonis equiti sit controuersia, non apud terrestre & Succamerarij iudicium ea disceptatur, sed Princeps equite postulante edit commissarios aliquot de senatu ac terrestribus magistratibus siue officialibus eius satrapia, in qua est controuersia: inter quos etiam Succamerarius esse solet: qui in rē præsentem venientes iudicium id peragunt. Idem fit, si sacerdotalis fundus & ager cum regio cõtrouersos fines habeat: nisi quod Episcopus quoq; eius diocesanos editis à Principe recuperatorib. vnū aut alterū de suis adiungit. Eademq; ratio est petēdi recuperatores à Principe in causis heriscundę familie, siue diuidendę hereditatis inter fratres & propinquos. Quanquam hoc iudicium et præfectus exercere potest. Criminales vero causę de stupro, incendio, latrocinio, & vi armata alienis ædib. illata ad præfectorum in sua cuiusq; præfectura iudicium pertinet. Ciuiles itō quęcunq; aduersus eos Nobiles instituuntur, qui certos agros ac bona terrestria nulla habēt, & qui licet habeant obligatione tamē sua ei foro obnoxios sese fecerūt, aut merēt publica stipendia, aut sacris initiato homini damnū vel iniuriā intulerunt, aut alienū adscriptitium detinet, aut obstaculis deniq; liberā fluij nauigationē impediuerunt, aut si quis executionē rei iudicatæ prohibeat. Dicit aut Præfectus ius in arce, aut alio loco publico sue quisq; præfecturę sexta quaq; septimana per se ipse, vel per vicariū suum iudicē castrēsem. Atq; hæc sunt iudicij castrēsis causæ. Officij vero sunt, rerū iudicarum executio: viduarū de bonis dotalib. cicctarum, & aliorum spoliatorū restitutio: itemq; deprehensos in scelere, & recēti crimine, aut si qs rem alienā apud se deprehensam nõ reddat domino repetenti: adhuc in turbatores cõuentuum ac iudiciorū, & q. vetitis armis vtuntur: in tolerantes censuras ecclesiasticas vltra annū, in iniustos teloniorū exactores, & in sacerdotes, qui iuri patronatus secularium hominum derogant, aut seculares pter ius ad forū ecclesiasticū euocant, animaduersio. In quib. causis quouis tēpore cuius querenti præsto esse debet præfecti autoritas per seipsum, vel per subpræfectum suum: cuius iurisdictio ad causas officij pertinet, si præfectus ipse ius non dicat. Deniq; furti suspectos præhendendi, reosq; iudicandi ac supplicio afficiendi ius habet præfectus, ac subpræfectus eius. Nobiles tamen non nisi eos, qui ter ab eodem crimine damnatis editi & in album furum relati sunt.

*Iudicia
commissaria.*

*Præfectori
iurisdictio.*

*Castrense
iudicium
& officium.*

*Regii iudi-
cii causa.*

Porro status controuersia, hoc est, cum de genere cuiusquam ambigitur, & ea causa, quæ infamiae, cōfiscationis bonorum, vel capitis pœnam (præter eas, quas dudum præfectis attributas esse dictum est) annexam habent, atq; etiam de cade Nobilis, ad solius Principis iudicium pertinent. De quibus is in comitiis demum cum Senatu cognoscit: præter, si malefizium in loco domicilii Principis ipsius, & sub aspectu eius patratū sit. Tunc enim, si auctor recenti facinore comprehendatur, absque citatione Princeps eum ipse per se, vel per Mareschalcum iudicat. De personalibus vero causis ciuilibus, aut ciuilitè institutis, quæ alioquin ad forum terrestre vel castrense pertinent, Princeps itidem quouis loco ac tempore cum iis, quos ad manum habet, consiliariis citatum iudicat. Quæ citatio curialis, & post curiam vocatur. Sed eius vsus ita restrictus est, vt ea in minore Polonia contra eum, qui in maiore tantum agros ac domicilium habet, non valeat: neque contra. Id autem iudicium regionum terminorum nomen habet. Vbi etiam in præfectos & administratos suorum bonorum & reddituum, quod ad munera eorum attinet, quicumque & vndecunque ii sint, Princeps ipse sibi, instigatore officii petente, & cuius postulanti ius dicit: ac de prouocationibus quoque ab officio castrensi ad se delatis cognoscit. Iniustus tributi publici exactor etiam apud Episcopum, Palatinum, vel Castellatum loci recte conuenitur. Belli autem & expeditionis publicæ tempore, cum silent omnia supra memorata fora, penes Principem est ius omne, ac iudicium eorum, quæ in castris, & in ipsa expeditione flagitiose aut scelerate admittuntur. De iniuriis quidem damnisque datis in expeditione bellica Palatini vel Castellani cuius quærenti contra suæ quisque satrapie, vel territorii homines ius dicunt. Si quis autem non pareat, Principi deferunt.

*Iurisdictio
bellica.*

*Prouocatio
ad Principem.
Colloquia
& genera-
les termini.*

Ab omnibus porro iudiciis Nobilitatis prouocatio est ad Principem: nisi quod ea, quæ fiunt à terrestribus iudiciis, in colloquiis fere prius disceptantur. Appellatur autem colloquium, peculiare Palatini cum dignitariis, ac terrestribus magistratibus iudicium: quod semel quotannis autumnii tempore in qualibet satrapia siue Palatinatu exerceri debet, prouocationum à terrestribus & castrensis eiusdem satrapie iudiciis disceptandarum causa. Quod etiam terminos generales vocant, vbi & alienationes & obligationes bonorum terrestrium recte fiunt. Ab hoc itidem ad Regem est prouocatio, cuius duplex est ratio: est enim appellatio, qua inter litigantes solos disceptatur, iustene an iniuste iudicatum sit. Motio vero est, in qua iudex, à quo prouocatum est, necesse habet tueri sententiam suam, vt si iniqua & legibus aduersa fuerit, ipse pudeat, ac mulctetur, quod tamen iam ferme exoleuit. Vtrobique autem regio vel colloquiorum iudicio iniustum decretum rescinditur, vel corrigitur, vniuersaq; causa disceptatur ac diiudicatur, etiam si ab interlocutoria sententia prouocatum sit. Tametsi nō temere admittitur eiusmodi prouocatio. Cognitionum quoque Principis de prouocationibus non est vna ratio: nam de iis, quæ fiunt à colloquiis, non nisi in comitiis cum frequenti Senatu cognoscit. Ad eundem modum de iis etiam, quæ fiunt à terrestribus iudiciis. Nam de iis quoq; recte à Rege cognoscitur in comitiis, si prius ea instituantur, quam colloquia. Itaque indiscriminatim prouocari solet ad colloquia, vel ad comitia. De cæteris vero prouocationibus, quæ fiunt ab aliis iudiciis, etiam extra comitia cognoscit is cum iis consiliariis, quos ad manum habet, quouis tempore & loco: sed tamen intra fines regni modo. Foris enim nemo Nobilium sistere se Principi necesse habet vlla ex causa, exceptis fiscalibus. Tam in comitiis

mitiis autem, quam extra ea in iudiciis regis adhibentur in consilium etiam supplicum libellorum magistri, siue Referendarii: itemque iudex, subiudex & notarius eius territorii, in quo iudicium exercetur, praeter, cum de prouocatione ab ipsorum iudicio facta cognoscitur: habentque; ii postremi omnium dictionem sententiae. Atque his fere foris ac rationibus. Nobilitatis iudicia peraguntur. Nam barbaricus ille mos prouocandi aduersarium ad singulare certamen, & ferro usque; ad necem vel ditionem de iure & iniuria, veroque; & falso decernendi, nihil habet commune cum iudicio. Ceterum iudiciorum ratio in comitiis Varfauiensibus anno millesimo quingentesimo septuagesimo octauo, habitis a Stephano Rege alia instituta est, quae tribunalitia vocantur: ut Respublica ex suo corpore in singulis Palatinatibus, maioribus binos, minoribus vero quibusdam singulos a Nobilitate quorannis sibi deligeret, qui primum a D. Martini usque; ad Paschatos Poloniae maioris Nobilitati Petricouiae, minoris autem a Paschatos usque; ad messem Lublini ius dicerent, ac causas appellationis siue vltimae, ut vocant, instantiae iudicarent. Atque sic omnia priuatarum rerum iudicia penes Nobilitatem deinceps essent: publica, iuris item regii ac fisci iudicia in eo, quo antea statu fuerant, penes Reges manerent: quemadmodum & earum terrarum, quae suis legibus, ac diuerso a ceteris iure vterentur.

Iudicia tribunalitia.

Iudicatur autem Nobilitas suis legibus, quae paucae sunt, & constitutiones regni vocantur (tamen si Masouii peculiares habent) vel moribus, vel ex aequo & bono, siue adeo iudicium opinione. Magnam autem in iis iudiciis vim habet exemplum, & res in simili causa a Principe iudicata: per magnam item iuramentum. Magnus etiam est usus praconum, quos ministeriales terrestres appellant, magnaque eis fides adhibetur, itidem ac tabellionibus in iure civili Romano & Pontificio. Sed sunt ii fere illiterati ac plebei homines, Palatini vel delegati cuiuspiam regii arbitrio, nec semper exquisito delectu creati. Verum in omni fere functione sua vnum aut alterum equitem testem adhibeant oportet. Actori nulla est poena, si causa cadat, vel eam non prosequatur: ac ne litis quidem impensas reus soluit. Reus condemnatus si iudicatum non soluat, mulctatur & pignatur.

Statuta regni.

Condemnatur autem actori in civili causa, quantuncque; is litem iureiurando interposito aestimauerit. Licet tamen iudici ante iuramentum eius aestimationem moderari. Si non paruerit rei iudicatae, reus condemnatur in duplum, quod perlucrum appellant: prior enim condemnatio lucrum dicitur. Si duplum ad certam diem non exoluerit, Praefecti regii eius territorii, in quo reus bona vel domicilium habet, opem actor implorat. Ex decreto autem Praefecti bona rei possidenda ei traduntur, adiecta certa multa, quod vadium vocant, si is prohibuerit. Sin iterum id fecerit, duplicatur multa: sin tertium, triplicatur, quae vadia duplicata & triplicata appellantur. Quae tamen sublata iam sunt, & post interpositum vnum vadium, reus si pergat esse contumax, proscribitur. Proscriptus vero, si vi se nihilominus suaeque tueatur, cuncta illius Praefectura Nobilitas contra eum armatur. Ac ipse quidem praehenditur, bona vero eius a Praefecto possidentur, donec de rebus eorum non modo iudicatum, sed multa etiam & vadia soluantur. Indicta vero causa, hoc est, non citatum, neque conuictum Nobilem, qui modo agi-

Executio rerum iudicarum.

liquid habeat, praehendere nulli magistratui, ac ne Principi quidem licet, praehensio. Inter furem a seruis poena inter conscios & complices ter editum, aut in maleficio quouis deprehensum, aut qui satisfacere nolit, vel non possit. Praefecto remissioni in executione rei iudicatae poena est, abrogatio praefecturae: nisi

E forte

forte eam oppignoratam teneat, tunc enim centum marcarum multa ipsi à Principe irrogatur, detrahenda de summa eius capitali, quoties officium suum non fecerit. Oppidanis vero & plebeis magistratibus, Nobilem etiam in scelere deprehensum sine Præfecti autoritate iudicare omnino fas non est. Hæc de iudiciis Nobilitatis.

Plebs iudicia rustica.

Urbana.

Iudicia consulum & magistrorum contuberniorum.

Scabinorum iudicia.

Iuratum iudicium.

Prouocatio à iurato iudicio.

Iudicium iuris supremi Magdeburgici.

Iudicium sex ciuitatum.

Plebs habet peculiaria iudicia, in pagis quidem simplicissima, quæ vel ab aduocatis iudiciariis, vel scabinis, vel à scultetis, vel à præfectis siue dominis, eorumque procuratoribus & administris, sine strepitu & figura iudicii exercentur. In urbibus autem & oppidis exactiora sunt: quibus Nobiles quoque, qui in iis domicilia & ius ciuitatis habent, sunt obnoxii in causis ciuilibus duntaxat. Ea vero partim penes aduocatum & scabinos, partim penes consules sunt: partim etiam penes magistratos contuberniorum. Consules ac magistri contuberniorum sine strepitu & figura iudicii iudicant, hi quidem singuli cum adiunctis sibi senioribus de leuioribus causis sui quisque generis opificum. Consules vero de quibusuis, proprietatis modo & possessionis rerum soli & hæreditatis, itemque capitalibus ac sanguinariis exceptis: quæ ad scabinorum & aduocati iudicium peculiariter pertinent. Parui momenti causas etiam consul solus agnoscit: à quo itidem, atque à magistris contuberniorum, ad confessum consulum est prouocatio. Ab his porro ad Regem. Inoleuit tamē multis in locis mos, ut prius Præfectus appelletur, atq; inde domum ad Regem prouocetur, idque de regis modo oppidis intelligendum est. Nam quæ alii cuipiam subsunt, in iis prouocationes fiunt ad eorum dominos, ab iisque sine prouocatione iudicantur. Sed si quis aduersus eum, qui ipsi non subest, iniuste iudicauerit, siue per se, siue per ycarium & procuratorem suum, vocari potest eo nomine in ius, cui est obnoxius. Porro Episcoporum & aliorum ecclesiasticorum hominum subditis opem superioris, nempe Episcopi vel Archiepiscopi, contra vim & iniuriam dominorum suorum implorare licet. In iurato autem iudicio (sic enim vocatur id, cui scabini cum aduocato iurati præsident) accuratior seruatur processus iudiciarius, exerceturq; id fere inter cōciues quintodecimo quoq; die, nisi is festus sit: externis vero & hospitibus postulantiibus, quoties opus est, exponitur. Atq; hoc quidem emptum dicitur, illud expositum. Est & tertium genus iudicii huius, quod magnum vocant, ac ter statis anni temporibus ob grauiores causas consule præsidente exercetur. A iurato autem iudicio legitima est prouocatio ad aliud quoddam iudicium primarium urbium, quod quidē duplex est, itidem ac leges, quibus oppidani & agrestes fere vtuntur. Neq; enim iisdem ii cum Nobilitate legibus tenentur. Ac in Masouia quidem, ubi ius Culmense viget, nunc ad Toruniensem magistratū, atq; inde demum ad Regem prouocatur. In cæteris vero Poloniae partibus, ubi iuris Magdeburgensis vsus est, olim ad Magdeburgensem ciuitatem prouocabatur. Sed Casimirus Magnus Rex aliud quoddam iudicium in arce Cracouiensi instituit, quod iuris supremi Teutonici siue Magdeburgensis appellauit: in quo aduocatus cum septem scabinis magno procuratore eiusdem arcis præsidente, nō tamen iudicante, iudicant de prouocationibus, quæ fiunt à iuratis quarumuis ciuitatum & oppidorum iudiciis. Inde vero prouocatio est ad aliud iudicium, quod sex ciuitatum dicitur. In quo eiusdem Casimiri instituto bini certorum oppidorum consules Cracouiā conuenientes in arce ius dicūt sine prouocatione. Cognoscit autē Princeps de prouocationibus iis, quæ ab urbanis & rusticis iudiciis veniunt, & omnino de controuersis ple-

beiorum

beiorum suę ditionis, atq; etiã de querimoniis aduersus Prefectos suos, vbilibet, etiam extra Regnum, & cum quibus vult, consiliariis. Sæpe etiam Consiliariis & Referendariis, Secretariis earum cognitionem delegat, sed ita, vt ipse tamen ad extremum iis referentibus statum controuersię decernat, præsertim si causã ad Nobilẽ pertineat. Soli Cracouienses ciues hoc præditi sunt privilegio, quod à Senatu urbano non nisi ad Principem est prouocatio, & quod eius, itemque Casimirię & Cleparię ciuitatum causã ab eo non nisi Cracouiã iudicantur. Habent & sculteti siue aduocati hæreditarii pagorum & oppidorum nonnullis in locis inter se pecuniaria iudicia, à quibus item ad ius supremum Teutonicum, & inde ad sex ciuitates, vel ad Principem prouocatur. Iure autem suo quisque iudicatur, præter, quod causę cædis & vulnerum Polonico tantum iure iudicantur, quo reus actoris iureiurando peragitur. Ac in recenti quidem crimine comprehensus, cædem capitis supplicio luit. Post interpositam vero vigintiquatuor horarum moram ad certam & lege constitutam capitis æstimationem damnatur, quæ diuersa est, Nobilis & plebei. Pro plebeio capite partim domino eius, partim liberis ac hæredibus cæsi cædit mulcta: pro Nobili vero solis liberis ac hæredib. exoluitur. Nobili tamen pro Nobilis cæde vltra mulctam pœna est etiam carcer annuus, & sex hebdomadæ. Cæterum Masoniorum legibus carceris pœna soluitur is, qui profugus annum totũ exlauerit. Verum plebeio Nobilem interfecisse capitale est, nisi transigat cum actore. Vulnerum certæ sunt æstimationes. Fit autem contemptu harum pœnarum, & capiendæ ex mulcta pecuniæ, vt crebrescant magis indies iurgia atque cædes. Executio rerum iudicarum cõtra oppidanos penes magistratum est in sua quemq; ciuitate, aut si is negligat, domini vel præfecti auxilium imploratur. Atque hæc iudiciorum Nobilitatis & plebis ratio.

Scultetoriũ iudicia.

Homicidij iudicium & pœna.

Executio urbanorũ iudiciorũ.

Comitia duabus de causis habentur, propter consultationes de Republ. & propter iudicia. Cum enim Polonis ea potissimum forma Reip. placuisset, in qua penes vnum quidẽ esset iudiciorũ, ac rerũ omnĩ in bello & in pace summa, sed, vt is rerum agendarum ac iudicandarum consilia cum pluribus consiliariis communicaret: hi porro cum propter alias functiones publicas, tum etiam propter curam rei suæ familiaris, ad latus Principis assidui esse nõ possent, placuit, vt ii ad certum locum ac diem conuocarentur à Principe, ad exercẽda cum ipso iudicia, consiliaq; de Republ. capienda. Hæc sunt comitia publica, quæ etiam generales Regni conuentus vocantur: qui olim simpliciorib. ac melioribus seculis bidui vel tridui spacio peragebantur. Augescẽtib. deinde iudiciis & rebus agendis, extrahi cœpere in longius tempus comitia: sic tamen, vt pro re noua & insolita annotarit Dlugossus, in nonum diem ea extracta esse. Atq; hæc fuit vetustorum comitorum ratio. Posteriori tempore, cum vniuersa Nobilitate, & vna de omnibus ciuitate Cracouiensi communicata sunt comitia: cœperuntq; adhiberi nuntii Nobilitatis siue terrarũ, & ciuitatis Cracouiensis, principio quidẽ vnã ob rem, nempe sciscendi in bellum tributı causa. Deinde vero, cum siue incuria Principũ, siue Senatorum conuiuentia, multa, quæ ad salutẽ & amplitudinem Reipubl. pertinebant, negligi, ac Nobilitatis prærogatiuæ minui viderentur, ad alias etiam consultationes de Republ. accedere cœperunt, non vt consiliarii, sed vt monitores Principis ac cõsiliariorum, & custodes libertatis, & prærogatiuarum Nobilitatis, ac legum publicarum. Nunc igitur sine nuntiis terrarum non habentur legitima comitia.

Nuntij Nobilitatis.

Atq; eam ob rem quories ea debet institui, indicitur prius à Rege Nobilitati

*Conuentus
particula-
res.*

*Conuentus
generales.*

*Comitia
regni.*

*Iudicia co-
mitialia.*

*Controuer-
siarū inter
ecclesiastic.
& equestrē
ordinē ar-
biter Rex.*

conuentus, quos vocant particulares, ad certos dies, certa; oppida. Quibus (nisi iusta causa obster) Nobilitas cum Senatorib. ac magistratibus terrestribus eiusdem satrapie ad templum conuenit, & implorata ope diuini numinis legationem regiam audit, vbi, quando, & quibus de causis opus sit haberi comitia. Deinde præeuntibus Senatoribus nuntios suos deligit, eisque vel peculiaria dat mandata ad comitia, vel vniuersę potestatem facit curandi ea, quęcun- que in commune ẽ Republica fore videbuntur. Lege autem ab hoc munere legationis excluditur, qui priuatum habet negotium ac litem in comitiis. Finitur nuntiorum potestas vniciis comitiis. Nec idem est in omnibus satrapiis eorum numerus: sed pro numero territoriorum esse debere existimatur. Nuntiis ita creatis in particularibus conuentibus, mox instituuntur alii conuentus, quos generales vocant. In maiore quidem Polonia Coli, in minore autem Corcini. Et ad hunc quidem Craconiensis, Sendomiriensis, Russicę, Podolicę, Belsensis, & Lublinensis satrapiarum: ad illum vero reliquarum proceres ac nuntii recens creati, ac de Nobilitate qui volunt, constituta itidem à Principe die conueniunt, auditisque iterum mandatis regis, mandata Nobilitatis, & quę postulat vsus Reipublicę, inter se conferunt. Atque inde itur ad maiora comitia. Quo vbi conuentum est, re sacra solenni itidem in templo publice peracta, itur ad aulam. Ibi Rege & Senatoribus in corona cõsidentibus, adstantibusq; pone secretariis ac nuntiis, Cancellarius vel Procancellarius Regis nomine proponit in mediũ, quibus de rebus in commune consuli operę pretiũ sit. Deinde Senatores ab Archiepiscopis & Episcopis orsi, ordine dicunt sententias. Hinc nuntii petita à Rege venia secedunt in aliud conclaue, iisdem de rebus inter se consultaturi: reuersiq; siue eadem, siue alia die per vnum aliquem exponunt id, quod ipsis in commune visum est, quid probent, quidue requirant. Nonnunquam pluribus mandant, si plura sint negotia proponenda, vt suum quisque edisserat. Non modo enim iis de rebus, quę Regis nomine propositę fuere, sed etiam, si quid aliud ipsis in mentem venit de Republica, postulant, vel admonent. Id vero si est eiusmodi, vt consultationem requirat, & ab eorum functione non alienum esse videatur, dicuntur etiam de eo sententię à Senatoribus, exclusis nuntiis, interdum etiam non exclusis. In omnibus autem consiliis postremus omnium dicit Rex, & quod ei placuit, decreti comitalis & legis habet vigorem, dummodo prioribus legibus, Nobilitatisque aut sacri ordinis prerogatiuis ne aduersetur. Tunc enim refragari placito Principis non solum Senatui, sed etiam nuntiis fas est. Itaque in eiusmodi consultationibus suspendit fere sententiam suam Rex, donec inter nuntios & Senatores, maioremue eorum partem conueniat. Sed hoc iam aliter constitutum est. Cetera autem consilia de Republica, quę legibus diserte excepta nõ sunt, nec prerogatiuis Nobilitatis præiudicant, cum Senatu solo Rex communicat. Quemadmodum iudicia quoq; cum eo solo exercet, minimũ biduo vel triduo singulis hebdomadis per tempus comitiorum. Sed interdum ea delectis aliquot ẽ Senatu delegat. Atq; ii quotidie fere, festis dieb. exceptis, iudicant. Verum ab his quoque assessoribus (sic enim vocantur ii iudices) ad Regē prouocatur. Atq; ii statum cõtrouerfiar cuiusq; decretumq; suũ in confessu reliqui Senatus exponũt. Sententias tamen denuo non dicunt. Publicarum inter ecclesiasticum & equestrẽ ordinẽ controuerfiarum arbitrium atq; transactio penes Regem est. Comitia quotannis, nisi quid forte impediatur, institui vstatũ est. Nihil tamẽ phibet, quo minus vel rarius,

rarius, vel crebrius instituantur. Crebrius quidem ut id fiat requirit iudiciorum & prouocationum disceptandarum multitudo, quæ cū antea nonnunquam in quartum & quintum, ac sextum fere mensem extraherentur, nunc lege sex septimanarū spacium præfinitum est. Locus certus comitiis habendis olim nullus erat, sed ubi Regi collibuerat, etiam sub dio, & in territoriis ea peragebantur. Postea lege in vnum conclusa sunt oppidum, in vmbilico & medietullo totius Poloniae situm Petricouiam. Sed iam ea inde noua lege in gratiā Lithuanorum Varſauiam translata sunt. Potest tamen Rex assentiente Senatu iusta aliqua de causa alibi quoque ea instituere. Nec illud prætermittendum est, quod initio comitiorum nuntiis Nobilitatis singulis certa pecunia in victum de publico numeratur. Senatoribus non item. Caterum non venienti ad comitia Senatori sine iusta causa, lege multa irrogatur: sed ea vix vnquam à Rege exigitur. Habet ecclesiasticus quoque ordo in Polonia suos conuentus siue synodos, quarum causas & vniuersam rationem è iure pontificio petat, qui vollet. Atque hæc etiam de comitiis. Superest belli gerendi ratio.

*Comiti-
orum locum.*

*Synodi sæ-
cerdotum.*

Bellum autem in hac gente à Nobilitate geri vsitatum & legitimum est antiquitus: quæ cuncta equestris militat, idque pro modo bonorum & reddituum facere debet. Sed cum nulla publice instituta sit bonorum æstimatio, modus hic fidei cuiusque creditus, labente in deterius disciplina & fide, arbitrarius factus est, non sine Reipublicæ totius incommodo atque iniuria. Arbitrarium est & genus armorum. Tenuiores, & qui equum alere non possunt, pedestres militant. Sculteri quoque siue aduocati hæreditarii, & quicumque fundos terrestres hæreditarios habent, non sunt immunes à militia. Multatur autem agris & bonis omnibus, si quis paterfamilias à bello abfuerit, aut filium adultum, fratremue, qui ipse separata bona, & militandi necessitatem non habeat, pro se non miserit. Caterum pupillis impuberibus, agrotis, senio confectis, & viduis per necessarios & famulos militiæ obire licet. Habent autem vacationem militiæ tribuni terrestres, præfecti arcium in finibus Regni sitarum, vicarii cæterorum præfectorum iurisdictionem habentium, vicecapitanei, & burggrabi, & qui Reipublicæ causa absunt: habet item ordo cunctus ecclesiasticus præter eos sacerdotes, qui bona terrestria hæreditario seu alio quouis, quam sacerdotiorum iure ac nomine obtinent. Euocatur ad bellum Nobilitas antiquo more, dimissis quoque versus per præfecturas literis signo regio consignatis: quæ deinde in pertica resti alligatæ (vnde restium nomen acceperunt) à præconibus siue ministerialibus terrestribus ad dignitarios & officiales siue magistratus: primoresque Nobilitatis cuiusque præfecturæ sublimes & conspicuæ circumferuntur, & in foris urbium ac oppidorum alta voce publicantur. Ter autem id fieri oportet interpolatis quaternis septimanis: nisi decreto comitali tempus id accidatur, binæque restes coniungantur. Post tertias demum restes domo se quisque mouet ad suæ satrapie conuentum, ad certum locum certumque diem indictum. Inde porro autore ac ductore Palatino cum sui quisque territorii Castellano ad constitutum à Rege prope fines Regni locum pacati profisciscuntur. Verum hoc quoque, ut alia nonnulla recte à maioribus instituta, augescente indies equitum licentia conniuentiaque magistratuum in desuetudinem abiit, magno non modo sacerdotium, sed etiam regiorum, & ipsius Nobilitatis prædiorum & adscriptitiorum incommodo atque damno. Necesse autem habet Princeps equestris ordinis homines ab hostibus in bello captos redimere, ac damna amissorum equorum, quæ ii extra fines Regni acceperint,

*Belligerem-
di ratio.*

*Pœna non
militantiæ.*

*Immunes
à militia
qui.*

*Restium.
litera.*

*Bellica le-
ges.*

exoluere. Captum vero hostem, nobilem præsertim, is qui cepit, Principi tradere debet, acceptis pro eo duobus florenis. Vñ venit nonnunquam, vt hæc copiar diuidantur à Principe de sententia amplissimi consilii: ac cæteris quidem aduersus hostem proficiscentibus, vnius aut alterius satrapie Nobilitas, vel plurius, si opus sit, ad præsidium eius oræ, vnde item belli aliqua est suspicio, relinquatur. Hæc est apud Polonos belli gerendi ratio: hoc robur militiæ in equitatu situm. Hæc sunt opes & vires gentis: hæc copiar externis pene incredibiles, & cum quibusuis maximarum gentium opibus ac diuitiis comparandæ: quibus olim Principes Poloniae res magnas gesserunt, non domi modo illata bella propulsando, sed foris etiam hostes viciscendo, fines imperii longe lateque proferendo, & amicis ac sociis succurrendo. Sed cum abuterentur ii nonnunquam obsequio Nobilitatis, eamque crebrorum ac diuturnorum, minimeque necessariorum bellorum incommodis exercebant, lege cautum est intra ducentos annos & amplius, vt ne liceat Regi bellum facere sine comitiis & assensu Senatus: & vt Nobilitas fines quidem Regni, quoties & vbi opus est, absq; vlllo stipendio tueri necesse habeat, non sine Principe tamen, præterquam in interregno. Cæterum extra fines ne ad vllam militiam educi possit inuita, nisi acceptis à Rege in quemlibet hastatum equitem quinque marcis.

Bellica expeditio sine comitiis non indicitur. Nobilitatis officium.

Peditatus nullus est fere apud Polonos, præter mercenarium, si quem Principes conduxerit. Mittunt quidem ei oppidani currus commeatu onustos cum peditibus: sed is peditatus non multus est, & sternendis muniendisque viis, quam armis tractandis, accommodatior. In extrema tamen necessitate & grauiori bello, euocata ad expeditionem Nobilitate, oppidani quoque & agrestes decimum quemque peditem decrero comitali armant & expediunt. Cum autem lentior sit expeditio hæc vniuersa, & nonnunquam ciuibus & amicis magis quam hostibus incommodare soleat, excogitata est ratio conducendi militis mercenarii pedestris & equestris ad subitarias Tartarorum & aliorum hostium excursionses reprimendas, expugnandas munitiones, & alios militares labores subeundos aptior & promptior. Quæ copiar pariter cum decurionibus, centurionibus, turmarum & cohortium ductoribus tribunisque militaribus ab alterutro exercitus longe laxiori potestate, & seueriore disciplina, quam in expeditione publica reguntur. Est autem stipendium trimestre, in equitem quidem senum, in peditem vero quaternorum florenorum antiquitus constitutum. Perexiguum id sane est, nisi in magna alioqui rerum omnium ad victum pastumque pertinentium copia & vilitate, longe leuius etiam precium rebus venalibus bellica lex imponeret, & charitas patriæ, studiumque bellicæ virtutis ac gloriæ, & spes adipiscendorum publicorum honorum magis, quam vlla merces iuuentutem multitudine & ocio abundantem ad facienda stipendia excitaret. In hoc vero stipendium publice confertur pecunia, tributo, quam exactionem vulgo vocant, agrestibus ac oppidanis, Regi iuxta ac Nobilitati subiectis, imperato. Quo illi non inuiti agrorum domorumque suarum vexationem redimunt: si modo redimunt, mercenariorum etiam militum, non contentorum stipendiis suis, licentia & rapacitate indies magis ac magis progrediente, & nec sacerdotum, nec Nobilitatis, atque adeo neque Regis ipsius bonis abstinente. Id autem tributum ex agris quidem in mansum, ex oppidis vero ostiatim penditur. Quin etiam venalis cuiuslibet potus nomine in oppidis iuxta ac pagis pensatur.

Stipendia equitum & peditum.

Tributa siue exactiones.

Pendunt

Pendant & molitores de moletrinis quiddam, & sculteri siue aduocati de suis agris, itemq; nobiles ii, qui nullos habent adscriptitios, & plebei, qui neq; domos, neq; agros habent, & arte aliqua, vel opera sua victitant. Doctores, Magistri, Scholastici, & qui literarum studiis vacant, immunes sunt. Est & aliud quoddam tributum, in magna necessitate aliquando plebi vniuersæ, exceptis scholasticis imperatum: quod quia de singulis capitibus pendebatur, capitale dictum est. Imponit nonnunquam & ipsa sibi Nobilitas cum Rege & proceribus tributum de agris, vel de censibus suis pensitandum, si vsus & necessitas postulet. Non nisi in comitiis autem hæc tributa sciscuntur ac decernuntur, & quidem consentientibus Senatoribus pariter ac nunciis terrestribus.

Capitale.


Cæterum ecclesiasticus ordo vna cum bonis & hominibus suis, iam inde ab initio susceptæ religionis Christianæ, non modo militiæ perpetuam vacationem, sed tributorum etiam publicorum immunitatem habet in Polonia: verum ipse superiori tempore oppidanos & agrestes suos tributis, quæ cæteris imperantur, vltro Reipublicæ gratia subiecit. Nunc iam pro lege habetur, vt quoties regiis & equitum subditis tributum imperatur, nehi exortes sint. Pensitant ipsi etiam nonnunquam sacerdotes cum Episcopis rogati, vrgente necessitate, & charitate patriæ suadente, de suis sacerdotiis certam redituum suorum portionem, quam pensionem contributionem appellant. Eius vero decernendæ ius est penes synodum prouincialem: Exigendæ vero penes eos, quibus Episcopi cum primario suo collegio in sua quisq; diœcesi mandauerit. Superiorum autem illorum tributorum, quæ plebi atq; etiam Nobilitati imperantur, exactio plerunq; Regis arbitratu, nonnunquam de Senatus ac nunciorum sententia per satrapias compluribus imponitur. Nec diutius id munus durat, quam ipsum tributum. Dispensatio penes Regem fere & Thesaurarium Regni manet. Nonnunquam tamen & ipsa aliis comitiorum decreto mandatur. Non adeo pridem excogitata est noua ratio comparandæ in defensionem Regni militemq; mercenarium pecuniæ. Rex enim Sigismundus Augustus quartam partem redituum regionum in eum vsum perpetuo Reipublicæ concessit, quæ pacis tempore in fiscum, in arce Rauensi constitutum, deponitur.

Ecclesiasticorum immunitas.

Quartam redituum regionum.

Atque hæc de origine gentis Polonicæ, situ terræ, soli vbertate, populis, lingua & moribus, ordinibus ac statibus, magistratibus & vniuersa Reipublicæ forma, belli pacisq; tempore. Nunc Principum siue Regum, & ipsius populi res gestæ strictim percurrendæ.

HISTO-



HISTORIÆ POLONICÆ

Liber Secundus.

LECHVS.

An. Ch.
550.



IVTVRNO cunctæ Slauiçæ nationis consensu celebratur, Lechum & Czechum Polonis atq; Bohemis (qui etiam Czechii lingua Slauiça vocantur) Principes præfuisse: ideoq; alterum Polonis, alterum Bohemis nomen dedisse, dubitandum non est. Bernhardus quidem Vapouius etiam certum tempus edidit, quo Polonis Lechus præfuit, nempe circa annum Christi quingentesimū quinquagesimū, à quo quidem sumendum est initium rerum Polonicarum, propterea quod de verustioribus gentis Polonicæ temporibus nil comperti habetur. Lechus itaq; primus gentis Polonicæ auctor hæc regionem latissimā, quæ regnum Poloniæ complectitur & colendum & habitandum multitudini suorum distribuit: arces & castella opportunis locis muniuit: ipse in vna ex his domicilium fixit, quam sexto à Varta flumine milliario, versus Septentrionem in patentissima planicie, ex rudi & non dolata materia extruxit, eique oppidū adiunxit, quo esset tamen aliqua hominum circum Principem frequentia, & Gnesno seu Gnesnæ ipsi nomen imposuit, à nido, quem Gniazdo Poloni vocant, paululum deflexo vocabulo: siue quod eo loco, quo nidus auibus, arx illa sibi futura esset: siue quod aquilarum ibi nidum reperisset, indeq; insigne boni auspicii adeptum mansisse, & manere successoribus eius Principibus Polonorum existimatur alba aquila, erecta expansis alis. Sicigitur fundato principatu, Lechus partim Gnesnæ manendo, partim obeundo regnum ius dabat populo æquabile, non ex præscripto legum, quæ nullæ erant, sed ex arbitrio suo, hoc est, ex æquo & bono: vsus moderato imperio, magis pater quam dominus factus illorum, qui fidem ductumq; suum secuti essent. Nec enim facile liber feroxq; populus asperum & iniquum tyrannum aut initio secutus esset, aut postea pertulisset. Reditus tunc & agros peculiare nullo habebat Princeps: sed ei cuncti seminabant & metebant, deq; omnium rerum prouentu ac fructibus ipsi vestigal pendebant. Nam nummus tunc incognitus erat apud Polonos: sed, quo indigebant, permutatione rerum sibi comparabant. Quamdiu vero Lechus regnauerit, quid præclari bello paceque gesserit, quosue liberos post se reliquerit, in incerto habetur. Vapouius inter alia scribit, centum quinquaginta ferme annis posteritatem eius regnasse in Polonia, ad annum fere à Christo nato septingentesimū. Cæterum quod Vapouius memorat, maris quoque fortunam Polonos tunc feliciter tentasse, & instructa classe traiectog; sinu Balthico Rugiam, Fœoniam, & alias quasdam insulas de

Aquila alba
in insigne
Polonia.

Principis
veneris.

Danis

Danis cepisse, & cum ea gente vario Marte terrestribus & naualibus praeliis dimicasse, tandem Duce Vissimiro vno ex Lechi posteris, Siuardum Regem Danorum nauali pugna ab iis profligatum, & pulsum precario regni partem sub annuo tributo recepit, concessa Polonis Iutia, Scaniaque: filias vero eius duas captiuas, alteram Noruegis, alteram Germanis venditas: filium autem Iarmericum in obsidis loco asseruatum esse: inde Vissimirum Principem captiuus abundantem, duas vrbes maritimas circa mare condidisse: & ex his alteram Vissimiriā de suo nomine, alteram Dantiscum siue Gedanum à deuictis Danis, eoque deductis, appellasse: tandemque Siuardum postea seruitutis impatientem Vissimiro rebellasse, & in pugna occubuisse: filium vero Iarmericum aliquanto post è custodia elapsum nouos motus in Dania concitasse. verum eos à Polonis tunc sedatos esse, vero non videtur esse consentaneum. Nam vt ex Crantzio & Saxone satis constat, Vissimirus hic non Dux Polonorum fuit, sed Vandalorum, qui ea ætate totam Pomeraniam cum hoc, totoq; Megapolitano tractu longeq; aliquid amplius tenuere, & fertur sub annum Christi trecentessimū quadragesimū vixisse. Vnde colligere facile est, Gedanum eo tempore nondum extitisse, vix enim verisimile est, tot retro seculis urbem tam celebrem & maritimam ab omnibus Historicis, qui orbem Arctum, ipsiusq; vrbes accurate descripserunt, istam alto præteritam fuisse silentio. Quin Vissimaria non adeo vetusta est, vt à Vissimiro illo condita fuisse putanda sit, sed potius, vt ex aliis & præsertim annalibus ipsius ciuitatis liquet, à Gunshelmo Comite Suerinensi & Megapolitano, rerum potiente Valdemaro secundo Rege Danorum, circiter annum Christi millesimum ducentessimū quadragesimum. Krantzius hanc historiam ex Saxone sic narrat. Siuardum istum Regem Dania: primum à Gotharo Rege Sueciæ profligatum fuisse, ideo quod Gotharo sororem suam in matrimonium promissam mutata post sententia elocare recusarit. Qua iniuria permotum Gotharum sponfam armis petiisse, tota regione occupata. Vandali, quorum tunc Rex erat Ismarus, animaduertentes, Siuardum à Gotharo in maximas angustias reductum, irruptione in Dania facta praelioq; commisso Siuardum ceciderunt, filius Iarmericus cum duabus sororibus parulis præda hostibus fuit, quarum altera Noruegis, altera Germanis, quod venalia quondam solebant esse connubia, prece vendita est, sicq; tota ea à Vandalis subacta fuit. Errori vero huic occasionem præbuisse nomen Ismari & Vismari.

D V O D E C I M D V C E S S E V

Palatini.

Cum autem stirps Lechi defecisset, ab vnus imperio ad paucorum dominatum traducta fuit Respublica. Nam duodecim Palatini, ex omni procerum numero viri in primis spectati, diuisa in totidem regiones Polonia, in principes eliguntur, quo suæ quisq; regioni præset: & Voievoda, hoc est, duces belli & copiarum vernacula dicti sunt lingua. Et recte quidem illi, atq; è Republica initio initum magistratum gessere: legesq; paucissimas & simplicissimas, vt rude illud ferebat seculum, non in libris, neq; in tabulis, sed in animis hominum atq; in vsu incidere. Sed post aliquanto ad ambitionem versi, dum suo quisq; nutu omnia geri vult, & rem priuatam potentiamque suam augere studet, assentari multitudini, eiusq; licentiam alere, suos quisque per fas & nefas defendere & euehere, terrori esse iis, quos beneuolentia sibi adiungere non posset.

*Palatinorū
dignitas.*

Inde tandem contentiones, simultates, & factiones à studiis partium sunt exorta, quæ Rempublicam funditus euertere cœperant. Pertasi igitur malorum Poloni, quæ sub duodecim Palatinorum imperio ipsis incubuerant, ad vnius Principatū respexere, & aliquid de gustata libertate ipsi sibi detrachere, quam perire prorsus volebant. Quamdiu vero horum Palatinorum durauerit imperium, in incerto habetur. Mansit quidem deinceps sub Principibus, manetq; in hanc vsq; diem is apud Polonos magistratus, aliquantum restricta potestate ac iurisdictione ipsorum, habentq; ii principem secundum Episcopos in Senatu regio locum. Caterum duodecim tunc Palatini fuerunt, vel nouo populi placito, vel vsitato etiam sub Principibus instituto: finibus vero Poloniæ non iisdem perpetuo manentibus, sed accisis aliquando prolatiq; rursus, ne regionum quidem eadem distinctio, nec idem Palatinorum numerus mansit.

C R A C V S.

*An. Ch.
700.*

*Cracus
Polonus.*

Abrogato Palatinorum imperio post longam in conuentu Gnesnensi cōsultationem vna omnium sententia ad Cracum Principatus deferitur, quod factum esse circa annum Domini septingentesimum Vapouius vult: ideoque quando Lechi posteritas ad eum quoq; annum fere (vt ante dictum est) manserit, non diuturnus fuisset ille Palatinorum dominatus. Siue autem Cracus vnus fuit de Voieuothis illis, siue non: vero propius est, ipsum fuisse Polonum, quam externum. Habebat enim & domicilium apud Istulam tredecim milliaribus à fontibus eius fluminis: vir cum amicitis, copiis, & facultatibus potens, tum prudentia, animi magnitudine, & iustitiæ, atque integritatis opinione apud omnes ita gratiosus, vt solus dilabentem Rempublicam recte sustinere & recreare posse videretur. Reluctabatur ille quidem diu & multum Reipublicæ curam & administrationem suscipere, præsertim quod & licentia hominum intestinisq; dissidiis perturbata, & externis bellis non leuiter quassata fuit: precibus tamen & contentione multitudinis, amoreq; patriæ victus assensit. Neq; vero fecellit Polonos hoc ipsorum de Craco iudiciū, prudentiæ ac virtuti ipsius datum. Nam hostes patriæ alios fœderibus sibi adiunxit, alios armis repressit, pacatis vero foris rebus, domi licentiam & audaciam perditorum coercuit: iudices priuatarum controuersiarum per loca constituit: urbem in læua Vistulæ ripa, in loco domicilii sui condidit, ac de nomine suo Cracouiam appellauit, eiq; arcem in colle Vauelo, Vistula eum ab oppido tunc dirimente, felicibus auspiciis superedificauit, quam regni caput Gnesna relicta fecit. In eo scopulo, cui arx Cracouiensis superimposita est, fertur immanem beluam, quam holophagum siue draconem vocant, cubile suū habentem, viciniam omnem deuorandis pecudibus, iumentis, & hominibus intentam Cracus astu interemisse, cum corpora illi obiciēda pice, sulphure, & fomite succenso infarciri iussisset, & ignis conceptus viscera beluæ torruisset. Celebri Craci fama permoti Bohemi consanguinei Polonorum, ipsi quoq; sibi eum principem adsciuerunt, vt Dlugosso & Vapouio placent. Sic Cracus cū per multum tempus bene ac feliciter regnasset, obiit tandem, & è conspectu Cracouiæ ultra Vistulam in monte Lassotino, aggesto instar montis tumulo, quemadmodum ipse mandauerat, sepultus est: extatq; in hunc vsq; diem is tumulus, haud procul à delubro, quod diui Benedicti nomine vocatur.

*Cracouia
à Craco
condita.*

*Cracus
moritur.*

LECHVS SECVNDVS.

Curato patris Craci funere, filius eius natus minor Lechus, maiorem (cui
Cra-

Craco nomen erat) per speciem venationis in sylvas eductum, incautum occulte interemit, ac fortuito casu eum periisse mentitus, simulatis lachrymis ac luctu honorifice sepelit: principatumque scelerate appetitum, qui maiori natu debebatur, sublato illo suscipit. Verum aliquanto post patefacto scelere, *Lechi par-* Principatu deturbatus, & in exilium missus est. Alii dolore & conscientia pat- *ricidium.* trati parricidii, cum Diis hominibusque exosus esset, domi eum contabuisse, nullis relictis liberis, aiunt. Vincentius Cadlubcus vivente adhuc patre parricidium ab eo patratum, sed mortuo demum patre, & iam ipso regnante, scelus patefactum esse memorat.

V E N D A.

Tam gratam vero sui memoriam Cracus Princeps apud Polonos relique- *An. Ch.* rat, ut utroque eius filio orbat, ad Vendam filiam, quæ unica superstes erat, *750-* Principatum deferrent. Sperabant enim, habituros se esse præstantem aliquem de externis Principem, venustissimæ & prudentissimæ virginis Vende coniugio inuitatum. Nec fane sefellisset Polonos opinio, nisi per Vendam sterisset. Nam Ritigerus illustis & potens ea tempestate in Germania finitima Princeps, per oratores suos coniugem eam sibi petiuit: verum illa excelsi & minime muliebris animi virago, negare se alicui esse nupturam: Principem, quam Principis vxorem, esse malle. Orare iterum atque iterum Ritigerus, minasq; ad- *Ritigerus* iicere. Vbi frustra se omnia tentare videt, coacto exercitu, armis negatum con- *Venda con-* ingium atq; principatum contemptu muliebris imperii persequi statuit. Nec *ingium pe-* segnius Venda cum expeditis suorum copiis aduenienti hosti ad fines regni sui occurrit. Miscere rursus Ritigerus preces cum minis: illa vero exprobrare im- *Ritigerus* portunam libidinem armato. Oratores reuersi, eximiam puellæ pulchritudinē *Victus à* & sapientiam, animumq; ad bellum quam ad nuptias paratiorem, renunciant *Vanda.* suo Principi. Orant itaque ne se exercitumque suum propter intempestiuum *Vanda se* amorem ac cupiditatem suam turpiter coniiciat in periculum, inglorium esse *in Vistulâ* viro cum fœmina certamen, etiam si exploratam habeat victoriam: ni desinat, *præcipitat.* relicturos se eum, domumque signis conuersis reuersuros. Ille omnibus tenta- tis, ubi obstinatos suorum animos, & à prælii dimicatione alienos esse videt, mortem sibi consciuit, cum propter amoris impatientiam, tum quod à mulie- re sine ullo prælio victus esse videretur. Germani vero ictis cum Venda fœde- ribus, finibus Poloniæ decesserunt. Latata hoc successu Vanda, ouans Craco- tiam ingreditur, mactatisque quamplurimis victimis, ad extremum ipsa Diis patriis solenni ritu se deuouet, ac de ponte in profluentem Vistulæ, ne quis ad- uersus casus eius felicitatem contaminaret, sese præcipitavit. Inuentum est po- stea Vende ipsius cadauer: quod vno ab vrbe milliario, editiore loco è con- spectu vrbis supra amnem Dlubniam Proceres sepeliuerunt, aggesto itidem, ut patri, tumulo: indeq; subiaccens pagus Mogilæ, hoc est, tumuli nomen forti- tus adhuc retinet.

DVODECIM PALATINI ITERVM.

Vanda fatis erepta, cum nemo regiæ stirpis superesset, commutata est rursus Reipublicæ forma, à duodecimq; iterum Palatinis Polonia cuncta mi- litia domiq; aliquandiu administrata esse fertur: donec rursus ad vnum dela- tus est Principatus, ex mirabili quodam euentu ac stratagemate. Nam cum

*Pramislus
aurifex.*

Polonia Pannonibus & Moranis aliquoties profligati, animum à defensione finium suorum desponderent, homo quidam plebeius & aurifex Pramislus nomine coadunata aliquanta voluntariorum militum manu, arte & dolo hostem fudit. Galeas enim & clypeos è tenerioribus arborum corticibus, & quauis alia materia magno numero fabricari curauit, eaq; partim felle, partim lithargyrio extrinsecus illita, noctu è conspectu hostilium castrorum, in extrema sylua in truncis arborum, & in arbuſtis, terræq; infixis ramis ita appendit, vt ad exorientem solem obuersa armati exercitus speciem eminus inspectantibus exhiberent. Quod conspiciari Pannonες contemptu victi sæpe fugatiq; à se hostis, pauci tumultuarie correptis armis, quasi ad certam prædam procurrerunt: Poloni vero interea galeis atque clypeis submotis siue combustis fugâ simulauerunt. Siue ergo præcipitato illo tumultuario exercitu in insidias atque concisos, & mox indutis armis ipsorum, reliquos imparatos cæciderunt: siue, dum credunt fugisse Polonos, in secur os illos, & crapula somnoque sopitos Poloni repente irruerunt: Pramisli certe industria singulari illo stratagemate singulariter tunc enituit, opemque patriæ tulit: hostis vero cæsus, & castris omni rerum copia refertis exutus inglorius Polonia excessit.

*Pannonες
& Morani à Polonis fusi.*

PRAEMISLVS SIVE LESCVS PRIMVS.

*An. Ch.
760.*

Ob tam præclarum igitur facinus atque meritum in Rempublicam Pramislus omnium acclamationibus princeps renunciatur, & blandum Lesci nomen, gratiosum apud Polonos, ob Lechi conditoris memoriam, oblatum accepit. Quanquam Vincentius Lesticum ab astu vult appellatum fuisse. Videtur autem Principatus ipsius incidisse in annum Christi septingentesimum quinquagesimum aut septingentesimum sexagesimum, post quem susceptum, in pace moderatum eum in suos gessit. Nec ausus est quisquam eo viuente Poloniae fines infestare. Quamdiu vero regnauerit, vbi, & qua morte absumptus sit, non satis constat: liberos quidem post se nullos reliquisse fertur.

LESCVS SECVNDVS.

*An. Ch.
804.*

*Cursus e-
quorum de
Principatu.*

Præmisso siue Lescō eius nominis primo vita defuncto, exoritur noua de Principatu contentio: cumque nullus appareret ambiendi modus atque finis, placuit rem fortunæ & forti committere. Indictus est itaque ad certam diem maculosorum equorum cursus, qui primus ad metam peruenisset, eius dominus Princeps vt esset Poloniae. Figitur meta ad Prandnicum amnem in aperta planicie ad septentrionalem plagam Cracouiæ. Status curriculo dies adest: effunditur ad spectaculum ingens hominum multitudo, sollicita omnium, quem det fortuna euentum, expectatio. Confident delecti iudices, & munerarii, dant signum certaminis. Ibi Lescus quispiam, competitorum vnus, cum stadium vafro consilio stratis clam in sabulo ferreis acutis stylis, quibus currentium equorum pedes læderentur, impediuiſſet, primus ad metam obliquo & minime impedito tramite, cæterorum equis in cursu offendentibus, peruenit. Munierat autem is & equi sui calces ferreis soleis, vt si forte cum impetu currens in eos incidisset, non offenderet in stylis: cum omnes omnium aliorum equi de more illius temporis soleas nullas haberent. Illius itaque rei prorsus ignaris omnibus, & miraculo attonitis, iamq; victorem &

*Lescus dolo
victor.*

Prin-

Principem, quasi diuinitus sibi oblatum, Lescum acclamantibus, dolus deprehenditur. Protrahitur Lescus in medium, conuincitur, damnatur, concerpitur. Notarant autem commentum illud impediri curriculi, duo quidam iuuenes tenues & obscuri: cum enim, nemine etiam dum praesente, pedestri cursu in stadio illo forte certarent, ioco principatum inter se pacti, offendunt in stylis, subsistunt, inuestigant rem curiosius, notant tramitem stylis vacuum. Eorum alter, equitibus à carceribus procurentibus, procurerat & ipse pedester noto iam sibi tramite, omnibus effuso risu eum prosequentibus: omnium vero equis, posteaquam ad stylos ventum erat, cespitantibus, iuuenis ille pedester primus post doli fabricatorem ad metam peruenerat. Eum igitur, Lescus interfecto, Principem populus omnis salutat: &, ne quid ad auctoritatem ac maiestatem ipsi desit, Lescus commutato nomine appellatur. Atque is Princeps factus tam insperato rei euentu, dedit operam sedulo, ne tanto munere indignus iudicaretur: nec modo finitimorum vim & incursiones repressit, sed quibusdam etiam populis ultro bellum intulit. Quantum vero ipsi dabatur otii à bellis & seriis Reipublicae negotiis, in exercenda virtute ac disciplina militari illud fere consumere: varios ludos & certamina equitibus pariter ac pedibus indicare: certantibus honorifica praemia proponere: ipse arbiter ac iudex praesidere, & pro meritis quenque collaudare. Fuit autem in hospites splendidus ac munificus: in suos cum virtute aliqua praestantes, tum egestate pressos liberalis: adeuntibus quoque facilis & comis, acerque vindex iniuriis pressorum. In victu cultuque corporis singularis erat parsimonia: rudibus & crassis pannis aulaeorum loco passim utebatur: nisi si quando in publico dare aliquid splendori & maiestati Principatus, propter externos homines maxime, cogebatur: quin ibi quoque crassos illos suos pannos, quibus ante adeptum Principatum usus esset, ob oculos sibi poni iubebat, quibus admoneretur fortunae suae pristinae, & unde ad tantum honoris fastigium esset euectus. Ab ebrietate vero ita abhorrebat, ut pecudi quam homini similiorem esse ebrium hominem iudicaret. His moribus & hac moderatione animi quandiu, quibusue rerum successibus regnauerit, & quomodo vita defunctus sit, itidem atque alia illius temporis, non liquet. Non desunt, qui hunc Lescum interfectum esse scribant in praelio, quod ipse vicinis suis Vngaris ac Sclauis ferens auxilium, contra Carolum Magnum Imperatorem, siue ipsius Imperatoris filium nothum eiusdem nominis gessit circiter annum Christi octingentesimum quintum.

Deprehensus a fraude concerpitur.

Obscurus quidam principatum casu adipiscitur. Lesci studium in pace & bello.

Lesci mors.

L E S C V S T E R T I V S.

Lescus huic è rebus humanis sublato, vnicus eiusdem nominis filius successit, non degener à paternis virtutibus: Nam ita se gessit in principatu bello pacisque, ut patrem non adaequare modo, sed superare etiam videretur. Multa hic cum finitimis, qui nouitate & humilitate eius generis despecta, nouos ciebant motus, bella gessit: eosque vel perdomuit, vel reuocauit ad officium. Quod si verum est illud, quod de patre ipsius in praelio interfecto dictum est: hic filius interfecti fortasse (ut quidam commemorant) legationem de pace ad Carolum miserat. Suscepit autem Lescus hic liberos complures mares, ex legitima quidem vxore Popelum: è concubinis vero Boleslaum, Barninum, Bogdalum, Casimirum, Vladislaum, Vradislaum, Otam, Pribislaum, Ciesimirum, Iaxam, Semianum, Praemissum, Ziemouitum, Ziemomyslum, Sbigneum,

An. Ch. 810.

ex Lesci liberis.

Spicimirum, Spicigneuum, Sobeslaum, Vissimirū, & Vislaum. Ex his Popielum in spem principatus liberaliter educatum, successorem sibi viuens designauit: ceteris vero nō prius possessiones attribuit, donec sacramento adacti promiserint ea omnia, quæ pater de Popielo & vniuersa herciscūda sua familia statuisset, rata & firma se habituros, nec nouis diffidijs eius regnum turbaturos aut interpellaturos. Quod vbi illi fecerunt, ad hunc modum inter eos partitus est provincias. Boleslao quidem natu maximo, Barnimo, atq; Bogdalo Pomerania cessit. Casimiro ac Vladislao Cassubia. Iaxæ & Zieniano Serbia siue Sorabia: Vratislao Rania siue Rugia. Pribislao, Ciešmimo & Otæ obtingit Ditiuonia. quæ nunc Lusatia dicitur. Præmislo, Ziemouito, & Ziemomislao Marchia Brandeburgensis, quæ à Polonis Sgorolecia vocata fuit. Reliquis reliqua eius oræ: in quibus Vislaus Miedzibozum arcem, quæ nunc Magdeburga, Sobeslaus Dalen, quod Daleburgum, Vissimirus in littore Oceani Vissimiriæ ædificarunt.

POPIELVS SENIOR.

An. Ch.
815.

Lesco itaq; vita pariter atq; principatu defuncto, destinatum à patre Principatum Popielus suscepit, patris auiq; dissimilis, ignauus ac timidus. Qui cum nihil præclari in Principatu gessisset, regiam tantum & domicilium suum Cracouia Gnesnam primum retulit, indeque non multo post Crusuiciam transtulit (cum eam arcem in planicie ad lacum Goplum condidisset) Cuius instituti causa hæc potissimum fuisse creditur, quod homo meticulosi & diffidis animi quæsiuit antrum, vbi remotior ab Vngaris & Germanis, & fratribus, à quib. sibi cum primis metuebat, securius viueret, & à negotijs reipublicæ alienatus indulgeret ventri, & ijs, quæ sub ventre sunt. Sed non diu animi proposito frui concessum ei fuit. Iuuenili enim adhuc ætate, cum aliquot annis regnasset, in morbum incidit, ac paulo post obiit. Fertur autem subinde solitus esse murium deuotionem sibi suisq; imprecari: quo quidem malo filius eius absumptus est.

Mos Popieli
excecrandi
se.

POPIELVS IUNIOR.

An. Ch.
830.

Popieli etas
iuuenilis.

Peracto solenni ritu Popieli funere, filius eius eiusdē nominis patruorum procerumq; voluntate, etiam tum impuber, Principatui inauguratur, omnibus subiectionem ipsi interposito iureiurando promittentibus. Cum pubertatem attigit, suo arbitratu viuere: patruorum monita, quibus eius tutela, vtpote adhuc impuberis & pupilli, demandata fuit, aspernari: cum æqualibus consilia capere: conuiuia compotationesq; largiores cum iisdem frequentare: in lustris, choreis, lusibus & amplexibus puellarum pernoctare: dein crapulæ stupriq; plenus multam in diem stertere: Rempublicam, iudicia, & querimonias hominum negligere: ad res agendas ineptus, ingenio nullo, ac inde omnibus erat despicabilis, vt vulgo Chostek despectus per contemptum appellaretur, cum dissolutos & perditos mores eius facies deformis, rarus in capite & barba pilus magis etiam deformaret. Patruum cum aliis proceribus, dissolutam illam Principis vitam refrenare cupientes, vxorem illi dant elegantem formam puellam, Germani cuiusdam Principis filiam. Sed ne sic quidem de flagitijs & nequitia sua remisit quidquam: imo vero noua crudelitatis & auaritiæ scelera vxoris consuetudine sibi adiunxit. Nam & auarior factus, decreta, honores, ac magistratus vendebat, & cum virtute ac dignitate non posset, fastu & crudelitate principatū sibi stabilire: & metui à suis volebat, cum amari non mere-

mereretur. Atq; hæc omnia vxore impellente faciebat: quæ degustata semel dominatus, atq; lucri dulcedine, despectaq; viri inertia, muliebri astu imperiū omne ad se transtulerat, maxime cum duobus filiis Lecho & Popielo aucta, mollem viri animum amore sui penitus adstrictum teneret, & perpetuū apud Polonos dominatum suum fore persuaderet. Vnus obstabat scrupulus, patruorum mariti sui gratia & autoritas apud multitudinem, integritate vitæ, morumq; grauitate, ac prudentia comparata. Itaque eos quam maxime potest suspectos, criminibus etiam confictis, apud ipsum maritum reddit: persuadet, illis viuus principatum ipsi certum firmumq; esse non posse. Quem si retinere ipse vellet, & liberis suis relinquere, tolleretur e medio patruos. Quibus dictis, facile agrum atq; timidum viri animum in deteriore impulit partem: talisq; nefandæ mulieris instinctu necandorum illorum ratio inicitur. Grauem & periculosum morbum Princeps simulat: patruos neci destinatos accersi eius nomine vxor iubet. Conueniunt sine mora: morbi magnitudinem Princeps gemitu assimulat: sinem adesse vitæ suæ diuinitus indicatum asseuerat: vxorem, paruosq; filios ipsorum fidei ac tutelæ etiam atq; etiam commendat. Itaque in ciuitatibus, planctibus, & lamentis absumpto die, cum iam ad occasum sol tenderet, Princeps patruos quasi moribundus iam dimissurus, nomine quemque blande compellat, ac in signum amoris circumferri medicatum poculum, paratum ad eam rem, iubet: prægustare se simulat, cæterum spumam tantum, à medio extantem, halitu diffilat, potum ne extremis quidem labiis attigit. Cum omnes bibissent ordine, fingit somno se premi, & velle quiescere. Vbi discesserunt, reuerenter salutato Principe, conceptum præcordiis venenum vitalia membra occupat, & subito, de statu mentis dimoti, & furentes maximo cum cruciatu exanimantur. Ibi mulier re statim per exploratores nuntiata, cadauera insepulta proiici mandat. Insidiosos eos vitæ mariti sui, iusta & euidenti Deorum vindicta percussos, repente periisse diuulgat. At non finit inulta esse diuini numen scelera. Nam ex cadaueribus putrefactis enati mures, inusitata magnitudinis, impium parricidam cum scelerata vxore atque liberis fugientem, quoquo versus per aquam flammamque persequuntur: nec claustra profunt, aut abigentium satellitum vlla præsidia. Ad extremum diffugientibus omnibus, absumptis prius filiis, Lecho & Popielo, deinde vxore, postremus ipse infelix miserabiliter lenta morte ab eisdem depastus est in arce Crusicia, circa annum Christi octingentesimum vigesimum tertium. Ita non irritæ ceciderunt patris eius imprecationes, qui subinde solitus esset murium deuotionem sibi suisque imprecari.

Popielus patruos veneno tollit.

Mors Popieli, vxoris & liberorum misera.

HISTO-

HISTORIÆ POLONICÆ

Liber Tertius.

INTERREGNUM.

An. Ch.
840.



Comitia de
Principe nō
uo Crussi
h-
616.

Pia, si ge-
nes & con-
dis: o.

EXTINCTO Popelo cum vxore & liberis, conuenit magna Procerum multitudo Crusuiciam, ad creandum nouum Principem. Agitata re aliquandiu, eo quod varia essent hominum studia, & ambitiosi quidam magnas post se traherent factiones, infecto tandem negotio disceditur. Ac dum nemo alteri pareret, neque cedit, in summa omnium licentia cades & latrocinia passim exercebantur, & iustis interdū præliis inter dissidentes cōcurrebatur. Nec finitimæ gentes, Germani præsertim, occasionem impune vel proferendorum finium suorum, vel prædas agendi prætermittunt: diuexatur misere Polonia. Indicta iterum sunt à primoribus comitia: sed frustra ibi consultatur, vbi non modo non remittuntur, sed intenduntur etiam partium studia. Non desunt sibi interfectorum Popeli senioris filiorum filii, quasi hæreditarium principatum poscentes: sed ii, tanquam nothi, repelluntur. Iam tanta multitudo, quæ eo confluerat, caritate annonæ penuriæque vehementer premebatur, neque tamen apparebat, quorsum tanta contentio euaderet, quique comitiorum exitus futurus esset: cum ecce insperata salus afflictæ Poloniæ diuinitus oblata est. Erat Crusphiciæ oppidanus, Piaustus nomine, Cossiconis filius, statura infra mediocrem, crassus atque robustis artubus, mediam ætatem supergressus, agello modico colendo & mellificio vitam sustentans, homo simplex & iustus, ac beneficus in egenos, atque hospitalis pro modo facultatum suarum. Is ex vxore à moribus suis nō aliena, cui Repichæ nomen erat, vnicum filium susceperat, eique viuentem adhuc Popelo primam comam gentili ritu tonsurus, & nomen impositurus, amicos ad eam ceremoniam atque conuiuium, porco mactato, & vase aquæ mulsæ infuso, inuitauerat. Priusquam stata dies adesset, forte obtulerunt ei sese ignoti duo homines habitu peregrino: quos ille, cum regia excluderentur, comiter inuitatos, hilare domum suam introduxit, mensam instruxit, apposuit affatim ex his, quæ ad futurum conuiuium apparaue-
rat. Ibi res mira & stupenda accidit. Accreuit caro porcina, redundauit ex vase mulsa, ita vt non ciues modo, verum etiam Principem ipsum (vt tunc minime fastuosi ac delicati erant Principes) cum omni comitatu destinato conuiui-
o acceperit. Eisdem igitur hospitibus sub tempus comitiorum reuenientibus, & iubentibus, Piaustus ex tenui penu cellaq; sua conuentum illum omnem penuria laborantem, augefciente rerum earum, quæ premebantur, copia refecit. Quo miraculo animaduerso, vulgatoque, vna voce omnes Piaustum non hu-
manis

manis suffragiis, sed diuino iudicio Principem sibi dari conclamant. Fit domum eius concursus, obsecrantium, labenti vt Reipublicæ succurrat. Recusat ille: tandem hospitibus illis suis auctoribus assensus, ita vt erat veste & peronibus ex tiliæ cortice textis indutus, in regiam à primoribus deducitur. Hospites illi, perfuncti officio suo, disparuerunt. Existimantur autem ii fuisse Angeli Dei, beneficentiam & hospitalitatem etiam in alieno à vera religione remunerantis.

PIASTVS.

Piastus inauguratus principatui, non mutauit cum statu vitæ animum. *An. Ch. 842.* Quin auctus copiis, multum ad pristinam suam beneficentiam ac benignitatem adiecit: vxore non modo non dehortante, verum etiam adiuuante. Conquieverunt autem sub eius principatu hostium incursiones, cessarunt & intestina dissidia, cædes ac latrocinia, reuerentia magis boni & vigilantis Principis, quam armis, seueritate, & suppliciis: præsertim quod eum Diis curæ esse, & ipsorum non obscuro iudicio in illa Reipublicæ specula collocatum certo sibi persuaderent. Nihil enim æque valet ad religandos atq; deuinciendos hominum animos, & ad moderandas stabiliendasque Respublicas, quam religio: quæ pietate atq; integritate Principis maxime excitatur & continetur. His præsiidiis Piastus & bonis charus, & malis reuerendus, & finitimis *Posteritas Piasti.* venerabilis, longam etiam Principum Regumque Poloniæ posteritatem per multa secula, vsque ad Casimirum secundum, qui Magni cognomen adeptus est, propagauit. Porro abominatus Crusphiciam, nefario scelere diroq; interitu Popeli contaminatam, Gæsnam prisce Lechi regiam domicilium suum transtulit: cumq; per multos annos sapienter clementerq; regnasset, senex ad *Piasti mors & ætas.* modum, annum agens centesimum & vicesimum mortuus est, anno Christi octingentesimo sexagesimo primo.

ZIEMOVITVS PRIMVS.

Piasto successit vnicus filius Ziemouitus ex Repicha natus, cuius opera *An. Ch. 861.* vicaria viuens adhuc, & senio confectus pater in bellis & grauissimis quibusque negotiis magno omnium fauore & beneuolentia vsus erat: vir impiger, & ad rem militarem factus, æstus iuxta ac frigoris, laboris & inediæ patiens, somni parcissimus, victu cultuque corporis non multum à gregariis militibus differens, alieni abstinens, de suo munificus, facilitate & liberalitate militum procerumque studia tenere solitus: in animaduertendo, si quando necesse erat, lenis: noctu excubias ipse per se crebro obibat. His artibus atque studiis summam sibi hominum suorum charitatem comparauerat. Principatum post patrem adeptus, constituta primum disciplina militari, creatoq; magistro militiæ, & ordinum ductoribus, ad recuperanda ea, quæ Vngari, Morauī & Germani sub Popeli principatu atq; interregno inuaserant, neque ad eam diem recepta erant, totum se conuertit: easq; res ex animi sui sententia cōfecit, eo quidem minori negotio, quod eæ tunc gentes bellicis implicite essent. Sicigitur prospere ab ea parte rebus gestis Ziemouitus à Prussis quoque, quæ ii superiori tempore de Polonis occupauerant, bello repetiuit. Tandem Pomeranorum & Cassubiorum Ducibus, Popeli senioris nepotibus & posteris, qui à patre suo defecerant, bellum intulit: quod quidem illi, locorum difficultatibus magis quam viribus freti, diutius extraxerunt: domirique

*Ziemomiti
mors.*

mitique ad extremum essent, nisi Ziemomitus rebus humanis Gnesnæ exemptus esset, altero & tricesimo sui principatus anno, circa annum Christi octingentesimum nonagesimum secundum.

L E S C V S Q V A R T V S.

*An Ch.
892.*

Magno tam boni tamque bene de Republica merentis Principis desiderio ducti Proceres filium eius vnicum, cui Lesco nomen erat, in principatu ipsi surrogant adolescentulum, eique custodes ac moderatores consiliorum primores aliquot adiungunt. Hic cum adoleuisset, quietis potius & otii, quam bellicæ gloriæ fuit amantior, contentus eo, quem à patre per manus acceperat, principatu: quo iuste, continenter, & clementer magna suorum beneuolentia, perfuncto, tandem vita defunctus est anno Christi nongentesimo decimotertio, relicto filio Ziemomisso.

Mors Lesci.

Z I E M O M I S L V S.

*An Ch.
913.*

Successit Lesco patri Ziemomissus, probus & ipse, lenis, beneficus, hospitalis, & quietis amans, quas virtutes quasi hæreditarias à maioribus suis habebat. Sed non alia re nobilior, quam filio. Nam cum aliquot annis nullos ex vxore susciperet liberos: nascitur tandem ei filius, sed cæcus, quæ res ipsi, breui gaudio delibuto, maioris mœstitiæ causa fuit: præsertim cum vxor vno illo partu edito parere desisset. Septimum annum puer attigerat, quo prima coma pueris gentili ritu attonderi, & nomen imponi solebat. Adfuerunt ad celebritatem frequentes Proceres, epulantur cum Principe mœsto, & sortem suam, orbitatis non ita multum dissimilem deplorante, Principis & ipsi vicem dolentes: cum ecce insperata cunctis affulit lætitia. Puer enim absque vlla medicorum, aut cuiusquam omnino ope subito lucem aspexit, quem mater videntem protinus exultans ad patrem in conuiuium adducit. Conuiuæ miraculo attoniti, effuso gaudio sibi & Reipublicæ tantum bonum diuinitus oblatum certatim gratulantur, festum diem largioribus inuitationibus, plausibus, choreis, concentibus, & acclamationibus instaurant. Puerum Mieczislao, quasi qui gladio sibi gloriâ acquisiturus sit, nomen est inditum: sed is postea à matre & pedissequis blandius, vt sit, Miesco vocatus est. Ziemomissus peracto conuiuium diuinos & ariolos de filii successibus, & quid hoc portenderet, quod is cæcus natus, tanto interuallo videre cœpisset, sciscitatur. Respondent illi, Poloniam eius Principatu illustratum iri. Accurate igitur puer, & vt Principe dignum est, iussu patris educatus, ipsi Ziemomisso patri circa annum Christi nongentesimum sexagesimum quartum Gnesnæ mortuo & sepulto successit.

Miesco nascitur cæcus.

*Mieczislai
erymon.*

Ziemomissus mortuus.

M I E C Z I S L A V S P R I N C E P S
Christianus.

*An Ch.
964.*

Peracto Gnesnæ solenni ceremonia Ziemomissli funere, Mieczislaus filius Principatum suscepit, & iuste quidem administrabat, sed tamen infra spem omnium, diuinorumq; vaticinia: ex quibus præclarum quiddam & eximium de ipso sibi Poloni vulgo pollicebantur. Vxores septem more barbarico duxit: iisque & libidini suæ liberius indulgens, nullos suscepit liberos. Eas tamen postea, cum de religionis Christianæ veritate, & castitate aliquid audiisset, dimisit: Dambroucamq; Christianam Boleslai primi Boemorum Ducis filiam virginem de consilii sententia nouo matrimonio sibi iunxit. Quæ posteaquam

Christiana religionis apud Polonos occasio.

splen-

splendido comitatu Gnesnam aduecta est, Mieczislaus Princeps baptismo, vt conuenerat, ritu Christianorum initiatur, & subsequentibus diebus nuptias magna celebritate peragit, anno Christi nongentesimo sexagesimo quinto. Deinde Boemos, qui nouam nuptam deduxerant, honorifice habitos, & splendide donatos remisit: mox totum sese ad propagandam per omnem principatum suum religionem, hortante & adiuuante vxore, conuertit. Basilicas nouem diuersis locis edificat, easque suppellectili omnis generis pretiosa ornat, censibus & possessionibus locupletat: & in dioceses distributas, duas quidem ex his Archiepiscopis, nempe Gnesnensem & Cracouiensem: reliquas vero, hoc est, Poseniensem, Smorogouiensem (quæ postea Bitinenſis, ac demum Vradislauienſis dicta est) Crusiucensem (quæ Vladislauiam post translata est) Plocensem, Culmensẽ, Lubussensem, & Camenensem, singulis episcopis attribuit, eisq; decimas omnis generis frugum, de suis iuxta ac Nobilitatis, plebisq; agris edicto perpetuo adscribit. Inde inferioris ordinis sacerdotibus ac ministris ecclesiasticis, in sua cuiusq; diocesi certæ portiones Episcoporum arbitrio iure semiperno attributæ. Quibus etiam pagi prædia, & possessiones à Principe & locupletioribus quibusq; adiunctæ sunt. Templâ etiam in oppidis & pagis per multa, studio pietatis certantibus inter se omnibus, extructa. His autem rebus perficiendis Ægidius Cardinalis, Episcopus Tusculanus, Ioannis decimertii Pontificis Maximi, qui per illud ipsum tempus Leoni octauo successerat, legatus præfuit: qui primus Archiepiscopos & Episcopos Italici, ac quosdam Gallici & Germanici generis fecit: cum Poloni rudes adhuc essent, ac nouitii. Additi sunt & inferiores sacerdotes, qui partim focii & consiliarii, partim administrati essent Episcoporum: quorum opera, studio atque diligentia religio Christiana celeriter magna cepit incrementa in Polonia: præsertim cum alii muneribus & honoribus à pio Principe, ditionem suam omnem eius rei gratia circumeunte allicerentur, alii minis adigerentur. Dum vero totus est in his Mieczislaus, nascitur ei filius è Dambrouca vxore anno Christi nongentesimo sexagesimo septimo: cui apud sacrum fontem aui materni Boleslai nomen imponitur: adulto deinde, pater viuens adhuc vxorem accepit Iuditham Geisæ Vngarorum Principis affinis sui filiam, ex priore vxore susceptam. Nam ea mortua, sororem ei suam Adleidam Mieczislaus in matrimonium collocauerat: à qua persuasus Geisæ, & ipse cum Vngaris suis Christianam religionem, quinto post Polonos anno, suscepit. Piis autem & quiescentibus consiliis fere principatum suum Mieczislaus, annis triginta quinque administravit: præter, quod cum Vulodimiro Russorum Duce, ditiones suas inuadente, anno Christi nongentesimo octuagesimo quinto, necessarium bellum gessit, successu quidem vario, euentu vero non satis prospero. Nam Præmisliam, Ceruenû, & aliquot præterea arces & oppida à Vulodimiro capta amisit. Cæterum quo augustiorem principatû posteris suis relinqueret Mieczislaus: hortante Senatu, Lambertum Cracouiensem Episcopû, virum doctum & eloquentem, oratorem mittit ad Benedictum eius nominis septimum Pontificem Maximum, vt regium diadema sibi mitteret, Regemque Polonorum se & posteros suos esse iuberet: verum ea res propter certas & iustas causas in aliud tempus dilata fuit. Hoc Principe mos inoleuit apud Polonos, vt homines equestriſ ordinis in templis, dum sacerdos apud altare pronuntiat, vndercitaturus sit Euangelium, gladios mediotenus stringerent, quasi profitentes, mortem prius sibi oppetendam, quam à suscepto semel Euangelio &

Mieczislaus baptisatur.
An. Ch. 965.

Nascitur filius Mieczislaus ex Dambrouca Bolesla.
An. Ch. 967.

Mos stringendi gladium in Polonia circa Euangelij recitationē.

*Mieczisłai
mors.*

religionis professione discedendum: choro autem respondente, Gloria tibi domine, rursus recondere. Fuerunt etiam hoc tempore in solitudine apud Dunaiecium fluuium duo Monachi, sanctimonia vitæ celebres: quorum Benedictus ab Vngaris, quod Christum præfiteretur, cæsus: Suiradus post vitam durissime exactam, in monasterio montis ferrei in Vngaria, quo ambo commigrarant, sancte decessit. Mortuus est anno Christi nongentesimo nonagesimonono, post uxorem vero vicesimosecundo, Posnaniæ sepultus. Regnavit trigintaquinque fere annis prospere & feliciter.

BOLESLAVS PRIMVS COGNOMEN-
to Chrobri.

*An. Ch.
999. vel
sec. alios
1000.
Bolesłai
virtutes.*

Suscepit paternum principatum Boleslaus summa Polonorum omnium voluntate: quippe quos non indoles tantum eius egregia, nec vulgaris animi magnitudo, summo Principe digna, spe optima impleret: sed rara etiam, quæ elucebat in eo modestia, verecundia, comitas, suauitas morum grauitate temperata, & reliquæ adolescentiæ magnopere commendantes virtutes, spem & opinionem de illo conceptam minime fefellerunt. Hic enim Princeps Polonorum nomen regia dignitate, externorum Principum necessitudinibus, & clarissimis rebus gestis vehementer illustrauit: militarem disciplinam auxit: regni fines longe lateque propagauit: religionem stabiliiuit & ampliauit: denique feros & agrestes homines ad ciuiliorem aliquanto vitæ cultum redegit. Erat sub id tempus apud Boëmos Pragensis Episcopus Voicechus (qui Adalbertus ab externis appellatus est) vir nobilis, & sanctimonia vitæ, pietatisque studio clarus. Is cum nihil apud Boemos, in retinendo impio cultu pertinaces, crebris admonitionibus, acribusque obiurgationibus proficeret: Romam primum, ac deinde impetrato à Pontifice Maximo commeatu: tentatis tamen iterum, an resipiscerent, Boemis, in Vngariam profectus erat: ibique annum & amplius commoratus, Geisa Principe cum vxore fauentibus, Vngaros religionem Christiana per interpretem accuratius imbeuit: postremo in Poloniam ire perrexit: vbi à primoribus, & cætera multitudine honorifice exceptus, eandem Polonis, quam Vngaris, nauauit operam: vbi etiam mortuo illis diebus Roberto primo Gnesnensi Archiepiscopo, magnis Principis precibus exoratus, in archiepiscopatu successit: sed non multo interiecto tempore, visu nocturno diuinitus admonitus, peregrinationem (ægre dimittentibus eum Principibus) in Prussiam persequitur: Gaudentio fratre relicto pro se Archiepiscopo. Ibi dum religionem Christianam magna cum difficultate & patientia disseminat, à gente barbara & immani, dæmonum & idolorum sacrificiis cum antistite instigantibus, sacrum celebrans, prope oppidum, quod Fisshausum Germani postea dixere, sinus Sarmatici, à barbaris confossus interficitur die vicesimatertia Aprilis, anno Christi nongentesimo nonagesimoseptimo. Cuius corpus postea Boleslaus Rex, dilata in aliud

*Adalberti
in Polonia
aduentus.*

*Adalbertus
in Prus-
siam ve-
nit.*

*A Prutenis
trucidatur.*

tempus ultione, à Prutenis redemit: & minimo quidem, eo quod ap-
penso in statera corpori, diuina, vt creditum est, virtute id efficiente, pon-
dus sane perexiguum inesset. Tantum enim argenti siue auri, vt alii vo-
lunt, barbari pactierant, quantum corporis pondus adæquaret. Deductum
solenni pompa primū in Tremesnensi monasterio collocauit, post ad Gnes-
ensem basilicam transtulit: diciturque locus ac monumentum ipsius pluri-
mis claruisse miraculis. Qua fama permotus Otto Russus, tertius eius nomi-
nis

nis Imperator, ab Italica expeditione reuertens cum magno & splendido comitatu, pacatis in Poloniam ad sepulchrum noui martyris venit: quem Boleslaus vti paternum amicum, plus quam regali magnificentia ac liberalitate excepit: ac cum aliis amplissimis donis, tum abaco & instrumento mensæ omni aureo & argenteo, quod triduo nouum semper promebatur, aulaisque & vestibus preciosis donauit. Volens autem, tam splendido hospiti & amico parem referre gratiam, Regem eum appellat, sociumq; & amicum Romani imperii, à tributo & omni iurisdictione Imperatorum immunem: ac diadema suum, Gaudentio Archiepiscopo solennes ceremonias peragente, ipsi imponit: eumque honorem sempiternum ipsi ac posteris eius in Polonia regnaturis esse iubet. His adiungit hospitale munus: vnum de clauis, quibus Christus dominus & Deus noster cruci affixus esse dicitur, & lanceam diui Mauriti: quæ in basilica Cracouiensi, vbi sedes est Episcopi, adhuc visuntur. Vicissim autem brachium diui Adalberti à nouo Rege accepit: quod Romæ in insula ad diui Bartholomæi ædem ab eo postea depositum esse fertur. Et quo arctior firiorque inter ipsos & posteros ipsorum esset necessitudo, Rixam siue Richsam Erenfridi Comitis Palatini Rheni filiam, è sorore sua Mechtildi susceptam, Miecislao Regis filio, puero duodecimum annum agenti, despondet Imperator. Quæ paruula aduecta in Poloniam, & à socru educata, duodecimo demum anno post adulta Miecislao nupsit. Annus quo hæc acta sunt, & Boleslaus Rex appellatus est, millesimus primus à Christo nato fuit.

Ottonis III.
Imp. in Po-
loniam ad-
uentus.

Boleslaus
primus
Rex Pol.
renuncia-
tus.

Rixa Mie-
cislao de-
sponsata.

Boleslaus nouus Rex Duci Boemorum Boleslao propter crebras eius incursionibus bellum intulit: eiusq; oppida & arces partim vi expugnauit, partim in deditioem accepit. Morauos tributarios regno suo fecit: Iaroslauum Ducem Russorum anno Christi millesimo octauo fudit: Kiouiam insignem ea tempestate urbem per deditioem accepit, intactamque thesauro duntaxat Principis in donatiuum militum, & in sumptus belli ablato, Stoppelco Duci exuli, Iaroslai fratri restituit. Discedentem iam inde Boleslaum Iaroslauus iterum cum valido exercitu apud Nouogrodiam comparato, ad Bugum amnem consequitur, vbi commisso graui prælio, vrgentibus Polonis, Regeq; & Imperatoris & militis officium faciente, pulsæ sunt Russi, tanta suorum cæde, vt Bugus sanguine caesorum rubuisse dicatur. Victor autem in regnum reuersus vota Deo persoluit: templa complura, sed in primis Gnesnæ, dotauit ornauitque: Procures & milites eos, quorum virtus maxime præclaro aliquo facto perspecta erat, pro meritis collaudatos honoribus & præmiis affecit: Chrobri, hoc est, acris appellationem, propter excellentem virtutem & animi magnitudinem, à Russis tributam accepit. Monasterium Secechouiense in Sendomiriensi tractu condidit, conferente patrimonii sui partem Sececho Palatino Cracouiensi, & magistro militiæ, à quo monasterium id nomen accepit. Construxerat etiam idem Rex iisdem monachis aliud monasterium paulo ante Russicum bellum, in monte Lyscio siue caluo, orante & hortante Emerico Regis Vngariæ filio, viro sancto & casto, qui lubens cum Boleslao propinquo suo vitam degebat in Polonia. Atque is portionem crucis Christi, quam Constantinopolitanus Imperator patri eius Stephano magni muneris loco miserat, quaq; ipse pro amuleto utebatur, in eo loco reposuit: vbi in hanc vsq; diem salutaria hominibus edi perhibentur miracula. Hoc etiam tempore, atq; adeo ante ipsum Russicum bellum, sex viri religione & sanctimonia vitæ insignes, duram & incultam vitam degebant in illa solitudine maioris Poloniæ, vbi nunc est Castimira oppidum.

Bellum Bo-
hemicum.

Russicum
bellum.

*Saxonicum
bellum.*

*Prussicum
bellum.*

*Russicum
bellum ite-
rum.*

Confecto bello Russo, Rex Boleslaus, ne sui diuturno ocio torpescerent, vtq; ea, quæ Polonia maiorum suorum negligentia adempta erant, recuperaret, Saxonibus eo ipso anno bellum intulit. Non multo tempore post hoc bellum quieti dato, aliam rursus expeditionem in Prutenos suscepit, indignâ diui Adalberti necem ulturus, & illam quoq; gentem suo adiecturus imperio. Quare per Culmensē tractum (qui Polonica ditionis erat) hostiles terras ingressus, agros vastat: Radzinam, Romoue, & Balam arces nullo negotio capit ac incendit, vicosque & pagos diripit. Pacem postea à Rege petunt & impetrant Pruteni, tributum pendunt, & pensuros se deinceps quotannis promittunt. Dimittit ibi Rex viros, qui barbaram gentem rationem atq; ritus Christianæ religionis docerent. Victor ipse inde recedens, in Ossa flumine ferream columnam ponit, mille passibus à Rogosno oppido: vnde vicina villa Slupi, hoc est columnæ nomen accepit. Biennium ab eo bello quieuit Boleslaus, quo tēpore multa, quæ ad religionis maiestatem, & ad Rempublicā bello domiq; administrandam pertinere videbantur, sapienter constituit. Interim vero optatā pacē Iaroslauus Dux Russorum turbabat, & aduersus Boleslaum Regem magno apparatu belli renouabat. Rex igitur non rumoribus modo, sed crebris etiā suorum præfectorum nunciis excitus, contra hostem cum exercitu proficiscitur. Ducebat autem & Iaroslauus ingentes copias Poloniā, si liceret, inuasurus. Veniunt ergo in conspectum apud Bugum amnem exercitus: decreueratq; Boleslaus eo die prælio non dimicare, ob reuerentiam diei dominici: sed magnā in bellis fortuna vim habet, paruisq; interdum momentis permagna fit rerum atq; consiliorum mutatio, vt tunc accidit. Nam pugna inter paucos primum lixas & aurigas, dum adaquant equos, apud flumen, quod castra dirimebat, orta, mox pluribus vtrinque concurrentibus inualuit. Eminus sagittis & iaculis, cominus vero ab audacioribus nonnullis in flumine etiam res gerebatur: cum ecce Polonicus exercitus omnis celeriter armatus flumen tranat. Committitur itaq; acre prælium: cedere loco hostes, Poloni magis instare: ibiq; dux hostium à suis impulsus, fuga salutis suæ consuluit, & reliqui omnes effuso cursu passim ex acie diffugiunt. Sic autem tum in prælio, tum in fuga concisis ac debilitatis magna strage hostibus Rex pacem dedit supplicibus, tributum modicum imposuit, & captiuos omnes, quos etiam superiori bello ceperat, liberaliter dimisit. Hoc bellum anno post Christum natum millesimum decimum octauum confectum est.

*Boleslai
studia in
pace.*

Pace per circuitum parta, auctoq; & propagato in omnes partes cum laude atq; gloria imperio, Boleslaus Rex reliquum vitæ tempus instituendæ domi Reipublicæ dabat, duodecim vtens consiliariis, quos è tota Polonia probatissimos, & annis iudicioq; graues delegerat: iudicia exercebat: tenuiores, dum litis finem expectant, suo sumptu mensaque sua sustentabat: egenis subueniebat vndique: & pauperibus causam suam agere nescientibus, causidicum de suo data mercede, attribuebat. Nulla autem in re pius hic Rex erat seuerior, quam in contemptu religionis, templorum profanatione, & sacerdotum iniuriis vindicandis: hominibus ecclesiasticis omnium onerum, laborum, & pensionum, Regi & Reipublicæ præstandarum, immunitatem sempiterno iure concessit. Episcopos & sacerdotes ipse colebat, & ab omnibus coli volebat. Arces etiam & præfecturas, atq; omne pene regnum crebro ipse obibat, dicere subinde solitus: malle se gallina vefcentem, salutem & tranquillitatem suorum tueri, quam deliciis indulgentem pati, vt quisquam vexaretur aut opprimeretur.

tur. Pecuniam contemnebat, omniaq; ad decus religionis, salutem Reipubl. ornamentum templorum, atque ad præmia bene merentium de Republica conferebat. Annis deniq; pariter ac laboribus confectus Miecziſlaus filium suum ſucceſſorem ſibi omnium conſenſu designauit: eique, ut pietatem erga Deum, virtutem, iuſtitiam, benignitatemque in omnibus colat, Senatoribus ſuis honorem habeat, ab omnibus amari magis, quam metui ſtudeat, ocium & voluptates tanquam peſtem fugiat, moriturus præcepit. Tandem non multo poſt in morbum incidit, quem ubi inualeſcere, mortemq; appropinquare ſenſit, ſacris myſteriis ritu Chriſtianorum procuratus ſummo omnium dolore atque mœrore moritur, & Poſnaniæ moderata pompa, quemadmodum viuus præceperat, ſepelitur, cum annos viginti quinque regnaſſet, vixiſſet quinquaginta octo. Fuit is annus poſt Chriſtum natum milleſimus vigeliſmus quintus, tertia Aprilis. Fuit autem Boleslaus ſtatura mediocrem non excedente, oris & corporis totius habitu eleganti, & ad modeſtiam compoſito: capillo denſo, criſpo, nigroque: victu cultuque corporis non neglecto, neq; nimis tamen exquiſito. Eius morte vniuerſa Polonia, optime de ſe merito Rege orbatâ, annum totum in luctu ita fuit; ut neq; conuiuia vlla celebrarentur, neque choreæ uſq; agerentur, neq; veſtibus cultioribus quiſquam nobilium virorum aut fœminarum ſeſe veſtiret.

Miecziſlaus filius à patre ſucceſſor designatus.

Boleslai mors & ſepulchrum.

MIECZISLAUS REX SECVNDVS.

Curato Boleslai Regis funere Miecziſlaus filius ex Iuditha Vngara, triceſimum quintum annum agens deſtinatum iam prius regnum iniiuit. Diadema regium ipſi, & Rixæ vxori eius Archiepiſcopus Gneſnenſis cum aliis Episcopis ſolenni ceremonia impoſuit die Pentecoſtes. Inde dies aliquot feſtis epulis & conuiujs dantur, ſpargunturq; in vulgus miſſilia. Æſtate ſequenti in Ruſſos, qui morte Boleslai nunciata Iaroſlao & Meſciſlao ducibus rebellauerant, expeditionem fecit, & hos primo aduentu repreſſit. E Ruſſia reuerſus Miecziſlaus pleraſq; Poloniæ regiones obit, cum iuris dicendi, tum viſendi gratia, filiumq; Calimirum ſeptennem literas doceri curat. Bellum deinde contra Boemos mouit, propterea, quod tributum Regi Boeſlao quotannis penſum Miecziſlao negarât: regia præſidia vndiq; deturbauerant, interfeceratq; Morauiam, quæ tunc in dirione Polonorum erat, inuaſerant, ac in poteſtatem ſuam redegerant. In Morauiam autem ducto exercitu, Rex Miecziſlaus oppidum nullum oppugnatione tentauit: agris tantum & ſuburbanis vaſtatis, magna; hominum & pecudum præda abacta, domum reuerſus exercitum dimiſit. Pomeranis etiam rebellantibus bellum intulit, habens ſecum in exercitu Andream, Belam, & Leuentam Vngaros, Ladislai Calui filios, Stephani Regis fratres patruales: qui, cum Petrus eiufdem Regis ſororis filius Stephano moriente regnum Vngarorum inuaſiſſet, in Poloniam confugerant. Concurritur itaq; in feſtis armis funduntur Pomerani, & in poteſtatem Regis veniunt: autores vero defectionis capitali pœna afficiuntur. Nam Dux in prælio occubuit. Præclara eo prælio virtus atq; opera Belæ enituit: itaq; generum cum ſibi Rex filia; matrimonio adoptauit, Pomeraniamq; ipſi in dorem dedit.

Ann. Ch. 1025.

Bellum Ruſſicum.

Bohemici bellum.

Pomeraniæ bellum.

Cætera autem, quæ regni fuerunt, Miecziſlaus neglexit, nec vnquam ad ea recuperanda, quæ amiſerat, animum adiecit: verum torporis ac deſidia ſe dedit, ac voluptatibus, quæ tactu guſtuq; percipiuntur. Aliarum etiam, præter vxorē, mulierum conſuetudine viciuſſe dicitur: vxori tamen mulieri auaræ & impo-

Miecziſlaus vitia.

*Mulibre
imperium.*

*Mieczislaus
mors.*

importunæ ita fuit obnoxius, ut eius maxime nutu & arbitrio regnum administraret. Quæ quidem deinceps, cum Rex amentia correptus, sui compos non esset, dominatum omnem regium ad se transtulit: quo maius etiam hominum in se & Regem odium concitauit. Moritur haud ita multo post ex morbo illo Mieczislaus anno Christi millesimo trigesimo quarto, decima quinta Martii, Posnaniæque sepelitur: homo tardus & hebes, leuitate iuuenili, & iuuenum atque vxoris consilia plerumque sectatus. Quibus rebus factum est, ut suis atque externis, hostibus pariter ac sociis esset contemptui. Regnavit annis fere nouē, vixit quadraginta quatuor. Sunt qui eum in colloquio quodam insidiis exceptum à Boemis, gignendo inutilem redditum, & mox mente captum, non diu patri mortuo superstitem fuisse volunt.

INTERREGNUM.

*An.Ch.
1034.
Terra motus in Polonia.*

*Rixæ regni
admini-
strat, sed eo
abutitur.*

*Rixæ fugit
ex Polonia.*

*Casimirus
fit mona-
chus.*

Vnicum reliquit post se Mieczislaus Rex superstitem filium Casimirum: sub cuius ortu tremor terræ acciderat. Quod ita rarū & insolens est in Polonia, regione mediterranea, ut magni prodigii loco habeatur, quoties accidit: & tunc quoque habitum sit. Is igitur Casimirus impuber nondum ob ætatem regiam dignitatem & Reipublicæ curam sustinere posse videbatur. Itaque ex vniuersi conuentus, qui Gnesnam ea de re conuocatus erat, sententia differtur noui Regis coronatio. Interim penes Rixam Reginam pueri matrem regia potestas relinquatur: qua abusa mulier, variis & grauibz exactionibus rusticanos homines, tam regios quam Nobilitatis magis ac magis premebat: nouas rationes cogendæ pecuniæ exquirebat. Polonos despiciatui habebat: Germanos suos in consilium adhibebat, hos ad honores ac magistratus euehebat: hos diuitiis & possessionibus augebat. Indignæ hæc ferebant Poloni, orabantque Reginam ut, quorum armis ac sanguine regnum defenderetur, eorum maiorem quam externorum; quamque suæ cupiditatis rationem duceret. Multa Polonos Principibus suis ultro concedere & indulgere, asperioris dominatus infuetos esse: externis hominibus, in quibus aliquid modo ingenii virtutisque sit, maiorem quam genis vlla habeat, honorem habere: sed posthaberi se in patria sua, dignisq; indignos præferri non oportere. Cæterum ubi vident, orando apud Reginam se nil proficere, fremebant inter se vulgo: atque adeo palam etiam loquebantur, non ferendum esse viris tam graue ac contumeliosum externæ mulieris imperium. Contemnebant vicissim iussa Reginæ, & regias possessiones ac creditus nonnulli inuadebant: comparabantur factiones, & omnia dissidiis ac seditionibus plena erant. Regina ergo verita, ne in tanta licentia, & irritatis in se hominum animis, maius aliquod in se malum redundaret, consilium fugæ cum filio ac Teutonibus suis clam init: regium fiscum, in quo cum preciosæ res multæ, tum duo diademata Regis & Reginæ erant, compilat. Regno excedens, in Saxoniam se contulit: ab Imperatore Conrado, oblati ei magnis muneribus, & inter ea duabus coronis à Polonia asportatis, Salsfeldum, vti vult Vapouius, seu Magdeburgum & Brunsvicum oppida cum suis territoriis vel emit, vel dono accepit. Casimirus quoque, ubi pullam matrem vider, in Vngariam ad Stephanum Regem propinquum profugit, deini post Stephani mortem in Saxoniam ad matrem peruenit: cuius voluntate Lutetiam, ut ingenium honestis disciplinis excoleret, profectus est: inde post aliquot annos visa obiter Italia, & Romualdo Abbate sancto, Cluniaci in Benedictinorum monachorum sodalitatem se dedit, monasticam vitam professus. Discessu Regina

gînæ & Regij filij, quasi lymphatico furore Polonia cuncta exagitatur: micentur omnia cædibus mutuis: latrocinis viæ publicæ infestantur: incenduntur pagi atque oppida: tumultuatur: collatisq; signis inter ciues ac proceres concurritur: & vt quisque audacissimus est, ita grauiora quoque non veretur patrare flagitia ac scelera: ita maximam perditorum hominum manum cogit, aliena inuadit, veteres possessores possessionibus deturbat: trucidantur passim diuites & locupletes patresfamilias, liberi eorum eliduntur, cæsorum coniugiis atque bonis interfectores per vim potiuntur: stuprantur honestæ virgines ac matresfamilias. In tanta vastitate & confusione, agrestes quoque à laboribus & agricultura feriat, in patronos ac dominos suos insurgunt: in Nobilitatis excidium conspirant: veteres nonnullorum iniurias & oppressiones, concepto in illos odio, omni crudelitate summaq; acerbitate vlciscuntur. Neque sacrorum ministris, ac ne ipsis quidem templis, aris, ac sacris parcitur: & in pristinam barbariem atque impietatem Polonia, abiectio veri Dei cultu relapsura esse videbatur. In latebras sese abdebant Proceres & Episcopi, eratque miserabilis vndique rerum facies. Nihil vsq; tutum: nihil cuiquam proprium: nemo mali exors erat.

*Status Poloniae turbulenti-
mus.*

Per hoc etiam tempus Maslaus, siue Masos, qui pocillator Regis Miécislai fuerat, vir potens & audax, dominatum inter suos in tractu Plocensi arripuit: confluentemque ad eum vndique magna hominum multitudine, permagna potentia auctus, ei ora, quam dominatu complexus est, Masossia: siue Masouia nomen dedit. Ad hæc mala domestica accedebant hostiles incursiones à Iaroslao Duce Russia, & Frædislao Boemorum Principe. Istis igitur tam sauis tempestatibus totos pene sex annos iactati & fatigati Poloni, acerbiora etiam, extremumque tam florētis dudum regni naufragium metuentes, remittunt nonnihil de intestinis dissidiis: condonant sibi mutuo priuatas offensas: cogitationem de Republica suscipiunt: comitia Gnesnam indicunt. Ibi de summa Reipublicæ consultatur. Et inter omnes quidem conueniebat, Rempubicam, nisi ad vnum rursus deferatur Principatus, saluam esse non posse. Quemnam vero potissimum deligant, variabant sententia: nonnulli reuocandum esse Casimirum, optime de ipsis meriti Boleslai Regis nepotem, censebant: alij negabant, quod metuendum esse dicerent, ne is paternam ignauiam ac maternam avaritiam imitatus, vniuersa perderet: neue memor iniuriæ, crudelis ultor & acerbus tyrannus in ipsos existeret. Sed cum de Proceribus ac ciuibus neminem deligi placeret, externi vero Principes ij, qui erant finitimi, partim hostes essent, partim impares tanto oneri iudicaretur, partim etiam domesticis malis atque dissensionibus laborarent: vicit tandem ea sententia, quæ Casimirum, vbi vbi sit, quærendum, placandum, & reducendum esse censebat. Iuuenem esse, & facie liberali, nec sane crudelis patris filium: facile veniam daturum culpam deprecantibus: indolem vero ciuis omnia meliora, quam de patre matreque polliceri: adhæc autem calamitate & exilio, non ad ocium & nequitiam, sed ad industriam & modestiam eruditum esse.

*Maslai pocillatoris regij commo-
tus.*

Comitia & consultatio de Republica.

Casimirus reuocatur.

Oratores igitur electi primores viri ad reuocandum eum, luculento viatico & amplis muneribus publice contributis instructi, ad Rixam in Saxoniā proficiscuntur: ei dona dant: in quo statu sit res Polona, ad quidue ipsi veniant, supplici & miserabili oratione exponunt. Illa implacabilis mulier, aspernari preces: exprobrare eiectionem suam: insultare malis misero-
rum:

Oratores missi ad reuocandum Casimirum.

rum: negare filium postulata ipsorum facturum esse, ipsorum scelere eo re-
 daetum, ut calamitatis tædio, exiliique pudore in Gallias secederet, Clunia-
 ciq; monasticæ vitæ sese addiceret. Hoc accepto à Regina responso, oratores
 Cluniacû recta contendunt: inueniunt Casimirum mutato nomine Caro-
 lum, nō modo professum religionem, sed iam Diaconum: deprecantur cul-
 pam exilij eius, quæ tamen penes Reginam fere fuerit: orant, respiciat affli-
 ctam, & pene euersam patriam: suscipiat paternum & auitum regnum, ab
 extremo interitu vindicandum: in eo solo Ipem Polonorum sitam esse: qua
 si decidât, funditus se periisse. Respondet ille modeste obortis lachrymis: exi-
 lium suum non ipsis, verum arcano Dei iudicio, & nonnulli fortassis paren-
 tum suorum culpæ se imputare: casum dulcissimæ patriæ, quam sui maiores
 florentissimam reliquissent, miserari: sed alieni iam se iuris factum esse: datam
 semel Deo atque iis, quorum potestati se subiecisset, fidem fallere non posse.
 Mœsti hoc responso legati Abbatē monasterij adeunt, eadē illa orant: mune-
 ribus animū eius mollire conantur. Ab eo ad Pontificē Maximū reiciuntur.
 Sed ne eum quidē itineris laborē atq; molestiam defugientes, Romam pfe-
 cti, magna diligentia importunisque precibus tandem à Pōtifice Maximo Be-
 nedicto eius nominis nono impetrant, ut Casimirus monachus & diaconus,
 professionis & sacramenti religione solutus, ad regnum maiorum suorū re-
 deat, ac vxorē ducat. Pro hoc Polonis, quo beneficium sedis Apostolicæ a-
 gnoscant, iniunctum, primū ut de singulis capitibus, exceptis Nobilibus siue
 equitibus, & qui sacris addicti sunt, quotannis obulus vnus in lucernam per-
 petuo in æde diui Petri Romæ arsuram pendatur: qui etiamnum sancti Petri
 nummus dicitur. Deinde præscriptum est, ut omnes Poloni rotunda in mo-
 rem monachorum tonsura capillorum vtantur, nec vltra auriculas ritu bar-
 barico quisquā omnino comam promittat: festis solennibus, dum sacra per-
 agūt, ut singuli equites fasciam lineam candidā in modū stolæ, qua in sacris
 vtuntur sacerdotes ac diaconi, è collo suspensam ferant. Suscipiunt nō grau-
 atim leges Pōtificis oratores, & Poloniam oēm ad seruanda hæc obstringunt.

His rebus ex sententia confectis, curriculo Cluniacum repetunt cum mā-
 datis pontificiis: atq; inde porro lati Casimirum reducentes ad Rixam ma-
 trē, ita volēte ipso, diuertūt. Ea cū frustra reditū filio dissuadere conata esset,
 ad Henricum deinde Imperatorem adeunt, orant, ut diademata, quæ Rixa è
 Polonia sublata Conrado patri ipsius donarat, propinquo Regi reddat, eūq;
 auitum socium & amicum Romani Imperij tuendum ac defendēdum susci-
 piat: Bohemum Ducem ab inferendo Polonis bello cohibeat: & ad reddēda,
 quæ superiori tempore abstulerat, cogat. Non difficilem se in iis, quæ pete-
 bantur, Henricus præbuit. Nam & coronas reddidit, & sexcentorum equitū
 præsidium Casimiro deducendo addidit: & de Bohemo, cum quo bellū tunc
 gerebat, curæ sibi fore promisit. Igitur auctus comitatu Casimirus, & plenus
 bonæ spei, salutato Imperatore, in Poloniam pergit. Cum autem Poloniæ fi-
 nes attigisset, effusa obuiam hominum omnis generis, ætatis, atque sexus in-
 gens multitudo officij gratia, læta ac tripudians Regem suum tantopere ex-
 petitum excipit, ac reduci gratulatur: certatim omnes præteritorum veniam
 & obliuionem supplices petunt. Ille lachrymans & ipse, comiter eos conso-
 latus, suspicione culpæ metuq; supplicij liberat. Quicquid factum sit, non fi-
 ne diuino nutu factum, pro suis & maiorum suorum meritis. Adesse iam se,
 quem alio vitæ generi deditum, & in eo acquiescentem, tanto studio expetif-
 sent

*Oratores
 Poloni Ro-
 mam pro-
 feci.*

*Polonis à
 Pp. iniun-
 cta onera.*

*Casimiri
 reditus in
 Poloniam.*

sent ac reuocassent, salutem omnibus, & non perniciem cuiquam adferentē. Confidere autem se vicissim, ipsos omni fide ac beneuolentia cōplexuros se esse, boni ac vigilantis Principis officio fungentem. Ita densissimis, lætitiisque exultantibus hominum cateruis præcedentibus & subsequētibz Gnesnam honorificentissime deducitur, septimo, posteaquam regno excesserat, anno.

*CASIMIRVS PRIMVS, REX POLO-
nia Terminus.*

Restitutus igitur in paternum regnū Casimirus, viceſimum sextū annum *An. Chr.
1046.* agens, & summa omnium ordinum gratulatione lætitiāq; Gnesnæ de more inunctus & coronatus, legatis externorum Principum gratulātibus, celebratēq; eam cohonestantibus, benigne & sapienter respōdit, eosq; liberaliter donatos dimisit. Mox ad Reipublicæ vulnera sananda animū adiecit: pacē publicam inter ciues grauibz edictis sanxit, & quoniam ex tāta rerum perturbatione, obducendam potius afflicta Reipublicæ cicatricem, quam accerbis quæſtionibus & iudiciis vulnus refricādum esse existimabat, vetus Athenienſium exemplum imitatus, præteritorum quidem obliuionem edicit, restitutis modo in suas possessiones iis, quibus per vim ablatas esse constabat: in posterum vero eis, qui se vi, cæde, latrocinio non abſtinuiſſent, oēm spem veniæ præcidit: in paucos contumaciores, qui à consuetis rapinis agre rece debāt, ad terrorem cæterorum, nō sine moderatione tamen, animaduertit. Rebus domi maxima ex parte bene cōstitutis, ad externa circumſpicit: & vt debilitas regni vires externis auxiliis confirmaret, simulque vt posteritati suæ consulere, amplissimi Senatus suāſu & rogatu cum Iaroslao Ruſſorum Prin. *Fœdus &
affinitas
cum Ruſſis.* cipe fœdus & affinitatem inīit, sorore eius Maria filia Vlodimiri, ex matre Anna Baſilij & Conſtantini Imperatorum Conſtantinopolitanorum sorore, vxore cum ampla dote ducta: quam ingēti pompa Cracouiam aduectam iuxta ac exceptam, Gneſnam deduxit: Græcorum schiſina abdicantem, eccleſiæ catholicæ reconciliauit. Reginam ſolenni ceremoniā fecit: & pro Maria Dobrogneam appellauit. Iaroslauum affinem iure omni, q̃ pater auuſq; ſuus in Ruſſia habuere, donauit: ſocietatem tantū, & auxilia cōtra quosuis hoſtes pactus. Quibus auxiliis, itemq; ſexcentis Germanis equitibus, quos praſidiij ſui cauſa ex Germania ſecū adduxerat, ſtetus, inſequenti æſtate Maſouios inſeſto exercitu adoritur. Nec ſegnius Maſlaus, non parua ſuorū manu raptim coacta, aduenienti Regi occurrit, protinuſq; pugna copiam facit: Pruſſorū quos in ſocietatem belli aſciuerat, auxiliis nō expectatis. Fit acre plium, hinc iuſta ira, illinc veniæ deſperatione pugnāte. Franguntur iādē, fundunturq; Maſouiorum acies: dant manus victori Regi. Dux ipſe & autor belli Maſlaus nihil ſibi tutum fore inter ſuos ratus, ad Pruſenos fugit ab his ſimul & à vicinis Slonēſibus & Iazygibus facile nō modo auxilia, ſed validos exercitus cōtra Regem impetrat, quod ipſorum rem agi diceret. Nō quieturum enim eſſe Regem ſe victo, quin ipſis quoque arma inferret: & nō tantum tributum, quod pendere deſiſſent, exacturum, verum etiam graues ꝛenas rebellionis ab ipſis ſumpturū eſſe. Tuerētur libertatē, in quam ſe aſſeruiffent: cogitaret, nō eas iam Polonorū vires eſſe, quæ Boleslai regno flouriſſent, quibusq; ipſi debellati eſſent: magnā vim hominum partim externis bellis, partim inteſtinis cædibus exhauctam eſſe; qui ſuperſint, quine maxime bellicoſi ſint, eos fere ſecum ſentire: & partim aperte id profiteri, partim clam conſilia cōmunicare:

nicare in Regem non optime animatos esse, quippe qui ocio & superstitione in monasterio imbibitæ deditus, militaribus hominibus minus indulgeret. Se quidem cum paucis non tam iusto prælio superatum, quam inopinantem oppressum, non incruentam tamen hosti victoriam reliquisse: ipsos tantis pollere copiis, ut Poloniam omnē nullo negotio possent subigere, afflictam præsertim atque laceram, ut tunc esset. Ad hæc ipse etiam de suo ingentibus pollicitis eos onerat: nec difficulter homines barbaros ad societatem prædæ magis, quam belli, quemadmodū videri volebat, allicit. Erant autē lazyges siue Slonenses populi inter Poloniam, & Russiam, atque Prussiam medij, in extrema Lithuanix ora habitantes, acerrimi & bellicosissimi fuisse memorantur, donec à vicinis attriti, & ad extremum deleti sunt. Per id tempus Casimiro Regi Boleslaus filius natus est anno Christi millesimo quadragesimo tertio.

*Casimiro
natus filius
Boleslaus.*

*Prussicum
bellum.*

Ætate insequenti Maslaus cum ingentibus barbarorum copiis in fines Masouix ingressus, facile eam recepit: carebat enim præfidiis & munitionibus. Nec multo post Casimirus de aduentu hostium certior factus, adest & ipse, auctis numero & robore militum superioris anni copiis. Venientem apud Vistulam Maslaus spei & animorum plenus operitur: conferuntur propemodum castra castris. Rex ubi copias hostium suis longe maiores videt, concidere animo: poenitere præsentis fortunæ ac regni: pristinam monasticæ vitæ quietem ac tranquillitatem animo requirere. His curis atque cogitationibus fatigatum sopor opprimit. Ibi per visum diuinitus recreatus & confirmatus, postero die pro concione militibus visum exponit, & repletos fiducia diuini auxilij, alacres in aciem educit. Nec hostes pugnam detrectarunt. Canunt signa: clamor utrinque attollitur: nusquam deest suis Regis prouidentia & adhortatio, ut duce Deo certam victoriam amplectantur. Ferunt conspectum esse in aere iuuenem augusta specie corporis, veste candida, candido equo insidentem, & in hostiles turmas vexillum inferentem. Nec mora, terga vertunt barbari: instant acrius regij fugientibus: fit strages maxima. In eo prælio cæsa feruntur hostium quindecim millia, capta duo: ex regijs pauci faucij, pauciores desiderati sunt. Rex inter primos hostem fugientem persequens, vociferando cædendoque lassus, & cruore respersus, semianimis propemodū à gregario quodam milite in castra relatus est: quem postea militaribus affecit præmiis, & in equestrem ordinem retulit. Cæterum Maslaus ex fuga perpetuo cursu in Prussiam contendit: ubi ab ipsis cognito euentu prælij excarnificatus, in crucē actus est: insultantibus, ut alta teneret, qui alta petiuisset. Sic mali consilij autor male periit. Ab hoc prælio Masouia penitus in ditionem Regis reuenit: quæ & nomen semel acceptum in hanc usque diem retinet, quamuis mutatis deinde finibus. Prussi clade suorum permoti, & veriti, ne statim sibi Casimirus victoricia signa inferret, missis legatis culpam rebellionis deprecantur: Regi se & sua subiiciunt: tributa debita persoluant, ac deinceps quotannis soluturos se esse recipiunt. Ita pax eis data est, & captiui dimissi. Rex altero filio Vladislao auctus est.

*Casimiro
nascitur
alter filius
Vladislau.*

Pacato per circuitum regno, Casimirus memor pristinæ conditionis, & vitæ monasticæ, victoriamque contra Maslaum atq; barbaros diuino beneficio acceptam referens, Cluniacum, ubi monachus fuerat, legationem cum amplis muneribus mittit, benignitatem erga se Dei prædicat: sodalitati vniuersæ se suosque commendat: aliquot monachos ad se mitti postulat, qui se-

æ il-

Et illius quasi colonias quasdam in Poloniam deducant. Mittuntur itaque duodecim monachi, quibus partim Tineciam arcem vno à Cracouia milliaro supra Vistulam, cum centum amplius pagis, partim Lubensum oppidum ad Oderam situm, cum compluribus itidem pagis & prouentibus aliis attribuit: domicilia monachis extruxit, atque templa, eaq; per ampla suppellectili ad cultum diuinum apta ornauit. Fuit autem primus Abbas Tinecensis Aaron Gallus, cuius integritas & pietas Cluniaci adhuc Casimiro perspecta erat. Atque is deinde Rachelino sexto Archiepiscopo Cracouiensi mortuo, à sacro eius basilicæ collegio postulatus, septimus successit Regis fauore adiutus. Multa item alia Casimirus Rex fecit & instituit, quæ ad religionis & reipublicæ instaurationem pertinere existimabat: pace perpetua post Maslaicum bellum fatigatam superioris temporis malis Poloniam, mirum in modum recreauit, eoque instaurationis pacifici cognomen meruit. Suscepit autem Casimirus ex Dobrogneua vxore liberos, mares quidē quatuor, Boleslaum, Vladislaum, Miesconem & Ottonem: fœminam vero vnam Suentochnam. Ex his Otho puer admodum, viuo patre: Miesco adultior iam, octauo post patrem anno, rebus humanis exempti sunt. Cum autem decimum octauum Casimirus regnasset annum, incidit in grauem morbum: quo mensem vnum afflictus, vbi finem vitæ suæ adesse sensit, Proceribus liberos commendat, & sacramentis rite procuratus religiose & tranquille quarto Calendas Decembris extremum vitæ clausit diem, & magno omnium mœnore Posnaniæ sepultus est, anno post Christum natum millesimo quinquagesimo octauo. Mortem eius cometes portenderat. Fuit autem Casimirus procera statura, forma liberali, bona & vegeta corporis habitudine, capillo denso, promissa barba, comptus & elegans: literis mediocriter eruditus, primus quidem inter Reges Polonia: in pupillos & viduas clemens & beneficus: in ecclesiasticos homines in primis propenso animo: erga omnes comis, lenis, & benignus: denique in omnibus rebus agendis Dei timorem maxime ob oculos habere solitus.

*Monachi
Benedictini
Cluniaco
acciti in
Poloniam.*

*Casimiri
Regis liberi.*

*Casimirus
Rex moritur.*

BOLESLAUS SECVNDVS COGNOMENTO

Audax, Rex Polonia Quartus.

Conuentu apud Gnesnam acto, summa omnium voluntate & applausu ad Boleslaum Casimiri filium natu maximum, solenni ceremonia regnum & diadema deferitur, cum quod ætati is honor habendus esse existimaretur: tum quod is adolescentulus etiam tum singulari industria, liberalitate, animi magnitudine, laudis ac gloriæ studio præditus, ad res maximas gerendas factus, & regno dignissimus esse videretur. Ad eum primis tribus annis tres illustres exules cum confugissent, magnam ei materiam sequentium bellorum præbuerunt. Ij vero fuerunt: Izaslaus Princeps Kiouiensium, Iaroslai Dabrognaux Reginae fratris filius: Bela Dux Vngariæ, Andrea Regis frater, & Iaromirus Præmislai Bohemorum Principis filius: quos omnes Boleslaus auxiliis iuuit. Vratislaus ergo Boemorum Princeps permoleste ferens, receptum ex fuga fratri suo Iaromiro in Polonia patere, veritusque, ne quid ille noui contra se Polonorum fauore & auxiliis fretus moliretur, cū infesto exercitu in fines Polonia ingressus est: Silesiam fere omnem populat, igni ferroque vastauit. Quo nuncio ad se perlato, celeriter Boleslaus tumultuaria manu hosti occurrit, & inopinantem in sylua quadam assecutus,

*An. Chr.
1059.*

*Bohemici
bellum.*

reficere corpora & iumenta suos festinatione defatigatos iubet, postera die hostem aggressurus. Bohemus Regis aduentu cognito, neque dimicare cum Polonis, quorum vires non nosset, quosque locorū peritiā adiunaret, tutum sibi esse ducebat: & manere eum diutius in loco, penuria rerum omnium nō sinebat: tum autem verebatur, ne succisione arborum, vel ab agrestibus receptu prohiberetur. Itaque fugę consilium cepit: à Rege fallendi causa colloquium in posterā diem petiit, quasi de admissis satisfactorius, & secunda noctis vigilia relictis impedimentis, & paucis infirmis, maioribusque ignibus, quo facilius excubias Polonorum frustraretur, accensis, silentio suos eduxit, & festinus fugam arripuit. Postero die Boleslaus, ubi hostem effugisse animaduertit, dolore atque ira percitus, aliquot dies eum persecutus est, nec tamen assequi potuit: sed extremos tantum agminis, debiliores ac lassos excepit. Inde protinus in Morauorum fines diuertens, villas, vicos, & oppida incendit, multosq; mortales nil eiusmodi metuentes in agris oppressit, & magnam prædam abegit. In sequentem vero annum maius bellum parabat. Quod ubi Vratislaus cōperit, cum hostiles vires, tum suorum prodicionem & fratrum insidias metuens, de pace per communes amicos agit: & quod alio spectabat Boleslaus, facile impetrat, his quidem legibus, vt damna Polonis illata sarciat, & sororem Boleslai Suentochnam tertiam vxorem ducat: alteram enim anno superiori defunctam amiserat. Suentochna ad sponsum non multo post à primoribus Bohemis accita ac deducta, & nuptiæ magno splendore celebratæ. Iaromirus autem Poloni Regis & reliquorum fratrum opera in gratiam cum Vratislao rediit, & Pragensis, deinde vero Ołomucensis Episcopus opus non sine iniuria alterius factus est. Per id tempus Aaroni Archiepiscopo vita defuncto, cū episcopa ob discordiam sacri collegij toto biennio vacua fuisset, tandem Lampertus cognomento Zula Polonus successor electus est. Nec tamen is pallium de more à Pontifice petiuit. Inde igitur in posterum Cracouia Archiepiscopum habere desit.

*Pax inter
Bohemos
& Polonos
affinitate
sanctur.*

*Prussicum
bellum.*

Sub idem tempus Pruteni contemnentes Boleslai Regis adolescentiam, & quod eum Bohemico bello diffineri sciebant, rebellarunt. Pomeraniam finitimam transmissis flumine Vistula excursionem repentina populantur: arcem Grodecum, quo se cum præda recipiant, muniunt, inde crebro in adiacentes oras Poloniae nemine prohibente grassantur. In eos igitur Boleslaus, pace cum Bohemis facta, exercitum duxit: Grodecum oppugnare adortus, verum difficultate expugnandi eius deterritus, eo quod natura munitus esset locus, egregieque à Prussis defenderetur, soluit obsidionem, in qua plusculum temporis frustra consumpsit: fremensque, quod syluis & paludibus & munitione illa sese tenerent hostes, nec ullam pugnandi copiam facerent, & se alio festinantem distinerent, arte sibi dominos esse, quos aperto Marte non posset existimauit. Reducere se exercitum simulat: ceterum in insidiis latet. Pruteni abiisse hostem rati, elatebris prodeunt & in Poloniam excursionem facere parant. Quod cum Boleslaus ab exploratoribus cognouisset, exercitum ducit in hostem alacer. Priusquam ad hostem veniretur, transmittendus erat Officiarius, qui Poloniam à Prussia dirimit. Hunc primi armati incunctanter ingressi, pondere armorum, & altitudine aquarum, quæ imbris tunc forte excreuerant, absorpti sunt. Ceteri ex utriusque & loriis, quæ magni ponderis fiebant antiquitus, minori periculo tranarunt: hostesque securos & nil tale suspicantes op-

primunt: & ingenti strage concisos in potestatem suam redigunt.

Prussicum bellum excepit Vngarica expeditio: nam Boleslaus Rex Belæ *Vngaricum bellum.* exulis, & vxoris eius amittæ suæ precibus fatigatus, & profugientium ad eos Vngarorum multitudine, clandestinisque nonnullorum procerum, fidem & studia sua Belæ deferentium, legationibus motus, neque prætermittendam sibi esse tam præclaram gloriæ comparandæ occasionem iudicans, reducere propinquos instituit: ac tribus agminibus, Belam in suo comitatu ducens (vxor enim & liberi in Polonia manserant) Vngariam ingreditur. Venientibus adiungunt se complures Vngari, ita vt quartum ex ipsis agmen conficeretur. Nec cunctantius Andreas Rex hosti aduentanti ad Tibiscum siue Tissam amnem, quæ Sarmaticis montibus ortus in Danubium influit, occurrit: magnas Vngarorum copias, maioraque Germanorum & Bohemorum auxilia ducens. Cum enim bellum cōtra se à Belæ & Polonis parari intelligeret, miserat Salomonem filium in Germaniam ad Henricū tertium Imperatorem, & ad matrem ipsius Agnetem: quæ siue focrus, siue auia Salomonis erat: à quibus Salomon nō contemnenda auxilia, ducibus Guilhelmo & Botho, acceperat: à Bohemis item alia, quibus Vratislaus ipse Princeps præerat. His ergo viribus fretus, trāsmissis Tibisco acies instituit: neq; Poloni pugnam detrectarunt. Cōcurritur infestis armis, & aliquot horis dubio Marte, & incerto euentu pugnatur. Ad extremū cedunt loco Andræ copiæ. Ibi Vngari, qui cum Andrea Rege erant, premi suos, & Polonos virgere conspicati, ad Belæ partes trāsseunt: nec diutius Germani & Boemi, deserti & proditi ab Vngaris, impetum Polonorum pariter & Vngarorum sustinere. In fuga oppressi sunt multi, capti item non pauci, & in his Vratislaus Princeps, & Germanorum duces. Rex vero Andreas longius fugiens, tandem ad portas Mosonienfes comprehensus ab Vngaris, & male tractatus in sylua Boconienfi vitam finiuit. Magna eo prælio virtus & solertia Boleslai exitit. Post hæc victoriā Boleslaus Belæ Albæ regiæ in sede regia collocauit: ac victorem exercitū præmiis ab eo & Vngaris affectum domū reduxit. Procerū deinde suorū suæ, vxorē duxit præstanti forma virginem, Visselauam Russorum Principis cuiusdam filiam vnica, ad quam hæreditas paterna pertinebat. Tantisper autem quieuit à bello Vngarico, & à nuptiis, quantum sat erat ad apparatus belli Russici, ad quod summo studio & omni cogitatione incumbēbat.

Paratis omnibus, coadunatoque ad constitutum locum omni exercitu, in hæc sententiam apud milites in cōcione verba fecisse memoratur. Nō ignoratis milites, complusculos iam annos Izislaum cognatū nostrum, principatu suo paterno iniuste pulsū, apud nos exulare: eiq; restituendo nos hæc operam dare existimatis. Nec sane fallimini. Debemus hoc propinquitati: debemus humanitati. Quin ita hoc natura comparatum est, vt afflictæ Principū fortunæ, Principes quamuis alienos maxime ad misericordiam moueant. Sed nobis hic nos etiam serimus, milites. Scitis, quantum nobis imperium, quam amplam gloriam maiores nostri reliquerunt, & vt alios præteream, Boleslaus quidem proauus meus imperium hoc nostrum Borysthene, Albi, & Sala fluuiis, Sarmaticis montibus, & Germanico Oceano: gloriam vero nominis Poloni iisdem pene, quibus orbis terrarum clauditur, sinibus terminauit. Nunc quanto nostro cum dedecore & imperium hoc accisum, & gloria obnubilata sit, quis nescit? Equidem vix teneo lachrymas, quod ad patrem auumque meum hæc infamia inprimis attinet. Tametsi patrem ve-

Boleslaus
Rex ducit
alteram vxorē.
Bellū Russicum.

Oratio Boleslai ad milites.

»stra excusat iniuria, & illi & nimium inter regno vires: aut veniam, nisi sim
 »ipse ignauissimus, dare non possum. Verumenimvero eam labem à genere
 »nostro detergere, Russiam regno huic rursus adicere, columnisque Boles-
 »lai (quem ego vt nomine refero, ita & factis referre cupio) imperium no-
 »strum terminare, mihi in animo est. Quod vobis placere debet, milites,
 »nisi forte à virtute maiorum vestrorum degenerastis. Atque maiores qui-
 »dem nostri gentem hanc, sibi prius incognitam, adierunt, vexarunt, de-
 »bellarunt. Nos iugum excutientem, & quidem domesticorum nostrorum
 »malorum, non suarum virium fiducia non vlesceremus? non ad officium re-
 »uocabimur? nisi forte vbertas soli illius admiranda, hominum ingens opu-
 »lentia, & ex rerum copia ortus luxus ac mollicies, ab hoc bello vos deterrent
 »milites. At ego, nobiscum hæc omnia, contra ipsos facere iudico. Quin ista
 ipsa in primis ad spem optimæ, & luculentæ prædæ nos inuitant. Plura dicere
 parantem, clamore interpellant, vniuersi: duceret quo vellet, bono omnes
 se impigre secuturos esse. Hinc magnam pecuniæ vim
 inter milites, vt quemque superioribus bellis meritum esse nouerat, aut v-
 sui sibi deinceps fore sperabat, distribuit. Sic animatis & optima spe impletis
 militibus, instructa acie triplici, Russiam ingreditur: propterea quod cre-
 debat, hostes mox ad prælii dimicationem venturos esse. Et aderat quidem
 ad Bialogrodum Visseslaus Dux cum non contemnendis Russorum copiis:
 verum explorata Polonorum multitudine atque apparatu, Poloscum pau-
 cis confectis fuga contendit. Exercitus quoque, cognita sui Ducis fuga, nul-
 la interposita mora diffugit. Trepidare tota Russia, Kiouienes deditio-
 nem facere velle, ni metuant iratum Izaslaum, quem principatu eiecissent: im-
 plorare Stoslai & Vusseuolodi opem; ni adfint, exsturos se esse urbem, & in
 Græciam cum coniugibus ac liberis migraturos. Bono eos animo Stoslaus
 & Vusseuolodus esse iubent. Ipsi legatos ad Izaslaum fratrem mittunt, o-
 rant, vt parcat ciuibz atque patriæ, dimittat exercitum, Kiouiam recipiat
 supplicem: Visseslaum Polosco sese continentem, non iam de victoria, aut
 Kiouia, verum de sua salute esse sollicitum. Neminem præterea ipsi aduersa-
 turum. Quod si dolorem exilij ex animo delere non posset, ipse de fontibus
 supplicium arbitrato suo sumeret: Polonis patriam, vt cunque de se meritam,
 in seruitutem atque prædā ne daret. Cogitaret quam male olim Stopolco
 successisset, quod exul per eosdem Polonos restitutus esset. Ad hæc Izaslaus
 de Boleslai sententia nihil aliud, quam periculum se futurum esse, quam ve-
 re illa de Kiouienibus dicerentur, quaque illi voluntate in se essent, respon-
 dit. Mouet Boleslaus exercitū propius Kiouiam & Mescislaum filium Izaslai
 cum expeditis aliquot turmis ad urbē præmittit. Is intro missus, cum oppor-
 tuna loca præsidio occupasset, auctores seditionis paternique exilij septua-
 ginta comprehesos partim necat, partim excæcat. Patri & Boleslao Regi pa-
 catas esse res Kiouiz renunciat: contenderunt ij tamē eo pacato agmine. Ve-
 nientibus tota ciuitas ad septimū milliariū obuiam effusa esse dicitur. Dies
 ea fuit secunda Maij. Rex restituto in paternum principatum Izaslao, partem
 exercitus cum eo contra Visseslaum misit. Atq; is fuga elapso Visslao, nul-
 la mora Polosco potitus est, filiumq; Mescislaum, & non multo post eo mor-
 tuo, alterum Suetopolcum, siue, vt Russi habent, Stopolicum Michaelē
 cum præsidio ibi reliquit: ipse cum Polonis Kiouiam reuertitur. Rex distri-
 buto in æstiuā, ac deinde in hyberna exercitu, ipse cum delictis æstatem at-
 que

que hyemem illam Kiouia peregit, amœnitate loci ac deliciis vr̄bis, & mulierum venustate, teneritudine, ac lepore admirando captus. Præbuit autē Izaslaus vniuerso exercitui per omne id tempus alimēta & vestes, in super & Regem perquam honorifice, & exercitum pro meritis remuneratus est.

Exacta hyeme mature Boleslaus ex hybernis mouit, & in Præmisliensem tractū, iniuriane prouocatus, an quod ea paterna esset vxoris suæ hæreditas, an vero sola proferendi regni cupiditate ductus, non constat. Ac minoribus quidem oppidis, quæ erant in itinere, primo aduentu potitus est: cæterum Præmislia à septentrionali quidem latere, qua ipse veniebat, Sano fluuiio, qui è Sarmaticis montibus haud ita lōge à Tibisci fontibus oritur, à reliquis vero fossis & aggeribus munita erat, & à magna præterea multitudine hominū vrb̄anorum simul & agrestium atque nobilium, qui ex agris eo se cum familiis ac facultatibus suis receperant, defendebatur. Adhæc, ab vno latere arx oppido imminabat, in edito loco sita, & validis mœnibus turribusq; expugnata, vt illa ferebant tempora, perdifficilis. Rex igitur cū fluuium, ne quicquam prohibentibus Russis, vado satis alto trāsisset, oppidum summa vi oppugnat: nec segnius defendūt Russi, & crebris eruptionibus, abundāte multitudine, Polonos oppugnationi intentos adoriuntur: sed reprimuntur, magna; cæde in oppidum repelluntur. Postremo vim Polonorum diutius sustinere se posse diffisi, deserto oppido, in arcem se receperunt. Rex oppidum summa rerum omnium copia, diuitiisq; refertum, quarto, posteaquam oppugnare cœpit, die captum, in prædam dat militibus: arcem, quia difficilis esse videbatur eius expugnatio, propter multitudinem defensorum, neq; cōtrucidari suos volebat, corona obsedit. sperans, fame sitiq; breui se eam sedēdo in potestatem suam redacturum esse: equites peditesq; quoquo versus pabulatum mittit, commeatum quamplurimum in castra cōportare, villarum incendiis abstinere iubet. Ipse dispositis custodiis obseruabat, ne quid ad obsessos importaretur, neue ij libera è flumine aquatione vterētur. Nullas enim arx intus perennes habebat aquas. In magna difficultate, obstinatis tamen animis, obsessi obsidionem sustinebant: donec fame sitique eneētis iumentis, & peste in homines grassante, deditiōnem extremo æstatis tempore fecerunt, vitam, & quæ singuli vno onere secum efferre possent, pacti. Rex arcem deditam, quantum potest, reficit & adornat, in ea; hyemem sequentem cōmoratus est, exercitu in hyberna distributo. Fuit hic annus à Christo nato millesimus sexagesimus nonus.

Præmisliense bellū.

Eo tempore, cum Bela Rex Vngariæ tertio regni sui anno camerę ruina in villa quadam afflictus, paulo post obiisset: Salomon Andreæ filius ab Hérico quarto Imperatore affine suo in Vngariam validis copiis reducebatur: quo cognito, Geisa, Vladislaus, & Lāpertus Belę filij, nil præsidij sibi in fluxa Vngarorum suorū fide fore rati, ex Vngaria in Poloniam exceſſerant: & Cracouiam recta contendentes, à Vladislao Regis fratre & Regina comiter ac benigne accepti sunt, Rege tunc apud Præmisliam cū exercitu moram trahente. Cumque hybernaturus is esse in Russia referretur, Geisa relictis Cracouia fratribus, illuc ad eum venit, opem eius implorans. Quem Boleslaus comiter consolatus, cogitare ipse secum, ac deinde cum consilio castrensi consultare, quid faceret: per in quosne exules atq; supplices, intermisso Russico bello reduceret, an hoc prius cōficeret. Ac consilium quidem in eam fere inclinabat sententiam, vt Russiam prius pacandam domandamque, & alienam rem

Bela Regis Vngar filij fugiunt in Poloniam.

*Expeditio
Vngarica.*

posthabendam esse censeret. Cæterum Regi placuit, nō esse differendā expēditionē in Vngariam, donec Salomon regnū suū stabiliret, Germanorūq; auxilia accerferet. Igitur æstate prima, cum iam maturefcerēt segetes, Boleslaus Rex relicto Præmisliæ, quantum satis esset, præsidio, in Vngariam cum reliquo exercitu & Belæ filiis, superatis montibus, qui Poloniam & Russiam ab Vngaria diuidunt, contendit. Confluxit statim ad ipsos non paruus Vngarorum numerus. Salomon Rex, vbi de aduentu hostium cognouit, Buda regia vrbe relicta, Mosonum arcem munitissimam se recepit, eo quod in opē ab externis auxilijs, parum præsidij sibi contra patruces in Vngarorum suorum viribus atq; fide esse existimaret. Ibi Episcopi medios sese interponunt: Belæ filios orant, ne se patriæ parricidio contaminent: pacē deinde inter eos & Salomonem, nō abnuente Boleslao, qui ad intermissum Russicum bellum festinabat, cōponunt his conditionibus: vt Belæ filij regium honorem cum duabus partibus regni Salomoni permittant, ipsi tertia, Ducumque nomine contenti sint. His rebus magna omnium lætitia confectis, Boleslaum cum exercitu, datis de publico amplissimis muneribus, dimittunt.

*Russicum
bellum in-
flauratum*

Reuertens autē Præmisliam Boleslaus, reperit Izaslaum principatu Kiouienſi iterum à fratribus prætextu cōtrouerſorum finium illato bello eiecū. Itaq; æstate, quæ consecuta est, in Volyniensium fines infestum dexit exercitum. Ad Lusci primum castra ponit, arcē vi capere nititur: vbi sæpius res tentata non successit, animi dubius deliberat, quid faciat. Et ad Kiouiam quidem prono ferebatur animo: itaq; iudicabat, ea recepta facile cæteras eius oræ munitiones deditiōem facturæ esse: verum relinquere post se hostē integrum, & cæteris Russis horum exemplo animos ad resistendum addere, nec consultum, nec tutum fore arbitrabatur. Itaq; obsidendo ad deditiōem adigere, quos expugnare non poterat, statuit. Obsessi sex propemodum mēses, vim & obsidiōē cum sustinuissent, ad extremum freti benignitate Regis patiq; liberū cum rebus suis discessum, arcē dedunt. Ibi Gregorius siue Igorus Dux, qui oram illā ditione tenebat, diffusus munitioni reliquarum arcium, missis primum ad Regē legatis, deinde ipsemet veniens imperata se facturum promissit, obsides dedit, pacē impetrauit. Anno sequenti ad Kiouiam mouit castra Boleslaus: obuium sese ipsi offert Vusseuolodus cū valido exercitu, è suis iuxta ac fraternis ditionib⁹ collecto. Nā Stoslao fratre mortuo, principatū eius sibi adiunxerat: & ij q. Lusci, Vuladimiræ, & Chelmæ in p̄dijs fuerāt, dimissi, ad eū fere sese receperant: eoq; inuitum multa suadēdo, & orādo impulerāt, vt prælio cum Polonis de summa rei decerneret. Rex q; in primis cupiebat adeptus, acies contra instruit: milites paucis cohortatur, vt opatā faciendi illius belli occasionem, ab hoste præter spē sibi oblatam, elabi è mani-

*Oratio Re-
gis ad mili-
tes.*

bus ne sinerēt: & extremum illum eius conatū dēspiratione magis, quam spē vincendi susceptum, fortiter retunderent: eundē esse, qui prius ad manus venire nunq̃ ausus esset: & ex iis militibus fere collectū, qui victi prius, ac vel fuga elapsi, vel deditiōe facta dimissi à se essent. Si ipsi viri esse pergerent, peritus de bellatū iri ea victoria, nec nisi præmia belli, & ea quidē amplissima ipsis reliqua fore. Quod si quid eos paululum fefellisset, cogitarēt, in hostico se esse: ne eos quidē quieturos, quos pacatos à tergo reliquissent, vt sunt Russicorū ingenia mobilia. Adniterētur, ne fortuito, sed sua virtute ac fortitudine superiores victorias adepti esse viderētur. His dictis & clamore, crepitumq; armorum alacritatē significāte vniuerso exercitu, canere signabat Cohortē

& Vasseuolodus suos, fortiter ut pro patria, pro liberis, pro coniugibus, pro parentibus, pro aris & focis, pro libertate denique dimicaret: ex eius plij euentu vel letiora omnia deinceps, si vicissent: vel si, quod absit, victi essent, duram servitutem, summamque miseriam expectarent. Congrediuntur infestis armis & animis instructae acies: incalescit pugna, & magis quisque ut hostem feriat, quam ut ictum ipse declinet, dat operam. Adsunt ubique suis Duces: iamque premi & conturbari Poloni coeperant in dextro cornu hostium clamore, fugere nostros vociferantium, magis etiam consternati: cum Boleslaus laborantibus subsidium submisit, & non modo pugnam restituit, sed etiam hostilem aciem perfregit & convertit. Perturbatis ordinibus fugiunt Russi: Vasseuolodus, ubi aliquandiu suos nequicquam reuocauit, in fugam se & ipse contulit. Ita plena, nec incruentum tantum victoria Polonis obtigit. Multi namque faucibus in castra relati, mille propemodum desiderati sunt. Boleslaus aliquantum recreato ab ea pugna exercitu ad Kiouiam contendit: quam cum primo impetu capere non potuisset, opportuno loco castrametatus, oppugnauit urbem iterum atque iterum, sed nullo operae precio, imo vero non minimo suo detrimento. Nam etsi locus neque situ, neque opere admodum munitus erat, sed tamen acriter cum ab urbana multitudo, tum ab iis, qui est praelio dudum fuga elapsi eo se receperant, defendebatur: nec a viris modo, sed a mulieribus etiam atque pueris, Poloni moenia subeuntes eminus, atque ex superiori loco iaculis omnis generis vulnerabatur. Ommissa igitur oppugnatione, obsidione urbem, multitudinem hominum abundantem premere statuit, dispositisque in omnes partes custodiis, commeatu oppidanos prohibet. Quod quidem facile fuit, longum prospectum quoque uersus praebente planicie, in qua Kiouia sita est. Nec multo post cum angustiore annona uti coepere obsessi: veritque, ne extrema patientia cogerentur, & ad extremum in potestatem hostium venirent, culpam & necessitatem deprecari, urbem dedunt. Boleslaus ingrediens in portam urbis ferro intactam, gladium vibrauit, quod proauum item suum fecisse acceperat: oppidanorum autem facultrates atque corpora capitali edicto a militum vi, iniuriis, atque rapinis tutatus est. Quae clementia eius atque animi moderatione moti oppidani, ingentia dona ultro ipsi accumularunt: ea Rex pleraque omnia inter milites virtutis ergo collaudatos pro meritis cuiusque distribuit.

*Victoria
Boleslai de
Russis.*

Pacata Russia, vestigalia magna non solum pecuniae, sed & omnium rerum ad victum cultumque corporis pertinentium instituit. Izislaum summam rerum praeposuit. Is porro filios suos, Stopolcum quidem Polocenibus & Nouogrodicibus: Vladimirum Smolenscibus: Iaropolcum vero Vissegradensibus praefecit. Rex quo magis imperium suum in Russia stabiliret, & quo diutius iam sibi antea Kiouiae deliciis ac voluptatibus perfrueretur, hyemem illam ibi mansit. Ibi robur exercitus Polonici illecebris opulentiae, luxuriosae, & Graecorum commercijs corruptae ciuitatis elanguit, disciplina militaris licentia dissoluta, & ille victor multarum gentium exercitus, deuictae urbis lasciuia, libidinibus, & flagitiis victus est: ita, ut ei vinci magis propemodum, quam vincere expediret. Et enim plurimorum, maximorumque malorum, quae Poloniam postea implicauerunt, haec victoria causa & origo fuit. Nam dum illi Kiouiae nulla se nequitia & libidine abstinere, uxores eorum & filiae domi relictae, non ferentes tam diuturnam virorum absentiam (iam enim septimum forte annum in Russia & Vngaria militantes domibus aberant) tum aut libidinibus eorum, quam crebris nuntiis ad ipsas perferbant, & iniuriis irritatae, flagitiis vicissim viros & propinquos suos plerumque vlcersunt: nonnullarum etiam pudor & constantia partum bladiiis, & falsa

Russia Polonis facta vestigalia.

extinctorum virorum persuasione corrumpitur, partim vi expugnâ, iusta diuini numinis vindicta atq; permissu. Præclarum tunc muliebris pudicitiae exemplū in Margaretha Nicolai Zembocij Comitissæ vxore extitit: quæ graffantem passim impune flagitiosorum iuuenum licentiam metuens in turri templi Zembociensis, vno à Prossouia milliaro, cum duabus sororibus per multum tempus latuit, familia per funem alimenta ipsi subministrante. Hæc ubi viris in hyberna renunciata sunt, fremere multi, ad quos illa pertinebât, & indignari, commeatumque domos visendi à Rege petere. Sed vel non admissi ad Regem, vel superbius repulsam passi, clam pauci primum sese subduxere, deinde plures paucorum exemplum secuti, ipsi quoque discesserunt, ita vt pauci cum Rege remanerent. Quos etiam Rex raptim cum reliquis cōsequitur, veritus, ne Russi mutatis animis, despe&taque Polonorum paucitate, opprimendi sui consilium inirent. Posteaquam vero peruenit Cracouiā, conceptam animo in desertores iram, in apertum profert: à quibus fuge initium ortum erat, eos capitali pœna afficit: in cæteros autem bonorum confiscatione, aut diuturno carcere animaduertit. Sc̃uit & in mulieres, quæ culpæ affines esse videbantur, quibusque misericordia & indulgentia virorum pepercerat, & quidem inaudito modo. Abstractis enim & abiectis infantibus, quos è stupris & adulteriis enixæ erant, catulos ad earum vbera admouisse dicitur. Adhæc vulgus atq; plebem nouis & grauib; exactionibus premebat: ius non dicebat, nec iniurias tenuiorum vindicabat: impeditus consuetis voluptatibus, fœdisque & abominandis libidinibus, de quibus nil remittebat. Quin Christina nobili fœmina, à Mescislao marito abducta, palam per adulterium abutebatur.

*Boleslai
uita &
scelera.*

His commotus (vt decuit) Stanislaus Cracouiensis Episcopus, vir pius & nobilis cognomento Scezpanouius, vidensq; iniurias & exempla regionum flagitiorum ad multos pertinere, Regem adit, & semotis arbitris blande admonet, orat & obsecrat, vt illis moribus & corruptelis finem statuatur, ne quod grande malum sibi, suisque, & vniuersæ Poloniæ accersat. Peccata per se esse maxima, longe tamen maiora in Rege, quam in priuato homine: cū ea quoque, quæ in aliis leuia sint, in eo qui loco & honore eminet, grauissima esse videantur: propterea quod vltro hominum sese oculis ingerant, & plurimos secum malo exemplo in præceptis detrahant. Quo sublimior & fortunatior sit, hoc maiore vitæ puritate & innocentia eum niti, Deique beneficentiam agnoscere oportere. Ni faceret, metueret, ne diuina ultione de summo gradu in imum deturbaretur, neu denique falsas ac momentaneas voluptates diris sempiternisque cruciatibus commutaret. Hæc dicta Rex iniquiori animo pati, & ira odioque inflammatus conuiciis & maledictis optimum antistitem incessere: quærere, quo pacto auctoritatem eius eleuaret, libertatemque linguæ comprimeret: neq; tamen quicquam eiusmodi in vita ac moribus Stanislai, quod opportunum esset crimini aut reprehensioni, comperiebat. Emerat forte Stanislaus pagum Petrauinū in tractu Lublinēsi à Petrico quodā Nobili, qui accepto precio iam obierat: priusquam Stanislaus de iure suo sibi ecclesiæque suæ, cui pagum illum adiungebat, cauisset. Ea de re Boleslaus Rex monitus, Petrici agnatos iubet de hæreditate interuersa Stanislaum in ius vocare. Quod illi insperati commodi spe adducti faciunt. Forte tunc iudicia, quæ vulgo colloquia & generales termini vocantur, in pratis inter Soleciam & illud ipsum Petrauinum in papilionibus, vt mos erat anti-

quitus,

quitus, à Rege exercebantur. Comparat Stanislaus citatus: emisse se pagum, & soluisse precium bona fide affirmat, testibus eius rei nonnullis citatis. Qui cum à Rege deterriti, testimonij dictionem subterfugerent, ibi Stanislaus non tam de pago retinendo, quàm crimine depellendo anxius, tridui dilatione à Rege impetrata, Petrauinum contendit: vbi peracto cū sacerdotibus piis ieiunio, Deique ope inuocata, fama est detectum Petrici putre cadauer pedo tactum, magna fiducia exsurgere eum à mortuis in nomine Dei patris, filij, & Spiritus sancti iussisse. Surrexit ille, ad eam vocem quasi è somno expergefactus, & à Stanislao manu deducitur ad tribunal regium. Coram quo & reliquis adstantibus Petricus, venditi pagi precium omne se accepisse fassus fertur, Regem ac propinquos, quod innocenti viro litem mouissent, increpans. Ita inuito Rege causam vincit Stanislaus. Nulla Regis emendatione subsecuta, iterum atque iterum monitus est, acriusque obiurgatus ab eodem Stanislao, adhibitis etiam secundum præceptum Christi grauibz aliquot viris, furere, eademq; minari ipsi cepit. Nec remissius Stanisla⁹, vbi nō respiscere Regem animaduertit, graui anathemate eum percellit: vctat sacra fieri tota vrbe, quo ille detestatione & conuicio populi, qui sacris arcebat, ad saniorē mētem reuocaretur. Ipse per pontē Vistulæ ad D. Michaelis ædem in rupe prærupta supra Vistulam è conspectu arcis sitam, ad faciendā rem diuinam clam cum paucis sacerdotibus commeabat. Quod vbi Boleslaus, à suis certior factus, cognouit, quadā die correptis armis cū compluribus affecis & satellitibus eo contendit. Præmittit, qui Stanislauum sacris vacantē ad destinatam necem ab ipsis altaribus abstrahant. Quos ferunt introgressos, subito & insolito fulgore percussos, supinos cecidisse: inde manibus pedibusq; reptantes se proripuisse. Idē aliis à Rege submissis accidisse. Ille moræ impatiens, & furore percitus, increpita satellitum ignauia & formidine, ipse stricto ense in templum irrumpit, lethaliq; ictu sancti viri verticem ferit, ita vt cadens, cerebro parietem proximum aspergeret. Ibi satellites cohortati se mutuo, corpus humi procumbens templo extractum minutatim concidunt, morem gerentes furori regio, & in subiectis pratis, canibus, & volucris lanandum dissi- ciunt. Dies quo hæc patrata sunt, fuit octauus Maij, Anno Christi 1079.

Rex Boleslaus diris deuotus à Stanislao Episcopo Crac.

Stanislao cades.

Hæc vbi Romæ nunciata sunt, Pōtiffex Maximus Gregorius eius nominis septimus, atrocitate rei commotus, toti Poloniæ sacris interdixit, Boleslaum diris deuouit, regnumq; ipsi solenni ritu abrogauit. In posterū quoq; ne quē Episcopi Regem iniussu suo vngerent & coronarent, edixit. Qui vero socij sceleris Regi fuissent, eos simul & posteros eorū vsque ad quartam propagationem, à sacerdotum & omnium magistratuum ecclesiasticorū functionibus alienos esse iussit. Erant autem satellites ij nobilibz & honestis familiis orti. Regnavit tamen postea Boleslaus annum & amplius, sed inuisus omnibus, & externis etiam contemptibilis: ita vt iam Russi ab eo subacti, imperium eius detrectarent. Conspirarunt deinde in necē eius nobiles & proceres nonnulli: quæ conspiratione detecta, veritus, ne ad plures ea etiam pertineret, in Vngariam cū filio Miescone, & paucis comitib⁹ fugit: à Ladislao Rege Geisæ fratres, qui cū fratre à Boleslao in Vngariam redit⁹ erat, comiter & honorifice accept⁹ est: mansitq; apud eum aliquandiu. Verū exagitante eum indies magis ac magis patrati sceleris conscientia, acerbis & infatigabili scelrum carnifice, amentia correptus, mortem sibi ipse consciauit, anno post Christū natum millesimo octuagesimo primo qui quidem æstu & siccitate insignis fuit.

Polonia sacris & regis nomine interdicta à Pp.

Boleslai fuga in Vngariam.

Boleslai interitus.

Sunt qui volunt, eum in venatione concito equo efferatiorē, in auias sylvas delatū esse, canibus consequentibus: excussūq; ab iis dissepitū ac deuoratum. Alij eum clam omnib⁹ errabundum inter Alpes ad monasterium quoddam, siue id ad Oenipontem, siue ad Villacum situm sit, peruenisse, ibique latentem, quisnam esset, post multos labores in coquina ministerio vltro & pœnitentia commissi patricidij susceptos & exhaustos, vitā finisse produnt. Sarmcius in suis annalibus commemorat, sepulchrū eius inueniri in Carinthiā quodā cœnobio Ossiæ non procul à Feldkirchen oppido, vbi post antedictos exantlatos labores monachus vixit; nec prius à sodalitis agnitum, quā post mortem inter supellestem ipsius repperint literas quasdā, quibus maximæ res continebantur, & alia insignia regalia: tunc velut stupefacti vehementer mirari cœperunt, eiusque corpus summa reuerentia sepelierunt, superque caput statuam marmoream instar equi ephippia gestātis collocarunt, addito hoc epitaphio seu inscriptione: **BOLESŁAVS REX POLONIÆ, OCCISOR SANCTI STANISŁAI EPISCOPI CRACOVIENSIS.** Fuerat autem futurus hic Rex clarissimus ac felicissimus: si fortunam perpetuo cœptis suis adspirantem ferre didicisset. Verum secundis rebus elatus & insolens, animo suo minus, quam oportuit, moderatus est. Construxit autem Boleslaus viuens, & dotauit Mogilnense monasterium, in eoque Benedictinos collocauit. Audacis & liberalis cognomen viuo inditum, mortuus etiam retinuit. Regnauit annos ferme duos & viginti, cum decimum sextum annum nondum egressus regnare cœpisset.

VLADISŁAVS PRIMVS, COGNOMINE HERmannus, Ethnarcha siue Princeps Polonia.

*An. Chr.
1082.*

*Vladisłao
Hermannō
regnum de-
fertur.*

*Interdicti
relaxatio.*

*Vladisłaus
duxit uxorem.*

*Miesco Bo-
lesłai filius
exul reuo-
catus.*

EXACTO Rege Bolesłao, priusquam ex motu illo Respublica sese colligeret: Russi incunctanter arripuerunt eam nouandarum rerum occasionē, & coacto exercitu, Polonas ditiones Duce Basilio Roscislai filio, ferro & igne depopulati sunt, cumq; magna præda ad sua incolumes se recepere. Quo incōmodo p̄moti Proceres, veriti, ne quo grauiore etiā casu rursus inter regnum illud Rēpublicam affligeret, comitiis habitis, ad Vladisłaum fratrem Bolesłai, quē Hermannum etiam vocarunt, qui vnus supererat, regnum deferant. Is itaq; suscepit quidem principatum: sed tñ se Regē appellari passus non est, vel q̄ inunctus & coronatus solenni Regum ritu, Pontificis Maximi interdicto, non esset: vel quod reuersurum aliquando Bolesłaum, regnumq; repetiturum existimaret. Principis & hæredis regni Poloniæ nomen sibi sumpsit: vir prudēs quidem & virtute præditus: verum ad quietem & ocium propensior, quam ad bellum, & humanitatis ac religionis amantior, quam gloriæ. Initio statim principatus sui Poloniam commotam non nihil magna dexteritate pacauit, latrocinijsq; purgauit: ad Pontificem Maximum de tollendo interdicto, quo Polonia vniuersa ob necem Stanislai Episcopi obnoxia erat, oratorem milite Lampertum equestri ortum familia, Canonicum Cracouiensem, quem Pontifex diu Stanislao successorem dedit, & sublato interdicto Episcopum remisit. Vxorem deinde Vladisłaus duxit de amplissimi consilij sententia Iuditham Vratisłai Boemorum Principis filiam, ex Adleida Andree Vngarorum Regis filia susceptam. Miesconem Bolesłai fratris filium cum ceteris exulibus ex Vngaria reuocauit, fortunæ eius misertus: aut veritus fortasse, ne quā is ope Vngarorum, apud quos ob indolē gratiosus esse dicebatur, paternam regnum repeteret, nā pater eius iam perierat. Reuersum in fili-

hij loco dilexit: atq; is, cum egregia indole & comitate sua paruo tēpore animos multitudinis mirum in modū sibi deuinxisset, & optima spe oēs imple-
ret, sexto, postquam rediit, anno immaturam mortē obiit, nullis relictis li-
beris, & magnum sui apud oēs desiderium reliquit. Creditumq; est vulgo, ve-
neno sublatum à paternæ eius fugæ autoribus, veritis, ne quando eos iniuriæ
memor, vlcisceretur: Vladislao Principe & patruo si non iubente, conuiuen-
te quidem certe: ne se aut liberos suos, populari gratia fretus, regno eiiceret.
Habebat Vladislauis iā liberos, cū Mierzislau hic mortu^s est, Sbigneum uo-
thum, ante initum principatum è concubina susceptum: & Boleslaum legi-
timum in principatu ex Iuditha vxore, cū aliquot annis sterilis ea fuisset, di-
uinitus, quæadmodum creditum est, in gratiam sancti Abbatis Ægidij datū.
Cum enim orbitate sua principes coniuges maiore in modum angeretur, &
Iuditha religiosissima fœmina assiduis precibus, ieiuniis, elemosynis in ege-
nos liberaliter erogandis de prole Deum assiduo fatigaret, omniaq; tentaret
eius rei gratia: admonita à Lamperto Episcopo Cracouiensi mitti oratores
in Narbonensem prouinciam ad monasterium diui Ægidij, vbi corpus eius
conditum erat, amplissimis aureis & argenteis donariis, quæ secum attulerat,
& tēplo, & Abbati, & monachis dedicatis. Exponunt quid veniant, aut quid
postulent. Indicitur monachis tridui ieiunium: oratur Deus, vt intuitu gra-
ti serui sui Ægidij, masculam prolem concedat piis Principibus. Triduo illo
reuelatur per visum seni cuidam & pio monacho, impetratum esse, q̃ tanto
studio petutum esset. Dimissis autem & reuersis oratoribus, natus est tandē ex
Iuditha Boleslaus, quæ post quartum à partu mēsem, extremum clausit diem,
fœmina pietati inprimis ac beneficentiæ dedita: quæ & ipsa facultates suas,
mundumq; muliebrē pene oēm in vsus pauperū, & ad cultum tēplorum viua
elargita est, & à marito impetrauit, vt Croppesem siue Pabianicensem comi-
tatū collegio sacerdotū Cracouiensis Basilicæ, Lagouienſe territorium Vla-
dislauenſi Episcopo, Xiansnicēſia vero bona Tinecēſi monasterio sempiter-
no iure donaret. Nō multo post etiā Dobrogneua Vladislai Principis mater,
senex fatis concessit. Duxit deinde anno Christi 1088. alteram vxorem Vla-
dislaus, suasu Ladislai Regis Vngarorum, Sophiam viduam Salomonis regis
Vngariæ, Hērici quarti Imperatoris soror: ē honeste & honorifice post mor-
tem viri à Ladislao Rege pio habitam, ex eaq; tres filias, quarum nomina i-
gnorantur, suscepit, quamuis ex ea Salomon nullos suscepisset liberos.

Per hæc tempora Russi cognita morte Miesconis & vxoris eius morte, in
libertatem sese rursus asseruere: munitiones, quæ Polonorum p̃ſidiis tene-
bantur, recepere: militibus Polonis partim pecunia & largitione corruptis,
partim viciectis, partim longa obsidione ac desperatione nequicquam pctiū
& expectatū à Principe suo auxilij ditionē facere coactis. Dēſcere & Pru-
teni & Pomerani. Hos Vladislauis, dilatis in aliud tempus Russis, bello perse-
cutus, & Pomeranorum fines depopulatus est, arcēſque & munitiones ali-
quot primo aduentu recepit. Nec sibi defuere Pomerani: sed cum Prutenis
pariter cōiunctis viribus, magno impetu Polonorum castra die quindecimo
mensis Augusti adoriuntur. Nolebat eo die Vladislauis cū hoste manus cōſe-
rere: habebat enim honorem Virgini matri, cuius assumptioni dies ille di-
ſtinctus. Venū lacessitus, & iusta pene necessitate adduct^s, & ducit suos in aci-
m. Arox p̃ſidium in maguā diei partē, vtriusq; dubio cū o p̃ſectoria conten-
d. quibus cōmittitur. Incipiunt dē indepedēſe ferre hostis: nostri cohortati
se in-

Miesco im-
maturam
mortem
obit.

Sbigneus
nothus Vla-
dislai filius.

Boleslaus
ex Iuditha
nascitur
Vladislao.

Vladislauis
ducit alte-
ram vxor-
em.

Russi se in
libertatem
asseruerūt.

Prussicum
& Pome-
ranicum
bellum.

*Prutenorū
& Pome-
ranorum
rebellio.*

*Pomerani-
cū bellum
alterum.*

se inuicem, instare cedentibus. Nec mora, illi effuso cursu diuersi diffugiunt: quos Poloni ira elati lōgius persequuntur, magnamq; in fugientibus itragē faciūt: qua fusi fractiq; principis potestati & clemētiæ se suaq; omnia permis-ferunt. Facile ille dedit veniam victis & supplicibus, arces tñ & munitiones oportunas, q̄ illis rebellandi ansam dare possent, in potestatē suam redactas, partim præsidiis firmavit, partim demolitus est. Nec diu quievere Pruteni & Pomerani, sed p̄fectis à Vladislao sibi datis, partim dolo necatis, partim puls- sis, rebellāt iterū. Quam rebellionē Vladislaus, vt in primo statim ortu oppri- meret, tamultuariis copiis coactis, media hyeme magnis itineribus ad fines eorum peruenit. Quos vbi munitionibus se tuentes, aut in syluas ac paludes abditos, pugnādi copiam nō facere animaduertit, partitus exercitū cum Se- cecho Palatino Cracouiēsi & magistro militiæ, hostiles terras crudelē in mo- dū vastauit ac depopulatus est. Reuertēti apud Drenū, quam arcē Naclus a- mnis circūfluit, nūciatur, hostes subsequi, nec lōgius quinq; milliariis abes- se: statuerāt enim ij Polonos nec opinātes, animaduersa ac despecta eorū pau- citate, magna vi adoriri, & magna celeritate sese vndiq; conuolantes college- rāt. Debilitabat Principis animū hostium multitudo: sed cedere nō tam iustis hostibus, quam fugitiuis & contumacibus seruis, turpe sibi Poloni milites & infame ducebāt, occumbendū potius honeste, si ita fors ferat, quam p̄ sum- mam turpitudinē concedendam esse vltro sapius à se victis victoriam. Con- curritur vtrinq; infestis & obstinatis ad vincendum aut moriendum animis. Poloni rei militaris peritia hostium vim sustinebant: illi contra abundante multitudine integros in fauciorum ac defatigantium locū submitebāt. Pu- gnatū est à mane vsq; ad vesperam pridie ei⁹ dominicæ, quæ Christianis pal- marum nomine celebris est, neutro inclināte victoria: nisi quod nocte præ- lium dirimente, aduersarij, pro victis, nemine tamen persequente, discessere. Postero die dilapsis hostibus, consultatur, quid porro faciant, instantne per- territis, nec vllum dent respirādi & colligēdi sese spaciū: an potius abacta & ablata præda satis opima, domi sese prius exonerent, & mox aucto mercena- riis milib; ibus, qui è Bohemia & Vngaria expectabantur, cōmodiore anni tē- pore, maiore vi hostem adorianur: neq; pauci multos in solo ipsorum inua- dentes, sapius fortunā periclitentur. Huic sententiæ facile oēs assensu sunt, & monebat illud quoq; plurimos, q̄ sacrum Paschæ tempus præforibus aderat, quo Christianos impensius cultui diuino vacare oporteret. Itaque diuersi ex hostico discedunt. Nec ita multo post recreatis ab illa hyberna expeditione iumentis, auctisque tum domesticis, tum externo milite copiis, Vladislaus Princeps Pomeraniam ingressus hostem quærit: quo nusquam in apertum prodeunte, vastat iterum agros, pagosque, & oppida quam acerbissime. De- inde Naclum arcem in primis munitam, quæ receptaculum erat Pomeranis, ad excursions in Poloniam faciendas valde opportunum, cum primo impe- tu capere nō potuisset, eo quod valido teneretur præsidio, operibus circum- uallare instituit, vt obsessorum eruptiones reprimeret. Discesserunt itaq; Po- loni re infecta ab oppugnatione Nacli, tum quod hyemis asperitate premæ- rentur, tum quod terrores illos nocturnos in religionem verterant.

*Expeditio
tertia in
Pomeranos.*

*Expeditio
in Pomer-
niam
quarta.*

Insequenti æstate rursus in eosdē Pomeranos, & mox in Prutenos infestis armis impetū faciunt: regionesq; eorum, quæ quidem cultæ erant, quoquo- uersus quam crudelissime vastant, nulli neq; sexui, neq; ætati hominum par- cunt. His igitur fatigati fractiq; malis hostes, publico cōsilio deditionē fece- runt,

runt, misericordiam Principis supplices implorarunt. Ita perdomiti Pruteni & Pomerani ad tempus quieuerunt. Secutum est Bohemicum bellum, quod *Bohemicum bellum.* ut temere excitatum, ita cito, nec graui admodum exitu consopitum est. Vratislaum Bohemorum Principem Henricus quartus Imperator Moguntiae Regē appellauerat, anno post Christum natum 1087. eiq; & posteris eius Poloniam oēm, in qua vterq; ne tantillum quidem habebat, quantum pedis vestigio calcare posset, attribuerat. Vratislao ac Conrado item Vratislai fratre, qui post fratrem regnum susceperat, intra paucos menses vita defunctis, Prædisla⁹ Vratislai filius ex Vngaria, vbi iustā patris iram fugiens exulabat, reuocatus successerat, qui immemor necessitudinū, quæ ipsi cum Vladislao intercedebant, siue persequendi imaginarij illius iuris causa, & spe occupandi aliquid de Polonis, siue prædæ cupiditate Poloniæ fines cum infesto exercitu inuaserat, incendiisq; & populatione diuexauerat, Vladislao Pomeranico & Prussico bello implicato. Hanc iniuriam ulturus Vladislaus, quoniam tunc per anni tempus commode bellum gerere non poterat, proxime consecuta ætate, qui fuit annus à nato Christo millesimus nonagesimus quartus, exercitum in Morauiam, Conradi Principatu in vnus Principis ditionem cum *Expeditio in Morauiam.* Bohemia redactam, mittit, eiq; Secechum Palatinum Cracouiensem, præstatem in remilitari virum præficit. Ipse enim aduersa valitudine, & pedum dolore proficisci ad eam expeditionem prohibebatur: nec tamen volebat institutū bellum differre. Mandata cum dabat Sececho proficiscenti Vladislaus, aderat forte filius Boleslaus, nonum tunc agens annum, attentoque animo omnia hauriebat, & in leonini catuli morem, qui teneris etiam dum vnguib⁹, laniatu tamen iam gaudet, generosum pueri pectus belli gloriæque cupiditate impendio exardescere: neq; diutius animo conceptam flammam ferens, genua patris amplexus, & collo eius implicatus, vix magnis precibus, osculis, & blāditiis eum exorat, ut cum Sececho ad id bellum mittatur. Sececho itaq; pueri cura mandatur. Vbi ad exercitum ventum est, puer singula, quæ fiebāt, curiosius obseruare, versari inter ordines, omnibus arridere, æstū imbremq; pati, vigilare, humi cubare, vigiliis cum Sececho obequitare, aliæque multa præter ætatem facere ferreque: ita ut indoles illa studiumque pueri, futuram eius magnitudinem non obscure portenderet. Vastata igni ferroque aliquotusque Morauia, & paucis hostium turmis, quæ sese Polonis tulerant obuias, aliquot præliis profligatis (munitionum enim oppugnatione abstinere Vladislaus iusserat) reduxit cum Boleslao copias Secechus, præda onustus.

Reuertente è Morauia Sececho & Boleslao, magna fuit inter patrem & filium gratulatio: nec diu tamen à bello feriatum sunt. Arcem namq; Medireczum à Pomeranis quibusdam priuato consilio interceptam esse, ex eaque latrocinia in subiectas oras exerceri nunciatum est. Difficulter quidem, sed tamen impetrat rursus à patre Boleslaus, ut sibi cum exercitu ad recuperandum Medireczum, & coercendos prædones ire liceat. Summa tamen rerum & administratio belli, ipseque adeo tyrunculus Boleslaus Secechi curæ fideique committitur. Nec mora, operibus à castris ad arcem ductis, quatit murum aries, cuius nō exigua ruina cū paucos defensores partim oppressisset, partim debilitasset mutilassetque, cæteri diffisi rebus suis, & liberam cum singulis equis & sarcinis abitionem pacti, arcem dederunt. Récepta & refecta arce, dimissoque exercitu, Secechus & Boleslaus intra diēs non ita multos, ad Vladislaum ouātes reuertuntur. Felix admodum sibi esse Vladislaus tali filio videba-

debatur: sed fortuna, quæ nihil ex omni parte beatū, nihilq; in rebus humanis esse finit, felicitatem eius nonnulla ex parte contaminauit. Valebat plurimum apud eum gratia & autoritate Secechus, idque nonnullo suo merito, magnamque potentiam sibi compararat, ita vt ex eius fere nutu Respublica omnis & princeps ipse pendere videretur. Quæ res ipsi magnam apud Nobilitatem Polonam inuidiam conciliauerat, maiusque ipse sibi indies odium intolerabili fastu suo ac immoderato dominatu conflabat. Itaque complures ab eo bonis exuti, multi proscripti, aut aliqua insigni iniuria vel contumelia affecti: multi item potentiam & importunitatem eius reformidantes, aut necessarios afflictos secuti, solum verterant. Quibus omnibus apud Bohemos tutus erat receptus, Prædislao Principe comiter ac benigne eos recolligente. Horū crebris sermonibus & querelis permotus Prædislaus Dux Bohemorum, damna à Polonis accepta alieno periculo vltum ire cupiens, facile ægros animos eo, quo ferebantur ipsi sua sponte, impellit: nepe, vt armis patriam repetant: auxilia pollicetur: ducē quoq; satis, vt videbatur, opportunū ad eā rē ipsis edit, Sbigneum Vladislai filium nothum: quē pater literis à puero vtcunq; imbutum, propter nouercale odium, & veritus, ne quid is postea negocij Boleslao, quem ex legitima vxore susceptum in spem principatus alebat, facesseret, in Saxoniam relegarat, ac monasticæ vitæ addixerat. Eū igitur ex monasterio extractū, ducem sibi exules Poloni adsciscunt, & Vratislaviā cū eo, & cum auxiliis Bohemorū, ac voluntariis Saxonibus contendūt. Obtinebat præfecturā Vladislauensem. Magnus Comes illustis & spectatæ probitatis, cui simulas etiam nonnulla cū Sececho intercesserat. Ad eum præmittūt exules legationē, recipi se, & Sbigneum Principis filium postulant: nolle se patriæ bellū facere, neq; principi optimo. Parentū, coniugum, liberorū, ac domorum suarū, ipsius deniq; patriæ diutius carere non posse: vnde nō ob aliquod scelus suum, neq; iusta principis indignatione, sed per summa Secechi iniuriam & superbiam dicti essent. Ipsum quoq; Magnū multo digniorē præstantioremq; Sececho virū, scire se tamen, haud penitus expertē esse illius iniuriæ. Ne pateretur se in exilio consensescere: neue ipse deterioris dominatū ferret, suaq; patientia aleret. Miseraretur vel Sbigneum Principis filium, qui Secechi opera & suāsu in monasterium, quasi in carcerem quendā ærumnosum retrusus esset. Cauendū esse, ne homo ambitiosus eadē audacia alterum quoq; Principis filium circumueniat, dominatumq; Poloniæ, non expectata etiam Vladislai morte, inuadat. Frangendis Secechi conatibus atque potentia neminem aptiorem fore, quam Principis filium, iuuenem magni animi & consilij, Secechoq; infensum. Eum igitur Magnus necessario illo ipsi tēpore beneficio suo sibi deuinciret, per quē eum locū adipisci posset, quē tunc Secechus obtineret. Quieturos se cū illo esse Vratislaviæ, quo facilius ē propinquo reuocationē à Principe clemēti impetrare possent, & reuocati accurrerent. Hac legatorū postulatione, iusta in speciem & honesta, aliquantū permotus Magnus, tamē ne quid imprudens contra fidē & officium suum faceret, cōuentu Vratislauenſis territorij ciuitatisq; celeriter cōvocato, rogat ea de re sentētiās. Exosum erat vulgo Secechi nomen: miserabātur exulum gētilium pleriq; & necessariorum suorū: miserabantur Sbignei: audierant magna esse Principē erga suos indulgentia: non oportere sese inter patrem & filium medios interponere: alioqui hunc offensuros, ab illo autem paruam, vel nullam gratiam inituros. Tum autem verebantur, ne hostes eos

*Sbigneum
monachus
in Saxonia.*

*Sbigneum
ex mona-
sterio ex-
tractus dux
exulum.*

in agris

in agris experirentur, quos hospites & amicos recusarent. Ita de conuentus sententia, Magnus exulibus aduenientibus portas vrbis aperit: Sbigneum honorifice in arcem deducit, omniaq; ad victum abunde suppeditat. Quæ cum ad Vladislaum principem perlata essent, commotus animo maiorem in modum, mittit certos homines, qui Magnum & Vratislauenfes suis verbis castigent, fideiq; & officij admoneant, eoq; prætextu ociose & accurate rem oëm & consilia exulum cognoscant. Responsum est à Vratislauenfibus: eos non hostem, sed Principis filium recepisse, putasseq; id fore gratum Principi, à cuius fide non recessissent, neq; auelli se à quoquam omnino passuri essent. De exulibus autem orare, vt princeps calamitosos homines clemētia sua, redituque in patriam dignaretur, neue desperatione salutis ad duriora consilia capeffenda eos cogeret. De Secechi crudelitate eos queri: eū ne plus patere-
tur posse, quam ipse sibi sumat Princeps: ne omnium volūtates propter vnū hominem, qui dominatum omnem ad se transtulisset, pergat offendere.

Hæc missi Principi referunt. Non cessandum sibi ratus Vladislaus, nec pa-
tientia sua confirmandum vires & ausa exulum, raptim, quantas potest, co-
pias cogit: cum iis ipse, quamuis infirmus, proficiscitur. Sececho, ne plus in-
cōmodi eius odio & inuidia acciperet, & Boleslao filio, ne is à fratre ambitio-
so atq; audaci in insidiis appeteretur, Cracouiæ relicto cum Voislao, quē pue-
ro custodem, & quasi magistrum dederat. Vbi de Principis aduentu Vratisla-
uenses certiores facti sunt, vniuersa multitudo nobilium pariter & oppida-
norum, obuiam sese ipsi effudit, veniam errati petens. Qua comiter resaluta-
ta princeps patentem urbem & arcem ingreditur. Deinde aduocata cōcione,
clementer obiurgatis omnibus, culpam remisit: cæterum Magnū à præfectu-
ra amouit, & pro eo Voislau Boleslai paedagogū absentē illis præfecit. Pri-
die quam Vratislauiam adueniret Vladislaus, Sbigneus cū suis inde profuge-
rat, & Crusuiciam cōtendit, frequentem adhuc eo tēpore & copiosam urbē.

*Vladislaus
expeditio
cōtra exu-
les.*

*Sbignei fa-
ga.*

Eum igitur Vladislaus, paucis diebus cōmoratus Vratislauia, persecutus est:
veritus, ne ille vicinorū Pomeranorū ad nouandas res procliuium auxiliis se-
se confirmaret. Nec cum opinio se fellit. Cognito enim aduentu & consilio
Sbignei magna mox vis Pomeranorū ad eum confluit: quorū ille suasu atq;
fiducia hostilem prorsus animum aduersus patrem induit. Venienti cum se-
ptem aciebus instructis ad lacum Gopli, qui Crusuiciam in insulæ modū am-
bit, occurrit. Nec morā, expedit & Vladislaus ordines: canunt vtrinq; signa,
concurrent infestæ acies: acrius multo pugnabant ipsi exules, vtpote in suo
periculo, quam auxiliarij. Ibi fors gentiles etiam, necessarios, agnatos, &
fratres inter se commisit, vt manus inter se confererent. Ad extremum acrius
instantibus iis, qui cum Vladislao sentiebant, fusi aduersarij, maxima pars in
lacum compelluntur, ibique vel à persequentibus trucidātur, vel aquis mer-
guntur. Magna ea strages fuisse memoratur, ita vt aqua lacus illius cruore &
cadaueribus infecta, vñbus hominum & iumentorum aliquandiu post-apta
non esset. Sbigneus fuga in urbem relapsus viuus in patris potestatem ve-
nit: vrbe, quod receptum ei præbuisset, militi in prædam concessa, & ex eo
tempore in eam, quæ etiam nunc cernitur, solitudinem redacta est. Dimisit
deinde Vladislaus exercitum, Sbigneumque in custodiam Sececho dedit: ip-
se in Masouiam inde diuertit. Vnde cum Gnesnam ad Basilicæ dedicationē
à Martino Archiepiscopo inuitatus cū multis proceribus venisset, eorū pre-
cibus expugnatus, veniam Sbigneo dedit, filiū agnouit, & liberaliter apud se

*Prælium
inter patrē
& filium.*

*Sbigneus
captus.*

*Ingratiam
à patre re-
ceptus.*

*Bohemi Si-
lesiam in-
uadunt.*

*Conspira-
tio contra
Secechum.*

*Legatio fi-
liorum ad
patrem Vla-
dislaum.*

deinceps postea habuit. Nec ita multo post cum Boleslao legitimo filio, pessimo exemplo, & magno Reipublicæ malo, honore eum exæquauit, & quibus finibus uterque post se Principatum obtineret, designauit. Caterum interea dum Vladislaus Sbigneum Crusiiciam persecutus erat, Præmislaus Bohemorum Dux ad omnem occasionem, qua Polonis noceret, attentus, simul, ut exulibus promissum præstaret, cum tumultuaria suorum manu raptim in eam oram, quæ ad Nissam fluium est, prædabundus excursionem facit: Bardum arcem defensoribus vacuam nullo negotio cepit, & exussit. Aliam ipse in rupe quadam eminenti & vndique prærupta celeriter construxit, & Cameneciam appellauit: relictoque ibi aliquanto præsidio cum reliquis copiis domum se recepit. Tertio post anno fama vulgatur, Bohemum clam comparare exercitum, ut ex improviso Poloniam inuadat. Contendit statim Boleslaus voluntate patris cum expedita suorum manu ad tutandos fines, & vim Bohemi propulsandam. Adueniens nullum tumultum, nullum metum reperit apud suos, qui Bohemis & Morauis erant finitimi. Missi exploratores, pacata esse omnia apud Bohemos referunt. Ibi rumor à quibusdam fictus tota peruasit castra, famam illam de motu Bohemorum à Sececho sparsam esse, ut consilato adolescentis temeritate bello periculo ipsum obiceret aut à patre duntaxat se iungeret: ipse interim liberius potentiam suam stabiliret, omniaque ad inuadendum principatum, & ad exitium absentis Boleslai compararet. Extollunt apud Boleslaum in immensum omnia ista, quorum animos vel iniuria aliqua, vel nimia potentia Secechi offenderat, quique crescere ipsi aliena inuidia volebant. Et facile ambitiosi adolescentis in eum iram exaccuunt. Fremitur totis castris: indignum esse facinus, ab vno sic omnes ludificari. Non ferendum esse diutius impotentem eius dominatum, & intentas in capita Principum suorum insidias. Placet acciri Sbigneum, quem sciebant Sececho ob relegationem & custodiam infensum esse. Aduolat ille: inicitur societas inter adolescentes aduersus Secechum, dato & accepto inuicem iureiurando: patrem aut exorandum sibi esse statuunt, aut terrore exercitus cogendum, ut Secechum à se, & ab administratione Reipublicæ penitus amoueant. Missis legatis constantem fidem & pietatem suam erga patrem pluribus verbis asseuerant: intolerabilem omnibus Secechi potentiam maximo cum contemptu & dedecore principis coniunctam, & ad Principatum iam adspirantem exaggerant: insidias sibi ab eo comparatas, & manifeste à se deprehensas esse. Orant ne inultum scelus illud, & læsam maiestatem suam esse patiantur. Per omnia se patre meritissimum debito honore & obseruatiā persecuturos esse, eiusque dicto obediētes fore. Caterum salutem suam, dignitatemque ipsius minime neglecturos, & sceleratum Secechum vel inuito patre persecuturos. Aderant Episcopi aliquot & proceres, qui ad primum noui illius motus nuntium ad principem accurrerant: ab iis persuasum est Principi, ut filiorum postulata faceret potius, quam vim & furorem multitudinis vna cum Sececho experiretur. Restitui postea Secechum, & iuuenibus reconciliari posse, ubi iræ eorum paulum resedissent. Itaque dat fidem Princeps filiis, facturum se de Sececho, quod postulassent. Adeunt ipsi patrem adolescentes inermes, & læti euentu illo consilij sui venerabundi patrem salutant, & veniam cœpti sui non temerarij quam necessarij, ut ipsis videbatur, supplices petunt. Secechus conspectum eorum fugiens discessit ad arcem suam Secechouiam fossis ac propugnaculis bene munitam. Id ubi adolescentes cognouerunt, statuunt eum

eum persequi: neque quieturi esse, nisi aut sublato illo, aut Polonia pulso, videbantur. Non poterat id pati Vladislaus, itaque nocte intempesta clam traiecta nauigio Vistula, tribus tantum ministris comitatus, ad Secechum contendit, praesentia sua periculum à capite ipsius, quemadmodum credebat, depulsurus. Nec eum spes fecellit. Cognito namque patris consilio, adolescentem mutant consilium: partitque inter se copias, ad ditiones à patre sibi destinatas vterque proficiscitur: arces primarias eiectionis Secechi partium praefectis in potestatem suam redacturi. Et Boleslaus quidem nemine repugnante Cracouia, Sendomiria, Siradia, & aliis quibusdam suae ditionis munitionibus potitus est: Sbigneus vero à Plosco repulsus, Boleslai opem implorat. Nec moratur ille: iunctis viribus Ploscum obsidetur. Interea Martino Archiepiscopo Gnesnensi interueniente, pax iterum inter patrem & filios exilio Secechi sancita est qui in Russiam exulatum abiit, & quamuis longo post tempore placato Boleslao ab exilio redierit, nunquam tamen ad pristinum dignitatis ac potentiae gradum peruenit.

*Ploscum à
Sbigneo ob-
sissum.*

Peraetis quietis Pomerani, & commodam rerum nouandarum occasionem ciuili Polonorum bello oblatam sibi esse rati, Santocum arcem Polonis ad reprimendos ipsorum motus valde opportunam per fraudem interciperi conati sunt: vbi dolus non processit, ac ne aperta quidem vis, alteram & ipsi arcem è regione illius, quae à Polonis defendebatur, magna celeritate excitarunt: vnde Polonos comiteatu, & pabulatione prohiberent, & ipsi liberior in Poloniam incursiones facerent. In eos mittit Sbigneum Vladislaus cum iusto exercitu: sed is difficultate expugnandae hostilis munitionis deterritus, re infecta recessit. Indigne id tulit Boleslaus excelsi animi adolescens, & mox cum expeditis copiis profectus ad hostem peruenit. Pomerani superioris temporis successu feroces impetum in Polonos ex arce faciunt. Quos

*Pomerani
à Boleslao
victi.*

fufos Boleslaus in arcem compellit: parumque absuit, quin cum fugientibus simul irrumperet. Repressi Pomerani, & qui dudum nostros obsidebant, vicissim obsessi, desperatis rebus, incensaque munitione sua, subobscurae noctis silentio diffugere. His peraetis ad patrem reuertit, qui alendam sibi esse laude & honore praecocem adolescentis virtutem existimans, Baltheo militari quatuordecim annos natum cingere statuit. Conuocati Proceres vtriusque ordinis, Ploscum ad praestitutam diem conueniunt. Interim nunciatur, Pomeranos iterum, summa vi Santocum oppugnare: nec diutius Poloni, qui erant in praesidio, hostiles impetus sustinere posse dicebantur. Ibi Boleslaus cum equitibus, quos ad manum tunc habere poterat, nequicquam retinentibus patre & proceribus celeriter ad ferendam Santoco opem excurrit. Et facto tota nocte itinere, primo diluculo in hostes, securos ab ea parre, irrumpit: inermes ac dormientes vel contrucidat, vel capit: pauci ex magno exercitu fuga clapsi sunt. Ita celeriter confecto bello, victor cum longo captiuorum agmine, magnisque spoliis, Ploscum ad intermissam celebritatem reuertens, ingentem laetitiam patrem, omnesque perfudit. Et mox solenni ceremonia ipse primum, deinde complures nobiles iuuenes, qui virtutis aliquod specimen ediderant, Baltheis militaribus à Vladislao donati sunt.

*Russorum
excursio in
Poloniam.*

Insequenti anno Russi ducibus Vladimiro Novogrodensem, Dauide Olecho Pereaslauensem, Volodoro Præmislensem Principibus, & Iaroslao Iaropelci filio, cum valido exercitu Polonia fines inuasere, & ad Vistulam usque excursionibus longe lateque factis, ingentem praedam & magnum captiuo-

*Russi su-
perantur à
Boleslao.*

*Vladislai
mors.*

ptiuorum numerum abigebant. Hos Boleslaus tantisper, dum raptim copias cogit, moratus, iam extra Poloniæ fines vno agmine euntes, & nihil hostile à tergo metuentes consecutus, nocte intempesta, dum fessi potiq; dormiunt, sublato ad terrorem hostium clamore adoritur. Ad fugam spectabāt omnes, resistebat nemo: nec tamen fugæ consilium explicabant, veriti, ne subducētibus aspectū hostium tenebris, in insidias sese præcipitarent. Impeditos cædunt Poloni neque captiui cessant, sed ruptis vinculis obuios quosq; vel obtruncant, vel iisdem, quæ ipsi dudum gestarant, vinculis constringunt. Ita longe maiore, quam pro numero Polonorum, strage fusi sunt Russi, temeritatis & perfidiæ suæ poenas dedere: duces tamen noctis præsidio cum paucis effugere. Sequenti anno, qui fuit à Christo nato millesimus centesimus & secundus, Vladislaus morbo & angore confectus, sacrisq; mysteriis ante mortem à Martino Archiepiscopo ritu Christiano procuratus, obiit pridie nonis Iunij, cum viginti regnasset annos, vixit propemodum quinquaginta no- uem: solenniq; pōa ab ambobus filiis, & magna procerū ac nobilitatis fre- quentia in Basilica Plocensi sepultus est. Dlugossus prodit, opinari nonnul- los, qui ante se scripserint, eum à Sbigneo filio dolo interemptum esse.

BOLES LAUS TERTIVS, COGNOMENTO

Crioustius, Princeps Polonia.

*An. Chr.
1103.*

*Boleslaus
ducit vxorē
vno.*

*Bohemorū
contra Po-
lonos expe-
ditio.*

PERsolutis Vladislao Principi iustis, nihil eorum mutatum est, quæ is vi- uens de principatu constituerat. Cōcessit enim Boleslaus Sbigneo fratri Masouiam, Cuiauiam, & Lenciciensem tractum: cætera ipse cū summo im- perio obtinuit. Tanto autem patris desiderio tenebatur Boleslaus, vt diu sa- nelachrymis & fletibus nō temperaret; gestabatq; de collo suspensam in pe- ctus auream laminam, in qua nomen & imago patris insculpta erat, qua sub- inde memoriam ei⁹ sibi refricaret, & quicquid vel faceret, vel loqueretur, sic ageret, quasi inspiciente omnia & exaudiente patre: ita vt summa in iuvene existeret modestia ac verecūdia. Exaeto luætu annuo, suadente & orāte Sena- tu vxorē duxit, Sbislauam Suëtopolci siue Stopolci Michaelis (sic eum Rus- forum annales vocant) Kiouiensium Principis filiam: non sine indulgentia tñ Pontificis maximi, ne propter intercedentem cognationem incestæ eæ ef- sent nuptiæ. Eas nuptias Sbigneus nō modo nō cohonestauit, sed pene defæ- dauit & interturbauit, si euentus conatui respondisset. Etenim mala mens, malus animus, cū fraternæ gloriæ inuideret, atq; ad vniuersum Principatum adspiraret, moliebatur fratri exitium, seque ad Boriuiouum Bohemorum Du- cem Vratislai filium, qui tunc apud Bohemos post Prædislaum fratrem frau- de suorum occisum principatum tenebat, contulit, persuasitque precibus & pecunia vt sub nuptiarum tempus in Boleslai ditionem inuaderet. Ad Græ- cium iam Bohemi peruenērāt, cum subito murmure & fremitu castra com- plentur, ad iniustum se bellum contra cognatos & confederatos duci: mini- me necessaria expeditione, nec minoribus propemodū, quam in quos eant, Polonos, incommodis se ab auaro Principe suo confici. Boriuius ubi videt, alienos esse ab illo bello Bohemorum suorum animos, reduxit exercitum. Ita conatus ille primus, sumptusq; Sbignei tunc in cassum cecidit, nisi quod in sequentem annum bellum tamen conflatum est. Nam Boleslaus incursione illa Bohemorum superiori anno facta prouocatus, primo vere coegit exerci- tum, eumque mox duce Zelislao misit in Morauiam. Iamque Zelislaus per-

uastata

uastata tripartito agmine Morauia, ingenti præda onustum reducebat exercitum, cum certior sit, Suentopolcum Morauorum Ducem magnis cum copiis à tergo venientem, non longius duobus milliariis à se abesse. Itaque præmissis impedimentis & captiuis, signa conuertit, & instructa acie manus cum hoste conferit. Pugnatum æquo Marte aliquandiu, plurimumque humani sanguinis utrinque fufum est, ducibus ubique, prælium instaurantibus. Ad extremum neutro inclinante victoria, utrique; moesti & pro victis se gerentes illi quidem retrocessere, Poloni vero cum præda incolumes in Poloniam se recepere. In eo prælio Zeslaus, dum ducis pariter ac militis officio fungitur, dextram amittit: quem Boleslaus princeps collaudatum pro meritis & virtute aurea manu donauit. Nec longa quiete data militibus, iterum eadem æstate Boleslaus ipse transmissis montibus ac syluis, quibus Morauia à Polonia versus Occidentem disiungitur, incursionem in Morauiam fecit: exustisque nemine resistentem plurimis vicis ac pagis, aliquanto tamen minorem prædam, quam Zeslaus, reuexit.

Reuerteretur & quanti ex Morauis Boleslaus, geminata est ipsi victoria huius lætitia nato filio Vladislao: quanquam contaminabant eam lætitiæ Sbignei non obscuræ machinationes, à quo excitum esse Bohemi, sollicitati Pomerani dicebantur. Dissimulabat tamen Boleslaus, & patientia sanare fratrem volebat. Cæterum Pomeranos à Polonia prædas agentes coercere, & insigniter ulcisci cupiens, æstate sequenti in Bohemos expeditionem simulat. Ad Glogouiam conuenire equites iubet. Inde conuerso itinere, per densas sylvas septem castreis ad Colbergam frequens & opulens tunc oppidum peruenit: & nocte quietem in syluis quieti data, insequentis diei diluculo, vadato amne, qui oppidum præterfuit, & maiore copiarum parte ad subitos hostium impetus, si forte eos aduentus suus non sefellisset, sustinendos relicta, cum reliquis oppidum improviso adortus est. Iamque portas oppidi effregerat, cum facto ab oppidanis concursu, recipere se coactus est, veritus, ne sui, pauci à multis, in quibus & pueri & mulieres bonum de domibus ac tectis operam nauare possent, opprimeretur. Plurique enim à Polonis prædæ cupidiores ad suburbana diripienda discurrerant. Boleslaus castigatis his, quorum importuna prædæ cupiditate factum erat, ne oppidum primo impetu caperetur, maiore deinde vi & omnibus copiis oppugnationem aggressus: ubi castro labore & vulneribus confici suos ab oppidanis strenue mœnia defendentibus animaduertit, direptis & incensis suburbanis, in Poloniam cum præda reuersus est: paucisque diebus quieti datis, cum illis copiis inexpectatus in Pomeraniam rursus inuadit: Suatoborum maritimæ oræ Ducem socium & consanguineum suum liberaturus. Nam is, propter crudelē dominatum captus à suis, in vincula coniectus erat. Itaque præmissis, qui Suatoborum repeterent, ipse non magno interiecto spacio cum exercitu subsequitur. Pomerani repentino hostium aduentu territi, Suatoborum dimitunt, & ad Boleslai castra perducunt. Boleslaus Suatoboro admonito officij sui, & non optimæ erga se ante eum diem fidei, statim reduxit exercitum. Insequentis anno rursus, missa cum Scarbimiro magistro militum aliquanta manu, Pomeraniam nemine prohibente depopulatus est. Nam ipse cum prædatoribus illis profectus non est: haud longe tamen à Pomeranorum finibus aberat. Reuertens à Pomerania Scarbimirus ad Principem contendit, ab equite quodam familiari suo ad nuptias pariter atque dedicationem templi inuitatum. Adueniens maiore lætitia explet conuiuium. Inde Princeps hilarior, venatum

*Nascitur
Boleslaus
filius Vla-
dislaus.*

*In Pome-
ranos ex-
pediit.*

scin

se in syluam cum centum non amplius equitibus è conuiuio proripuit. Ibi in Pomeranos, qui tunc forte raptim in Poloniam incursionem fecerant, sua damna compensaturi, cum incidisset: fugere turpe ratus, manus cum hoste, quamuis longe impar, conferuit: magnaue in eis strage edita, dum iterum atque iterum perrumpit hostile agmen, deficiente ex vulneribus equo ipsius, & vno de comitibus alium equum ipsi suppeditante, vix cum triginta, inter quos & Scarbimirus erat, saluus euasit, Pomeranis in stupore versis, & persequi abeuntes non ausis. Sic temeritas Principis prosperum tamen euentum habuit. In ea pugna Scarbimirus valde confauciatus, dextrum etiam oculum amisit. Implet mox fama huius prælij atque periculi Principis omnem Poloniam, multa (vt fit) veris affingens. Concurrunt ad visendum primores: obuiurgant Principem periculosa temeritatis: orant, in posterum ne sese, remque publicam in tantum discrimen præcipitet. Ille contra, reprehensionem facti sui, quod iam infectum fieri nequeat, in aliud tempus differendam esse censet: hostem vero, si vicem suam, cæsorumque fratrum doleant, secum statim vlciscantur, hortatur. Annuunt omnes, & mox domos ad arma capienda dilapsi, quantum quisque copiarum ex tempore contrahere poterat, contrahunt. Accientur ex fœdere Russorum auxilia: conducuntur etiam ex Vngaris mercenarij milites. Nunciatur interim Boleslao Suëtopelcum Bohemorum Principem, qui pulso Boriuoio patruele, Bohemorum principatum illis diebus inuaserat, cum valida equitum peditumque manu expeditionem parare in Poloniam. Is siue suo pte ingenio, siue ob receptum è fuga Boriuoium Polonis insensus, siue adeo à Sbigneo subornatus, incursionem in Boleslai ditionem, dum ille Pomeranico bello distinetur, facturus esse dicebatur. Distrahebatur ancipiti consilio Boleslaus, Pomeranosne prius vlcisceretur, an Bohemorum excursionem reprimeret. Tandè aduenientibus Russis & Vngaris, vtrumque bellum persequi statuit, & Scarbimirum quidem cum parte copiarum in Pomeranos mittit: ipse cum reliquis ad saltum Hercinium, qui Bohemiam terminat, Bohemis obuiam ire pergit. Verum ij cognito Boleslai occursum quieuerunt: nec eos tunc sibi laceffendos Boleslaus existimauit. Scarbimirus vastatis, vt mandatum erat, Pomeranotum finibus, nemine obuiam prodeunte, exercitum præda onustum reduxit. Hoc etiam anno Boleslaus filia Suentoslaua auctus est: & cum Sbigneo fratre opera Suentopelci siue Stopolci Kiouiensium Principis, ad quem Sbigneus profugerat, in gratiam rediit.

*Nascitur
filia Boles-
lao Suen-
toslaua.*

*Pomerani-
cū bellum.*

Sequenti anno maiore vi Pomeranis bellum fecit. Iam ij malorum pertæsi, & assiduus agrorum suorum vastationibus fracti, ad deditionem animis inclinabant, soli Dialogrodenfes (ciuitas ea fuit Pomeranorum in primis diues & populosa) ferociore, cæteros quoque à proposito auerterunt. Itaque in eos omnem belli molem confert: sed prius tamen missis cum legato duobus scutis, animos eorum tentat, albumne, quo PAX, an rubrum, quo BELLUM excidiumque significabatur, mallent. Superbius illi responsum dedere, ambobus scutis acceptis: sanguine Polonorum se sibi candidam victoriam pacemque paraturos. Itaque Boleslaus ad motis ad mœnia Bialogrodi castris, actis vineis, & turribus celeriter excitatis, summa ope urbem expugnare nititur: quatit murum aries: ipse Princeps periculi immemor, inter primos versari, nec deterri multitudine telorum hostium, aut suorum circa se cadentium miserabili interitu, quin ad portam urbis excindendam suis præiret.

Depel-

Depellunt tandem summa Polonorum vi è propugnaculis hostes, Polonique liberius effractis portis, caesisque vel summotis, qui in introitu vrbs repugnabant, in urbem signa inferunt. Tunc demum Bialogrodenſes abieciſtis armis clementiam victoris ſupplices implorant. Parci iubet inermibus Boleslaus, & receptui ſigno dato, ab excidio ac direptione vrbs abſtinere milites iubet: euocatoque & obiurgato magiſtratu vrbs & omni multitudine, dat veniam victis. Hac victoria & victoriae moderatione accepta, Colberga, Camenum, Velenum, Coſminum, & aliquot præterea oppida Pomeranorum in poteſtatem Boleslai venere. Hoc etiam tempore Pomeranorum manus, ſiue ea prædabunda forte incurſionem fecerat, ſiue intentis in vnum inſidiis ad rem certam venerat, Spicimirum vicum improviſo inuaſit. Seceſſerat eo tunc cum paruo comitatu Martinus Archiepiſcopus Gneſnenſis, pius & venerandus ſenex: atque is ad primum tumultum & aduentum hoſtilem, timore ſubminiſtrante conſilium ac vires, inter contignationem templi abſconſus latuit: miniſtri vero & comites eius dilapſi partim euaserunt, partim in fuga ab hoſtibus capti ſunt, inter quos erat Archidiaconus Gneſnenſis. Eum Pomerani, q̃ & ſacerdos, & ſplendide veſtitus, & magna oris dignitate præditus eſſet, Archiepiſcopum eſſe rati, ſpoliato raptim templo, ſecum abduxerunt. Ferunt, Pomeranos omnes, quicumque Archidiaconum & ſacra templi vaſa attigiffent, domum reuerſos, cum liberis, coniugibus, propinquis, atque domeſticis familiis, vel comitali morbo correptos, ad parietes & ſaxa ſeſe aliſſiſſe, vel in amentiam verſos partim mutuis cædib⁹ cõcidiffē, partim dentibus & vnguibus in ſeiſſos ſæuiſſe. Quo malo percuſſi, cauſaq; mali notata, Archidiaconum cum ſacris vaſis & omni inſtrumento templi Spicimirum ſuis conquiſito, domum remiſerunt. Addunt Dlugoffus & Vincentius, ex eo tempore Pomeranos religionem Chriſtianam ſuſcepiffē: quibus adſtipulatur Albertus Krantzius, qui & ipſe Pomeranos Boleslai huius Principis opera Chriſtianos factos eſſe ſcribit, tametſi paulo poſterius.

*Pomerani
Chriſtiani
facti.*

Poſthæc Bohemicum, & ex eo Germanicum exarſit bellum in Polonia, ex huiusmodi cauſa. Henrico quarto Imperatore capto, & in carcerem coniecto, ac deinde angore animi conſectō libere iam Henricus filius eius tenebat habenas imperij: inferebatq; is bellū Vngaris, ob violatos milites, qui ex vniuerſo orbe Chriſtiano ad Aſiaticam contra Saracenos & Turcas expeditionem, & recuperandam Hieroſolymam per Vngariam proficiſcebantur, & Almu Colomanni Regis fratrem exulem reducebat. Ad quod bellum Bohemos etiam vtpote tributarios Romani Imperij ſecum in exercitu ducebat. Hac tanta belli mole territus Vngarorum Rex Colomannus Geiſa filius à Boleslao colloquium petiit. Loco dieque conſtituto conueniunt Principes in Scepuſienſi territorio: ſocietatem inter ſe ineunt: communes amicos, communes hoſtes ſibi fore promittunt: ſcœdus, quo firmum perenneq; ſit, noua affinitate ſanciunt: Colomannus enim Iuditham Boleslai filiam Stephano filio ſuo natu maiori deſpōdit: Scepuſienſe territorium, quod Polonica ditionis erat, in dotem datum, ex eo tempore in poteſtatem Vngarorum venit. Veniebat iam Henricus Imperator cum valido exercitu contra Vngaros, Almu Colomanni Regis fratrem natu minorem ſecum ducens. Ibi Boleslaus Vngaris, quemadmodum conuenerat, auxilia mittit: ipſe cum non contemnendis aliis copiis in Bohemiam inuadit, Boriuium & Sobſſiam Suatopolci Bohemorum Principis fratres patruſcles, Colomanni Regis

*Bohemicū
bellum.*

forotifilios, exules in comitatu suo habens. Suatopelcus Henricum Imperatorem ad Vngaricum bellum cum auxiliariis copiis sequens, Vasconi & Mutinæ proceribus summam rerum Bohemicarum commendauerat. Hi igitur Boleslao fines Bohemiæ ingredienti cum aliquanta suorum manu occurrunt: initoque prælio profligati Pragam se receperunt. Boleslaus vastata magna parte Bohemiæ, oppidisque aliquot captis ac direptis, incolumem ingentique præda ditatum reduxit exercitum. Suatopelcus de domestico periculo certior factus, egre impetrato ab Imperatore fremente, & Polonis iam tunc minante, comiteatu, raptim cum suis in Bohemiam reuertit: cumque Polonos tum vlcis prælium ipsi non esset, in suos iram conuertit, quasi eorum conniuentia ac proditione Bohemia vastata esset. In Vngaria nihil præclarigestum est à Polonis: sed rebus cum Cæsare & Almo fratre amice cõpositis, dimisit Colomannus auxilia.

*Pomerani
cum bellū.*

Reuersum autem à Bohemica expeditione, Boleslaum duæ res aduersæ & molestæ exceperunt. Nam Sbislaui coniunx eius, vitam cum morte commutabat: Pomerani autem Visee arcem Gneuomiro Czarnicouienfi domino vel autore, vel adiutore, per deditiõem interceperant, deceptis, qui in præsidio fuerant, cum falsum de Boleslai morte rumorem confinxissent, quasi is vi-
ctus à Bohemis, captusque, & Henrico Cæsari traditus esset. Itaq; omnibus rebus posthabitis Boleslaus, à Bohemica expeditione maximis itineribus re-
cta in Pomeraniam cum paucis expeditis militibus contendit, reliquo exercitu dimisso, vt præda Bohemica exoneratus ad Pomeranorum fines sibi occurreret. Nectamen expectauit, quoad is exercitus cõueniret: sed cum paucis illis, ita vt venerat rapida excursione, cædibus hominum & incendiis villarum hostium fines vastauit: non quo sic vlcisceretur eorum iniurias, sed magis vt incolumem se esse, & mox iustas pœnas de perfidis exacturum, ipsis ostenderet. Posteaquam vniuersus conuenit exercitus, Velenum oppugnat, nam id quoque recepto Gneuomiro defecerat, nec ita magno, vt Visee, præsidio tenebatur. Erat in exercitu cum fratre Sbigneus: sed cum hostibus, qui aliquanta manu coacta, opportunitatem inuadendorum Polonorum obseruabant, eosque clam per internuncios de omnibus rebus & consiliis fratris certiores faciebat, & prodendi perdendique eius occasionem quærebat. Nocte quadam castris clam egressus persuadet Pomeranis, vt se duce castra Polonorum adoriantur: per facile esse quamuis paucis multos inopinantes opprimere. Sequuntur Pomerani. Agebat forte in statione & excubiis Boleslaus, quod quidem crebro facere solebat, is re animaduersa, hostes cum tumultu & strepitu in castra irrumpentes, cum iis, qui in statione erant, à tergo adoritur: suos in castris subita re percussos voce sublata animat: concidunt animis hostes, in insidias præcipitados se esse rati: conciduntur & capiuntur vtrinque: pauci tegetibus eos tenebris effugiunt.

*Sbignei
perfida.*

*Sbigneus
captus à
fratre.*

*Iudicium
de Sbigneo.*

*Sbigneus
exilio mul-
tatur.*

Captus est & Sbigneus, detractaque galea agnitus & ad Boleslaum adductus, in sequentem diem asseruatus est. Otto die, refert rem Boleslaus ad castrense consilium. Ibi alius alio acerbiorum in Sbigneum dicit sententiam: sed omnium acerbissimam Secechus Palatinus Cracouienfis, qui iam ab exilio reuerterat. Productus, & causam dicere iussus Sbigneus, cum se non explicaret, & re manifesta redargueretur, non morte tamen, quemadmodum censebant omnes, sed exilio à mitissimo fratre damnatus in Bohemiam abiit. Velenenses vigiliis, defendendaque arcis labore assi-

re assiduo fatigati, & desperato suorum auxilio arcem apertis portis dedunt. Introgredi milites, crebris Pomeranorū defectionibus & immedicabili perfidia commoti, in omne genus hominum, nullo neque sexus, neque ætatis discrimine desæuierunt, nequicquam reuocante Boleslao, & victis parci iubente. Gneuomirus ad Principem viuus adductus, comminuto fustibus capite, iustas perfidiæ pœnas dedit. Boleslaus, cum per hyemem iam nil recte geri posset, reduxit, dimisitque exercitum.

Sequenti anno millesimo centesimo nono Germanicum bellum exarsit: *Germanicum bellum.* breue quidem illud, sed prospero successu, magnaq; gloria Boleslai Principis & Polonorum gestum. Henricus enim Cæsar adiutos à Polonis Vngaros, & vexatos retractosq; è suis castris Bohemos ipse per se indigne ferēs, magis etiam à Bohemis contra Polonos incitabatur. Solicitabatur & à Sbigneo exule magnis polcitationibus, eaq; spe implebat, vt per Sbigneum Poloniam oēm nullo negotio in potestatem suam redacturum se esse crederet. Affirmabat enim Sbigneus, primo eius aduentu certatim Polonos ad se defecturos esse. Igitur initio æstatis Polonia partem, quæ nunc Marchiæ Brandenburgensis ac Silesiæ nomen habet, ingreditur: captis quibusdā oppidis exercitum ad Glogouiam duxit. Iam eo Bolesla⁹ partem copiarū præmiserat, quæ hostē transitu Oderæ fluij prohiberent, dum ipse Russorum & Vngarorum auxilia expectat. Verum Cæsar inuento vado, haud ita procul à Glogouia transducit exercitū ad nonum calendas Septembris, peneq; Polonos vltra Oderam statua habentes oppressit: paucos quidem milites in agris vagantes, & magnā agrestium pecudumq; prædam cepit. Reliqua militum manus partim in oppidum se recepit, partim fuga dissipata est. Magna vi oppugnatur oppidum, *Glogouia oppugnata & strenue defensa.* frequēs quidem ea tempestate, sed non munitissimum. Oppidani veriti, ne capto per vim oppido, extrema quæq; ab irato hoste paterentur, quinq; dierum inducias petūt: quibus nisi succursus sibi esset, deditionē promittunt; obsides dant primorum ciuium liberos: ad Boleslaum Principem mittunt, quāto in discrimine sit oppidū & quid cum hoste cōstituerint, exponunt: orant, celeriter sibi vt opem ferat. Collaudat ille eorum consilium: affuturum se esse mature pollicetur. Quod ni adfuerit ad constitutum cum hoste tēpus, sustinere eos porro impetum hostium iubet; ni faciant, deleturum se eos post discessum Cæsaris iurat. Malint ergo paucorū obsidum iacturam facere, quā vniuersi perire. Valuit apud Glogouienfes plus fides & auctoritas Principis, quam priuata pietas: Itaq; biduo, quod de induciis erat reliquum, ad sustinendam vim hostium omni ope sese comparant, turres & mœnia quassata reficiunt, lapidum & aliorum telorum maximam vim in turres cōgerunt. Adueniente quinta die, promissam deditionem Cæsar poscit: vbi mutatos oppidanorum animos videt, iratus corona oppugnat oppidum, obsidesq; palliis (quæ sunt asseres cōpacti, qui milites mœnibus succedentes tegunt, & a missilibus defendūt) alligari, & ad mœnia obuerti iubet, vt dum suis oppidanorum misericordia parcit, facilius & liberius mœnia subeant milites. Sed nihilomin⁹ oppidani omne telorū genus in suos iuxta ac in hostes congerunt: qui propius ad mœnia accefferant, aut scalis admotis muros iam scandebant, eos contis deturbant, lapidibus obruunt, pice & aqua feruenti perfundunt, præcipientesque agunt. Cæsar hostium siue pertinaciam, siue constantiam, admiratus, & suorum vulnera ac pericula miseratus, receptui canere iussit. Sic eo die & succedentibus aliquot deinceps frustra tentata oppugnatio est.

est. Nec voluit postea Cæsar suos periculo obiiicere. Per multos enim fortes viros, Bavaros, Saxones, & Bohemos vna illa oppugnatione amiserat. Non recessit tamen ab oppugnatione Glogouiz Cæsar. Cum Boleslaus expectata auxilia acceperat, validosq; de suo milite copias habebat: itaq; propius hostē accedit: nec tamen pugnandi copiam, quamuis flagitantibus suis faciebat, sed è latebris & insidiis hostilem exercitum carpebat, pabulatores & alia quauis de causa castris egressos per submissos milites excipiebat, & trucidabat: sæpius intempesta nocte cum clamore & clangore tubarum hostium castris adequitabat, excubias aut opprimebat, aut è stationibus depellebat: interdum quoque nonnunquam prandentes aut quiescentes tumultuarie adoriri, persequenti hosti cedere, recipientem sese rursus persequi, celeritate equorum suorum, & hostilium tarditate, grauique armatura fretus. Itaque neq; oppugnandi oppidum, neq; reficiendi se, neq; quiescendi spacium hosti dabat. Exurebat etiam circumiacentes villas, obsidebat itinera, ita vt integras legiones pabulatum mittere hostes, & longius commeatum petere necesse haberent: sæpeque reuertentibus præda excutiebatur. Celebre his rebus erat Boleslai nomen inter hostes, totaq; castra laudes & virtutes eius, compositis etiam ad id carminibus, personabant: ita vt Cæsar capitali pœna, ne id fieret, sancire cogeretur, veritus, ne ea res formidine ac desperatione animos militum suorum deliceret. Angebatur autem ancipiti malo Cæsar, obsesso quam obsidenti similior. Et infectis quidem rebus ab obsidione discedere turpe, manere autem diutius in loco periculosum ducebat: ne non mutantem castra exercitum & pestis, & fames, & peruigilia propter crebros Polonorum insultus conficerent. Tandem Boleslaus ratus Cæsarem non satis auspiciati belli iam pertæsum, simul quod hyems instabat, faciliorem placidioremque fore: legatos ad eum de pace misit. Edit ille pacis condiciones, vt Sbigneus in principatum suum restitueretur, & vt Poloni tributarij sint Romano imperio. Duræ videbantur legatis hæc condiciones, neque existimabant, Principem eas accepturum esse. Ibi Cæsar ambitiose admodum & arroganter, ostendens legatis thesaurum, quem ingentem habebat: Hic, inquit, Polonos perdomabit. Erat legationis princeps Scarbicus Comes ex agente, quæ insignē habet lineas iunctas in modum duorum trigonorum æqualium, acutos angulos habentium, quorum Bases sursum versus pateant. Is Cæsaris iactantiam notās, annulo, quē digito gestabat, in thesaurū proiecto: aurum, inquit, adiiciatur auro. Id scomma intellectum Cæsar gratias agendo excepit. hab Danct/ inquit, lingua Germanica. Inde familiæ id nomen māsit, vt Habdanci dicantur.

*Legatio
Boleslai ad
Henricum
Cæsarem.*

Reuersi ad Boleslaum legati, mandata Cæsaris referunt, mirari ille confidentiam Cæsaris, & iniquitatem conditionum, quasi victor victis leges imponeret, ac non dubia adhuc esset martis alea. Itaque, quam non impetrabat pacem, vi & armis extorquere pergit, ac maioribus quam prius damnis hostem afficit: nullam ei dat lignandi, pabulandi, commeatus petendi, atque adeo è castris prodeundi facultatem. Quibus malis fatigati Germani, maioraque metuentes, alio transferre bellum statuunt, vt loci munitione, aura meliore, pabulatione, commeatuque laxiore vterentur. Simul autem elicere se Polonos ad decernendum de summa rei vniuersis copiis aliqua occasione posse sperabant. Soluta igitur Glogouiz obsidione, ad interiora Poloniæ & Vratislaviam urbem instructa acie contendunt. Inuadit à tergo, carpitque

extre-

extremos hostium Boleslaus, turbat ordines, impedit iter: nec sustineri Polonorum impetus à paucis poterat, vulnerabantur hostes hastis cominus, eminus sagittis: cum illi conuersis signis ad prælium se expedirent, Poloni diuersi refugiebant, rursusque ex interuallo iter prosequentes adoriebantur. Orabant Principem Poloni suum pleni fiducia, tota ut acie cum hoste dimicaret: satis sibi esse animorum, satis virium ad apertum certamen: defungi se cupere semel totius belli labore: indignum esse, vastari agros suos, expugnari arces & oppida se intuentibus. Quietos iubet esse Boleslaus, & ad omnia paratos: sibi curæ fore, quid facto opus sit. Cæsar magno cum labore & cæde suorum ægre in conspectum Vratislaviæ venit. Est circa Vratislaviam late patens planities: Boleslao locus is visus est per opportunus ad dimicationem prælij, & Polonis propter leuem armaturam & pernicitatem equorum, equitumque multitudinem, quam hostibus commodior. Itaque paucis milites cohortatus; Adesse tempus, quod dudum flagitassent: meminissent sollicitationum suarum: cogitarent in eo prælio imperium, salutem, & libertatem patriæ verti, viri, & maioribus suis digni esse pergerent: vastatos agros, incensos pagos, capta oppida, in seruitutem redactos agricolas vlciscerentur: gloriam denique maiorum suorum illustrarent. Deinde maiore quam alias, vi hostes à tergo & à lateribus laceffit. Conuertunt illi acies more solito, Polonos repulsuri. Non iam refugiebant Poloni: sed celeriter ad signa & ordines, ita ut iussi erant, concurrentes, præter opinionem hostium, pugnandi copiam fecere. Prælium fere ex oriente sole initum duravit usque ad meridiem. Et inclinabat quidem ad hostes victoria: reprimebantur enim Poloni equites graui illorum armatura, nec densas peditum phalanges perrumpere poterant, sed quasi in murum incurrebant, maiore suo quam hostium detrimento: iamque audacius illi vicissim signa inferebant: nutabant Poloni: verum Boleslaus omnia solícite prouidens, ubicunque deteriori loco rem suorum esse animaduvertebat, accurrebat, & hortando, orando, subsidiarias copias submittendo iustaurabat pugnam. Tandem Polonorum ac Silesiorum virtute inclinauit ad Boleslaum victoria. Plurimi tunc utrinque interfecti sunt, permulti viui in potestatem venerunt: atque ij honeste & liberaliter iussu Boleslai habiti & asseruati sunt. Multi etiam ex Polonis ceciderunt: longè plures (ut in nudis, aut certe leui armatura tectis euenire necesse erat) vulnerati sunt. Campus, vbi pugnatum erat, plenus cadaverum, acerbum & miserabile spectaculum exhibebat. Ac Poloni quidem conquisiti ac sepulti sunt. Germani in sepulti canibus & volucribus esca iacere. Inde cum eo tanta vis canum conuenisset, ut difficilem transitum præberet iter facientibus, caninus campus à Polonis atque Germanis locus ille dictus est: & in hodiernum usque diem utraque lingua hoc nomen, is, qui ibi est vicus, retinet. Abest autem vno à Vratislavia milliari.

Boleslaus tam insigni, tametsi non incruenta, victoria triumphans, quod hyems iam aderat, dimisit exercitum suum, auxiliares vero Russos & Ungaros pro meritis remuneratus, in hyberna distribuit. Clarius vero, quam antehac ea victoria Boleslai & Polonorum nomen apud Germanos factum est. Itaque cum Henricus Cæsar acceptam à Polonis ad caninum campum cladē vlcisci insequenti æstate pararet, minus alacres militum animos ad eam expeditionem habuit: & res italicæ præterea eum ab illa cogitatione auertebant. Verebatur autem, ne se in Italiam profecto Poloni vicinam sibi Germaniam

Boleslai cohortatio.

Victoria Boleslai de Cæsare.

in festis armis inuaderēt. Adhæc sciebat, multos nobiles & egregios tribunos militum, centuriones, turmarum & alarum præfectos, quorum præclara opera in illa Italica expeditione vti posset, captiuos à Polonis detineri, & pacē quidem cum Boleslao facere cupiebat: sed offerre eam ultro, quam dudum à se petitā negarat, turpe sibi ducebat. Ideoq; cōmunes ad extremū amicos subornauit, qui Boleslao persuaderēt, vt ipse eam à Cæsare peteret, ac de voluntate ipsius illi prolixè pollicerentur. Vicit animum suum Boleslaus, vt ipse ad Cæsarem Bubenbergam splendido apparatu & comitatu proficisceretur. Adueniens comiter ac honorifice accept^o est à Cæsare: ibi multis inter se sermonibus habitis, & causis offensarum & immicitiarū discussis atq; sublatis, pax inter ipsos facta est æquis conditionibus, nouaq; affinitate sempiterna amicitia inter ipsos Principes & posteros ipsorū sancitur ac stabilitur. Nā Boleslaus Henrici sororem Adleidam vxorem duxit, & filio suo Vladislao impuberi adhuc Christinam eiusdem Cæsaris filiam paruulam despōdit: captiuos omnes Cæsari liberaliter remisit, & ab eo vicissim oppida capta superiore bello recepit. Peractis autem magna celebritate & summa omnium lætitia nuptiis, datis & acceptis vtro citroq; magnis muneribus, aucto nobilib⁹ Germanis nouas nuptas deducētibus comitatu, Boleslaus in Poloniam reuertit.

Pax & affinitas inter Henricum Cæsarem & Boleslaum Principem.

Bohemici bellum.

Post Germanicum bellū, Boriuius oblatam Suatopelci fratris interitū, & Othonis ac Vladislai de Bohemiæ principatu contentione, occasionē non prætermittendam sibi esse ratus, quin Principatū, vnde à Suatopelco eiectus fuerat, repeteret, impetrat à Boleslao Polono auxilia: & confluentibus ad eū certatim proceribus & equitibus, paruo negotio Pragā caput Bohemiæ in suam redegit potestatem. Sed euocatus à Cæsare ad cognitionem ac disceptationem causæ pariter cum Vladislao fratre, qui impar viribus Cæsaris opem implorarat, in vincula coniectus est. Vladislaus vero Bohemorum Princeps declaratus. Molestè autem ferens Boriuij circumscriptionem Boleslaus Polonus, motusq; Sobeslai fratris eius, qui apud se adhuc exulabat, precibus, insequenti anno, cum Henricus Cæsar Romam ad suscipiendum diademā imperatorium profectus esset, in Bohemos duxit exercitum. Præmissis autem legatis postulat à Vladislao missionem Boriuij, & vt se arbitro cōstitui de principatu inter fratres patiat. Recusat Vladisl⁹, & ad arcēdam vim Boleslai se cōparat. Itaque desperata pacificatione, Boleslaus Bohemiæ oram eam, quæ cis Albim est, ferro ac incendiis vastauit: Bohemumq; sua defendētem cōmisso ad Cidlinam amnem prælio, profligatū in fugam vertit: & mox cum magna præda & spoliis hostium, propter anni tēpus in Poloniam se recepit, ad octauū enim Idus Octobris prælium factum erat.

Excursio Prutenorū & Pomeranorum in Massouiam.

Excurrerant tunc forte Pruteni & Pomerani prædabundi in Massouiam, vastatisq; raptim agris & pagis permultis, celeriter se cum præda domū recipiebāt: quos Præfectus Massouie Magn⁹ Comes, quem à Vratislaviensi præfectura amotum fuisse ante narratum est, tumultuaria manu collecta persecutus prima luce inopinantes, & post populationis laborē, largioresq; ex præda epulas altum dormientes adortus, ad internecionem oēs deleuit, nullo de suis desiderato. Hostes autē sexcenti interfecti sunt, capti mille ducenti. Cæteri, qui in proximas sylvas diffugerant, sequentibus aliquot diebus ab agrestibus excepti ac trucidati sunt. Non satis autē pœnarum Prutenos ac Pomeranos dedisse ratus Boleslaus, æstate sequēti expeditionē in Pomeraniam suā indixit, exercitumque ad Crusphiciam conuenire iubet. Iam moueri castra debe-

Expeditio Boleslai in Pomeraniam.

debeant, & ecce clara die inspectate omni exercitu, apparuisse fertur in culmine Basilicæ Crusvicensis formosus iuuenis, candida veste resurgens: cunctisq; stupentibus defiliit, & ante signa progressus est. Ibi vniuersus exercitus lætus euestigio motis castris diuinitus oblatū ducē sequitur: vbi vero ad Naclum ventum est, iuuenis ille malum aureum, quod manu gestabat, aduersus oppidum proiecit ac subito disparuit. Oppugnatum est oppidum summa vi: qua oppugnatione oppidani perculsi, quindecim dierum inducias à Boleslao impetrant, ea lege, vt nisi sibi interea succursum esset, dederent sese: à Prutenis autē & Pomeranis auxilia petunt. Ingentes iam Prutenorum ac Pomeranorum copiae conuenerant, ac de ratione belligerendi inter se consultabant. Fit fremitus totis castris ad primum nūcium Naclensium. Deinde iurato consilio, respondent Naclensibus in tempore se affuturos, opemq; obfessilatos. A motis itaque equis, ne eorum hinnitu proderetur, per sylvas, quæ à statiuis eorum ad Naclum vsque pertinebant, silenti agmine iter faciunt, vt incautos & inopinantes Polonos opprimerent. Nec sane inanis eorum conatus fuisset, si statim ex itinere castra Polonorum adorti essent. Dies erat Laurentio Martyri sacra, qua Poloni nil de hostibus suspicati, quod induciæ cum oppidanis adhuc durabant, inermes diuinæ rei vacabant, & iam sacris peractis discedebant, cum subito conspiciantur hostes, agmina è vicinis syluis explicantes. Conclamatur ad arma: tumultu ac trepidatione castra complentur. Perturbantur omnes non tam multitudine hostium, quam quod in puncto temporis omnia prouidenda & facienda erant. Sed hostium cunctatio Polonis colligendi sese, arma capiendi, & ordines explicandi spatium dedit. Nam posteaquam illi conspectos se à Polonis animaduertere, de prima spe deiecti, locum castris ceperunt, frontem & latera sudibus præuistis & hastis transuersis in modum sepiis munierunt. Difficilis quidem & periculosa propter sepes & fossas Polonis futura erat pugna: sed Boleslaus nuda esse hostium terga animaduertens Scarbimiro magistro militiæ negocium dat, vt cum ipse hostem à fronte adorsus in se conuertit, ille cum parte copiarum facto circuitu, à tergo in auersos impetum faciat. Quod vbi factum est, clamore cædeque à tergo orta, impelluntur ab extremis primi. Summa fit inter hostes trepidatio & confusio, perculsis instat etiam à fronte Boleslaus, perumpit impedimenta: hostes vtrinque circumuenti, cum vallo illo suo ac sæpe impediti, fugam expedire non possent, maxima strage concisi sunt, ita vt caesorum numerus ad viginti septem millia peruenisse dicatur: lacubus etiam & paludibus multi hausti memorantur: capti fuere bis mille. Naclenses desperatis rebus suis deditionem fecere, eorumq; factū sex oppida alia secuta sunt. Quibus omnibus Boleslaus Suentopelcum præfecit, vnū de proceribus suis, hominem non tam opibus aut natalium splendore, quam virtute & scientia rei militaris clarum.

Exarsit deinde rursus Bohemicum bellum, à Boleslao quietis & ocij impa- *Bohemici bellum.*
tiente conflatum: cuius prætextus fuit Sobeslai in Polonia exulis restitutio, quem iam ante euocarat Vladislaus frater, cumque eo in gratiam redierat, Zatecensemque tractum ipsi attribuerat, matris precibus & lachrymis victus. Verum Sobeslaus aliquanto post, cum non satis placatum & beneuolum fratris animum erga se animaduertetet, & à Vascone intimo consiliario incitari eum in se, siue certo iudicio, siue falsa æmulorum delatione didicisset, per insidias eum interfecit, & fratrem ob id facinus iratū fugiens, in itinere

inire captus, in custodia asseruatus est: vnde, cum negligentius asseruaretur, post vnum mensem elapsus, in Poloniam euasit. Huius ergo rogatu Boleslaus Polonorum Princeps, bellum in Bohemos iterum suscepit. Præmisit autem legatos ad Vladislaum postulans, vt cum Sobeslao fratre vltro in gratiam rediret, principatumque partiretur. Respondit Vladislaus: non eiectū à se esse Sobeslaum, neque vlla iniuria affectum: sed ipsum ingratum & immemorem benignitatis suæ, fidelissimum consiliarium suum indigne interfecisse, & conscientia sceleris profugisse. Exulare etiam apud se Sbigneum Boleslai fratrem: eum si Boleslaus in partem Principatus à patre attributum restituat, neque se recusaturum de Sobeslao. Boleslaus cum nil impetrasset, Bohemiam cum infesto exercitu ingreditur, obuia quæque vastat & exurit. Antequam cum Vladislai copiis congressus fuisset, re diuina facta, procuratorque sacris mysteriis exercitu à sacerdotibus Boleslaus diserta oratione milites ad cauendas insidias & ad reprimendum hostium impetum, si quem in se reuertentes, locorum opportunitate, non viribus freti facerent, animauit. Primam & extremam aciem, ac latera quoque robore militum communit: in medio captiuos, impedimenta, ac infirmos milites colloeat: ita quadrato agmine progreditur. Et iam fere ad exitum syluæ peruenerat, cum subito hostes dato signo è latebris profiliunt, & tumultuosissime vndique in Polonos inuadunt. Sustinent Poloni impetum inuadentium saluis & integris ordinibus. Inprimis Boleslaus Dux hostem, qui forte ante alios pugnam ciebat, manu sua peremit: hinc proximum Derslaus pocillator: horum exemplo incensus ardor cæterorum militum, hostem referre pedem coegit. Hic ergo Poloni victoria potiti, repetitaque è velligio in Bohemiam excursionem; incolumes cum ingenti præda in Poloniam reuerterunt. Sequenti anno cum parari rursus in se à Polonis expeditionem Vladislaus Bohemus acceperat, fractus animo, de pace legationem ad Boleslaum mittit, Sobeslao fratri partem principatus & obliuionem superiorum offensarum promittit: constitutoque loco ac tempore conueniunt Principes apud Nissam fluium. Ibi pax inter fratres, & Octonem Marchionem Morauia patruelem, quem Vladislaus paulo ante è carcere dimiserat, autore Boleslao certis conditionibus ac iureiurando vtrinque dato redintegrata est. Sobeslao Gradecensis tractus cum quinque castellis in Bohemia, in Moravia vero Olomucensis, cuius domini per illud ipsum tempus extincti erant, à Vladislao fratre concessus: datisque & acceptis vltro citroque muneribus, & conuentu soluto Principes discessere.

*Prussicum
bellum.*

Hoc eodem anno millesimo centesimo decimo quarto, Boleslaus hyberno tempore cum expeditis copiis Prussiam ingressus, vicos, oppida, & pagos longelateq; extenta populatione, ferro & igne vastauit, & nusquā prodeunte ad dimicationem hoste magnam prædam abegit: captiuos, quorum ingens erat numerus, ad colendos agros in Polonia per diuersa loca distribuit: extantque etiam nonnulli pagi, ex eo tempore Prussorum nomen retinentes. Sbigneus reliqua spe, quam habebat in Bohemorum, & Pomeranorum armis, penitus abiecta, cum hos quidem debellatos à Boleslao acceperat, cum illis autem pacem factam esse sciret, Cæsaris vero affinitate potentioram etiam Boleslaum esse iudicaret, fratris misericordiam & clementiam suppliciter legatione rursus tentat: agnoscit ac deprecatur culpam: fratris fidei ac potestati totum sese permittit: orat ne inops, egensque in exilio vitam finire cogatur.

*Sbigneus
vulfratris
gratiam
implo-
rat.
Et impe-
rat.*

gatur; ut paululum quid sibi in patria præ manu datur, unde vitam sustentare possit: quicquid id fuerit, eo se contentum: & fratri, quem ipsi Deus & virtus ipsius dominum constituisse, obsequentem semper fore. Emolliit fregitque hæc legatio Boleslai animum, pronum suapte natura ad misericordiam: reuocatur Sbigneus, ne quicquam reclamantibus proceribus. Veniens nil de fastu & vanitate sua remisit: sed quem legati supplicem ad pedes fratris prostraturum se esse polliciti fuerant, is cum tubis ac tympanis incedens, præferri sibi strictum gladium de more Principum iussit. Dissimulauit id quidem Boleslaus, & comem se fratri præbuit; sed tamen coepit mox animū eius subire facti poenitentia, quod insanabile cernebat ingenium Sbignei. Alebant eum igniculum in pectore Boleslai conceptum proceres, qui Sbigneo infensi erant, & multis verbis ac suspicionibus odium eius inflammabant. Nunquam esse quieturum illum: eoque reditum impetrasse, ut quem aperta vi frustra tentatis multis, tollere de medio nequiuisset, dolo circumueniret. Anteuerti oportere scelus eius, si sibi liberisque suis Boleslaus consultū vellet. His dictis eo impellunt Principem mitissimum, ut de nece fratris quibusdam mandaret. Faciunt illi iussa: iurgio de industria aggressi Sbigneum, frustra implorantem fratris opem interfecerunt. Vehementer postea Boleslaum admissi facinoris, contaminataque vna illa labe exstimationis suæ poenituit: multisque postea lachrymis, eleemosynis, & laboribus peregrinationum ultro susceptarum scelus id eluit. Non multo autem interiecto tempore, post patratum in Sbigneum facinus illud, Scarbimirum quoque Palatinum Cracouiensem virum magni ingenij & factiosum cepit, in carcerem coiecit, excacauit, senatu mouit, & abdicare se utroque magistratu coegit: propterea quod is elatus rebus secundis, & bellis aliquot suo ductu prospere gestis omnia sibi arrogaret, ac de Principis laude virtuteque detraheret: eumque pro-

Sbigneus fa-
stus.

Sbigneus
interfici-
tur.

Scarbimi-
rus Palati-
nus Crac-
excacatus,
& magi-
stratus mo-
rus.

Sequenti anno millesimo centesimo decimo octauo Boleslaus pacatis domi rebus, statuerat Prutenos ac Pomeranos, fractos iam ac debellatos, ad extremum perdomare: verum imbres anni illius perpetui, & ingens aquarum vis ac inundatio, quæ neque seri agros, neque meti passa est: (neque id in Polonia modo, sed in vicinis quoque regionibus) quiescere eum coegere. Præcesserat autem eos imbres tale prodigium, quod cælum totas tres horas post occasum solis ardere visum est. Sedatis ventis & tempestatibus, quæ post imbres superiores vehementes ac diuturnæ fuere, bellum contra Prutenos ac Pomeranos persecutus est. Extremam autem vastitatem timentes Pruteni & Pomerani, iuuentutem omnem, opificumque & agrestium multitudinem armarunt: & ultimam prælij fortunam tentaturi, Boleslao cum exercitu adue-

Inundatio
aquarum
& tempe-
states.

Bellum Po-
meranicū.

nienti occurrerunt, viam ipsi ad interiora ditionum suarum corporibus suis præclusuri. Nec ille quidem cunctatus est, quin mox cum hoste, quamuis numerosiore, manus confereret. Pugnatum est à primis Marte dubio: ibi enim robur omne exercitus sui hostes collocauerant. Vbi cedere ij loco cœpere, immittit Boleslaus percussis nouas aliquot cohortes, quæ mox totam aciem conuertere. Primis enim partim cæsis, partim perturbatis reliqua multitudo imbellis in fugam effusa est. Parci iussit Bolesla⁹ fugientibus, ne regio cultoribus vacua prorsus redderetur: itaq; multo plures capti, quam cæsi: reliqui flore omni iuuentutis amisso, cū oppidanis & munitionibus, & reb⁹ suis omnib⁹ Boleslao se dedidere. Restabat Suētopelcus Nacli præfē⁹, q. dominū cupiditate ductus, minus erat dicto audiens Boleslao, & cū Pomeranis hostibus Polonorū societatem iniuerat. Cumq; veniam desperaret, obstinatus in rebellionē permanebat, Naclumq; armis, propugnaculis & cōmeatu bene munierat. Motis igitur castris Boleslaus Naclū obsidere cœpit, ad sextū idus Septembris. Ac tētabat Principis animū Suētopelcus per internūcios, culpam deprecabatur, pecuniam & obsides pollicebatur. Sed furda hæc aure Boleslaus accipiebat, eo quod pessimi exempli facinus nolebat impunitū relinquere. Sed cū paratior es quā initio crediderat, ad perferendā obsidionem hostes, oppugnationē autem oppidi, eo præsertim anni tēpore, perdifficilem esse animaduerteret: fremeret vero exercit⁹, ne hyberno quidem tēpore militiæ vacationē sibi concedi, nec solū hostibus, verum etiam cū frigore, procellis, & niuib⁹ se cōflicari: tandē negatam diu veniam dat Suētopelco & Naclēsisbus: pecuniam & obsides imperat: fuitq; inter obsides Suētopelci filius. His actis, dimittit Bolesla⁹ exercitū circa calēd. Ian. Sed iterū æstate proxima, noua Suētopelci & Naclēsiū defectione permotus, adeo constanter urbē eandem oppugnauit, vt oppidani, desperatis rebus, vitā modo pacti, oppidū & Suētopelcū dedere cogerentur: quē Boleslaus mox perpetuo carceri mancipauit. Naclō recepto, cuncta Pomerania, teste Dlugosso, in potestatē Polonorū venit: religionemq; Christianam bis ante susceptā & bis rursus repudiata, tunc demū autore Boleslao Polonorum Principe (vt Crantius testatur) tertium cum Varcislao duce recepit, & huc vsque retinet.

Boleslaus pacata omni Pomerania, dimissoq; exercitu: reuersus in Poloniam, sequenti anno nuptias filio Vladislao, cum Christina Hērici Imperatoris filia, qui tunc demum ambo puberes facti erant, maximo apparatu celebravit: quibus Stephanus Rex Vngariæ Boleslai gener, & Russorum quidā Duces interfuere. Interfuit & Boriuoius Bohemus: itemq; Iaroslau Vladimiriensium Dux, affinis Boleslai, vterq; fuga sibi salutem quærens. Exacto autem post eas nuptias anno, qui fuit millesimus centesimus vigesimus secundus, Adleida Boleslai vxor, post decem annorum sterilitatem, filium Casimirus peperit. Eodem quoque anno Volodor Præmisliensium Dux, cum sæpe latrocinantium in morem prædas in Polonia ageret, nec desisteret admonitus à Polonis, apud Vyssokie profligatus, captus, & ad Boleslaum adduct⁹ decies mille pondo, siue vicies mille marcis argenti se redemit. Fuit etiam eodem anno magna caritas annonæ, arefactis si getibus perpetuo trium mensium vernorum æstu ac siccitate.

Suentopel-
cus rebellis
Boleslao.

Pomerania
terior à
Polonis
subacta, &
Christiana
facta.

Vladislai
cum Chri-
stina nup-
tiae.

Casimirus
Boleslao
nascitur.

Bohemici
bellum.

Insequenti anno Vladislaus Bohemorum & Sobeslaus Morauorum Duces fratres germani, ad iurgia, testataq; rursus venere inimicitias, cum propter alias causas, tum propter Boriuoiū tertium fratrem exulem: quin etiam coactis

eoactis vtrinq; copiis prælium inter se cōmifere. In quo victus Sobeslaus ad Cæsarē, atq; inde, cum nihil æqui ibi impetraret, ad Boleslaum in Poloniam rursus confugit. Quem comiter quidem tunc Boleslaus accepit, & consolatus est: sed auxilium tamen distulit propter Russicam expeditionē, quam Iaroslai affinis sui causa susceperat. Quam cū prosequeretur, coniunxit se cum eo apud Præmisliam Colomannus Dux Vngariæ, qui & ipse cum nō contemnēdis copiis reducendi Iaroslai causa veniebat: itemq; Volodor & Basilius Præmisliensium Duces. Itaq; cōmunibus armis & consiliis à Polonis, Vngaris, & Russis illud bellū gerebatur, breuique Belzum, Ciruenū, & Vlodimiria arces, & quædam aliæ ignobiles munitiones vel expugnatæ, vel deditæ, in potestatē Iaroslai venere. Inde ad Kiouiam Russorū metropolim itum est. Præcedebat autē Iaroslai exercitū cum septē millibus equitū ab Vngaris & Polonis attributorū: qui vbi Kiouia appropinquauit, obuium habuit ex vrbe hostilē exercitum pedestrē, cum quo conferta pugna superior esse videbatur. Sed summisere suis oppidani subsidium: itaq; instauratū est prælium. Iaroslai dū inter primos pugnā ciet, confosso ab hostibus equo, in terrā excussus est. Acre circa eū certamē fit: hinc Kiouiensibus opprimere, inde Polonis & Vngaris eum eripere satagētibus. Cedunt tñ Russi, & in urbē se recipiunt. Iaroslai saucius relatus, paucis diebus mortuus est. Nihilo tamen minus Vngarus & Polonus Kiouiam obsidere pergunt. Sed nō multo post re infecta discesse-
re, pace data Kiouiensibus: orantibus Russis, qui in castris Polonorū militabant, & Andrea præfecto arcis Kiouiensis. Nā Princeps ipse Vladimirus iam inde ab initio in vltiorem Russiam se receperat, neq; mœnibus, neq; fidei Kiouiensium sese credens.

*Bellum
Russicum.*

Iterum anno millesimo cētesimo vigesimo quarto nō ita multo post Volodor Præmisliensium Dux, immemor fœderū & iurisiurādi, quod Boleslaus Kiouia dederat, misso Volodimiro filio cū exercitu vicinam sibi Poloniam præsidio vacuam cadibus & incendiis vastauit vsque ad Bieczum oppidum, ingentemq; pecudum, iumentorum, & hominum prædam abegit. Itaq; Boleslaus insequenti æstate bellum Volodoro intulit, eumq; prælio vicit, multis fortibus & insignibus viris, partim in bello, partim in fuga trucidatis. Dux autem Volodor Haliciam fugit. Post victoriam Boleslaus liberius hostiles regiones depopulatus est, vicemque Russis cū fœnore reddidit: citoque reduxit exercitum, nulla munitionum expugnatione tentata propter vigentem hyemem, quæ sæuissima ac diuturna eo anno fuit. Cracouia eo anno penitus conflagrauit: incertum, fortuitone incendio, an à Bohemis clam subornato propter receptum Sobeslaum exulem: cui Bohemiam eodem anno repetenti (eo quod Vladislaum fratrem, rerum in Bohemia tunc potentem, periculose agrotare acceperat) Boleslaus pecuniam & milites liberaliter suppeditauit. Et redintegrata quidem est pax inter fratres, Suatana matre interueniente. Verum paucis illis diebus Vladislaus extremum clausit diem, eique Sobeslaus in principatu Procerum & populi favore successit. Quod moleste ferens Otto Marchio Morauia, cum ipse Sobeslai viribus impar esset, Lotharij Cæsaris, qui Henrico quinto paulo ante defuncto successerat, opem implorauit. Ac dedit quidem Lotharius Saxonibus suis negotium insequenti anno, vt eum in Bohemorum principatū inducerent: sed is exercitus à Sobeslao profligatus est: vbi etiam Otto cecidit. Sobeslaus vero cū Cæsare, cui tūc grauius à Cōrado Suenorū Duce, & ipso ad imperium

*Russicum
bellum ite-
rum.*

*Russi victi
à Polonis.*

*Rufforum
excursio in
Poloniam.*

aspirante, bellum imminabat, in gratiam rediit, & impotētius dominari Bohemis cœpit: fratrum enim filios & proceres nōnullos in carcerem coniecit. Hoc ipso anno Volodor Rufforum Præmisliensium Dux in medio belli apparatu vita decessit. Verum filij eius Volodimirus & Rofcislaus exercitum à patre cogi cœptum, nihilominus ad vastandos Polonorū fines immiserunt: sed is pauculis pagis ad Vislocum flumen exultis cito se domum recepit: non plus habens animorum, quam sui duces, qui ad eam expeditionem profecti non erāt. Quieuit à bellis eo anno & sequentibus aliquot Boleslaus, cum plæ-ræque omnes finitimæ gentes partim externis aliis, partim ciuilibus bellis distinerentur. Quietem igitur nactus Boleslaus, ad religionem cultumque diuinum animum adiecit. Nam Basilicam Cracouiensem humilem etiam tum & neglectam, in augustiorem formam redegit, excitatis altius muris eius, ac duabus turribus ad latera adiunctis: supellectilem auream ac argenteam maiorem in modum auxit. Quin & collegium sacerdotum siue Canonicorum eius Basilicæ, viginti ad veterem numerum adiectis, amplificauit, eisq; certos pagos ipse, Radossus vero Episcopus decimas attribuit. Augtus est deinde filio sui nominis Boleslaus: cui quidem postea Crispo à capillorum specie cognomen fuit.

*Boleslaus
Crispus
natus.*

Posthæc Boleslaus, quamuis magnis in ornatum templorum, & in alimēta sacerdotum & egenorum impendiis & donationibus, iugique precatione & lachrymis, & aspero tenuique victu ac cultu corporis, cilicio pro veste vtens, & cinere sese aspergens, ægrotorumque mendicorum pedes subinde manibus suis abluns, admissum in Sbigneum fratrem facinus sedulo expiaret, cum aliis satisfaceret, tamen ipse sibi non satisfaciebatur, nisi & laborē longæ molesteque peregrinationis adiiceret. Itaque solenne Christianis quadraginta dierum ieiunium, pane tantum & aqua gustandis, cilicium inductus, cum exegisset, paucis sacerdotibus & aliis piis hominibus comitatus, ad Ægidij tutelaris diui sui sepulchrum, peregrinationem priuati habitu suscepit, atque id iter magna ex parte nudis pedibus confecit. nullum templum, nullum monasterium, nullum egentium domicilium, neminem denique sacerdotem aut mendicum præteriens, quin liberalitatis ac munificentia quippiam in eum depromeret. Quindecim dies apud diui sepulchrum ieiuniis ac supplicationibus vacans, commoratus, cum in Poloniam reuertisset, & reliquum illius anni tempus quieti dedisset, vere proximo in Vngariam ad D. Stephani sepulchrum alteram peregrinationem instituit: eaque religiose & pedestri item itinere obita, Gnesnam etiam adiit ad D. Adalberti reliquias paulo ante è tenebris in propatulum prolatas. His peractis, nō ita multo post Casimirum filium immatura morte defunctum amisit, verum eum mœorem mox Mieczislaus natus mitigauit, cui propter grauitatē morum ac prudentiam senis cognomen inditum est. Alius item sequenti anno millesimo cētesimo trigésimo secūdo natus est ei filius, qui aui materni & auunculi Casarū nomine Hēricus appellatus est. Post in Vngariam valido exercitu, & euocatis ex fœdere Rufforum auxiliis contendit, vt nepotes suos Stephani Regis exules filios cum matre reduceret. Nam hos Vngari mortuo Stephano Belam cæcum Regem creantes præterierant. Occurrit igitur Boleslao in Scepu-siensi territorio cum magnis Vngarorū & Austriorum copiis Albertus Marchio superioris Pannoniæ siue Austriæ, cum quo soror Be-læ nupta Regi erat. Committitur durum prælium: tandem virtute & constantia Polonorum, ac ducis

*Peregrina-
tio Boleslai
in Galliam,*

*in Vnga-
riam.*

*Mieczis-
laus filius
Boleslao
natus.*

*Henricus
Boleslai fi-
lius nasci-
tur.*

*In Vnga-
riam expe-
ditio Boles-
lai.*

ducis solerti diligentia in fugam hostes acti sunt. Ab Vngarico bello Bohemorum in Poloniam excursionem Boleslaus reuocatus deinceps est: Russique nouas res moliri, & ad excutiendum iugum Polonorum aspirare cœperunt. Quæ res cum permanasset, ad Boleslaum, conturbauit eum illa alieno suo tempore cōstituta rebellio: quod ad duo maxima bella, Vngaricum scilicet ac Bohemicum, tertium non minus ipsi accederet. Conuocat senatum, exponit de intempestiua Russorum defectione: dicuntur sententiæ: ibi inter alios proceres Petrus Vlosteuicius Comes Xiansensis in eam sententiam verba fecit, vt diceret: non maximo negotio nascentem rebellionem opprimi posse, si caput eius rebellionis Iaropelcus amputetur: idque arte facilius esse factum, quam a pertis armis: nec dedecere, si dolo perfidia vindicetur: ad eamque rem operam suam pollicetur: cætera quietos esse iubet. Inde paucis fidis comitibus, neq; tamen consilij conscis, assumptis, in Russiam ad Iaropelcum proficiscitur: exilium & fugam simulat: Boleslai crudelitatem in se, & iniurias graues inculcat: fugæ per fugium tutumque latibulum à Iaropelco, de cuius humanitate & virtute multa audierit, petit: addit multa de impotentia & sæuitia Boleslai in omne genus hominum, quibus rebus suis exosus factus sit. Pergratus fuit aduentus Petri Iaropelco, pergrata oratio: gaudebat diuinitus sibi oblatum cōsilij sui ad stipulatorem & adiutorem: multa de Boleslao, & statu rerum Polonicarum quærit, non nihil etiam de defectione sua significat. Accommodat Petrus responsa sua ad illius voluntatem, approbat consilium. Quibus rebus fidem sibi adstruxit apud eum, & in intimam eius familiaritatem sese insinuauit. Itaque Iaropelcus communicato cum suis consilio maturare rebellionem statuit. Rus forte secefferat cum paruo comitatu: secutus erat & Petrus, qui obseruata rei bene gerendæ occasione, Iaropelcum cum paucis prandentem, signo suis comitibus dato, comprehendit, constringit, & equo impositum celeriter, dispositis prius per loca equis & nauibus auellit, & incolumis ad Boleslaum perduxit. Collaudauit fidem, studium & operam Petri Boleslaus, & amplis cum muneribus ornauit, Iaropelcum vero custodiæ tradidit. Vnde intra vertentem annum, maximo auri & argenti pondere à Basilico siue Vasilco fratris sui filio redemptus, ad principatum suum data Boleslao fide reuersus est: in qua tamen fallenda patrio indulsit ingenio. Nam cum aperta vi imparem se esse Boleslao cerneret, ad dolos animum cōuertit, vt par pari referret. Vngarum quendam hominem non ignobilem, cæterum vafrum ac callidum subornauit, qui pro perfuga ob defensas Stephani liberorum partes ad Boleslaum delatus, captata occasione, vel vitam illius peteret, vel insigni aliqua clade Polonos afficeret. Is itaque Vngarus industria sua & eloquentia, & bene assumulatis ad tempus officiis, ita se in amicitiam creduli Principis breui tempore insinuauit, vt ad consilia, quæ habebantur de Republica, adhiberetur, ac præfectura Vislicensi donaretur: cumque Boleslaum regno absentem, propter componendas res Bohemicas, apud Lotharium Cæsarem animaduertisset: commodam prodicionis occasionem natum, celeri nuncio Iaropelcum aduocat, ac ad sextum Idus Februarij ad Visliciam cum expeditis copiis adesse iubet. Certior igitur Vngarus de aduentu Russorum factus, commigrare viciniam omnem cum liberis, vxoribus, ac facultatibus suis Visliciam iubet. Libenter facit iussa Nobilitas pariter & plebs, vt se suaque loco munito ab hostium armis defendat. Adfuit ad cōductum tempus Russi: intromittuntur ab Vngaro clam in oppidum intempesta nocte:

ingentem vulgi nullo neq; sexus, neq; ætatis discrimine, aut misericordia cedere edunt: oppidum succendunt: nobiliores ac ditiores cum reliqua præda, pecudum in modum cursim abigunt. Proditori Iaropelcus Princeps præmij loco linguam præcidit, oculos effodit, membraq; genitalia abscidit. Sic ille perfidus dignam sceleris sui mercedem tulit. Oderunt enim fere proditorem Principes ac Reges, quamuis proditionem ament.

*Russicum
bellum.*

Reuersus autē ex Germania Boleslaus, cum de Vislicienſi excidio, & Iaropelci perfidia didiciſſet, ingentes aduerſus Ruſſos & Iaropelcum iras concipit: magnoq; non modo ex Nobilitate, verumetiam ex oppidanis & agreſtibus exercitu cōparato, Ruſſiam fremens, perinde ac leonæ vel vrfæ rapti fœtu ſolent, ingreditur. Cum autem nemo ipſi prodiret obuiam (nam Iaropelcus peccati ſimul ac virium ſuarum ſibi conſcius, procul in paludes & ſyluas ſeſe abdiderat) Vladimiriænſi regione omni, & proximis quibuſq; crudeliſſime vaſtatis, cū ingenti præda reuertit in Poloniam. Irritatus magis quam fractus ea ſuorū clade ac calamitate Iaropelcus, & cæteri Ruſſorū Principes, iterum de ratione belli cum Polonis gerēdi conſultabāt, in eamq; veniebāt ſententiam, vt dolis aggredierentur eos, quibus virtute pares non eſſent. Ad quā quidem rem optata eis ſeſe occaſio obtulit. Etenim Iarolaus Halicienſium Dux, q̃ cum Polonis ſentire, ac cōſilia Ruſſorū prodere diceretur, principatu ab eis deiect⁹ in Poloniam ad Boleslaum cōfugit. Nec ambigebāt Ruſſi, eū à Polonis reductū, & ſe vltū iri; anteuertēdos & fallēdos ſibi eos eſſe iudicant, vt pacato agmine tāquam in trāquillis rebus venientes ex improviſo opprimerent potius, quā apertā vi non ſine periculo graue bellū repellerēt. Halicienſes ſubornāt, vt ſimulato Principis, ſui deſiderio, à Boleslao petāt, vt eum primo quoq; tempore reducat: affirmēt, pœnitere Ruſſos, q̃ eum eieciſſent. Faciunt iuſſa Halicienſes, eadē pene cōfirmant Nobiles quidā Vngari Halicienſibus finitimi, ab iisdem ad aſtruendam & perficiendā inſtitutam fraudē conſucti & ſubmiſſi. Habuit fidē dictis Boleslaus (vt erat natura credulus & apertus.) Itaq; iuſto quidē, ſed minori tamē, quam pro belli magnitudine & clauſtrino apparatu Ruſſorum, exercitu, Iarolaum reducit, nihil hoſtile ſuſpicatus. Appropinquant Haliciæ primæ Vngarorū turmæ inſtructæ gratulabundæ occurrunt, & præteruictæ Polonos, extremū agmen claudunt: ſubſecuti deinde Halicienſes, idē & ipſi faciunt. Suſpecta ea res eſſe Boleslao cœpit, accitoq; Vuſeborio Palatino Cracouienſi, & magiſtro militiæ, ſuſpicionē ſuam cōmunicat. Dum hæc illi inter ſe conferunt, ac de euitando periculo & inſidiis conſultant, ecce apparent procul à fronte inſtructæ Ruſſorū acies, quas Iaropelc⁹ citato curſu ducebat. Præcipitatū ſe in inſidias, & in medio hoſtū cōcluſum Boleslaus videbat: & quanquam lōge imparē ſe numero hoſtū animaduertebat, tñ, qui ſemp ſolitus eſſet vincere, ſatius eſſe ducebat honeſte occūbere, quam fugiendo victoriam vltro hoſti cōcedere. Itaq; inſtructis ꝑ tempore aciebus, ſignoq; dato, primus in imminentē à fronte hoſtē impetū facit: cōcurrunt inſectæ acies: extollitur ad cœlos clamor virorū, clāgor tubarum, & ſtrepitus armorū. Contendunt Poloni de ſalute, Ruſſi de victoria. Iamq; res Polonorum veterani militis virtute & peritia meliori loco eſſe incipiebant: cum ſubito perturbatis ordinibus, & fugæ initio à Palatino quoddā, cuius nomen nō memoratur, orto, ſequentibus eū, qui proximi ſteterāt, magna pars exercitus Polonici in fugam cōiecta eſt. Pugnabat nihilominus cum paucis, & iis quidem partim ſauciis, partim laſſis Boleslaus: & cum fu-

*Palatini
cuiusdam
fuga.*

gere turpe sibi duceret, nolebat tñ inultus mortē oppetere. Forte equus, cui infidebat, multis vulneribus confectus, ac debilitatus concidit. Ibi miles quidam gregarius & obscurus subleuatum eum equo suo imposuit, & ut patriæ magis quam gloriæ suæ rationē duceret, fugaq; melioribus se rebus seruaret orauit. Sic ille tūc quadragies septies victor Princeps (tot enim secundis præliis dimicasse memoratur) nobilissimi viri fuga proditus, gregarij militis opera præsentī se morti eripuit. Reuersus autē in Poloniam Palatino fugæ principi leporis pellem, colum, & fufum dono misit, meticuloſitatē eius & mulicbrem animum notans: qua ignominia ille ad voluntarium ſuſpēdium adactus est: militem vero ſalutis ſuæ autorem inſignibus nobilitatis, luculēta pecunia & poſſiſſionibus remuneratus, etiam ad honores amplos ac magiſtratus euexit, poſteritatemq; eius omnē nobilitauit: deinde ſiſcum ſuum in redemptionem captiuorum, qui permulti erant, effudit.

Et vehementer quidē angebatur animo Boleslaus, ut ſolent ij, qui perpetuo ſecundis rebus uſi, aduerſo aliquo caſu affliguntur, pudebatq; & pigebat eum ſui ipſius, quod tantæ illius cladis culpā in ſe agnoſcebat, quippe qui credulus nimium & incircumſpectus fuiſſet. Sed tñ de labe illa delenda, & vlciſcendis perfidis Ruſſis & Vngaris, ſedulo etiam atq; etiam cogitabat. Et quo liberius id faceret, cum Sobeslao Bohemorū Principe Cloſci conuentū egit, *Polonorum ſædus cum Bohemis.* pacemq; fecit, arbitris vtriuſq; populi proceribus. Pudore autē ac dolore ſtimulantibus, conſpectum hominum & colloquia vitabat, quæ res ei maturabat mortē. Nam ex mœrore illo & anxietate animi in morbum incidit: qui ſenſim ingraueſcens omnem medicinā renuentem toto anno lecto affixum, magnopere debilitauit. Nec angorem ac morbū eius natus filius Caſimirus *Caſimirus filius Boleslao natus.* leuauit. Vbi mortē ſibi appropinquare ſenſit, cōuocatis proceribus, & quatuor filiis adſtantibus, de concordia apud eos verba fecit: partitusq; omnia, quæ tunc erant Poloniæ ditionis, inter quatuor filios, Principatum & ſummam rerum penes Vladislaum natu maximum conſtituit, ceteros eius autoritatem ſequi iuſſit. In partitione quintum filium Caſimirum, qui ſuperiori anno natus erat, præterierat: id eū Proceres obliuione feciſſe rati admonent, ut ne illum ex ortem patrimoniij relinquat. Reſpondit Princeps: iam illi quoque portionem ſuam eſſe designatam. Admirantibus cunctis: nō aduertitis, inquit, in curru inter quatuor rotas quintam eam eſſe partem currus, cui homines inſident, & onera imponunt, quæ quidem à rotis ſuſtentantur atque portantur. Eum igitur locum inter quatuor fratres quintus obtinebit, illiſq; ſuo tempore ſucceder. Diuinitus ne id, quod futurum erat, præſciuerit, an, ut ſolent homines, inſtante morte, alienati mente diuinare, an vero diſcerpere in plures partes Principatum noluerit, dicere non habeo. Nec ita multo poſt ſacris Chriſtianorum myſteriis rite procuratus vita exceſſit, maximo *Boleslao mors.* totius Poloniæ deſiderio: cum regnaſſet poſt patrem triginta ſex annos, vixiſſet quinquaginta tres. Funus Ploſcum ſolenni pompa elatum, & iuxta patrem conditum eſt.

Fuit autem Boleslaus hic habitudine corporis ſatis firma, vegeta, & laborū patiente, colore ſuſco, ſtatura mediocri: os ei carbūculus morbo ab ineunte ætate diſtorſerat, atq; inde Criuouſt⁹ ſiue diſtortus cognominat⁹. Animo vero excelſo fuit, & periculorū contēptor: iuſti & equi obſeruatiſſimus: ad irā, gratiam, miſericordiam ex æquo pronus: ad credendū perſacilis: ad beneficentiam & liberalitatem promptus: modēſtia & clementia ſingulari: laboris & gloriæ

gloriæ cupidus: pacis artium non penitus expers, verum belli studiis longe præstantior, ad quæ à teneris (quod aiunt) vnguiculis toto animo ferebatur. Hinc omnem fere suum Principatum bella gerendo exegit: miles strenuus & audax: dux prouidus, solers, animosus, & felix, excepto illo vltimo Haliciensi prælio. Obiit autem anno Christi nati millesimo centesimo trigesimo nono, cum eum Lotharius Imperator vno anno antecurrisset.

VLADISLAVS SECVNDVS, PRINCEPS.

Anno Chr.
1240.

Conuentus
Craconia.

Diuisio Po-
lonia.

Silesia ve-
xata à Bo-
hemis.

Mortuo Boleslao, torpor quidam animos hominum occupauit, futurorum malorum omine, propter sectionem regni, quam testamento Boleslai nuncupatam, filij eius flagitabant. Videbant enim omnes, se, qui dudum sub vnus imperio florentes & formidabiles cunctis in circuitu vicinis populis fuissent, deinde discriptis viribus ac studiis, quorumuis iniuriæ fore obnoxios. Neque enim diu concordiam inter fratres, constitutionemque paternam valere posse (cum infida fere sit omnis regni societas) neque contentos illos fore suis fortibus, degustata semel regnandi dulcedine; sed iniuste aliena inter se mutuo appetituros & inuasuros & vim atq; iniuriam inter se inuicem propulsaturos, ciuilibus tandem ac parricidalibus armis inter se concursuros esse: quibus necesse esset tam amplam ac florètem dudum Rempublicam euerti. Itaque aliquandiu triste silentium omnes tenuere, promiscueque à fratribus imperabatur, donec ij diuersa iubendo perturbare omnia cœpere. Tum demum conuentu apud Cracouiam acto, cum flagitatio fratrum, studiaq; & factiones comparatæ, ad vnum deferri vniuersam rerum summam non paterentur, nec rectius quicquam in mentem cuiquam veniret: necessario Boleslai constitutio approbatur, vt iuuenes certis ac definitis à patre finibus dominarentur: Principatus vero & summa belli, pacisque autoritas penes natu maximum esset. Partitione regni secundum descriptionem patris facta, Vladislao quidem natu maximo Cracouiensis, Siradiensis, & Lenciciensis tractus cum Silesia obtigere: Boleslao, qui Crispus appellatus est, Masouia, Cuiavia, Culmenensis, ac Dobrinensis tractus: Miecislao Gnesnensis, Posnamensis, Calissiensis & Pomerania: Henrico Sendomiriensis & Lublinensis: Casimirus vero infans exors, quemadmodum pater voluerat, à Vladislao curandus atque educandus susceptus est. Ita ad suas quisque ditiones, & quasi satrapias discessere, vt Vladislauum tamen Principem agnoscerent, eiusque maiestatem comiter conseruarent: qui iam sextum & tricesimum agebat annum. Nam hæc anno Christi millesimo centesimo quadagesimo acta sunt.

Mutata itaque Reipublicæ forma, non diu vicinorum arma quievere. Primus omnium Sobeslaus Bohemorum Dux, immemor foederum, quæ cum Boleslao & vniuersa Polonia iurisiuradi religione interposita ierat, nõdum exadto à morte Boleslai anno, Silesiam infesto exercitu longelateque populatus est: nec ea præda, quamuis magna, contentus, ad subigendam omnem eam oram animum adiecit: ac, quo facilius id faciat, locum oportuno apud vicum Coscenum inter lacus & paludes munitione & præsidio firmare adoritur. Sed hoc molientem vindicta diuina, iusta violati foederis & iurisiurandi ultione percutit. Nam valida febre correptus, incepto desistere coactus est: relatusque Pragam non multo post inualecente morbo extinctus est. Ita bellum exorians repente inter initia vnus morte sedatum est. Vladislaus au-

tem

tem accisum, & mutilatum principatum moleste ferens, sibi que erepta du-
 eens ea, quæ fratribus patris voluntate, cunctaq; Poloniæ assensu cesserant: *Vladislai
 ambitio.*
 acceptas iniurias vastationemque ditionis suæ vlscisci minime perrexit: agrū-
 que sua sponte eius animū vxor Christina, superba, auara, & ambitiosa mu-
 lier, & quæ Polonos in porcorum loco habebat, Germanis suis impendio de-
 lectata, magis etiam inflammat, quod eum præter mores, iuraq; gentium, *Christina
 maritum
 in fratres
 incitat.*
 ad quartam modo partem Principatus detrusum esse dicteret, qui in vni-
 uersum Principatum patri, utpote natu maximus, succedere debuisset: se Cę-
 saris filiam, Cæsaris neptem, ex inclyta familia, cum amplissima dote in spem
 vniuersi Principatus ipsi nupsisse: nunc vero ad exiguam sortem cum liberis
 communibus redigi, qui quidem post patris mortem ad egestatem indignam
 suo genere, & ipsorum ordine, redituri essent. Patrem eius non tulisse vnum
 fratrem participem imperij: ipsum tres ferre. Quartum quoque, vbi adole-
 uerit, si sapiat, portionem suam repetiturum esse. Summum illud ius & au-
 toritatem monarchiæ vmbrailem esse: neminem ipsi obsecundaturū. Quid
 si quis reliquorum fratrum ad summum illum Principatum adspiret? quid si
 omnes inter se contra vnum conspirent? tunc vero nullam ipsi fore spem sa-
 lutis, nisi in fuga & exilio. Præstare ergo anteuertere, quam anteuerti.

Hæc eadem identidem iterando, querendo, lachrymando, fremendo, &
 obiurgando, tandem ad maturandum impium facinus virum impulit. Sed ut
 sub honesto prætextu lateret scelus: & quo facilius vel adiuuante, vel certe *Vladislai
 oratio in
 Senatu.*
 non aduersante multitudine suorum, cogitata perficeret, Senatum conuo-
 cat. Queritur, perniciosam esse Reipublicæ partitionem Principatus à patre
 suo institutam, propterea quod multitudo Principum cum hostes ad inua-
 dendum audaciores, tum ciues ad resistendum infirmiores redderet, cuius
 rei aliquem iam gustum paruo temporis spacio ipsi fecissent, vexati impune
 à Bohemis: qui non modo commouere se, dum penes vnum patrem suum
 fuit imperium, ausi non essent, verum etiam pacis condiciones ab eo acce-
 pissent. Neque vero diu quietam esse posse ab intestinis discordiis ac civili-
 bus bellis eam Rempublicam, quæ à pluribus exæquato dominatu, non cer-
 tis legibus, sed arbitrato cuiusque gubernetur. Nec diu maiestatem vnus cu-
 iuspiam ab iis conservari solere, qui non modo genere, sed viribus etiam &
 potentia, vni illi pares esse sentirent. Exemplo esse recenti pene hominum
 memoria Sbineum, qui licet genere impar, tamen quod pater eum fratri ex
 iusta vxore suscepto exæquasset, tantis malis, cladibusque Rempublicam in-
 uoluerit, ut eam euersurus omnino fuerit, nisi iusta fratris indignatio aliqua-
 do tamen eum è medio sustulisset. Bohemos quoque & Russos vicinos suos
 nullā aliam ob causam civilibus bellis inter se ad excidium pene collidi, quam
 quod in multos partita sint eorum imperia. Quocirca vellent, iuberent, ut
 penes vnum se, quem primogeniti prærogatiua cæteris fratribus prætulisset,
 vere esset regnum. Attributurum se esse fratribus, aut definitos è fisco suo
 redditus, aut vero agros nonnullos & territoria, in quibus illi vitam honeste
 sustentare queant, nec tamen calcitrādi materiam aut occasionem habeant.
 Multo esse præstabilius, paucos quosdam incommodo ac detrimento affici,
 quam vniuersos perire. Senatores sententias rogati, cum stupefacti rei noui-
 tate aliquandiu silentium tenuissent, tandem omnes, paucis à Christina sub-
 ornatis exceptis, impium Principis consilium detestari: orare, ne patris vlti-
 mam voluntatem irritam faciat, ne vniuersæ Poloniæ cōsensum aspernetur:

ne leges naturę labefaceret. Valde esse dissimile, quod de Sbigneo commemoratum sit: illum nothum fuisse, nec vllō more aut iure in partem Principatus admitti debuisset: hos legitima vxore, & quidem Cæsaris filia ortos, exortes paterni dominatus fieri recte non posse. Illum improbum, impudentem, & iam inde ab initio in patrem impium extitisse: hos liberalibus ingeniis, honestissime educatos, summo esse pudore ac modestia: æquissimisque animis ferre & laturos porro esse maximi natu fratris principatum. Magis autē consultum esse Reipublicæ, si plurium ea consiliis & armis coniunctis defendatur, quam si ex vnius iudicio & propugnatione dependeat. Non posse commode vnum omnia prospicere, nec ad omnes Regni partes suis opem ferentem pariter accurrere, nec omnia per se munia Principatus obire. Quod si vicaria cuiusquam opera vtendum sit, magis fidum, magisque benevolentem esse fratri fratrem, quam extraneum.

*Tributum
à Vladislao
fratribus
imperatur.*

His & aliis dictis propemodum ad sanitatem reuocata erat mēs Principis, nisi violentior vxoris amor, nocturnæque eius persuasiones ac blāditia, quæ plurimum apud vxorios viros valent, tantoque pestilentiores sunt, quanto plus potestis, quem superant, præcipitem eum egissent. Deliberato scelere, tributum siue subsidium pecuniarum fratribus & fraternis ditionibus primum imperat, vt eorum tentaret patientiam: & si renuerent, iustum haberet belli ipsis inferendi prætextum. Vbi paritum est, deinceps ad intercipienda, quæ eorum ditionis erant, animum conuertit, nec tamen Polonorum, quibus iam suspectus & exosus esse cœperat, quosque alienos à cupiditate sua esse nouerat, ministerio & militia vtī ad eam rem ausus est: sed Russorum, quibus cum materno genere coniungebatur, auxilia clam acciet: cum his aperte iam in fraternas ditiones grassatur: edicit, ne cuiquam Poloni præter se obediant: cōtumaces aut vinculis, aut verberibus coercent, aut bonis mulctat. Nonnullas iam fratrum munitiones & oppida cum pagis adiacentibus, partim per Russos occuparat, partim in ditionem acceperat, ad florentiorem fortunā vel metu, vel (vt est vulgus fere nouarum rerum, nouorumq; dominorum auidum) leuitate deficientibus passim hominibus. Ibi iuuenes impio fratris proposito perspecto, quid faciant porro cum suis consultant. Animaduertunt à bello ciuili animos popularium suorum abhorrere: nec ipsi satis animorum ad vim fratris propulsandam habebant, propterea quod & viribus minus valebant, & quantum cuique fidendum esset, nesciebant. Itaq; ad misericordiam Procerum confugiunt, paternorum meritum, paternæ voluntatis, publiciq; omnium ordinum consensus de partiendo imperio ipsos admonent, ipsorum fidei ac protectioni se suaq; commendant. Ad fratrem etiam proficiscuntur: & quoniam caput illorum consiliorum Christinam glotem suam esse senserant, ad mulieris pedes sese prosternunt, clementiam eius supplices implorant. Verum ea surdis auribus leuitorum preces accipiebat, & salutem Reipublicæ, quę omni necessitudini præponenda esset, causificabatur.

*Procerum
alienatio
à Vladis-
lao Prince-
pe.
Exactiones
noue insti-
tuntur &
munera
honoraria.*

Cōmouit ea res multos ex primoribus, cum iuuenum misericordia, tum metu exorientis tyrannidis, cuius argumentum erat, qđ Vladislaus externum militē in suos immittebat: tum avaræ importunæq; mulieris odio, quæ præter hāc in fratres mariti sui inclementiam, nouis etiam exactionibus animos multorum offenderat. Itaq; impensius iam & apertius nōnulli iuuenibus fauebant, inprimis vero Vuseburius Palatinus Sendomiriensis & magister militiæ, ac Petrus Danus, Comes Scrippnensis: quorū ille nōnunquam Russos

ex insidiis parvis præliis fundebat: Petrus vero monendo Principem ab instituto auocabat: quæ res ei, si non exitiosa, calamitosa quidem certe fuit. Næ Vladislaus, ut omnibus de rebus cum vxore cōmunicabat, ita de Petri quoque consilio ac studio ipsi narrauit. Exeanduit subito in hominem iracunda mulier, alioqui etiam ipsi infensa, ex huiusmodi causa. Venatū forte Vladislaus Princeps, & Petrus hic in remotas syluas ierant: ibi totum diem inuestigandis & persequendis feris defatigati, ad vesperum ad focum constructa cecespitate mensa, cum se pane ac ferina carne, & aqua fontana vtcunq; refecissent, & humi stratis penulis cubituri essent, Vladislaus domesticarum lauti-
ciarum, & mollium stratorum recordatus, ioco Petrum appellans: mollius, inquit, nūc Petre vxor tua cum Abbate Scrinnensi cubat, quam nos. Petrus contra, ut iocum ioco retunderet: fortasse, inquit, & tua cum Dobessō. Erat autem Dobessus iuuenis ex equestri ordine non inelegans, quo familiaris Christina utebatur. Tetigit id dictum Principis animum, & sermonibus quidem tunc, iocisque finem fecit: vultu vero ne postea quidem satis dissimulauit siue dolorem, siue solitudinem: incertum. liberiori ne dicto Petri offensus, an de crimine vxoris ex verbis Petri, & superioris temporis coniecturis, quas non tam scrupulose ad eam diem notarat, suspensiones colligens. Christina vbi tristiorē cogitabūdumq; præter morem virum reuersum animaduertit, sciscitatur causam, dissimulat aliquandiu Vladislaus: ad extremū victus blanditiis vxoris, detegit ei vulnus animi sui. Inde grauiores ea in Petrum iras conceperat, occasionemq; vlciscendi eius quærebat: quam cum fortuna per cōmodam attulisse videretur, in eo quod Petrus aperte cupiditate Principis aduersabatur, ibi vero instare violēta mulier apud maritū noctes diesque, ut Petrus ē medio tolleretur. Eo viuo, nunquam animi compotem futurum Vladislaum. Subornat tandem Dobessum Christina, partim probri infamia irritatum, partim pollicitatione bonorū Petri illectam, ut eum quouis modo vel caperet vel interficeret. Nec est tamen ausus Dobessus hominē aperta vi aggredi: sed obseruabat tempus, quo per fraudē eum incautū opprimeret. Forte Petrus nuptias filię, quā laxæ Serborum Duci in matrimonium collocabat, Vratislauiæ insigni pompa ac celebritate apparabat: eo se Dobessus quoq; magno comitatu confert, securumq; & nil eiusmodi suspicantem Petrum solum forte conspicatus, dum ministri circa apparandas nuptias & hospites comiter accipiendos satagunt, correptum celeriter paratis & dispositis ad hoc equis asportat, & ad Principē adducit. Diu, quid eo faceret Vladislaus, animi dubius fuit. Reuerēbatur hominis dignitatem, gratiamq; popularem: reminiscebatur, quo is honore apud patrem suum fuisset. Contra suggerēbat Christina, si incolumis Petr⁹ dimitteretur, acerbiorē eum capitalēq; hostē fore Principi iniuria illa exacerbatum. Vbi cūctari virū videt, minatur se ab eo discessuram, vbi impune probro prostitutæ pudicitię afficeretur. Vicit tandē perficitq; ut indicta causa Petro lingua præcideretur, & oculi effoderentur. Vixit tamen post eam calamitatem Petrus quinquēnium, & mortuus Vratislauiæ in S. Vincentij quod templum & monasterium ipse condiderat, honorifice sepultus est.

*P. Duninus
dolo Chri-
stina peti-
tus.*

Petro tam crudeliter excarnificato, minus ausi sunt Proceres voluntati tyranni aduersari: creuerunt tamen omnium in eum odia, quæ secundo fortunæ statu occultata, postea afflictis rebus eius in apertum erupere. Minus deinceps is dissimulanter iam agere, & fratres ditionibus ipsorū pellere,

*Dunini ca-
lamitas.*

*Vladislaus
fratres vio-
lat cum
Russis.*

*Civile bel-
lum inter
fratres.*

*Oratio Ar-
chiepiscopi
Gnesnen-
ad Vladis-
laum.*

*Vladislaus
diris deu-
uatur ab
Archiepi-
scopo.*

magnis Russorum fretus auxiliis, quibus Suatoslaus, Vuseuolodi Kionien-
sium Principis filius, Izislaus, & Vseuolodimirus Haliciensium Duces præ-
fuerat: iamq; Henricum Sendomiria, & Boleslaum Plosco, omniq; Masouia
expulerat. Restabat Mieczislaus, ad quem ceteri fratres confugerant. Ad eos
igitur Vladislaus in maiorem Poloniam cum exercitu magnis itineribus cō-
tendit, in celeritate plenam victoriæ spem reponens. Veniens Posnaniam,
quæ ipsi portas clauserat, cum primo impetu capere non potuisset, obsidio-
ne cinxit. Vastabant interim Russi agros liberioribus excursionibus, exure-
bant vicos & pagos, captiuos viros ac mulieres in seruitutem abducebāt, di-
ripiebant fana, vimque honestis puellis ac matronis inferebant, ne à pueris
quidem abstinebant. Quæ facinora indigna Iacobus Archiepiscopus Gnes-
nensis, venerabilis & pius senex, excelsique animi, cum vidisset, patriæ cala-
mitosam sortem miseratus, sacro pontificum cultu & infula, quo angustio-
rē speciem Principi exhiberet, indutus, & carpento in castra vsque ad ipsum
Vladislai tentorium inuectus, comiter Principem nefarii cœpti admonet.

Negat esse boni Principis, patriam, à qua in lucem editus, educatus, & ad
summum honorem euectus sit, externis armis hostilem in modum impete-
re, vexare, ac diripere: negat esse Christiani hominis fratres coniunctissimos
„ ac obsequentissimos, quos tuendos suscepit, oppugnare: & non modo at-
„ tributis à patre & vniuersa Republica ditionibus exuere, sed vitam etiam &
„ sanguinem eorum sitire. Si homines non reuereretur: at Deum meueret, a-
„ certimum scelerum omnium, & maxime violatæ humanæ coniunctionis &
„ societatis vltorem. Non commouit hæc Archiepiscopi oratio Vladislaum,
nec ab instituto deterruit. Quod cum vir pius animaduerneret, quasi numi-
ne afflatus, è sella assurgens: quando, inquit, humana simul ac diuinâ iura
superbe contemnis, & paterna mea monita obstinatè respicis, Dei omnipo-
tentis, cuius vices gero, autoritate sacris & Christianorum hominum socie-
tate tibi interdico, caputque tuum & omnium adiutorum tuorum diris deu-
oueo. Deinde multa in eum & exercitum eius execratus, recedebat. Forte
dum imprudentius auriga carpentum conuerit, in columnam, quæ tentor-
ium Principis sustentabat, extremo axe impingens, mota loco columna, tē-
torium solo prostrauit. Mali ominis ea res cunctis visa est. Tenuit tamen i-
ram Vladislaus, nec acerbius quicquam in Archiepiscopum aut fecit, aut di-
xit: ita vt mirarentur omnes eius patientiam. Diligentius dein omnia ad ex-
pugnationē Posnanix administrare perrexit Vladislaus, cum in castris nul-
lus subesset hostilis metus, Russique securius agerent, quam ratio castrorum
exigit: & vel ad prædas agendas quoquoersus discurrebant, vel genialibus
epulis & comotationibus, ludisque & lusibus indulgebant, vel his rebus
grauati & fatigati altum stertebant: in stationibus rari, nec ij sobriij exeba-
bant. Delitescabant interea in abdito Boleslaus, Mieczislaus, & Henricus
cum modico militum præsidio, occasionem bene gerendæ rei captantes: ij
postquam vel ex transfugis, vel è captiuis per insidias, dum incautius pabu-
lantur, exceptis, certo didicere de negligentia & securitate hostium, silenti
agmine ad castra propius accedunt. Oppidani è turribus procul suos con-
spicati, nec ignari, quid in subiectis oppido castris ageretur, proposito vexil-
lo signum dant suis faciendi in hostem impetus tempestiui. Animaduerrere
id vexillum præter morem extensum Russorum Duces, qui tunc forte cum
Vladislao conuiuabantur: rogant, quidnam rei sit, & quid sibi velit vexillum
illud?

istud? Respondet Vladislaus: deditiois signum esse, parcendum esse Russi censent supplicibus: negat Vladislaus vllum fore iis, qui tam obstinate obsidionem sustinuisent, misericordiae locum. Nec multo post exauditur ab extremis castris ingens clamor ac strepitus, iam intra vallum, & in caede versantium hostium: erumpunt eodem tempore & oppidani, ac turribus caeterisque operibus & tuguriis militum, è stipula stramentisque factis celeriter ignem subiiciunt. Fit trepidatio, discurritur totis castris, perculsis re subita & inopinata omnibus: nec quid agerent, aut quo se verterent, ac ne fugae quidem consilium explicantibus. Caeteri vel ad Ducum tentoria, vel ad sternendos equos, vel ad efferenda, quae quisque charissima habebat, festinabant, vel attoniti denique amentium more huc atque illuc discursabant. Ad extremum grassante late vndique ferro & incendio, effundunt sese castris, quae quisque exitum inueniebat. Fugientes vero partim trucidantur ab equitibus, partim in Vartam & Glounam fluuios, qui non ita procul à castris erant, compulsi merguntur. Vladislaus cum Russis Ducibus, & paucis quibusdam eua-

*Vladislaus
vincitur
& fugatur
à fratri-
bus.*

dens, effuso cursu Cracouiam contendit. Inde quoque Russi, nudi pene ac inermes, & omnium rerum egeni domos sese recipere. Direpta sunt copiosa & opulenta Vladislai Russorumque castra. Annus, quo haec acta sunt, fuit à Christo nato mille simus centesimus quadragessimus quintus. Magna fit statim ea victoria rerum commutatio. Transibant omnes passim à victo ad victores, & augebant eorum exercitum: arces & munitiones interceptae, in fidem & potestatem pristinorum dominorum vlro redibant. Caeterum non contenti victores iuuenes eo, quod fratrem se oppugnantem profligassent, suaeque omnia recepissent, exterminare eum etiam vicissim propriis ditioribus, & Principatu eicere instituunt, rati, nunquam eum ad sanitatem & modestiam rediturum esse: sed auxiliis Russorum fretum, bellum renouaturum. Itaque astate sequenti cum validiore, quam fuerat initio exercitu Cracouiam contendunt. Quod cum Vladislao nunciatum esset, diffusus munitioni arcis, suorumque studiis & voluntatibus, fratrumque desperata misericordia, quippe quos ipse supplices nulla dignatus esset, relicta Cracouiae vxore, ac tribus filiis, per Silesiam in Germaniam profugit, Conradi tertij Imperatoris, vxoris suae sobriini, opem imploraturus. Cracouienses autem cum primum aduenientibus Bolcslo, Mieczislao & Henrico portas clausissent, cognita Principis longiore fuga, & consensu totius Poloniae aperuerunt: nec multo post arx etiam deditur: in qua recipienda summa vli sunt iuuenes moderatione. Liberos & vxorem Vladislai quamuis in festam sibi, & quae origo omnium illorum malorum fuerat, ab omni iniuria ac contumelia iratorum militum atque procerum defenderunt: & cum omni suppellectili in Germaniam, aut quo vellent, additis praesidij causa, qui abeuntes deducunt: dimiserunt. Sic infelix Vladislaus, qui suasu vxoris iniuste aliena concupierat, sua iuste amisit: & qui in amplissima fortuna, Principatusque praerogatiua non acquieuerat, in exilio cum mala consultrice vxore miser contabit. Obtinuit autem principatum Poloniae Vladislaus non totos septem annos. Sub ipsum Principatus eius initium Ianicus Vratislauienfis Episcopus, ac deinde Archiepiscopus Gnesnensis, Ianislaus dictus, & Clemens fratres germani equestri nati familia Griffonum, vt vulgo vocant, monasterium Andreouienfe condiderunt: eique oppidum ipsum Andreouiam, & se-

*Defectio
Polonorum
à Vladis-
lao.*

*Vladislaus
principatu
pulsus in
Germaniam
fugit.*

prem pagos de bonis suis attribuerunt, atque in eo Cisterciensis sectę monachos à Bernardo abbate sancto cōditos, è Burgundia euocatos collocarunt.

BOLESŁAVS QVARTVS CRISPVS,

Princeps Polonia.

*Anno Chr.
846.*

EXacto cum vxore & liberis Vladislao Principe, concordia fratrum iuxta ac Procerum, Nobilitatisque sententia ad Boleslaum, qui Vladislao natu proximus erat, Principatus & summa rerum deferretur, & quęcunq; in ditione Vladislai fuerant: Casimirus etiam natu minimus frater, eius curę cōmendatus est. Et moderate is clemēterque regnauit: fratres magna beneuolētia ac charitate cōplexus, beneficentia etiam & liberalitate maiore in modum sibi deuinxit. Nonnulla enim bona & possessiones, quę ipsius iuris fuerant, ipsis ultro donauit & edixit: eoq; summa iij fide, summoq; studio vicissim eum defenderunt, nihil neq; Russorum, neque Bohemorum, neq; Germanorum, ac Conradi Cæsaris minis deterriti, aut precibus emolliti. Instabat enim Vladislaus assiduo, tum apud Vladislaum Ducem Bohemorum, ad quem ea de re adierat, tum apud Cæsarem, vt eorum vel autoritate in paternum Principatum restitueretur, vel armis reduceretur. Sollicitabat & Russos legationibus: sed hi nondum se satis è clade Poshaniensi refocillarent, & nolebant consentientē Poloniam irritare. Cæsar vero & Bohemus prolixè promittebant: verum hic domesticis motibus, ille Asiatica expeditione, impediti, præstare commodè promissa non potuere. Misit tamen Conradus Imperator legationem ad Boleslaum, & ceteros fratres, vt Vladislao ademptas ditiones & principatum sua sponte redderent, potius quam arma sua experirentur: neq; enim se recte & affini, & calamitoso ac supplici Principi decisse posse. Cui legationi Boleslaus Princeps de sententia fratrum ac Procerum ita respondit: Nulla à se fratribusque suis iniuria affectum esse Vladislaum, se nequicquam deprecantes impio bello ab eo petitos, & attributis à patre, & ab vniuersa Republica ditionibus & principatibus iam pene exutos, cum tamē pacem multis æquis conditionibus impetrare possent, vitā defendisse suam:

*Conradi
Imp. lega-
tio ad Po-
lonos.*

*Boleslai
Crispi re-
sponsum ad
legationem
Cæsaris.*

" illumq; omnis diuini & humani iuris violatorem, fratres insones & obse-
" quentes eiicientem, intolerabilemq; in gentē liberam dominatum vsurpan-
" tem, non tam ipsorum viribus, quam diuina ultione euidenter percussam,
" fugientemq; magno vniuersę Polonię consensu exilio sempiterno damnatū
" esse. Recipere eum talem, tamq; iuste consensu publico pulsum, neq; sibi tutū
" esse, neq; Polonis expedire. Ne ergo Cæsar id à se postularet, neue ab inuitis
" extorquere pergeret, quod sine periculo, & sine magno Reipublicę malo fa-
" cere non posset. Esse quidem Cæsaris afflictis subuenire, sed iis demū, qui im-
" merito afflicti essent: ceterū ad vim & iniuriam faciendam nemini opem eius
" patere debere: quippe qui ab innocentia contra feculus, ab officio contra im-
" probitatē, à modestia contra audaciam, à iustitia contra iniusticiam, deniq; à
" pietate cōtra patricidium stare debeat. Esse Vladislaum affiniē Cæsaris, se vero
" cognatos etiam: auxilium se ab eo sperare, non bellum expectare, cuius nullū
" neq; dedissent, neq; daturi essent occasionē. Habere se illi eū honorem, quē
" & cognato, & maximo Principi haberi par esset: libetēq; in alijs rebus auto-
" ritati eius se obsecundaturos, in vna illa re id fieri non posse. Libentius se cū
" quauis capitali hoste, quam cum illo tali fratre in gratiam redituros esse, &
" quidnis potius passuros, quam commissuros, vt suo sibi iumento, q̃ dicitur,
" malam

malam rem adiciuisse, & Rempublicam, quæ in fidem suam confugerit, pro-
didisse videretur. Fregit ea responsio Cæsaris animum, ita ut multum de stu-
dio suo in Vladislaum deinceps remitteret: præsertim quod ad expeditionem Asia-
ticam totum spectabat, quamuis à Proceribus suis & Bohemo, quos sedulo vna
cum liberis & vxore prensabat Vladislaus, in Polonos incitaretur. Conradus
vero Cæsar cum expeditionem illam suam maturasset, per Poloniam at-
stante Dlugosso statuit iter facere: quod & compendiosior ea via esset, & minus
periculorum haberet: simul quod non diffideret, se Vladislaum cum fratribus coram
reconciliaturum esse. Et acceptus quidem est à Boleslao, cæterisque fratribus per-
quam honorifice & liberaliter, vna cum Vladislao Bohemorum Principe, omni-
que eius exercitu, sed de reconciliatione nihil tunc aliud impetrauit, nisi quod pol-
licitum est Boleslaus cum fratribus, se, cum reuertisset ab illa expeditione Cæsar, quod is
vellet, facturum esse. Sub Hyemem eiusdem anni duxit Boleslaus cum Henrico fra-
tre exercitum in Russiam, Izaslai Kiouiensium Principis cōspiratione cæterorum
Principum Principatu cincti, precibus & muneribus inuitati: castrisque apud
Cemerinum positis, totam hyemem ibi cōsumpsit, & nulla re memorabili ge-
sta propter ignauiam Izaslai, & non satis certam fidem Russorum, in Poloniam
rediit. Izaslai vero post discessionem auxiliorum, Lusci obsessus ab hostibus,
pacem tandem ab eis impetrauit. ¶ Anno vno interiecto, reuersus ab expedi-
tione Asiatica Cæsar, cum non magnū ibi operæ precium fecisset, magnamque
copiarum suarum partem partim prælio Turcico, partim dolo Emanuelis Con-
stantinopolitani Imperatoris amisisset, bellum Polonis intulit, ut per vim Vla-
dislaum exalē in principatū restitueret: cum Boleslaus, cæterique fratres promif-
sorū admoniti tergiuersarentur, quod diceret, Vladislao reducto, se novos mo-
tus, noua pericula, summamque Reipublicæ perturbationem reformidare. Verū
id bellum in speciem ingens & formidabile Boleslai Principis humanitas & sapi-
entia inter ipsa initia restinxit. Nam ut Cæsar cum validis Germanorum, Boemorum,
& Morauorum copiis Poloniæ fines attigit, non destitit Boleslaus cum expeditis
turmis, quas de suis tumultuarie coegerat, omnibus locis opportunis hostilia
itinerata, pabulationes, frumentationes, & aquationes, ex insidiis obseruare, & in
incautos hostes impetum facere, interdumque totum exercitum reficientem se, aut
quiescentem subito tumultu, & ad castra adequitatis exercitus ostentatione exa-
gitare ac perterrefacere. Illis vero ad arma cōclamantibus, ad impedita loca ra-
ptim se cum suis recipiebat, nec vnquam rem fortunę & dimicationi cōmittebat.
Cum autem ad Oderam substitisset, & castra metatum esset Cæsar, eo quod aqua ei flum-
inis tunc forte excreuerat, & Poloni vltiores ripas obseruantes, difficile tra-
iectionem ipsi effecerant: simul autem à Germania noui quidam motus ipsi affere-
bantur, quibus ad rerum domesticarum curam reuocabatur: accepta fide Boleslaus
in castra ad eum venit, factaque publica audientia, Vladislai fratris facinora ac
peccata omnia, in se, ac cæteros fratres, & in omnes ordines Reipublicæ Poloniæ
luculenter exposuit: necessariam expulsionem, iustamque restituendi eius recu-
sationem suam, & vniuersę Reipublicę excusauit: necessitudinem suam cum Cōrado
maiorē, quam Vladislai commemorauit: studia & officia sua nonnulla in Cę-
sarē & Germanos modeste refricauit: ne cognatum & Christianum sanguinem
sitirēt, neu se ad extrema adigerēt, orauit. Munera etiam non contemnenda Cæsari,
& nonnullis Principibus, maximeque iis, quos gratia plurimum valere apud Cæsarem
didicerat, priuatim misit. Ita postquam Boleslao, suadetibus primoribus, ad sua
defendenda festinantibus militibus, ipso Cæsare ductum iri diutius opinione
sua,

Conradus
Cæsaris ex-
peditione per
Poloniam
in Asiam.

Russicorum
bellum.

Conradus
Imp. bellum
Polonis in-
fert.

Boleslaus
ad Cæsarem
in castra
venit, &
bellum sus-
tulit.

*Boleslaus
& Miec-
zislaus v-
xores du-
cunt.*

*Henricus
Dux ad
Hierosoly-
mitanam
militiam
profectus.*

sua bellum animaduertente, & ad componendas res domesticas festinante, bellum illud statim solutum est: dimissusque postmodum exercitus, nequicquam reclamante Vladislao exule, ac Bohemorum Principe, non tam exulis rem agente, quam Polonis inimico. Pace cum Cæsare facta, aut verius bello in aliud tempus dilato, Boleslaus & Mieczislaus vxores duxere, sorores germanas Vseuolodimiri Haliciensium Principis filias: Boleslaus quidem Anastasiam, Mieczislaus vero Eudoxiam: verum is, hac non multo post mortua, nondum exacto à primis nuptiis biennio, aliam duxit, Gertrudam Regis Vngarorum sororem, Belæ cæci filiam. Cæterum Henricus cœlibem vitam secutus ad Hierosolymitanam militiam cum nō contemnendo comitatu profectus est, Principatu suo Boleslai fratris fidei ac tutelæ cōmendato: cumque totum annum ibi commoratus, non vulgare virtutis suæ specimen aduersus barbaros Saracenos edidisset, sospes reuersus est, & in Zagofce pago ad Nidam amnem parœciam ac domicilium Templariorum sodalitati, quæ tunc bonam in Asiatico bello Christianis nauabat operam, condidit, & luculentis redditibus instruxit.

*Vladislaus
exul in se-
stat Polo-
niam.*

Vladislaus exul, quamuis desiderio & spe sua frustratus iterum atque iterum, pergebat tamen molestus esse Cæsari de reductione sua: & commouebat quidem Cæsarem, cum assidua flagitatione & querimonia, tum aspectu ipso miserabili, ac tantæ fortunæ commutatione: pudor etiam cum indignatione mixta Cæsarem stimulabat, quod cōtemni & postulata, & minas suas, nec promissa præstari à Polonis Principibus, maiestate sua indignum iudicaret. Sed tamen exulem reducere non potuit, partim aduersa valetudine ac diuturno morbo impeditus, partim etiam propriis ac necessariis negociis, & nonnulla imperij perturbatione distentus. Verum quo leuius interea Vladislaus ferret exilium, possessiones ei quasdam dedit vtendas fruendas, vnde se & vxorem liberisque sustentaret: adiungit exiguas copias equitum peditumque, cum quibus ille crebris excursionibus Vratislauiensium tractum, & viciniam illam omnem, extructis in confinio duabus arcibus Nemcio & Grothecio, quo se tuto recipiebat, infestauit. Non tulit hoc Boleslaus. Nam coactō exercitu ad prædatores illos persequendos, & arces euertendas profectus est. Id vbi cognouit Vladislaus, munitis præsidio militum arcibus, in Germaniam se recepit, siue metu, siue auxiliorum petendorum gratia. Qui in in præsidiiis relictis erant Germani siue Bohemi, sustinuerunt aliquandiu impetum & obsidionem Polonorum: tandem deficiente annona, & morbis inualescentibus, ac desperatis auxiliis, deditiōem fecere. Nec ita multo post, nempe anno Christi millesimo centesimo quinquagesimo tertio Conradus Imperator mortuus est: cui Fridericus Barbarossa Friderici Sueuorum Ducis filius Cōrado patruo in imperio successit, qui sub initium petendo imperiali diademate, pacandisque seu potius turbandis rebus Italix, ac Pontificibus Romanis arbitrato suo creandis ac deliciendis occupatus fuit. Reuersum in Germaniam, & conuentum totius Germaniæ Herbipoli agentē adit supplex Vladislaus, orat de reductione sua: & quo magis eum ad misericordiam flecteret, tres filios iuuenes pedibus propinqui Imperatoris admouit. Idem pro eo petiit Vladislaus Princeps Bohemorum, factum Polonorum & contemptum Cæsareæ maiestatis exaggerās: idem plerique Germanorum Principes, quibus iam Vladislaus exul diuturna consuetudine familiaris factus erat, quosque ea de re prehensauerat. Quamuis vero rebellarent Imperatori

Medio-

Mediolanenses cum sociis suis, tamen exoratus Imperator priorem in Polonos expeditionem decreuit: ac legatos quidem statim ex comitiis illis ad Boleslaum Principem ac fratres eius misit, qui ipsis, nisi reciperent Vladislaum, aut nisi ipsi tributum, quod fortasse pollicebatur Vladislaus, Imperatori Romano penderent, bellum denuncient; ipse vero hyemem illam in apparatu belli consumpsit. Reuerſi Cracouia legati, non dissimile eius, quod Conrado olim datum erat, responsum retulerunt: cuius ea vis erat, ut quiduis potius passuri Poloni Principes, qui ea de re Cracouiam ad Boleslaum conuenerant, quam aut tam inmanem, ac turbulentum fratrem recepturi, aut tributum cuiquam daturi esse viderentur. Itaque æstate anni sequentis millesimi centesimi quinquagesimi octauo Fridericus Imperator cum maximis Germanorum ac Bohemorum copiis per Saxoniam in Polonorum fines ingreditur, & ad vndecimum Calendas Septembris Oderam amnem, nemine prohibente, vado transiit. Nam Poloni Principes, etsi non contemnendam & ipsi magnam habebant, nusquam tamen ausi sunt aperte se tanto exercitui opponere: sed munera inter se copiasque partiti, quod equitatu abundarent, leuique armatura vterentur, partim in prædatores & pabulatores ex insidiis vim faciebant: partim villas & oppida sua, qua iter facturum esse Imperatorem suspicabantur, ipsi comburebant: partim etiam munitiones deliciebant, ita ut neque progredi recte Imperator propter pabuli ac commeatus inopiam, neque vestigium ponere firmo aliquo & munito loco posset. Erant in magna difficultate res Germanorum: quippe quibus neque frumentum, neque pecudes ad vescendum, neque vinum aut cereuisia ad bibendum suppeteret, omnia itinera Polonis obsidentibus. Itaque intestinorum dolore laborari vulgo coeptum, quo morbo plurimi absumpti sunt: iamque non mustitabant milites, sed apertis conuiciis & maledictis Imperatorem incessabant, quod ab eo ad inauspicatum bellum ob rem alienameducti essent. Quibus rebus permotus Fridericus Imperator, simul quod res Italice discissu eius turbata, eum ad se reuocabant, de reducendo exercitu cogitare cepit: sed metuebat, si nulla pace facta retrocederet, ut satis tuto id facere posset: quod non dubitabat, Polonos terga reuertentium pressuros, & aliquam Germaniae oram dimisso à se exercitu vicissim iuuafuros ac deuastaturos esse: sin pacis mentionem prior fecisset, pro victo se habitum ac contemptum iri: utrumque non ex dignitate Imperatoria fore. Etenim ex æquo turpe & ignominiosum est, eum, qui bellum alteri intulerit, aut pacem ultro offerre, aut rebus infectis retrocedere. Eum sensum Imperatoris cum probe calleret Bohemorum Princeps, siue iussus, siue pertæsus & ipse belli, agit cum Polonis, ut de pace ad Imperatorem mittant, aut ipsi veniant: sperare se, ac recipere, æquis conditionibus eam iri compositum. Amplectuntur Poloni eius consilium, petita acceptaque fide ad hostem profisciscuntur. Ibi multis ultro citroque habitis sermonibus, pax tandem his legibus constituitur: Ut Vladislaus ad Sil. siæ modo dominatum restituatur, cæteris se abſtineat: & ut Boleslaus vna cum fratribus trecentos hastatos equites Friderico Imperatori in auxilium ad Mediolanense siue Lombardicum bellum mittat. Et quo firmior hæc pax sit, Adleidam Imperatoris sororis filiam Mieczislaus tertiam uxorem duxit. Nā alteram, quæ fuit Vngara, haud ita multo ante amiserat, susceptis ex ea duobus filiis, Ottone & Stephano. Pace facta cum Polonis, deduxit Imperator exercitum, & anno sequenti expeditionem in Italiam profectus est, Bohemorum

*Legatio
Frid. Imperatoris
ad Polonos.*

*Friderici
Imp. in Poloniam
expeditio.*

*Pax inter
Imp. & Polonos.*

*Silesia Vladislao
attributa.*

*Mieczislaus tertius
am uxorem
duxit filiam
am sororis
Friderici
Imp.*

*Boleslaus
alteram v-
xorem du-
xit.*

*Vladislaus
moritur.*

*Christina
mors.*

*Silesia Du-
cum origo.*

*Silesia di-
uisio.*

*Prussicum
bellum.*

*Pruteni re-
ligionem
Christianā
recipiunt,
& mox
vires
abiciunt.*

morum & Polonorum auxiliis adiutus. In ipso autem procinctu Vladislao Bohemorum Principi Ratisbonæ diadema imposuit, Regemque cum appellauit. Fames deinde Poloniam afflixit, frumento belli tempore partim nō demesso, partim ab hostibus consumpto, partim vero à Polonis ipsis corrupto. Mortua est eo anno Anastasia Boleslai vxor ex dolore partus, cum Lescum alterū filium peperisset: nam biennio ante Boleslaum pepererat. Duxit postea Boleslaus alteram vxorem Helenam Rosicislaui Præmisliensium Principis filiam, suāsu fratrum, cum ad Adleida Mieczislaui coniugis puerperium conuenissent. Apparabat iam Vladislaus reditum in patriam opera & beneficio Friderici Imperatoris impetratum, post tredecim annorum exilium: verum in ipso apparatu extinctus, & Aldenburgi in Holsatia sepultus est: ita vt non irrita fuerit Archiepiscopi Gnesnensis deuotio, nec potuerint humani conatus diuinam sententiam, & iustā fratrum & patriæ violatoris ultionem immutare. Vixit autem Vladislaus quinquaginta quinque, præfuit Polonis non integros sex annos: liberos reliquit masculos tres, Boleslaum, Mieczislaum & Conradum, cui Lascongo propter gracilitatem crurum cognomen fuit: quem quidem Conradus Imperator Fuldenfi Abbati educandum dederat. Christina vero Vladislai vxor Aldenburgi in exilio consenuit, vitamq; cum morte ibidē commutauit. Filij non aui absente Imperatore Silesiæ Principatum ex fœdere patri promissum repetere, quarto demum anno post mortem patris, nempe anno à Christo nato millesimo ceteresimo sexagesimo tertio instante apud Boleslaum Friderico, cum is ab Italica expeditione capto Mediolano reuertisset, reuocati, Silesiam omnem, quæ continentibus syluis à reliqua Polonia diiimitur, vsq; ad Bohemorum Misenensiumq; fines, in ditionem suam acceperunt, ea quidem lege, vt maiestatem summi Principis Polonorum comiter conseruarent, neue patris tyrānidem imitaretur. Vt autem omnis dissidiorum materia inter fratres deinceps tolleretur, patrui inter eos ditiones partiti sunt, ita vt Boleslao, qui Procerus siue Altus cognominatus est, Vratislauiensis tractus: Mieczislao Ratiboriensis & Opoliensis: Conrado vero Glogouiensis & Crosnensis obtingeret. Ex his Mieczislaus insano mulierculę cuiusdam amore captus, Opauiam ipsi iure sempiterno donauit.

Restitutis Vladislai filiis, sublatoque omni metu belli, Boleslaus Crispus Princeps Polonorum, ex fratrum & fratris filiorum, consiliq; totius sententia, Prutenis, qui iam inde à Boleslai Crinousti morte à fide Principū Poloniæ & à religione Christiana descuerant, bellum fecit: traductoq; Ossam armem exercitu, tripartito agmine ad interiora ipsorum penetrauit, ferro & incendiis omnia miscens, & magnas prædas agens. Ea vastatione moti Prutenorum primores, cum vires suas impares tāto bello sustinendo esse animaduertent, quippe qui non plus decem millibus peditum, & sexdecim equitum facere possent, supplices à Boleslao pacem petunt, imperata se facturos pollicentur. Negat is pacem se eis daturum, nisi stulta & vana multorum Deorum superstitione sese abdicent, & Christianam religionem populariter recipiant. Darius hoc Prutenis videbatur: sed tamen impendentibus malis acti, accipiunt conditionem: demoliuntur fana & simulacra falsorum Deorum, vni vero Deo Christianorum deiecta ac desolata pridem instaurant: liberos post desertam religionem sibi natos, ritu Christianorum initiant, certatimque omnes nomina Christo dant, sed magis deuitandi præsentis periculi

culi metu, quam ex animo. Itaque deducto exercitu & amoto metu, rursus ad ingenium redire. Vixdum circumacto anno, Pruteni in pristinam impietatem aperte relabuntur: ritus Christianos explodunt: sacerdotes eiiciunt: templa profanant. Veriti autem, ne extrema quæque pro his, quæ patrarant, paterentur, ad Boleslaum Principem legatos mittunt cum donis magni precij: profitentur se in eius fide permanere, ceteraque omnia iussu eius facturos esse, religionis modo Christianæ necessitatem ut sibi remitteret: multitudinem patrias & auitas religiones neutiquam velle, aut posse abiicere, & omnia prius malle perpeti, quam ab inueteratis tempore & consuetudine ritibus ad novos transire. Leuius, quam decebat Christianum Principem, violatam & neglectam ab ipsis religionem ferre Boleslaus visus est, cum inde fide erga ipsum sua nihil mutarent. Itaque sic tunc legatos eorum dimisit, ut factum eorum approbasse videretur, pluris faciens suam quam Dei maiestatem: siue adeo muneribus, quæ sapientum quoque mentibus caliginem offundunt, delinitus. Pruteni videntes impune sibi cessisse prima causa, sublatis animis haud ita multo post exactores Principis propellunt: factaque manu valida è promiscua hominum multitudine, Culmensē tractum & Masouiam nec opinantibus Polonis ingressi, crudeliter vastarunt, ingentesque pecudum ac hominum prædas abegerunt. Qua de re certior factus Boleslaus, nihil sibi fecit reliqui ad celeritatem: quin cum paucis, quos circum se habebat, & quos proficiscens adiungere sibi potuit, militibus auxilio suis accurreret. Sed iam Pruteni abierant, nec eos longius ille cum paucis cursu defatigatis persequi ausus est. Verum fremens, & sibiipse ob superiorem conuiuentiam displicens, tunc quidē ditionis suæ fines quali quali præsidio aduersus repentinas Prutenorum excursiones muniuit: ceterum anno sequenti millesimo cêtesimo sexagesimo septimo, maiore vi & apparatu expeditionem in eos fecit. Aderant & fratres cum instructis suorum copiis. Pruteni sceleris & perfidiæ suæ sibi conscij desperabant veniam, nec satis virium ad sustinendos Polonos habere se iudicabant. Itaque in remotas sylvas & inuias paludes se cum gregibus & armentis abdunt: nihilominus exquirunt, quomodo Polonos insidiis & dolis circumueniant. Erant apud Boleslaum in castris Pruteni quatuor perfugæ non ignobiles, qui sic iam probarent fidem suam Boleslao, ut iis ducibus & consultoribus in expeditione illa maxime vteretur: erant enim periti regionum & rerum Prussicarum. Eos Pruteni clam per certos homines, qui & ipsi transfugas se simularant, magnis donis, maioribus promissis ad prodicionem pellexerunt: tempus & ratio prodicionis constituitur. Magnam iam Prussicæ partem Poloni depopulati, ad syluestria quædam, palustria, & vlginosa loca peruenerant, quæ in speciem herbida ac compascua, limosos abscissus & voragines occultabant. Circum hæc, uti conuenerat, latebat Prutenorum exercitus. Ibi transfugæ magnum numerum pecoris ad ea loca compulsum esse, magnamque multitudinem hominum cum rebus & facultatibus suis se recepisse, affirmant, persuadentque Principi, ne prædam illam contemnat. Vbi primum agmen, quod Henricus Sendomiriensis Dux Boleslai frater ducebat, agere aliquantum progressum esset, dictitantibus transfugis, perbreuem eam esse difficultatem: ibi signo dato subito Pruteni pedites vndique è latebris prosiliunt, & sagittas omnisque generis tela eminus in impeditos coniciunt. Poloni neque progredi iam, aut consistere ex aduerso hostium, neque regredi poterant, ter-

*Prutenorum
desectio &
excursio in
Culmen-
sem tractum
& Masou-
iam.*

*Polonorum
expeditio
cōtra Pru-
tenos.*

*Poloni à
Prutenis
fusi.*

*Henricus
Dux inter-
fectus.*

ra abscedente, & equites ac pedites armatos absorbente. Erat miserabile spectaculum, cum Poloni sine ordinibus progressi, & inopinato hostium occurſu aut impulſi, aut perterriti, & terga vertebant, ſequē inuicem protrebant & conculcabant. Multi ibi mortales caſi, longe plures voraginibus abſumpti ſunt. Pauci per cæterorum corpora ſalui ad extremum agmen, quod firmiori loco ſubſtiterat, ſeſe receperunt. Ibi Henricus Dux inter primos pugnans fortiter occubuit: ibi omne pene robur Polonorum afflictum atque debilitatum eſt. Reliquas copias Boleslaus cum Miecziſlao fratre nihil cunctati in Polonia tumultuarie reducere, ne Henrici quidem fratris corpore recepto, aut perquiſito. Pruteni mortuorum ſpoliis potiti, Diis ea ſuis, quibus victoriam illam acceptam referebant, conſecrarunt.

*Casimirus
ſit Dux
Sendomirienſis.*

*Casimirus
uxorem
ducit.*

*Sileſii Dux
ces in Bo-
leslaum
Principem
conciſatur.*

Sub finem eiufdem anni edixit comitia Cracouiam Boleslaus cum aliis de rebus, tum de Sendomiriienſi ditione, Henrico ſine liberis extincto, quid fieri oporteret. Poſt longam conſultationem placuit, vt Caſimiro minimo de filiis Boleslai Criuoſti, qui ad eam uſque diem exors patrimonij fuerat, principatus ille mandaretur: tametſi Sendomiria cum territorio & aliis quibuſdam proximis oppidis conſentiente Caſimiro Boleslao conſeſſa eſt, quo ad viueret, quo commodius onera Principatus poſſet ſuſtinere. Nec multo poſt duxit Caſimirus uxorem Helenam Vſeuolodi Bolzēſium Ducis filiam. Diſplicuerat id, quod factum erat de Sendomiriienſi ditione, filiis Vladislai: exiſtimabantque ij, partem eius aliquam poſt patruī mortem agnationis iure ad ſe pertinere. Et iam ante alienioribus erāt animis à Boleslao patruo, quod is munitiones quaſdam in Sileſia, cum eam iſtis traderet, in poteſtate ſua retinuiſſet. Reſidebant etiam in animis eorum iræ veteres, & dolor exilij, ereptique ſummi Principatus, & Cracouiienſis ditionis, quæ vtraque hæreditario iure ſecundum patrem ſibi arrogabant. Hęc omnia per commodam repetendi occaſionem oblatam ſibi eſſe arbitrabantur, quod inuiſum eſſe offenſione illa & re male geſta imperium Boleslai Proceribus ac equitibus pleriſq; animaduertebant. Forte non deerant etiam, qui eos in ſpem recuperandi illa vel omnia, vel pleraque clam vocarent, & operam ſtudiumque ſuum pollicerentur. Itaq; aperte querebantur de iniuriis Boleslai, arma bellumque ciuile non diſſimulanter parabant: è Germania auxilia & mercenarios milites accerſebant. Id vbi Boleslaus cognouit, virium ſuarum & offenſionis popularis ſibi conſcius, ac veritus, ne latius incendium illud diſſunderetur, per proceres & conſiliarios communes de rebus componendis agit, iſdemque arbitris de ſummo quidem principatu, ac de Cracouiienſi, itemque Sendomiriienſi ditione poſtulata filiorum fratris modeſte reſutauit, quod Cracouiienſem ditionem cum ſummo Principatu totius Poloniae cōſenſu coniunctam eſſe diceret: principatu autem iuſte eiecto patre eorum, ſumma omnium voluntate ad ſe delatum, & alioqui illo è viuīs ſublato, ad ſe, qui illi eſſet natu proximus, iure attinere. Sendomiriienſem vero ditionē recte fratri Caſimiro datam, quem non oporteret ex ortem eſſe patrimonij, eamque fuiſſe mentem patris, vt is cæteris fratribus abſque liberis decedentibus ſuccederet. De Sendomiriienſi non nihil ſe voluntate eius detraxiſſe, quo rectius onera ac dignitatem Principatus ſuſtineret. Idem ſe feciſſe in Sileſia, cum fratribus cæteris, tum vniuerſo Senatu aſſentiente. Sed tamen liberaliter ſe eis remittere & condonare, quæ ad eam uſq; diem in Sileſia retinuiſſet, quo maiorem in ſe patruī benignitatem agnoſcerent. Quo iuniore a illi eſſent, hoc impenſius

fius se, qui senior & usu rerum peritior sit, rebus eorum consulere æquum esse, ne temeritate sua, aut prauis aliorum consiliis seducti, eant præcipientes. Ita deliniti iuuenes Boleslai commoditate ac facilitate, Procerumque persuasione, cōquieuerunt, & nascens etiamdum perniciosum bellum suppressum est.

Non cessarunt tamen seditiosi quidam è Cracouiensi ditione homines equestris ordinis res nouare. Etenim conspiratione facta, cuius capita fuere laxa & Suentoslaus, potentes & factiosi homines, ad Casimirum Sendomiriensem Ducem, ætate & gratia populari florentem, summum Principatum deferebant: Boleslaum perosi, quod imbellem & ignauum ad obeunda Principatus munera esse dicerent: simul vt Mieczislao, qui ætatis beneficio Boleslao succedere debebat, viam præcluderēt, de quo non bene sentiebāt. Et egit quidem ipsis gratias Casimirus de studio ac iudicio: verum Principatum delatum modeste recusauit: quod negaret suum esse, fratri maiori & optime de se merito principatum eripere, quem omni ope defensum & adiutum ire deberet. Illos quoque non æquum facere, qui tot annos moderato illius imperio vsi, ad extremum quasi vetulum canem eum expellerent: & quidem bene merentem, & equitate animi prudentiaque sua potius, quam armis exortentia bella amolientem. Nam cladem Prussicam, qua maxime offenderentur, non tam temeritate eius, quam diuino permisso acceptam esse. Neminem neque tam felicem esse, neque tam omnibus horis sapere, quin offendant aliquando: perturbari etiam interdum diuinitus consilia Principum, & bene consultata male cadere, propter peccata populi. Quod si deterius etiam aliquanto Principatum administrasset, ferri tamen eum conueniret, propter patris Boleslai memoriam: in quem ingratissimi futuri essent, si progeniem eius tolerabiliter imperantem de principatu, quem ille maiorem in modum auxisset, deicerent. Se quidem non modo non fore socium eius consilij & periculi, sed etiam summo conatu fratri coniunctissimo & beneficentissimo opitulaturum esse. Ita rursus gliscens ciuile dissidium Casimiri grauitate & constantia sopitum est. Eodem tempore Vernerus Episcopus Plocensis, equestri rosarum familia, integritate & vitæ sanctimonia clarus, à Bolesta viro potenti ac violento Castellano Visnensi, propterea quod eum in ius propter pagum Carscum ademptum vocasset, causamque obtinuisset, per Prutenos subornatos trucidatus est, cum quibus ei non modica consuetudo erat. Quare cognita Archiepiscopus Gnesnensis Petrus familia Sreniauius, qui Ianico non multo ante successerat, de consilio cæterorum Episcoporum toti prouinciæ suæ sacris interdixit. Motus itaque & atrocitate facinoris, & interdicto Archiepiscopi Boleslaus **comprehendi** Bolestam, & ex vinculis causam dicere apud se, condemnatumque, in foro Gnesnensi, vbi hæc agebantur, extructo rogo cremari iussit. Vneri vero corpus Plocum delatum honorifice sepultum est. Aliquot deinde annis, quibus vixit Boleslaus, quietæ fuerunt res in Polonia, nec memoratu dignū quicquam gestum est. Postea moritur Bolesla² & Cracouiæ sepelitur anno Christi millesimo cætesimo septuagesimo tertio, cum Polonia principatum annos viginti septē tenuisset, vixisset sex & quadraginta, relicto vno filio Lesco, cui Albi cognomen inditum est, maior enim natu Boleslaus paulo ante patrem obierat. Moriens tutelam filij Casimiro fratri commendauit, eumq; hæredem filio substituit. Supellectilem vero omnem inter eundem fratrem, filium, & vxorem partitus est.

*Cracouiensis.
Nobilitatis
motus contra Boleslaum Principem.*

*Episcopus
Plocensis
occisus à
Bolesta.*

*Bolesta
vixit crematus.*

*Boleslai
mors.*

Anno Chr.
1174.

Boleslai Crispi funebribus exequiis peractis, cōuentus Cracouiæ à fratribus eius, fratribq; Vladislai filiis & Proceribus cunctis, de creando nouo Principe instituitur. Et quanquam minoris Poloniæ procerum & equitum studia in Casimirum inclinabant: vicit tamen maior pars, quæ Mieczislaum, qui maiori Poloniæ præerat, utpote natu maiorem, nequicquam prætereundum esse censebat. Verum is, qui puer ob grauitatem morum ac prudentiam Senis cognomen adeptus erat, suscepto Principatu prouecta iâ ætate, spes hominū fefellit. Nā consultore malo Henrico Kitlicio vtens, initio statim aspero & auaro dominatu hominū voluntates offendit: noua onera, noua vectigalia, & varias exactiones Nobilibus iuxta ac plebeis imponēs: & leuibus de causis, velut ob vrsū cæsum aut ceruum, captamq; dorcam, bonorum confiscatione multans. Solius enim tunc Principis in Polonia erant omnes vbiq; venationes. Adhæc, præfectos etiam suos & ministros aulicos in possessiones & facultates aliorum grassari aut iubebat, aut certe permittebat: nec afflictorum querimonias audiebat. Iudicia & alia munera publica quæstiose mandabat: ita vt mirum non esset, plura peccari ab huiusmodi magistratibus, quam ab ipso Principe. Vendebant enim ij libere, quæ ipsi emerant. Audiebantur vulgo suspiria, gemitus, & querelæ calamitosorum hominum: quibus permotus Gedeon Cracouiensis Episcopus, vir magni animi & constantiæ, Mieczislaum semotis arbitris adit: mixtisq; cum grauitate blanditiis, orat & admonet placide, more maiorum vt regnet, contentus vilitatis vectigalibus & operis hominum: ne quid præterea à libero populo exigat, abhorreere enim vehementer animos popularium à nouis oneribus, quamuis leuibus. Magistratus rite atque ordine dignis hominibus mandet, neu quid iniuste aut crudeliter ab eis fieri patiatur: eius enim periculo omnes eius vicarios ac ministros peccare. Commemorabat nonnulla exempla domestica vetustiora atque recentia, quibus eum ab instituto deterrebat. Sed nil plane profecit, nisi quod eum sibi infensum reddidit, & ita dimissus est, vt sua curaret: illa ad ipsum nil pertinere: se suo arbitratu, non ad cuiusquam præscriptum gesturum esse Principatum.

Gedeon Episcopus
Cracouiensis
corripit
Principem.

Mieczislai
contumacia.

Commen-
sus sapiens.

Tam superbe & procaciter reiectus Gedeon, haud remisit tamē sollicitudinem subueniendi afflictæ patriæ, atque emendandi Principis: & cum apertis monitis suis præclusum esse aditum ad aures eius inteligeret, callide comminiscitur, quomodo suo eum sibi iudicio reuincat: Mulierem subornat, quæ sordido ac miserabili habitu assumpto, vbi in conspectum Principis venit, lamentabili voce & eiulatu ementito opem eius implorat. Motus eius lachrymis & importuno clamore Mieczislaus, accitum quid queratur, quidue sibi velit, rogat. Illa gregē se ouium numerosum habuisse, & filio commendasse, illum porro mediastinis pascendum commisisse: eorum negligentia gregem à lupis dilaniatum, seque ad extremam inopiam in redactam esse: rogare, vt, cuius culpa damnum datum esset, ab eo præstaretur. Citati mediastini, qui pariter subornati venerant, negant sua negligentia damnum datum esse, verum adolescentis, qui priuignus, non filius esset eius mulieris, culpa, Eum enim venationi deditum, feroces canes alere, qui soluti, partim ipsi gregem laniarent, partim disiectum ac dissipatum lupis in prædam dederint. Eum igitur damnum præstare oportere: se neque

canes

canes abigere, neque dispersis ouibus succurrere potuisse. Aderat & adolescens, crimenque in mediastinos referebat: se praesidio gregi canes alere. Neque tamen satis illorum dicta refellebat. Cognita causa Miecziſlaus, cum non nihil cogitasset, condemnat matri siue nouerca adolescentem damni illati: approbantque, qui tum aderant Senatores, Principis iudicium. Ibi tum Gedeon: iuste, inquit, & sapienter iudicasti Princeps inclyte. Adolescens certe maternae calamitatis & laniati gregis culpam sustinet, quippe qui eiusmodi canes apud gregem habuerit, qui non modo praesidio gregi aduersus lupos non fuerunt, verum ipsi eum vel concepserunt, vel certe dissiparunt, quo magis luporum moribus esset obnoxius. Verum tunc de-
 mum iusti & veri iudicis functus eris officio, si iudicatum ipse facias, & quae in alios statuis, primus in te ipse praestes. In te ipse nunc iustam tulisti sententiam: te ipse condemnasti. Tu filius es huius amplissimae & florentissimae dudum Reipublicae matris tuae: sed tu te priuignum dici mauis (tamen si non tam tua haec culpa est, quam aliorum) te illa in lucem editum, ac tenere educatum ad hoc honoris fastigium extulit: tibi gregem suum, seque ipsam curandam ac tuendam commendauit: tu porro gregem eum nummariis iudicibus ac magistratibus tradis: tu feros canes, hoc est, crudeles exactores & praefectos facultatibus & sanguine innocentium hominum saginas: quorum cupiditate caeca & asperitate fit, tenuiores ut à potentioribus, perinde quasi à lupis impune diripiantur & opprimantur. Haec damna omnia ac incommoda Reipublicae tibi praestanda sunt, quemadmodum ipse iudicasti, si non humano, at diuino certe iudicio: quod nemo, quamuis magnus, quamuis potens, quamuis sapiens recusare potest, aut effugere. Relipisce igitur, & miseram sordidamque matrem, afflictam Rempublicam, quam florentem accepisti, respice: ne eas perditum quam seruare debes. Si praestare praeterita non vis, aut non potes, at in posterum ne quid loci querelis hominum relinquant. Ita autem existimato, per me tibi nunc vniuersam Rempublicam, ad genua tua accidentem supplicare. Quod si preces eius repudias, illa quidem fortasse diuinitus salutem & praesidium acta fuerit: at tu ultorem Deum experire, seueriorem fortasse, quam cognominis tuus Rex Miecziſlaus, quam Boleslaus eius nominis secundus, maiores tui: quam Vladislaus frater: quam denique omnes, quicunque usquam auare & crudeliter dominati sunt, quandoquidem eorum exemplis atque exitu non commoueris. Incensus hac oratione Episcopi Miecziſlaus, fremens è Senatu se proripuit: multa Gedeoni, multa cæteris Senatoribus, qui Gedeonis dicta approbare videbantur, minitans, & plusculum irae & odio suo indulgens, grauior etiam deinceps hominibus esse pergit.

Gedeonis oratio ad Principem libera.

Fortè autem in maiorem Poloniam proficiscebatur: eam occasionem nacti Primores, cum auctam etiam esse monendo acerbiter Principis viderent, & minas ac saeuitiam eius cum animis suis reputarent, conueniunt certo loco, & secreto inter se de salute sua & Reipublicae cōsultant. Princeps Gedeon amouendum esse Principatu Miecziſlaum tam praefractum & impotenter dominantem censet. Eius sententiam sequuntur cæteri, sed vnus oēs premebat serupulus, quem ei successorē darent. Ibi Stephanus Palatinus Cracouiensis Casimirum Sendomiriet sem Ducem nominat: grauitatē ei⁹, humanitatem, facilitatē, iustitiam, solertiam, vigilantiam, & animi moderationem prae-

Procerum de Principe consultatio.

Casimiri Ducis laus.

prædicat, iudicium, ac diligentiam in mandandis iudiciis ac magistratibus, liberalitatem in remunerandis recte factis, seueritatem in puniendis sceleribus & flagitiis etiam suorum ministrorum inprimis laudat. Quam sit fratri dissimilis, vel vno eius facto posse cognosci. Accidisse aliquando, vt cum aulico quodam suo Ioanne Gonario alea luderet animi oblectandi gratia. Incensum vtrumque vincendi studio, in profundam noctem ludum produxisse: pertæsos deinde ludi & vigiliarum, vno iactu summam reliqui luisse: vincentemque Casimirum, & quod lucratus erat argentum non modicum auferentem, palma manus in faciem à Conario ictum esse: illumque noctis beneficio elapsum, postridie inuentum, & ad Casimirum adductum. Clamantibus autem cunctis, eum capitis pœnam commeruisse, qui Principis maiestatem minuisset: minime gentium, inquit Casimirus, eum occidi oportere, qui dolore grandis iacturæ incogitans deliquisset, & cum fortunam, à qua damno affectus erat, vlcisci non posset, in se fortunæ alumnum commotus esset. Se magis in culpa esse, qui conditionis suæ ac dignitatis oblitus, eum ad ludendum prouocasset. Non modo igitur se eum absoluere, verum etiam ipsi gratias agere, quod se ictu illo admonuisset, ne quid indignum Principe in se admitteret, neu se ludo, aut vlli rei leui ac inhonestæ deinceps daret. Sic igitur illum Principem, seueriorem in sese, quam in alios iudicem, homini, à quo læsus erat, omnium iudiciis damnato, indulgisse: quin & argentum omne, quod ludo quæsierat, ipsi reddidisse. Ad eum igitur deferendum esse Principatum: eum iure & more Miecislao succedere debere: eum fama virtutum suarum & gratia plurimum valere apud omnes ordines, ita vt ei nihil negocij futurum sit, vim Meczislai, si is Principatum repetat, repellere. Si recuset, consensu suo & autoritate Reipublicæ, cuius ipsi personam sustineant, vel inuitum cogendum esse, vt causam publicam suscipiat. Huic sententiæ cum omnes assensi essent, indidem ad Casimirum recta contenderunt, eum recusantem, & pietatem suam, ætatisq; fraternæ prærogatiuam causantem, & repudiatum à se prius eundem Principatum commemorantem, excipiunt illi & refellunt, quod dicerent, longe diuersam esse rationem huius temporis à superiori: quod tunc quidem priuatorum quorundam consilio ac conspiratione delatum Principatum non sine iusta fugillatione violati officij in optime de se meritum & iuste imperantem fratrem Boleslaum, accepturus fuerit. Nunc vero Mieczislai mores ac tyrannidem publice perosis omnibus, nec diutius tolerare valentibus, à publico consilio eum rogari, vt afflictæ & oppressæ patriæ subueniat. Si persistat recusando, videat, ne ingratus & impius in patriam iudicetur, neue ea aliunde opem sibi petere necesse habeat. His atque aliis dictis vix tandem eum, vt postulatis suis anauerent, impulerunt. Sic Mieczislaus, cum non multum supra quatuor annos aspere & impotenter dominatus esset, absens Principatu deiectus est, anno post Christum natum millesimo centesimo septuagesimo septimo.

*Casimirus
ad Principi-
patum vo-
catur.*

*Mieczis-
laus prin-
cipatu deij-
citur.*

CASIMIRVS PRINCEPS.

*Anno Chr.
1178.*

CAsimirus fratre amoto ad ineundum Principatum, & redigendum in suam ditionem Cracouiensem tractum, qui Principatui peculiariter attributus erat, paruo comitatu profectus est, ne non accitus, sed velut inuasor alieni, venire videretur. Venienti magna cum lætitia & gratulatione obuiam prodiit ingens omnis generis multitudo, liberatorem ac seruatorem eum

eum salutans. Pulsus & exclusus omni suo dominatu Mieczislaus Ratiboriam cum coniuge ac liberis se recipit. Inde ad Fridericum Imperatorem asinum suum profectus, cum frustra opem eius implorasset, propterea quod & Italicis rebus distinebatur, & in Asiam expeditionem parabat: reuersus & omni auxilio destitutus, ad fratris misericordiam per internuncios confugit. Nec sane durum se & inexorabilem Casimirus fratri calamitoso & supplici, & summo Principatu sese abdicanti, suamque modo portionem petenti, præbuit. Indignum enim iudicabat, fratrem nil male vnquam de se meritum exulare & egere, à filio natu maximo Ottone omnibus fortunis exutum, qui Procerum quorundam fauore & ope maiorem etiam Poloniam, quæ in fide Mieczislai adhuc erat, occupatis nonnullis arcibus ac munitiõibus, ipsi eripuit, missisque ad Casimirum legatis in potestate eius se fore, & imperata facturum recepit: iratus patri, quod is præcipua quæque ditionis suæ natu minoribus filiis è tertia vxore susceptis destinabat. Cuius exemplum Pomerani quoque proceres secuti in Casimiri fidem se contulerunt. Cõmouit Casimirum ingens illa in fratre fortunæ mutatio, & inconstans rerum humanarum conditio. Itaque ad Senatum de reuocando Mieczislao, & ad dominatum suum restituendo refert. Grauitur Senatus, & non obscuro murmure eam Principis orationem excepit: petitoque seorsim ab ipso colloquendi & consultandi spacio, obiurgat Principem, quod priuatum officium publicæ salutis ac tranquillitati ante ferret, præsentemque pestem optime de se merenti patriæ, ac sibi ipsi quoque vellet accersere. Nunquam illum quieturum, neque vllam recuperandi summi Principatus occasionem prætermisurum esse: nihil de moribus & credelitate sua mutaturum, eiectionis suæ recordatione. Desineret itaque restitutionis illius mentionem facere, aut ipse quoque sibi ab infensa Mieczislao multitudine caueret. Hoc responso Senatus deteritus Casimirus, gratias agere singulis de tam constanti erga se voluntate, neque quicquam deinceps aperte de reuocando Mieczislao mouere: clam tamen, vincente misericordia & pietate, impenitus ipsi fauere, & vt sibi aliqua ratione prospiceret, monere: non aduersante se id facturum esse. Habebat Mieczislaus filiam nuptam cum Mesciugo satrapa in Pomerania, qui florebat opibus & gratia populari inter Pomeranos. Eius igitur opera reconciliatis sibi Pomeranis, & collecta aliquanta manu, inopinantibus omnibus Gnesnam interceptit, non ignaro, sed conuiiente Casimiro: nec cunctatus, complures alias munitiões partim vi, partim per ditionem capit. Quibus rebus consternatus Otto, petita & impetrata venia, patris potestati sese omniaque permisit. Sic Mieczislaus post biennium rursus omni dominatu maioris Poloniæ à patre attributo potitus est. Casimirus vero initio statim Principatus sui vestigalia illa & labores, cæteraque onera, quibus instituendis & exigendis Mieczislaus offenderat, sustulit: iudicia corrcxit: magistratuum licentiam coercuit: infinitamque potestatem circumscripsit: prauos quosdam & barbaricos Procerum ac Nobilium mores, quibus ij tam suos quam aliorum subditos opprimebāt, in comitiis apud Lenciciam habitis anno Christi millesimo centesimo octuagesimo omnino sustulit. Inoleuerūt enim superiorū Principū negligentia & cõnuentia, vt iter facientes quotiescunq; & vbicūq; collibitū esset, agros & prata rusticorum & oppidanorum depascerentur, ac non modo pabulum, sed etiam victum omnem ipsis imperarent, siue adeo ipsi effractis horreis ac cellis per vim auferrent: neque contenti, quantum li-

Mieczislaus senex à filio pulsus.

Pomerani ad Casimirum à Mieczislao desiciunt.

Z

Mieczislaus Pomeranorum ope ditionem suam recuperat. Otto patri reconciliatus.

Comitia Lenciciæ.

buiſſet, abſumpſiſſe, reliquum etiam malicioſe profundebant, diſſipabant, & corrûpebant, iumenta è pascuis & ſtabulis, atq; etiam iuncta curribus & aratris vtenda, vel potius ad curſum abutenda abducebãt: eaq; vel deſatigata & enecta dimittebant, vel, ſi forte placuiſſet, retinebant & uſurpabant. In poſſeſſiones & facultates morientium Epiſcoporum ac cæterorum ſacerdotum inuadebant, eaſq; crudeliter diripiebant. Quin & præſecti Principis idem faciebant, & Principis horrea, prædia, & fiſcû bonis, cultus diuini adminiſtris & egcibus dedicatis, augebant; Domæſticos quoq; motus quosdã per ea tẽpora excitatos optimus Princeps placide & ſine bello compoſuit, ita vt nulla non pars Reipublicæ curata, ac melius, quam dudum, conſtituta eſſe videretur. Obtinebãt Sileſiam, certis ac diſtinctis finibus Vladislai filij. Ex his Miecziſlaus forte ſua non contentus, Vratiſlauiam Boleslao ademerat; verum Caſimirus inter eos pacẽ fecit, & Boleslao quidem Vratiſlauiam reſtituit; Miecziſlao vero, quo æquiori animo conquiſceret, Oſuiecimenſe territorium de ſuo largitus eſt: filiumq; tunc ei natum è ſacro fonte ſuſcepit, ac de ſuo nomine Caſimirum appellauit.

Malicienſe bellum.

Oratio Caſimiri ad milites.

Anno deinceps Chriſti milleſimo cẽteſimo octuageſimo ſecundo ad Haliciam duxit exercitum, vt Miecziſlaum Ducem ſororis ſuæ filium, quaſi nothum à fratribus pulſum, reduceret. Moleſte ferebant eam expeditionem plerique Proceres, fortassis recordatione cladis apud illud oppidum Boleslao Criuouſto rerum potiente, acceptæ: muſſitabantque, ſe ad externum & iniuſtum bellum procul domo educi. Hæc Caſimirus, cum ad eum perferrẽtur, diſſimulauit, & in propoſito perſiſtit. Ad Haliciam ventum erat, cum nunciatur, Viſeuolodum Belzenſium, & Volodimirum Meſciſlai exulis fratrem Halicienſium Duces cum magnis copiis appropinquare. Tunc vero aperte Poloni fremere, & queri, ſe plane prodi hoſtibus. Ruſſi contra alacres, & pleni bonæ ſpei ex reſponſis ſagarum & magorum, quibus cogens apprime dedita eſt, proſpera omnia ſuis pollicentium, conuiciis Polonos laceſcebant. Nihil his commotus Caſimirus, paucis milites ad præliandum cohortatur. Eoſdem eſſe hoſtes, quos ipſi cum alias ſæpe, tum ſuperioribus aliquot annis apud Poſnaniam fratribus ſuis ducibus, pauci multos viciſſent: alacritatem illam incõſultæ temeritatis, conuicia vero mulicroſitatis eſſe argumentum. Ipſi, qui ſe viros ſemper præſtitiffent, manu ferroq; maledictas linguas vlciferentur, ſeque indignos eſſe illis maledictis, dignos maioribus ſuis Ruſſiæ domitoribus oſtenderent: & manibus partim patrum, partim propinquorum ſuorum, qui iis ipſis in locis dolo ac prodicione vici cecidiſſent, ſanguine perfidiorũ Ruſſorum parentarent. His animatos in aciem educit, ac ſiniſtro quidem cornu Nicolaum Palatinum Craouiẽſem ducem exercitus præſcit, ipſe vero dextrum adminiſtrat. Nec mora, ſignis canere iuſſis, pugnandi copiam facit. Explicant & Ruſſi acies ſuas, concurrunt infeſtis armis & animis, ac durum prælium committitur. Premebantur Poloni in ſiniſtro cornu à ſagittariis, nec iam ſuos ſatis ſeruabant ordines. Ibi Caſimirus re intellecta ſubſidium ſuis laborantibus ſubmittit, & inclinatam aciem vix reſtituit. Reprimuntur feroces Ruſſi, & mox mutata fortuna pedem referre incipiunt. Inſtant Poloni acrius turbatis ac terga dantibus: & cohortati ſe mutuo in fugam eos coniciunt. Quo animaduërſo cæteri, qui dextrum Polonorum cornu adhuc ſuſtinebant, terga vertunt & ipſi: perſequuntur Poloni, maiorem longe in fugientibus

Caſimiri victoria de Ruſſis.

tibus stragem edunt, permultos viuos capiunt: duces hostium commutando equos euasere. Deinde reuersi castra opulenta diripiunt: Halicienses mox deditionem fecere. Quibus Casimirus Mescislaum Ducem praefecit, accepto ab eo iureiurando, quod semper in fide & clientela Principum Poloniae futurus esset.

Dum haec in Russia geruntur, Mieczislaus senex, iam ante ad omnem recuperandi summi Principatus occasionem intentus, & multa saepe apud suos de Casimiro fratre questus, conatusque clam Procerum animos ab eo alienare, tunc vero absente Casimiro magis etiam curam & cogitationem suam omnem in id intendit: Lescum Boleslai fratris filium blanditiis captabat, Ziramque Comitem, qui curator & consiliarius Lesci à Casimiro datus Masouiam & Cuiauiam omnem gubernabat, muneribus & ingentibus promissis induxit, ut ipse à Lesci, qui lento morbo consumebatur, haeres scriberetur, tutorque reiecto Casimiro nuncuparetur. Videbat enim, permultum rebus ac viribus suis accessurum esse, si Masouiam & Cuiauiam sibi adiunxisset. Et expugnata quidem est adolescentis constantia curatoris persuasionem, quod is verebatur, ne paulo post à curatione illa Mieczislai autoritate amoueretur. Aseuerabat enim Mieczislaus, conuenisse sibi secreto cum Casimiro fratre, ut ipse pro interuerso principatu ius succedendi Lesci haberet. Igitur cum à Russica expeditione Masouij & Cuiauij reuertissent, iurant omnes in verba Mieczislai, Lesci iubente. Id cum accepisset Casimirus, ferebat æquo animo, & quauis ratione quam armis fratrem & alterius fratris filium sanare, iusque suum recuperare malebat. Et cito sane mansuetudini & lenitati eius fortuna respondit. Nam ut Mieczislaus curationem Lesci, ac dominatus eius administrationem adiit, amouit veteres magistratus & praefectos in Masouia & Cuiauia, nouosque arbitrato suo instituit, ac pro domino, non curatore se gerere cepit. Molestum ferebat Lescus, negligi se, viuientemque dominatu suo pene excludi: Zira vero autoritate sua excidisse se, & in contemptum venisse animaduvertebat. Vtrunq; poenitebat praecipitis consilij, quo se ab optimo Principe Casimiro alienassent, & ultimam patris voluntatem temere immutassent. Itaque optimum factu rati, male consultam emendare, ad Casimirum proficiscuntur: fatentur peccatum: excusant imprudenter verius, quam malitiose factum: deceptos se esse à Mieczislao, quod ei credidissent affirmanti, ita sibi cum Casimiro constitutum esse, ut ipse Lesci haeres fieret, procidunt, errati veniam petunt, orantque lachrymantes, ut se in gratiam fidemque recipiat. Ignoscit Casimirus supplicibus, comiter prius castigatis, & quod resipuissent, collaudatis, inde Lescum amplexus, exosculatus, & ampliter muneratus dimittit, & ad sua recipienda reuerti iubet. Atque ita ille fecit, & vix biennium postea vixit. Cum autem diuturno morbo exhaustus, destitui se viribus sentiret, Casimirum ad se accersit, & se viuente Masouiae & Cuiauiam possessionem adire iussit, ne quid postea Mieczislaus turbaret. Mortuus Ploeci à Casimiro honorifice sepultus est. Ex eo tempore Masouia semper, Cuiauia etiam aliquandiu deinceps in ditione Casimiri permansit. Agre successionem illam Casimiri tulit Mieczislaus, quod diceret, iure se quoque esse semisse fratris filio heredem esse: sed tamen gratiam & potentiam Casimiri reueritus quieuit.

Mieczislaus Masouia & Cuiauiam arte potitur.

Casimirus Masouiam & Cuiauiam suam potestatis facit. Lescus moritur.

Anno deinde post Christum natum millesimo ceteresimo octuagesimo quinto

*Bellum
Russicum.*

to bellum Russicum, ex eoque natum Vngaricum Casimirum excepit, ex huiusmodi causa. Mescislaus ad Haliciensē principatum à Casimiro reductus, vix exacto triennio propter impotentem dominatum, & quod in Polonos, quos circum se præsidij causa habebat, propensior erat, parum suis fidens, veneno sublatu est: reuocatusque Volodimirus ex Vngaria, quo se ex aduerso illo Haliciensī prælio receperat. Atque is, quod audierat, Romanum Vladimiriensium Ducem fratris sui filium à Casimiro Polonorum Principe missum Haliciam contendere, comœatum, auxilia, & reductionem à Bela Rege Vngarorum petiit. Sed non modo non impetrauit, sed etiam in vincula coniectus est: missusque celeriter cum non contemnenda manu à Bela Andreas filius, qui Haliciam in suam potestatem redigeret. Venienti Andree magno cum plausu Halicienses portas arcis aperiunt, rati, eum Volodimiri, non suam rem agere: præsertim affirmante illo, Volodimirum pone se sequi. Occupata arce, proficitur, id, quod erat, non Volodimiro, sed sibi dominatum se quæsiuisse. Deinde iurare omnes in verba sua cogit. Renuentes aut cunctantes modo capit, cæteros arce excludit, magistratibus amouet, ac per suos Vngaros omnia administrat. Cæterum Volodimirus tam aperte circumscriptus à Bela, cum biennium fere in custodia asseruatus esset, corruptis custodibus effugit, iisdemque comitibus Haliciam peruenit: sed arce tamen potiri non potuit, tenentibus eam ac defendentibus Vngaris. Confluxere mox ad eum Russi, cum quibus viciniam omnem latrociniis infestare cœpit, ingentesque prædas hominum, pecudum, & iumentorum etiam è Præmisiensī tractu, qui tunc Polonis parebat, egit. Non tulit id Casimirus, verum misso cū expeditis copiis Palatino Cracouiensi, prædatores illos persecutus, in remotiores sylvas ac montes propulit. Cum vero in angusto res suas positas esse Volodimirus secum perpenderet, iamque non tam de recipienda Halicia, quàm de salute sua cogeretur esse sollicitus, damnabat ipse consilium suum, quod Russos & Polonos, à quibus auxilium sperare debuerat, parui compendij causa in se prouocasset. Respicere deinde ad Casimiri clementiam cœpit: ad quem cum petita per internuncios fide venisset, facile non modo veniam, sed etiam auxilium impetrauit, dato iureiurando, se in fide & potestate Polonorum semper fore. Mittitur ad eum reducendum cum valido exercitu Palatinus Cracouiensis: coniungunt se cum Polonis Russi, coronaque Haliciam obsident, fossisque & castellis muniunt. ne quid ad obsessos importaretur, quos nouerant breui difficili annonâ vsuros esse. Alacres initio obsidionem atque omnia incommoda ferebant Vngari, qui arcē tuebantur, quod propediem Belam Regem cum magnis copiis ad liberandum filium affore sperabant. Sed cum is moraretur, nec iam alimenta obsessis suppeterent, deditiōem fecere, pacti cum Palatino, vt ipsis vna cum rebus suis saluis discedere liceret. Magnam ea victoria & restitutione Volodimiri laudem apud externos & maxime apud Russos Casimirus adeptus est: quod, quē Bela hospitem violarat, ipse hostem deuictu & eiecto Regis Vngariæ filio, in paternam sedem collocasset.

*Vngaricum
bellum.*

At Bela non ferens contumeliam obsessi & eiecti filij, ereptæque Haliciæ, querebatur violata à Casimiro fœdera, quæ Vngari cum Polonis à multo tēpore sanxissent. Et iustum quidem in Polonos bellum maiore vi moliebatur: tunc autem misso, quem ad manum habebat, exercitu, Polonia fines depulatus est. Idem fecerunt Poloni vicissim in Vngaria: Vastabantur vtrinque agri,

agri, exurebantur villæ, diripiebantur vici & oppida, miseri agricolæ & mercatores in seruitutem abducebantur, greges & armenta abigebantur. Grauius id ferre Poloni, fremere contra Principem, violatam ab eo cum Vngaris pacem & amicitiam querebantur, exuscitatumque minime necessarium bellum perfidi hostis gratia, quem non adiutum ac restitutum. sed supplicio propter vexatam Poloniam affictum esse oportuerit. Ne Vngaris quidem bellum illud placebat, distinebantur enim ij tunc bello Dalmatico cum Venetis gerendo. Agitur de pace per proceres vtriusque gentis: quæ cum difficilior *Inducia cum Vngaris.* coiret, quod vtrique ab alteris iniuria se affectos esse asseuerarent, tandem triennes induciæ fiunt, vt interim de pace per ocium constitueretur.

Collegerat permultum odij Casimirus apud plerosque proceres ac equites illa Volodimiri restitutione, & bello Vngarico. Igitur cum is forte in Russiam controuersiarum quarundam de finibus inter Vseuolodum Belsensem, & Romanum Vladimiriensem Duces componendarum causa profectus esset, celeriter conspirarunt contra eum Proceres. Mieczislaus accersit ad recipiendum amissum pridem principatû: & quo magis in eum studia populi inclinent, fingunt Casimirum in Russia veneno extinctum esse. Accurrit propere Mieczislaus, recipitur à proceribus, præfectis, & cætera multitudo: Cracouiam venientem portæ vrbis aperiuntur: arcis vero aditu arceatur à Fulcone Episcopo, ac Nicolao Palatino fratribus, qui à conspiratione illa alieni, firmo eam militum ac clientum suorum præsidio tenebant. Quo viso, aliam ex aduerso illius arcem in oppido excitauit Mieczislaus è robore, Bochnæ item aliam, de quarum munitionibus aduersariorum & Casimiri conatus reprimeret. At Casimirus certior factus de defectione suorum, auxilia Volodimiro, Romano, & Vseuolodo imperat, ipsosque proficisci secum iubet: præterea quantum potest voluntariorum & mercenariorum militum cogit. Cum his copiis Cracouiam contendit: coniungit se cum eo Nicolaus Palatinus cum non contemnenda manu: Mieczislaus, ubi appropinquare Casimirum cum valido exercitu cognouit, Boleslaum filium cum Henrico Kitlicio, qui ipsi cum aliorum consiliariorum, tum repetendi Principatum semper autor fuerat, in præsidio nouæ arcis relinquit: ipse in maiorem Poloniam maioris exercitus comparandi causa, magnis itineribus contendit. Verum antequam ille veniret suis suppetias, Casimirus summa ope aduersus, nonnam arcem vel expugnauit, vel per deditionem accepit, & exussit: fratris filio & plerisque omnibus aduersæ partis militibus non modo vitam & libertatem concessit, sed etiam ampla munera largitus est. Qua indulgentia & clementia sua ita sibi cum omnium, tum imprimis Mieczislai fratris animum deuinxit, vt nunquam is deinceps, quoad vixit Casimirus, de repetendo Principatu cogitarit. Cæterum Kitlicius, cum culpam illius belli solus sustineret, supplicioque se destinatum esse intelligeret, in penetralia primarij templi Trinitatis appellatur, Cracouiæ se abdiderat. Sed Russis victoriæ fiducia, & innata auaritia ad diripiendum templum irruentibus, in turbam se immiscuit, vt ignotus effugeret. Verum tumultu Russorum interuentu Casimiri sedato, Kitlicius in turba agnitus & comprehensus, Romano Duci à Casimiro traditus est in exilium deportandus. Russi præmiis affecti, domos remissi sunt. Cum Vngaris deinde certa pax constituta, & Principum ipsorum congressu confirmata, ea lege vt vtrinque oblitteratis iniuriis, & condonatis iniuicem offensis Rex Vngarorum Haliciensi ditione & Russia omni se abstineret:

Mieczislaus senex à minoribus Polonis ad principatû renouatur.

Casimirus principatû recuperat auxilio Russorum.

Pax & congressus Vngari cum Polono.

neret: communes amicos, communemq; hostes Vngari & Poloni haberent: ad extremum Proceres & Principes ipsi donis inter se certarunt, conuictumque amice soluerunt.

*Prussicum
bellum.*

Pacatis domi rebus, Casimirus Prutenis bellum intulit, vt cladem sub Boleslao Crispo acceptam, fratrisque Henrici mortem vlcisceretur, & gentem barbaram atq; rebellem domaret. Vbi ad fines Prutenorum ventum est, cautius exercitū ducere Casimirus, instructaq; acie, & exploratis itineribus progredi, pabulatum & frumentatum non nisi cum armatorum praesidio mittere: omnia deniq; circumspicere, ne quid detrimenti per insidias à vasto hoste acciperet. Nec sane irrita fuit ea cura & diligentia: obseruabant enim Polonos ex insidiis Pruteni, ad omnem occasionem bene gerendæ rei attentī. Sed in irritum ipsis cadebāt omnes conatus & doli. Poloni quacunq; proficiscebantur, incendiis ac cædibus omnia vastabant, nec vlli ætati, aut sexui parcebant, iusta ira & memoria cæsorū suorum animos omnium extimulante.

Pax Prutenis data.

Quibus malis victi Pruteni pacem supplices à Casimiro petunt: superiorum annorum tributa persoluerunt: imperata omnia in posterum se facturos sancte promiserunt: obsides centum dederunt primorum filios: captiuos Polonos dimiserunt: signa superiori bello de Polonis capta reddiderunt. Nam ad religionem Christianam, quam abiecerant, reduci se passi non sunt.

Deducto è Prussia exercitu, bellis omnibus, vel armis, vel benignitate, sapientia, & felicitate Casimiri extinctis, pacis artibus, hoc est, arcibus & oppidis instaurandis, moribusque & legibus ciuium emendandis reliquum ætatis tempus Casimirus transmittere cogitabat: & magnam sibi virtutis ac sapientiæ opinionem apud exteros iuxta atque suos conciliauerat: ita vt felix & admirabilis, & omnibus suis charus deinceps regnaturus esse videretur, cum subitus eum casus humi prostrauit. A Pontifice maximo Lucio eius nominis tertio reliquias Floriani martyris impetrauit, & in suburbano Cracouiæ septentrionali (quod post in formam oppidi redactum, nunc Cleparia dicitur) extructo splendido templo collocauit, idque templum preciosa supellectili dotauit. Porro diem martyris memoriæ sacrum, qui ad quartum nonas Maij anniuersarius institutus est, totum rei diuinæ in æde eiusdem diui Floriani impendit, largas in egenos & afflictos effundens elemosynas.

Quod fere omnibus festis diebus facere consueuerat, neque temere eos lufibus & conuiujs contaminabat. Insequenti die grande conuiuium instruxit: Proceres omnes, qui tunc aderant, inuitauit. Feruente conuiuium, exilaratis conuiujs, & multa de præteritis bellis ac periculis inter se conferentibus, ac Principis res gestas, & felicitatem celebrantibus, ipse nonnulla de immortalitate animi in medium proposuit. Deinde hausto mediocri poculo subito concidit, & paucis horis animam exhalauit. Subitusne moribus eū inuaserit, an venenum à muliercula, quam deperibat, præparatum hauserit, incertum est, nam & hoc sermone hominum diuulgatum est. Nec sane immunis & incorruptus ab illicitis amoribus & adulterijs vixisse fertur. Cætera moderatus, candidus, frugi, & abstinent, seuerus iuxta & clemens, bello paceque clarus, & laude dignus princeps. In fratres vero, & fratrum filios ita pius & indulgens, vt multa detrimenta, incommoda, & pericula eorum gratia subiret. Diuini cultus perquam studiosus, multa ad ornatum templorum contulit. Monasterium Suleuiciense in Gnesnensi Dice. cū Cisterciensi sq-

*Casimirus
moriatur.*

*Casimiri
mores &
studia.*

dali.

dalitati, antequam summum Principatum adeptus esset, condidit & locupletavit. In Principatu vero & Floriano martyri ædem & Collegium instituit; & Coprounicense monasterium eidem Cisterciensi sodalitati excitauit. Regnavit autem Casimirus annos septendecim propemodū, vixit sex & quinquaginta: reliquitque filios duos impuberes, Lescum (cui Albo à capillorum colore cognomen inditum) & Conradum; & filiam Adleidam, quæ decimo septimo post patrem anno mortua est, cum caste religioseque vixisset. Nam Boleslaum puerum admodum viperæ morfu extinctum vivēs Casimirus amisit. Fuit autem is annus, quo mortuus est Casimirus post Christū natum millesimus centesimus nonagesimus quartus. Quarto vero post mortē die in Basilica Cracoviensi sepultus est, magna vxoris, filiorū, atq; omnium ordinum comploratione.

L E S C V S A L B V S C V M M A-

tre, Ethnarcha Polonie.

FVnebribus iustis Casimiro peractis ibidem Cracoviæ, ut frequentes proceres atq; equites ad funus Casimiri cōuenerant, comitia instituunt. Ibi dies aliquot variis studiis ac sententiis certatum est. Et Fulco quidem Episcopus Cracoviensis, qui Gedeoni successit, ob memoriam Casimiri meritorū, censebat ad filium eius Lescum natu maiorem deferendum esse Principatū, & quidem priusquam Miecislav senex, aut Vladislav filij moliri aliquid possent. Alij contra periculosum esse afferebant, puero tanti imperij habenas committere: cauendum esse, ne hæreditarium principatum facerent, quem liberis suffragiis, cui vellent, mandare more maiorum possent. Quod si valere quicquam deberet sanguis & successio, Miecislav senem vnum de filiis Boleslavi Criuovisti superesse: ei deberi Principatum cæteris fratribus extinctis, iure & more gentium. Sin crudelem & impotentem eius dominatum pristinum perhorrescerent, esse proximos gradu Silesiæ Duces Vladislav Principis filios. Ex his Miecislavum Opoliensem & Ratiboriensem Ducem, & vicinum sibi esse, & armis prudentiaque multum valere. Eum, si Princeps renunciatus sit, & Miecislav senis conatus, quem verisimile sit, nō esse quieturum, reprimere, & tributarios principes & populos, si qui forte ad res novas aspirent, in officio posse cōtinere. Non iniquis auribus ea accepta est sententia: vicissetque adeo, ni Fulco eam refellisset, quod diceret, referendam esse hancce gratiam optimo Principi Casimiro, ne eius filij posthabeantur. Potentiores autem eos esse paternis meritis, clientelis, amicitis, ac dominatu hæreditario, quam vtrunque Miecislavum. Nam quod ætatem eorum & infirmitatem consilij quis causificetur, nihil esse. Esse iam pubertati propinquum Lescum: nec obstare quicquam, quin ei, dum adolescit, curatores & moderatores consiliorum de Senatu dentur. Assentiuntur tandem Fulconi omnes, & Lescum Album Principem renunciant. Sed interim, dum is adolescit, Proceres penes matrem eius Helenam imperium omne & summi Principis auctoritatem esse iubent, ea quidem lege, ne quid illa sine consilio Episcopi & Palatini Cracoviensis, qui curatores puero ac gubernatores dati sunt, faceret. Ibi Nicolaus Palatinus facta audientia, gratias agit cunctis de gratitudine erga defunctum Casimirum, ac de studio erga filium eius Lescum, primusque in verba eius iurat: & quoniam se cum fratre curatorem eius esse voluissent, eiusmodi iusiurandum

Anno Chr.
1193.

Comitia
Craconia
de creando
principe.

Lescus
Princeps
creatur.

*Mieczis-
laus aspi-
rat rursus
ad princi-
patum.*

*Bellum ci-
uile inter
Polonos.*

*Prælium ad
Mosga-
nam.*

randum ab omnibus exigit. Protinus igitur iurant cuncti, semper se Lesco Principi fideles & obsequentes fore. Hæc ubi Mieczislao seni, ita ut acta erant, nunciata sunt, maiorem in modum excauit, non solum quod præteritus esset, sed quod temporis etiam puncto exclusus, ne adesse sibi in comitiis posset. Itaque comparare ipse arma ad persequendam iniuriam: & suos, atq; etiam Silesios irritare, quod ad creandum cōmunem Principem, quem communi totius Poloniae iudicio eligi, & creari oporteret, neque vocati, neque expectati essent. Collecto itaq; exercitu maximo, magna celeritate Cracouiam contendit, sperans terrore solo exercitus, absque vlla prælij dimicatione se aduersarios, & Principatum ipsum in potestatem suam redacturum esse. Sed eum spes fecellit. Nam Palatinus Cracouiensis cognito hostili aduentu, non contemnendas etiam & ipse copias collegit; & Romanus Vladimiriensium Dux euocatus, non paruam Russorum manum in auxilium Lesci adduxit. Iam in Cracouiensis oræ fines Mieczislaus senex inuaserat, & ad Mosgauam amnem septimo à Cracouia milliario statua habebat, cū hostes adesse prius propemodum vidit, quam audiuit. Nondum ei Silesiorum auxilia conuenerant: id cum scirent aduersarij, anteuertendum sibi esse prælio existimarunt, dum pares hostibus esse possent; quibus vniuersis, si se coniungerent, impares futuri erant. Itaque instruunt acies, & pugnandi copiam faciunt. Nihil cunctatus Mieczislaus educit & ipse suos: concurritur infestis animis: magno ardore vtrinque pugnatur: cerneret miserabile spectaculum amicorum, affinium, gentilium, propinquorum, & fratrum, deuoto odio, nullaque misericordia aut respectu pietatis inter se confligentium: cadebant multi vtrinque: nemo referebat pedem: & magis ferre quisq; hostem, quam declinare ictum studebat. Boleslaus Mieczislai senis filius inter primos fortiter pugnans, in conspectu patris hasta tractus occubuit. Romanus pluribus vulneribus acceptis, Russis suis partim cæsis, partim disiectis, prælio excessit semianimis. Mieczislaus ipse fauciatus, cum sese, quisnam esset, detracta casside prodidisset, supplexque veniam peteret, seruatus, & ex acie clam eductus, fuga sibi consuluit. Nec multo post superuenere Mieczislaus & Iaroslaus Silesij Duces recentibus cum copiis: ad quos se recollegere dispersi exercitus maiorum Polonorum, fixisque signis quasi victores haud longe à loco certaminis confedere, cum ij, qui ex aduerso erant, perterriti ac diffugiētes, pugnandi copiam facturi non esse viderentur. Sed non tulerunt ij intempestiuam Silesiorum exultationem, cum ignominia sua coniunctam: verum celeriter à Gouoricio Palatino Sandomiriensi, cuius agmen in subsidiis superiori prælio collocatum erat integrius, recollet, & in ordines redacti in aciem processere. Nec Silesij pugnam detraxerunt. Certatum est collatis signis, ab his quidem, ut rem sua mora perditam restituerent: ab illis vero, ut victoriam partam retinerent. Cum ingens vtrinque cædes fieret, Gouoricus ab hostibus captus est. Quo facto minores Poloni perturbati terga vertere: sed nox tamen fugientes texit. Postero die Silesij, cum Mieczislaum senem faucium lectica domum referri cognouissent, nec vsque adeo fractos minores Polonos esse animaduertent, quin ij recolletis animis & viribus prælium instaurare possent: trophæis erectis, & abductis captiuis domum reuerterunt. Quieuerunt post aliquandiu tam Silesij, quam Mieczislaus senex, cum quod non satis prospere primi conatus ipsis cesserant, tum quod Cracouiensibus & sociis eorum neque animos, neque vires, neque constan-

tiam

tiam ad defendendum Lesci principatum deesse intelligebant. Dum hoc in statu est Polonia, venit à Pontifice Cœlestino eius nominis tertio legatus in Poloniam Petrus diaconus Cardinalis cognomento Capuanus: habitisque Synodis cum alia quædam, quæ aduersa religioni Christianæ & constitutionibus ecclesiasticis in utroque ordine inoleuerant, correxit, tum sacerdotibus iniunxit, ut concubinas & uxores, quibus tunc passim libere utebantur, à se abdicarent.

Anno millesimo centesimo nonagesimo octauo Volodimirus Haliciensium Dux mortuus, nouæ expeditionis occasionem Polonis præbuit. Ambiebant dominatum Haliciensem nonnulli Russorum Duces, & in his facile Princeps Romanus Vladimiriensium suo quodam iure sibi eum deposcebat, quod & Volodimiri fratris filius esset, & bene meritum de Polonis & Lescio Principe ciuili illo bello se esse diceret. Abhorrebant autem Halicienses ab Romano, crudelitatis eius metu. Itaque decreuit Senatus, ut Romanum Nicolaus Palatinus cum exercitu in Haliciensem principatum induceret. Ibi Lescus orare, ut sibi cum exercitu illo proficisci liceret. Pertæsum se iam esse mollis & ociosæ vitæ, quam hactenus inter cœtus muliebres apud matrem exegisset. Cupere se deinceps armatum inter armatos viros versari, & quæ Principis essent munera, usu condiscere. Si adhuc nequiret alium, tamen eum se usum in exercitu præstiturum, quem signa sua præstarent. Quod si non impetraret, tamen vel cum vno comite castra se secuturum esse. Itaque approbante Senatu & indolem dignam Principe, & neutiquam degenerem à maioribus ipsius certatim extollente, cum exercitu proficiscitur, Palatini Cracouiensis custodiæ commendatus. Vbi in Haliciensem agrum ventum est, occurrunt Halicienses armati & instructi: præferant enim Romano se addictum iri. Excipiunt Poloni eorum impetum, & minimo negotio in fugam eos coniciunt. Pulsi fusique veniam petunt, auri & argenti, gemmarum, vestium, & equorum magnam vim Lescio pollicentur, si ipse eos in ditione sua teneat, nec Romanum ipsis dominum imponat. Posteaquam non impetrarunt, imperata se omnia facturos promiserunt: portas arcis aperuerunt, iussique Romano sacramentum publice dixerunt. Is porro Lescio Poloniæ Principi fidem suam obstrinxit. His peractis, dimissoque exercitu Lescus Cracouiam rediit.

MIECZISLAUS SENEX ITERVM.

Mieczislaus vero senex quamuis post Mosgauienſe prælium ad male tē- Anno Chr. 1199.
tata prius arma ſegnior factus eſſet: animo tamen haudquaquā con-
quieſcebat, neque cogitationem recuperandi iniuſti ſibi præcepti, quemad-
modum ipſe exiſtimabat, principatus deponebat. Sed cum aperta vi perueni-
re ſe ad eum poſſe diſſideret, ad dolos cōueſus eſt. Ac primum quidem Cu- Cuiusvis
iauienſem oram, quæ in poteſtate Caſimiri liberorum erat, ditioni ſuæ fini- ſubacta à
timam fraude quarto, poſtquam ad Mosgauam male pugnauerat, anno in- Mieczislaus
tercepit. Quod facinus eius cum armis vindicatum non eſſet, propter ata- ſene.
tem puerorum, ac diſſenſionem Palatinorum Cracouiſis & Sendomiriſis (quæ ab æmulatione & obreſcitatione orta, eo uſque progreſſa eſt, ut Go-
uoricius Palatinus Sendomiriſis ſolum vertere cogeretur) maiora deinde
moliri Mieczislaus cœpit. Episcopum Cracouiſem & Palatinum fratrem Mieczislaus
eius, donis & ingentibus pollicitationibus ad prodicionem ſolicitat. Quod conatus.
vbi

vbi non successit, muliebrem sexum credulum ac deceptioni propter infirmitatem consilij obnoxium, blandis dolis adoritur. Ad Helenam Lesci matrem, penes quam tunc erat summa rerum, allegat: negat Lescum rite Principem creatum esse, neque se inuito certum stabilemque Principatum obtineri posse, quem ipse bis sibi præreptum omni ratione repetiturus & vindicaturus esset. Non deesse sibi consilia, non vires domesticas, non auxilia externa. Lescum vero puerum esse, curatores eius invidia laborare, bonam Nobilitatis partem clam secum sentire, Senatam in duas factiones diuisum inter se dissidere. Hæc omnia pro se, & contra puerum facere. Nuper id adeo rem ipsam declarasse, cum Cuiaviansem terram impune occupasset. Verum si sibi ea Principatum concedat, redditurum se esse filiis eius Cuiaviam, cincturumque ipsos militari Baltheo, & in filiorum locum adoptaturum, certosque sibi successores in Principatu ipsos designaturum. Et sane senem se esse, nec diu viuere & regnare posse: interim dum Lescus aptus fieret Principatui, rectius ac conuenientius eum à se, qui tamen de regia stirpe, & patruus Lesci esset, quam ab alienis, ac seruis suis administrari posse. Dedignari Nobiles æqualium dominatum, se & cæteros Duces à Ducibus ortos, & Regibus oriundos minime laturos inferioris ordinis hominum imperium: atque ita principatum Lesci vna cum ditionibus paternis in discrimen venturum esse. Eius rei non obscurum argumentum esse Gouoricij cum Nicolao Palatino Cracouiensi dissensionem. His inducæ & persuasæ credula mulier, nequicquam aduersantibus curatoribus ac cæteris proceribus, annuit Mieczislai postulatis, modo vt is iurisiurandi religione promissa stabiliat. Quod ille cum se facturum recepisset, conductæ die, quæ diui Bartholomæi memoriæ consecrata est, Cracouiam cum splendido procerum suorum comitatu veniens, haud grauatim fecit. Iurarunt & Proceres vtriusque partis, se ea omnia, quemadmodum pacta conuenta essent, rata firmaque habituros esse. Ita rursus Mieczislaus Principatu potitus est: Helena vero cum filiis Sendomiriam commigrauit. Nec multo post Gouoricus amicorum literis reuocatus, quod iam nil commune cum Nicolao habiturus esset, è Bohemia rediit.

Mieczislaus principatu potitur.

Terræmotus.

Hoc anno, qui fuit à Christo nato millesimus ducentessimus, ad quintum nonas Maij terræmotus vehemens meridiano tempore excitatus, aliquot diebus consequentibus permulta ædificia in Polonia, & in vicinia eius conquassauit: quæ res inaudita propemodum in his regionibus prodigij loco habitæ est. Annum totum nequicquam Helena Mieczislaum senem literis ac legationibus crebris de promissis admonuerat, nunc occupationes publicas, nunc aduersam valetudinem causantem, ad extremum ipsa cum Cracouia adit, eadem illa, quæ in pactis conuenerant coram orat & flagitat. Blandis ille eam verbis & pollicitationibus ducebat: instare illa importunius, fidemque datam requirere, & iurisiurandi religionem violatam queri. Ibi ille nihil iam dissimulans: iniquis pactis & iureiurando contra ius gentium atque ipsius naturæ exacto se non teneri: habere se ius gentium & naturæ certos suos hæredes, ex iusta vxore susceptos filios, & quidem iam adultos, ac maturos Principatui: eos pactis vllis aut priuilegio à successione sibi debita excludi nefas esse: & adultis filiis præteritis, alienis pueris tantum principatum tradi non oportere. Ita dimissa atque reiecta Helena, ingentis animi sui dolore damnare ipsa credulitatem suam & præceps consilium: sero Procerum consulta,

Mieczislaus promissa non seruat.

consulta, quibus in tempore non obtemperasset, probare. Neque tamen sollicitudinem pro filiis remisit. Reuersa Sendomiriam, dimissis circum proceres Cracouienses, quorum prius consilia contemperat, & apud quos gratam Casimiri mariti sui memoriam residere iudicabat, literis atq; nunciis, de iniuria ac perfidia Miecislai queritur: eorum fidem implorat: Casimiri merita publice priuatimq; extantia commemorat: liberorum eius pupillorum solitudinem, & indignam deiectionem Miecislai fraude & sua stultitia factam deplorat. Quæ à se male consulta essent, ab eis corrigi petit, quippe qui iure iurando suo se inauspicatis illis pactis cum Miecislao staturos esse promississent. Promissa etiam non leuia addit: adhæc odium Miecislai exaggerat. Et offenderat is iam sane non leuiter animos procerum & equitum, propterea quod nonnullos possessionibus certis & antiquis deturbarat, easq; suis quibusdam è maiori Polonia affectis & ministris donarat: & quod eisdem magistratus mandabat, indigenas præteriens.

Miecislai odium.

L E S C V S A L B V S C V M M A.

tre iterum.

ITaque quasi sublato signo pleriq; omnes Proceres Cracouienses in Miecislauum conspirant: quorum Princeps Nicolaus Palatinus Cracouiensis idoneam absente tunc forte Miecislao occasionem nactus, Cracouiam occupauit, Helenamque cū Lescio filio celeriter accersitos intromisit: reliquas deinde arces ac munitiones Cracouiensis ditionis nullo negotio recepit, cedētibus ultro, qui eas pro Miecislao tenebant, cum totius Cracouiensis cōuentus consensum & conspirationem viderent. Hoc anno Boleslaus procerus siue Altus Dux Vratislauenſium, amissis intra breue spacium temporis quatuor filiis mortuus, solum Henricum Barbatum heredem reliquit. Hic pro Benedictinis monachis Cistercienses in Lubensi monasterio collocauit, de Portensi monasterio euocatos: qui delicorum malorū genus, quæ etiānum de porta siue daporta vocantur, in Polonia propagauit. Filius vero eius de quatuor natu maximus Iaroslauus Episcopus Vratislauenſis Niſſam cū territorio à patre sibi datam Vratislauenſi Episcopa sempiterno iure adiunxit. Tercium deiectus Principatu Miecislauus, non destitit tamen rursus ad eum adspirare: nec eum conatus se fellit, & quidem iisdem, quibus prius, artibus grassantem. Helenā enim iterum blanditiis atque dolis aggreditur: affirmat, nō per se stetiſſe, quominus pactis satisfaceret: verū per proceres Cracouienses, & in primis per Nicolaum Palatinū. Eos nō fuisse se promissa implere: eamque eiectionis suæ causam esse, quod obnoxius contra eorum sententiam filios Casimiri fratris adoptare pertēderet. Se paratum esse fidem suam liberare, & absq; vlla procrastinatione Cuiuiensem tractum ipsi & filiis ei⁹ redditurū. De cæteris quoq; quæ in pactis essent, quibus illa vellet modis & monumentis cauturum esse. His cum eam emolliſſet, monet, vt clam Proceribus omnia faciat: Nicolaum autē ante omnia à se amoueāt & relegat, si sibi liberisq; bene consultum velit: illum seditiosum esse hominē, & pro libidine sua Principes instituere ac destituere, vt ipse alieno nomine dominetur. Probe intelligebat Miecislauus, vnū illum, cuius autoritatē reliquos cōuentus Cracouiensis sequebāt, sibi ad recuperādum Principatū obſtare. Nec difficulter pſuaſit mulieri omnia timēti, & omnia credēti. Nec deerant inuidi quidam & maleuoli, qui muliebrem animum in Nicolaum magis ac magis irritabāt.

Lescio Cracouia potitur.

Daporta poma.

Helenā à Miecislao decepta.

Neque Gouernicium Palatinum Sendomiriensem tantam vliscendi inimici occasionem neglexisse credibile est.

Factus autem certior de mulieris consilio Nicolaus, adit ad Helenam & filios eius, merita sua & studium in illos commemorat: orat, ne se, famam, caputque suum æmulis & inimicis suis prodant: quos quidem inimicos cepisset, dum ipsis fidelis esse studet, dumque caput suum pro eorum salute & imperio multis periculis obicit. Non priuato cuiusquam odio se oppugnari, sed velut obstantem vasis Mieczislai conatibus, & Casimiri optimi ac bene de se meriti Principis filiorum partes enixius defendentem, summa cum cōtumelia remoueri: propterea, quod se incolumi circumscribi illi, & à Principatu excludi non possent. Vbi videt, non commoueri precibus implacabilem mulierem, Posnaniam ad Mieczislaum quamuis infensum sibi contendit, saluti & incolumitati suæ prospecturus, simul & inimicos ingrathamque mulierem ulturus. Existimabat autem, non ingratham Mieczislao transitionem suam fore Nicolaus: quippe qui sciret, quantum in se vno momenti esset ad consequendum & obtinendum Principatum. Nec eum spes fefellit. Ab eo igitur veniam præteritarum offensionum petit, & in posterum eius studium suum defert: qua fide erga Casimirum & liberos eius eousque fuisset, eadem se erga ipsum fore, quantumq; dudum obfuisse, tantum breui profuturum. Accepit eum comiter & honorifice Mieczislaus, benigneq; & liberaliter habitum, & magnis promissis oneratum dimisit: ac per eum nullo negotio Cracouiensem omnem regionem in potestatem suam redegit. Tanta erat autoritate & gratia apud omnes ordines Nicolaus.

MIECZISLAUS SENEX TERTIVM.

Anno Chr.
1202.

Mieczislaus pacto
rum immemor.

Mieczislaus moritur.

ATque inde iam aperte profiteri Helenæ Mieczislaus, se pactis & iurando non teneri, quod non ipsius concessione aut ex pacto, sed Nicolai opera Principatum adeptus esset. Nec satis habuit, non reddere fratris filiis Cuiaviensem tractum: quin & Vislicense territorium, & tria præterea castella de Sendomiriensi ditione ipsis ademit: sua illa esse, & ad Principatum pertinere asseuerans. Hæc agentem, ac de redintegratione vniuersi principatus ac regni Poloniæ cogitantem, mors inopinata oppressit, sexuagesimum tertium vitæ annum agentem anno Christi millesimo ducentesimo secundo. Sepultus est Calissæ in templo Pauli Apostoli memoriæ dicato, quod ipse cōdiderat, & collegio Canonicorum instituto ornauerat. Verum oppido in alium locum postea translato, sepulchrum eius sub dio relictum est. Contulit autem is & alibi non parum ad amplificandum cultum diuinum. Nam Landense & Vangrouecense monasteria, & alia quædam, tum & ptochodochium siue hospitale recipiendis & sustentandis egenis Posnaniæ ad D. Michaelis extruxit & locupletauit, eiusque curam hospitalariis fratribus Hierosolymitanis mandauit. Reliquit autem Mieczislaus senex hæredes, Ottonem & Vladislaum filios, nam cæteri iam obierant. Quin & Otto non multo post patrem secutus est, relicto Vladislao item filio impubere: cui Sputatori postea propter crebræ spuitionis vitium cognomen fuit. Cuius tutelam Vladislaus patruus, qui Magnus & Lasconogus etiam à gracilitate crurum diuus est, aliquandiu gessit.

VLADISLAVS LASCONOGVS.

Mieczislao senefuncto, in Lescum Album rursus vniuersi fere con- *Anno Chr.*
 uentus Cracouiensis studia prona erāt, negabantq; locum esse crean- *1203.*
 do Principi viuente Lescō, qui iustus Princeps omnium esset suffragiis crea-
 tus, sed fraude doloque Mieczislai bis Principatu summotus esset. Aduersa-
 batur huic sententiæ Nicolaus Palatin⁹ cum Fuleone fratre Episcopo, quo-
 rum magna tunc erat autoritas & potentia propter splendorem familiæ, ma-
 gnasque necessitudines & clientelas, ita vt perdifficile esset in cōuentu quip-
 piam iis inuitis statuere. Erat autem Nicolaus infensus Helenæ Lesci matri
 ob superiorem iniuriam. Adhæc sciebat, Gouoricium, cum quo capitales
 gerebat inimicitias, principem in consilio atque in amicitia Lesci & Helenæ
 locum obtinere. Cessere tamen & ipsi consentienti multitudini: illud vero
 peruicere, vt ea demum lege Lescus Principatum reciperet, si Gouoricium
 Palatinum Sendomiriensem relegaret. Missi ad Lescum legati, mandata con-
 uentus exponunt. Dubius animi Lescus ob adiectam de Gouoricio condi-
 tionem, quid faceret, deliberat. Stultum aut certe damnosum esse videbatur,
 Principatum vltro oblatum recusare, & subesse alteri malle, omnibus cum
 præesse posset. Sed eicere per summam iniuriam charū sibi fidumque con-
 siliarium, ac de se bene merentem nolbat, indignumque iudicabat, tam
 duras & iniustas leges sibi dici. Cunctantem Gouoricium vltro hortatur, ne
 sua causa tanta commoda negligat: male sibi suisque posteris cum consultu-
 rum esse, si propter se vnum seniculum, & pauculos, atque eos incertos dies
 vitæ suæ, in aliam familiam transferri principatum sinat. Libenter se pro e-
 ius commodis ac honore in exilium abiturum, pro quo vitam quoque pone-
 re deberet atque cu peret. Felix ac sempiterna posteritatis memoria glorio-
 sum illud suum exilium fore, susceptum pro dignitate & amplitudine opti-
 mi principis. Commouit Lescum ea Gouoricij oratio, & insignis beneuo-
 lentia cum animi magnitudine coniuncta, in eam quidem partem, vt is illico
 negaret, tanti se facere Principatum, vt eius adipiscendi gratia tam fidum cō-
 siliarium proderet, immerentemque magistratu simul & patria eiiceret.
 Principatum quidem duplici nomine ad se pertinere, quod & hæres Casimi-
 ri esset, & à conuentu pridem electus atque expetitus, nunquam se eo abdi-
 casset. Verum tyrannicam illam vocem: Si ius violandum sit, regnandi cau-
 sa violandum esse, non placere sibi, qui iusto & legitimo imperio suos rege-
 re, à patre & maioribus suis didicisset. Proinde alium sibi Cracouienses pro-
 cures istis legibus quærerent, se in paterna sua ditione acquieturum esse po-
 tius, quam per scelus Principatu potiturum.

Cognita Lesci sententia, denuo consultatur in conuentu Cracouiensi de
 Principatu. Displicebat multis acerbitas decreti superioris de relegādo Go-
 uoricio: admirabantur Lesci virtutem, & excelsum vereque regium spiri-
 tum, qui carere Principatu mallet, quam insontem consiliarium iniuria affi-
 cere. Nicolao succensebant: neq; tamen mutare decretum illud poterant, re-
 fragante eo, & responsum Lesci quasi superbum & plenū contemptus cauil-
 lante. Nam quo clarius dederat Lescus propensæ in Gouoricium voluntatis
 documentum, eo magis potentiam eius Nicolaus reformidabat, summoque
 studio contendebat, vt cuius potius, quam Lescō Principatus mandaretur:
 perfecitque tandem, vt Vladislaus Lasconogus Mieczislai senis filius, quasi
 iustus

*Vladislaus
 Lasconogus
 princeps re-
 nunciatur.*

iustus hæres, absens Princeps renunciaretur. Missi ad eum legati, vix, vñ oblatum Principatum susciperet, ei persuaserunt: nec aliter tamen, quam si Lescus eum omnino repudiasset. Itaq; ad Lescum mittit: postulata Cracouiensis conuentus, & quid ipse responderit, exponit: negat se prorsus quidquam aduersus Lesci sententiam facturum, ad quem longe ante delatum esse Principatum sciret: neque se tam cupidum esse, vt principatus causa ius sanguinis violaret. Respondet Lescus: ea lege, quæ sibi à Cracouiensibus Proceribus diceretur, Principatum se accipere noluisse, nolq; nec aduersus animi sui sententiam facturum esse Vladislaum, si eum delatum accipiat. Hoc vbi responsum à Lescō Vladislaus accepit, tum demum postulatis Cracouiensium legatorum annuit, & Cracouiam profectus Principatum iniit: magna; facilitate, humanitate, iustitia, atque liberalitate studia & voluntates hominum adiungere sibi cœpit.

At Romanus Vladimiriensium & Haliciensium Dux immemor iurisiurandi sui, inaudita crudelitate Nobilitatem fere omnem Halicienssem, nullo supplicij genere vsus, extirpauerat: dictum illud subinde vsurpans, Mellem neminem, nisi interfectis apibus, secure vesci posse. Interfectorum autem & proscriptorum, ac metu tyrannidis diffugientium bona confiscarat, magna; diuitias constarat: vnde potens effectus. finitimis quoq; ducibus erat formidabilis, ita vt nōnullos sibi faceret tributarios, & alios eiiceret, alios institueret. His rebus elatus, vbi Lescū Principatu excidisse accepit, contemnere animi eius angustiam, vt ipse interpretabatur, & ætatē: maioraque moliri cœpit. Ac primum clandestinis excursionibus in Lesci ditionem sibi finitimam, deinde negociatorum Polonorum, in Russia rationes habentium, direptione, patientiam Lesci tentauit. Mox legatis eius amice res repetentibus, durius ac superbius respondit, ac Lublinensem tractum vltro à Lescō & Conrado poposcit mercedis nomine, ob stipendia facta aduersus Mieczi laum, & ob detrimenta in pralio Mosgauenſi accepta. Sed cum postulata ei Lescus & Conradus refutassent, quod dicerent, desertori, & ei qui ex acie profugisset, nil se debere: accensus ira, aperte iam Lublinensem oram latrocinio & populatione agrorū infestabat. Cohibebāt vero Sendomirienses libeiores eius excursiones, & ex eius ditionibus vicissim prædas agebāt. Maiore deinde vi Roman² bellum gerere instituit: coactoque valido exercitu Poloniae fines ingreditur, toti Poloniae atq; adeo religioni Latinae (sic enim Russi eos, qui principatū Romani Pontificis agnoscunt, appellant) exitium superbe minitans, ad interiora Poloniae contendit, immaniter & contumeliose in oēm sexum, ætatem, statumq; & maxime in sacerdotes, atq; etiam in innoxia teſta læuiens. Transmissoq; partim nauibus, partim vado flumine Vistula apud Zauichostum oppidum in ripa Vistulae castra locat, altero à Sendomirja milliario. Ibi cognoscit Polonos appropinquare: neque tamen credebat pugnandi copiam facturos esse. Vbi vero Polonos instructis aciebus adesse videt, consternari ac trepidare cœpit, quod imparato sibi præter opinionem dimicandū esset. Neque recte explicare ordines poterat, Polonis perpetuo cursu & magna cum vociferatione irruentib², cum ira & indignitas belli à socio ac tributario duce, ac de quo Lescus optime esset meritis, illati, animos ipsis adderet. Præerat autem Polonis Christinus Gosdouiſ Palatinus Plocenſis, vir acer & rei militaris peritus. Nam Lescus & Conradus adoleſcētes aberant: de consilij sentētia, cum aliquanta manu præsidij causa, eminens euentū præſij

Russicum
bellum.

Prælium ad
Zauichos-
tum.

expe-

expectantes, ut si qui durior casus exercitum affligeret, recipere se commode ad tutiora loca possent. Romanus vero in acie inter primos versabatur, strenui ducis fungens officio, ne manus quidem à Polonis abstinens. Feruente aliquandiu pugna, & multis utrinque cadentibus, cum Polonis ira virtusque suffragarentur, hostes vero abundarent multitudine, & Dux ipse cohortatione eos animaret, debilitatos confirmaret, & pedem referre incipientes sisteret, conspicati id Poloni, globo facto impetum in eum faciunt. Nec segnius ille resistit, donec strage suorum, confossoque multis vulneribus equo, fugæ præsidium mandare coactus est, equam effretam nactus: qua vetus, cum Vistulam iam transisset, immixtus multitudini suorum fugientium à Polonis instantibus in turba interfectus est. Exercitus autem hostilis partim pugnans, partim fugiens, ad internecionem fere deletus est. Fuit autem hic dies, quo apud Zauichostum pugnatum est, ad tredecimum calendæ Iulij, annus vero à Christo nato millesimus ducentesimus quintus. Per hoc tempus Lithuanigens fera, syluestris, & obscura Russorum agros prædis agendis infestare cœpere. A quibus cruento prælio victi, subera, restes, & fascis frödeos, quibus ea gens in balneis sudorem prouocare solet, tributum nomine deinceps pendere iussi sunt.

*Russi victi
à Polonis.*

L E S C V S A L B V S T E R T I V M.

Magnam è Russica victoria virtutis & felicitatis opinionem Lescus apud suos pariter atque externos consecutus est, eoque maius sibi desiderium in animis Cracouiensis conuentus accendit. Summis eum laudibus passim omnes efferebant, Vladislaumque suum præ eo contemnebant. Patrum etiam utriusque merita inter se comparabant: & reiectum à se temere & iniuste optimi Principis Casimiri optimum filium dolebant. Forte autem per id tempus, nondum circumacto anno à Zauichosteni prælio, Nicolaus Palatinus Cracouiensis vita defunctus est. Itaque summo iam eo obice, qui solus Lescum ad Principatum obstiterat, summo consensu conspirant, ut excluso Vladislao, Lescum veluti iustum Principem accersant. Acto conuentu, cui & Fulco Episcopus interfuit, legatos cum decreto ad Lescum mittunt. Nec ille, cum vniuersi conuentus consensum videret, cunctatus est, quin postulatis eorum annueret. Cracouiam igitur veniens Principatum nemine repugnante recepit. Nam Vladislaus vir modestus, & quietis amans, cognito consensu conuentus, cessit, ac Posnaniam se recepit, nec vlla re postea Lescum molestus fuit. Annus, quo hæc acta sunt, fuit post Christum natum millesimus ducentesimus sextus. Insequenti anno Fulco siue Pelca Cracouiensis Episcopus Palatini frater vita excessit: qui sibi & successoribus suis prærogatiuam loci & suffragij secundum Archiepiscopum in Gnesnensi prouincia, ab Innocentio tertio Pontifice maximo impetrauit. Cui successit Magister Vincentius Cadlubecus Præpositus Sendomiriensis, vir pius & doctus, qui primus Polonorum historiam gentis suæ conscripsit. In Russia deinde Lescus Princeps per legatos res quidam vario Marte gessit, siue excursionibus eius gentis in Poloniam prouocatus, siue ad ferendam Colomanno Regis Vngarorum filio opem inuitatus, siue utrumque.

*Lescum ad
principatū
accerfuit.*

Anno à Christo nato, 1211. Cometes decem & octo diebus mensis Maij, Cometa. coma in Orientem obuersa apparuit, futurorum malorum, quæ statim Poloniam utramque afflixerunt, prodigium: cuius & illa non minima causa fuit.

*Tartari
Polouciis
bellum in-
ferunt.*

fuit, quod Russi anno sequenti millesimo ducentesimo dodecimo nouum dirumque hostem nacti sunt, qui vires eorum deinceps penitus attriuit, & multas alias Christiani orbis gentes magnis calamitatibus & cladibus inuoluit, ac pene funditus evertit. Tartari enim gens Scythica, siue à flauio, siue à multitudine nomen habens, cum ante vltra Caspium mare, & intra Imaum montem ad orientem solem obscuri ignotique Græcis iuxta ac Latinis habitassent, circa annum Christi millesimum ducentesium secundum, vel secundum alios millesimum ceterisimum octuagesimum octauum finibus suis egressi, deuicto & interfecto Indorum Rege, cui seruierant, Asiam pene omnem victores longe lateq; peruagari, & Rha siue Volga flumine transmissi ad Occidentem progressi, vicinis Russorum Polouciis, campestria ad Tanaim & Mæotim paludem loca habitantibus, bellum intulerunt: ac commisso prælio, victores Tartari magna strage Poloucios & Russos, qui in communi periculo Polouciis opem tulerant, sudare & fugauere. Munitiones dein Polouciolorum expugnata: ipsi deleti, & omnis illa circa Tanaim & Mæotim ora cū Taurica Cherfoneo à Tartaris habitari cœpta. Deinde Russi debellati & subacti sunt, ita vt non modo tributa eis penderent, & iussa facerēt, sed etiam seruis ante suis Lithuanis prædæ essent.

Nullum deinde Lescus, quoad vixit, bellum gessit, pace & ocio impensius delectatus. In pace vero iuste, clementer, & moderate Principatum administravit: ædificia partim collapsa instaurauit, partim noua excitauit. Obibat autem cunctas regiones ditioni suæ subiectas, causasq; & controuersias hominum omnibus in locis ipse per se cognoscebat & iudicabat: in fontes, & maxime in calumniatores animaduertebat: oppressos à potentiorum iniuriis vindicabat. Pomeraniæ, quæ longius non sine incommodo à Principe ius petebat, Suentopelcum præfecit, & amplissimam potestatem ac iurisdictionem, etiam in Palatinos (qui tum duo erant, Gedanensis & Suecensis) & in ceteros magistratus ipsi concessit. De redditibus autem Pomeraniæ mille pondo siue marcas argenti quotannis fisco Principis Polonorum vt penderet constituit, & iureiurando in sua, posterorumque suorum Principum Poloniæ verba eam adexit. Masouiam vero & Cuiauiam de consilij conuentusque sententia Conrado fratri minori in sortem patrimonij concessit, comitiis eam potissimum ob rem Sendomiriæ habitis. Deinde duodetrigesimum agens annum, rogatu Procerum vxorem duxit Grimislavam Iaroslai Russorum Ducis filiam anno Christi millesimo ducentesimo vigesimo. Ex qua anno sequenti millesimo ducentesimo vigesimo primo Boleslaum, qui postea Pudicus appellatus est, deinde filiam Salomeam suscepit. Pacatis vero rebus omnibus tantum sub hoc Principe in Polonis religionis amplificandæ studium vigeat, vt eo potissimum inter se certarent. Nam Henricus Barbatus Vratislanienfium Dux, Hedwigis vxoris suæ (Bertholdi Ducis Moraviæ & Carinthiæ filia) scemina piæ ac religiosæ rogatu Trebnicensē monasterium tertio à Vratislauiā milliario maximis sumptibus exædificauit, & puellis Cisterciensis sectæ attribuit. Addixit autem Hedwigis, indulgente viro, illi monasterio oppidum ipsum Trebniiciam & complures pagos suos dotales, ita vt in mille hominum alimenta redditus eius sufficere vturū esse videretur. Quod exemplum secutus Nicolaus Henrichouius, vir nobilis & locuples, qui Henrico Barbato à secretis fuit, & ipse patrimonium suum omne Cisterciensibus monachis, assentiente Henrico Barbato donauit: exstructoque eis monasterio in

*Lescus fra-
tri Maso-
uia & Cu-
iauiam ccessit.*

*Lescus du-
xit vxorē.*

*Boleslaus
Pudicus
Lescus na-
scitur.*

*Religionis
amplifican-
da ardor.*

rio in pago suo Henrichouo, ipse quoque ibi religionē professus vitam per-
egit. Mieczislaus quoque Vladislai filius Dux Opoliensis & Ratiboriensis
Ribnicense monasterium Præmonstratenfis sectæ puellis condidit ac dona-
uit: & Vincentius Cracouiensis Episcopus, cum Basilicæ Cracouiensi multa
contulisset, Episcopatu se abdicauit, nequicquam aduersante Principe, ac
dissuadente collegio sacerdotum. Huic successit Iuo Sauli filius, qui Romam
profectus, Dominici Calaguritani (qui tunc nouæ sodalitatē & sectæ, quam
à studio concionandi Prædicatorum vocant, autor florebat) doctrinam vi-
tamque admiratus, Iacicum siue Iacintum gentilem suum de territorio Opo-
liensi, Canonicum Cracouiensem, & tres alios de comitibus suis, à Domi-
nico vitæ illius institutum edoctos atque profectos, Cracouiam reduxit, no-
uæque sodalitati primarium in vrbe templum, quod Trinitatis nomine ap-
pellatur, attribuit, & copiosam supellectilem templo dicauit: Paræciam
vero inde ad templum Virgini matri Dei Mariæ dicatum, ob id tunc à se cō-
structum, transtulit. Complura deinde eidem sodalitati cœnobîa in Polonia
condita sunt. Idem Iuo Cacicense etiam monasterium Cisterciensibus mo-
nachis condidit: nec multo post Mogilam supra Vistulam vno à Cracouia
milliario, locum à Vendæ Principis tumulo dictum, id transtulit, & magni-
fice locupletauit. Prochodochium quoque, siue hospitale egenis, & morbo
ac senio debilitatis Cracouiæ extruxit ac dotauit, illud templi Spiritus sancti
à se erecto adiecit. Henricus etiam Archiepiscopus Gnesnensis, Theodorici
Ducis Bernensis ex Eudoxia Polona filius, bonam & ipse in hoc pietatis stu-
dio nauauit operam. Perfecit enim diligentia & autoritate sua, vt Principis
atque omnium Ducum, Procerumque Polonorum consensu, & vniuersi cō-
uentus constitutione, ecclesiasticus ordo omnis cum adscriptitiis etiam ac
subditis suis ab omnium secularium iudicium, etiam Ducum, atq; ipsius sum-
mi Principis iurisdictione liber esset, ita vt ne per exceptionem vllam quidē,
aut reconuentionem pertrahi ad vllum ciuile forum possent. Eamq; consti-
tutionem Pontificis Maximi & sedis Apostolicæ autoritate confirmauit. Sa-
cerdotes vero omnes ex decreto Synodi à se conuocata, vxores & concubi-
nas, quas retinebant adhuc plerique, post edictum Legati Pontificij, abdicare
coegit, iureiurando ab eis exacto. Hic etiam obtinuit à sede Apostolica Ar-
chiepiscopis Gnesnensibus perpetuæ legationis munus. Mortuo deinde an-
no Christi millesimo ducētesimo decimonono, cum decem & nouem annis
ecclesiæ illi præfuisset, Vincentius successit. Biennio post densæ ac continen-
tes per totam æstatem imbres, ingenti aquarum inundatione vehementer
Poloniam afflixere: plurimos pagos ac vicos euertit, atque abripere: sege-
tes hyernas vastauere; vernam sementem fieri passi non sunt. Consecuta
mox est hyems acris & horrida. Inde fames & pestis postea totum triennium
sæuientes, maximam vim iumentorum atque hominum absumpsere. In his
tantis malis Iuonis Episcopi beneficentia egentibus passim exposita, permul-
tis saluti fuit.

*Inundatio,
imbres in
Polonia.*

*Fames &
pestis.*

Concefferat Lescus Conrado fratri Masouia, Cuiavia, ac Dobrini do-
minatum. Sed quoniam is iuuenis admodum erat, & ocio, desidîa, volupta-
ribusque deditus, Christini Palatini Plocensis arbitrio pleraque omnia ad-
ministrabat Etrete is sane se gerere, domi scelera seuere coercere, foris Pru-
tenis & Lithuani finitimis formidabilis esse, ita vt vulgo iam ab exteris ma-
gnus Masouia Palatinus vocitaretur. Inuidere ipsi eam gloriam & autorita-

tem multi, atqui in his Ioannes Czapla Scholasticus Plocensis, & Cancellarius Ducis cæteris impensius. Itaque is sedulo Cristino apud Conradum obtrektabat, & inuidiam odiumq; omni ratione conflabat. Admonebat crebro Conradum Cristinus officij sui: & cum remissiore & nequiorē indies fieri animaduerneret, in frequenti quoq; Senatu forte acrius obiurgaret. Eam igitur occasione exoptatam æmuli eius cupide arripuere, iratumq; sua sponte Cristino Conradum magis etiam irritarunt, multis falsis criminibus in eum cōstitis, & inprimis, quod is ad dominatum Masouiz aspiraret, ac Conradi vitæ insidiaretur. His incitatus Conradus, Cristinum in vincula coniecit, deinde excæcauit, postremo necauit, liberosque eius proscripsit: optime merentem pessime remuneratus.

*Cristinus
Palatinus
Plocensis à
Conrado
Duce neca-
tur.*

*Pruteni
Culmensē
tractum
sua potesta-
tis faciunt,
& Maso-
uiam va-
stant.*

*Cruciferi
in Prutenos
euocati.*

Cæterum non impune hoc scelus Conradus abstulit. Nam vbi sublatum de medio Cristinum Pruteni acceperē, resumptis animis in ditionem Conradi incurserunt, & Culmensis tractus magnam partem Palatini eius loci, cū is puellæ cuiusdam Prussicæ amore captus esset, proditione in potestatem suam redegerunt. In Masouiam vero progressi, maximis eam affecere incommodis, ferro & igni longe lateq; grassantes, ita vt Ploscum etiam oppidum Masouiz caput exurerent. Quibus malis adactus Conradus, cum Prutenorū excursionibus cohibendis per se ipse par non esset, cruce signatos in auxilium contra Prutenos Christiani monachi si & Cisterciensis opera vndequeq; euocauit. Inter quos facile Principes erant Henricus Dux Silesiæ, Vratislauiensisq; & Lubussensis Episcopi, & multi è nobilitate Polonica: quorū ope cum Culmensē & Lubauiensē tractū in potestatem suam redegisset, Christianum ibi primum Episcopum instituit, quo per eum barbari ad religionē Christianam adducerentur. Id anno Christi millesimo ducentesimo vigesimo secundo actum est. Nec tamen ab illo cruce signato exercitu perdomari Pruteni potuerunt. Itaq; Conradus inito consilio, & missa ad Albertum Archiepiscopum Rigensem legatione, sodales siue fratres militiam Christi professos, qui rubrū ensē cum cruce in pallio infutum gestant, è Liuania euocauit. Verum ij quoq; vno prælio, quod biduo durasse memoratur, obriti à Prutenis, ac deleti sunt; ita vt quinque solum euaderent. Dum hæc ita geruntur, Lesco Principi nouus hostis exortus est, ex huiusmodi causa. Suppetias is Conrado fratri contra Prutenos miserat, siue ipse iuerat. In eo exercitu & bello Ioannes gente Gryphius equestri loco natus, & nonnulli alij, quorum nomina non memorantur, cum aliter, quam ipsis & eorum genere dignum erat, se gessissent, cæteri; fuga eorum proditi occubissent, reuersi ignominia notati, & magistratibus à Lesco amoti sunt. Per moleste tulit eam notam familiæ suæ iniustam Marcus Palatinus Cracouiensis (nam & ipse Gryphius erat) itemque Andreas Magister & Canonicus Cracouiensis, præfati Ioannis frater. Itaque cum clam contra Principem cum cæteris suæ factionis conspirassent, Marcus Palatinus ad Henricum Barbatum profectus, persuasit homini, vt ad Principatum iurisdictionem ad se pertinentem, quippe qui natus maximus tunc esset in familia Boleslai Criuouisti, sibi vendicandum adspiraret: operam ad id studiumque suum, & maximæ partis procerum equitumque Cracouiensis conuentus, quibus exosus sit Lesco dominatus, prolixè ipsi deferens. Henricus (vt est ingenium hominum, quoad opes, honores, & eminentiam insatiabile, & facile sperat, creditque, quod optat) passus est sibi persuaderi à Palatino, quem gratia & autoritate plurimum

*Henricus
Barbatus
ad principatū
in-
teruertē-
dum con-
citur.*

num valere apud suos nouerat. Itaque facta de suis manu satis valida, spei plenus, frustra reclamante vxore Heduigi, Cracouiam contendit. Non latuere Lescum molimina Marci, & apparatus Henrici Ducis. Igitur exercitum, quantum potest maximum, contra comparat, & à Conrado fratre auxilia accersit. Iam ad Dlubnam annem vno à Cracouia milliario Henricus cum suis copiis peruenerat, cum de apparatu & exercitu Lesci maiore quam suo, cognoscit, & maiorem longe, quam Marcus pollicitabatur, difficultatem adipiscendi Principatus reperit. Nec ausus rem praelij periculo committere, ad Lescum misit, tempus, locumque, & modum colloquij petens. Non abnuitt Lescus pacis & ipse amans. Conuenitur vtrinque pari numero procerum & stipatorum, erecto inter castra tentorio. Ibi multis vltro citroque sermonibus habitis, tandem Iuonis Episcopi opera maxime pax componitur inter Duces. Henricus iure suo, si quid haberet ad principatum, sese abdicat. Vtrique vero, nunquam se alterorum bonis & possessionibus inhiaturum, sed commoda honoremque alterorum inuicem curaturos defensorosque esse paciscuntur. Inuitatus deinde Cracouiam à Lescu Henricus, octo dies splendide & honorifice acceptus & habitus, qui hostis venerat, amicissim^o discessit. Marco Palatino, verisimile est, Lescum Henrici intercessionem reconciliatū esse. Nam post Lesci mortem, in eo conuentu, qui de eligendo Principe nouus habitus est, interfuit, & vxori filioq; Lesci non defuit.

*Barbati
expeditio
in Cracouiensem
principatum.*

*Pax & fœdus inter
principis
cognatos.*

Circa id tempus maior quoque Polonia non immunis fuit ab intestinis dissidijs & civilibus bellis. Vladislaus enim Sputator, Ottonis filius, nō dum egressus ex ephebis, dimitti ex tutela à patruo Vladislao Lasconogo, & patri cū eo dominatū statigabat. Cum nō impetraret, coacta clam aliquāta manu, Calissiam arcem interceptit. Qua de re certior factus Lasconogus celeriter cum tumultuariis copiis accurrit, arcem obsidet, non instructam ad longam obsidionem perferendam. Quintumdecimum diem iam durabat obsidio, cū commeatus obsessos deficere cœpit. Quocirca, qui in præsidio erant, vitam & incolumitatē pacti, arcē Lasconogo dedidere. Vladislav^o vero Sputator per noctem cum septem tantum comitibus effugit, & ad Lescum Principē Cracouiam, deinde in Vngariam se recepit ad Andream Regem, à quo benigne acceptus, nouē ferme annos apud eum metu patruī exulauit. Posthēc Vladislaus idē Sputator societate & affinitate clam per internuncios cū Suētopeleo Pomeraniæ præfecto inita, quod filiam eius Helenam vxorē ducebat monachi habitu clam in Poloniam rediit, & Suētopelei ope Vscæ arcē munitissimā interceptit, indeq; subiectas ac vicinas oras vexare cœpit: p̄dia patruī, & Mogilnense monasterium diripuit: complures nobiles, qui cum Lasconogo sentiebāt, interfecit. Hęc vbi accepit Lasconogus, validū ex omni dominatu suo conscribit exercitum: arcē Vscæ difficilē expugnata obsidione cingit, castella pluribus in locis extruit: vnde dispositi in stationibus milites obseruarent, ne quid ad obsessos importaretur, neue iterū Sputator manus suas effugeret. Vbi hac nō proficit, diuturna obsidione & fame ad deditiōē obsessos adgere statuit. Cumq; ad medium mensis Iulij à primo vere duraret obsidio, nec obsessi ē munitione prodirent, negligentius omnia cœpere agi in exercitu. Rari, atque ij inermes fere, & ebrij in stationibus apparere. In castris etiam pauci ac dissoluti obuersari. Hoc animaduerso, hi qui obsidebantur, alere etiam ipsi data opera simulato metu obsidentium negligētiā. Die quadā cum

*Vladislaus
Sputator
Calissiam
intercipit.*

infrequentes admodum stationes & infrequentia castra superne conspexisset Sputator, celeriter constructis in arce ordinibus, cohortatusque paucis milites, apertis portis erumpit, deiectaque nullo negotio statione hostium, ad castra curriculo contendit: ibi permagnam in inermibus, & inopinata re perturbatis stragem edidit, donec Lasconogus retractis & animatis suis, globoque facto, in cæde exultantes repressit, & in arcem compulit. Quo incômodo consternatus postero die obsidionem soluit. Discedentem Sputator magna iam fiducia suarum virium secutus est, & multi ad eum à Lasconogo accepta fama prælij deficiebant. Posenia quoque & Calissia primaria oppida nõ grauante sese ei venienti dedidere.

*Suentopelci
ambitio.*

His tam secundis generi sui rebus Suëtopelcus Pomeranorum præfectus, cum alioqui magnis opibus & facultatibus terra marique partis & gratia populari tumeret, insolentior factus, à Lescio Principe magnopere contendit, ut se Ducis Pomeraniæ nomine & honore dignaretur, & sempiternum id sibi posterisque suis esse iuberet: ut ij tamẽ summo Polonorum Principi obtemperarent. Concessisse id auum eius Criuoustum Boleslaum in inferiore Pomerania & Cassubia Boguslao gentili suo. Refutauit postulata Suentopelci

*Suentopelci
defectio.*

Lescus: qua repulsa ille accensus, ad defectionem spectare cœpit, neque pensionem annuam de more Lescio misit. Lescus igitur cum consilium eius non modo hominum sermonibus, sed etiam re ipsa deprehendisset, communicato cum Henrico Barbaro consilio, Gansauam, quæ villa est Tremesnensis monasterij prope Znenam in maiori Polonia sita, vniuersæ Poloniæ comitia ad tertium idus Nouembris, quæ dies D. Martini sancti Episcopi memoriæ dicata est, indicit, quasi de Republica, ac de componendis intestinis Ducum maioris Poloniæ dissidiis: reuera autem, ut Suentopelcum prætextu comitiorum euocatum, sine armis & bello opprimeret. Subolsfecit id Suentopelcus, & ultro in Principem insidias intendit vna cum Vladislao genero suo, quod eius quoque iuxta ac suam rem agi diceret, & ad spem summi Principatus adipiscendi eum incitaret. Conuenere ad præstitutum locum atque diem Lescus Princeps, Henricus Barbatas, Conradus, Vladislai duo, Lasconogus & Sputator Duces, magnusque Procerum numerus. Suëtopelcus solus moras necebat, missisque subinde per speciem excusandæ suæ moræ hominibus, statum omnem comitiorum cognoscebat, & occasionem peragendi cogitati facinoris captabat. Cum triduo de pace inter Vladislaios tractatum esset, ac Suentopelci aduentus requireretur, propterea quod totius conuentus sententiæ eo inclinabant, ut ipse & Pomerani maioribus Polonis de damnis cum Sputatore illatis satisfaceret, quartaque dies comitiorum curandis corporibus data esset: ad balneum se Lescus & Henricus contulere. Ibi Suentopelcus cum expedita suorum manu adest, prope enim delituerat, & opportunitatem rei peragendæ didicerat: & in diuersoria ac tentoria proxima irrumpens obuios quosque, rei nouitate attonitos, facile aut remouet, aut obtruncat. Lescum quærît, ad balneum, ubi eum esse acceperat, contendit. Interim exaudito tumultu certior factus de hostili aduentu Suentopelci exilit, & equum nactus cum paucis fugere cœpit. Fugientem Suentopelcus cum plerisque suis persequitur: illum vnum se petere potissimum, in vno illo capite omnia sibi esse posita dictitans. Vbi effugere Lescus insequentium se manus non potuit, conuerso equo & reuocatis fugæ comitibus, cum aliquandiu multis & bene armatis nudus pene cum paucis restitisset, fortiter dimicans

*Comitia a
pud Gansauam.*

cans ad Marcincouum pagū occubuit. Henricus quoque etate grauis aliquot
vulneribus debilitatus ac prostratus in balneo, cum esset à Peregrino Weis-
semburgio, vno de aulico ipsius comitatu, corporis sui obitu protectus, se-
mianimis relictus est. Percussores rati vtrumque exanimem, discessere, & re-
colligendi se spacium Henrico concessere: qui raptim furtimque Vratislavi-
am lectica delatus à suis, haud ita multo post sanitati pristinè restitutus, & po-
steros Peregrini liberatoris sui magnis muneribus & honoribus prosecutus
est. Ex eo igitur tempore Suëtopelcus pro Duce Pomeraniæ gerere se cœpit.
Lesci vero corpus Cracouiam relatum, in Basilica magna omnium complo-
ratione sepultum est. Regnavit autem Lescus à morte patris annos triginta
tres propemodum, cum puer admodum ad Principatum euectus esset: sed in
his triginta tribus annis Miecziſlaus quidem duos fere, Vladislavus vero filius
eius tres annos, quibus summo Lesci Principatum obtinere, sibi vendi-
cant. Annus, quo hæc acta sunt, fuit à Christo nato millesimus ducētesimus
vigēsimus sextus.

*Lescus à
Suëtopelco
interfectus.*

*Suëtopel-
cus Dux
Pomerania
citerioris.*

Per hoc tempus Prutenis Masouiam vehementer vexantibus & vastanti-
bus, inops consilij Conradus Dux, habito conuentu suorum, tandem Chri-
stiano Episcopo suggerente, fratres Teutonicos, & ipsos piam contra bar-
baros militiam sub titulo S. Mariæ professos (qui paulo ante à Saracenis è Sy-
ria eiekti fuerant) per eum ipsum Christianum Roma acciuit. Culmensem-
que tractum, & quicquid est inter Vistulam, Mocram, atque Deruanciam
flumina, eis tradidit, his legibus: vt contra Prutenos sedulo, & summis viri-
bus bellum gererent. Vbi vero eos domissent, Culmensē quidem ditionē
redderent: cætera vero quæcunque de barbaris cepissent, arbitrio bonorum
virorum ex æquo secum, seu cum posteris suis partirentur: Polonis ne quam
vim aut iniuriam facerent, neue hostes ipsorum receperent, aut vllō fauore
prosequerentur: contra barbaros autem & à religione Christiana alienos, vt
ipsis, cum opus fuerit, præsto essent. Si quid horum transgredirentur, pœnæ,
quæ contra ingratos est ex iure gentium, subiacerent, hoc est, beneficia ac-
cepta amitterent. Hæc ita inter Conradum & Crucigeros, quorum tunc
Hermannus de Salcza summus magister erat, conuenere, & à Gregorio no-
no Pontifice maximo approbata & confirmata sunt. Atque hæc fere anno
Christi millesimo ducentesimo vigesimo octauo acciderunt. Sic ergo Cruci-
feri Masouiorum & Polonorum defendendorum, ac Prussiæ barbaris eri-
piendæ prouinciam susceperunt: breuique tempore Masouiis adiuantibus, &
voluntariis multis vndiq; pietatis ergo accurrentibus Prutenorum excursio-
nes repressere, & exiguo tempore magna in illis oris incrementa fecere: ar-
cesq; & vrbes non ignobiles paucis annis munire.

*Teutonico-
rum fratrum
ordo.*

*Culmensis
tractus
Crucigeris
concessus
iure hospi-
tij.*

*Præsta Con-
radum
Crucigeris.*

BOLESŁAVS QVARTVS PVDICVS.

Lescus è medio sublato, placuit Proceribus deferre Principatum filio eius
Boleslao: sed cum puer admodum esset, nec dum aptus administrando
per se Principatui, de eius tutela, ac de summa rerū nil constitui publico con-
silio potuit, cum Proceres inter se diffidirent, & nonnulli Conrado Lesci
fratri fauerent, iureque patrum pupilli tutorem esse debere assēuerarent:
alii vero, quorum maior pars erat, vna cum Gimislaua Boleslai matre, &
Marco Cracouiensi atq; Pacoslao Sendomiriensi Palatinis, profligatos Con-
radum

*Anno Chr.
1226.
De tutela
Boleslai &
principatus
admini-
stratione
conuener-
unt.*

*Bellum ci-
uile inter
Henricum
& Conra-
dum Du-
ces.*

radi mores perosi, ſequitiamque reformidantes, ad Henricum Barbatum Du-
cem Vratislauienſium tutelam pueri, & adminiſtrationem Principat' defer-
rent. Neq; vero illi liberis comitiorum ſuffragiis rem permiſere, ſed armis ac
per vim, quaſi oblatam fortuito prædam, dominatum pro ſe vterq; uſurpare
aggreſſi ſunt. Itaq; cõparatis vterq; magnis viribus, in Cracouienſem ditio-
nem inuaſere. Et arcem quidem Cracouienſem Grimſlauia cum liberis ob-
tinebat. Henricus vero maiore, quam Conradus celeritate uſus, & Procerũ
fauore fretus, duas ex tempore munitiones nouas excitauit, alteram prope
Scalam oppidum in colle, quem Prandicus amnis alluit: alteram ad Mied-
zibozum: eaſque validis militum præſidiis muniuit, vt inde aduerſariorum
conatus retunderet, tractumq; illum omnem in poteſtate ſua teneret, nec fa-
cile intercludi à ſua ditõne poſſet. Porro Conradus re cum Cruciferis con-
ſtituta, omnia ſibi in eo poſita eſſe exiſtimabat, ſi nouas munitiones & præ-
ſidia Henrici deiiceret, quod eorum fiducia Cracouienſes ſibi reſiſterẽt. Ita-
que ad Scalenſem munitionem oppugnandam contendit. Occurrit ei Hen-
ricus: durum prælium committitur. In quo multis vtrinq; cadentibus, Præ-
miſlus quoq; Conradi filius inter primos pugnans interficitur. Quo aduerſo
caſu fractus Conradus receptui canere iuſſit, atque pro victo abiit. Nec mul-
to poſt ad alteram munitionem duxit, quaſi mutaturus cum loco fortunam,
& acceptam ignominiam deleturus. Verum ibi quoque, cum eum Henricus
conſecutus eſſet, apud Vrocirſſum pagum eodẽ, quo prius, ac deteriore et-
iam euẽtu pugnauit. Henricus debellatum eum iam credens, & q̃ hyems in-
ſtabat, vt tẽpori agricolæ ſementem facere poſſent, dimiſit exercitum, ipſeq;
ſine vllõ metu cum paucis comitibus in Cracouienſi tractu verſabatur. De
quo certior factus Conradus, improuiſus cum expedita manu aduolat, Hen-
ricumq; in Spitcouienſi villa rei diuinæ vacantẽ capit, & in Maſouiam abdu-
cit. Hoc poſteaquam Henrici filius Henricus accepit, raptim, quantũ poteſt,
maximum conſcribit exercitum, ad patrem liberandũ. At Hedwigis pia, quæ
conſilium illud mariti de principatu adipiſcendo non probarat, tunc quoq;
dubios euentus belli ſecum reputans, & ſanguinis Chriſtiani atque cognati
profuſionem, belliq; calamitates perhorreſcens, iuncto curru in Maſouiam
ad Conradum, expeditionem filij anteuertens, excurrit, ac oriens belli parri-
cidialis incendium ſapientia ſua reſtinxit. Eius enim precibus & ſuaſu mo-
tus & placatus Conradus, Hẽricum & cæteros captiuos omnes dimiſit, dual-
que neptes ex Henrico filio, filiis ſuis Caſimiro & Boleslao vxores deſpon-
dit. Henricus autem tutela Boleslai, & adminiſtratione Principatus, iure-
iurando interpoſito, ſe abdicauit. Exinde Conradus fruſtra renitente
Grimſlaua Boleslai nomine Principatum in minori Polonia adminiſtrare
cepit.

*Conradus
bis victus
ab Henri-
co.*

*Henricus
Barbatus
à Conrado
miſſam au-
diens capi-
tyr.*

*Affinitas
inter Sile-
ſios & Ma-
ſonios Du-
ces.*

*In maiore
Polonia
motus.*

In maiori vero Polonia per id tempus res nõ adeo quietæ fuere. Nam Vla-
diſlaus Laſconogus poſt ſolutam illam Vſcenſis arcis obſidionem, coaduna-
tis nouis copiis ac vicinorum auxiliis, recuperare amiſſa, & vlcifci fratris fili-
um ſtatuit. Nec ille quamuis inferior tunc viribus, quippe qui ſoceri auxilia
dimiſſet, ad reſiſtendũ patruo ſegnius occurrit, ſuperioriq; tẽporis ſuccel-
ſu conſiſus, temere magis, quam animoſe pugnandi copiam fecit: commiſ-
ſoq; prælio fuſus, viuus in patruu poteſtatem venit. Verum aliquãto poſt, cu-
ſtodũ fauore claſſus, ad Suentopelcum ſocerũ profugit. Quẽ non modo ar-
mis & copiis inſtruxit Suentopelcus, verum etiam ipſe proſecutus eſt. Ad pri-
mum

rum autem eorum aduentum Lasconogus, suis diffusus, quos propensiores in Sputatorem esse animaduertebat, non tentata belli fortuna cessit, & Ratiboriam ad Casimirum Ducē se recepit. Vbi cum in quartum annum exulasset, multiq; è maiori Polonia, quos vel Sputatoris tadium cœperat, vel æs alienum, scelerisq; conscientia, & iudiciorum metus premebat, ad eum conuenissent, aut per internuncios sua ei studia significassent. magna spe rursus ad recuperandum dominatum aspirare cœpit. Sed eum fortuna in ipso cursu destituit. Verum vbi frustra duos menses in obsidione Gnesnæ contriuit, neque quisquam omnino per id tempus ad eum descivit, ac Vladislaum Sputatorem cum Suentopelco, magnisque copiis aduentare nunciatum est, soluta obsidione mœstus abiit: nec multo post mœrore confectus Srodæ vitam cum morte commutauit, & in Lubinensi monasterio, vel secundum alios Ratiboriæ sepultus est, vir propter mores fœdos ac libidines suis exosus. Nullos autem reliquit liberos: itaque eius morte vniuersa maior Polonia in ditionem Vladislai Sputatoris recidit. Sputator vero Dei benignitati successus suos acceptos referens, ut aliquod grati animi signum in propagando cultu diuino æderet, Olobocense monasterium Cisterciensibus Virginibus condidit, ac locuplerauit. Donauit item ecclesias Gnesnensem & Posnanensem, & oppida pagosque earum, etiam quos in posterum ecclesiæ illi acquirituræ essent, vacatione omnium laborum ac munerum, & immunitate pensionum, quæ Principibus Ducibusque præstantur. Fecit etiam idem Vladislaus potestatem Archiepiscopo Gnesnensi, & Episcopo Posnanensi monetam cudendi, & venandi in syluis ac bonis ecclesiarum suarum, quod antea nemini præter Principem licebat. Crobiam quoque amplum & locupletem pagum Sulcouiam prius dictum, nunc oppidum, Posnanienti Episcopo donauit. Quæ quidem largitiones inuidiam ipsi, iniustus vero & superbus dominatus odium etiam apud plerosque omnes Proceres cōstaurunt, ita ut in eius expulsionē coniurarent, & Henrico Barbato, quē propter Gansauensem proditiōem & vulnera hostē Vladislao esse senserāt, accito, se dominatumq; oēm dederent. Nec ausus est Vladislaus Henrico cum valido exercitu venienti sese opponere, diffusus viribus suis, & voluntatibus militum. Sed Bnino aq; Sremo arcibus, quæ non satis munitæ essent, crematis, Gnesna vero firmo præsidio munita, ad Suentopelcum socerum confugit. Henricus vero munitionibus plerisq; omnibus & oppidis facile potitus, Bninum quoq; & Sremum refecit, & præsidia oportunis locis imposuit, eisque Boinum nepotem suum ex filia Adleida Dipoldi Marchionis Morauia filium præfecit. Ipse reliquas copias domum reduxit, domesticone aliquo bello reuocatus, an vindicandæ tutelæ Boleslai pueri, & administrationis Principatus gratia, non constat. Vindicauit quidem certe vtrumq; priusquam ad subiuganda reliqua, quæ in fide Vladislai perstiterant, reuerteretur. Nam ut Conradus Dux Masouia, concedere & abdicante se Henrico, pro tutore ac Principe se gerere cœpit, Iuo Episcopus Cracouiensis, siue Henrici voluntate, siue sua sponte, & odio metuq; Conradi, cui aduersatus erat sedulo, profectus ad Pontificem Maximum Gregorium eius nominis nonum, cum quo adulescens in Academia Parisiensi coniuncte & familiariter vixerat, relaxationē per vim exacti iuris iurandi Henrico impetrarat. Proximus iam pubertati erat Boleslaus, & à Conrado patruo alienus, in Henricum prono studio pariter cum matre ferebatur: siue adeo sui iam iuris esse cupiebat. Hæc vbi non

*Vladislaus
Lasconogus
moritur.*

*Polonia
maior ad
Henricum
Barbatum
desciuit.*

*Minoris
Polonia
2705166.*

*Boleslaus
Pudicus à
Conrado
captus, &
elapsus.*

*Prussia va-
stata à
Masouis
& Cruci-
feris.*

non obscuris indiciis intellexit Conradus, Boleslaum vna cum matre per speciem colloquij euocatum capit: Circumque in Masouiam asportat, ac de necando puero cogitabat. Deinde mutata sententia, suasu Vladislai Sputatoris, & Marci Palatini Cracouiensis opera, in Secechouiense monasterium eos transtulit, ibique asseruari iussit. Ipse vero cum nonnullis Ducibus finitimis, & cum nouis hospitibus ac defensoribus Crucigeris expeditionem in Prussiam fecit, hostilemque regionem longe & late igni ferroque vastauit.

Dum autem Conradus bello eo distinetur, interim Boleslaus cum matre opera Abbatis Nicolai Franci, partim corruptis, partim inebriatis ac sopitis custodibus intempestæ noctis silètio dispositis clam equis effugit: Zaichostog; & Sendomiria potitus, non ausus est tamen in sua ditione vsquam consistere, propterea quod præcipuis arcibus Masouios suos Conradus præfererat: sed in Silciam ad Henricum Barbatum profectus est. Venientem humanissime Henricus accepit, & consolatus est: comparabatq; exercitum, quo eum reduceret, Conradumq; eiiceret. At Cracouiensis conuentus ordines, cognita Boleslai fuga, & apparatu Henrici, non obscure illis fauere & in Conradum conspirare. Erat in Sendomiriensi ditione Boleslaus Conradi filius, siue à patre ad Prussicum bellum proficiscente cum imperio, ne quid forte se absente nouaretur, relictus, siue tunc primum accepto de fuga Boleslai ac de motu Sendomiriensium ac Cracouiensium nuncio, aduolarat. Is igitur facta suorum manu, crudeliter in eos, quos aduersæ factionis esse didicerat, imo vero promiscue, nulloque amici vel inimici discrimine, cædibus & incendiis debacchabatur, & Visliciz belli sede constituta, in Cracouiensem oram populabundus excurrebat. Venit tandem valido cum exercitu Henricus, Boleslaum secum ducens: ac decedentibus metu Masouis, magno omnium ordinum consensu, atque alacritate susceptus est, & Cracouiensem, Sendomiriensem, ac Lublinensem oram omnem facile in suam redegit potestatem. Et quoniam permagnos sumptus fecerat, paternus autem Boleslai thesaurus à Conrado direptus erat, Cracouiensem quidem ditionem vna cū Principatu summo, permittente Boleslao, Henricus sibi retinuit: Sendomiriensem vero ac Lublinensem ei concessit. Cum autè is non satis tuto se in vicinia Conradì esse existimaret, Scalam Præginensem arcem cum suo territorio, in Cracouiensi tractu, ab Henrico, ubi cum matre vitam degeret, impetrauit, & quinquennium ferme ibi vsq; ad Henrici obitum exegit. Atque eo quidem anno millesimo ducentesimo trigésimo quarto Conradus à Prussica expeditione reuertens, satis habuit exortum domi inopinatum bellum propulsare. Siquidem Misnensis Marchio, cum ipse quoque piæ aduersus barbaros militiæ nomen dedisset. Ploscum arcem Conradì interceperat, incertum, cupiditate ductus, an iniuria prouocatus. Sed cū Conradus cum filiis mox eiecit, multis de exercitu eius cæsis, multisque cum Basilica, in quam confugerant, crematis.

*Henrici
Barbati in
minorem
Poloniam
expeditio.*

*Conradi
expeditio
in oram
Cracouiensem.*

*Cracouia
obsidetur.*

Insequenti vero æstate anno Christi millesimo ducentesimo trigésimo quinto Conradus in Henricum arma mouit, & proceres Cracouienses ac Sendomirienses nequicquam ad defectionem sollicitauit. Cum vero omnes à se alienos esse animaduerneret, admouens exercitum propius Cracouiam, Scarbimirienſe & Prandocinenſe templa, & monasterium Andreouiense communiuit, præfidiisque firmauit. Deinde Cracouiam oppugnare ador-
tus,

tus, in radice montis, cui arx imposita est, & ad mœnia vr̄bis castrametatus est: templumque diui Andree, quod tunc suburbanum erat, castelli loco cōmuniuit, primus Polonorum ausus cōsecrata Deo templa impiis armis profanare. Habebat quidem Henricus magnas copias, sed tamen vniuersæ dimicationis discrimini rem non committebat, facilius & minori incommodo bellum ducendo debellari posse Conradum existimans, propterea quod sibi domi bellum gerēti rerū omnium copia suppetebat. Hosti vero longius frumentari & pabulari, aut domo supportare cōmeatum non sine periculo necesse erat, cum subinde dispositæ à se turmæ ex insidiis in pabulatores & frumentarios impetum facerent. Qui vero in præsidio Cracouiæ erant, omnes oppugnātium conatus frustabantur. Itaque Conradus his difficultatibus implicatus, vastatis agris, incensis pagis & villis, non modico etiam vicissim detrimento accepto, in Masouiam redit. Agi deinde à proceribus de pace cōceptum, conuentumq; vt Henricus iuxta ac Conradus tutela ac Principatus gubernatione se abdicarent, ac Boleslai iam pubescenti arbitrio permitterent, vtrum ipse sibi curatorem sumeret. Facta potestate è vestigio is patruo præterito Henricum sibi delegit. Molestè id tulit Conradus, verum tamen præsidia ex pacto deduxit, & desponsas pridem filiis suis Henrici nepotes. Constantiam quidem natu maiori Boleslao, Gertrudim vero Casimiro vxores accepit, partitus inter eos, ac tertium Ziemouitum, dominatū suum, quibus quisque finibus post se dominaretur, ne quid dissidij se defuncto inter eos oriretur. Ipse vero, quoad vixit, nihilominus omnia administravit. Hoc tempore Casimirus Dux Opoliensium & Ratiboriensium Mieczi-lai filius vita excessit, & Mieczi-laum ac Vladislaum filios ex Venceslaua vxore susceptos reliquit. Quorum Mieczi-laus cum Iuditham Conradi filiam vxorem duxisset, sine liberis decedens fratrem habuit successorem.

*Pax inter
Duces.*

Facta pace cum Conrado, Henricus quamuis Principis Cracouiensis, ac Ducis Sandomiriensis titulo abstineret, tamen suo nutu eas regiones gubernabat, ac magnam reddituum partem non inuito Boleslao accipiebat, vt sumptus in bellum factos compensaret. Et recte vtiliterque multa de consilij sententia constituit: leges quasdam malas sustulit: meliores nonnullas sanxit: immunitates ecclesiarum confirmauit: magistratus bonis viris mandauit: in maleficos ac calumniatores seuerè animaduertit. Opatouiam oppidum cum sexdecim pagis, amotis inde tēplariis, in quorum ditione fuerat, Lubussensi Episcopo iure sempiterno adiunxit & addixit, Boleslao assentiente. Quin & in Silesia Boreum oppidū cum territorio, & in maiore Polonia postea Casimiriam cum quatuordecim pagis ac decimis eidem Episcopo donauit. Dum Henricus de tutela Boleslai & Principatu cum Conrado belligeratur, Boriuoius, qui ab eo cum præsiidiis in maiori Polonia relictus erat, cœpit abuti potestate sua. Etenim cum fines bonorum Episcopi Posnaniensis inuaderet, nec aliis iniuriis abstineret, ac Paulus Episcopus Posnaniensis ex condic-tō Sremum ad eum venisset, vt certorum hominum arbitrio iis de rebus cum eo transigeret, captus ab eo, & in vinculis habitus est. Verum non impune hoc ei cessit. Episcopus enim cum forte euasisset, è cœtu Christianorum eum eiecit, & Vladislaus Sputator cum prædatoria manu, qua agros aduersario-rum & oppida vexabat, noctu à custodibus in arcem Sremensem intromis-sus, ipsam cum pluribus militibus, qui ad primum tumultum non diffuge-rant, obtruncavit, arcemque, ne receptaculum deinde hostibus esset, exul-sit.

*Leges malæ
ab Henrico
abrogatæ.*

*Henrici ex-
pediit in
maiorē
Poloniam.*

*Henricus
Barbatus
moritur.*

*Mieczis-
laus Dux
à muribus
absumptus.*

*Vladislaus
Sputator
moritur.*

*Boleslaus
Pudicus
uxorem
ducit.*

*Fœdus &
affinitas
Boleslai
cum Bela
Rege Vng.*

fit. Henricus cognitis iis, quæ in maiore Polonia gerebantur, à Cracouiensibus rebus eo conuersus, vt Vladislaum reprimeret, neque vllam ei munitionem, ex qua bellum renouare posset, reliquam faceret, exercitum conscribit, & ad Gnesnam, quæ adhuc Vladislai præsidio tenebatur, ducit. Materia fere & roboribus arx Gnesnensis munita erat antiquitus, sed egregie tamen à militibus Vladislai defendebatur: multique oppugnantium, cum sub mœnia successissent, saxis atque aliis telis, aut contis etiam superne iacti cadebant. Quibus incommodis permotus Henricus, & ad Silesiæ suæ ditionis res componendas reuocatus, soluit obsidionem: & ad extremas ditionis suæ Silesiæ oras contendens, in itinere apud Crōsnam grauius ægrotare cœpit, nec multo post rite sacris mysteriis procuratus, diem clausit extremum, anno Christi millesimo ducentesimo trigésimo octauo: & in Trebnicensi monasterio ab Henrico filio, cui Pio cognomen datum est, honorifice est sepultus.

Sub illud tempus Mieczislaus siue Miesco, propter capitis intemperiem Gossisco cognominatus, Conradi Ducis filius, cui pater Cuiavia concesserat, cum inopum, pupillorum, ac viduarum bona iniuste diriperet, indeque quodam tempore conuiuium multis inuitatis præberet, ab ingenti multitudine murium impetitus, & frustra naui fugiens, muribus fugientem etiam per aquas persequentibus, miserabiliter periisse dicitur: exemplo futuris posteris; ne se rapinis, iniuriis, ac sanguine miserorum hominum saginent. Defuncto Henrico Barbato, adspirare rursus Vladislaus ad amissum dominatum cœpit. Sed abhorrentibus ab eo voluntatibus omnium, præter paucos, & Henrico Henrici Barbati filio fauentibus, fidemque suam obligantibus, mœrore ac dolore animi in grauem morbum incidit, cum apud Iocorum Suentopelcum in Pomerania esset, paucisque diebus moritur, relictis Præmislo ac Boleslao postea Pio dicto filiis. Corpus eius Pōsniam delatum permittente Henrico Pio in Basilica (nam ita mandauerat moriens) sepultum est. Post eius mortem Naclensis & Vscensis arx cum territorii suis in fide filiorum eius permansere: Gnesna vero deditione facta in potestatem Henrici Pij venit. Cæterum Conradus Masouiæ Dux, Henrici morte rursus in spem Boleslai opprimendi erectus, vexare ditiones eius clandestinis latrociniiis, ac mox etiam apertis excursionibus cœpit. Ad cuius conatus reprimendos Boleslaus, vt externa quoque sibi auxilia adiungeret, ad Belam quartum Vngarorum Regem legatos misit: noua cum eo fœdera icit, siue adeo antiqua firmavit: filiam eius Cunegundim, puellam moribus & vitæ sanctimonia nobilem anno Christi millesimo ducentesimo trigésimo nono uxorem duxit: cui dos fuit quadraginta millium marcarum. Tali autem coniuge beatus Boleslaus, tamen primis nuptiarum diebus eam non attigit. Inde confirmata postea mutuo consensu religione, ambo perpetuo vouere continentiam. Hinc Boleslao Pudico cognomen inditum. Post hæc fœdera ac nuptias Conradus Boleslaum bello laceffere ausus non est. Verum Bydgosciam arcem, quæ ciuili bello inter ipsum & Henricum bello vigente, à Suentopelco Pomeranorum Duce intercepta erat, in potestatem suam redegit. Nec tamen quieuit Suentopelcus, quin postea tumultuaria excursionem in ouladislauiam oppidum, compluresque pagos circumcirca ferro & igni depopulatus est.

Porro

Porro à Prutenis quietior iam erat Conradus. Nam ij Cruciferorum, *Prutenorū vires fracta à Cruciferis & Germanis.* ac voluntariorum quorundam principum Germanorum ac Pomeranorum armis fracti, & in angustum redacti erant. Caterum domi non perinde tranquillares habuit. Atque id, quicquid erat mali, sua sibi temeritate ac furore præcipiti, falsa suspitione inflammato, accersuit. Profectus erat Casimirus filius eius Vratislaviam, ut sponsam & affines suos viseret: captusque consuetudine sponsæ, diutius ibi, ne quicquam reuocante patre, commoratus est. Suspecta ea res Conrado, ut est fere suspicax ac sollicita tyrannis, esse cœpit, verito, ne quod filius cum Henrico focero contra se ac ceteros fratres consilium iniret. Neque enim adhuc Henrico, quamvis reconciliato, ac duplici affinitate secum coniuncto fidebat. Erat cum Casimiro Ioannes Czaplā Vladislaviensis & Plocensis Scholasticus, ac duce- *Ioan. Czaplā Scholasticus Plocensis suspenditur.* lis Cancellarius, custos & moderator adolescenti à patre datus. Eum igitur Conradus quasi consciū, siue adeo autorem consiliorum filij literis reuocavit, captumque causā non cognita in carcerem coniecit, ac mox quæstionibus subiectum, eodem furore in patibulum egit. Cuius cadauer cum Dominicani fratres (quos Ploscum Conradus ante aliquot annos condito eis monasterio induxerat) deposuissent, ac Christiano ritu funus deducerent: Agathia Conradi vxor mariti furori suffragata, ereptum, & in plaustro duobus bobus contumeliæ causā vectum, noua furca ad id ex tempore ad monasterium Dominicanorum ex aduerso Basilicæ erecta, iterum appendi iussit. Nec tamen deterriti sunt Dominicani, quin iterum id deponerent, ac honorifice sepelirent. In quo quidem euidenter diuina iusticia apparuit, scelestæ tyranni manu ad ultionem patrati prius à Czaplā illo sceleris vsa, eo quod is iniustæ ac nefariæ Crislini Palatini Plocensis necis autor, aut sane incentor fuerat. Hoc Conradi facinus Andreas Plocensis Episcopus Marci Palatini Cracouiensis filius vindicare ausus non est, ne quid & ipse à tyranno pateretur. Caterum Petrus Archiepiscopus Gnesnensis re cognita, maiore animo vniuersæ Plocensi dicē- *Interdictū Archiepiscopi in Plocensi ditione.* csi sacris interdixit. Quamobrem excauit quidem primum Conradus, verum post ad se reuersus, agnouit culpam, & Lenciciam ad Archiepiscopum, ut ille iusserat, venit: de admissio scelere Archiepiscopi arbitratu satisfecit: Louiciam villam cum circumiacentibus syluis Archiepiscopo iure sempiterno donauit, ea quidem lege, ut is Plocensis Canonicus semper esset, & libram siue marcā auri Duci Masouiæ eorum bonorum nomine quorannis penderet. Vladislaviensi item & Plocensi ecclesiis idem Conradus multa largitus est; atque ita Archiepiscopus interdictum suum relaxauit, & Conradus Dux à delegatis Pontificis Maximi Gregorij noni Episcopo Vratislaviensi, & Scholastico Cracouiensi à crimine absolutus est, cum ea, quæ Archiepiscopo, & Vladislaviensi ac Plocensi Episcopis receperat ac donarat, vna cum filiis suis confirmasset. Id adeo millesimo ducentesimo quadragésimo Christi anno actum est. Circa hæc tempora Boleslaus Pudicus, matris precibus adductus, cœnobium Cracouiæ fratribus D. Francisci Alisnatis, nouo tunc instituto viuētibz, Praga accitis, condidit.

Hoc eodem anno Tartari Russia peruastrata, ac maxima ex parte subiugata, Lublincensem oram Russiæ finitimam magno impetu inuaserunt: ex- *Tartari Poloniam vastant.* istaque arce Lublincensi, omnem illam regionem vsque ad Vistulam longela-

ge lateque depopulati, Zauichostum etiam arcem in ripa Vistulæ sitam incenderunt: indeque in Russiam reuersi, deposita tuto loco præda, quam ingentem abegerant & asportarant, curriculo in Poloniam hyberno tempore reuersi sunt: transmissoque Vistula flumine glacie concreto, Sandomiriam expugnauere: Copriunicense monasterium diripuerunt: vtroque præter ciues magnam agrestium ac nobilium multitudinem, quæ illuc confugerant, vna cum monachis interfecere: progressique longius nemine prohibente, per Visliciam, Scarbimiriam vsque peruenere. Inde vero in capite quadragessimæ anni sequentis omnis generis præda onusti, ingentem etiam hominum vtriusque sexus forma & ætate florentium multitudinem loribus astrictam in morem pecudum præ se agentes reuertebantur. Continebat se Boleslaus Princeps Cracouiæ simul cum matre, nusquam ausus tantæ hostium multitudini sese opponere. Cæterum Vlodimirus Palatinus coacta aliquanta manu, insecutus abeuntes, apud Turscum pagum vno à Polanecio oppido miliario, statua habentes, ex improviso adortus est, & magnam in perturbatis & inopinata re perterritis initio stragem edidit. Verum postea Tartari animaduersa Polonorum paucitate, facile multi paucos, & multa cæde fatigatos superarunt, & cæsis nonnullis, reliquos in fugam verterunt. Interim dum pugnabant Tartari, captiui discissis vinculis in proximas sylvas effugerunt. Porro Tartari sua strage perculsi, metuentesque, ne maioribus Polonorum copiis opprimerentur, raptim ac tumultuarie sese recipientes, & saucios ægrotosque abiicientes, prope Secechouum in magna sylua, quæ Stre-mech dicitur, aliquot diebus delituere, vt insequentes fallerent: inde postea in Russiam rediere.

*Tartari
iterum bi-
partito a-
gmine totâ
Poloniam
peruasant.*

Nec multo post auctis maiorem in modum copiis irarum pleni, in Poloniam reuerrere, & cum apud Sandomiriam biduo statua habuissent, quo plura populationibus complecterentur, bifariam diuisi sunt. Ac pars quidem Lenciciensem ac Cuiauiensem oram duce Kaidano vastarunt: cum reliquo vero exercitu Battus summus eorum dux Sandomiriensem tractum versus Camionam fluuium & Ilzam arcem & oppidum Episcopi Cracouiensis infestauit. At Proceres & equites Cracouienses ac Sandomirienses, non ferentes, charissimam patriam se inspectantibus tam crudeliter vastari: parentes, vxores, & liberos suos dulcissimos omni genere contumeliæ affectos, vel miserabiliter trucidari, vel in fœdam seruitutem abduci: villas atque penates incendi: templa cædibus, libidinibus ac sanguine sacerdotum pollui. Hæc inquam non ferentes, simul autem conflictu Turcensi animati, facta manu, Tartaris apud Chmielnicum pagum non longe à Szidlouia oppido occurrunt, eo quidem proposito, vt vel corporibus suis viam ipsis ad vltiora obstruerent. Tartari vbi de aduentu Polonorum cognouerunt, duas acies instruunt, quarum altera magno cum clamore in Polonos aduenientes procurrens prælium commisit: altera in subsidiis erat, vt laborantibus suis opem ferret. Pugnatum est horis aliquot acriter: ad extremum Tartari multis fortibus viris amissis, cedentes ad subsidiariam aciem sese recepere, Polonis acriter instantibus & debellatum esse credentibus. Ibi vero denuo instauratur prælium. Tartari integri ac recentes fessis ac sauciis succedunt, Poloni primo successu freti, extremum conatum faciunt, vt aut plena victoria potiantur, aut vero honeste pro patria mortem oppetant. Tandem amissis ducibus ac fortissimis quibusque militibus ad paucos redacti, terga dedere, & iterum noti-

*Polonorum
clades à
Tartaris
accepta.*

notitia, syluisque tecti euasere. Factum est autem hoc prælium decima octa-
ua die Martij.

Continebat se per id tempus Boleslaus Pudicus cum matre & coniuge sua
Cunegūdi in arce Cracouiensi: sed accepto nuncio de clade suorum, in Vn- *Boleslai
Pudici
fuga.*
gariam cum familia & suppellectili, raptim collectis sarcinis, ad focerum pro-
fugit. Principis exemplo plurimi, ditiores præsertim, partim in Vngariam,
partim in Germaniam diffugerunt: tenuiores vero in sylvas, montes, & pa-
ludes sese abdiderunt. Porro Tartari post Chmielicensem victoriam ad Cra-
couiam contendunt, & cum vacuam defensoribus reperissent, flammis in-
tecta sauerunt. Templum tamen D. Andrea duabus turribus munitum, quod
extra oppidum erat, ab egenis ac debilibus, qui in id se receperant, inter-
fectis superne compluribus barbaris, qui propius accesserant, defensum est.
Post in Silesiam ingressi, cum disiectos Oderæ pontes reperissent, compactis *Silesia à
Tartaris
vastatur.*
ex tempore ratibus, apud Ratiboriam flumen traiecerunt. Seruabat ripam
ulterioremiczislus Dux Ratiboriensium cum parua manu. Is igitur in
eos, qui primam annem trans miserant, facto impetu, magnam in eis stragem
edidit: sed reliquo exercitu celeriter nauigando pariter & natando (valuit enim
ea re ipsi iuxta ac equi ipsorum) superueniente cessit, ac Ligniciam ad
Henricum Pium, qui ibi cogebat exercitum, se recepit, cumque eo se con-
iunxit. Tartari vero continuato cursu ad Vratislauiam metropolim oræ illi-
us festinarunt, quam incensam reppererunt. Oppidani namque cognito ad-
uentu barbarorum munitioni oppidi diffisi, suppellectili sua & comiteatu in
arcem comportato id reliquerant: milites vero, qui in arcis præsidio erant,
ne ciuitas hostibus prædæ vel receptaculo esset, hanc incenderant. Quam ob-
rem indignati Tartari arcem obsederunt. Sed frustra consumptis diebus al-
iquot, cum obsessi ad longiorem etiam obsidionem perferendam non im-
parati esse viderentur, irrita cœpto inde similes fugientibus abierunt, ac
Ligniciam, ubi Henricum Ducem cum magnis copiis & auxiliis esse cogno- *Tartari
Ligniciam
contendunt.*
uerant, contenderunt, auctis viribus suorum aduentu, qui ante in Lencicien-
sem & Cuiauiensem tractum excursionem fecerant.

At Henricus, aduentu hostium cognito, obuam eis progreditur, procura-
to sacris mysteriis exercitu, eo quidem animo, ut aut vinceret, aut fortiter
pro aris & focis, aut pro populo suo dimicans occumberet. Quinque autem
agminibus exercitus eius constabat. In primo erant cruce signati ex variis ge- *Henrici
Ducis ex-
ercitus.*
nibus, Pontificis Maximi autoritate & cohortatione post cladem superioris
anni collecti: cum quibus ordinati erant fossores ex metallis Goldbergensibus:
cui agmini præerat Boleslaus Dipoldi Marchionis Morauie filius. In se-
cundo erant maiores Poloni & Cracouienses nonnulli, quos ducebat Sulis-
laus Vlodimiri Palatini Cracouiensis frater. In tertio erat Miczislus Dux
Ratiboriensis & Opoliensis cum suis copiis. Quartum tenebat Pompo-
magister Prussie cum suis Cruciferis. In extremo ipse Henricus cum flore
militiæ Silesiacæ & Polonicæ, & mercenariis externis. Sub Legnicia igitur
ad Nissam amnem, in planicie spatiosa, quæ bonus campus dicitur, concu- *Prælium
cū Tartari
ad Li-
gniciam.*
runt acies, primique cruce signati (nam id ab Henrico impetrarant) pu-
gnam incunt, & primos barbarorum præcursores facile fundunt. Verum il-
lis siue pulsis, siue de indistria cedentibus, (etenim fugiendo pugnare genti
maxime vsitatum est) primum illud agmen cruce signatorum, prodestum
longius à suis, & à multitudine barbarorum circumdatum, denso imbre sa-
niod

*Silesiorum
& Polono-
rum fuga.*

*Henrici
caedes.*

*Stragis
magnitu-
do.*

gittarum obruitur, ita vt pauci inde euaderent: magna siquidem ex parte nudi erāt, tametsi ne loricae quidem, aut thoraces, aut galeae satis vim Tartaricarum sagittarum sustinent. Ibi & Boleslaus Dux inter primos pugnas cecidit. Succedit alterum agmen ex duobus iunctum, cui Dux Opoliensis & Sulislaus praeerant. Atque id facto impetu in hostes in caede primorum exultantes, magnam stragem edidit, cum balistarum contra sagittarios eorum constitissent. Quod animaduertentes Tartari, duo item agmina suis laborantibus succursura submittunt. Nec tamen segnius Silesij cum Polonis pugnam cient, donec quispiam de exercitu Tartarorum eques à latere Polonis ex improviso apparens, Polonica lingua, vt fugerent, vociferatus, eos conturbauit, & in fugam conuertit, initio fugae orto à Mieczislao Opoliensi, qui vocem illam amici esse, salutis suorum consulens, quasi iam reliqua agmina à barbaris deleta essent, credidit. Ibi Henricus nil suorum strage fugaue deterritus, extremo agmine cum Cruciferis coniuncto, fugientes insequentium Tartarorum impetum excipit: instauratoq; praelio, Tartaros vicissim premit. Succurrit & Battus vehementer debilitatis. Certatur vtrinque totis viribus pro victoria: exaequata rursus aliquandiu pugna, tandem Henrici res virtute militum meliori loco esse coeperant. Erat in extremo illo agmine inter caetera signa vexillum insigne, cuius pictura X litera figurae praese ferebat: in cuspide vero imago erat terra, nigraque capitis humani barbati. Id igitur vexillum cum signifer vehementius quateret, fumum ac nebulam densissimam & foetidissimam exhalabat. Ea nebula non modo aspectum barbarorum nostris adimebat, verum etiam odore teterrimo eos enecabat: totumque adeo exercitum nostrorum nouitate ac miraculo rei stupefactum perturbauit. Incantationibus id quibusdam Tartari effecerat: quibus iuxta ac ariolationibus ac diuinationibus caeteris cum alias, tum in bello plurimum vtuntur. Tunc vero barbari, ubi nostros trepidare senserunt, cohortati se inuicem, impressionem in eos faciunt, perturbatisque ordinibus magnam cedem faciunt: in qua Pompa Magister Cruciferorum cum fortissimis quibusque suorum occubuit. Diffugiunt caeteri ex acie, praeter eos, qui circa Ducem erant. Nam isturpe ratus fugere, non inultus mori volebat. Ad extremum tamen, cum aliquandiu fortiter pugnans hostium vim sustinisset, persuaderi sibi passus est, vt se melioribus seruaret rebus: perruptisque hostilibus cunctis, quatuor tantum comitantibus, nempe Sulislaum, Clemente Palatino Glogouensi, & Conrado Conradi, & Iohanne Iuani filijs, nobilissimis ac fortissimis viris, iam periculum euasurus esse videbatur, cum subito fortuna conatum eius destituit. Equus enim, cui insidebat, multis vulneribus in praelio acceptis debilitatus concidit. Et quanquam Ioannes alium ipsi à cubiculario eius petiitum subministrat, tamen dum insequentes & obuios barbaros ferro summouet, & in prementem se maxime Tartarum sublato brachio gladium vibrat, ab alio quodam hasta sub aestella ictus, moribundus de equo descendit. Ibi barbari inconditum clamorem attollunt, deducuntque per manus Henricum ad alterum balistae ictum, capite percussunt, & cadauer nudum detrahis armis ac vestimentis relinquunt. Tres quoque illi, qui eum fugientem comitati sunt, pugnantes cecidere. Nam Ioannes imposito in alium equum Duce, ferro per medios hostes viam sibi ac Duci patefaciens saucius cum duobus ministris vix euasit. Tantus autem in eo prelio interfectorum Christianorum numerus fuit, vt singulis singulae auriculae à Tartaris praecisae, nouem ingentes saccos explerent. Post hanc deinde pugnam Tartari Rati-

borica-

horienſem oram repetita excuſione vaſtarunt, ibique octo dies commorati in Morauiam inuadunt: quam cum nemine prohibente, & Venceslao Rege in Bohemia deliteſcente, amplius vno menſe uſq; ad Auſtriæ & Bohemiæ fines crudeliter diuexauiffent, in Vngariam ſuperatis montibus & ſyluis peruenierunt. At Henrici corpus poſt diſceſſum Tartarorū inter cadauera, ſex digitorum in pede lauo argumēto Anna coniuge indicante inuentum, cum aliis nobilioribus Vratiſlauiam deductum, & in diui Iacobi, quod monaſterium Franciſcanis ipſe inchoauerat, Anna vero vxor poſtea conſummauit, honorifice ſepultum eſt. Cæterum Hedugis mater, quæ monaſterij Trebeniſis munitioni diſſiſa, Croſnam vna cum grege monacharum & Annanuru, ſub aduentum Tartarorum ſe receperat, nihil nuncio cladiſ atque interfecti filij commota eſt. Quia monachas & nurum lamentantes, ac peſtora plangētes comiter cōſolata, minime deiecto vultu gratias egit Deo, quod eius munere talem filium peperiffet, cuius ipſa viuētis pietatem ſummam in ſe experta ſemper eſſet, quique ad extremum pro religione & populo ſuo vitam alacer proieciſſet.

Henrico Pio caſo, Boleslao Pudico nuſquam comparente, oppidis, pagis, vicisq; ad vaſtatem redactis, Nobilitas Cracouiēſis & Sendomiriēſis deteriora etiam timens, quod ſine Principe ac magiſtratibus eſſet, inito conſilio, Boleslao Caluo Henrici Pij filio natu maximo Principatum detulit. Atque is Princeps factus, ſtatim Magiſtratus creauit: plerique enim tempeſtate illa Tartarica deſiderati erant, Clementemque Ruſiecium Sulislai filium Palatinum Cracouiēſem creauit. Quod cum accepiſſet Conradus Dux Maſouiæ, permoleſte tulit, alienum ſibi Caſimiri Principis filio, Leſci Albi fratris, in Principatu prælatum eſſe. Itaque colloquium à Suentopelco Pomeranorum Duce petiit, ſœdus cum eo percuffit, auxiliaque ab eo contra Boleslaum Caluum impetrauit. Nam ipſe Suentopelcus negauit ad id bellum ſe poſſe proficiſci, aliis curis & occupationibus diſtentum. Interim dum Conradus in apparatu belli occupatus eſt, Tartari ex Vngaria per Scepuſienſem tractum excuſione rursus facta in Poloniam, Cracouiam inexpectati aduolarunt: direptaque vrbe, ac maiore quam prius cæde hominum facta, cum ingenti præda in Vngariam per Oſuiecimenſe territorium citi reuerſi, atque ibi tres annos commorati ſunt. Conradus vero Dux, omnibus ad bellum comparatis, accitiſque Pomeranorum auxiliis, in Sendomiriēſem, ac deinde in Cracouiēſem tractum duxit exercitum: & facile munitiones oēs opera Zegota gente Toporij, eiufque familiæ, & clientum, dedentibus ſe vltro omnibus, in ſuam redegit poteſtatem. Cæterum Clemens Palatinus Cracouiēſis, & alij, qui cum Boleslao ſentiebant, cum impares eſſent conatibus Conradi reprimendis, Scalēſem arcem valido præſidio tenuerunt. Nec eos Conradus oppugnare tunc adortus eſt, ſed Cracouiam veniens arcem muniuit, conſtitutiſq; rebus in Maſouiā rediit. Aduenit mox Boleslaus Caluus cum exercitu ſuo, & Germanis mercede conductis, recuperaturus ereptum Principatum. Cum autem Cracouiēſem arcem expugnare niteretur, re cognita, ſuperuenit iterum Conradus cum maioribus copiis, cum quibus Caluus congredi non auſus in Sileſiam ſe recepit. At Conradus Scalā admonuit exercitum. Territus Clemens Palatinus deſtitutum ſe ope Boleslai cernens, petita impetrataque à Conrado venia arcem ei dedidit.

Boleslaus
Caluus
vocalur ad
principatum.

Tartari
Poloniam
rursus popu-
lantur.

Conradus
Dux Ma-
ſouiæ prin-
cipatum
inuadit.

*Asperiori
dominatu
Cracoui-
ses à se a-
lienat.*

*Boleslaus
Pudicus
reuocatur.*

*Conradus
comitia
Scarbi-
ria indicit.*

*Pudicus
principatū
recuperat.*

*Conradus
bellum in-
fert Boles-
lao Pudi-
co.*

*Pugna ad
Suchodo-
lum.*

Potitus iam omni Principatu Conradus, cum belli sumptibus exhaustus esset, grauiam mox vectigalia & exactiones non modo oppidanis & agrestibus, sed etiam equestri & sacerdotali ordini imposuit: ac ne ocio ad res nouandas inuitarentur, in reficiendis veteribus & extruendis nouis munitionibus acerbe vulgus exercere cœpit. Quæ post tantas calamitates à Tartaris illatas, famemque grauem, cum pergrauia & intolerabilia omnibus viderentur, magnum odium Conrado conflagrant. Redierat is forte in Masouiam. Ibi Proceres Cracouienses clam de eiiciendo ipso consilia ineunt: nonnullos confcios, qui Boleslaum Pudicum perquirerent, dimittunt. Atque is de voluntate & studio suorum certior factus, reditum parabat, ac de Vngaris auxiliarem manum cogebat. Porro Cōradus, cum alienatos à se esse Cracouiensis & Sendomiriensis conuentus animos accepisset, ac de consilio reuocandi Boleslai Pudici, & eiiciendi sui sensisset, propere accurrit cum non contemnendo comitatu suorum: dissimulatoque consilio, comitia apud Scarbimiriam indixit. Ad quæ cum frequentes proceres & equites conuenissent, capiuntur quidam ex eis nobiliores, qui contra Conradum sentire videbantur, & in Masouiam victi abducuntur. Cæterum Clemens Palatinus cautior, & aduētum Conradi celerem, comitiaque illa æstate media præter morem indicta suspecta habens, cum fratribus & aliis nonnullis ad Boleslaum Pudicum, qui in Pienina arce in Vngariæ finibus ad eum diem latuerat, profugit. Nec sane multo post illi, qui in Masouiam abducti erant, fractis compedibus, intempesta nocte cum euasisent, omnem suorum multitudinem palam contra Conradum concitabant. Eorum reditu cognito, Clemens Palatinus confestim aduolat, & facta manu coniunctisque viribus Cracouiam in suam potestatem redigunt, eiecto Conradi præsidio. Subsequitur Boleslaus Pudicus cum coniuge, cui venienti ingens multitudo hominum omnis ordinis, ætatis, ac sexus exultans ac gratulabunda obuiam sese effudit, & mox nouum iusiurandum Principi proceres dicunt. Quo consensu permoti, qui arces & munitiones pro Conrado tenebant, Boleslao eas reddiderunt.

Factus autem certior Conradus de defectione minorum Polonorum, ac de reditu Boleslai Pudici, magnis itineribus Cracouiam accurrit, cumque videret Boleslaum Cracouiensis arcis munitione (neque enim spacium cogēdi exercitus habuit) sese cū præsidio continere, obsidere eū cœpit: & quod longius ductam iri obsidionem, neque satis virium se ad bellum in hostico gerendum habere sentiebat, tēplis D. Andreæ, & D. Georgij, quod ex aduerso arcis in eodem colle situm, tunc extra munitionem arcis erat, castellorum loco vallibus & fossis communitis, commēdataque cura exercitus & obsidionis Boguthæ equiti Cracouiensi, secum sentienti, in Masouiam ad maiores copias mox adducendas recessit. Nec mora, Bogutha mutata fide, de templis præsidia deduxit, obsidionemque soluit. At Conradus conscripto maiore exercitui, accitis etiam in auxilium Præmislo Posnanienfi, & Mieczislao Opolienfi Ducibus, Lituaniisque item & Iazygibus, tractum Sendomiriensem populabundus ingreditur. Nec Boleslaus cōmittendum sibi esse existimauit, quin sua defenderet. Itaque magna celeritate, quantum potest, exercitum comparauit, in quo erant & Vngari: & ad Suchodolum pagum Conrado occurrēs, quamuis esset viribus longe inferior, tamen pugnandi copiam fecit. Et fuit sane iustiori causæ Deus, hominumq; preces pro Boleslao passim supplican-

tium

tium exaudiuit. Commisso enim prælio, numerosus ille Conradi exercitus cum ducibus suis à Boleslao fusus & in fugam actus est: victorque moderate victoria usus, neque fugientes longius persecutus est, & saucios benigne recreauit, & captiuos dimisit. Cuius quidem moderationis fructum mox consecutus est. Nam reliqui de Nobilitate Sendomiriensi, qui Conradi partes ad eam diem pertinacius tutati erant, statim in potestatem Boleslai venere. Boleslaus itaque recuperatis omnibus, quæ absens amiserat, Cracouiam reuertens ingenti omnium gratulatione exceptus est.

*Boleslai
victoria
ac moderatio.*

Nec in maiore Polonia post Tartaricum bellum quietæ res fuere. Nam post interfectum Henricum Pium à Tartaris, cum Boleslaus Caluus filius eius natu maximus dominatum suscepisset, grauis Nobilitati, & cæteræ multitudini esse cœpit, atque externos indigenis, Germanos Polonis, & quidem infimos optimatibus præferebat: in hos perparcus & restrictus, in illos munificus & liberalis, ita vt honores quoque & magistratus eis mandaret. Male hæc res Polonorum proceres habebat. Itaque questi inter se de fastu Ducis, & contemptu sui, celeriter contra eum conspirarunt, & conuentu apud Posnaniam acto, Præmislum & Boleslaum Vladislai Sputatoris filios, bonæ indolis iuuenes, accient, abdicatoque Caluo, duces eos sibi constituunt. Commorabantur autem ij in arce Viscensi, quam de patrimonio solam habebant reliquam. Naclum enim Suentopelcus auus maternus eis per fraudem ademerat. Venientibus iis traduntur arces & munitiones, vna excepta, cui Præmentæ nomen, cuius præfectus in fide Boleslai Calui perstabat: quam tamen haud ita multo post Nobilitas expugnauit. Tulit eam iniuriam & contumeliam non iniquo animo Caluus, suadente auia Heduigi, quæ & antea maritum, & posterius filium ab eo dominatu frustra auocauerat, & tunc nepoti, ne iniuste iustis hæredibus olim ereptum retineret, aut repeteret, persuasit. Quin is posteriori tempore affinitatem etiam cum Præmislo contraxit, collocata ei in matrimonio sorore sua Elisabetha, vna de quinque: sed id post mortem Heduigis actum est. Vix enim vno anno ea postea vixit, altero post filium defuncta: qui fuit à Christo nato millesimus ducetesimus quadregesimus tertius, septima idus Octobris, & sepulta Trebnicij.

*Boleslaus
Caluus suis
exosus.*

*Maiorum
Polonorum
defectio à
Boleslao
Caluo.*

Cruciferi quoque eodem tempore, cum Pomponi apud Legnicium interfecto, Henricum de Vida Magistrum suffecissent, nō modo Prussiam bello quæsitam, sed etiam ea, quæ initio à Conrado Duce acceperant, pene amiserunt Suentopelci fraude, & mox aperto bello. Qui, Prutenis à Crucigeris iam ope multorum Germaniæ principum in angustiam reductis, magna ex parte debellatis, successibus Crucigerorum inuidens, simul & sibi dominatuique suo metuens, Prutenos clam partim ad bellum, partim ad defectionem & rebellionē sollicitauit & impulsit. Conradus autem Dux Masouiæ post Suchodoliensem cladem de vliscendo Boleslao Pudico sedulo cogitabat: & cum imparem se eius viribus videret, Lithuanos & Iazygas finitimos in eum concitauit. Qui ilico in Sendomiriensem oram sibi proximam tunc usque ad Vistulam inundarunt, & magnam iumentorum ac hominum prædam à Lucouienfi & Secechouiensi territorio abegerunt. Nec aberat Conradus cum suis, cæde & incendiis in obuia quæque læuiens. Coegit & Boleslaus exercitum, quantum angustia temporis patiebatur, querelis ac lachrymis suorum fatigatus, & aduersus Conradum duxit, sua defensurus, & illatum bellum propulsaturus: commissaque ad Iarossinum pagum pugna, vincitur, & mul-

*Suentopelci
bellum ad-
uersus Cru-
ciferos.*

*Lithuanorum & Iazygarum in
Poloniam
excursio.*

*Boleslaus
victus &
fugatus à
Conrado.*

*Conradi
expeditio
contra Pu-
dicum.*

*Conradus
moritur.*

*Boleslai
Pudici stu-
dium.*

*Silesia di-
uisa.*

multis caelis captisque fugit ex acie. Ingens inde trepidatio Sendomiriensem Nobilitatē inuasit: quocirca metu constrieta & præsenti periculo, desperato Boleslai Principis auxilio, Conrado se dedit. Et parci quidem tunc iussit Conradus cæteris omnibus: solas Episcopi Cracouiensis possessiones, quod in Boleslai fide permanebat, crudeliter diripuit ac incendit. Hac iniuria commotus Prebota Episcopus, Conradum velut inuaforem ecclesiasticorum bonorum, & sacrilegium autoritate sua pontificia publice diris deuouit. Quam rem Archiepiscopus Gnesnensis Fulco eum vniuersa synodo ea de causa conuocata, comprobauit. Muniuit autem postea Conradus arces quasdam in Sendomiriensi tractu: verum eas non multo post Boleslaus, deiectis eius præsidiis, recepit, cum Conradus cursim in Masouiam, excursionem Prutenorum excitus discessisset. Nec diu moratus, repulsis Prutenis, expeditionem aduersus Boleslaum renouauit vna cum Casimiro filio, & Mieczislao genero Duce Opoliensi, atque in Cracouiensem oram duxit exercitum. Continebat se Boleslaus in arce Cracouiensi, non ausus iterum prælio rem committere. Itaque à regione arcis Conradus castra metatus est, quo loco Rudua amnis Vistula miscetur: eumque locum fossis, aggeribus, castellisque muniuit. Et quod obsidio longior fore videbatur, vno à Cracouia milliario supra Vistulam nouam arcem munit, in eo colle, in quo monasterium Tinecense situm est. Aliam item apud Lelouiam oppidum, decimo à Cracouia milliario. Sed cum nihil obsidione proficeret, Lelouiensi arce Mieczislao genero suo commēdata, Tinecensi præsidio suo bene munita in Masouiam reuertit. Post cuius discessum Boleslaus Tinecensem arcem in suam redegit potestatem: quo cognito, ij quoque, qui in castris ad Cracouiam relictī erant, decedere, veriti, ne & ipsi expugnaretur. Et paucis diebus illis Mieczislao mortuo, Lelouiensis quoque arx Boleslao dedita est. Ita paruo negotio omnes Conradi conatus, labores, ac sumptus in irritum tunc reciderunt. Nec ita multo post Conradus extremum vitæ clausit diem, relictis tribus filiis superstitibus, Boleslao, Casimiro, & Ziemouito, anno Christi millesimo ducentesimo quadagesimo septimo. Cum autem Boleslaus paucis diebus patrem secutus esset, Casimirus non acquiescens in Lenciciensi & Cuiuiensi dominatu, quem ipsi viuens pater attribuerat, Siradiam, Spicimirū, & Rospram arces inuasit, & fratrem Ziemouitum cum vxore Gertrudi captum in vincula coniecit.

Boleslaus vero Pudicus à morte Conradi pacem nactus, collapsa & vastata bello instaurare, deprauataque corrigere instituit, magnamque mansuetudinis & probitatis laudem etiam apud externos adeptus est. Qui status rerū minoris Poloniæ hoc fuit admirabilior, quod non modo cætera Polonia, verum etiam tota pene Europa bellis tunc ardebat. Nec in maiori Polonia & Silesia quietæ res tunc fuere. Belli vero principium illud fuit Silesia. Hêricus Pius à Tartaris interfectus ex Anna vxore Ottocari primi Regis Bohemiæ filia quatuor reliquit filios, Boleslaum Caluum, Henricum, Conradum, & Vladislaum. Ex his duo nati minimi ab Heduigi auia sacerdotio destinati, & in Italiam missi literis nauabant operam, & Conrado quidem Bambergensis Episcopa, Vladislao vero Archiepiscopa Salisburgensis promissa erat. Itaque reliqui duo fratres de matris & consilij sententia dominatum paternum in Silesia inter se partiti sunt, ita vt Boleslao Caluo Vratislauiensis, Henrico vero Legnicensis tractus sorte obtingeret: & ne duo illi minores omnino exhae-

des essent, Conradus quidem Henrico in Lignicensi, Vladislaus in Vratislauiensi Boleslao cōsors accederet. Verum paulo post Boleslaus cupiditate ductus, quod Lignicensem portionem potiore esse iudicaret, Conradumque fratrem, qui in ea cōsors Hērico factus erat, iam hypodiaconum, portionē suam petiturum nō esse existimaret, repudiato Vratislauiensi dominatu, Lignicensem vsurpauit, Henrico vero Vratislauiensem concessit. Atque hic fomes postea ciuiliū bellorum inter ipsos fuit. Tunc autem Boleslaus Caluus pēnitentia ductus, quod maioris Poloniae dominatum à Præmislo & Boleslao Vladislai Sputatoris filijs præripi sibi suadente auia passus esset, ad recuperandum eum adspirare cœpit, arcemque nouam Copaniciam supra Oderam in finibus ditionis Præmisli muniebat. Ad eam igitur munitionem prohibendam Præmislus & Boleslaus fratres copias comparabant. Sed proceribus vtriusque partis interuenientibus, pax inter affines Duces constituta est, his quidem legibus, vt Præmislus Boleslao Caluo Santocum, Medireczum, & Zbanisnum (quam arcem non ita pridem condiderat) daret: ille vero nouam munitionem demoliretur. Nec multo post Barnimus Cassubiorum Dux Santocum sibi vendicare, & cum exercitu oppugnare adortus est. Et facile quidem paucis arcem defendentibus expugnasset, ni propere ei Præmislus succurrisset. Mox Boleslaus quoque Caluus ad ferendam suis opem accurrit. Quorum amborum vires metuens Barnimus, ab obsidione recessit. Boleslaus autem vt Præmislo gratiam referret, Santocum ei redidit. Sub id tempus Casimirus Dux Lenciciensis & Cuiauiensis, vt cum alterius iniuria dominatum suum amplificaret, Landense territorium in Calissensi tractu inuasit, monasteriumque eiusdem nominis supra Vartam fluiuium situm præsidio firmavit. Verum id Boleslaus Dux Calissiensis deiecto Casimiri præsidio mox recepit: disiectisque propugnaculis monachis restituit. Porro Casimirus, qui aliena appetiuerat, non modicum suorum detrimentum tunc accepit. Suentopelcus enim quietis impatiens, violatis fœderibus, quæ cum Casimiro & Cruciferis iecerat, cum subito cum Prutenis in Cruciferorum ditionem irrupisset, multosque mortales apud Golubum incautos oppressisset, in Cuiauiam quoque impetum fecit, quo luculentiore præda Prutenos sibi deuinciret, suorumque inopiam releuaret. Venerat his temporibus Iacobus Leodiensis Archidiaconus, legatus ab Innocentio Pontifice Maximo, cum ad res Polonicas componendas, tum vt Pontifici à Friderico Imperatore vehemēter afflictō aliquid subsidij corrogaret ac corradere. Itaque conuocata Vratislauiam Episcoporum synodo, impetrauit, vt quinta pars reddituum ecclesiasticorum ex tota Polonia in triennium ei decerneretur. Relaxauit autem tunc Polonis partem ieiunij eius, quod est solenne cunctis Christianis ante Pascha. Nam cum id totis nouem hebdomadis veteri Pontificum instituto vulgo seruarent, indulgit, vt esset deinceps hebdomadarum sex & dimidiæ.

Dissidium inter fratres.

Suentopelcus Culmensem & Cuiauiensem terram infestat.

Ieiunij quadragesimalis moderatio.

Per eadem tempora Silesia Boleslao Caluo autore & incentore ciuilibus bellis ardebat. Nam cum Conradus refutato sacerdotio à Boleslao fratre præter spem eius portionem Lignicensis dominatus sibi destinata repeteret, Vladislaus vero Archiepiscopus factus, partem suam in Vratislauiensi non peteret, Boleslaus ad Vratislauiensem, quem prius contempserat, redire velle cœpit. Negante Hērico, exercitum à Germania accitum coegit, ac Vratislauiensem ditionem armis & flammis infestauit: Nouosoro oppido cum

Silesia motus & bellum inter fratres.

do cum templo & hominibus incenso Vratislauriam contendit, quæ nouis tunc mœnibus munitur, & tamen trimestrem Boleslai obsidionem sustinuit, obsidentesque crebris eruptionibus exagitatos re infecta discedere coegit, cum Henricus impar fraternis viribus ad prælii dimicationem prodire non esset ausus. Redit mox Boleslaus cum maioribus copiis, & frustra tentata iterum Vratislauriæ expugnatione, vastatis longe lateque agris & pagis, cum munitiones Henrici præliis tenerentur ac defenderentur, reduxit exercitum tristior, quod duabus expeditionibus sumptuosus, nullum tantis sumptibus dignum operæ præcium fecisset. Sed tamen tertiam deinde adiecit, & cum ne ea quidem ex ipsius animi sententia cessisset, nec haberet, unde stipendia debita mercenariis militibus dissolueret, infestare iij latrocinii ditionem eius cœperet: inde odisse eum iam sui, ac deferere. Quare adactus, suppellectilem omnem suam in stipendia militum distraxit: & cum ne sic quidem ipsi satisfacere, arces eis quasdam ac possessiones hypothecæ nomine habendas dedit. Denique Lubussense territorium Brandenburgensibus Marchionibus Ioanni & Ottoni oppignorauit, quod ex eo tempore in Marchionum potestatem venit. Cum autem Boleslaus Caluus inops, egenusque, & à suis exosus, nec satis compos mentis oberraret, ab Henrici militibus exceptus, & Vratislauriam adductus fratris misericordia statim dimissus est. Nec illa tamen lenitate ac mansuetudine fraterna cupiditas & feritas Boleslai victa est: quin is Ligniciam reuersus, noua aduersus fratres consilia cum externis militibus (cum suos à se alieniores esse animaduerneret) agitabat: neque Conrado portionem ipsius, quemadmodum receperat Vratislauriæ, reddebat: & cum pecunia indigeret, Sittauiam & Gorlicium oppida suis quibusdam hominibus oppignorauit. Quibus rebus magis etiam alienatis ab ipso animis omnium, Crofensense territorium & arx cum aliis finitimis ad Conradum ab eo defecit. Sed cum is parari sibi à Boleslao fratre infidias comperisset, neque satis virium ad resistendum ei se habere, ac in Henrico quoque parum sibi spei reliquum esse cerneret, ad Præmislum Posnanientem & Calissensem Ducem profugit. Quem benigne Præmislus accepit, & bene sperare iussit, sororem suam Salomeam ipsi despondit: nuptiisque Posnaniam celebratis, ad Hæricum & Boleslaum legationem misit, postulans, ut iij Conrado fratri iustam partem patrimonij concederent. At Henricus quidem negauit à se repetendam esse Conradi portionem, sed à Boleslao, cum quo acturum se ea dēre pollicitus est. Boleslaus vero durius respondit: Conradum sacris initiatum, iure omni patrimonij repetendi excidisse. Quocirca Præmislus cum exercitu suo fratrisque Boleslai Lignicensem tractum ingreditur, Conradum secum ducens, & magna celeritate arcē Bythomiam, siue in veteribus ruinis, siue alio quodam oportuno loco supra Oderam non procul à Glogouia excitauit: & turribus, aggeribus, & fossis muniuit, turmasque aliquot & cohortes Conrado attribuit, cum quibus ille finitimas oras Boleslao Caluo subiectas tam diu vexaret, quoad ius suum ab ipso consequeretur. Et paucis quidem diebus debellatum erat, si ad extremum fortuna Conradi cœptis respondisset. Boleslaus enim Caluus, dum incautius forte aduersariorum copias ac nouam munitionem speculatur, comprehensus ab aduersariis in statione excubantibus, & in custodia à Conrado habitus, ad quasuis iniquas conditiones adduci potuit, nisi corruptis custodibus euasisset.

Cæterum in minore Polonia cum pacatum iam principatum Boleslaus
Padi-

Pudicus ut tineret, anno Christi millesimo ducentesimo quinquagesimo secundo, salis metalla apud Bochnam pagum, quod iam oppidum est, quinto à Cracouia milliario inuēta sunt: vnde vberes Principi reditus accedere. Cū negundis vero vxoris Boleslai pictati ac sanctimonix beneficium id nō modo Polonis, sed etiam finitimis populis perutile, acceptum refertur. Hoc eodem tempore D. Stanislaus Episcopus quondam Cracouiensis, satagēte Boleslao Principe, & Episcopo Cracouiensi Prebota ab Innocentio quarto Pontifice summo de amplissimi collegij sententia, re diligentissime examinata, in numerum Sanctorum relatus est, centesimo demum & quinto ac septuagesimo post mortem anno, qui fuit à Christo nato millesimus ducentissimus quinquagesimus tertius. Anno vno celebritatem illam præcessit ingēs *Inundatio.* aquarū inundatio in tota fere Polonia ex perpetuis imbribus, ab Aprili mense vsque ad vicecimam quintam Iulij delapsis, ita vt campi, agri, syluæq; nauigabiles essent. In Masouia vero præterea Lithuani Vinsensem oram deuastarunt. Tertio deinde anno Lublincensem quoque tractum depopulati sunt, & arcem ligneam etiam tunc incenderunt. Erat autem tūc Lithuanorum Dux Mendocus siue Mindacus, qui Cruciferorum armis debilitatus & attritus, *Lithuanorum excursio in Masouiam & Poloniam.* anno Christi millesimo ducentesimo quinquagesimo secūdo religioni Christianæ initiatus cum suis assensus est, & Samagitensem, Veisensem, Curonensem, & lazygum siue Polessensem tractum donaturum se esse Cruciferis promiserat, vt imminenti ab ipsis exitio sese eriperet. Quorum etiam opera regium nomen à Pontifice maximo adeptus est, & à Rigeni Archiepiscopo, & Culmensi Episcopo solenni ritu diademate cinctus. Verum non multo post stabilitis rebus suis, neque Cruciferis promissa præstitit, & religione abiecta ad sua idola reuersiuit, & ex finitimis Christianorum regionibus prædas agebat, vt tunc è Lublincensi, post ex aliis. Aberat autem forte tunc Boleslaus Pudicus *Morauica expeditio.* Morauica expeditione occupatus, cuius hæc fuit causa. Post interfectum Austria Ducem Fridericum, Præmislus siue Ottocarus Venceslai Lusci Regis Bohemorum frater, vel secundum quosdam filius, Austria potius erat, ducta in matrimonium sorore Friderici Margarita iam anu, quæ prius Henrico Friderici Imperatoris filio nupta erat. At Styriam quoque idem Ottocarus sibi adiunxerat, quod eo facilius fuit factu, quod imperium in Germania tunc vacabat post mortem Friderici. Huic igitur Ottocaro cum Bela Rex Vngariæ bellum facere vellet, & virium ad id non satis haberet, Boleslaum generum Principem Poloniæ in auxilium euocauit. Nec ita multo ante Venceslaus Rex post Mieczislai Ratiboriensem & Opoliensem Ducis mortem, cum is nullos reliquisset liberos, Opauiam occupat & Nicolao filio notho suo tradiderat. Quocirca Boleslaus, vt in gratiam soceri manum Bohemorum distineret, Opauiamque Polonis rursus adiungeret, in Opauensem oram, & in Morauiam cum exercitu ingressus, ferro & incendiis eam longe lateque vastauit, magnamque prædam abegit: nec tamen Opauia positus est. Ne Bela quidem operæ precij quicquam fecit: quin à Morauis fusus fugatusq; esse fertur. Hac igitur expeditione Morauica occupato Boleslao, liberior fuit excursio Lithuanis in Poloniam.

In Silesia vero Conradus ditiones fratrum ex arce Bythoniensi armis infestabat, quem quo expeditius adiuuaret Præmislus socer, cum Boleslao fratre, quem iniuria affectum, in carcerem etiam quasi insidiatorem coniecerat, in gratiam à Fulcone Archiepiscopo reductus est, ac denuo dominatum cum

Polonia maioris diuisio noua.

cum eo partitus, Gnesnam, Calissiam, Rudam seu Velunum, Pysdros, Srodam, Bninum, Biechouiam, Gzum, & Pobiediscos ei concessit. Posnaniam cum cæteris munitionibus ac territoriis ipse retinuit. His ita transactis, in Vratislaviensem regionem duxit exercitum, & omnem eam oram, quæ est circa Olesniciam, Syczouiam, Trebniciam, & Cerequiciam oppida, usq; ad Vidauam amnem, deinde & ultra Oderam vadato flumine depopulatus est, eoq; Henricus Dux Vratislaviensis neq; ipse partem patrimonij Conrado reddebat, neque ad repetendam eam à Boleslao fratre opem ei ferebat. Pax deinde ac concordia inter Silesios fratres, Episcopi Vratislaviensis & aliorum procerum interuentu componitur, ac Glogouiensis dominatus Conrado à Boleslao Caluo, quanquam inuito, conceditur: Conradus obsides & captiuos dimittit: aliis item, qui prius ex pacto dimissi erant, assimationes capitum remittit. Mendocus Dux Lithuanie abiecta religione Christiana, infestior indies Christianis vicinis erat, coactoq; è suis Lithuanis & Prutenis idem sentientibus valido exercitu, in quo triginta millium armatorum censebantur, Masouiam oem crudeliter vastauit, caputq; gentis Plocensem arcem defensoribus vacuam incendit, & ingenti hominum atq; iumentorum præda domus remissa, in Cruciferorum ditionem eodẽ furore inuasit: eaq; peragrata exustaque, homines quidem captos immanitate barbarica trucidauit, ceteram vero prædam permagnam abegit. Cruciferi non ausi obuam prodire tantæ multitudini, munitionibus tunc sese continuere.

Regis Bohemie & aliorum Principum expeditio in Prussiam.

Sambia à Crucigeris subacta, & ad religionem Christianam adacta.

Naclum à Suentopelco interceptum.

Postea vero anno Christi millesimo ducentesimo quinquagesimo quinto aduenientibus Octocaro Rege Bohemorum, Marchionibus Brandeburgensi & Morauie, Duce Austria, Pragensi, Olomucensi, & Ermeliensi siue Varmieni Episcopis, cum magnis copiis, magnaue item multitudine crucis militiam professi, aucti viribus & animis, vicissim Prutenis bellum inferunt, & illis ad prælij dimicationem nusquam prodeuntibus, ferro & igni in obuia quæque deserviunt. Quibus malis adacti Sambienfes, in potestatem Cruciferorum venire, religionemq; Christianam susceperunt. Suentopelcus vero quietis impatiens nouum excitauit bellum. Etenim misso clam cum expedita manu filio, quem obsidem pæce facta à Prutenis receperat, Naclum arcem Præmisli nepotis sui, conscio & adiuuante vno de custodibus, pecunia corrupto, noctu iterum interceptit. Quod vbi Præmislo nunciatum est, quantum potest, cogit exercitum. Mittunt ei auxilia Duces alij Polonorum, tanquam ad restinguendum commune incendium: cum quibus ad Naclum contendit Præmislus. Cumque arx situ atque arte munitissima egregie à Pomeranis defenderetur, ac difficilis esset eius expugnatio, aliam è regione eius ad occidentem solem summa celeritate excitauit, eique importato copioso commeatu præsidium imposuit, quantum sufficebat ad vexandos, & quasi in obsidione continendos hostes, qui in præsidio antiquæ arcis erant. Quo facto dimisit reliquum exercitum. Fiebant autem crebræ vtrique ex arcibus eruptiones, & confliæus Marte vario. Alteram deinde Præmislus cum Boleslao fratre & Casimiro, fecit expeditionem in Pomeranos, & omissa Nacli expugnatione, noctu silenti agmine ad Racianzum arcem Pomeranie, in quam se magna multitudo Pomeranorum cum facultatibus suis propter bellum contulerat, contendit: eamque antelucano tempore adueniens incendio consumpsit. Post cuius discessum Suentopelcus cum exercitu non contemnendo, hostibus ex noua arce obfistere non ausis, in Naclum perripit, & comæatu im-

por-

portato, suos laborantes victus inopia confirmavit. Deinde omnem conatū ad nouam arcem vel capiendam, vel euertendam conuertit, sed irritō cōcepto post recessit. Videns autem Suētopelcus, difficulter se Naclum retinere posse, ad pacem cum Præmislo faciendam inclinari animo cōcepit. Nec difficulter ea Popone vno de Cruciferis, qui Suētopelcum & Præmislum materno sanguine attingebat, interueniente coiuit. Conuentu enim apud Xynam actō, Suētopelcus per sententiam Poponis ex compromisso latam Præmislo Naclum reddidit: Præmislus vero Suētopelco pro impendiis & Raczianzi demolitione quingentas marcas argenti certis pensionibus exoluturum se esse, nouem obsidibus nobilibus datis, cavit; & exoluit postea. Captiui vtrinque dimissi. Pax perpetua mutuo iureiurando firmata est, ita vt neuter alterius ditionem vnquam inuaderet. Nec toto ab ea pace facta anno circūactō, Præmislus triginta sex annos natus, pridie nonas Iunii immatura morte extinctus, Posnaniæque sepultus est. Mitissimus sui temporis princeps, & supra ætatem prudens: iustitia autem & animi moderatione in iudicando tanta, vt eius iudicium victus atque victor ex æquo probarent. Ebrium aut iratum eum nemo vidit. Vsq̃ adeo vero ad dictus fuit religioni & cultui diuino, vt per tempus quadragenarij ieiunij cilicina veste super nudum corpus, & vino diluto admodum, aut insipidiore ceruisia vteretur. Nocturnis temporibus cum dormire putabatur, prolux præcationi vacabat. Quāscensē monasterium Cisterciensis scæ puellis ad Vartham fluuium condidit: Srodecensē vero Dominicānorum Posnaniā transtulit. Gnesnensē etiam Xenodochium siue hospitale sepulchri Christi militibus contulit & commendauit, Præpositoque Miechouiensi subiecit. Præter multas autem alias pias largitiones, Gnesnensi quidem ecclesiæ Cirkelinum pagum, Posnaniensi vero Bucum donauit, non sine inuidia & offensione procerum. Reliquit autem Præmislus quatuor filias, ex Elisabetha vxore susceptas, & filium posthumum post quartum mensem natum, cui paternum nomen inditum est.

*Pax inter
Suētopel-
cū & Præ-
mislum.*

*Præmisli
mors &
laudes.*

*Præmisli
posthumus
nascitur.*

Eodem anno millesimo ducentesimo quinquagesimo septimo Iacicus siue Iacintus post exhaustos multos labores in Polonia & Russia pro religione Christiana, mortem cum vita commutauit ad decimum octauum Calendas Septembris. Non omnino tunc Silesia ab intestinis motibus immunis erat. Etenim Boleslaus Caluus, cum dolore amissæ Glogouiæ percitus, tum bello superiori exhaustus, vt iram simul & cupiditatem suam expleret, Episcopum Vratislauensem cum duobus Canonicis ruri captum, & vestibus exutum in carcerem abduxit, à quibus postulabat decem millia marcarum. Quæ cum non penderent, coniecit eos in tetrum carcerem compedibus constrictos. Quare cognita, Archiepiscopus Gnesnensis Boleslaum diris deuouit: Vratislauenfi vero omni diocesi sacris interdixit. Quas diras cum Boleslaus negligeret, & nihilomagus dimitteret captos, Pontificem Maximum Alexandrum quartum certiorē ea de re fecit, & quid porro fieri oporteret, rogauit. Rescripsit Pontifex Archiepiscopo, vt Poloniam omnem ad arma contra Boleslaum sumenda crucis militia promulgata vna cum cæteris Episcopis concitaret. In eandem sententiam Magdeburgensi quoq; Archiepiscopo de cōcitandis Germanis scripsit. Sed interea Episcopus pertrāsus diri carceris, duobus millibus marcarum, & cōmutatione decimarum

*Silesiaci
motus.*

rum manipularium in pecuniarias per totam diœcesim suam vna cum Præposito & Canonico se redemit. Neque vero vno illo scelere contentus Boleslaus fuit. Nam Præmislo, cuius ope Conradus gener nitebatur, mortuo, Conradum quoque fratrem per fraudem capere, & Glogouia exuere adortus est. Sed hoc non itidem successit. Certior enim factus Conradus de infidiis fratribus, cum Lignicium ab eo dolose ad cōuiuium vocaretur, cum expedita manu profectus est, ac reliquis in sylua propinqua Lignicio latere iussis, cum paucis expeditorib⁹ veniens, à Boleslao simulati officij causa obuiam prod-eunte in arcem deducitur. Vbi conspicit loca superiora ab armatis teneri, anteuerit mediatum fratris facinus, captumque eum metu perculsis omnibus asportauit, & in custodia habitum aliquandiu, atque ea, quam ab Episcopi Vratislauiensi emunxerat, pecunia mulctatum postea dimisit. Sic Boleslaus laqueo, quem alteri tetenderat, ipse se implicauit.

Terramoto-
tus.

Polonia ci-
uilib. bellis
agitatur.

Anno sequenti millesimo ducētesimo quinquagesimo octauo terræ motus vehemens Poloniam concussit, & animos hominum propter rei raritatem non metu tantum, sed etiam religione impleuit, velut magnorum malorum, quæ mox consecuta sunt, prodigium. Nam & ciuilibus bellis mox agitata, & barbarorum excursionibus afflictæ est. Ciuiliū autem bellorum Casimirus Dux Siradiensis, Lenciciensis, & Cuiaiensis causa fuit: cuius in-explebilis cupiditas eousque progressa est, vt Ziemouito fratre in vincula cō-iecto, Siradiensem tractum, cuius hæreditas secundum Boleslaum fratrem iure ad vtrumque pertinere debebat, solus occuparet: Landense territorium, vnde prius à Boleslao Pio Duce Calissienſi depulſus erat, iterum inuaderet: Racianzum item Episcopo Vladislauienſi auferret, quod tamen post reddidit, cum ei litem intendisset Episcopus. Lelouienſe territorium Boleslao Pudico adimeret, munita arce in colle supra oppidum. His igitur de causis primus omnium Boleslaus Pius in eum arma sumpsit, inita societate cum Varcislao Cassubiorum Duce, quod is Suentopelco, cuius gener tunc Casimirus factus erat, propter iniurias quasdam infensus esset. Obtinebat Boleslaus etiam Posnaniensem satrapiam, vtpote tutor liberorum fratris defuncti. Itaque conscripto ex omni maiore Polonia magno exercitu, coniunctisq; cum Varcislao viribus, Cuiaiam vastabundus ingreditur, Inouladislaiamque arcem obsidione cinxit: cui, sicut & cæteris munitionibus, Casimirus, cum non haberet exercitum, metuebat. Itaque legatione ad Boleslaum missa bellum deprecatur: Landense territorium redditurum se ipsi promittit, arcemque, quam in eo præsidij causa communierat, demoliturum. Secutus eius fideſdem Boleslaus, obsidionem soluit, exercitumque dimisit. Sed Casimirus nō modo non præstitit Boleslao, quæ receperat, verum etiam Calissienſem tractum vicissim in sequenti anno depopulatus est, cum de clade Varcislai, cui Boleslaus ex fœdere auxilia miserat, in Pomerania cognouisset. Proficisc-batur tunc Boleslaus Calissia Posnaniam, cum de Casimiri excursionē nuncium accepit. Protinus igitur cum solo aulico suo comitatu reuertens, triginta tantum equitibus in itinere collectis, & agrestibus, quos hostes damno affecerant, sequentibus, in sylua, cui Soleciæ nomē est, hostilem exercitum, magnoque animo impetum in eum facit, extremisque perturbatis, & primos impellentibus, & omnibus maiores multo, quam erant insequentium se, copias! (propterea quod sylua longiorem prospectum adimebat, clamantium vero sonitum ampliorem reddebat) esse credentibus, vniuersum agmen in fugam

fugam agit, prædam excutit, plurimosque ex hostibus captiuos abducit. Nec tamen clade hac affectus Casimirus acquieuit, sed non ita multo post Pacossum oppidum Boleslai capit, arcemque in eo munit: vnde Calissiensē oram liberius infestabat. Ibi tunc Boleslaus Pudicus & Ziemouitus Casimiri frater, vt & Boleslao Pio subuenirent, & suo quoque nomine Casimirum vlciscerentur, coniunctis cum Boleslao Pio viribus, Lenciciensē tractū crudeliter vastant, arcem ædificant, & commeatu copioso implent, ac Ziemouito commendant. Fractus hisce incommodis Casimirus, inducias duorum mēsum petit, æqua omnia se esse facturum promittit iureiurando dato. Sed elusis Ducibus, amotoque præsentī periculo, non seruauit fidem. Itaque insequenti anno Boleslaus Pius in Cuiauiam duxit exercitum. Deprecante vero Casimiro, non prius deduxit, quam ille arce Landensi & Pacosso præsidia deduceret. Quod quidem Casimirus extrema pene adactus necessitate fecit, cum alio quodam infortunio maximo mulctatus esset. Nam duo filij eius, Lescus cognomento Niger, & Ziemomyslus è priore matrimonio suscepti, veneno, vt aiebant, à nouerca appetiti, vel potius iusta Dei vindicta incitati, Siradiensē & Léciciensē ditionem absente patre, Proceribus cum omni Nobilitate fauentibus, occuparunt: & Lescus quidem Siradiensē, Ziemomyslus vero Lenciciensē obtinuit. Ita qui aliena iniuste appetebat, sua turpiter amisit. Atq; hi tunc sane ciuiles motus in Polonia inter propinquos, agnatos, fratres, parentes, ac liberos extiterunt.

Dum autem hi sic inter se bellum gerunt, ecce Tartarorum ingens vis *Tartari* Nogaio & Celebuga ducibus, in Poloniam sese per Russiam mēse Decembri *Poloniam* effudit, Russis ipsis adiutoribus atque ductoribus. Flumina tunc iam glacie *vastant.* concreta erant: itaque summa celeritate vsi, & Lublīnensē oram, quam à Lithuanis vastatam superiori tempore Daniel Russorū Rex, arce Lublīnensi intercepta, acturri rotunda præsidioque firmata vsurparat, prætergressi, in Sendomiriensē imperum faciunt, & plurimos mortales incautos opprimunt: monasterium Zaichostense, quod Boleslaus Pudicus nuper condiderat, & viginti quinque pagis dotatum puellis D. Francisci vitæ institutum professis attribuerat, diripiunt, itemque id, quod in Lyssccio siue caluo mōte situm est: Sendomiriensē oppidum incendunt, arcem nullo respirandi ocio defensoribus dato, die nocteque oppugnant, verum nullo operæ precio: nam à multis ea gnauiter defendebatur. Ibi Russorum Duces Leo & Romanus Danielis filij, & Basiliscus frater, qui in castris Tartarorum erant, primo per internuncios, deinde per se ipsi cum Petro præfecto arcis agunt, vt, si se, arcemque seruatum ire velit, ad Tartarorum Duces in castra veniat, & imperata se facturum professus, paruo se, arcemque, & omnem multitudinem redimat. Fidem dant, nil in ea re fore periculi, se hæc ita confecturos esse. Credidit præfectus, Russos Christiani sanguinis misericordia commotos, quemadmodum præ se ferebant, illa suadere & recipere. Itaque præfectus cū fratre suo, & primorib^{us} ex Nobilitate ad castra hostium, quemadmodū conuenerat, proficiscitur. Duces barbarorum, vt erat edoctus à Russis, adorat, de salute sua & arcis supplex agit. Barbari autem, vt sunt fallacissimi, in supplices impetum faciunt, spoliatos & verberatos immaniter obtruncant, & confestim sublato clamore, effuso cursu in arcem, nihil tunc eiusmodi expectantibus defensoribus, inuehūtur, in cædeq; hominū, omnibus perterritis & latebras quærentibus, promiscue grassantur. Matronas tantum & puellas formosiores

*Cracouia
iterum à
Tartaris
incensa.*

*Boleslaus
fugit in
Vngariam.*

stiores ad contumeliam & explendam libidinē (vt est gens libidinofissima) adferuarunt. Defessi autem cædendo, reliquum vulgus hominum gregatim in Istulam impulerunt. Tanta vero cædes in arce tunc facta esse dicitur, vt sanguis cæsorū ad Vistulam vsq; deflueret. Incensa arce, barbari nulla mora interiecta versus Cracouiam Russis Ducibus itineris contendunt, & vrbem defensoribus vacuam incendunt, valetudinarios & mendicos trucidant. Nam Boleslaus princeps, nuncio de Sedomiria capta accepto, in Vngariam cum vxore profugerat: cætera hominum multitudo partim in syluas se abderat, partim munitionibus arcium sese defendebat. Tartari vero cædibus & incendiis vsque ad Bythomiam in Opoliensem tractū impune prouecti, post alterū siue adeo tertium mensem præda onusti in Russiam reuerterunt. Annus, quo hæc gesta sunt, fuit post Christum natum millesimus ducentessimus sexagesimus.

*Russorum
perfidia.*

Circa hæc tempora Daniel Romanj Ducis filius, aduersa factionis Ducibus vel domitis, vel in suam sententiā adductis, magnam potentiam & monarchiam fere in Russis Australiibus vsurpabat: & quo maiorem sibi auctoritatem compararet, legatione ad Opiffonem legatum Apostolicum in Poloniam missa, cum promitteret, se cum vniuersa gente sua ad Romanæ ecclesiæ societate accessurum, ac Christianas regiones aduersus Tartaros, qui iam ingentem formidinem omnibus principibus Christianis incusserant, defensurum, nomen ac diadema regium sibi ac posteris suis impetrauit. Verum consecutus id, quod concupierat, fidem & iurisiurandi religionem violauit: & in pristinum errorem relapsus, non modo non defendit à barbaris Christianos, verumetiam cum Tartaris pariter infestauit, mox etiam cum Lithuanis. Nam cum eis Suarmonem sororis filium cum magna manu ad populandam Masouiam misit. Qui celeritate vsi, Ziemouitum Ducem cum Conrado filio & aulico comitatu in Iassouusco prædio secure rusticantem cepere. Ac Ziemouitum quidem Suarno barbarica crudelitate interfecit; Conradum vero Mindacus, cui cesserat, seruauit, & pecunia redemptum

*Masouia à
Russis va-
stata.*

postea dimisit. His patratīs, Masouiam pene omnem Duce orbam Russi cum Lithuanis populabundi peragrarunt. Miseratus autem acerbam illam cladem Masouix Boleslaus Dux Calissiensis, & precibus Gertrudis Ziemouiti vxoris exoratus, venit cum exercitu in Masouiam, copiosum comeatum & fabros secum ducens, releuataque populi calamitate & inopia, & arce Plocensi, quæ ab hostibus exusta fuerat, resecta, ac bene munita discessit. Reuertuntur deinde æstate sequenti Lithuani in Masouiam, & non respondente eorum cupiditati ac spei præda, longius progressi Louiciensē territorium ferro & incendiis vastarunt. Graues iam admodum non modo Masouix, sed & Boleslai Pudici ditionibus Lithuani esse cæperant, ni diuinitus auxilium affuisset. Intestini enim eorum motus respirandi spacium Boleslao Pudico dederunt. Mindacus enim à Stroinato

*Mindacus
Lithuanorum
Rex
interfici-
tur.*

fratris filio per insidias dormiens cum filiis interfectus est, & Stroinatus dominatu Lithuanix potitus. Nec mitior is futurus erat in Christianos: mox enim initio principatus sui Masouiam depopulatus est: captaque Orsimouia arce, mares quidem puberes trucidauit, impuberes vero cremauit. Sed cito scelerum suorum pœnas dedit. Nam à Voisalco Mindaci interfecti filio superstitē, qui monastica vitæ institutum apud Russos professus erat, venationi vacans captus, excruciat, & necatus est. Nec ita multo post Voisalcus

falcus Lithuanorum dominatu potitus, à Leone Danielis Rufforum Regis filio per dolum interfectus est. Dum hæc ita turbantur in Lithuania, non putauit Boleslaus Pudicus prætermittendam sibi esse illam occasionem, quin Iazygas finitimos & infestos regionibus suis vlisceretur. Itaque duxit in eos exercitum. Qui fortiter dimicantes & Conato etiam Duce amisso pedem non referentes, ad internecionem vsq; cæsi sunt, adeo vt ex eo tepore nomen quoque Iazygum pene deletum sit. Regione eorum deinde potitus Boleslaus, exiguas gentis reliquias Christianam religionem suscipere capitali pœna in contumaces sancita coegit, & ne regio vasta & inculta maneret, colonias eo deduxit. Ab Urbano autem quarto Pontifice Maximo impetrauit mandatum ad Archiepiscopum Gnesnensem, vt nouum genti præficeret Episcopum. Nunc sane tractus ille est in diocesi Lucensi siue Lucæoriensi: quæ Episcopa Ludouici Regis studio & opera posterius condita est. Annus hic fuit post Christum natum millesimus ducentessimus sexagesimus quartus, quo post apparitionem cometæ trimestrem pestis acerba in pecora & pecudes in Polonia grassata est. In Prussia vero Cruciferi, aduersa fortuna vsi, pene deleti sunt à Prutenis.

*Iazyges à
Prutico vi-
cti ac pene
deleti.*

*Cruciferi
à Prutenis
afflicti.*

Insequenti anno Russi Duce Suarnone magna vi in Sandomiriensem oram populabundi inuasere: sed à proceribus Sandomiriensibus cum Nobilitate & agrestibus præter opinionem occurrentibus insigni clade profligati, in turpem fugam acti sunt. Irritatus autem vehementius, quam solebat, Boleslaus excursionibus Rufforum, & Ziemouiti cædem vltum ire cupiens, anno sequenti expeditionem in Russiam suis indicit. Summa rerum & administrationis belli Petro Palatino Cracouiensi commissæ. Boleslaus enim ipse ad eam expeditionem profectus non est: verum precationibus ac supplicationibus cum Cunegundi vxore vacans, exercitus sui curam & protectionem Deo commendabat. Petrus itaque exercitu suscepto, hostilem regionem ingressus prudenter & accurate omnia agere, instructis ordinibus caute progressi, speculatores quoquouerfus dimittere, castris loca opportuna capere, excubias in oēs partes seruare, neque pabulatores, frumentatores, & lignatores absq; firmo armorum præsidio castris emittere, nō ignorans, cū vafro hoste sibi rem esse. Non multū in hosticum progressis Polonis apud Pietam campū, occurrit Suarno Dux Rufforum, ingentes Rufforum & Tartarorum in auxilium euocatorum copias ducens, nec longe à Polonis castrametatus est. Sequenti die, qui erat decimus nonus Iunij, quod eo die prospere contra eundem Russos ad Zaichostum ante complures annos dimicatum erat, educit suos in aciem Petrus, dici illius victoriæq; admonitos. Nec detrectat pugnam Suarno. Eminus quidē primū Poloni balistis, hostes arcubus pugnabant. Sed quoniam eo pugnandi genere meliore loco erat res hostium, expeditiori genere armorum plures de Polonis vulnerati, magno mox impetu Poloni in hostiles acies inuehuntur, & cominus hastis ac gladiis rem gerunt. * superiore loco Polonorum res esse cœpit. Referunt pedem hostes, instat Poloni. Vniuersa acies hostium conuertit, & mutuo sese impellit & impedit. Cædunt Poloni terga fugientium, & plurimos abiectis armis viuos capiunt, & plena potiuntur victoria. Ea vero clade vires & animi Rufforum ita fracti sunt, vt permultis deinceps annis nil hostile contra Polonos molireretur. Porro Boleslaus abunde contentus, repressisse ea victoria feroces Russos, ipse quoq; quiescit, benignus &

*Rufficum
bellum.*

*Russi &
Tartari à
Polonis
profligati.*

mitis princeps: cuius cū vxore precibus à Deo impetrata illa victoria existimata est, magis quam humanis viribus parta, de tanta scilicet hostium multitudine, vt quadruplo ea Polonos excederet.

*Casimirus
Cuius
Dux mori
tur.*

*Suentopel-
cus Dux
Pomerania
obiit.*

Anno Christi millesimo ducentesimo sexagesimo octauo Casimirus Cuius, Lancienfis, & Siradienfis Dux obiit, qui moriens Lescum Nigrum filium Siradiensem ditionem retinere passus est, vt ab eo fuerat occupata: reliquas vero Ziemomyslo, cui Suentopelci filiam Salomeam desponderat, cum tribus aliis, videlicet Casmiro, Vladislao Loctico, & Ziemouito ex altero matrimonio susceptis partiendos reliquit. Suentopelcus etiam Pomeranorum citeriorum Dux eodem anno mortuus est ætate decrepita, relictis quatuor filiis, Mestiuino siue Mesciugo, Varcislao, Samborio, & Ratiborio. Quibus moriens præcepit, vt à bello Cruciferis inferendo, quoad possent, abstinerent: Polonos vero Duces omni beneuolentia sibi deuincirēt. Quorum illi præceptorum immemores, magnis se postea calamitatibus implicarunt. Porro anno Christi millesimo ducentesimo sexagesimo nono Ziemomyslus Casimiri filius Vladislauensem dominatum adeptus, despiciatui suos habere cœpit: cum Cruciferis, apud quos ab ineunte ætate educatus erat, familiarius viuere, eorum arbitratu omnia agere, & consiliis niti. Quibus rebus offensa Nobilitas, mussitate primum, deinde apertius fremere: ad extremum, eo non mutante mores, ad Boleslaum Calissensem Ducem defecit. Qui iam Bydgostia supra Bredam fluuium sita, Theodorici Prussi proditione, qui post susceptam religionem Christianam à Casmiro Ziemomysli patre ei arci præfectus fuit, potitus erat. Exorauit postea Boleslaum Ziemomyslus, vt sua sibi redderet, donato ei territorio Crusuiciensi, placataq; Nobilitate, quod reciperet, nihil sibi commune deinceps cum Cruciferis.

*Bellum
Brandenburgicum.*

Hoc eodem anno bellum inter Boleslaum Ducem Calissensem, & Marchiones Brandenburgenses recruidit ex huiusmodi causa. Otto Marchio Cōradi frater cupiens Santocense territorium in potestatem suam redigere, arcem Sulentiam inter Lubussum & Medireciam, comportata celeriter domo materia extruxit, & argilla extrinsecus, ne incendio esset obnoxia, contextit. Id vbi Boleslaus accepit, ratus id quod erat, non de nihilo arcem illam in cōfinibus Poloniae munitam esse, tamen quia in suo solo eam Otto munierat, oppugnatione quidem eius abstinuit, ne prior sœdus rupisse argueretur: ceterum Medireciam ipse vicissim fossis & ligneis propugnaculis munire cœpit. Necdum perfecta erat munitio, cum Otto cum expedita manu aduolans oppidum diripit & incendit: arce tentata potiri non potuit. Certior earum rerum factus Boleslaus, hostem discedentem cum expeditis, quos ad manum subito habere potuit, persequitur: & cum cōsequi eum intra fines suæ ditionis non posset, Lubussense territorium per circuitum vastauit, deinde ad Sulentiam arcem expugnandam reuertitur. Quo aduerso, milites facta è scutis & clypeis testudine, munitionem subeunt, dimotaque securibus argilla, ignem subiiciunt: qui subministratis alimentis mox arcem omnem corripuit, ac cum prædiariis pariter absumpsit. Ita tunc Boleslaus Ottonem ultus, reduxit exercitum. Sequentis autem anni initio, cum Boleslaus Calissensis Cracouiam, vt viseret Boleslaum Pudicum, profectus esset, non prætermisit eam occasionem Otto, sed magna celeritate vsus quamuis hyberno tēpore, Santocensem arcem ligneis propugnaculis, vallis, fossis, commeatu, & præsidio muniuit. Reuertens autem Boleslaus, vbi pacta cum Conrado inita ex professo

fesso temerata esse comperit, ipse quoque Drenum instaurauit, & intra octiduum munitionem perfecit, impositoque praesidio discessit. Sed aliquanto post, cum Poloni negligentius, ut solent, arcem custodirent, à Santocensi praesidio noctu ea intercepta, & Ottoni tradita est.

Multa eo anno portenta & prodigia in Polonia extiterunt. In Cracouiensi quidem regione honesta quaedam matrona Margarita Virboslai Comitis vxor triginta sex pueros viuos vno partu edidit vicesima die mensis Ianuarij. Calissiae intra octauam diem natalis Christi natus est vitulus cum duobus caninis capitibus ac dentibus, & septem pedibus vitulinis: capitum autem maius quidem antrorsum in suo loco: minus vero retrorsum ad caudam situm erat. Ab eius cadauere canes & volucres abhorruere. In Silesia vero apud Michalouum pagum, & inter Oderam ac Nissam fluuios, triduo sanguinem pluuisse dicitur. Praecedente quoque anno ferebantur visae esse in aere armorum acies inter se concurrere. Aestas eius anni tota fere continentibus pluuiis, & insolita aquarum inundatione non modo segetibus, sed etiam pecudibus & iumentis, pagisque, & oppidis plurimum incommodi attulit. Haec cum ingentem terrorem animis hominum incussissent, supplicationibus ac sacrificiis publice procurata sunt. Secuta sunt autem cum externa quaedam aduersa Polonis bella, tum domestici motus.

Insequenti anno Christi millesimo ducētesimo septuagesimo primo, Boleslaus Calissiensis Santoci occupatione atque Dreni ereptione irritatus, coactis magnis copiis, & auxiliis Cuiaviensium & Ziemomysli adiutus, bellum fecit Marchionibus Brandeburgensibus: & cum illi ad praelij dimicationem non descenderent, munitionibus sese defendentes, vastato Santocensi agro, ad Soldinum duxit, & scalis admotis oppidū cepit, diripuit, & incendit, magnamque praedam abegit. Reuersus Crusuicense territorium Ziemomyslo pro nauata opera reddidit, arcem demolitus. At in Silesia Boleslaus Caluus Conradum fratrem parum abfuit, quin caperet Boleslaviae securum. Sed tamen effugit is, de hostili aduentu fratris in ipso articulo factus certior. Oppido autem Boleslaus positus est.

Sequenti deinde anno bellum, quod à Boleslao Calissiensis cum Marchionibus Brandeburgensibus gerebatur, in Pomeraniam translatum est ex huiusmodi causa. Post Suentopelci mortem bellum ciuile inter filios eius Mesciugum & Varcislaum exortū est. In eo cum firmiores essent partes Mesciugi, Varcislaus ab eo captus, & paulo post è carcere clapsus, Conradi Marchionis Brandeburgensis implorauit opem, remunerationem iustam pollicitus. Accepit conditionem Conradus. Cum autem pignoris loco Gedanum ei tradidisset Varcislaus, paucis diebus illis in ipso apparatu belli mortem obiit. Repetit à Conrado Gedanum Mesciugus: negat ille se redditurum, ni sibi sumptus in bellum facti, quos permagno aestimabat, exoluantur. Cum autē imparem se viribus illius esse Mesciugus sciret, misit legationē ad Boleslaum Calissiensem, à quo impetrat, ut secum aduersus communes hostes arma coniungat. Duxit igitur exercitum in Pomeraniam Boleslaus, iunctisque cum Mesciugo copiis ad arcem Gedanensem admouit: qua capta, nihil negotij futurum erat in potiundo oppido. Tentata deditione, & pulsata machinis arce nullo operaprecio, nona deinde die factis restudinibus ex asseribus, Poloni audacius succedunt sub ipsa moenia & propugnacula: & alij quidem conuellunt & rescindunt munitionem, utpote ligneam: ignem alij subiiciunt, alij

Portenta
& prodigia.

Inundatio
insolita.

Brädeburgicum
bellum iterum.

Inter Suentopelci filios
diffidium.

Bellum contra
Marchionem in
Pomerania.

*Expeditio
Polonorum
in Mar-
chiam.*

alij scalis admotis mœnia scandunt, arceque potiuntur. Arce capta, mox oppidani deditionem fecere. Boleslaus domum reuersus quatuor mensium spacio militibus ad quietem dato, rursus contra Marchiones expeditionem fecit, eique Præmislum iuuenem fratris filium, decimum sextum annum a gentem, præfecit, adiunctis, quorum consilio faceret omnia, Palatino Pōnanienſi & Castellano Calissiensi, rei militaris peritis. Dreno præterito vastatur longe lateque hostilis regio, quæ cis Oderam est, Strelce arx haud ita pridem à Conrado condita expugnatur diripitur, & exurit. Sæuitur in homines, agros, & tecta, nonnullis tamen, Præmislo deprecante, vita conceditur. Abigitur ingens præda, cum qua reuertens Præmislus, cum apud Velenū exercitū dimitteret, cognoscit, Drenum arcem paruo hostium præsidio teneri: Cassubiosq; qui in castris eius militauerant, domū abeuntes nauigio, primā portā arcis incendiſſe. Reuocatis igitur ex itinere militibus, ad Drenum cōtendit, & præſidiariis deditionem facientibus, arcem recepit, præſidioq; cōmuniuit. Dedititios vero liberos dimisit, datis, qui eos deducerent, ne quam vim à Polonis paterentur. Hæc tunc rudimenta militiæ Præmisli fuere. Sex deinde totis annis vtrunque ab armis cessatum est.

*Cōspiratio
minorum
Polonorum
contra
Principem.*

*Boleslaus
Pudici con-
uentus cum
Bohemo.*

Interea vero minor Polonia quasi vicissitudine quadam bellis ardere cœpit, autore Paulo Episcopo Cracouiensi, gēte Polucōſio, qui Prebota mortuo à collegio sacerdotū elect⁹ successit. Is enim suæ dignitatis immemor, cū totus voluptatibus, venationi, & libidini deditus, ac iudiciis suis grauis, aduersus Principē vero Boleslaum contumax esset, nec precibus & monitis tū Principis, tum collegij sui flateretur, & præterea monacha quadā, de Scalēſi monasterio eduſta, pro concubina abuteretur, in Cunouiensi prædio degēs, ab Ottone & Zegota iuuenibus, equestri Topororū familia ortis, captus, ac Siradium deportatus, à Lesco Nigro in honesta custodia mensem vnum seruatus erat. Boleslai Pudici, quemadmodum exitus rei cōprobauit, vel iussu, vel permissu. Sed cū Archiepiscopus Gnesnensis omni prouinciæ suæ sacris eam ob rem interdixisset, cōuiciis & maledictis populi exagitatus Boleslaus, dimitti eum iusserat, & in gratiam cum eo redierat, cum ducenta pondo argenti ipsi appendisset. Nec tamen conqueſcebat Episcopus, verum in hoc erat totus, vt Boleslaum vlciſceretur. Domi itaq; factiosorum hominū animos in Principem concitabat, in primis vero eorum, qui cū sua turpiter prodegiſſent, & ad inopiam redacti, aut etiam ære alieno oppressi essent, alienis inhiabant, aut qui ob latrocinia, & alia scelera pœnas metuebant, siue adeo multati iam erant, aut etiam in pace cupiditatibus suis minus cōmode satisfaciebāt. Incensus igitur plurimorum animis, nec occasio cogitata perficiendi defuit. Erant inter Præmislum Regem Bohemorum & Boleslaum Pudicū inimiciæ propter surreptam Polonis à Bohemo Opauiam, & propter adiutum à Boleslao Belam Regem Vngarorum cōtra Bohemos. Ac facta est quidem pax inter Ottocarum & Belam paulo ante mortem suam. Sed Stephanus fili⁹ eius suscepto paterno regno bellum redintegrauit, quod vt maiori vi gereret, ad Boleslaum affinem Cracouiam venerat. & cum eo fœdus paternum renouarat, moxq; magnis incōmodis Bohemos affecerat. Quibus adductus Bohemus, vt Polonorū auxilia Vngaro detraheret, cum Boleslao de Opauia trāsiggere statuit. Nec abhorrebat à pace Boleslaus. Idcirco anno Christi millesimo ducentesimo septuagesimo tertio ad constitutum tempus Opauiam is profectus erat, & cum Bohemo conuentum agebat. Hoc tēpus nacti con- iura-

irati, maurant defectionem illam aduersus Boleslaum, offensionis causam prætexentes, quod is se inficiis, nec de conuentus sententia Lescum Nigrum Ducem Siradiensem propinquum suum heredem nuncupasset. Erant & aliarum quædam causæ, quæ bonos etiam viros non paucos infensiores Boleslao reddiderant: nimirum quod is negligentia aut indulgentia quadam calumnias in iudiciis regnare patiebatur, quibus implicati simpliciores, multi multas graues expendere cogebantur, multi patrimoniis exuebantur. Ad hæc onerosus erat Nobilitati propter crebras venationes, eo quod & canes Principis alere, & equos atque subuectiones ipsi præbere omnibus passim, quacunque iter faciebat, necesse erat. His igitur de causis plures infensi erant Boleslao, sperabantque mutatione principis defunctum se iri illis malis. Itaque conuenticulo habito, ad Vladislauum Ducem Opoliensem mittunt, principatumque ei deferunt. Non renuebat ille oblatum principatum, sed conuentum illum omnem ad se Opoliam venire iubet, ut ibi ea res iureiurando & literarum monumētis confirmaretur. Faciunt illi iussa, & frequentes Opoliam proficiscuntur. Nihil horum latebat Boleslaum. Itaque soluto conuentu Opauienti, rebus infectis, & induciis tantum in viginti annos cum Præmislo factis, festinus ad sedanda domestica mala reuertitur, & proficiscentes Opoliam aduersarios in compositos & inopinantes cum aulico suo procerumque comitatu, ad Bogucinum pagum altera die mensis Iunij adoritur. Nec illis animus ad defendendum se defuit: committitur atrox pugna, nemine referente pedem. Ad extremum Boleslao cessit victoria, sed non incruenta tamen. Oppressa coniuratione, paucis diebus Lithuani in Lublinese oram excursionem fecere, magnamque prædā nemine prohibente auexere. Nam vires minoris Poloniæ Bogucienſi illo prælio vehementer attritæ erant. Nec tamen inulta Lithuanis excursio illa fuit: nam dum illi Lublinese oram populantur, Polæſienſis eorū ditio, & Prussia vicissim à Masouiis & Cuiauis vastata est. Boleslaus vero Pudicus iratus Vladislao Duci Opoliensem, quod suis nouas res molientibus fauisset, exercitu conscripto Opoliensem & Ratiboriensem oram omnem infesto agmine depopulatus est, ita ut suburbana quoque primariorum oppidorum exureret: nec Vladislauum tamen elicere ad pugnam potuit. Maius utrinque in sequentem annum bellum parabatur: contrahebantur auxilia: mercenariis stipendia pronuntiabantur. Sed gliscens bellum Boleslai Calissienſis opera consopitum est.

Nihil autem illo, & proximo deinde anno memorabile usquam in Polonia gestum est, præter contracta & conciliata quedam Ducum matrimonia, & duo illa portenta, quæ in Cracouiensi territorio extitisse memorantur. Nam puer quispian dentatus eodem, quo natus est, die distincte & articulate locutus est, donec religioni Christianæ initiatus, & dentes & sermonis usum amisit. Alio vero semestris Cracouiæ prolocutus, Tartaros aduenturos, & Polonorum capitæ præcisuros esse prædixit, quod post duodecimum annum euenit. Non libet autem hoc miraculum silentio præterire, quod illo tempore multis testibus accidit. Homo quidam splendidus equestris ordinis, sed violentus & rapax, & suis iuxta ac alienis grauis, cum grauitè agrotaret, admonitus crebro à religiosis quibusdam viris, ut ad Dei clementiam confugiens, animæ suæ salutem consuleret: negauit sibi veniæ locum relictum esse. Iam enim diuino iudicio traditum se esse demonum potestati aiebat. Illico audiuntur à circumstantibus vehemētium verberum & percussionum strepitus: apparent in corpore agroti

Poloni minores ad Ducem Opoliensem deficiunt.

Polonorum cum Bohemis inducia.

Victoria Pudici contra defensores.

Silesiacum bellum.

Portenta.

ægroti fœdi liuores & vibices, ita vt omnes obstupefcerent. Inter hæc ille infelix nullam vocem, nullumque gemitum edens, infelicem animam exhalauit. Annus tunc agebatur millesimus ducentessimus septuagesimus sextus.

*Silesiaci
motus.*

Post id tempus Silesia rursus intestinis diffidiis exagitari cœpit, materiam subministrante inuidia. Grauius ferebant & Duces, & Proceres, Crofnam, Prinum, & Greifensteinum Conradi culpa in externorum iurisdictionem recidisse. Sed neque Conradus ipse, neque frater eius Boleslaus, obærat ambobus, redimere oppignorata poterant. Nam decem millia aureorum Archiepiscopo Magdeburgensi exoluenda erant. Abundabat autem pecunia Henricus Vratislauenſis Probus, Henrici tertij fratris eorum filius quæ eo puero à curatoribus ex ampliori dominatu collecta erat. Itaque suafu procerum suorum redemit is territoria illa, quod ipsi inuidiam apud patruos conflauit. Acerbior tamen erat Boleslaus Caluus, qui anno proximo Henricum adolescentem rusticantem forte in villa sua captum abduxit, causam prætexens, quod hæreditas relicta à Vladislao Archiepiscopo, non minus ad ipsum & Conradum fratrem, quam ad Henricum pertineret: quod tamen erat expresse cōtra vetera pacta primæ diuisionis. Charus erat suis Henricus propter probitatem, à qua etiam cognomen adeptus est. Quocirca deliberando eo consilia ineunt, exercitum comparant: à cæteris etiam ducibus Boleslao Pudico, Boleslao Calissienſi, Præmislo Poſnaniensī, & Vladislao Opolienſi indignitate rei motis, auxilia impetrant. Displicebat & Conrado Glogouienſi Boleslai fratris facinus in alterius fratris filium perpetratum. Itaque misit & ipse Vratislauenſibus auxilia contra fratrem. Verum Boleslaus explorato Vratislauenſium apparatu, magna celeritate militē ex Germania magnum conduxit, & prior in Vratislauenſem oram impetum fecit. Educunt & Vratislauenſes suas copias, & obuiam Boleslao prodeunt. Magno ardore committitur prælium inter Scorolcium & Procianum, & neutris referentibus pedem aliquandiu, tandem Boleslaus Caluus cōspecta suorum strage, vno tantum comitatus milite, clam se ex acie subduxit. Sed filius eius Henricus natus maximus, animose pugnam restituit, & tandem victoria quamuis cruenta potitus est. Captus est in eo prælio Præmislus Dux Poſnaniensī, natus ex sorore Boleslai. Clade hac perculsi Vratislauenſes, Ottocari Regis Bohemorum opem implorant, ab eoque petunt, vt aut autoritate, aut armis apud Boleslaum Caluum nepotem ex sorore suum, dimissionem sui principis impetraret: & vt eum facilius flecterent, ditionē Glocensē ad tempora vitæ ipsi tradiderunt, ea lege, vt ea post obitum Ottocari in Henrici ducis sui potestatem recideret. Itaque Ottocarus, qui distinebatur aliis bellis, pacem fecit inter Boleslaum & Henricum: sed iniquam, nempe, vt Henricus Boleslao patruo Strigoniam, Nouoforum, Strozam, Greiffenbergum, & alia quædam oppidula iure sempiterno daret. Accepit tamen eas conditiones Henricus, vt se & Præmislum vinculis liberaret. Verum non diu fruebatur ista lætitia Boleslaus, obiit enim anno millesimo ducentesimo septuagesimo octauo princeps iniustus & sæuus.

Eodem anno Lithuani cum Prutenis peruaſtata Maſouia, Culmenſique, & Cuiauiensī tractu, Lenciciensē quoque crudeliter depopulati, ingentem prædam abegerunt, in qua quadraginta millia hominum fuisse memorantur. Tunc quoque prodigium apparuit circa Cracouiam; etenim nocte media, in qua initium noui anni est, cælum clara & non iniucunda luce ad breue

breue tempus resplenduit, Principis mortem, quod re postea comprobatum est, portendens. Memoratur autem & spectrum quoddam tunc in eodē Cracouienſi tractu apparuisse: lacum enim quendam per amplum infestatione dæmonum, piscationibus & vſibus hominum exemptum fuisse. Ad eum hyberna glacie concretum vicinos cum sacerdotibus vexilla, cruces, & reliquias sacras, quibus vis dæmonum propulsaretur, ferentibus, piscandi gratia conuenisse. Immisso autem reti, primo quidem tractu, contententibus piscatoribus, tres pisciculos, altero nihil nisi rete conuolutum, tertio deniq; monstrum horrendum caprino capite, & in speciem ignis ardētibus oculis extractum esse. Territis autem ac diffugientibus cunctis, spectrum illud sub glaciem se immeruisse, ac toto lacu discursans, terribilem strepitum ac sonitum edidisse: afflatosq; ab eo nonnullos homines fœda vlcera retulisse. Resumpsit æstate sequenti Boleslaus Calissiensis cum Præmislo fratris filio expeditionē aduersus Marchiones Brædeburgenses ob Santocum, auctus Pomeranorum auxiliis. Vastanti autem illi hostilem regionem cis Oderam occurrit Otto Longus Marchio cum non contemnendis copiis, commissoque prælio funditur & fugatur, vtpote viribus inferior: ac deinde intra munitiones arcium sese cōtinuit. Boleslaus vero omnem oram cis Oderam victor peruagatus ac depopulatus, dimisit exercitum, & intra anni decursum febris extinctus est, tribus filiabus relictis, quarum tutelam Præmislo mandauit. Consecutus est eum sub finem eiusdem anni millesimi ducentissimi septuagesimi noni ad quartum idus Decembris Boleslaus Pudicus Dux Cracouienſis ac Sendomiriensis, & Cracouiæ apud diui Francisci, q̃ monasterium ipse condiderat, sepultus est: benignus & religiosus princeps, ac in egentes cultumq; Dei, ac ministros eius munificus. Cuius illa extant in Cracouienſem Episcopam & ecclesiam memorabilia beneficia, diplomatibus eius consignata, quibus cunctos sacri ordinis homines, eorumque adscriptitios omni prorsus onere seruitutis & pensionis Duci debitæ, etiam telonij, liberauit, atque ab omni suorum iudicum & magistratuum, suaq; ipsius iurisdictione exemit. Episcopum autem Cracouienſem omnino ducali iure in bonis suis esse iussit, modo vt semel quotannis Principem hospitio acciperet, subuectionesque ipsi vt præberet, quando ipsi vsuenerit per episcopalia prædia iter facere. Condidit etiam ac dotauit Crizanouicense monasterium supra Nidam amnem, Præmonstratensibus virginibus: Cracouiæ item apud sancti Marci, ordinis mēdicantium, qui vocatur de pœnitentia beatorum martyrum. Ciuitatem vero Cracouienſem iure Saxonico siue Magdeburgensi, quod etiam Sredense & Teutonicum vocant, stabiliuit. Regnauit autem Boleslaus hic, seu vixit potius post mortem patris quinquaginta duos annos. Mortem eius Cune Gundis vxor, virgo etiam tum, moderate tulit: quin gratias egit Deo, quod se coniugij vinculo tandem liberasset. Ac mox vna cum sorore Iolenta, quæ post mortem mariti Boleslai Calissiensis Ducis ad eam se contulerat, distractis, & in vsus egenorum distributis cunctis facultatibus suis, diui Francisci professioni & instituto vitæ sese addixit, & veterem Sandeciam nequicquam refragantibus proceribus commigravit, ibiq; reliquum tempus vitæ in monasterio à se & marito suo condito peregit.

*Spectrum.**Bellum Brandeburgicum.**Boleslaus Pius Dux Caliss. moritur.**Boleslaus Pudicus obiit.*

LESCVS NIGER ETHNAR-
cha Polonie.

Anno Chr.
1279.

Leo Russo-
rum Dux.

Excursio
Russum,
Tartarorum,
& Lithua-
norum in
Poloniam.

Russi cum
barbaris
à Polonis
casi.

Lescus Rus-
siam per-
uagatur.

Lescus con-
tra Henri-
cum Probū
expeditio-
nem insti-
tuit.

Lescus V-
ratislavi-
ens. ditionē
diuexat.

Pruteni
multa de
Crucigeris
ceperunt.

Lithuano-
rum in Lu-
blinensem
orā ex-
cursio.

Boleslao Pudico in principatu Cracouiensi & Sendomiriensi successit Lescus Niger ex fratre ipsius patruale ortus, quem ipsi sibi Bolesla² successorem designarat. Nec tunc sane quispiam ipsi aduersatus est, bello à Russis ingruente, cuius metus locum ac spacium contentionibus & nouandis rebus nō dabat. Nam Leo princeps in Russorum Ducibus, Danielis filius, post Boleslai mortem media hyeme in Lublinensem oram cum ingenti Russorum, Tartarorum, ac Lithuanorum exercitu inuasit: eaq; peruastata, Sendomiriensem quoque tractum ferro & igni vastabat. Sed cum Varisius Castellanus Cracouiensis, & Palatini duo Cracouiensis ac Sendomiriensis tertia die Februarij apud Goslice pagum cum parua manu temere quidem, sed tamen euentu prospero represserunt, atque in fugam egerunt. Cæsa feruntur eo prælio hostium ad octo millia, capta duo. Non contentus autem ea victoria Lescus, intra paucos dies maiores coegit copias, ita ut ad triginta equitū, peditum vero duo millia peruenirēt, & in Russiam duxit, ut Leonem ulcisceretur, qui, nondum resumpto è superiori clade animo, in penitiora Russiæ se recepit. Quocirca impune Lescus hostilem regionem ad Leopolum vsq; quæ arx cum oppido ab isto ipso Leone condita nomen sumpsisse videtur, peruagatus, ingentem prædam abegit, in qua ad quatuor millia hominum fuisse, cæsa vero ad quinque millia feruntur. Sequenti deinde anno millesimo ducesimo octuagesimo primo Lescus contra Henricum quartum Ducem Vratislaviensem cognomento Probum, tunc non respondentē nomini suo, expeditionē instituit ex hac causa. Henricus is Boleslai Calui patris fraude per iniuriam bonis quibusdam multatus, ulturus veteres iniurias, sub specie amicitia ad se Præmislum Posnaniensem, Henricum Lignicensem, & Henricū Glogouiesem Duces patruelis suos Bariciam euocatos, ac nihil hostile timentes ceperat, ac Vratislaviam depositatos asseruabat, ut aliquid vicissim ab eis iniustis pactis emungeret. Indigne id ferre Lescus, qui vocatus & ipse una cū cæteris Ducibus Polonorum, excusatione quadā vsus non venerat: ac Præmisli vicē maxime dolens, armis illum vindicare decreuit, orantibus maioribus Polonis, & auxilia pariter cū Mescingo Pomerano pollicentibus. Itaque coadunato exercitu, & auxiliariis illis maioribus Polonis & Pomeranis ad conditum locū convenientibus, triplici agmine Vratislaviensem Hærici ditionē aggressus, acerbe eā diuexauit, ad ipsa vsq; mœnia urbis. Nec tū principes captiui dimissi sunt. Peruastata omni ora Vratislaviensi, & abacta ingenti præda Lescus auxiliares dimisit, & suas copias domum reduxit. Duces vero capti pertasi carceris arbitratu Henrici se redemere. Ac Præmislus quidem Rudense seu Velunense territorium ipsi concessit: Lignicensis vero & Glogouiensis quinquennio seipsi cū triginta hastatis militaturos esse dato iure iurando receperunt, obsidibusq; cauerunt. Per idem tempus Pruteni Cruciferorum ditionem vehementer afflixerunt, & longe lateq; ferro & igni grafati, Christiburgum, Clementiam, Zantirum, Mariæuerderū, & Grudentum arces de ipsis ceperunt ac diruerunt.

Insequenti anno Lithuani cum lazygū reliquiis subita excursione Lublinensem regionē tripartito agmine crudeliter depopulati sunt. Iura tūc de more Lescus reddebat Cracouiæ, cū de barbarum excursione certior factus est.

Itaq;

Itaq; omiſſis rebus omnibus, arma corripere his, qui circū ſe, quiq; in itinere erant, equitibus, & ſe ſequi iuſſis, magnis itineribus in Lublinēſem oram peruenit. Sed hoſtes iā praeda onuſſi receſſerant. Itaq; angebatur animo, quod ſibi hoſtē vlciſci, ſuoſq; qui captiui abducebantur, vindicare procliuē nō eſſet. Neq; enim cum parua manu longe maiorem hoſtium multitudinem per ignotoſ ſibi, illis vero notiſſimos, ſylvarum & paludū tramites abeuntes perſequi audebat. In hoc aſtu animi cum cum ex labore itineris fatigatum ſopor inuaſiſſet, expergeſaſtus deinde, poſtero die lætus, ab Archangelo Dei Michaele in ſomnis confirmatum ſe, & ſponſione certæ victoriæ perſequi barbaroſ iuſſum eſſe, pro cōcōione militari expoſuit. Quo ſermone animatis militibus, & impedimentis cum cōmeatu pone ſe ſequi iuſſis, ipſe cū expeditis arma tantum, & aliquot dierum cibaria ferentibus, recētibus abeuntium hoſtium veſtigiis inſiſtit, & inter Naruam & Nemenum flumina tertiadecima die Octobris coſequitur. Neq; enim belli praeda impediti, iter celerius facere potuere. Percuſſi ſunt inopinato Polonorum aduentu barbari: ſed tamen arma cito expediunt, auctoſibus maxime lazygibus, qui ſumma erant audacia. In eoſ inuehuntur Poloni vna & ſimplici acie, quod & locus ſyluiſ cinctus, anguſtus, & exiguæ copię, quippe quæ ſex millia equitum vix continerent, diducere manum in plures acies non ſinebant. Nec ſegniter & barbari primos Polonorum impetus excepere: ſed in pugnam intentos, captiui ſigna ſuorum coſpicati, fortuito oblatiſ telis à tergo adoriuntur: inermes quoque & foeminae clamore ſublato ſuoſ animabant, hoſtibuſque terrorem incutiebant: quin & canes, quos ſecum ducebant barbari, & qui dudum lætiore vlulatu aduenientibuſ Poloniſ gratulari viſi ſunt, ſæuiſ morſib⁹ barbaroſ impetebant. Itaque ancipiti malo perturbati, effuſa fuga proximā ſyluā petunt. Iuſtat fugientibuſ Leſcuſ: iſtant & captiui mutuo ſeſe cohortanteſ, *Leſci Nigri* dolor & ira extimulante. Nox tandem perſequentiſ ſinem fecit. In eo præ- *victoria de Lithuanis* reliquiæ lazygum, quæ pertinaciuſ Poloniſ reſtiterant, & à ſuſcepta reli- *inſignia.* gione deſecerant, ad interneccionem delatæ ſunt. De Lithuanis quoque, qui quatuordecim millia bellatoſum expleuiſſe dicebantur, non multi ſane euāſerunt: complureſ enim, qui euāſerant, partim pudore, partim timore ſuorū, mortem ſibi coſciuere. Leſcuſ recuperata omni præda, & cumulata etiam hoſtium caſoſum ſpoliis, victor in Poloniā reuerſuſ, Lublini templū, monumentum victoriæ ſuæ, condidit ac diui Michaeliſ, quem in ſomniſ victo-riam ſibi policientem viderat, memoriæ dicauit.

Pace per circuitum ab externiſ hoſtibuſ parta: ciuileſ motuſ Leſcū exceperunt. Sandomiriēſiſ enim cōuentuſ Ioanne Palatino & Criſtino Caſtel- *Sandomiri-* lano eiꝯ oræ auctoſibuſ, cū quibuſ & Pauluſ Epiſcopuſ Cracouiēſiſ ſenti- *enſeſ à Le-* re dicebatur, ab eo deſecit, & Cōrado Maſouiæ Duci accito ſe munitioneſq; *ſco deſici-* ſuaſ ſubdidit: nec vinci beneficiiſ ac ſecūdiſ rebus Leſci potuit, vt conceptū *unt.* in eum iam inde ab initio odium deponeret. Verum Leſcuſ hoc ſic abire pal-ſuſ non eſt. Nam coaſto tumultuario exercitu, de Cracouiēſi ditione & au-lico ſuo comitatu, in Sandomiriēſem oram contra Conraduſ proſeſtuſ eſt. At ille de aduentu Leſci certior faſtuſ, cum ſe non ſatiſ crederet Sando- *Conraduſ* mirienſibuſ, & paruam ipſe manuſ ſecum adduxiſſet, in Maſouiā celeriter ſe recepit, promittent ſeſſim ſe cum maioriſ copiiſ reuerſuſ. *in Maſoui-* At Leſcuſ magna animi moderatione uſuſ, proceres auctoſ deſectioniſ, *am fugit.* deſtitutoſ à Conrado, facile ſibi recōciliauit: per quos conuentum oēm vna cum

*Fames in
Polonia.*

*Legati Pō-
nificij in
Poloniam
& Prussi-
am aduen-
tus.*

*Lithuani
Sendomi-
riensem
tractum
populan-
tur.*

*Lesci ad
milites
sermo.*

cum munitionibus in potestatem suam redegit, gliscensq; ciuile bellum oppressit. Laboratum est fame eo & sequenti anno in Polonia, vsque adeo, vt multi de plebe cum vxoribus ac liberis præsens malum euitaturi, in Vngariam & Russiam commigrarent. Sed vtroque pro salute acerbiori calamitate per gentium illarum immanitatem & perfidiam operi sunt. A Russis quidem tributum nomine Tartaris in seruitutem traditi: ab Vngaris vero Cumanis barbaris venundati. Per hoc tempus Philippus Episcopus Firmanus legatus Pontificis ex Vngaria venit Cracouiam. Inde in Prussiam contendit, controuerfiamque inter Mesciugum Pomeranorum Ducem ac Cruciferos diremit.

Sequenti anno millesimo ducentesimo octuagesimo tertio mense Octobri rursus Lithuani per Lucouienſe territorium in Sedomirienſem tractum improuiſi excurrerunt, & magnis incommodis & calamitatibus illum affecerunt, Nobilitas enim in arcēs proximas diffugerat. Exercebat tunc Lescus iudicia Cracouie: quam primum vero de barbarorum excuſione cognouit, correptis celeriter armis concurrente ad ſe Nobilitate, cæteriſque ſine mora ſequi iuſſis, nocturnis pariter ac diurnis itineribus hos inſequitur. Concurrentibus omnibus, vbi nō longe ſe ab hoſtibus abeſſe ſenſit, aduocatis in cōcionem militibus, graui oratione eos in hoſtem animat, vt viri eſſe pergerēt, & coniugibus ac liberis ſuauiſſimis, propinquis, atque etiam agricolis ſuis, qui in ſcēdam ſeruitutem à barbaris abducebantur, ſubuenirent. Caſos ſenes ac pueros, vaſtatos agros, incenſas villas & oppida, direpta fana, violata ſacra grauiter vlciſcerentur, & inſignem ſuam, patriæque communis ignominiam, vel cum vitæ ſuæ diſcrimine vindicarent. Honēſſimum eſſe pro patria, pro aris & focis dimicantem occumbere. Gloriæ quam vitæ bonos fortesque viros cupidiores eſſe debere. Non prouenire autem ſolidam gloriam ſine magnis periculis. Irent ergo alacres, cæſiſque ſuis eorum ſanguine parentarent, & captiuos opem ſuam lachrymis & eiulatibus implorantes liberarent. Et quō meliore ſpe ac fiducia diuini auxilij Dei cōtemptorem hoſtem adorirentur, confeſſione eos peccata expiare, & ſacro ſancta euchariftia communire ſe iubet. Præſenſere aduentum Polonorum barbari, & anni ſuperioris fortunam reformidantes, in proximas ſyluas ſe ſubducunt, ibique de ſalute ſua conſultant. Relictis itaque in ſyluis cum paruo imbecillium & ægrotorum præſidio ſarcinis, captiuisque arctius colligatis, ne ſibi rursus à tergo negocium facerent, magno impetu & cum clamore incondito in Polonos feruntur. Perturbauit nonnihil Polonos primus eorum aſpectus, propterea quod præter omnem expectationem ad ſe contendere eos videbant, quos fugere crediderant: ſed tamen cohortante duce, & inſtruyente acies, cito animos reſumpſere. Duas is incurſantibus hoſtibus acies obiecit, quarum alteri Cracouienſis, alteri Sendomirienſis Palatinatus præerat. Ipſe in omnes partes oculos & totum corpus circumferre, ac ſolicite circumſpicere, quid quaque in parte gereretur, & ſicubi laborantes ſuos conſpiceret, vt mox ſubſidia ſubmitteret. Nec diu primus ille barbarorum impetus vigit: ſed virtute Polonorum, quaſi firmo muro obiecto, ſtatim refractus eſt, & in fugam actus. In Paulum Episcopum Lescus Lithuanicarum illarum excursionum, ac item defectionis Sendomirienſis conuentus culpam conferebat: habebat enim Paulus magnas neceſſitudines & clientelas in tractu Sendomirienſi, & cum barbaris amicitias & affinitates conſunxerat. Lescō vero iam inde ab

*Lithuani à
Lescō victi.*

initio

initio propter captiuitatem suam infensus erat, ita vt verisimile esset, vtrumque ab ipso concitatum esse, quo magis Lescum inuisum apud omnes, suis quenque damnis & publica indignitate ac uenter redderet. Itaque captus is est iterum à satellitibus Lesci, & Siradiam deportatus: dimissusq; deinde maiorem immunitatem bonorum suorum ecclesiasticorum à Lescio accepit.

Anno millesimo ducentesimo octuagesimo quarto, Hēricus Probus Dux Vratislauenſium Calissienſem arcem proditione Sandiuoij præſecti traditam Præmislo eripuit, oppidum enim paulo ante fortuito incendio cōflagrarat. Quam arcem tertio post anno Poloni maiores vi expugnatā in Præmisli potestatem redegerunt. Neque eam tunc Henricus armis vindicauit, sed dolos versabat in pectore: ad quos ita factus erat, vt ne à sacris quidem rebus & sacerdotibus manus abſtineret, dum nimia opū cupiditate flagrat. Thomæ enim Episcopo Vratislauenſi, & vniuerso ordini ecclesiastico ei⁹ diœceſeos permagnā vim pecunię imperauit præter ius & morem in bellū: quæ cum ipsi eſſet negata, conuertit arma in Episcopum, & ipsi oppida, quæcunque poſſidebat, ademit. Torsit in illum ob hoc facinus fulmen excommunicationis Archiepiſcopus Gneſnenſis Iacobus Suinca, Vratislauia & omnibus locis, quæ in ditione Henrici erant, sacris interdixit. Cui decreto paritum eſt ab omnibus, præter monachos, pluris facientes emolumenta ſua ac fauorē Ducis, quam diſciplinam ecclesiasticam. Quæ res maioris crudelitatis Henrico cauſa fuit: irritatus enim Episcopum & sacerdotes omnes ditionibus ſuis eiecit. Episcopus mœrens Ratiboriam ſe contulit, vbi à Caſimiro Duce perbenigne & honorifice accept⁹ & habitus eſt. Quo factum eſt, vt æquiore animo exilium illud ſuum in quintum vſq; annum ferret. Henricus vero cum Caſimiro literis & legationib⁹ expoſtulauit, quod inimico ſuo receptum præberet: minasque adiecit, ni eum pelleret. Quæ cum à Caſimiro contemnerentur, coegit exercitum, & Ratiboriam obſidione cinxit. Cum autem aliquot dies duraret obſidio, murmurare contra Episcopum & ceteros sacerdotes exules plebs à victu imparata cœpit, & præſertim ij, quorum bona in agris & villis diripiebantur, & qui ea formidabant, quæ victis captisque vrbibus ab irato hoſte euenire ſolent. Quæ recognita, Episcopus colloctus cum ſuis, indignum eſſe, ait, vt ſua & paucorum exulum cauſa, bene merita de ſe ciuitas periculum ſubeat, aut villo afficiatur incommodo. Induit deinde ſacras & pōſiticales veſtes, nonnullosq; de ſacerdotibus, quemadmodum ad ſacra peragenda ſolent, indui iubet, atque ita cum illis vrbe egreſſus, ad hoſtilia caſtra proſectus eſt. Venientes eminus conſpicatus Henricus, attonitus, de papilione exiliit, & obuiam procurrens ad pedes Episcopi ſe abiecit, & culpam ſupplex deprecatus eſt. Episcopus benigne eum humo attollit, amplexatur, & exoſculatur non ſine lachrymis, veniamq; ſi eum factorū pœniteat, pollicetur. Deinde in proximā ædiculam diuo Nicolao dedicatam ingrediuntur: ibi ſemotis arbitris inter ſe in gratiam redeunt, cum Henricus redderet, quæcunq; Episcopo, Eccleſiis, & vniuerſo ordini ſacro ademerat. Quibus peractis, ſoluit obſidionem, & ab Archiepiſcopo vinculo excōmunicationis liberatus, interdictumq; ſublatum eſt.

Dum hæc ita geruntur in Sileſia, nec in minore Polonia quietæ res fuere, turbante maxime Paulo Episcopo Cracouiēſi, & omnium odia in Lescum Principem, quo captiuitatem ſuam vlciſceretur, inflammante. Quod malum eoſque progreſſum eſt, vt iam non priuata paucorum conſpiratione, ſed publi-

Paulus E.
piscopus
turbator
captus.

Henricus
Probus ec-
clesiastica
bona ac de-
cimæ v-
ſurpat.

Interdictū
& dira in
Henricum
Archiepi-
ſcopi.

Episcopus
cum sacer-
dotibus eis-
tus.

Transactio
Henrici
Ducis cum
Episcopo.

*Polonia
minor de-
fecit à Le-
sco ad Con-
radū Ma-
souiū.*

*Craconia
in Lesco fide
permanfit.*

publico procerum ac nobilitatis consilio Conradus Cirensum Masoui-
rum Dux ad suscipiendum principatum accerferetur. Cui cum exercitu ve-
nienti Varius Castellanus, & Zegota Palatinus Cracouiensis, Ioannes Sen-
domiriensis Palatinus, & Cristinus Castellanus cum Paulo Episcopo, & ma-
xima Nobilitatis multitudine ad Sendomiriam obuiam progressi sunt, & in
verba eius iurarunt. Itaq; nullo negotio Cracouiensi & Sedomiriensi domi-
natio omni tunc potitus est. Sola restabat Cracouia, in qua se Lesco cū vxore
continebat. Nec tamen explicabat rationem, quomodo eam in tanta contra-
se omnium conspiratione retineret. Nam & ij, quicū fauebant, quique in com-
mitatu eius aulico fuerant, ab eo se subducebant, veriti, ne sibi fraudi esset, à
publico vniuersi conuentus cōsilio dissentire. Desertus ab omnibus, ad Cra-
couiensis ciuitatis, cuius studia non aliena à se esse animaduertebat, miseri-
cordiam confugit: eius fidei ac tutelæ arcem cōmendauit. Ipse in Vngariam
ad Ladislau Regē profugit. Suscipiunt arcis defensionem Cracouienses; &
quia difficulter se arcem & urbē pariter tutari posse existimabant, cum quod
humiles erant urbis muri, nec bene instructi propugnaculis, tum q̃ distracta
multitudo imbecillior futura erat ad sustinendam vim aduersariorū, qui iam
appropinquare cum Conrado dicebātur, relicta urbe cōmigrant in arcem cū
vxoribus, liberis, ac facultatibus suis. Cognita Cracouiensium ciuium volū-
tate Proceres, mittunt ad eos, quorū autoritate deduci eos de sentētia posse
credebant, & non modo impunitatem illius cepti, sed etiam maiora à Cōra-
do quam à Lesco prēmia ipsis polidentur, si cōsensum vniuersi conuētus se-
cuti, Cōrado se & arcē dedant: sin recusent, minas adiiciant. Nihil neq; blā-
ditis deliniti, neq; minis territi Cracouienses ciues, respōdent legationi Pro-
cerum: Non licere sibi fidē & iusiurandum Lesco semel datā violare. Re inte-
gra in cōsiliū illud se non esse adhibitos: ne nunc quidē ad id accessuros, cū
eius rationē probabilem reddere non possent. Scirēt, quid agerent, se omnia
charissima & vitam ipsam prius amittere, quam fidē frangere decreuissē. Hoc
responso irritati Proceres, & multum frementes, ad Cracouiam castra admo-
uent, cumq; perdifficilem sibi eius expugnationem scirent, urbē vacuam in-
cēdunt, vt vel sic ciuium pertinaciam, siue constantiam presenti priuatorum
cuiusq; malorum aspectu frangerent.

Impetrauerat Lesco à Ladislao Rege non contemnendā Vngarorum &
Cumanorum auxilia, & cum iis iam aduentabat, eo quidem celerius, vt arcē
Cracouiensi subueniret. Id vbi didicit Conradus, occurrere ei cum exercitu,
collatisq; signis apud Bogucice pagum ad Rabam fluuium vincitur, dissipatoq;
longe maiori, quam Lesco habebat, exercitu, in Masouiā vsq; profu-
git, veritus, ne alienatis à se aduerso praelio voluntatibus eorum, à quibus ac-
citus erat, in potestatem Lesco veniret. Sic euentus tunc ostendit, vter iustius
arma sumpsisset. Lesco moderata vtens victoria, captiuos oēs dimisit: pro-
ceribus culpam deprecantibus veniam dedit. Cracouiensibus ciuibz gratias
egit, urbem fortius muniuit, eiusq; regimē Germanis solis, qui fidē ipsi prae-
clare seruassent, proprium deinceps attribuit. Habitu quoq; & cultu corpo-
ris cum eis conformato, quanti eos faceret, ostēdit. Hæc anno à nato Christo
millesimo ducentesimo octuagesimo quinto gesta sunt. Quo etiā Boleslaus
Plocensium Dux, Conradi frater, Russiam, siue adeo, quæ Russi in tractu
Lublinski & Polesensi de Polonis capta tenebant, repentina excursione
populatus, cum præda onustus domū reuertisset, mox idem in commodum
à Russis

*Conradus
à Lesco
vincitur
& fugat-
ur.*

*Craconia
regimen
Germanis
mandatū.*

*Masouiij
Russiam,
& Russi
Masouiij
populan-
tur.*

à Russis accepta damna vlciscentibus, in ditione sua vicissim pertulit. Insequenti vero anno Conradus Gostinino, quod in ditione Vladislai Loſtici erat, per fraudem potitus est. Cum enim nonnullos de suis eo prodendæ arcis causa submisisset, Lithuanos deinde euocauit: quib⁹ ex improviso aduenientibus ij, qui subornati erāt, arcem prodiderunt. Captam illi ac direptā Conrado concesserunt, plus sexcētis hominibus ibi partim necatis, partim captis, quos cum reliqua praeda abegerunt. Non tulit eam iniuriam Vladislaus, sed tumultuaria manu factus, silenti agmine ad Ploſcum contendit, noctuque aggreſſus arcem, vigilibus cæsis, facile fit voti compos. Deinde Procerum vtriusque partis opera pax fit inter Duces, redditis inuicem, quas interceperant, arcibus, damnisque Vladislao persolutis. Nec tamen impune abiit Masouius, alienæ rei manus admouisse: eodem enim anno ab iisdem Lithuanis, quos in Gostinense territorium immiserant, graui excursione vexati sunt, & Sochazouia, Ploſcumq; arces negligentius custoditæ, captæ, & exustæ. Prussiam hoc anno nouo vermium genere per æstatem infestata fuisse ferunt, qui caudis cancrorum præditi, quoscunque aculeo pupugissent, intra tertium diem extinguebant.

*Gostinum
à Conrado
surreptum
Loſtico.*

*Ploſcum in-
tercipitur à
Loſtico.*

*Pax inter
Duces.*

*Lithuanis
Masouiam
vexant.*

Sequenti vero anno Lescus dissimulato proposito, per speciem Lithuanici belli Conrado bellū intulit. Vastarant Lithuani cum Prutenis Dobrinensem tractum, qui in ditione Ziemouiti erat: Dobrinumq; oppidum magna hominum strage edita diripuerant & incenderant, cum inexpectati die Dobrinico, vacante diuino cultui multitudine, irrupissent. Fratris igitur iniuriam vlcisci se velle cum simulasset Lescus, comparato cum de suis, tū de voluntariis cruce signatis nō paruo exercitu, in Masouiam deflexo itinere, obvia quæq; ferro & igni nemine resistente vastauit, & cum ingenti præda domum reuersus est. Atque ex eo tempore prior illa fortuna ab eo recessit, & secundæ res aduersis commutatæ sunt, ne impune ferret, Deum & homines fecellisse, & prætextu pietatis iræ suæ impensius indulgisse. Itaque & tunc, licet nemine persequente, complures tamen de suis in traicctu fluminum amisit, & mox ad finem eiusdem anni cunctæ eius ditiones longe lateque à Tartaris peruastatæ sunt, & ipse fuga in Vngariam consulere sibi coactus est. Nam Tartari fame domestica stimulatī, per Russos & cum Russis, primum in Lublinensem oram, & in Masouiam delati, locustarum in modum eas regiones cædibus & incendiis nusquam abstinētes, depopulati sunt. Inde porro diuertentes, Sendomiriensem tractum & nonnullam partem Si radiansis eadem crudelitate peruagati, frustra tentata Sendomiriæ expugnatione, Lysecensis monasterij, quod sanctæ crucis dicitur, direptione, suauis Russorum penitus abstinerunt, & ad Cracouiam pridie natalis Christi populabundi peruenerunt. In cuius oppugnatione cum nonnullos fortes viros amisissent, & Lescum Ducem cū vxore & primoribus in Vngariam profugisse didicissent, maiore licentia & furore in pagos & oppida vltq; ad Carpathum montem debacchati, tandemq; satiati cædibus ac præda, in Russiam reuerterunt. Tantam autem hominum prædam tūc abegisse dicuntur è Polonia, vt cum eam ad Vladimiriā recognoscerent, & partirentur inter se, vnum & viginti millia innuptarum puellarum censa esse dicantur, eas enim libidinis causa seruant maxime: prouectiores tum viros tum mulieres, itemque pueros paruos: immaniter trucidant. Ne Russi quidem, quamuis socij & tributarij, expertes malorum à barbaris fuere. Nam excessuri è Russia, vt

*Dobrinum
à Prutenis
incensum.*

*Masouiam
Cirneris
vastatur
à Lescō.*

*Tartari cū
Russis va-
stāt Po-
loniam.*

est ma-

*Massouia
Cirrensis à
Siradiensi-
bus vastat-
tur.*

*Siradiensis
fusi à Ma-
souis.*

est malitiosum genus hominum, & incantationum ac veneficiorum gnarū, aquas omnes infecerunt, exectis captiuorum cæcorum cordibus, & præsentissimo veneno imbutis, & verubus subter aquas defixis. Vnde plurimi mortales postea ex aquæ venenatæ vsu immedicabilibus morbis correpti, miserabiliter extincti sunt, cum serius mali causa animaduersa esset. Nihil acerba illa cuncti dominatus sui vastitas animum Lesci emolliit: quin is reuersus ex Vngaria, in sequentem æstatem expeditionem contra Conradum Ducem Masouiæ rursus parare cœpit: sed cum segniorem ad eam esse cerneret Cracouiensem ac Sendomiriensem Nobilitatem, Palatino Siradiensi mandat, vt ipse cum Siradiensibus suis, qui minus calamitatis à Tartaris pertulerant, in Masouiam populabundus excurrat. Fecit iussa Palatinus. Et iam permultis vicis pagisque vastatis præda onustus reuertebatur, cum eum Conradus, qui ditionem suam siue ob imbecillitatem virium, siue ex industria vastari passus erat, cum valida equitum ac rusticanorum manu occultis itineribus secutus, vicesima quinta die Iunii in finibus Masouiæ adipiscitur, & securum incautūque exercitum ex improviso adortus, non leui strage fudit ac dissipauit. Palatinus cum paucis fortiter dimicans occumbere, quam fugere maluit. Præda omni Conradus potitus est.

*Lescus Ni-
ger Prin-
ceps mori
timet.*

At Lescus his aduersis rebus & sugillationibus hominū afflictus, ex mœrore & angore animi in morbum incidit, quo sensim tabescens, vltima demum die Septembris anni sequentis, qui fuit post Christum natum millesimus ducentessimus octuagesimus nonus, vitam cum morte commutauit, & in templo S. Trinitatis apud sodales Dominicanos honorifice sepultus est, bonus & moderatus princeps ac felix, si extrema cum primis contexuisset. Quod tamen improbitati & perfidiæ procerum magis, quam ipsi imputandum est. Donauit hic Episcopo Cracouiensi iure sempiterno decimam de omnibus metallis in cuiuscunque solo essent, intra ipsius diocesis. Præcessit autem Lescum Ziemomyslus frater Dux Vladislaiensium, non toto biennio, relictis tribus filiis, Lesco, Præmislo, & Casimiro ex Salomea filia Suentopelci susceptis. Hoc anno Casimirus Opoliensium Dux Venceslao Bohemorum Regi & successoribus eius se cum dominatu ac liberis suis subdidit. Quod Henricus quoque Vratislauenfis aliquanto prius, viuente adhuc Otocaro Rege, fecisse perhibetur.

INTERREGNUM.

*Anno Chr.
1289.*

*Boleslaus
Plocensis
ad princi-
patum ac-
citur.*

Lesco Nigro sine liberis vita defuncto, Cracouiensis, Sendomiriensis, ac Siradiensis dominatus in medio erant, quos alius iure agnationis sibi vëdicabat, alius gratia populari ambiebat, alius vi & potentia vsurpabat. Primus omnium Vladislaus Loëticus Lesci mortui frater, eodem patre, sed alia matre prognatus, Siradiensem dominatum se iungentem sese à reliquis, & vltro se ipsi subdentem occupauit. Verū Cracouiensis & Sendomiriensis conuentus proceres & equites, comitiis apud Sendomiriam habitis, Paulo Episcopo autore & suatore, Boleslaum Ducem Plocensem, Conradi fratrem, Principem creauere, posthabito Cōrado, cui se bis antea viuente Lesco subiecerant, propterea quod is remissius, & ignauius tunc agere visus oblatum sibi principatum non retinisset, & quod ipsi postea, cum Lesco ditionem eius vastassent, veriti, ne memor esset acceptæ iniuriæ. Accitus igitur Boleslaus, possessionem principatus adit, Cracouiamque solenni pompa deducitur.

tur. Nee multo post Henricus Dux Vratislauenſis omiſſa Bohemia, ad cui⁹ principatum procerum quorundam conſpiratione contra Venceslaum inita inuitabatur, à Cracouiſibus ciuib⁹ clam accerſitus, cum iuſto exercitu aduenit. Venienti ciues portas vrbi⁹, quemadmodum conuenerat, aperuere. Ibi Boleslaus noua & inopinata re percuſus, quippe qui ſpe quieti principatus potiundi cum non magno, & ad celebritatem ac ſplendorem, quam ad bellum inſtrūtiore comitatu venerat, ex arce Cracouiſi ſe proripuit, & nequicquam retinentibus proceribus, qui copias ad eiiciendum Henricum egebant, iratus in Maſouiam rediit, diſcitans, ſe non ad bellum, ſed ad pacatum principatum ſuſcipiendum, accerſitum veniſſe. Poſt diſceſſum Boleslai, arx quoque Cracouiſis Henrico dedita eſt. Ibi tum proceres capto ex tempore & re præſenti conſilio, legationem ad Henricum mittunt, leges quasdam ipſi, ſi apud ſe dominari vellet, præſcribunt. Quas cum ille accepifſet, Princeps renūciatus eſt. Nectamen diuturna ei poſſeſſio Principatus fuit. Vladislaus enim Locticus, iam Siradienſis Dux, indignum ducens, alienum fratri ſuo Leſco ſucceſſorem in Principatu quæſitum eſſe, exercitum cogit, à maioribus Polonis & Pomeranis auxilia impetrat. Caſimirus quoq; Loctici frater Dux Lencicienſis, & Conradus ac Boleslaus Maſoui cum ſuis per ſe ipſi eum adiuuabant. Quibus omnibus copiis coadunatis, Cracouiam primo vere contendit, ad deiiciendum Henrici præſidium, qui in Sileſiam, relicto Cracouiæ præſidio, redierat.

Henricus Vratislauenſis Cracouiam potiatur.

Boleslaus Maſouius principatū deſerit.

Locticus petit principatum armis.

Factus autem certior de conſilio & apparatu bellico Vladislai, cum ipſe egrotaret, Henricum Lignicenſem, & Præmiſlum Sprotaienſem patruelles ſuos, & Boleslaum Opolienſem Ducem cū expeditis copiis Cracouiam mittit. Quorum aduentu cognito, Vladislaus ad Seueriam oppidum ad quartū Calendas Martias eis occurrit, & prælio commiſſo, multis vtrinque cadentibus, ad extremum Vladislao ceſſit victoria. Præmiſlus Conradi Glogouiſis Ducis filius, adoleſcens admodum interfectus, Boleslaus Opolienſis ſaucius captus eſt. Victor Cracouiam profectus, cum proceres & equites plerique omnes in fidem eius venirent, apertis portis receptus, omnium conſenſu & acclamatione Princeps renūciatus eſt. Sed hic item non diu poſſeſſionem Principatus retinuit. Henricus enim Vratislauenſis non deiectus clade priori, præſertim quod ciues nonnulli Cracouiſes clanculum ſpem eius alerent, nouum rursus exercitum Cracouiam cum Henrico Lignicienſi (ipſe enim adhuc decumbebat ægrotus) tranſmittit. Qui latenter profectus, & nihil ad celeritatem ſibi reliqui faciens, cum nocte intempeſta ad Cracouiam acceſſiſſet, in vrbe à conſciis recipitur. Clamore ſublato à Sileſiis, vt fieri ſolet capta vrbe, tumultuatur tota ciuitas: nox ac tenebræ incerta omnia, & longe quam erant, formidabiliora reddebant. Locticus, cum inopinato tumultu perterritus, & neque numerum, neque genus hoſtium exploratum haberet, prodicionem metuens, ad Franciſcanos fratres ſe recepit, vbi ſuos paſſim per vicos & plateas cædi, ac ſe quæri didicit, ſumpto monachi habitu de muro à Franciſcanis demiſſus euasit. Qui vero partium eius fuerant in vrbe, reperti ab hoſtibus partim necati, partim capti, & bona eorum direpta ſunt. Cuius calamitatis ne Paulus quidem Epiſcopus expers fuit, quod impetius Vladislao fauiſſet. Deinde in agros & villas procerum & equitum qui defectionis ad Locticum capita eſſe exiſtimabatur, ferro & igui ſæuitum eſt. Quibus malis adacti cæteri, certatim in poteſtatem redierunt Henrici, qui conſe-

Sileſiorum expeditio contra Locticum.

Locticus princeps renūciatur.

Cracouia prodicione ab Henrico recepta.

Henricus Principatus recipitur.

Henrici Probi mors.

Henricus Lignicensis Vratislavia potitur.

consecuto Principatu paulo post veneno à suis propinato, vt treditum est, mortuus est anno Christi millesimo ducentesimo nonagesimo sine liberis. Veniens autem Vratislaviam Henricus Lignicensis post mortem Henrici Probi, multorum civium & procerum ac militū fauore, vibe, & arce, ac dominatu denique omni Vratislaviensi potitus est, elapso per fugam Conrado patruo, Glogouienſum Duce, quem defunctus Dux in eo Dominatu hereditamento instituerat. Nam Cracouiensem & Sendomiriensem ditionem Præmislo Duci maioris Poloniæ legauit. Quem per idem tēpus Mesciugus etiam Dux Pomeranorum fratribus siue iam extinctis, siue iusta vindicta præteritis, successorem sibi designauit, & mox Pomeranos in verba eius adigit, & intra quartum annum mortuus, vacuam ipse Pomeraniæ possessionē reliquit. Morte atq; testamento Henrici cognito, vrbs & arx Cracouiensis Præmislo seruatur. Sendomiriensem vero dominatum Vladislaus retinebat, ac de recuperando etiam Cracouiensi cogitabat, cum noua & inopinata res obiecta rationes eius omnes conturbauit. Etenim Gryphina L. ſci Nigri, vxor, siue pertaxa belli ciuilis, siue ne dotalibus bonis à victore eiceretur, verita, missis clam legatis ad Venceslaum sororis suæ filium, Bohemorum Ducem, donauit ei Cracouiensem ac Sendomiriensem dominatum, quem sibi à Lesco marito donatum esse, confictis diplomatis affirmabat.

Gryphina donat principatum Venceslao Bohemo.

Bohemorum in Poloniam expeditionis.

Non recusauit quamuis cassam donationem Venceslaus, cupidus proferendi imperij Itaq; anno sequenti millesimo ducentesimo nonagesimo primo, cum ipse motibus quibusdam domesticis, & morte ſoceri Rudolphi Imperatoris, ac noui Cæsaris electione impediretur, Tobiam Pragensem Episcopum cum exercitu in Poloniam possessionis adeundæ gratia misit. Cui Præmislus, ne duplici bello pariter se implicaret, & vt exorientem Vladislai Loctici potentiam, quam suspectam habere cœperat, validiori hoste ipsi obiecto, reprimeret, deducto præsidio suo, Cracouiam Bohemis tradit. Hinc omnis tractus Cracouiensis in potestatem eorum venit. Ad Sendomiriensem deinde animos adiiciunt, ac Vislicia primū per ditionē potiuntur, deinde Oblescomum arcem prope Vistulā situm vi capiunt. Sendomiriam vero oppugnare adorti, à Loctico caſis captisq; plurimis, ignominiose repulsi sunt. Itaque inde reuertentes, relicto ad tuendas munitiones & maxime Cracouiam forti præsidio, & abducta secum Gryphina, ne sententiā suā de donatione mutaret, in Bohemiam se receperunt. Ibi Locticus re apud Sendomiriam feliciter gesta erectus, munitiones aduersarioiū armis aggreditur & expugnat.

A Sendomiriā repulsi.

Locticus Visliciam potitur, & Cracouiensem oram infestat.

Bohemi expeditionis in Poloniam cum Marchione Brädeburgico.

Visliciam deiecto hostium præsidio recipit, inde ad Cracouiam progressus, oēm circumcirca regionem vastat ac diripit. Nec tantum animorū & viuium habebant Bohemi, vt liberiores Loctici excursions reprimerēt. Itaq; in Bohemiam ad Venceslaum mittunt, vt sibi subueniat. Mittit ille eis rursus Tobiam Episcopū mediocri manu, vt eos vtcunq; cōfirmaret, & vel induciis cū Loctico bellū suspenderet, si cohibere eum nequiret. Sed is, cum neq; virib; Loctico parem se esse cerneret, neq; ferocem animum eius flecteret, mox in Bohemiam rebus infectis rediit. Cum autē vexare Cracouiensem oram Vladislaus Locticus non intermitteret, crebris suorū nunciis & querelis excitus Venceslaus, ipse per se sequenti anno expeditionē in Poloniam fecit, Ottone Lōgo Marchione Brädeburgensi tutore aliquādo suo in auxilium euocato. Hi ergo Duces iunctis copiis per Opoliensem tractū, post medium mensem Augustū Cracouiam aduenerunt, & accepti honorificētissime, aliquot septi-

manis

manis ibi de ratione belli cum Loctico gerendi consultarunt, cum ille quiesceret interim, & hostium consilia capraret. Tandem in Siradiensem eius ditionem impetum faciunt, eamq; liberiori excursionē depopulatur. *Siradiensis ditione vastatur.* Hiebat quidem exercitum Vladislaus, sed nusquam tñ ad vniuersę rei dimicationem veniebat: verum ex insidiis hostē vexabat, & sæpe quiescentes, & corpora curantes, quam tumultuosissime ad castra obequitans exagitat, pabulatores, frumentatores, ac lignatores ē latebris subito profiliens excipiebat, vt ij postea nusquam ē castris absq; forti equitum peditumq; p̄sidio prodire audent, & in castris excubias nocturnas duplicarent. Ita eis terrorem Locticus inusserat. Quare non diu morati, oppido Siradiensi exusto, arce vero, in palustri loco sita, ne tentata quidem, Cracouiam, atq; inde mox domos suas reuerterunt gloriabūdi, quasi magnū operæ precium fecissent, q̄ pagos aliquot & oppidum, neq; manu, neq; situ munitum incēdissent. Nec ita multo ante Lithuani Duce Vithene per sylvas Masouię cōnuente Boleslao Duce p̄fecti, in Cuiuiam impetū fecerunt: ac Brestense territorium depopulati, magnā prædam abegerunt. Annus hic millesimus ducentessimus nonagesim⁹ secundus post Christū natum insignis est etiam morte Cunegundis vxoris Boleslai Pudici, sanctę ac religiosę scēminę. Quam consecutus est improbus Episcopus Cracouiensis Paulus, qui cum aliis studiis minime dignis Episcopo, tum venationi sic fuit deditus, vt venatorem, q̄ feram imprudens ē cassibus repulerat, venabulo transfigeret. Successor ipsi datus est Procopius Præpositus Sandomiriensis, & Canonicus Cracouiensis, quem Dlugossius Gryphinę propinquum, ac Lesci Nigri Cancellarium fuisse memorat.

Lithuani Cuiuiam populatur.

Cunegundis princeps moritur.

Pauli Episcopi mors.

At in Silesia per eadem tempora Conradus Dux Glogouiensis bellum aduersus Henricū Lignicensem animo versabat, ob interuersum Vratislauensem dominatū: cumq; imparē se illi esse virib⁹ intelligeret, incautū doli circumuenire studebat, & clādestinis nocturnisq; excursionibus atq; latrociniiis ditiones eius vexabat. Deinde fratrē germanum Hērici Poleslaum Suidnicensem Ducē, felicitati fratris inuidentem, in societate belli asciuit. Videns autē Henricus, bellum à Cōrado patruo contra se magno studio comparari, cum non paruam Vratislauenensis conuentus partē illi fauere non esset nescius, ad eundem fratrem Boleslaum mittit oratum, vt arma secum aduersus Conradum cōiungat, ignarus pactorū, quę ille prius cum Cōrado pepigisset. Causificatur Boleslaus tenuitatē facultatum suarum. Tandem acceptis ab Hērico duobus territoriis, Iauoriensi & Stregoniensi, ius in iudicium dat, se ipsi nō defuturum. Vbi tēpus expeditionis faciendę aduenit, admonitus pacti ab Hērico Boleslaus, moras necere, & nunc hoc, nunc illud causari. Dat ei rursus Henricus tria oppida, Reichenbachium, Francosteinum, & Strelam. Nihilominus ille magis fidem promissis præstitit. Porro Conradus cum animaduertisset, non optima fide secum agere Boleslaum, à quo sperarat, dolo captum iri Henricum, quemadmodum cōnuenerat, Luticum vñum de aulicis intimis Henrici, gēte Habdancum, donis & promissis ad proditionē heri induxit. Erat hic Luticus magnis ab eo beneficiis affectus: sed patrem eius Pacoslaum gratia & fauore principis insolecētē Henricus capite plecti iusserat, quod is homicidij reus, crimen, frustra dissuadente ipso iudice, gloriabūdis fateretur. Lenierat tamen eum Lutici dolorem Henricus postea, collatis in eum plurimis beneficiis. Et ille iure casum patrem professus, iureiurādo dato persuaserat Henrico, ne quid ob eam rem de fide sua dubitaret. Hęc non ignota

Silesiaci motus.

*Crudelitas
exemplum.*

ignota Conrado erant. Itaque cum faces Lutici animo subderet, ac male curatum vulnus refricaret, effecit, ut apud eum plus valeret vetus dolor, quam tot recentia beneficia. Forte in balneo ad Oderam haud longe ab arce Vratislaviensi corpus curabat Henricus, aduolat eo Luticus cum armatis, Henricumque nil tale suspicantem, nudum pene ex balneo extrahit, ac vili pallio lectum, equoque imposuit, continuato nocte dieque cursu ad Conradum asportat. Inde victus Glogouiam perductus, in angustum vas ferreum includitur, cuius erat ea angustia, ut nec stare, nec sedere, nec iacere etiam exporrectus posset: erantque in eo solum duo foramina, alterum, quo cibum fumeret, alterum, quo aliam purgaret. In eo sex totos menses asseruatus est, ita ut ex illiue totus vermibus & vlceribus scateret. His malis victus tandem, numeratis Conrado triginta millibus marcarum pecuniæ, datisque Namislouienfi, Beroltouienfi, Olsaenfi, Cruciborgenfi, Bicinensi, Cunstadienfi, Rosenbergenfi, Boleslaviensi, & Hainouienfi territoriis dimittitur. Nec tamen postea conualuit Henricus: sed tertio deinde anno morbo lento consumptus est, relictis tribus filiis, Boleslao, Henrico, & Vladislao.

*Lothicus
ditionem
Cracouien.
infestat.*

In minore autem Polonia posteaquam Venceslaus Bohemus vastata Sira- diensi ora recessit, ut cum Adolpho Casare, qui Rodolpho successerat, affinitatem contraheret, Vladislau Lothicus rursus subiectam illi ditionem Cracouensem infestabat, & magnis incommodis praediciarios Bohemos vastationem agrorum prohibere volentes afflicbat. Verum Tartarica rabies Sedomiriensem oram crudeliter depopulata, vires eius debilitauit. Hoc eodem anno millesimo ducentesimo nonagesimo tertio accidit. Insequenti vero Vithenen Lithuanorum Dux, quamuis magna strage paulo ante in Prussia fusus à Cruciferis, & vix fuga elapsus, cum mille octingentis equitibus clam per Masouiam ductis, ex inopinato Lenciciensem tractum inuasit. Oppidum Lenciciense ac templum propter celebritatem quampiam plenum hominibus diripuit & incendit, agrosque vastauit. Reuertentem cum præda Casimirus Dux Lothici frater cum tumultuaria manu prope Sochazouiam vadato Bsuram amne, consecutus est, collatisque signis magnam in barbaris stragem edidit. Sed ad extremum in confertissimos hostes audacius prouectus & interfectus, victoriam hosti concessit. Nam Ducis casu conspecto, ceteri terga vertere. Tantam vero prædam hominum abduxere tunc barbari, ut viginti capita singulis cederent. Successit autem Casimiro sine liberis defuncto in Lencicienti dominatu Vladislau frater. Eodem anno Conradus Dux Masouiae Cirnensis morte absumptus, cum nullos haberet liberos, Boleslau fratrem hæredem reliquit. Nec multo post Cruciferi Visnam arcem in Masouia expugnarunt & exusserunt, quod ea receptaculum esset Lithuanis, excursions in ipsorum ditiones, & in Poloniam facientibus, cum Boleslaus crebro à Cruciferis. ne id fieri pateretur, frustra esset admonitus. Magnus enim ei fuit cum Lithuanis usus, ita ut uxorem quoque inde haberet Troidem Ducis filiam.

*Lithuani
Lencicien.
oram vastant.*

*Conradus
Masouiae
Dux obiit.*

PRÆMISLVS REX.

*Anno Chr.
1295.*

Intermisso apud Polonos ducentis quindecim annis regno, Proceres perspicere cœpere. Ita si malorum sub tot principibus, ad regnum & vnius dominatum respicere cœpere. Cui rei tempus etiam ipsum optatam occasionem afferebat. Et enim Præmislus Præmisli primi filius posthumus, viracer, & ad res magnas geren-

gerendas factus, maiorem Poloniam solus obtinebat. In Marchia Brandeburgensi, & in Pomerania præclarum virtutis specimen superiori tempore dederat. Pomeraniæ accessione auctus, Henricique Vratislauiensis testamento Cracouiensium ac Sendomiriensium Princeps nuncupatus erat. His opibus fretus, facile sperabatur Præmislus & externa bella à Poloniæ ceruicibus depulsurus esse, & cæteros Duces ad officium reducturus, & cum dignitate regia nomen laturus. Et iam Cracouiensium animi à Bohemo alieniores facti erant. Igitur anno post Christum natum millesimo decetesimo nonagesimo quinto indictis Gnesnam comitiis Præmislus Rex creatur, tricesimum octauum annum agens, & mox vicesima sexta die Iunij solenni ritu inunctus, diadema regium à Iacobo Suinka Archiepiscopo Gnesnensi accepit. Suscepto autem regno, mox cogitationes suas omnes eo cœpit intendere, vt Poloniam vniuersam pacaret, & in concordiam pristinam, vnumque corpus redigeret. Ac primum omnium, offensos ob præsumptum à se regnum cætorum Ducum animos blandis legationibus demulcere, & ad restringenda mutua odia, ac dissidia intestina componenda cohortari instituit. Deinde externis bellis sedandis tollendisque manum admouit, quo facilius laxata ex haustæque suorum vires reficerentur & coalescerent. Et quoniam Cruciferorum in Prussia vicinitatem suspectam habebat, moliri que eos non nihil de adipiscendo Gedanano, eosque ad Pomeraniæ totius dominatum aspirare senserat, munire Gedanum orsus est.

*Præmislus
creatur
Rex Gnes-
na.*

*Crucifero-
rum vicinitas
suspecta.*

*Præmislus
Gedanum
munire.*

Tam præclaros autem conatus eius mors immatura præcidit septimo vel octauo regni suscepti mense. Mortis eius autores Marchiones Brandenburgenses fuisse existimantur: qui veteribus odiis incitati, ac potentiam vicini & inimici principis, noui regni & Pomeraniæ accessione auctam veriti, ac de Santocensi territorio Polonis pridem surrepto metuentes, cum eum per dolum de medio tollere statuisset, locum & tempus ad peragendum facinus idoneum nati sunt. cum ille festum Reipublicæ curis ac negociis animum apud Rogosnam Polonicum in vicinia Marchiæ Brandenburgensis relaxaret, quod continentes ei loco sylvarum iucundas venationes præbebant, tempore etiam ad id inuitante, quo vulgo more ex pristina bacchanalium superstitione deducto, maiori licentia genio indulgetur. Vt igitur eum ibi securum & incautum opprimerent, Otto Longus Marchio Elector, cum Ottone altero, & Ioanne Conradi fratris filiis, ex Constantia Præmisli sorore susceptis, & valida suorum manu nocturno itinere per sylvas & auiam profecto, diluculo eius diei, quo Christiani anniuersario ritu cinere capitibus aspergendo præteritorum flagitiorum abdicationem & vitæ mutationem profitentur, armatis locum circumdant, rati, omnibus, qui circum Regem erant, longa vigilia & crapula pridiana sopitis, nil sibi negotij fore in peragendo scelere. Expergefactus tamen primo tumultu Præmislus, nec subita & inopinata re consternatus, cum paucis, qui euigilant, in hostes ad se venientes, nesciens quinam, quamque multi essent, insiluit: & multis strenui fortisque viri operibus in eos editis, cum vnus omnium telis cominus eminusque peteretur, obrutus cecidit; cum re-

*Præmislus
insidiis
Marchio-
num Brä-
deburgens.
sublatus.*

gnasset mensis septem, dies vndecim, vixisset annos triginta octo, menses tres, dies viginti quatuor. Ibi diffugiunt Poloni. Attollunt semianimem Regem Brandenburgenses, & equo imponunt, vt eum secum abducerent. Sed cum agitationem nullâ ferre posse videretur, pugionibus immaniter confossum reliquere. Volunt nonnulli, Zaremzas quosdā & Nalencios cædis Præmisli,

*Præmisli
filia Rixa.*

si non adiutores, confcios quidem certe fuisse, quod feueriorem eum vindicem scelerum, & inhonestas parandæ rei familiaris rationes refrenâtem ferre non possent: mansisseq; patrati sceleris notam in his familiis, vt neque rubris vestibus vti, neq; inter equestres homines in acie consistere eis liceret, vsque ad id prælium, quo Casimirus secundus Rex cū Russis confligit. Corpus Præmisli Posnaniæ relatum, in Basilica cum maioribus eius conditum est. Reliquit vnicam filiam Rixam nomine materno dictam, decem annos natam. Cōdidit Xenodochium siue hospitale in suburbano Calissiensis, Posnanig vero cœnobium puellis sodalitij Dominicani.

V L A D I S L A V S L O C T I C V S

Rex designatus.

*Anno Chr.
1226.*

SVblato per dolum Præmislo Rege, ad nonum calendas Maij, qui dies D. Alberti memoriæ apud Polonos dicatus est, Proceres cum Nobilitate & Pomeranis de nouo Rege creando frequentes Posnaniam conuenerunt. Iniecta quidem est à nonnullis Rixæ filix Præmisli mentio: sed metus belli, quod à Marchionibus, atque etiam à Cruciferis impendere videbatur, viro forti potius, & potenti, quam imbelli puellæ regnum mandare suadebat. Vladislaus ergo Locticus inter Duces Polonos potissimum idoneus visus est, quippe qui & bellis compluribus gestis acer, ac peritus rei militaris esset, & non parum roboris domesticis suis opibus ad teneras adhuc noui regni vires esset adiecturus, cum Siradiensem, Lenciciensem, ac Sendomiriensem tractum omnem, & Cuiaiuenfis magnam partem ditione teneret, & Cuiaiuenfium Ducum fratrum germanorum fauor & auxilia non defutura ipsi esse crederentur. Quare magno consensu cum Regem creant, & in verba noui Regis omnes iurant. Distulit tamen is, incertum, qua de causa, solennem coronationis ritum, nec Regis nomen, sed hæredis regni Poloniæ nomen vsurpauit. Profectus autem in Pomeraniam è maiore Polonia, susceptus est summo cum honore ab omnibus, etiam à Lesco Ziemomysli fratris filio. qui mox à Præmisli morte Pomeraniam occupare nixus est, Gedanumque iam tunc obtinebat. Hoc amoto, ne quid absente se turbaret, secumque abducto, Voislauum quendam Pomeranum nobilem Pomeraniæ præfecit.

*Vladislaus
Locticus
Rex crea-
tus.*

Sequenti deinde anno in minorem Poloniam se contulit, & Bohemorum præsidia, fautoresque crebris excursionibus vexauit: tamen præter munitiones, quas præsidii Bohemi tenebant, haud fere quisquam in fide ipsorum permanebat. Fauebant Silesij ferme Bohemis, & in cæteras Poloniæ oras aditum eis præbebant, Vladislauum vero Regem aspernabantur. Itaque in eos tunc expeditionem fecit Locticus, Silesiamq; longe & late depopulatus, luculentam prædā nemine prohibente auxit: siquidem diffidebant ipsi inter se Silesij, Boleslaus enim Suidnicēsum Dux suscepta tutela liberorū Henrici fratris Ducis Vratislauenfium & Lignicēsum, moliebatur bellum aduersus Conradū patrum Glogouienfium Ducem, quod is Henricū fratrem suum fœdo tetroque carcere ad mortem adegisset, magnæque parte bonorum mulctasset. Verum gliscens bellum inter ipsa initia sopitum est inter agnatos, veritos, ne inter se belligerantes tertio prædæ essent. Nec diu post pacificationem illam cum Boleslao Conradus Glogouienfis superstes fuit: à quo collegium sacerdotum ope Thomæ Episcopi Vratislauenfis accedent

*Locticus
Silesis bel-
lum infer.*

*Dissidia
Ducum Si-
lesia.*

*Conradus
Glogouien-
fis moritur.*

ac Glo-

te Glogouiz institutum est. Secutus est eum Boleslaus, qui primus subditis suis exactiones inauditas ante eum diem in Polonia imposuit, Nobilitatemque ex censu pro magnitudine possessionum & reddituum descripto militare iussit, cum viritum antea militaret. Reliquit autem filios Bernardum Suidnicensem, Henricum Iaurouensem, & Boleslaum Monsterbergensem Duces. Conradus vero Glogouiensis Henricum & Conradum filios reliquit: Quorum Henricus quidem patri successit, Conradus vero gibbosus Stinauiensis Dux, Præpositus Vratislaviensis fuit. Vocatus autem ad Archiepiscopatum Salisburgensem, ab Henrico fratre illustri comitatu instructus, dimissus est, cumque in itinere Viennæ deficeret lagena ceruisiæ suæ Stinauiensis, flagitauit ibi aliam, & cum non inueniret, sciscitatus de Salisburga, accepit, ibi nullum esse usum cereuisiæ, sed hauriri vinæ generosæ. Ibi bonus ille Silesius non passus est auelli sese à suo dolio patrio: sed aperte contestatus est, malle se episcopatum, quam ceruisiā deferere. Offensus agresti hoc facto fratris Henricus, eum tanquam hominem parum sanæ mentis Glogouiz includit in turrim arcis. Vnde suorum vi & opæ liberatus, paruo tēpore vixit. Atq; ita vnicus Dux vniuersi ducatus Glogouiensis relictus est.

Post hanc vero Silesiacam expeditionem Locticus in maiorem Poloniam cum copiis profectus, quieti se & ocio, voluptatibusque dedit: quæ res ei perniciofa fuit nō immerito. Milites enim in bellis rapto viuere assueti, ne in pace quidem ab iniuriis ac vexationibus tenuiorum & ecclesiasticorum bonorum direptionibus, ingenuarumq; matronarum ac virginum stupris sibi tēperabant. Eam licentiam ille non modo non coercerat, sed indulgentia magis etiam alebat. Cætera quoq; boni ac vigilantis principis munera negligētius obibat, muliercularum amoribus irretitus, ita vt externi quoque & finitimi Saxones plerumq; Poloniæ & Pomeraniæ oras impune latrocinii infestarent. Quibus de rebus cū frustra admonitus ac reprehēsus esset aliquoties ab Andrea Episcopo Poshaniensi, toti diocesi suæ sacris ab eo interdictum est.

Deinde conuentu apud Poshaniam habito, regnum ipsi tunc absentis forte, & in minorem Poloniam profecto, post tertium annum abrogatum est, Henricoque Glogouiensi, qui id ambiebat, & aliis suæ stirpis Ducibus præteritis, ad Venceslaum Bohemorum Regem delatum, quod retineret is etiam tunc munitiones quasdam in tractu Craccuiensi, nemoque potentior hostis oblici Loctico posset. Id autem anno Christi nati millesimo trecentesimo factum est. Quo anno Romæ iubileus imitatione Hebræorum à Bonifacio octauo Pontifice Maximo primus institutus est. Per hæc tempora Lithuani cū reliquiis Prutenorum assiduus excursionibus Cruciferos in Prusis & Liuania affligebant.

Venceslaus
Bohemus
Poloniæ expectatus.

VENCESLAUS BOHEMORVM REX.

Anno Chr.
1300.

Accitus splendida legatione Venceslaus, adfuit sine mora, Gnesnæque de more à Iacobo Archiepiscopo inunctus, ac regio diademate circumdatus est, & mox Poshaniam profectus, Procerum suauis duxit Rixam siue Elisabetham, Præmisli Regis defuncti filiam, quo magis eius coniugio regnum apud Polonos stabiliret. Deinde dimissis quoque uersum copiis, omnia, quæ dudum in ditione Vladislai fuerant, in potestatem suam redigit. Dum hæc ita geruntur, Russi tempus aduenisse rati, quod tanquam in vacuum finitimæ sibi Poloniæ possessionem inopinate possent inuadere, dum

Venceslaus
Rex coronatus
Gnesnæ, & Rixam uxorem
duxit.

Pl. Locticus
spoliatus omnibus
bohemis.

Russi Sendomiriens. tractum vastant.

Lothicus in Vngariam fugit, & peregrinatur.

Gostinum & Ploscum à Bohemis oppugnatur.

Minores Poloni expeditionem contra Russos suscipiunt.

Russi victi à Polonia.

Lothicus regnum repetit.

dum Lothicus desertus fere à suis, de retinendo, siue adeo recuperando regno laborat: Venceslaus vero nouus Rex stabiliendo eo, & redigendis domi in potestatem suam iis, qui imperium eius adhuc detrectabāt, occupatus est magnis copiis Sendomiriensem tractum infestarunt: & longe lateque peruagati, capta & incensa arce Corcinenſi, quæ lignea etiam tunc erat, raptim cū ingenti præda domum se receperunt, prius fere quam ad Venceslaum Regem de excursionem eorum nuncius perferretur. Per idem tempus Lithuani Dobrinum depopulati sunt. Malebat autem Venceslaus tūc Lothicum persequi, quam Russos vlciſci. Verum ille cautus & callidus, nusquam pedem figere, nemini se credere, omnes habere suspectos, in syluis & locis solis latitare, locumque subinde mutare, famem cœliq; inclementiam patienter ferre, & Procerum animos clam pertentare. Quos ubi partim alienos à se esse, partim arma Bohemorum, & Polonia totius consensum metuere, decretūque comitiorum præuaricari nolle animaduertit, & patrimonio quoque omni à Bohemo spoliatus est, abiecta spe recuperandi regni. & insidias aduersariorum declinans, in Vngariam profugit. Inde porro Romam priuato habitu profectus, facinora sua duriorē poenitentia expiauit. Deinde reuersus in Vngariam, Amedæi Palatini Vngariæ hospitio vsus est annis aliquot, occasionem expectans, qua regnum ereptum repeteret.

At Venceslaus Rex subactis omnibus, quæ in Lothici ditione fuerāt, Gostinum quoque & Ploscum adortus est: sed re infecta, agris tantum vastatis, è Masouia sese recepit. Constitutis autem rebus suis in Polonia, relictisque præfectis Bohemis, penes quos rerum summa esset, in minore quidem Polonia Nicolao Duce Opauiensis, in maiore vero Fricio Silesio, in Cuiaua vero Tassa Vissemburgio, in Bohemiamrediit, nec post id tempus Poloniam vsquam aspexit. Fuerunt autem eo regnante quietæ res in tota Polonia, præter, quod minores Poloni cum vetusta Lublini ereptione, tum noua in Sendomiriensem oram excursionem irritati, vltro expeditionem aduersus Russos susceperunt. Cuius non ignari Russi, magnum & ipsi coegerunt exercitum, Lithuanorum ac Tartarorum auxilia sibi adiunxerunt, & apud Lublinum Polonis aduenientibus occurrentes, pugnandi copiam fecerunt, freti multitudine sua. Nec Poloni quamuis longe pauciores pugnam detrectarunt, & summa ope adnixi, victos hostes in fugam egerunt præcipites. Magna tunc ea strages Russorum & barbarorum fuit, fuissetque maior, ni propinqua arx Lublinensis receptum eis præbuisſet: tametsi ne munitio quidem satis eos tutata est. Obseſſi enim à Polonis, cum eruptionem tentare ausi non essent, fame inualeſcente, deditionem fecere. Ita Lublinensis arx post septimum & quinquagesimum forte annum, posteaquam à Russis capta erat, à Polonis recepta est.

Cœpit deinde noua spes recuperandi regni affulgere Vladislao Lothico, cū Polonis iam exosa esse inciperet Bohemorum superbia & auaritia, & Venceslaus Vngarico bello se implicasset pro Venceslao filio. Harum rerū cum non ignarus esset Lothicus, arripuit oblatam occasionem, & Amedei hospitis ope adiutus, in Poloniam cum aliquanta manu Vngarorum contendit: adueniensque arcem Pelciscam Vislicia imminem occupat. Mox Bohemorum præsidium Vislicia fauētibus ciuib; deturbat: deinde Lelouiam arcem in suam potestatem redigit. Vnde vicinia omnis vi & metu adacta, ad eum deficiebat, & copias eius augebat. Adiuuit autem & fortuna conatum eiu s

Nam

Nam Venceslaus non ita multo post, vt forte Vngarorum perfidiam perosus, ex Vngaria filium repudiato regno reduxerat, Pragæ morbo correptus, *Venceslaus Rex moritur Pragæ.* lēta tabe absumptus est, nono Calendas Iulij anno à Christo nato millesimo trecentesimo quinto. Eius morte cognita, res Loctici aliquanto meliore loco esse ceperunt. Nec magno is negotio agrestium fere opera Sendomiriensem tractum omnem, deiectis vndique Bohemorum praefidiis recepit. Tunc vero primores cum pleraque omni Nobilitate Cracouiensis ac Sendomiriensis conu. ntus fortunam secuti, cum Vladislao se coniungunt, & ad subigēdas Cracouiensis oræ munitiones Ducem eum sequuntur. Venienti cum exercitu Cracouienses ciues Alberto aduocato autore portas vrbis aperuere. Nec morati Bohemi arcem quoque dedidere, cū tardius ipsis subueniret iunior Venceslaus (qui patri hæres in Bohemia successerat) & victus ac commcatus inopia pressi, longiorem obsidionem sustinere non possent. Fecit *Venceslai iniuriis in Poloniam expeditio.* tandem anno sequenti Venceslaus iunior expeditionem in Poloniam, regni paterni repetendi causa, cuius iam titulum vsurparat. Sed antequam Poloniæ fines attingeret, Olomucij meridiano tempore in cubiculo quiescens interfectus est, a suis ne, an subornatis ab Alberto Imperatore percussoribus, ne *Idem trucidatus Olomucij est.* tum quidem in recenti scelere certo sciri potuit. Ab eo tempore Bohemi æternos Reges & principes habere ceperunt.

VLADISLAVS LOCTICVS

iterum Rex.

Morte Venceslai vulgata apud Polonos, tūc vero Bohemi, qui iam ante alienatas esse à se Polonorum voluntates persenserant, sibi prospicere, ac de praefidiis vndique decedere. Poloni vero, quos ad eum diem metus Bohemorum continuerat, in potestatem Vladislai veniunt: & actis Cracouiæ comitiis, magno omnium conuentuum consensu Locticus iterum Rex *Anno Chr. 1305.* creatur. Posuanenses modo & Calissenses aberāt, quod abhorrerent ab imperio Vladislai Loctici pristinatorū flagitiorum & iniuriarum eius memores, & veriti, ne is grauius in se animaduerneret, quod eum prius eiecissent. Itaq; à cætera Polonia sese tunc ij segregarunt, ac Henrico Duci Glogouiensi Cōradi filio, quod ex sorore Præmisli natus erat, subdiderunt. Quod quidem dissidium in causa fuit, quo minus tunc Vladislaus coronaretur, cum diademata ac reliqua regni insignia Gnesnæ de more afferuarentur, & Archiepiscopus, sine quo non fit coronatio, in ditione Henrici esset. Tametsi vacua tunc fuit rursus annis aliquot sedes metropolitana post obitum Iacobi Suinæ Archiepiscopi Gnesnensis, propter diuturnam Cardinalium dissensionem in creando Pōtifice Maximo post Benedictum vndecimum. Fecit autē bellum *Locticus Henrico Glogo. bellum facit.* Hērico Locticus: sed illo nusquam in dimicationem prodeunte, vastatis per æstatem aduersariorum agris, villis, & oppidis, in Pomeraniam cum nōnullis Polonorum proceribus descendit, & Gedani ab vniuerso Pomeranorum conuentu iusiurandum accepit, quod in potestate eius futuri semper essent. Præfecit autem toti Pomeraniæ Præmislum & Calimitum Duces, Ziemomysli fratris filios: Gedano excepto, quod pariter cum arce Bogussæ iudicis Pomeraniæ fidei commendauit.

Dum autem Locticus Gedani commoratur, Lithuani silenti agmine per sylvas progressi, in maiorem Poloniam excursionem fecere, Calissiam & Stauissimum oppida incendere, & omnem circumcirca regionem vastauere, ingentem.

gentemque prædam dissimulantibus Masouis, & qui Loctico parebant, abegerunt. Eodem anno, qui fuit millesimus trecentessimus sextus, octaua die Maij Basilica Cracouiensis & arx tota, quæ lignea tunc erat, penitus conflagrauit: quæ dirutis veteribus muris, in eam, quam nunc obtinet, formam & amplitudinem post decimum quartum annum reedificata est à Nanke-ro Episcopo, nobili Silesio, qui Iohanni successit, conferente in eam rem pecuniam non modo Episcopo & Collegio, sed etiam vniuerso ordine Ecclesiastico, qui est in diocesi Cracouiensi: adhæc semestribus fructibus omnium sacerdotiorum, quæcunque per illud tempus vacare contigit, cum in vsum conuersis. Non diu vero pacatam tenuit Pomeraniam Locticus, auctor enim nouorum motuum fuit Petrus Cancellarius Pomeraniæ, Palatini Gedanensis filius, qui quanto plus possidebat, tanto maiori cupiditate & ambitione flagrabat: & cum repulsam à Loctico de quibusdam postulatis passus esset, consilium capit nefarium prodendæ Marchionibus Brandenburgensibus patriæ, patre, si non impulsore, certe non infcio. Nec difficile hoc ipsi erat peragere, cum & dignitas inter Pomeranos maxima esset eius familiæ, & nouem arces in potestate sua haberet. Sed proditis re nondum matura eius consiliis aduolat Vladislaus, captumque Petrum Cracouiam abduxit: quem tamen non multo post à fratribus eius exoratus dimisit, cum ij se obsides fore pro fratre obtulissent: atque ij quoque, cum negligentius asseruarentur, breui euaserunt. Acciti itaque ab iis Ioannes & Volde-marus Marchiones, cum exercitu Pomeraniam ingressi sunt, statimque omnes plerasque eius regionis munitiones partim per deditiorem accepere, partim expugnauere, adiuuante Petro cum fratribus, necessariis, & clientibus.

*Pomerania
Marchio-
nibus pro-
dita.*

*Gedanenses
dederunt se
Marchio-
nibus.*

Ad Gedanum deinde castra admota sunt: & oppidani quidem, cum magna iam ex parte Teutones essent, & cum Teutonibus plurima haberent commercia, Saxonibus portas vrbis aperuerant. Arcem tenebat Bogussa iudex Pomeraniæ cum Nobilitate, quæ se perfidia Petri non contaminarat: is veritus, ne obfessi extrema pati cogerentur, neue aut molestia diuturnæ obsidionis fracti, aut largitione corrupti, hosti arcem dederent, cum Nemira maximis itineribus ad Vladislaum Locticum commendata aliis arce excurrit, repertumque Sendomiriæ, de statu rerum Pomeraniæ, ac de periculo Gedanensis arcis edocet, opemque eius implorat. Pollicetur Vladislaus, breui se eis affuturum esse auxilio: sed quia tardius id fore iudicabat Bogussa, quam præsens necessitas postulabat, si tunc primum indici vniuersæ Poloniæ expeditio in Pomeraniam deberet, præsertim æstate iam declinante, suggerit Vladislao, vt Cruciferorum opera ad defendendam arcem vteretur, tantisper, dum ipse commode bellum aduersus Saxones comparare posset. Approbat consilium Vladislaus, extemplo Bogussa cum regiis mandatis ad Magistrum Cruciferorum proficiscitur. Prolixe illi omnia polliciti, constituerunt cum Bogussa, vt dimidiam arcem ipsi tenerent, & annum vnum suis sumptibus defenderent, deinceps vero post exactum annum, quæcunque impendia facerent, vt ea Vladislao expensa referrent, nec prius arce decederent, quam exoluta illa sibi essent: damnorum vero, si qua acciperent, nulla ratio duceretur. His igitur conditionibus in arcem recepti, magnam vim comæatus secum importarunt: ac munera cum Pomeranis, quemadmodum conuenerat, partiti, non habebant satis

*Gedanensis
arcis de-
fensio Cru-
ciferis com-
mendata.*

defen-

defendere munitionem, verum crebris etiam eruptionibus hostem laceſſebant, ita ut is in oppidum ſerecipere cogeretur, & ad extremum inſtante hyeme obſidionem ſolueret, relictoque in oppido aliquanto præſidio diſcederet. Verum id quoque non ita multo poſt expugnatum, & præſidium interfectum eſt, ac de autoribus defectionis ſumptu ſuppl. ium. Et iam non magno opere opuserat adiutoribus ac deſenſoribus Cruciferis: ſed tamē alebantur metum Pomeranorum, & ſubinde plures armati in arcem ſubmittebantur. Cum autem ſuperiores iam ſe eſſe Pomeranis animaduernerent, ferocius ſeſe gerere, ac ſape cum illis rixari: Ad extremum apertius totam ſibi arcem vendicarunt, & primores nobilitatis Pomeranicæ, ipſumque præfectum arcis in carcerem compegerunt. Qua neceſſitate adactus Boguſſa hæc pacta cum iis iniuit, nimirum, ut totam arcem ipſis concederet, ita tamen, ut eam Vladislao ad primam eius poſtulationem redderet, cum is impenſas belli ipſis exoluiffet.

*Gedanum
receptum.*

*Crucigeri
arcem Ge-
danen. ſua
potestate
faciunt.*

Qua re ad Vladislaum Cracouiam perlata, cœpit eum pœnitere conſilij de acciendis contra Saxones Cruciferis. Videbat enim ſe lupis, quod dicitur, oues commiſſiſſe, & non ſublato, ſed duplicato ſibi eſſe bellum, duosque ſe pro vno hoſtes cepiſſe. Ac tunc demum recordabatur, adhuc Præmiſlo regnante Cruciferos ad interuertendum Gedanum adſpiſſaſſe: nec multo diſſimili cupiditate, quamuis diſſimili arte, Michalouienſem ditionem uſurpaſſe. Acceperant eam hypothecæ nomine à Leſco Duce Cuiavia, datis ei mutuo trecentis marcis Torunienſibus, quibus ille ſe in bello Vngarico à Venceslao Bohemorum Rege captum redimebat. Conuenerat autem Cruciferis cum Leſco, ut ſi is intra triennium pecuniam illam non redderet, propria iure ſempiterno Cruciferorum fieret ea ditio. Et offerebat quidem eis Leſcus cum fratribus pecuniam intra cōſtitutum tempus, non acceptarunt tamen eam illi, deguſtata ſemel poſſ. ſſionis & vilitatis dulcedine, iam hoc, iam illud cauſificantes, donec aliquanto poſt Leſcus neceſſitate adductus, acceptis inſuper ab eis ducentis ſexaginta duabus marcis, dominatu illo, & iure ſuo omni ſeſe abdicauit. Hæc tunc ſecū de Cruciferis Vladislaus Loſticus reputabat: nec tamen ſpem penitus omnē de fide eorum abiiciebat. Exiſtimabat enim, quamuis literis & legationibus nihil apud eos proficeret, tamen ſi ipſe in colloquium cum eis veniret, facile autoritate ſua ad æquas conditiones rem perducere poſſe. Alebant illi hanc ſpem eius blandis reſponſis, quo maiore vi ac diuturnitate temporis Gedani poſſ. ſſionem ſibi ſtabilirent. Tandem conſtituto loco ac tempore conueniunt Rex & Magiſter Cruciferorum Henricus ad pagum Graiouiſce in tractu Cuiauienſi cum primoribus vterque ſuis. Ibi Vladislaus exorſus longa oratione cum Magiſtro de occupatæ arcis iniuria expoſtulat: beneficia maiorum ſuorum in ordinem Cruciferorum commemorat, pro quibus aliter ij gratiam ſibi referant, quam gratis boniſq; viris dignum ſit. Atq; ut ingrati, iniuſti, ac impij eſſe vellent, fidem certe & pacta conuenta, quæ ne barbari quidem temere violarent, ſeruare eos debuiſſe. Ad hæc Magiſter nihil beneficiorū & ingratitudinis, perfidiæque exprobratione cōmotus, placide & modeſte reſpondet: Se, quicquid fecerit, bono Vladislai feciſſe. Metuentē enim, ne Pomeranorum inſolentia ſuorumq; impatientia res in malum maius erumperet, excedere Pomeranos arce iuſſiſſe, quam retinere ipſi per ſe nō poſſent. Paratum autē ſe eſſe eā redde-
dere ſi impedia ſibi perſoluerentur. Æquum eum Vladislaus poſtulare affir-

*Pacta Cru-
ciferorum
cum Duce
Cuiavia.*

*VLLoſti-
cus cum
Cruciferis
expoſtulat.*

mat, & edere impendiorum summam iubet. Ibi ille conceptum animo dolum detegens, centies mille marcas latorum siue Bohemicorum grossorum poscit. Negare Vladislaus iustam esse eam æstimationem, bonorumque viro-
rum arbitrio in ea stare velle. Recusare id Magister, & quantum edidisset, poscere. Ingens tunc ea summa fuit in magna annonæ vilitate. Itaque re in-
fecta, & irritatis magis animis disceditur.

Cruciferi omnem iam Pomeraniam animo complexi, maiore vi bellum comparabant. Augebat autem eis spem potiundæ eius, quod sciebant, Vladislaum ciuili aduersus Henricum bello de maioris Polonia possessione distineri: Lithuanos quoq; non modo aduersariorum, sed etiam ipsius Vladislai ditiones infestos. Ipsi vero Cruciferi contra Lithuanos prosperiore fortuna bellum gerebant. Temporis igitur opportunitate sibi vtendum rati anno Christi millesimo trecentesimo decimo, magnas à Germanis suis copias cōducunt: cum Marchionibus Brandeburgensibus fœdus iiciunt, ea lege, vt ij retinerent, quicquid superiore bello in Pomerania occupassent: Gedanū vero Derfauiam, & Suece, munitiones in ripa Vistulæ sitas sibi bello quæren-
das concederent. Deinde vero Cruciferi ad Gedanense oppidum, quod in
Pomerania bello petita à Cruciferis. potestate Vladislai erat. & à Pomeranica Nobilitate defendebatur, castra ad-
mouēt, eo potissimum tempore, quo plurima hominum multitudo eo vndi-
que ad anniuersarias nundinas confluxerat, hoc est, primis Augusti mensis diebus. Idque eo maxime consilio fecere, vt ex direptione opulenti oppidi, & mercatorum ac Nobilitatis, quæ facultates suas eo importarat, pecuniam in stipendia militum, & in cæteros vsus belli conquirent. Defendebatur quidem oppidum strenue, plurimumque negocij in expugnando eo habituri esse videbātur Cruciferi, ni proditio interuenisset. Etenim nocte quadam hostes à ciuibus quibusdam Teutomici generis aperta porta intro missi, oppi-
Gedanum Cruciferis proditum. dum ceperunt, ingentemque cædem hominum omnis generis ediderunt, vt eo crudelitatis exemplo reliquos à defensione cæterarum munitionū detererent. Nec in vlla cuiusquam munitionis expugnatione plus Polonici sanguinis effusum esse proditur ab vllis barbaris, quam tunc à religiosis istis, & Polonorum beneficiariis effusum sit.

Gedano potiti, ad Derfauiam ducunt exercitum, neque tamen interim populationibus & incendiis pagorum & villarum, hominumque cædibus abstinent. Præerat eiarci Casimirus Dux, cui cum Præmislo fratre Pomerania à Vladislao commendata fuit. Is igitur de aduentu hostium certior factus, ad castra eorum proficiscitur, quod non parua ei erat cum Cruciferis & Magistro consuetudo: sperabat enim, eos sua causa susceptum bellum deposituros esse, propterea quod meminerat, prolixè eos sibi fratrique suo de bene-
uolentia sua policeri. Admissus in conspectum Magistri & Commendato-
Casimirus Dux superplex Cruciferis. rum, quorum erga se fratremque beneuolentiam ac pollicitationes commemorat, eorum hortatu se administrationem Pomeraniæ suscepisse: nihil vnquam hostile, sed bonam viciniratem & auxilium ab iis sperare iussos. Orat deinde, vt pollicitationum suarum memores esse velint, exercitumq; deducant. Si quid ipse fraterne suus, aut Pomeranorum quisquam, aut patruus denique suus Vladislaus in eum, vel in ordinem Cruciferorum deliquisset, cumulate satisfacturos esse. Superbe ei Magister respondit, fallus ea, quæ ille commemorat: verum eo id se fecisse, quod ipsos, quam potentiorē quempiam vicinum habere mallet. Nunc se, quam illos, Pomeraniam obtinere
mallet.

Magister superbe spondet.

malle: sibi se esse amiciorem, quam ipsis. Verum eam tamen se eis gratiam facere, ut eis præsidium deducere, & res suas saluas auferre liceat: aut si id nollent, se suaque defenderent. His dictis mensam apponi iubet, inuitat hominem comitesque eius comiter. Dum illi prandent, interim exercitus Cruciferorum obsidione arcem cinxit. Peracto prandio, cum Casimirus nihil æqui à Magistro impetraret, & in arcem cum suis reuerti vellet, videt aditum obsessum ab hostibus. Mittit ad Magistrum, qui eum admoneant, præter ius gentium id sibi factum videri, quod interim, dum ipse de pace agit, arx obsessa sit, & ipse ab ea excludatur. Respondet Magister, errasse Casimirum, qui existimarit, se cum tanto exercitu ad quietem somnumque capiendum eo venisse, vllumque tempus vacuum à rebus gerendis intermissurum esse, donec Pomeraniam in suam redigat potestatem. Si sibi ille auscultare vellet, arcem sibi, deducto præsidio, rebusque exportatis, traderet. Ibi Casimirus cum sciret, arcem non satis munitam esse aduersus tantam vim hostium, neque commeatu instruatam, consilium cepit necessarium dedendæ arcis, saluissimæque rebus & hominibus ad Præmislum fratrem in Succensem arcem se contulit.

At Cruciferi Dersania incensa ulterius progressi, Choiniciam, Nouum, & alia quædam oppida partim per deditionem acceperunt, partim expugnata exusserunt. Deinde ad Suece castra mouerunt, quæ vna arx erat reliqua in Pomerania, natura atque bene munita, & ad ferendam obsidionem instructa, quod in eâ se Præmislus & Casimirus Duces, & Pomeranica Nobilitas omnis, quæ supererat, cum copiis & facultatibus suis contulissent. Quod cum intelligerent Cruciferi, maiore cura ad expugnationem eius animos intendere cœperunt, excitatisque machinis aliquot, mœnia arcis, quæ lignea erant, quatere instituerunt, ac duobus patibulis è regione arcis positis, exitum obsessis, si arcem dederent, minabantur. Quo vero maiorem terrorem eis incuteret, quotidie aliquot homines rusticanos captos appendebant. Nihil tamen Cruciferorum illa crudelitas, minæque eorum, qui in præsidio erant, animos à defendenda arce & obsidione perferenda retardabat. Itaque Cruciferi cum animaduernerent, sedendo se tempus terere, & aperta vi nil proficere, ad dolos se conuertunt, & Andream Cedrouicium auro corrumpunt, ut sibi arcem proderet. Is igitur nocte quadam chordis catapultarum & balistarum, quibus Poloni maxime hostium vim eminus reprimebāt, successis, ad Cruciferos transfugit, & quid egerit, exponit. Itaque postero die Cruciferi magna fiducia turres, quas excitant, ad mœnia arcis propius peruolant ab ea parte, quæ interrupto fluminis ambitu liberiores præbebat aditum. Poloni cum summouere hostem, solito ferocius urgentem oppugnationem, vellent, reperiunt balistas & catapultas redditas esse inutiles. Re nova perculsi, tandem oblati fortuito telis, extremum conatum faciunt, & partim contis mœnia scandentes hostes derrudunt: partim saxis deiectis audacius succedentes obruunt, ita ut receptui canere Magister cogeretur. At Poloni periculo illius diei admoniti, ac veriti, ne grauius in se à Cruciferis capta arce contuleretur, missa caduceatore inducias mensuras à Cruciferis impetrarunt, deditionem pacti, nisi sibi intra id tempus subueniretur. Vladislaum de omnibus certiores faciunt, & nisi celeriter sibi opem ferat, actum esse de se, ac de arce docent. At ille, cum domi quietas res non haberet, Andream Rospirensem Castellatum cum aliquâ manu in auxilium Pomeranis proficisci

*Dersania
incensa &
alia oppida
capta.*

ficifei iubet, vt bellum modo duceret. Verum is negligentius agens, neq; ausus per hostilem exercitum in arcem perrumpere, priusquam cōspexisset hostem, retro abiit.

Finitis induciis, cum nulla spes auxilij obsessis ostentaretur, post septuagesimum obsidionis diem excedūt arce Præmislus & Casimirus Duces cum præfecto arcis & omni præsidio, armis & facultatibus suis, & ad Vladislaum profecti, humanissime ab eo recreati sunt. Ita tunc Suecensem arcem, simul & omnem Pomeraniam Vladislaus Locticus amisit, dum de maiore Polonia sibi adiungenda sollicitus est. Etenim ceperat iam maiores Polonos Henrici tædium, quod contemni se ab eo, & iura institutaque maiorum suorum violari viderent. Itaque conuentu Gnesnæ habito, deserto Henrico, in Vladislai fidem & potestatem reuenerant. Quod cum accepisset Henricus, Ioannem Bibersteinium cum exercitu ad reuocandos ad officium Polonos misit. Cui venienti Pōsnaniam ciues portas vr̄bis aperuere, præsidiumq; munita Basilica acceperē. A quo in Prælatos & Canonicos, domosq; eorū s̄uitum est q̄ cum Vladislao sentirent. Ad cætera vero subigenda pergēti Bibersteino, Dobrogostius Szamotul⁹ Thomislai Palatini Pōsnanienis filius gēte Nalencius cum Polonis occurrit, initoq; prælio multis vtrinq; casis, ad extremum victoria potitus est. Inde præsidium Silesiorum Pōsnania eiectum: in ciues, quod Henrico fauerant, & occasionem malorum, quibus sacerdotes affecti sunt, præbuisse videbantur, ea pœna sancita, ne liberi eorū in collegia Basilicarum cooptarentur, reciperenturue. Nec ita multo post Hēricus domi à Boleslao Duce Vratislauenſium, Henrici quinti filio, bello laceſſitus & proſtigatus, ex mœrore, cum agrotasset, quinto idus Decembris mortuus est, relictis filiis quatuor: qui sic inter se partiti sunt patrimonium, vt Henrico Saganensis, Conradō Olsnicensis, Ioanni Stinauiensis, Præmiſlo vero nato minimo Glogouienſis dominatus cederet. Atq; ex eo tempore maiorem Poloniam pacatam tenuit Vladislaus Locticus, suscepitque eodē anno Casimirum filium ex Heduigi vxore natum pridie calendas Maij. Inopia quoque & fame, ex imbribus & inundatione aquarum orta, laboratum est eo anno in Polonia, & nonnullis aliis regionibus.

Subacta omni Pomerania, non deponere tamen sollicitudinem Cruciferi, veriti, ne bello à Polonis ea constitutis domi rebus repeteretur. Quocirca vt sibi possionem eius stabilirent, colloquium à Vladislao Magister Carolus, qui Henrico successerat, petiuit. Nec renuit Vladislaus, sperans pactis aliquibus (quod malebat quam armis) recuperare se à Cruciferis amissam Pomeraniam posse. Itaque anno sequenti præstito die apud Brestam Cuiauiensem conueniunt. Ibi Magister grauitè à Vladislao accusatus, paucis ad excusationem facti sui dictis, magnis precibus ab eo, principibusque Polonis contendit, vt Pomeraniam sibi & ordini suo iure sempiterno concederent, certam auri & argenti summam, & Nissoujam arcem cum Odouo & Murinouo pagis vicissim à se acciperent. Adhæc quadraginta hastatorum auxilium ad quauis bella Polonis contra quemuis hostem Cruciferorum stipendiis militatura promittit. Addit etiam, per amplum monasterium, quibuscunque monachis vellet Vladislaus, pro salute eius maiorumque eius conditurum se esse. Offensus hac oratione Magistri Vladislaus, quod irrideri etiam se vltro ab eo existimabat, indignabundus & minitabundus discessit. Magister vero repulsam passus, vt aliquem tamen duntaxat in

Pomerania à Cruciferis subacta.

Maiores Poloni in fidem Loctici reuenerunt.

Silesij à Polonis eiecti.

Henricus à Boleslao victus moritur.

Casimirus nascitur filio Loctici.

Vladislai Regis cum Cruciferis Brestæ Cōuentus.

rat in speciem iustum titulum sceleri suo prætexeret, à Marchionibus Brandeburgensibus Ioanne, & patre suo, tutoreque eius Voldemaro decies millies marcis latorum grossorum eandem Pomeraniam, de cuius inuasionem eos dudum depulerat, emit, eamque emptionem ab Henrico Cæsare sibi & ordini suo confirmari curauit. Nec dissimili scelere Liunionenses quoque Cruciferi eodem fere tempore Rigam urbem atque territorium Rigense Archiepiscopo, à quo ante eētum & quatuor annos simili de causa in Liunioniam inducti erant, per summam iniuriam eripuerunt. Quam de re cum Romę lis plus octoginta annis ducta esset, tandem Bonifacius nonus Rigam ordini Cruciferorum quindecim millibus aureorū acceptis addixit. Per idem fere tempus Templariorum ordo, potens & ipse, per vniuersum orbem Christianū, quasi dato à Pontifice signo è Viennensi concilio, deletus est, ob nefanda quædam scelera, & prauas de religione opiniones, bonaque eorum Rhodensibus D. Ioannis militibus attributa.

*Crucigeri
emunt Po-
meraniam
à Marchio-
nibus.*

Quo minus autem statim Cruciferos Vladislaus vlsceretur, suaque ab iis erepta recuperaret, motibus quibusdam ciuilibus, & Cracouiensis ciuitatis defectione impeditus est. Nam dum is cæteras Poloniae regiones, à Cracouiensi illo colloquio digressus, visit, ciues Cracouienses, Alberto aduocato autore, Boleslao Opoliensem Duci sese subiecerunt, accitumque in urbem receperunt: & ad capiendam arcem, quæ in fide Vladislai permanebat, adiuerunt. Sed cum ea neque dederetur, neque expugnari ab eo posset, aduocati domum in ipsis mœnibus urbis prope portam, quæ à diuo Nicolao nomen habet, eminentem, pro arce Boleslaus cum suis occupauerat. Quæ de re certior factus Vladislao, nihil sibi reliqui ad celeritatem fecit, quin manu facta ad eiiciendum inuasorem contenderet. Legatos tamen ad Boleslaum præmisit, qui de tam insigni iniuria cum eo exoptularent, monerentque eum, ut sua sponte excedere, quam arma sua experiri mallet. Paruit monitis Boleslai Vladislaus, cum non ignoraret, eum magnis copiis subsecutus, deductoque de domo aduocati præsidio, urbe excessit. Quem aduocatus & nonnulli alij ciues, qui defectionis capita fuerunt, secuti, in Silesia deinceps & in Bohemia exularunt. Profugorum bona Vladislaus adueniens in fiscum suum rediguit: aduocatiæ redditus per amplos è molis, macellis, atque tabernis ademit: primarios quosdā ciues, ut exemplo suo terrori aliis deinceps essent, diris suppliciis affecit. Ciuitati ius omne creandi senatus abstulit, & in Palatinum trāstulit, ut vel ita superbiam ac rebellionem ciuium in posterum reprimeret. Insimulatus est etiam Ioannes Muscata Episcopus Cracouiensis conscius fuisse defectionis illius, quod eo facilius creditum est, quod esset Silesius. Itaque multis post incommodis est affectus à Vladislao, captum quoque, & in custodia seruatum referunt. Biecense quidem territorium ei non reddidit Vladislaus, quemadmodum promiserat, sed ex eo tempore id in Regum potestate mansit. Nec ita multo post Boleslaus Opoliensis è vita excessit. Masouia quoque Dux Boleslaus eodem anno nempe millesimo trecentesimo decimo tertio mortuus, Ziemonitum & Troidenum filios è Lithuana vxore susceptos, & Venceslaum è Bohemia hæredes reliquit. Quicquid tunc annis aliquot, incertum qua de causa, Vladislaus, nec ad vindicandam Pomeraniam animum adiecit, nisi forte fames in causa fuit, quæ anno millesimo trecentesimo decimo quinto, ac deinde vno anno interiecto, iterum duobus annis tā acerbe Poloniam omnem afflixit, ut nullo quāuis fœdo edulij genere, ac ne cada-

*Cracouienses
defecerunt
ad Boleslaum
Ducem Opoliensem.*

*Cracouia
à Lestico
recuperata.*

*Boleslaus
Opoliensis
mortuus.*

*Fames hor-
renda es-
t pestis in Po-
lonia.*

ueribus

ueribus quidem humanis vulgo abstineretur, ac si Dlugosso credendum est, parentes in liberos, & hi vicissim in illos sæuissent, quam famem dira pestis consecuta est.

*Crucifero-
rum in Ec-
clesiasticis
iniquitas.*

At Cruciferi augeſcente indies cupiditate ſitis, ne ſacris quidem ac Deo dicatis bonis iniuſtas manus abſtinuerunt: ſed vt antea Culmenſem eccleſiam occupant, & à Gneſnenſis Archiepiſcopi iuriſdictione abſtractam, Rigienſi ſubiecerant: ita tunc in Pomerania poſſeſſiones ac prædia Eccleſiarum inuaſere, decimas è ſuis arationibus ſacerdotibus omnino denegarunt: ex agricolarum vero in pecuniarias penſiones commutarunt, atque ita dimi-
nuerunt, vt ex manſo ſiue iugero quaterni tantum groſſi penderentur. Quibus rebus factum eſt, vt dereliſtui haberentur, ac deinde maligne à Cruciferis ſupprimerentur multa ſacerdotia. Inique hæc tulere Archiepiſcopus Gneſnenſis, & Vladislauienſis ac Poſnaniienſis Epicoſci, qui decimas è Pomerania capiebant, itemque Ioannes Plocenſis, cui etiam ex territorio Michalouienſi decima negabatur. Et cum hoc quidem Magiſter Carolus tranſ-
egit ea lege, vt ſeptem annis immune eſſet id territorium à penſione decimæ, poſt eos vero nonaginta marcas Torunenſes Epicoſci decimæ nomine quotannis acciperet. Cæteri vero cum tenaciores eſſent iuris ſui, Magiſtrum, Commendatores, & cæteros Cruciferos publice in templis execra-
bantur, & locis quibuſdam ſacris interdixere. Verum contemnebant eam diſciplinam Cruciferi, prætextu prouocationis ad Pontificem ſummum. Quare adducti Epicoſci, communicato cum Vladislao conſilio, Vladislauienſem Epicoſci, in cuius diœceſi eſt pleraque omnis Pomerania, ad Ioan-
nem eius nominis viceſimum ſecundum Pontificem miſerunt, vt non modo de eccleſiaſticis bonis ac decimis, ſed etiam de erepta per ſummam iniuriam Pomerania, Regis & vniuerſæ Poloniæ nomine contra Cruciferos actionem inſtitueret: ſimul autem vt Vladislao diadema & nomē regium impetraret, exiſtimabant enim, inauſpicato id ſibi Præmiſlum iniuſſu Pontificis aſſumpſiſſe, quod non ignorarent, interdictum eſſe ea re nomini Polono poſt eandem D. Stanislai.

*Cruciferi
excommu-
nicati.*

*Polonorum
ad Pp. la-
gatio.*

*Corona à
Pp. petita
Poloniis.*

Non latuit conſilium Polonorum Cruciferos, &, ne id procederet, omni ope euitandum ſibi eſſe exiſtimarunt. Itaque miſerunt & ipſi ad Pontificem, qui Polonorum conatibus obſiſterent, litemque, quantum poſſent, duceret. Regnabat tunc apud Bohemos Ioannes Henrici Imperatoris filius, qui etiam Polonorum Regis nomen quaſi hæreditarium ſibi vendicabat. Eam igitur etiā promiſſis & munerib⁹ inducere Cruciferi, vt Vladislao negotium faceſſeret: &, ne regnum ei decerneretur, ſumma ope apud Pontificem intercederet. Ad quas res perſiciendas, cum opus haberent grandi pecunia Cruciferi, tributum toti Pomeraniæ imperarunt, binos groſſos in marcas, vnde triginta millia marcarum redacta eſſe dicuntur: adhæc eiectas naufragio merces in mari lege Rhodia uſurpare cœperunt. Quibus rebus factum eſt, vt toto ferme quadriennio, nihil aliud impetraret Gerardus à Pontifice, quam vt cognitio cauſæ inter Polonos & Cruciferos, Archiepiſcopo Gneſnenſi, Poſnaniienſi Epicoſci & Abbati Mogilnenſi delegaretur. Quod vero ad regnum attinet, vt non impediret Pontifex, quo minus Poloni iure ſuo vterentur (nam aperte Vladislao regnum decernere noluit, ne Ioannem Bohemorum, & ſocerum eius Philippum Francorum Reges offenderet: ſecreto tamen voluntatis ſuæ ſignificationem Gerardo dedit, eamque Gerardus lite-

*Cruciferi
tributum
Pomeraniæ
imperant.*

*Iudices de-
legati à Pp.
inter Polo-
nos &
Cruciferos.*

litteris suis Regi descripsit: ipse vero Auinione, vbi tunc degebat Pontifex, mansit, suam cum Cruciferis litem persequens. Cum igitur sententiam Pontificis, non tam rescripto ipsius, quam litteris Gerardi perspectam haberet Vladislaus, atque proceres Poloni, comitiis Cracouiam indictis ad vice simam diem Ianuarij mensis, Vladislaus cum coniuge Heduigi in Basilica Cracouienſi tunc primum inſtaurata & consummata, ab Archiepiscopo & cæteris Episcopis ritu ſolemni coronatur anno Chriſti milleſimo trecentefimo vigefimo. Atque ex eo tempore ius coronandi Reges, atque ipſa regni inſignia Gneſna Cracouiam propter amplitudinem, ſplendoremque vrbiſ, & plurimas commoditates tranſlata ſunt. Næc multo poſt Vladislaus Eliſabetham filiam Carolo Vng. rorū Regi bis viduo in matrimonium collocauit, & Budam ad ſponſum cum ſplendido comitatu miſit. Intendit deinde animum ad purgandam Poloniam furtis & latrociniiſ, & ad perſequendam litem contra Cruciferos: verum detrectarunt iij iudicij delegatorum, apud Breſtam Cuiavianſem ius dicentium. Sed tamen reſutata appellatione, cum cauſam ſuam Vladislaus plurimorum fide dignorum ſacri pariter & profani ordinis hominum teſtimoniis luculente probaſſet, damnati ſunt: & Pomeraniam Regi reddere, ac centum quinquaginta millia marcarum pecuniæ pro perceptis fructibus, aliaque triginta millia in litem expenſa numerare iuſſi. Cum autem non parerent rei iudicata, anathemate iſti ſunt, ita vt nuſquam iis præſentibus ſacra fieri liceret. Per id autē tempus Lithuani impune Dobrinum ruſus, & Maſoniam depopulati ſunt.

*Vladislaus
Loſicua cū
uxore coro-
natur.*

*Eliſabetha
filia Vla-
diſlai nu-
pſit Carolo
Regi Vng.*

*Cruciferi
à delegatis
Pontificis
damnantur
& excom-
munican-
tur.*

Dum hæc ita geruntur in Polonia & Pomerania, Sileſia civilibus atque adeo parricidalibus Ducum ſuorum bellis exagitata & labefactata eſt: & ad extremum libertate partim vendita, partim per vim aut fraudem amiſſa, Bohemorum iugum accepit, magno Reipublicæ detrimento, nec minori ſuo malo ac dedecore. Autor eorum malorum Boleslaus natu maximus filius Henrici quinti Ducis Vratiſlauenſium & Lignicenſium fuit: cuius auaritia, maximam dedit Ioanni Boemorum Regi vel dolo interuertendæ, vel per vim ſubigendæ Sileſiæ occaſionem. Cum enim iam adoleuiſſet Boleslaus, & amoto à tutela Boleslao patruo Duce Suidnicenſium, per ſe ipſe paternum dominiū adminiſtraret, dilapidare paterna bona cœpit. Quare offenſi cæteri fratres, cum & ipſi iam adoleſcerent, maturius patrimoniij partitionem eſſagitarunt. Tres partes pro numero fratrum factæ, Vratiſlauenſis, Lignicenſis, & Bregenſis. Quæ cum inæquales eſſent, placuit, vt cui Bregenſis, quæ minima erat, fors obtigiffet, ei cæteri certam pecuniam annumerarent. Lignicēſis quidem triginta duo millia marcarum, Vratiſlauenſis vero octo & quadraginta. Non tentata ſortitione, Bregenſem ultro Boleslaus accepit, illeſtus pecunia, qua in ſumptus quotidianos indigebat. Reliquis vero duobus ſortitis, Hérico quidem Vratiſlauenſis, Vladislao vero, qui iam hypodiaconus erat, Lignicenſis obuēnit. Qui cum præſenti pecunia, quam fratri Boleslao ex pacto debebant, carerēt, Henricus quidem à ſuis hominibus mutuam accepit & exoluit. Vladislaus vero Boleslao Legnicenſe territorium cum oppido hypothecæ nomine tradidit. Quam ob rem cum tenui fortuna eſſet, malo vſus conſilio, vexare & ſuam, & Boleslai ditionem latrociniiſ & populationibus inſtituit, vt Boleslaum ad remittendam ſibi pecuniam, reddendamque Ligniciam adigeret. At ille abundans viribus, cum fratris conatus improboſ aliquoties reſpreſſiſſet, ad extremum eum cepit, & in vincula cōiecit.

*Sileſiorum
Ducum
bella inco-
ſſina.*

*Sileſia in-
teruerſa à
Bohemis
cauſa.*

*Diuiſio do-
minat^o in-
ter fratres.*

*Vladislaus
latrocinia-
tur.*

Deinde proceribus interuenientibus cum eo pacificatus est ea conditione: vt quingentas ei marcas quotannis ex omni ditione Lignicensi penderet. Quibus pactis, quamuis iureiurando firmatis, non diu stetit Vladislaus: verum infestare rursus latrocinii cœpit Boleslai ditionem ex Hornisperga arce cuiusdam Nobilis. Dumque incautius prædas agit in Bregensi ditione, à

*Vladislaus
à fratre
Boleslao in
carcerem
coniectus.*

rusticis captus cum viginti sociis, & ad Boleslaum ductus, iterum ab eo in carcerem coniectus est. Vbi cum annum vnum asseruaretur, in furorem actus est: dimissusque postea misericordia fratris, egens, vagusque, nec satis compos mentis vixit: & in Masouiam profectus, Boleslai eius oræ Ducis filiam vxorem duxit. Conrado deinde Olsnicensium Duci bellum fecit Boleslaus Bregensis, quod in eius ditione ferme erant oppida ea, quæ auus ipsius Conradus Dux Glogouiensium ab Henrico patre suo iniquis pactis extorserat: cumque regionem omnem Olesnicensem peruastasset, eo adegit Cōradum, vt is facto fœdere Namislouiam, Berolthouiam, Cruceburgū, Bycinam, & Cuncestadiam oppida sibi traderet: vicissim autē ipse ei Boleslaus, misertus egestatis eius, Volauiam & Lubensum donauit. Neq; tamē hæ tantæ accessiones inopiam Boleslai releuarunt: sed cū omnia tanquam in barathrū quoddam, aut in pertusum dolium caderent, homo sumptuosus ac prodigus in ges

*Boleslaus
prodigus.*

alienum cōtraxit, vt Nimcense territorium Bernardo Suidnicensium Duci, Hainouiam vero & Goldbergam Vratislauenſibus oppignoraret. Aliud deinde cepit parandarum opum consilium. Nam ab Henrico fratre, q̄ is nullos masculos haberet liberos, contendit, vt sibi Vratislauenſem dominatū concederet, Lignicensem vero à se acciperet. Quod cum negatum esset, facile æger sua spōte animus eius à Ioanne Bohemorum Rege in deteriorem partem impulsus est. Parebant iam Opoliensium, Ratiboriensium, Tēssinensium, & Bythoniensium Duces Bohemis, à Venceslao Rege blanditiis & muneribus allecti. Emerat & Cloſcum Ioannes Rex à Boleslao Mōsterbergensium Duce: vnde cū proximas Silesiæ oras latrocinii infestaret, eo rem perduxit, vt Francoſteinum quoque à Nicolao filio Boleslai paruo emeret. Ad Glogouiam deinde cum animū adiecisset, fauentibus ciuibus magna iam ex parte Germanis, neque Præmislum eorum Ducem vel blanditiis, vel precio ad se pellici, ac ne vi quidem perPELLI posse animaduertaret, veneno cū sustulerat.

*Præmislus
Glogouienſis
veneno
sublatus.*

*Glogouiam
Bohemus
sui iurus fa-
cit.*

Cumque ipsi Henricus & Ioannes fratres pariter successissent, & Conrado tertio fratri Stinauiam concessissent, paruo negotio Rex à Ioanne, qui conscius fortassis necis fraternæ fuit, dimidium Glogouię pecunia numerata acceperat, & mox corrupto Henrici præfecto, reliquum etiam in suam redege- rat potestatem. Tamenſi recepit aliquāto post paternam portionē Henricus, Henrici huius filius à Carolo Bohemorum Rege, nam ipse Henricus senior non diu calamitati superſtes fuit. Hæc ergo cum haberet iam in Sil ſia Ioannes Rex, totiusq; regionis sibi adiungendæ magna cupiditate flagraret, Boleslaiq; Bregensis ac Lignicensis auaritiā & egestatem ſuis fraudibus maxime opportunam esse iudicaret, magnis donis ac pollicitationibus cum ad in-

*Bellum in-
ter fratres.*

ferendum Henrico Vratislauenſium Duci bellum perpulit. Quare clandestinis primū incursionibus Boleslaus Vratislauenſem oram latrocinantium in morē vexauit, deinde apertis viribus infestare adortus est. Agebat hoc quidē Rex Ioannes, vt fratrum diffidiis res ſuas in Silesia ſtabiliret, commiſſosq; inter ſe vt facilius opprimeret: aut vero alteri ferēdo opem, & illū ſibi obnoxium faceret, & alterū ſubiugaret: ſed cum prima hæc ſpes ſeſellit. Henricus enim

enim, cum fratris iniurias & populationes partim ferendo, partim arcendo
 cohibere tñ satis non posset, ad Vladislai Regis Polonorū auxilium confugit,
 eiufq; fidei se ac dominatū suum oēm tradidit. Ac facile sane Vladislaus Bo-
 leslai conatus fregit, metuq; proprij periculi eū compescuit. Quo facto, vir
 bonus Henricum sua sibi habere iussit, vt sorores nobiles elocaret.

*Henricus
 Vratisla-
 uienfis ad
 Vladislai
 Regis Po-
 lon. auxili-
 um confu-
 git.*

Id vbi cognouit Ioannes Rex, qui iam de Vratislauiā propemodum de-
 sperarat, noua spe erectus, dolis sibi agendum esse duxit. Henricum per spe-
 ciem arduorum & arcanorum negotiorum ad se accitum, & perquam hono-
 rifice acceptum, blanditijs, liberalitate, precio, ingentibus promissis, & odio
 denique inimici fratris tandem induxit, vt sibi Vratislauiensi dominatu ce-
 deret: Closcumque, quoad viueret, vtendum fruendum à se acciperet, adiu-
 toribus ad eam rem Henrico persuadendam vsus proceribus & ciuibus Vra-
 tislaiensibus, quorum consilijs Henricus utebatur, pecunia corruptis. Ita
 Vratislauiā potius Ioannes, non multo post Hainouienſe & Goltbergenſe
 territoria, quæ Vratislauienses hypothecæ nomine à Boleslao Duce posside-
 bāt, per iniuriā eis ademit, condignamq; nauatā sibi ab ipsis in adipiscendo
 dominatu operæ gratiam retulit. Expostulauit cum eo de prærepta Vratisla-
 uia Boleslaus, fœdusque & iusiurandum, quod sibi mutuo dederant, ne quid
 alter contra alterum moliretur vnquam, in memoriā reuocauit: cōmemo-
 rauit etiam sua merita ac beneficia, quod eum difficillimo eius tēpore eiectū
 à Bohemis omni ope adiuuisset. Sed tātum profecit, vt Ioannes propinquo-
 rē se sibi, quam illi esse responderet, atq; ad eius quoq; ditiones per fas & ne-
 fas in potestatem suam redigendas animum adiiceret. Ad quam rem non de-
 fuit ei, quasi diuina quadam virgula oblata occasio. Vladislaus enim tertius
 Boleslai frater, qui exclusus dominatu Lignicēsi in Masouia vxorem duxe-
 rat, dissipata dote, reuertens in Silesiam, Ligniciā Ioanni vendere se velle o-
 stendit, literasq; Lignicēsiū exhibuit, quibus se illi ad Vladislauū iure per-
 tinere, & in potestate Regis Bohemiæ libenter fore significabant. Deliberādi
 spaciū Ioannes cepit, interim Boleslauū ad se accersit, & quæ secum Vla-
 dislaus egerit, ipsi exponit, & literas Lignicēsiū commonſtrat. Addit de-
 inde: si Ligniciā ipse retinere velit, in sua & Bohemorum fide semper se fo-
 re profiteatur: ni faciat, & Legniciā, & cætera omnia amissurum. Quo metu
 perculsus ille, imperata fecit, eo redactus inopiā, vt filios quoque ad extremū
 Vratislauiensibus mercatoribus oppignoraret. Sed cum vxorem, quæ Regis
 Bohemiæ soror fuit, amississet, & alteram bene dotatā Cracouia duxisset, re-
 leuatus aliquantulum, ipse quidem Bregam secessit: filiis vero Venceslao &
 Ludouico Lignicēsem dominatū, ingenti ære alieno grauatum concessit.
 Verū post Lignicēsis conuētus collata in commune pecunia omne id exol-
 uit. Posthæc reliqui quoq; Duces Silesiorū, nempe Glogouiēsis, Saganen-
 sis, Olſnicensis, Stinauiēsis, & Falckenbergēsis vltro in ditionem Bohemo-
 rum concessere, & partim timore potentiæ Ioannis, partim inuidia Vladislai
 Loſtici Regis Poloniæ libertatem suā Bohemis prodidere. Solus Bernar-
 dus Suidnicēsis Dux, gener Vladislai Regis, & post eum filius eius vnicus
 Boleslaus in fide ac societate Polonorum permansere.

*Ioannes
 Rex Boh.
 dolo Vra-
 tislauia
 potitur.*

*Ligniciam
 in clientelā
 Bohemorū
 venit.*

*Silesij Du-
 ces reliqui
 Bohemo se
 permittūt.*

*Bernhar-
 dus Dux
 Suidnicēsis
 in fide Po-
 lonorum
 permansit.*

Ceterum Vladislaus Rex tot tantisq; difficultatibus semel implicitus erat,
 vt singulis explicandis vix par esse posset. Nam sollicitum eum faciebat erepta à
 Cruciferis Pomerania, & auulsa à Bohemis Silesia, postremo crebræ Lithua-
 norū in Poloniā excursiones intendere eum animū ad externa illa bella nō

*Dobrino
Rex Vla-
dislaus po-
nitur.*

*Bohemoru
cum Cruci-
feris socie-
tas.*

*Lithuani
Poloniam
vexant.*

*Gediminus
maior Dux
Lithuania
scilicet cum
Polonia.*

*Casimirus
Regis filius
uxorem
ducit fili-
am Gedi-
mini.*

*Poloni Ma-
souiā po-
pulantur.*

singbant. Itaque incertus consilij deliberat, quid faceret, & quo se primum verteret. Videbat, Cruciferos non modo non acquiescere in Pomerania, sed Dobnensi quoque tractui inhiare, quem reductum pene in solitudinem à Lithuanis, ipse nuper à Vladislao Duce Ziemouiti fratris filio acceperat, concessa ei, quoad viueret, Lencicia. Animaduvertebat ita coniunctos esse cū Cruciferis Bohemos, vt ab eorum societate auelli non possent, præsertim cū Silesia in ditionem suam reducta nuper inescati, in spem totius Poloniæ occupandæ per eos venirent. Vterq; per se satis validus & potens hostis erat, nec tamen alter lacessi poterat, quin cum vtroque dimicatio futura esset. Iam Brandeburgenses quoque lingua & fœdere cum Cruciferis coniuncti, non defuturi ipsis esse videbantur: & alioqui imminabant ipsi quoque Poloniæ per omnem occasionem, & qua vi. qua fraude fines eius carpebant. Intento autem in hæc bella Regi, vel prodēda erat Polonia Lithuanorum populatio- nibus, vel certe relinquendo ad excursions eorum arcendas praesidio militū distindendæ, minuendæque vires, quæ ne integre quidem aduersus illos ho- stes admodum sufficebant: assiduis enim excursionibus iam has, iam illas or- ras Poloniæ Lithuani vexabant. Ac per illud ipsum tempus etiam Pultoscum Episcopi Plocensis oppidum, ac centum triginta pagos in Masouia diripue- rant & incenderant. Neque vero facile ij domari poterant, cum neque foris dimicandi copiam facerent, sed rapta præda fugeiēt: & domi fluminum ob- iectu, sylvarumque & paludum latebris, ac denique incolarum solitudinem vastitate tuti essent: ita vt si quis bellum eis inferret, ei non magis cum hoste fugaci & insidioso, quam cum viarum difficultatibus, cum intemperie cœli, & cum fame conflictandum esset. Itaque quod erat reliquum, placuit tenta- re, si forte ij mitigari vlla ratione, & in societatem pertrahi possent. Ad quam rem perficiendam nonnullam ei spem faciebat, quod communes sibi cum il- lis hostes Cruciferos esse nouerat: assidua namque bella Cruciferi cum Li- thuanis varia fortuna gerebant. Quam sententiam cum frequens senatus comprobasset, mittuntur ad Gediminum Principem gentis siue magnum Ducem legati, qui fœdus cum eo feriant, & filiam eius Casimiro Regis filio uxorem petant, nec dotem aliam ab egeno principe, quam captiuorum o- mniū Polonici generis missionem postulent. Non grauate G. diminus le- gatorum postulatus annuit: initaque cum Polonis societate, sine longa pro- crastinatione sponfam cum eis misit: quæ ingentibus omnis conditionis, se- xusque, & ætatis captiuorum cateruis comitata, aduecta Cracouiam, reli- gionemq; Christianam à Nanckero Episcopo edocta, sacroque lauacro ini- tiata, Annæ nomen accepit, & ritu solenni Casimiro decimum sextum an- num agenti nupsit Anno Christi millesimo trecentesimo vigesimo quinto. Atque ex eo tempore pleraque omnis Polonia, magna ex parte vastata & in- culta superioribus bellis & populationibus barbarorum, populosior & cul- tior esse cœpit, dimissis ac deductis quoque uersus agricolis, qui ex captiui- tate redierant.

Pace & societate cum Lithuanis constituta, maiore iam fiducia studioque in Crucificum bellum Vladislau Rex cœpit incumbere, primumque Ma- souios & Brandeburgenses, qui vtrique fœderati erant Cruciferis, ab eorum societate auellere, ac proprii periculi intuitu, ne illis auxilia mitterent, deter- ere instituit. Quocirca misso in Masouiam exercitu è Cracouiensi ac Sen- domiriensi equitatu comparato, ferro & igni eam longe lateque vastauit, & oppi-

oppidum Plocense incendit. Sequēi deinde anno maioribus copiis coactis, *Expedi-
tio Vladislai
Regis cum
Lithuanis
in Marchi-
am Bran-
deburg.* per se ipse in Marchiam Brandeburgensem expeditionem fecit, magna Lithuanorum & Russorum auxilia secum habens: & ad Francofordiam vsque cum infesto exercitu progressus, cum nemo contra prodiret, munitionum quidem oppugnationibus abstinuit, populationes vero in omnes partes exerceri iussit: incensisque plurimis pagis ac vicis. magnum captiuorum numerum & ceteram prædam ingentem abegit. Crudelius in bello se gessere barbari, & magnam hostium cadem fecerunt, matronas ac virgines contumeliose constuprarunt, delubra atque templa passim profanarunt, diripuerunt, & incenderunt. Memoratur autem ea in expeditione præclarum Monachæ cuiusdam facinus, quæ capta à Lithuano quopiam, cum ad stuprum traheretur, rogauit eum, ne sibi vim faceret: mercedis autem loco promissit, se eum edocuram esse, qui corpus eius vulnerari nullo vnquam ferro posset. Quod cum discere ille perciperet, iugulum ei puella præbuit, vt in se eius rei periculum faceret. Credulus ille stricto gladio caput eius amputauit. Sic illa barbari libidinem clauit, stuprumque honesta morte euasit. Dimissi Lithuani, per Masouiam prædabundi domum reuertere. Sequenti item anno Lithuani in Marchiam excursionem fecere, & cum cadibus atque incendiis in obuia quasque defauissent, prædam raptim abegere. Cruciferi vero cū Venceslao Masouiorum Duce facti impetu in Cuiauiam, Couale arcem ceperunt & incenderunt.

Non putauit sibi diutius differendum esse bellum in Cruciferos Vladislaus, qui ne Pontificis quidem auctoritate, vt Pomeraniam sibi redderent, commouebantur: quin etiam veteres iniurias nouis cumulabant. Itaq; in sequentem annum millesimum trecentesium vigesimum octauum expeditionem toti Poloniæ in Cruciferos indicit. A Carolo Rege Vngarorum genero suo non contemnenda auxilia impetrat, & à Lithuanis item ac Russis finitimis. Cum quibus omnibus copiis hostium fines ingressus, Culmensem tractum omnem vsque ad Ossam fluium cadibus & populationibus peruestauit: nec tamen dicere hostes in aciem è munitionibus, in quas sese abdiderant, potuit. Munitionum vero oppugnatione prorsus abstinuit, quod & bene munitæ erant, & iudes tunc adhuc & imperiti oppugnationum Poloni erant. Dimisit deinde auxiliares: suis vero præcepit, vt Masouiam infestarent. Quod cum factum esset, non multo post excurrerunt vicissim Cruciferi cum Masouiis in Cuiauiam: quo cum propere Poloni accurrissent, collatis signis funduntur hostes, & Masouij quidem cum Duce suo Venceslao diffugerunt: Cruciferi vero fortiter dimicantes ad internecionem vna cum Commendatore Torunienfi cæsi sunt.

Insequenti anno millesimo trecentesimo vigesimo nono Ioannes Rex Bohemorum à Cruciferis in auxilium vocatus cum grandi exercitu vere inueniente in Prussiam aduenit, & cum Cruciferis se coniunxit. Arx inde Dobrinensis diu & acriter oppugnata, deditionem tandem fecit dedente præfecto Paulo Spicimirio Palatino Lenciciensi. eicistiq; Polonis Cruciferorum præsidio concedente Bohemo munita est. Motis deinde ex Dobrino castris, uas missioque Vistula flumine, Vladislauiam adorti, primo impetu ceperunt, & exusserunt. Cechocinense quoque territorium, quod in ditione Episcopi erat, abstulere. Erat autem tunc Episcopus Vladislauiensis Matthias Golanczeuius gente Toporus, qui Gerardo Auinione mortuo à Pontifice Maximo

*Cruciferi
& Masouij
à Polonis
v. lli.*

*Ioan. Rex
Bohem. in
Prussiam
cum exer-
citu venit.*

*Masouia
Plocensis in
ditionē Bo-
hem. Regis
venit.*

*Pomerania
Crucigeris
à Rege Bo-
hem. dona-
ta.*

suffectus fuit: de cuius prodigioso ortu illud memoratur, matrem eius duodecim filios vno partu edidisse: verū ex ijs vnum illum vixisse, reliquis mox, vt nati erant, mortuis. Masouiam deinde Crucigeri cū Bohemis ingressi, crudeliter eam depopulantes, eo adegere Ducem gentis, Venceslaum forte, vt se Ioanni quasi iusto Polonorum Regi subiiceret. Dum autē iusti videri, quam esse malunt Cruciferi, ne iniuste ac per vim Pomeraniam vsurpassē dicerentur, perfecerunt precibus ac precio apud Ioannem Regē, vt sibi Pomeraniam iure sempiterno donaret. Dobrinum quoq; idem ipse Ioannes quatuor milibus & octingentis sexagenis Pragensibus eisdē Cruciferis se vendidisse cōsignatis literis testatur, ea quidem lege, vt eos priuilegio pōtificio à pensione decimarū ex eo territorio liberet: nec aliter pacem faciat cū Vladislao, quam si is, & Ziemouiti fratris eius filius omni iure terræ Dobrinēsis sese abdicarit. His peractis ingruente hyeme reduxit Ioannes exercitum, & stulta vanitate de subactis, & ad religionem adactis barbaris triumphauit.

*Crucifero-
rum cum
Bohemis
altera in
Poloniam
expeditio.*

*Vladislaus
Rex cum
exercitu in
Prussiam
ingressus.*

Æstate vero sequenti millesimi trecentesimi trigesimali anni maturefcentibus segetibus cōuenit rursus magnus Germanorum & Bohemorum militū mercenariorum numerus ad Cruciferos: cum quibus copiis illi facto impetu in oras finitimas Poloniæ, Vissegradum Cuiauienſe, & Naclum arces vi, sed non sine magna strage suorum cepere & exussere. Nam Radeouia cremata erat, ne capta receptaculum esset hostibus ad excursions. Apud Raczanum Episcopi Vladislauensis arcem diutius morati sunt, & multos fortes viros in oppugnatione arcis eius amiserunt, quod à multis nauiter ea defendebatur. Ad extremum tamē ea quoque potiti sunt, adempto puteo, qui solus aquam suppeditauerat: magnamque ibi in omne genus hominum crudelitatem exercuere. Tandem vbi aduentare Vladislaum Regem cum magnis copiis, & Vngarorum, Austriorum, ac Lithuanorum, auxiliis Cruciferi accepere, omiſſa oppugnatione alienorum, ad sua defendenda redierunt. Posteaquam autem hostium fines Vladislaus attigit, exerceri longe lateque populationes in tractu Culmenſi iussit, nec vllum crudelitatis genus ab iratis omiſſum est. In transmittendo Dreuancia flumine aliquantum difficultatis fuit, nam vada eius fluminis ripasque Cruciferi caudicibus ac sudibus per longum spacium impediēbant: ipsique in vltiore ripa castra metati, transire Polonos prohibebant. Rex facta ibi aliquot dierum mora, inuentoque vado liberiore ad moletrinam Lubiciam, cum animaduertēret, quo se cunque ipse verteret, hostem sibi occurrere, delectas aliquot turmas occulte prope id vadum reliquit: ipse cum cætero omni exercitu aduerso ab eo loco itinere, versus Brodniciam ire pergit: Consequuntur hostes, nihil de fraude suspicati. Ibi Poloni è latebris prorumpentes, vadum præsidio vacuum superant, fumo-que signum dant suis. Quo viso, Rex citato agmine retro, vnde profectus erat, reuertitur, & fluuium traiecit. Grauioribus utebantur equis hostes, itaque non potuere tempori ad vadum Polonis occurrere, aduentantiumq; vim ij, qui primi de Polonis transmiserant, fortiter sustinere, donec omnis exercitus traiecit, & ad ordines rediit. Cruciferi inopinata re perculsi, cessere Polonis pugnandi copiam facientibus, dilapsique in munitiones sese recepere. Ibi vero Poloni effusa agros pagosque hostiles vastarunt, villas, vicos, & suburbana munitionum oppidorum exusserunt. Deinde præmissa in Poloniam præda omni, Dobrinensem oram ingressi sunt, & arce Dobrinensi tentata, cum eam egregie tutantibus Cruciferis capere non

non possent, re infecta redeuntes, quicquid erat reliquum in Culmensi tractu usque ad Ossam amnem, ferro & igni absumpsere: Prussia ultra Ossam, quæ iam Cruciferis parebat, reliqua erat: quam cum Poloni intactam dimissuri non esse viderentur, tunc demum Magister cum primoribus Cruciferorum, qui Grudenti erant, de pace vel induciis cum Vladislao Rege agere cœperunt. Induciæ in annum factæ, ea conditione, ut Dobrinensem arcem atque tractum, & Bydgosciam Cruciferi Regi Vladislao mox redderent. De Pomerania vero Carolus Vngarorum & Ioannes Bohemorum Reges arbitri delecti.

Inducia inter Polonos & Cruciferos.

Rebus ita cum Cruciferis constitutis, reduxit Vladislaus exercitum, auxiliaque dimisit. Liberati præsentī metu Cruciferi, minus iam pacem cupere, nec Bohemum ad arbitrandum de Pomerania, sicut conuenerant, adducere. cum Carolus Vngarus rogatu Vladislai præsto esset. Paruo deinde momento, ut sit, ad renouandum in sequentem annum millesimum trecentesium trigessimum primum bellum impulsī sunt. Comitā Vladislaus Rex æstatis initio apud Chencinum habuit: in his cum alia nonnulla de republica salubriter de amplissimi consilij sententia constituit, tum quod graue sibi & periculosum bellum cum Cruciferis impendere non ignorabat, ætatemque suam ingrauescentem, & vires magnis laboribus & aduersis rebus attritas & afflctas considerabat, Casimirum filium vnum & viginti annos natum maiori Poloniæ toti præfecit, ut fama nominis eius non tam facile se Bohemi & Saxones commouerent: adhæc ut in tuto is esset, si quid sibi aduersi in bello Prussico accideret. Grauitur tulit Vincentius Szamotulius Palatinus Posnaniensis, præfecturam illam sibi ademptam esse, ignominia loco id ducens. Itaque ira & metu pessimis consultoribus vulsus, clam ad Magistrum Mariæburgum profectus est, expositis aduentus sui causis, molienti sua sponte bellum aduersus Polonos facile persuasit, ut in maiorem Poloniam expeditas copias mitteret, quod ibi non modo magna præda potiri, sed & munitiones plerasque & Casimirum Regis filium sua suorumque opera facile in potestatem possent redigere. Præfecti copiarum Crucificarum de sententia Szamotelij omnia facere iussi sunt: qui traiecta apud Toruniam Vistula, parum abfuit, quin Brestam & Inouladislauiam ex improviso caperent, ni citato cursu, armorumque & vexillorum forma proditi ab ipsis usque portis concursu Polonorum cum ignominia ducentis amissis repulsi essent. Nec eis tunc vacabat oppugnationi oppidorum insistere, ad aliud longe maius facinus profectis: cuius peragendi spem omnem in celeritate, Polonorumque securitate ponebant. Itaque magnis & occultis itineribus in maiorem Poloniam perueniunt, & capta primo impetu exustaque Slupcia, Posnaniensis Episcopi oppido, continuato itinere Pyldros cōtendunt, in quo oppido Casimirū esse didicerāt, magnoque impetu adorti oppidū non munitum, facile eo potiuntur. Sed euentus eorū spei non respōdit: paulo enim ante Casimirus de aduētū hostium factus certior cū paucis comitibus oppido se eiecerat, & in proximā syluam receperat. Quāobrem irati Crucigeri ac dolore amissæ prædæ, cuius causa maxime venerāt, incensi, omni crudelitate in oppidanos desauierūt, direptumque oppidū cū templis & sacris iuxta ac pfanis rebus omnib⁹ exusserūt. Deinde viciniam omnem cis & trans Vartam ferro & igni depopulati sunt, atque inde cū magna præda retro abiere. Probauit ea expeditione Szamotulius fidē suam Cruciferis.

Comitia Chencini.

Casimirus Regis filius Præfectus maiori Polonia.

Vinc. Szamotulius ad Cruciferos transiit.

Expedicio Cruciferorum in maiorem Poloniam.

Casimiri fuga.

ris. Itaque & tunc honorifice pro nauata opera muneratus est, & maioribus promissis oneratus, in maiore precio deinceps apud eos esse cœpit, sic vt eius arbitrio multa in eo bello gererentur.

*Cruciferi
rursus Po-
loniam ve-
xant, &
oppida
quadam
diripiunt.*

Cum autem maior militum numerus ex inferiore etiam Germania, & à Liuania ad eos confluxisset, rursus eadem æstate vexare Poloniam, qua parte intacta adhuc eorum populationibus erat, statuunt: eo scilicet adacturi Polonos cladibus domesticis, vt sibi ius omne in Pomerania, atq; aliquid etiam præterea lubentes concederent, pacemq; redimerent. Profecti igitur cōposito & pacato agmine per Cuiauiam, quod eam reuertentes suæ ditionis facere destinabant, in Lenciciensem tractum insultum faciunt, arcem vi capiunt & incendunt, pagos & oppida crudeliter vastant. Deinde in Calissiensem oram iter faciunt: qua omni peruasata, oppido tamen potiti non sunt, non sine cæde inde reiecti. Vbi cum quinque dies commorati, Ioannem Bohemorum Regē frustra expectassent, progressi longius populando, Gnesnā, Znenam, Naclum, Srodam, Podebiscos, Clecicum, Colstrinum oppida diripuerunt, ac circumcirca pagos exusserunt, ne templis quidem ac monasteriis, sacrisque rebus manus abstinentes. Reliquias tamen diui Adalberti cupide quæsitæ, sed occultatas à ministris templi, non inuenere. In Siradiensem tractum deinde impetum fecerunt, & pari celeritate vniuersam percurrentes, ferro & igni cuncta vastarunt. Quo incendio Siradia, Vncouia, Varttha, Stauus, S. hadecum oppida pleraque cum arcibus conflagrarunt. Siradiensi tractu vastato, rursus ad Calissiam expugnandam reuerrere, sed amissis nonnullis militibus, post paucos dies re infecta discessere, st enim permunitum id oppidum, non tam arte quidem, quam situ & natura loci, nempe à Prosna flumine latius, vt in magna planicie, restagnante ambitum. Hinc Coninense oppidum & territorium vastarunt.

Porro Vladislaus Rex non longe cum suis copiis aberat, sed nusquam certo loco pedem figebat, nec audebat prælio rem committere: non ignarus, quantum esset robur Germanicarum phalangum & cataphractorum equitum. Discruciabatur autem summo opere, videns patriam charissimam tam immaniter vastari, flagrantem circumquaque pagos & oppida, & innumeraibilem pene hominum omnis generis & ordinis multitudinē partim cæsam, partim captam. Augebat dolorem eius, quod neque opem vllam rebus suis tā calamitosi afferre, neque hostem vlisci proclue sibi esse arbitrabatur. Cum igitur animum in omnes partes versasset, neque opem vllam rebus suis tam calamitosi afferre potuisset: vna tandem via rei expediendæ ipsi se ostendit, nimirum, vt Szamotulium sibi recōciliaret, eiusque prodicione, vel circumueniret hostes, vel consilia eorum perturbaret: intelligebat enim, quantum in eo momenti Cruciferi ponerent. Itaq; secreto per internuncios cum hortatur, vt afflictæ ac pene perditæ patriæ misereatur, impunitatē admissi pollicens. Nec male ipsi hoc consilium cecidit. Subiit enim animum Szamotulij patrati sceleris poenitentia, cum reputaret secum diligentius, quantam infamie sempiternam notam nomini suo familiæque iniustam ad posterum esset transmissurus. Itaque prodicionis maculam obliterare, & recenti beneficio priorem iniuriam obscurare statuit: constitutoque tempore, nocte quadam per speciem exploratoris è castris Cruciferorum egressus, ad Regem venit, veniam supplex petiit, & impetrauit. Deinde Regem ad conferendas cū hoste manus animat: docet, in tanta multitudine plurimam esse secem hominum

*Szamotulius recon-
ciliatur
Regi.*

num inermium & imbellium. Sibi vero eas partes sumit, ut hostem ab omni suspitione prælii auersum fallat ac deinde intentum in pugnam, à tergo cum suis adortus noua re perturbet. His ita constitutis, in castra Crucigerorum reuertitur, nihil à Polonis periculi ipsis esse renunciat: Regem pauidum, & consciuum virium suarum non diutius exercitum tenere statuisse. Quod ubi accepere Cruciferi, sublata spe prælii, cum satis iam debacchari in Polonia essent, & ingentem prædam vix traherent, adhuc imbribus & frigoribus autumnalibus virgerentur, reuerti in Prussiam incipiunt. Et quoniam præda grauibz & impeditis lentius progredi necesse erat, Ottonē Brunsdorsium Commendatorem magnum, & Ruthenum Plauium cum expeditiori parte copiarum ad expugnandam Brestiam ex itinere præmittunt. Iam extremum agmen ad Plosce siue Plouce pagum prope Radeouiam peruenerat, ubi late patens est planicies, ita ut oportunior is locus ad prælium esset Polonis equitatu maxime valentibus quam hosti, cum subito illucescente die ij, qui extremas seruabant excubias, renunciant in castra Polonorum exercitum adesse: Non creditum est narrantis, Szamotulio maxime omnia sibi exploratoria esse affirmante, donec strepitus aduentantium, & hinnitus equorum exaudiri coepit: nam conspectum densa nebula adimebat: & tamen non credebant, Polonos rem vniuersæ dimicationi commissuros: sed tantum abeuntium iter solis ad equitationibus & particularibus certaminibus impedituros. Vbi vero aciem ad dimicandum instructam cum signis adesse sensere, tum demum multuari, & ad arma conclamare primores: perturbari re noua multitudo cætera, cum vix armandi se spacium haberent, qui pridiana crapula & ebrietate grauari & sopiti, classico expergefacti erant, & semisomnes, quidnam rei esset, alius alium percontarentur.

Instructis tandem utcumq; primis ordinibus in aciem prodeunt, catenisque per baltheos primorum & antesignanorum militum immixtis, ordines & phalangem colligant, ne perrumpi & perturbari ab equitibus Polonis possent. Rex, quia nebula caliginosa incerta omnia reddiderat, parumper impetum suorum inhibuit, dum ea resideret, atque interim graui oratione ad pugnam milites incitauit: quæ huiusmodi fuisse fertur. Non vos latet, milites, cum quibus nobis hostibus res sit, nempe, qui beneficiarij sunt maiorum nostrorum, acciti in hæc loca, ut eis auxilio essent contra vicinos Prutenos. Nunc ij ingrati pro summis beneficiis parricidalia arma in nos conuertere. Pomeraniam nobis surripere verius, quam eripere, itemque Cuiuiam pene omnem, reliquæ etiam inhiant. Neque hoc satis illis est. Cernitis iam omnem fere Poloniam crudeliter ab eis vastatam, populatos agros, incensos pagos, euerfa oppida, aratores vestros necatos, parentes, coniuges, liberosq; vestros dulcissimos vel cæcos, vel in scædâ seruitutem abstratos. Quid ego commemorem profanata ac direpta templa ac monasteria? abreptas ab ipsis aris ad stupra incesta monachas? respersa sanguine & innocentium hominû & sacerdotum, qui pro vestra salute & incolumitate huius regni sacra faciebant, venerandi Christi Iesu mysteria? Hæc vos pati potestis milites? tam ferrei estis, ut vos vestrarum coniugum, sororum & filiarum ad stupra trucium Crucigerorum asseruatarum non misereat? tam duri, ut non paruorum liberorum & fratrum vestrorum misera conditione commoueamini, quos Germani milites cauponibus, laniis, coquis, & meretricibus in intima Germania in perpetuam seruitutem addicent? At sacra quidem tam indigne &

*Vladislai
Regis ad
milites ora-
tio.*

» contumeliose attrita ferre non debetis, acrius & promptius pro his sim-
 » per maiores vestri, quam pro liberis & coniugibus, nedum pro facultatibus
 » suis dimicant. Quid vero? creditis hostes malis nostris iam satiatos, aut
 » modum ullum cupiditati & crudelitati suæ posituros esse? Non facient pro-
 » fecto, nisi vos sedibus vestris omnino propulerint, aut sanguinem vestrum
 » prorsus exorbuerint, nomenque extirparint. Sed ne ego virtuti vestræ dis-
 » fidere videar, qui vos tam diligenter in h. stem tam trucem incitare insti-
 » tuerim: quasi vero non per me steterit hæcenus, ne cum eo manus conse-
 » reretis. Fateor equidem, ad hanc usque diem obstitisse me sedulo vobis præ-
 » lium flagitantibus, & vel hostium, vel, si ita fors tulisset, vestro ipsorum san-
 » guine patriæ flagrantis incendia restringere cupientibus. Sed melioribus
 » rebus & minori discrimini vos seruavi milites: neque enim semper apertæ
 » Marte bella gerenda esse existimo: arte doloque utendum, ubi impar sis vi-
 » ribus. Plurimum etiam momenti habet temporum & locorum opportu-
 » nitas. Ita sæpe maximos hostium exercitus a paucioribus nostris fulos pro-
 » fligatosque reperiet, qui veterum reminisci volet. Nunc ita nobis instruita
 » expeditaque sunt omnia, ut diuina iustitia, quæ procul dubio fauebit iustio-
 » ri causæ, & vestra virtute fretus, confidam in manibus nos habere victo-
 » riam, daturosque nobis ilico perfidos & impios hostes condignas scelerum
 » & audaciæ suæ pœnas. Primum enim certum exploratumque habeo, multi-
 » tudine eos nobis præstare, non viribus: quanquam ne multitudine quidem
 » iam superant, nuper enim florem ipsum exercitus sui ad subigendam reliquā
 » Cuiusiam præmiserunt. Fex fere imbellis cum captiuis, sarcinis, & impedi-
 » mentis mansit: neque par illis nobiscum dimicatio est: illi enim mercede cō-
 » ducti fere, & alienum bellum belligantes, & multorum scelerum sibi con-
 » scij, minus studij, minusque animorum ad prælium afferent: Vos pro iis re-
 » bus, quæcunque homini sunt charissimæ, & pro patria ipsa iusta & pia arma
 » sumpstis. Tum autem securi hi dudum, & soluta omni disciplina militari,
 » re noua & inexpectata conturbantur. Auditis enim clamorem illum dissonū
 » & inæqualem, timoris argumentum: aspicietis cursitationem trepidationem-
 » que ad signa concurrentium, imo potius fugam circumspicientium. Postre-
 » mo ita nobis constitutum est, ut eos in pugnam intentos, si modo primum
 » vestrum impetum sustinebūt, alius & inopinatus hostis à tergo inuadat. Vin-
 » centius Szamotulius is est, Palatinus quondam Polnaniensis, cuius ope & cō-
 » filio inprimis nituntur. Is namq; iustas iras vestras hostium capitibus placare,
 » & nouis meritis infamiam priorē delere decreuit. Agite ergo milites, im-
 » pigri & alacres pugnam capeßite, totq; millia captiuorum fratrum, liberorū,
 » coniugum & aratorum etiam vestrorum vindicate: caesos vlciscimini, summa-
 » tesque adhuc pagos & vicos vestros inuiso cruore respergite, imperium & li-
 » bertatem vestram defendite: quæ utraque in discrimen veniunt, si quid for-
 » te, quod omen Deus auertat, titubaueritis. Deniq; Deum piorum adiutorem,
 » & scelerum ac flagitiorum, contaminatorumque sacrorum suorum, & reli-
 » gionis sanctæ ultorem inuocate.

Hæc elocutus, ubi alacres & incitatis animis pugnam poscentes cōspexit, &
 iam nebula residere cœperat, canere signa iussit. Prima de quæcunque aulicorū
 acies, quæ erat firmissima magno impetu & infatis animis in hostes inuchi-
 tur. Excipiunt illi, qui contra constiterant, non impigre. Deinde cæteræ acies
 cōcurrunt, præter subsidiarias. Pugnatur vtrinque summa contentione, neq;

Prælium.

qui-

quisquam pedem referebat, sed magis quisque ferire hostem, quam iētū declinare studebat. Adest omnibus locis Rex suos animans, & fessis integros summittens, ipse inde fessus, quamuis senili corpore. Feruescente autē praelio, cū Szamotulius adhuc nusquam appareret, subuereri iam Rex cœperat, ne quē is dolum neciteret: Circumspiciebant & milites, memores promissorū Regis: cum ille à tergo hostium sublato clamore cum suis impetum in extremos auersos, quemadmodum conuenerat, fecit. Ibi vero turbari illi noua re perculsi, primo quoq; exaudito post se clamore ac tumultu respicere, & sciscitari inter se, quidnam esset. Instāt Poloni acius respectibus, & remissius pugnantibus: iamq; cæsis ducibus, totas acies ancipiti praelio perterrefactas conuertunt. Fit longe maior fugientium strages, quam quæ dudum pugnā. *Cruciferi vineuntur.* tium fuerat: adeo namq; dolori, iracundiæq; Poloni indulgebant, vt neminē viuam seruarent. Et iam plena victoria potiti esse videbantur, cum ecce longo interuallo, vtpote discussis iam prorsus nebulis, nouas copias hostium effuso cursu aduenire adspiciunt. Erant autem ij, qui ad Brestiam capiendam præmissi erant: qui certiores facti de Polonorum aduentu, suppetias laturos suis accurrebant. Ibi Vladislaus captiuis aliquot nobilioribus cum præsidio retro amandatis, & paucis cohortatus milites, ne labori succumberent, ne sibi partam victoriam eripi finerent, mox in venientes impetum facit, ne *Pugna re- paratur.* quod eis clade suorum conterritis, & fugientium multitudine inter ordines sese immiscente perturbatis, colligendi sese spacium daret. Nec par superiori praelium illud fuit, non enim vim Polonorum recenti victoria ferocium hostes sustinere. Itaque paruo negotio vertuntur in fugam. Nec tamen multi euadere potuere, graui armatura & longo cursu defatigatis equis pariter & militibus, alioqui laboris etiam impatientibus. Cæsa ferunt *Strages Cruciferosum.* tur his duobus praeliis hostium supra viginti millia, de Polonis quingenti, vel secundum alios, triginta tantum de promiscua multitudine, ac de nobilioribus duodecim cecidere. Tam paruo tam insignis victoria Polonis constitit. Castra hostium opulenta capta & direpta sunt. Poloni captiui soluti, vbi ingens fuit inter fratres, coniuges, parentes, & liberos mutuo sibi quasi postliminio redditos gratulatio. Dies, quo hæc gesta sunt, fuit vicefimus septimus Septembris. Et quoniam ad vesperam fere pugnatum erat, reliquum diei illius, & nox sequens, curandis, & reficiendis corporibus data est. Postero die cæsorū numerus recognitus, & spolia lecta sunt. Vbi Rex obequitans, forte conspicatus est vnum de suis, hominem equestri ordinis, multis vulneribus debilitatum, resupinato corpore iacentem, & ilia per vulnus effluentia manibus cohibentem, conuersusque ad comites, quam magnus hic est, inquit, huius viri cruciatus. Respondit ille: maiorem esse eius, qui in eodem pago malum vicinum habeat, qualem ipse expertus sit. Rex contra, bono, inquit, animo es: isthoc ego te malo liberabo, si vixeris: & sublatus curatusque, totum pagum amoto malo vicino regia munificentia adeptus est, insuper præclarum virtutis testimonium cōsecutus. ad posteros transmisit, vt stemma eius familia, quæ tres hastæ in modum stellæ transuersæ sunt, ielitorum, hoc est, ilium nomine appelletur, cum pri^o Kozliero ab hirci cornibus diceretur. Fuit autē is Florianus cognomēto Szari. Szamotulius quoque ob nauatam bene operam non modo impunitate donatus, sed etiam abrogata infamia, pristino honori restitutus est. *Szamotulius pristino honori restitutus.* Verum non impune tñ ei cessit hostes in patriam induxisse. Insequenti enim an-

*Sz. amotu-
lus interfi-
citur.*

no conspiratione nonnullorum equitum, quos ira & dolor amissarum rerum charissimarum in eum stimulabat, interfectus est.

*Bohemorum
expeditio
in Poloni-
am.*

Statuerat quidem Rex cursum illius victoriæ mox persequi, sed cum Bohemi cum Silesiis ab ea cogitatione auerterunt. Qui cum primum cladis sociorum nuncium acceperunt, rati Vladislaum post victoriam illam in Pomeraniam, & in Cruciferorum ditionem ducturum esse exercitum, cum subitariis copiis in maiorem Poloniam fecerunt insultum, Posnaniamque obsidere cœperunt, ut auerso Rege Vladislao Crucigeri respirare possent. Quod cum accepisset Vladislaus, mutato consilio, ad propulsandum nouum bellum cum vniuerso exercitu contendit. Nec tamen hostem adeptus est, nam is cognito Vladislai aduentu in Silesiam prepropere se recepit: nec cum tunc Vladislaus Rex persecutus est, quod & hyemem instabat, & quies danda erat militibus, ut vires in sequentem annum refocillarent. Ferunt quidem, è Bohemis & Silesiis apud Posnaniam cecidisse supra septingentos, præter fossores, qui in cuniculis opus faciebant. Tentata est deinde pax inter Vladislaum & Crucigeros. Carolo & Ioanne Regibus arbitris: quæ tamen non conuenit, Crucigeris Pomeraniam non reddentibus. Et paulo post ij, cum è Germania nouis copiis aucti essent, Cuiavia quatuordecim diebus ad finem Nouæbris populabundi infestarunt. Nec multo post initio noui anni, nil morati asperitatem hyemis, iterum, sed maiore apparatu, in eandem Cuiaviam ingressi, Brestiam obsederunt, rati, fame se oppidanos ad deditionem compulsiuros. Sed cum frustra tres fere menses in obsidione insumpissent, ea die, qua vniuersus Christianus orbis salutarem Christi mortem anniuersario ritu recolit, summa vi oppidum oppugnant. Nec signius Poloni descendunt: verum quatruiduo labore defatigati, tandem quinto die oppidum dedunt. Cruciferi imposito ibi præsidio, ad Inouladislauiam castra mouerunt, eamque mox dedentibus oppidanis acceptam, præsidio itidem munierunt. Progressi ulterius, Gnieucouiam arcem oppugnant, in qua erat Casimirus Dux Vladislai Regis fratris filius. Is igitur pactus cum hoste, ut sibi suisque res suas asportare liceret, ipse inspectantibus & permittentibus Cruciferis arcem incendit, & cum miserabili illo suo Cuiauientis Nobilitatis comitatu ad Vladislaum Regem profectus est. Ignobilia deinde oppida Cruciferi facile in potestatem suam rede gere. Pacossum arcem Albertus Coscielcius Palatinus Brestensis egregie tutatus est, & non paruis incommodis hostes afficit. Ut autem Cuiauientis ac Dobrinensis oræ possessionem sibi stabili rent Cruciferi, demoliri Brestiam veterem, munitiore eam loco condiderunt, & arces quasdam eo in tractu cuncto latere munierunt. Nam Vladislaus maturas segetes, & Vngarorum auxilia expectauit. Quæ cum conuenissent, per Masoniam in Culmen-

*Poloni Cul-
mensem o-
ram ve-
xant.*

*Inducia in-
ter Polonos
& Cruci-
geros.*

*Polonorum in
Silesiam
expeditio.*

sem tractum infestum duxit exercitum, & hostibus prælii superioris euentu pauidis, & pugnam detrectantibus, vastare eorum regionem longe lateque cœpit. Excitus autem quoquoersus collucentibus pagorum & vicorum suorum incendiis, cædibusque agrestium Magister, decernere prælio cum Rege cupiebat: sed Commendatores temeritatem eius reprehenderunt. Itaque meliore consilio usus, caduceatorem ad Regem misit: & cum æquas conditiones pacis accepturum se esse reciperet, facile à credulo Rege annuas inducias impetrauit.

Quibus constitutis Rex, ne nihil tantis copiis & sumptibus dignum egisset videretur, atque Silesios, qui superiori anno Polonia arma intentarant, vl-

cisce-

cisceretur, in Silesiam copias duxit: ac nemine pugnandi copiam faciente, quinquaginta & amplius munitiones hostium cepit ac incendit. Costenum oppidum cum arce, inter stagna & paludes situm, quod valido hostium præsidio tenebatur, obsidione cinxit. Irridebant Polonorum obsidionem ij, qui erant in præsidio, fisci viribus suis & situ arcis. Itaque motus hac indignitate Casimirus Regis filius, audacius cum ea manu, quam circum se habebat, ad mœnia progressus, vi expugnare munitionem adortus est. Quod conspicatus reliquus exercitus, Ducem secutus, non prius oppugnare arcem destitit, quam ea per vim potitus est. Quo facto mox oppidani sese dedidere. Sævitum est autem in præfidiarios atrocius, quod non pauci de Polonis in expugnatione ceciderant. Atque ex eo tempore Costenum rursus in potestate Polonorum est. Extremum id operum Vladislai Regis fuit: reuersus enim ab eo bello Cracouiam, donatisque ac dimissis auxiliariis, languere cœpit, ac sensim inualescente morbo, vbi imminere sibi mortem sensit, sacris procuratus mysteriis, Casimirum filium Proceribus assidentibus languida voce commendauit, vtque eum post se Regem crearent, rogauit. Ipsum vero ad colendam iustitiam & clementiam in suos, & ad persequendos bello ingratos Cruciferos, recuperandaque ea, quæ illi à regno suo abstraxerunt, adhortatus est. Post hæc ad sextum idus Martias, qui mensis senibus exitialis esse solet, anno millesimo trecentesimo trigesimo tertio mortuus, & in Basilica Cracouiensi ad laeuam aræ maximæ sepultus est. Fertur corpus eius pluribus post mortem diebus insepultum, dum solennes exequiæ parantur, nihil putredinis aut retri odoris contraxisse. Regnavit autem ab eo tempore, quo diademate cinctus est, annis tredecim & paulo amplius, Princeps singulari patientia & mansuetudine animi præstans, & aduentibus perfacilis: statura per breui, cæterum manu promptus: virtute vero tanta, & animi magnitudine vsque ad decrepitam ætatem varia fortuna exercita, vt cum maximis Regibus recte comparari possit: ac eo quidem magis, quo tui valentius & mutilatius regnum accepit.

Vladislau
Leticus
Rex mori-
tur.

CASIMIRVS SECVNDVS, COGNOMEN- to magnus Rex.

Iustis funebribus Vladislao rite peractis habita sunt comitia Cracouiæ de creando nouo Rege. Introducti legati Caroli Regis Vngarorum, petierunt, vt Casimiro regnum post patrem mandaretur. Et facile ij, quod postulabant, impetrarunt, cum alioqui etiam omnium procerum atque equitum voluntates eodem declinarent. De vxore noui Regis scrupulus iniectus est: negabat enim Hedwigis Casimiri mater, se Regina superstitie eam coronari debere: tamen exorata à filio cessit, atque vt iniectum scrupulum prorsus dimeret, Sandeciam antiquam secedens, D. Francisci institutum vitæ professæ est. Itaq; Casimirus vna cum vxore Anna vigesima quinta die Aprilis in Basilica Cracouiensi ab Ianislao Archiepiscopo solenni ritu inunctus diadema accepit. Datus est autem ei iuuenilium consiliorum moderator Ioannes Malinivius Castellanus Cracouiensis, vir grauis & prudens, & Reipublicæ amans. Et quoniam videbat Casimirus, omnem pene Poloniam Cruciferorum armis atque domesticis latrocinis, quæ patre regnante impunitate increbuerant, attritam, domesticis malis prius quam externis manus admoit. Ac cū Cruciferis quidem inducias fecit, per quas perpetua pax Vngarorum & Bo-

Anno Chr.
1333.
Comitia
Cracouiæ.

Casimirus
cum vxore
coronatur.

Inducia
cum Cruci-
fereis.

hemorum Regibus arbitris componeretur. Adiectum in pactis, ut Magister Cruciferorum Brestam oppidum Ziemouito Duci Masouiorum Cirnensium, aut Mathiz Vladislauensi Episcopo tenendum concederet, qui id pace firmata Casimiro traderent: sin minus coisset pax, Magistro redderent. Verum in eo Magister fidem non seruauit: nihilo tamen minus mansere induciæ, quibus durantibus diligenter vbique prædones & infestatores publicarum viarum perquisiti, exquisitisq; suppliciis affecti sunt. Neq; quicquam præterea memorabile eo & sequenti anno in Polonia gestum est, nisi quod vigesima tertia die Aprilis intra annum à coronatione Regis ingens nix decidit: quæ cum quinque dies durasset, præter omnium expectationem singularem fertilitatem agris attulit.

*Locustarum
vis ingens
in Polonia.*

Insequenti vero anno millesimo trecentesimo trigesimo quinto tanta vis locustarum peruagata est, ut volantes solis aspectum hominibus adimerent: humi vero strata equorum ungulas altitudine superarent: quæ depasta maturescences segetes angustiores annonam fecere. Nouembri vero mense eiusdem anni pax inter Casimirum ac Cruciferos arbitrio Caroli & Ioannis Regum Vislegradi in Vngaria facta est, iniquior Casimiro, quam Crucigeris. Accepit tamen eam pacem Casimirus, plus, quam dignum erat, quietis & oculi cupidus. Fuit autem in conditionibus, ut Cruciferi Pomeraniam siue Pomerellam concedente Rege retinerent, atque etiam Nieffouensem arcem in Cuiavia supra Vistulam: Regi vero Dobrinensem & Cuiariam relinquerent, ne ea quidem portione exclusa, quæ ad Casimirum Ducem Ziemouiti filium pertinebat, ac decem millia florenorum pro damnis datis annumerarent. Profugis autem viriusque partis, ut liceret ad possessiones derelictas reuerti, vel eas vendere arbitratu suo. Impendia damnaque vtrinque compensata. Non steterunt tamen his pactis Cruciferi, quamuis approbasset Casimirus sententiam Regum ex compromisso latam, nisi etiam diserte vna cum Senatu, Nobilitate, ac Ciuitatibus, diplomatis & iureiurando dato Pomeraniam, Culmensensem, ac Michalouensem tractum à se & posteris suis prorsus abdicaret. Quod cum ille ad Senatum & comitia retulisset, omnibus indigna res visa, post tam iniquum arbitrium nouas etiam durioresque pacis leges ab hoste, perinde atque à victore sibi ferri. Itaque bellum malles, quam tam iniquam & ignominiosam pacem. Placuit tamen non inferre bellum, sed si inferatur, propulsare, atque ad Pontificem Maximum Benedictum duodecimum, primo quoque tempore de vi ac iniuriis Cruciferorum propter religionem ad eius iurisdictionem pertinentium referre. Legatus ad eam recuperandam missus Ioannes Grotus Slupcius Episcopus Cracouiensis, qui nequicquam impediens negotium aduersariis, magna cura ac diligentia tandem perfecit apud Pontificem ut is Galarum Titulensem Præpositum, & Petrum Geruasium Aniciensem Canonicum legatos ac iudices ea de re in Poloniam & Prussiam mitteret, qui Poloniæ Regi Cuiariam ac Dobrinum reddi, ac decem millia florenorum adiudicata numerari à Cruciferis curarent: de cæteris vero controuersis cognoscerent.

*Pax inter
Polonos &
Cruciferos.*

*Legatio
Casimiri
Regis ad
Pp.*

*De legatis
Pp. de con-
trouersis
Polonorum
cum Cruci-
feris.*

Crucigeri vero, ut prætextu aliquem iniuriæ, & neq; arbitrorum decreto, neq; Pontificis mandatis parædi haberent, perfecerunt apud Ludouicum Imperatorem, cui tunc neq; cum Regibus, neq; cum Pontifice conueniebat, ut is Magistro Theodorico & vniuerso ordini grauissima pena adiecta interdiceret, ne cuiusquam præcepto quicquam de iis terris, quas ab imperio haberent, cuiquam cederent.

redant, neue apud ullos iudices de iis disceptet, præter assensum suum. Cū autē iudices à Pōtifice delegati Varſauix cognoscēdæ causæ aliquandiu operam dedissent, refutata friuola detrectatione ac prouocatione Cruciferorū, anno Christi 1339. adiudicarunt Casimiro ac Polonis Pomerellā, Cuianiam, Dobrinēsem, Culmensem, ac Michalouiensem ditionē: Cruciferos autē ad centū nonaginta quatuor millia & quingētas marcas Polonicas, p̄ damnis datis, itemq; ad mille sexcētas marcas impensarū nomine cōdemnarunt: adhæc vt tēpla ac monasteria in Polonia superiore bello direpta & exusta instaurarent. Cumq; iudicata nō facerent, anathemate deuoti sunt, & sacris interdictū omnibus locis, quæ in ditione eorū essent, & ad quæ quispiam corū peruenisset. Interim annis aliquot quietæ res fuerunt in Polonia, nisi q̄ Lithuani crebris excursionib⁹ Masouiam quāuis affinitate Ducum sibi cōiunctam depulati sunt: tametsi non oēs illæ excursionēs prospere eis cesserunt. Nā anno millesimo trecentesimo trigesimo septimo cū direptis Ciechanouia & Pulouia oppidis, cū copiosa præda incōposito agmine, vt solent, reuertētur, ingruētibus ex inopinato Masouiis, cū trepidi mutuo se in tractu Naruæ fluminis impellerent & impediret, plurimos de suis partim cæsos, partim impetu & altitudine fluminis absorptos, & prædam omnem amisere.

*Decretum
cōtra Cru-
ciferos.*

*Lithuani
Masouiam
vastarunt.*

*Lithuani
fusi.*

Quid interim Casimirus Rex egerit, non constat: credibile tamen est, cū studia pacis, ad quæ factus erat, coluisse, arces & oppida muniuisse, leges partim nouas condidisse, partim veteres emendasse, iudiciorum rationē correxisse: huius enim Regis ea sunt maxime opera in Polonia, quæ certe vno atq; altero anno perfecta non sunt. Cū vero nullos ex Anna vxore mares liberos susciperet, præter vnā filiam, successorē sibi in regno designauit, indicis ad eam rē comitiis, Cracouiam ad octauum diem Maij anno Christi millesimo trecentesimo trigesimo nono. Vbi re in consultationē Senat⁹ posita, quamuis alij Ziemouitū, alij Ianussium Duces Masouiorū, alij vero Vladislaum Opoliensem mallēt, quod oēs hi ē vetusta Regū Polonię prolapia oriundi essent: peruenit tamen Casimirus, vt omnium sententiæ in Carolum Regem Vngarorum sororium suum, & filios eius inclinatēt, refutatis aliorum, qui dissenserant, sententiis: quod diceret, Silesios quidem defectione ad Bohemos indignos sese eo honore reddidisse: ē Masouiis autem nil dignitatis atq; amplitudinis regnō accessurum esse, cum ij stipendiarij, socij & vassalli Polonorum sint. In neutris vero satis fore virium ac praesidij contra hostes. Porro Caroli filios Ludouicum & Stephanum præclaræ indolis iuuenes matre Polona ortos, ac tanti Regis filios amplificatuos esse regni maiestatem: nec eis defuturas esse Vngarorum opes, siue ad defendendos, siue ad proferendos fines Poloniæ. Re confecta ex animi sententia, conuentuq; dimisso, mox Vissegradū in Vngariam ad Carolum se contulit Casimirus cum splendido comitatu. Ibi fœdera inter vicinos duos populos renouata & cōfirmata sunt, & pacta quædam cum Rege ac regis filiis de sententia totius conuentus Polonici inita. Eodem anno Casimirus vxorem Annam amisit, mulierem lufibus & choreis supra modum deditam.

*Casimirus
successorem
sibi desi-
gnat Vn-
garum.*

*Fœdera &
pacta inter
Vngaros &
Polonos.*

*Anna Re-
gina mori-
tur.*

Sequentem annum Russia meridionalis subacta, ac in prouinciæ formam redacta insignem facit. Fuerat ea quidem olim in ditione Regum ac Principum Polonorum Boleslaorum maxime armis subiugata: sed cum suos tamē Duces indulgētia Polonorū haberet, pedetentim deinde iugum excussit, eo potissimum tēpore, quo Polonica Respublica multis dominatib⁹ discepta,

*Russia Me-
ridionalis
subacta à
Casimiro
Rege.*

mox

*Boleslaus
Masoui ius
Dux Rus-
sorum.*

*Boleslaus
veneno
sublatus.*

*Casimiri
expeditio
in Russiam.*

*Russi exa-
quati cum
Polonis in-
re eorum prae-
gatiis.*

*Casimirus
ducit altera-
ram uxore-
rem.*

mox etiam ciuilibus bellis concussa, ac euerfa propemodum, neque spacium, neque vires ad coercendos rebelles Russos habuit. Ad extremum paulo ante, cum mascula progenies Danielis Regis liberorum, quorum summa erat in Russis autoritas ac potentia, defecisset: Lubartus Gedimini Lithuanorum Ducis filius, cum Vladimiriensium Ducis filiam uxorem duxisset, omni tractu Russiæ, qui Lithuanis finitimus est, Russis Ducibus, quorum propter multitudinem ac discordias extenuate erant vires, vel deuictis, vel in deditionem acceptis potitus est. Nam cætera Russiæ, quæ ab Halicia & Leopoli in Poloniam vergit, in Boleslai Masouiorum Ducis ditionem concessit, quod ei Maria matre Russa edito, legitima secundum anunculos successio deberi videretur. Nec tamen hic dominatus diuturnus ei mansit. Offensi enim Russi eius intemperantia, & sororum, vxorum, filiarumque stupris, siue grauioribus exactionibus, siue ob magistratus externis mandatos, seu denique propter diuersitatem religionis, veneno eum de medio sustulere.

Quod cum accepisset Casimirus Rex, ratus venisse tempus, quo Russiam maiorum suorum negligentia amissam facile posset in potestatem suam redigere, subitario exercitu de aulico suo procerumque comitata coadunato stipatus, mense Aprili magnis itineribus in Russiam contendit, Leopolimque caput gentis circumfedit. Nec longum tempus intercessit, cum sese, arcemque superiorem & inferiorem, atque oppidum Russi dedidit: illud vnum pacti, ut retinere sibi veteres religionis ritus liceret. Ingens vis auri & argenti gemmarum, preciosarum vestium, & reliquarum suppellectilis, vetusta Russorum Ducum gaza, in iis arcibus reperta est: in qua insignes erant duæ crucis aureæ plurimis ac preciosis gemmis distinctæ, quarum altera portionem ligni, in quo Christus pependit, inclusam habuit, quæ extat etiamnum in Basilica Cracouiensi: itemque duo diademata cum sella, & veste auro gemmisque rigente. Quam gazam Casimirus reuertens in Poloniam secum asportauit, & arces ipsas, utpote ligneas, concremauit, ne earum fiducia Russi rebellarent, cum ipsi distrahere in præsidia earum copias suas exiguas non satis tutum sibi esse existimaret. Tantisper autem commoratus Cracouiæ, dum ex omni Polonia indicta expeditione vniuersali copiæ ad certum locum conueniunt, rursus cum iis copiis ad subigendam reliquam Russiam reuertitur, instante iam messe: nulloque negotio Præmislia, Sanoco, Halicia, Treboulia, Lubassouia, Tustano, cæterisque omnibus eius oræ munitionibus potitur, ita ut ad Cremeneciam usque arma circumferret. Atque his ita gestis Rex cōuentu Russorum habito, in formam prouinciæ Russiam à se subactam rediit, Palatinos, Castellanos, Praefectos, iudices & alios magistratus Polonorum more instituit, Russosque eodem cum Polonis iure esse iussit. Neque deinceps consilio publico ea pars Russiæ à Polonis descivit. Per hoc tempus Lithuani rursus Masouiam depopulati sunt. Ianislaus vero Archiepiscopus Gnesnensis extrema senectute defunctus successorem accepit Iaroslaum Scotnicium. Nankerus quoque Vratislauiensis Episcopus veneno, ut creditum est, extinctus Prædislaum Pogorzeliū successorē accepit. Reuersus à Russico bello, Casimirus, cum luctum annum post mortem Hedwigis matris expleuisset, uxorem alteram duxit Adleidam Henrici Ferrei Hessorum Landgrauij filiam cum dote duum millium sexagenarum Pragensium promissa. Quæ cum esset deformior, mox eam despiciatui habuit.

buit, & concubinarum illecebris & amoribus captus segregatam à se in Zar-nouiceensem arcem relegauit, quo maiore licentia libidinibus indulgeret.

Anno sequenti millesimo trecentesimo quadragésimo secundo, ad funus *Casimirus*
Caroli Regis cohonestandum, consolandamque sororem in Vngariam pro- *R. in Vnga-*
fectus, mox ad voluptates & libidines suas rediit: quæ quidem sic animum e- *riam se re-*
ius emollierunt ac dementarunt, vt paternorum præceptorum dignitatibusq; *capit ad fu-*
suæ oblitus iniquas pacis condiciones à Cruciferis acciperet potius, quam e- *nus Caroli*
repta ab his bello repeteret. Ad quod quidem gerendum satis virium, præfer- *R. cohone-*
tim accessione Russiæ habere videbatur. Lite enim cum eis ad extremum per- *standum.*
ducta, cum ij diris deuoti, nil tamen auctoritate pontificia mouerentur, vt iu- *Casimiri*
dicata facerent, facile Casimirus concessit petentibus, vt iure omni, quod- *R. transa-*
cunque ipsi à maioribus suis haberent in Pomerania, Culmensi, & Michalo- *ctio cum*
uienti ditione, sese posterosque suos iureiurando intrepósito, & literarum mo- *Cruciferis.*
numentis consignatis abdicaret, ac de sigillo etiam, quo diplomata regia si-
gnantur, Pomeraniæ nomen eraderet, Cuiusiam ac Dobrinensem ditio-
nem ab eis reciperet. Itaque constituto cum Magistro Cruciferorum con-
gressu Inouladislauiæ ad vigésimum secundum diem mensis Iulij comitia quo-
que suis indixit. Vbi abdicatio illa promulgata, Calissiæ vero non modo Re-
gis, sed etiam Ziemouiti Viscnensium, Ziemouiti Cirnensium, ac Boleslai
Plocensium Masouiorum Ducum, procerum quorundam Polonorum, &
primariarum ciuitatum, nempe Cracouiensis, Posnaniensis, Sendomiri-
ensis, Sandecensis, Calissiensis, Vladislauiensis, ac Brestensis diplomatis con-
signata est. Episcopi neq; vt signarent, neq; vt approbarent, adduci vlla ratio-
ne potuerunt. Annus, quo hac acta sunt, fuit millesimus trecentessimus quadra-
gesimus tertius.

Tam damnosa pace facta, recuperataque Cuiusiam ac Dobrini possessione, *Casimiri*
Casimirus reliquo eiusdem ætatis & autumnii tempore, Henrico Saganen- *R. ex: editio*
si Ducum magnis viribus bellum intulit, veritus, ne Ioannes Boemorum Rex *in Silesiam.*
suppetias ei veniret. Causa belli fuit, vt recuperaret Vschouiensem seu Frausta-
diensem territorium, ab Henrico Duce Glogouiensi huius Henrici auo inter-
ceptum, & à maiori Polonia auulsum. Vbi ad oppidum ventum est, quassatis
aliquot diebus deiectisque muris, captum id est, nequicquam defendentibus
Silesiis. Inde progressus Stinauiam cepit ac diruit, agrumque circumiacen-
tem depopulatus est. Inde porro ad Saganum cum duceret exercitum, Hen-
ricus Dux supplici legatione ad eum missa, ac deinde in castra ipse cum fratri-
bus suis venire iussus, pacem æquissimis legibus impetrauit, Fraustadiensis
tantum territorij iure omni & vendicatione à se abdicata. Ita bellum illud
paucis diebus solutum est. Collocauit autem eodem anno Casimirus Rex fi-
liam suam Elisabetham è priore vxore susceptam in matrimonium Boguslao
Duci Pomeraniæ, societatemque cum eo & fratribus eius Barnimo ac Var-
cislao iniit his legibus, vt mutuam sibi opem ferrent contra quosuis ho-
stes, nominatim autem contra Cruciferos, quoties opus esset, cum qua-
dringentis galeatis, eosque intra mensem, ex quo essent admoniti, mitterent,
vel ipsi adducerent: ac in sua quidem ditione vtrique auxiliariis com meatum
& pabulum suppeditarent, in hostico autem sibi quisque prospiceret: muni-
tiones ab hostibus recuperatæ, vt redderentur ei, cui ademptæ fuissent. Quæ
vero ad neutros prius pertinuissent, captæ inter socios diuiderentur, aut da-
to alteri dimidio precio, ab altero retinerentur. Hoc tunc primum foedus

*Tartarorum
excursio in
Poloniam
& Russi-
am.*

Pomeranorum Ducem cum Polonis fuit, non minus metu Cruciferorum quam affinitate conciliatum. Dos autem puellæ fuit viginti millia sexagenarum Pragensium, præter cæteram supellectilem peramplam sane & splendide. Vicissim autem Boguslaus duum millium sexagenarum proventus annuos nouæ nuptiæ promisit. Nuptiæ Posnaniz sub finem Februarij sequentis anni magna pompa celebratæ sunt. Quo quidem anno magna vis locustarum ex Vngaria coorta, & mox ingentes Tartarorum copiæ in Russiam & Poloniam inundauere, à Dastone, quem Rex Præmisliæ præfecerat, & Daniele Ostrogio, ac nonnullis aliis Russis res nouas molientibus euocatæ. Nam ij nacti tempus, quo Rex Casimirus longissime aberat, Cruciferorum colloquiis, Silesiaco bello, & filiarum nuptiis occupat⁹, missis clam legatis, admonuere Tartarorum Principem, ne tributariam sibi Russiam à Polonis occupari pateretur: non defuturam ipsi fidem suam. Habebat autem ij inuisum Polonorum imperium, cum quod non libenter fere externis parent homines, tum quod sectæ ritibusq; suis, ne callide sensim abolerentur, metuebant. Videbat enim multos de suis ad Romanam ecclesiam se transferre, pluresq; indies honoribus & aliis præmiis à Rege ostentatis inuitari. Ab his igitur excitati Tartari & adiuti, obiter transcursa Russia, in Poloniam magna vi contendunt. De quorum aduentu cum tempore Casimirus à suis è Russia certior factus esset, coacto celeriter exercitu, in Sendomiriensem tractum obuiam eis profectus, positis in ripa Vistulæ stauis, transitu fluminis arcere eos satis habuit, nō ausus cum longe maioribus copiis manus conferere. Eminus modo hinc balistis, illinc arcubus velitatum est: in qua velitatione Albertus Palatinus Sendomiriensis sagitta ictus cecidit. Tartari vero frustra tentato multis in locis transitu Vistulæ magno cum tumultu populabūdi, & ferro atq; igni obuia quæq; vastantes, per Lublinensem tractum retro abiire, nec arcem Lublinensem aliquot diebus oppugnatam expugnare potuere.

*Ioannes
Rex Bo-
hem. bel-
lum facit
Polonis.*

Insequenti anno millesimo trecentesimo quadragesimo quinto intulit Ioannes Boemorum Rex bellum Poloniæ Saganensi, vt videtur, bello provocatus, ac tanto quidem ardore animi, vt quamuis senio laboribusq; confectus esset, ac alterum quoq; oculum iam amississet, tum deniq; se libenter moriturum affirmaret, cū Cracouiæ muros manu victrice palpasset: sed fortuna votis suis non respondente turpiter à Polonis fusus, & in fugam actus est. Palma rei bene gestæ Prædotæ Galcæ Odrouanzo data: itaq; magnis præmiis & militari baltheo à Casimiro is ornatus est. Ioannes ipse Rex paulo post in bello Anglico in Gallia interfectus occubuit. Annus, quo hæc acta sunt, fuit post Christum natum millesimus trecentissimus quadragesimus quintus. Nil postea memorabile in Polonia gestum esse prodicitur, præter leges in comitiis Visliciensibus scriptas: quibus Palatinorum & iudicum infinita potestas certis cancellis coercita est, vt non ex moribus aut libidine sua, sed è scripto iure deinceps iudicarent. Certæ enim mercedes eis, & aliis ministris iudiciorum constitutæ sunt, vt ne quid præterea à litigantibus exigeretur, multæque, quas iudices arbitrato suo dicebant & exigebant, definitæ. Adhæc sublatus mos barbarus iurisiurandi cōceptis verbis dandi, in quo si quis verbo lapsus esset, atque adeo si titubasset, causa quantumuis iusta cadebat. Anno millesimo trecentesimo quadragesimo sexto Casimirus nouum oppidum Cracouiæ iunctum condidit, & de suo nomine Casimiriam appellauit, cum antea Bauiolus pagus diceretur.

*Leges Ca-
simiri Re-
gis.*

*Iurisiuran-
di mos bar-
barus sub-
latus.*

Anno deinde millesimo trecentesimo quadagesimo nono fecit Casimirus Rex expeditionem in Russiam, ut eam quoque partem eius, quam Lubartus & Keistutus usurpabant, regno suo adiceret: magnaque felicitate usus, una æstate expugnatis arcibus, Lusco, Vladimiria, Brestia, & Chelma, ac cæteris in deditione acceptis, Volyniam omnem, Belsensemque; ac Brestensem tractum in suam potestatem redegit: Russos Duces deditione facientes retinere sua iussit, primariis modo munitionibus Polonos præfecit. Et quo certior quietiorque ipsi esset Russiae possessio, cum Ludouico Rege Vngarorum assentiente etiam Stephano fratre Ludouici transiit, ac contra Cruciferos societate iniit: atque eundem Ludouicum certum sibi successorē in Polonia designauit, si ipse sine masculis liberis decederet. Misit autem tunc Ludouicus Rex matrem suam in Poloniam, ut suo nomine iusiurandum à Polonis exigeret. Reuersus autem ex Russia Casimirus, & secundis rebus laudibusque hominum insolescens, de libidinibus nihil omnino remisit, sed palam concubinas Opoczni atque Cressouia nobiles nihil omnino remisit, sed palam concubinas Opoczni atque Cressouia alebat: & cum à Bozeta Episcopo Cracouiensi, qui non adeo pridem Petro Faleo ante annum Auinione mortuo successerat, officij sui admoneret, non modo non resistit, sed etiam ipsi subiectos homines in territorio Sendomiriensi per Ottonem Pilecium Palatinum ac Praefectum Sendomiriensem eius loci indubitatis tributis atque laboribus vexauit. Porro cum de his rebus Episcopi Poloni Pontifici summo indicassent, isque moneri cum suo nomine vellet: Martinus cognomento Bariczka unus de vicariis Basilicæ Cracouiensis, qui solus id facere ausus est, in profluentem Vistulam demergi ab eo iussus est: verum non diu scelus id diuina maiestas inultum esse fuit: Nam & Rex diris deuotus est ab Episcopo, & pestis acerba, quæ epidemia Græcis dicitur, duobus illis annis Poloniam omnem peruasit, tanta vigraßata, ut pagos atque oppida hominibus vacua redderet. Increbuerunt tunc per vniuersum fere Christianum orbem greges virorum pariter ac mulierum, nudis umbilico tenus corporibus obambulantium, & flagellantium sese, diuinamque clementiam miserabilibus vocibus implorantium, vexillis præeuntibus. Itaque in Poloniam quoque tunc venire ex Vngaria: sed cum ea religio siue supersticio à flagitiis ac prauis dogmatibus non penitus immunis esse deprehenderetur, poenis coercita & extincta est. Neque tamen hic tunc malorum finis Poloniae fuit. Quin ubi pestis conquieuit, Lithuani ob ereptam Russiam irritati, crebris excursionibus Sendomiriensem tractum perire omnem vastarunt, & Russiae eam partem, quam dudum Lubarto Casimirus eripuerat, Russis fidem mutantibus, ac præsidia Polonorum eiicientibus, in potestatem suam redegerunt. Vladimiria, B-lzo, Chelma & Brestia, quam arcem Casimirus cocto latere munierat, per deditionem potiti. Inde ad Leopolum excurrerunt, cum utramque arcem nouis muris ac præsidio Polonorum munitam esse cognouissent, non tentata oppugnatione, circumiacentem omnem ferro & igni foede vastarunt.

His tot tantisque detrimentis excitatus tandem Casimirus anno Christi millesimo trecentesimo quinquagesimo primo comparatis magnis copiis una cum Ludouico Vngarorum Rege in Russiam rursus expeditionem fecit, ut etisque leui prælio Lithuanis, ac Duce eorum Lubarto capto, arcem tractumque omnem Vladimiriensem recepit, exercitumque dimisit hyeme appetere. Infestarunt deinde iidem Lithuani Sendomiriensem oram usque ad Zauichostum: nec deerant de Polonis, qui se barbaris duces ad vastandam patriam præberent, inter quos insignes erant Petrus Psonca, & Otto Seccarouicius, qui loco-

*Expeditio
Casimiri
R. in Rus-
siam.*

*Casimiri
R cum Lu-
douico Re-
ge Vng de
Russia trans-
actio.*

*Ludouicus
Rex Polon.
designatus.*

*Lithuani
Sendomiri-
ensem oram
populan-
tur.*

*Russi à Po-
lonis defici-
unt ad Li-
thuanos.*

*Bellum
Russicum.
Lithuani
Sendomiri-
ensem oram
infestant.*

rum & rerum periti clam excursions Lithuanorum dirigebant, & Polonorum consilia ipsis prodebant, ac sicubi cauendæ essent insidiæ, præmonebāt. Forte autem accidit, vt Petrus à barbaris in interiorem Poloniā excurrere destinantibus ad exploranda vada Vistulæ præmitteretur: inuentum vadum infixis in alueo fluuij prælongis stipitibus notauit, & cum renunciasset Lithuanis, rediit. Paulo post cum piscatores ad eum locum nauiculis aduecti animaduertissent, id quod erat, suspicati, euulsos stipites non longe in profundiori ac vorticoso flumine infixerunt. Nocte intempesta Lithuani, quo facilius Polonos fallerent, & incautos trans flumen opprimerent, ad Vistulam venientes, secundum signa monstrante Petro traicere incipiunt, & non pauci, qui in flumen primi se præcipitarant, eius altitudine & vorticibus absorpti vna cum equis perierunt. Id vbi duces animaduertere, dolum subesse rati, Petrum vti proditorem in ripa capite plexerunt: maioresque insidias veriti, interdium latitantes nocturnis itineribus recesserunt. Tartari quoque per idem tempus ab Olgerdo euocati Russiam inferiorem, quæ Podolia dicitur, quæ & ipsa in Casimiri Regis ditione iam erat, depopulati sunt. His tot ac tantis calamitatibus admonitus Casimirus, tandem admissum in sacerdote necando scelus lachrymis & austeriore vita expiare instituit, missoque Albrico Cancellario Dobrinenfi absolutus à Clemente sexto Pontifice maximo, & societati Ecclesiasticæ reconciliatus est. Simul autem impetravit vt sibi decima decimarum ab vniuerso ordine ecclesiastico totius Poloniæ quadriennio in subsidium aduersus barbaros Lithuanos ac Tartaros conferretur. Restituit autem tunc Casimirus ecclesiæ Cracouiensi immunitatē ademptam, cū quæ ad adscriptitios eius & agrestes pertinebat, tū quæ ad cōuentionem & venditionē decimarum, rapinasque coercēdas: adhuc possessiones & prædia Radlouensia, Vssuensia, cæteraque in regione submontana, quæ per vim occuparat, Episcopo reddidit. Condidit etiam complura templa, Sendomiriense, Vislicienſe, Sidlouienſe, Stobnicenſe, Zagoscenſe, & Gargouiense. Extat in archiuo regio cōspiratio siue confœderatio Nobilitatis maioris Poloniæ contra quemlibet hominem; excepto Rege, anno Christi millesimo trecentesimo quinquagesimo secundo facta & conscripta, atque vno & viginti signis consignata, à qua excluduntur furti & latrocinij publici rei. Vnde autem nata sit, & quid sibi voluerit, quoue pertinuerit ea conspiratio, non liquet, nisi quod iniuriis forte & asperitate præfacti regij expressa esse videri potest. Inde quietæ res domi forisque complures annos fuere. Cæterum Prussiam Lithuani crebris excursions infestauerunt. Per quod tempus Polonia pacis artibus magna cura studioque Regis effloruit, ac non exigua ciuilitatis & elegantie incrementa accepit. Anno Christi millesimo trecentesimo quinquagesimo tertio, cum Martius, Aprilis, & Maius ultra medium verno ac pene æstiuo calore ad calamos & aristas segetes perduxissent, coorto repente acri frigore & gelu, nix duos cubitos alta terram operuit, & in sextum vsque diem durauit. Qua soluta postea, cum corruptas esse segetes omnes existimarent, tanta præter spem vbertas frugum, quanta vix vnquam alias fuit.

Tartari
Podoliam
populauit.

Templa à
Casimiro
conſtituta.

Cōfœderatio Nobilitatis maioris Poloniæ.

Nix & gelu post modum Maium.

Ludouici R. prinilegium Poloniæ datum.

Anno domini millesimo trecentesimo quinquagesimo quinto missi ad Lodouicum Regem Vngarorum legati nomine totius Poloniæ, retulerunt diploma eius, quo is recipit, nunquam se, neque posteros suos vllum tributū, aut exactionem ylli ordini Polonorum, neque sacro, neque equestri impe-

rate,

raturus, neque iter facientes oneri cuiquam omnino futuros. Præterea damna ac detrimenta in expeditionibus, quæ sunt ultra fines regni, accepta militibus exoluturos. Hæc sunt, quæ ordini Nobilium Rex Ludouicus ante regnum initum concessit. Accessit eodem anno Masouia ad societatem cæteræ Poloniæ, Ziemouito Duce iis pacis in regni Regisque potestatem se submitte, ut totius quidem Masouia dominatum ipse obtineret, verum non hæreditario iure, sed regia munificentia, & in feudum se eum habere, Regisque maiestatem se cum posteris suis comiter conseruaturum, & contra quosuis hostes barbaros iuxta ac Christianos auxilio Polonis semper affuturum, neque cum vlllo foedus vllum inconsulto Rege sanciturum, solenni ritu ac iureiurando profiteretur. Acta sunt hæc Calissij ad sextum Calendas Ianuarij anno Christi millesimo trescentesimo quinquagesimo quinto. His autem peractis, Casimirus cum Poloniam ac Russiam partim bellis superioribus & excursionibus barbarorum, partim pestilentia exinanitam, minus cultam, minusque populosam esse cerneret, Teutonici generis hominibus siue accitis, siue vltro venientibus agros attribuit, quorum non exigua reliqua in submontana & Vngaris finitima regione, & Russia in hodiernum vsque diem manent, eorumque cura & opera Polonia frequentari, & cultior esse pagis & oppidis cepit. Sunt enim frugaliiores ac diligentiores in re paranda actuenda, quam Poloni, & lautius habitant. Fuit in eos, & in cæteros oppidanos & agrestes propensior ac indulgentior Casimirus: nec eos grauioribus laboribus, vel exactionibus aut vllis iniuriis præceptorum suorum, siue adeo Procerum ac Nobilitatis premi passus est, animaduertendo in eos, qui aliquid eiusmodi ausi essent, ita ut vulgo rusticorum siue plebeiõrum Rex vocaretur. Non solum autem Germanos iure suo Saxonico siue Magdeburgensi uti permisit, sed suis quoque Polonis Nobilitate excepta id indulsit.

Quoniam vero ab iis iudiciis ad Magdeburgense tribunal prouocabatur, non sine quadam ignominia Polonorum, & magno sumptu ac dispendio litigantium, sustulit eam prouocationem Casimirus, & in arce Cracouiensi supremum ac prouinciale iudicium Teutonicum constituit, ad quod prouocationes omnes ab inferioribus iudicibus ex tota Polonia minores fierent. Cui quidem iudicio præsidet peritus eius iuris aduocatus cum septem scabnis, (Sic enim appellari cum quæsitorem cum iudicibus vsitatum est) quos magnus procurator arcis legit de certis oppidis & pagis. Ab eo quoque iudicio ad Regem prouocatio est. Sunt autem eæ ciuitates, Cracouia, Sandecia, Bochna, Velicia, Casimiria & Ilcussum. Habent autem supra memorati iudices septem cum quæsitore suo ab eodem Casimiro immunitatem omnium onerum atque exactionum regiarum, neque iudicari à quoquam nisi à Rege, aut peculiariter delegatis ab eo iudicibus possunt. Ita tunc Casimirus populosiores cultioremque externis colonis Poloniam reddidit, & ne ij cum indignitate sua ac totius Reipublicæ ius aliunde petere necesse haberet, prouidit. Coercuit etiam succrescentia rursus latrocinia, Matthiæ Borcouicij Palatini Posnaniensis supplicio. Is enim cum prædones clam receptaret, quos punire debuit, consuetudine turpis lucri captus, ducem se ipsis deinde præbuit. Quæ res cum ad Regem crebris querimoniis hominum perferretur, nec ille tamen, quamuis admonitus, ab incepto desisteret, captus est Calissæ, cum eo forte ad Regem venisset, & in Olstiniensem arcem deportatus, in retro & obscuro carcere inedia vitam finivit. Cuius mortem cum Ioan-

Masouia
Polonia
redintegrata.

Masouij in
Regis Polon.
cliente-la.

Germani
incola Polonia.

Casimirus
Rex Plebeiorum
vocat.

Iudicij
Teutonici
supremi in-
stitutio
Cracouia.

nes frater vlcisci velle diceretur, iussu Regis interfectus est. Bona eorum confiscata. Filius vero Mathiæ profugus, cum ex Marchia Brandenburgensi in Polonos mercatores & equites postea grassaretur, quodam tempore in oppido Rosrazouo ab agrestibus trucidatus poenas dedit. Fuere, vt habet Dlugossus, qui existimarent, causam tam dire mortis Palatino fuisse, quod de stupro Regine insimulatus esset: sed quænam Regina ea fuerit, non memorat Dlugossus. Secunda quidem Adleida siue Heduigis, cum quindecim annis in Zarnouecio castello quasi relegata vixisset, ad extremum biennio ante hanc Palatini necem à patre nemine prohibente domum reducta est, & paulo post è viuui excessit. Nec diu cunctatus Casimirus, tertiam duxit vxorem, Heduigin Henrici Glogouienfis Ducis filiam, post cuius nuptias anno sequenti millesimo trecetesimo quinquagesimo octauo supplicium illud de Palatino Polnanienfi esse sumptum Dlugossus tradit.

*Regina
Heduigis
moritur.
Casimirus
tertiam
vxorem
ducit.*

*Ecclesiasti-
ci ordinis
equestri
controuer-
sia compo-
sa.*

Insequenti anno millesimo trecentesimo quinquagesimo nono controuersia quædam de iure decimarum, de iurisdictione ecclesiasticorum iudicum, de visitationibus & exactionibus Archidiaconorum, Præpositorum, & Paroecorum, de nouis paroeciis instituendis, de moderatione immunitatis clericorum, ac de semestribus vacantium paroeciarum redditibus, qui iam inde à Nankero Episcopo in instaurationem Basilicæ Cracouienfis vsurpabatur, inter Bozentam Episcopum Cracouensem, & Nobilitatem Cracouensis ac Sendomiriensis conuentus exortæ, interueniente Rege & Iaroslao cognomento Bogoria Gnesnenfi Archiepiscopo sublata sunt: & Lublinensis, Lucouienfis, & Secechouienfis territorij homines propter vastitatē ex Tartarorum ac Lithuanorū crebris incursionibus immunitate decimarū spacio triginta annorum donata. Statimq; illis ipsis diebus Casimirus ignominiosam fecit expeditionem in Valachiam huiusmodi de causa. Mortuo Stephano Voieuoda siue Palatino Valachorum, duo filij eius Stephanus ac Petrus de principatu contendebant. Petro quamuis natu minori, tamen propter liberalem indolem ac morum suauitatem plures fauebant. Et acceperat is etiam ab Vngaris auxilia: itaque nullo negotio dominatum occupauit. Exclusus dominatu Stephanus, simul & insidias fratris metuens, in Poloniam cum nonnullis suæ factionis Valachis, ad Casimirū Regem profugit: & cū se in potestate & clientela eius fore policeretur, facile ab eo impetrauit, vt se ad paternū dominatum vi & armis reduceret. Itaq; Casimirus conscriptum è minore Polonia ac Russia exercitum non contemnendum initio mensis Iulij in Valachiam cum legatis & Stephano misit. Nec male Polonis ea succedebat expeditionis principio: in velitationibus enim & particularibus certaminibus ferre superiores euadebant. Petrus vbi se imparem esse animaduertit eorum viribus, ad dolum se conuertit: & quo facilius incautos falleret, clam per internuncios cum exulibus redit in gratiam. Superanda erat Polonis interiorum Valachiam ingressuris sylua densa & impedita, quæ Ploniny à soli sterilitate vocatur. Eam Petrus cum suis infedit, & qua Poloni iter facere erant, arbores succidit, ita vt truncis tamen vtcunque hærent. Vbi Poloni indaginem illam ingressi sunt, ibi coorti ex insidiis Valachi arbores succisas vi impellunt, ab extremis orsis ita vt ceteri mutuo sese impellerent. Qua ruina Poloni sic obruti sunt, vt, qui obruti & extincti non sunt, viuui tamen fere, debilitatis ac collisis membris in hostium potestatem venirent. Pauci de extremo agmine salui euasere. Capta sunt in eo con-

*Exeditio
Valachica
causa.*

*Poloni à
Valachis
trucidati.*

Alia tria vexilla magna, Cracouiensium, Sendomiriensium, ac Leopoliensium: signa minora militaria seu gentilitia nouem, Topororum, Leliuorum, Lissorum, Rauorum, Gryphiorum, Srenauorum, Habdancorum, Polucosarum, & Stremeniorum. Casimirus clade hac ad se perlata mortuus, ac de proditione exulum questus, de redimendis captiuis ad hostem misit, & facile impetrauit. Cladem Valachicam alia non minor domestica post vnum annum consecuta est pestilentia: quæ cum late per Poloniam sex mensibus serperet, in oppidis atque pagis dimidiam ferme partem hominum absumpsit. Cracouiæ quidem viginti millia mortuorum censa sunt: magis tamen ea in locupletes ac nobiles, quam in vulgus grassata est. Cruciferi vero ope Ludouici Marchionis Brandenburgensis Lithuaniam tribus excursionibus vehementer tunc afflixerunt, Keistutumque Ducem Gedimini filium ceperunt. Sed is commutatione captiuorum liberatus est, nec multo post iterum ac tertium captus, custodias frustratus euasit.

*Lithuania
à Cruciferis
vastata.*

Anno sequenti, qui fuit millesimus trecentessimus sexagesimus primus, Casimirus Rex missis Auinionem ad Urbanum Pontificem maximum oratoribus, impetrauit, vt in Russia cathedra metropolitana Leopoli erigeretur, primusque Crisostomus homo equestris ordinis à Gnesnensi Archiepiscopo præsentem Rege consecratus est. Præterea repullulans rursus inter Episcopum Cracouiensem & Regem, sacrumque & civilem ordinem controuersia de iure decimarum & interdictorum, eodem anno arbitrio Iaroslai Archiepiscopi Gnesnensis, qui tunc forte Cracouiensem dioccesin visitabat, ex compromisso sedata est.

Insequens annus millesimus trecentessimus sexagesimus secundus anno penuria & fame apud Polonos & vicinos populos insignis est: quæ tamen Regis beneficentia ac solertia non sine magno Reipublicæ fructu mitigata est. Erat enim in prædiis regiis atque horreis ingens vis frumenti è superiorum annorum vbertate reliqua: idque frumentum Rex externis quidem ac ditioribus suis iusto precio vendi iussit: plebs vero egena partim commutatione rerum frumentum accipiebat, partim opus faciendo merebat. Quo quidem tempore complures arces & oppida muris, vallis, ac fossis munita sunt: piscinæ, aggeres, & aquæ ductus multis in locis facti. Redegit autem & pecuniam non modicam Casimirus è frumento vendito: quæ splendori eius anno sequenti non minimum suffragata est in nuptiis neptis, filia Boguslai Ducis Pomeraniæ, quam Carolus quartus Imperator vxorem duxit, Io-

*Fames in
Polonia.*

*Munitio
arcium &
oppidorum.*

anne quodam Franciscano id procurante, qui ab Urbano Pontifice ad componendas inter Carolum Imperatorem & Ludouicum Vngariæ Regem generum Caroli inimicitias, atque adeo maximè iam vtrinq; oriens bellum sopiendum missus fuerat. Et iam Ludouicus Casimirum, cum Russorum ac Tartarorum auxiliis, & per eum Valdemarum Danorum Regem Boguslai propinquum in societatem belli pertraxerat: Carolus vero Bohemiam, Morauiam, & Germaniam omnem ad arma concitabat. Sed Ioannis Franciscani prudentia, qui impigre iam ad Carolum, iam ad Ludouicum & Casimirum recurrerat, non modo pacem inter inimicos Reges, verum etiam amicitiam confecit. Nuptiis igitur dictus locus Cracouiæ ad liberalia, quod carnispruium vulgo vocat: quo conuenere inuitati à Casimiro Reges, Ludouicus Vngarorum, Valdemarus Gotthorum siue Danorum, & Petrus Cypriorum, neptis Eli-

*Inimicitia
inter Caro-
lum Imp.
& Ludouicum
R. Vng.*

*Pax & af-
finitas inter
Reges.*

*Regum &
Principum
Cracouiæ
conuentus
ad nuptias
Casimiri
neptis Eli-*

Ponto

*Nuptiarū
apparatus.*

Pōto & aduerso Iſtro in Valachiam, & inde terreſtri itinere per Ruſſiam Cracouiam aduectus: Duces præterea, Otto Bauarorum, Ziemouitus Maſouiorum, Boleslaus Suidnicenſium, Vladislaus Oppoliensium, & Boguslaus cū filia ſponſa. Ad extremum venit Carolus cum ſplendido comitatu: eique venienti omnes principes ac Reges cum Caſimiro Cracouia ad vnum miliare obuiam profeſti, & non modicum ſpaciū pedibus progreſſi, quod idem facere Imperatorem cognouerant, amice inter ſe conſalutarunt. Cum autem vrbi appropinquaret Carolus Imperator, ſponſam cum patre & magna puellarum ac matronarum caterua obuiam habuit: deductuſq; cum ingenti pompa Cracouiam in arce, Caſimiro petente, diuertit: cæteris in vrbe hoſpitia diſtributa. Omnes autem hi principes aduenientes in extremis Polonia ſinibus Caſimiri iuſſu comiter & perhumane accepti ac deducti, liberaliter & magnifice habiti ſunt, durantibus vſque in viceſimum diem nuptiis & conuiuſ. Et cum abunde omnia ad nutum ſuppeditarentur hoſpitibus regionum procuratorum ac diſpenſatorum prouidentia, tamen ne quid magnificentiæ deſideraretur, magna dolia in foro vrbis collocata ſunt, alia vini, alia auenæ plena, vnde ſumerent, quantum quiſque vellet. Præerat autem procuratoribus Verincus Germanus, conſul Cracouiens, quem Rex Caſimirus propter ſingularem induſtriam ac dexteritatem in rebus agendis theſauro ſuo præfecerat. Is cum eſſet diſtiſſimus, non habuit ſatis nuptias illas regio nomine quam ſplendidiffime adminiſtrare, ſed vt ſua quoque magnificentia Polonia ſplendorem adderet, Imperatori, Regibus, Ducibus & proceribus eorum domi ſuæ cōuiuium magnifico apparatu dedit, & ampla munera omnibus largitus eſt, inprimis autem Regi ſuo Caſimiro, ita vt, quæ ei donauit, plus centum millibus florenorum æſtimata eſſe dicantur.

Hyems aſpera & niuosa.

Nuptiis rite peractis, & ſœdere ſempiterno inter Reges iſto, & miſſis inter ſe vltro citroque ampliffimis muneribus, domos quiſque ſuas diuerſi diſceſſerunt, ad fines vſque regni à Polonis proceribus deducti. Dedit autem Caſimirus ſororis filiæ in dotem centum millia florenorum. Quoniam autem habebat Caſimirus vxorem, & ex ea iam filiam vnā atque alteram ſuſceperat, remiſit ei Ludouicus ius ſuccedendi, ea conditione, ſi quem is poſt ſe filium relinqueret. Infeſtata eſt deinde hoc ipſo anno peſte populari Polonia. Sequentis vero anni hyems tam fuit aſpera & niuosa, vt feras quoque beſtias in ſyluis ac volucres extingueret. Adiecit deinde Caſimirus animum ad recuperandam eam partem Ruſſiæ, quam ante tredecim aut quatuordecim annos defectione Ruſſorum magis quam vi Lithuanorum amiſerat: indiſtaque toti Polonia expeditione, cū magnis copiis aduerſus Ruſſos ac Lithuanos profeſtus eſt. Cum autem Beſenſium fines primum attigiffet, venit ad eum Georgius Dux eius oræ, & placato Rege imperata facere pollicitus impetravit, vt ditionem illam ſuam retineret. Itaque ibi nil hoſtile fecere Poloni. Quin & Chelmenſem ditionem cum Chelma arce de Lithuanis captam Caſimirus ei adiecit: nam Lubarto petenti veniam dare noluit. In Volyniam deinde exercitum promouit, & cum nemo pugnandi copiam faceret, Luſcū, Vladimiriam, & Oleſcum arces vi in ditionem ſuam redegit, cæteras per ditionem accepit. Atque ita Lubarto eiecto oram illam omnem ſubactam ac tributariam factam Alexandro Duci Gedimini nepoti addixit: & quo facilius eum in fide atque officio contineret, Luſcum & Vladimiriam ipſe retinuit, præſidiaque iis arcibus impoſuit. Et Alexander quidem in Caſimiri fide

fide perstitit: Georgius vero ambigua fide aliquoties postea rebellionem tentavit. Porro Lithuani nunquam deinde, quoad vixit Casimirus, neque Russiam, neque Poloniam infestarunt, eo quod satis negotij habebant cum Cruciferis, & quod præsidia contra eos opportunis locis Rex collocarat: Masovia à Lithuanis vexatur.

Neque memorabile vllum Casimiri Regis factum post subactam Russiam quatuor illis annis, quibus postea vixit, memoratur, nisi quod cum Petro Lubussensi Episcopo, quem bonis quibusdam spoliatur, transiit, ea lege, ut Episcopus Lubussensis, quæ antiquitus intra fines regni Polonici iam inde à tempore Hærici Barbatii Ducis habebat, retineret, Regem autem dominum ac patronum suum agnosceret: item quod idem Rex magna parte Poloniæ peragrata in Prussiam se contulit cum pacato comitatu, videndi Mariæburgi, aliarumque arcium & oppidorum gratia, quæ Cruciferi frequentia, peragunt, ac bene constituta habuere, ut ad eorum exemplum Poloniam etiam magis cultam redderet. Vbi perhumane ac honorifice à Cruciferis, quocumque adiit, acceptus est. Quin & inimicitias cum Carolo Imperatore suscepit, idque siue sua sponte & aliqua iniuria provocatus, siue Ludouici Regis Vngarorum gratia: qui hoc ipso tempore Carolo bellum indixisse, ac Moraviam infestasse memoratur. Nec illud silentio prætereundum est, quod per hoc tempus metalla Bythouensia plumbi cum argento intermixto feracia euauerunt, post interfectos crudeliter ab oppidanis publico consilio duos sacerdotes. Sub hoc ipsum tempus Boleslaus Dux Suidnicensium & Iauorensium mortuus, Carolum Imperatorem, & Regem Bohemorum affinem suum ex pacto hæredem reliquit. Ita tunc Silesiæ quod reliquum fuerat, Bohemiæ regno adiectum est.

Porro anno Christi millesimo trecentesimo septuagesimo, cum hyemem Cracouiæ Casimirus exegisset, vere appropinquante in maiorem Poloniam profectus, per æstatem ibi commoratus est. Deinde autumno inde discedens in Sandomiriensi tractu, & in Russia venationibus hybernæ tempus dare decreuerat: iamque Prædboriam peruenerat, cum eum grauis casus afflixit. Forte enim ad sextum idus Septembris venatum in proximas sylvas frustra dissuadentibus nonnullis profectus erat: vbi cum cupidius ceruum fugientem impedito loco, & inter vepres persequitur, labente magno cum impetu equo, quo vehabatur, vehementer homo senex & carnosus conquassatus est, ita ut febre exagitaretur. Relatus autem Prædboriam, & cito Medicorum opere releuatus, Sandomiriam contendit. Vbi cum spretis Medicorum præscriptis intemperantius viueret, & pyris, malisque, ac cæteris fructibus, quos locus ille producit eximios, sese ingurgitaret, balneisque nimium vteretur, in febrem recidit. Neque tamen tam acris ea fuit, quin rheda vehi posset, Medicis Cracouiæ proficisci suadentibus, quod ibi faciliorem esse medicamentum dicerent. Itaque Sandomiria Chrobranos profectus, cum ex agitatione itineris grauiore æstu virgeretur, frigidam præter medicorum sententiam bibit, atque inde maiores flammæ concepit. Quibus Medicorum arte mitigatis, lætica in Copriunicense monasterium delatus succollentibus aulicis, octo dies ibi quieuit: releuatusque aliquantulum, iter institutum profectus est.

est. Officium autē cum alterius de medicis Matthæi permissu mulsam bibisset, rursum deterius habere cœpit: sed tamen Corcinum, atque inde post aliquot dies pridie Calendas Nouembris Cracouiam delatus languebat magis. Quærunt deinde ex medicis, num iam Cracouiam peruenissent, tacite eos admonēs promissorum, quibus ei Cracouiæ certam quodammodo sanitatē erant polliciti. Deinde eos rogat, ut vere ac libere sibi dicerent, an de vita sua desperarent; Sed iis, ut sit, bonam spem ostendantibus, nihilominus cum destituisse viribus animaduerneret, accito Episcopo Cracouiensi Floriano, ac Vladislao Duce Opoliensi sororis suæ nepote, quem Ludouicus Rex Vngarorum illis ipsis diebus ad visendum eum miserat, itemque nonnullis aliis de cœtu sacro basilicæ Cracouiensis, adhuc & aulicis ministris suis, in Christiana religione uti Christianum decet, mori se professus est, testamentumque condidit, quo multa multis cum satellitibus, tum nothis filiis suis, plurima Casimiro Pomeranorum Duci largitus est: quædam etiam Gnesnensi & Posnaniensi Basilicis: Cracouiensi vero crucem illam insignem, quam L. opoli deportarat, cum inclusa portione ligni crucis Christi. Duabus vero filiabus & tertia vxore susceptis, stragulam vestem omnem, ac dimidium aureæ, argenteæ, & gemmæ supellectilis: reliquum autem eiusdem supellectilis matris earum vxori suæ legauit. His rite peractis, sacris mysteriis de more procuratus nonis Nouembris vitā cum morte commutauit, ac tertia die post in Basilica Cracouiensi ad dextram aræ maximæ honorifice sepultus est, ubi extat eius adhuc monumentum cum imagine sculpta in marmore.

*Casimiri
Regis mors.*

Regnauit autem Casimirus annos triginta septem, vixit sexaginta: pacis quam belli artibus & operibus clarior: vnde etiam Magni cognomen solum hic inter Polonos principes, non tam virtute bellica ex victoriis meruisse videtur, quam operibus magnificis, & plurimarum arcium & oppidorum munitione, & quod omnium summorum pariter & infimorum hominum erga se beneuolentiam iisdem, quibus collegerat, virtutibus, hoc est, iustitia, facilitate, humanitate, elegantia, & clementia ad extremum retinuit. Et enim ad gloriam quidem plus valent bellicæ virtutes, præ sensu vero hominū beneuolentia lenioribus his virtutibus facilius cōparatur. Magis illas fere homines admirantur, sed has gratiores memoria prosequuntur. Tamen si bellicæ quoque gloriæ non expers fuit cum alibi, tum in Russia maxime, quam à maioribus suis amissam maiore felicitate, quam sudore recuperauit. Quidam à corporis habitu & statura Magni cognomen ei datum esse volunt. Hic inextricabiles iudiciorū laqueos refecuit: leges barbaras & iniquas, quoad tunc potuit, vel sustulit, vel correxit: ad euntibus facilis & comis: querimonias etiam infimorum benigne ac patienter audiuit: tenuiores à potentiorum vi & iniuria vindicauit, sic ut æquior plebi, quam Nobilitati esse videretur: captos ab hostibus suos promiscue redemit: ne cuiquam onerum esset, cauit: seueritate non nisi necessario usus est: Poloniam superiorum temporum bellis & aliis calamitatibus vastam & infrequentem populosiorē reddidit, & ad meliorem cultum redegit, maxime indulgentia in agrestes, ac Germanorum coloniis deducendis. Arcium vero & oppidorum in Polonia plerorumque omnium munitiones, ac templa lateritia, eius sunt opera, & monasteria itidem aliquæ quibus omnibus amplam & luculentam supellectilem ad cultum diuinum accommodatam attribuit. In summa, publica Regis huius acta & opera plerumque omnia laude digna sunt, ac eo quidem magis, quod dissimilem habuit

*Casimiri
Regis vir-
tutes & fa-
cta insi-
gnia.*

success-

successorem. Caterum domestica vita impurior fuit, in cibo potuque intemperans: in libidines vero ita proiectus, ut præter greges concubinarum Bohemam quandam Rochiczanam captus eius pulchritudine, in loco iustæ vxoris haberet, promissa ei conceptis verbis (cum aliter potiri ea non posset) fide matrimonij, interueniente Abbate Tinecensi thyra ornato, quem mulier Episcopum Cracouiensem esse credidit. Sed eam deinde, cum caluam & scabiosam esse comperisset, eiecit, & Iudææ cuiusdam Esteræ consuetudine usus est, cuius opera Iudæi magnas prærogatiuas in Polonia à Rege adepti sunt, cum nouas, tum quas ipsis olim Boleslaus Dux Calissiensis in sua ditione concesserat. Quamuis autem tam libidinosus ipse esset, tamen continentes sacerdotes singulari clementia persecutus est. Quod si industria dexteritateque etiam præditi essent, multum eis utebatur: & quamuis plebeij & obscuro loco nati essent, nobilibus eos non modo exæquabat, sed etiam anteponebat. Statura procera fuit & corpulentus, capillo denso & crispo, promissa barba, voce sonora, sed balbus aliquantulum. Per hoc tempus Cruciferi Prussici

& Liuonici mutuis populationibus ac munitionum euersionibus inter se certabant, nonnunquam etiam ad manus veniebant, & quidem Marte vario.

(••)

Finis libri tertij,

Dd 2

HISTO-

HISTORIÆ PO- LONICÆ Liber Quartus.

P R O O E M I V M.

ACTENVS à Lecho regnarunt in Polonia principes & Reges indigenæ, Venceslao Bohemo excepto, qui per modicū temporis spaciū rei Polonæ præfuit, extinctus paulo post cum filio, in quo desuit stirps Regum Bohemia, cognomine. Postea vero Casimiro Magno sine liberis masculis defuncto, ad externos Polonia regnū peruenit, utpote Ludouicum Vngarum Casimiri Regis ex sorore nepotem, & generū eius Iagellonem Lithuania Principem, cuius posteritas ad hæc tempora rem Polonam feliciter administrauit.

L V D O V I C V S V N G A R O R V M
& Polonorum Rex.

Anno Chr.
1370.



ERTIOR factus de graui morbo, ac mox, etiam de morte Casimiri Regis Ziemouitus Dux Massouiorum à Ioanne filio, quem hac de causa ministerio Regis addixerat, ilico Ploscum, Rauam, Vissegradum, Gostinum. & So. hazouiam arces in suam redegit potestatem, deditibus eas ultro præfctis, cum quod sciebant, ex pactis conuentis eas Ziemouito deberi, tum quod maneribus ac policationibus ab eo corrupti erant. In vtraque etiam Polonia, & in Russia post vulgatam mortem Regis noui quidam motus excitati sunt à finitimis. Ex alia vero parte Lubarthus Lithuanus cum Keistuto fratre & expeditis copiis Vladimirensem arcem in Volynia, posteaquam primo impetu capere non potuit, circumfedit & acceptam valido præsidio firmavit. Inde in Lublinensem ac Sandomiriensem tractum excursionem fecere iidem barbari, magnasque prædas egere, ac inter alia Lyssescense siue calui montis monasterium diripere. Cæterum Ludouicus Rex Vngarorum, quem Casimirus multo ante successorem sibi designarat, licet mox de morte auunculi certior factus esset: tamen continuit se domi, & quorsum Polonorum consilia vergerent, expectabat. Verebatur enim, ne ij mutata sententia alij regnum manderent. Erant enim superstites duæ filia: Casimiri. Erat & Casimirus Pome-

Excursio
Lithuanorum
in Poloniam.

Tania

raniz Dux nepos ex filia. Erant etiam Cuiuiensium ac Masouiorum Duces propinqui & necessarii. Matrem tamen suam Ludouicus Casimiri Regis sororem celeriter in Poloniam præmisit. Nec ita multo post venerunt ad eum Vissegradum è comitiis Polonorum oratores, Florianus Episcopus Cracouiensis, & Ioannes Strelcius Cancellarius regni, rogantes, vt primo quoque tempore in Poloniam veniret, regnumque destinatum suscipere. Audita illa legatione, aliquandiu, quid faceret, deliberauit: cunctati vero cum & Poloni orando, & Vngari proceres suadendo instarent, tandè respondit: Non satis intelligere, neque hos, quid suadeant: neque illos quid petant. E neutrorum enim re id fore, sicuti ne duobus quidem gregibus expediat vnum habere pastorem. Satis & abunde esse negocij vni populo præesse. Duas res publicas vix vlla ratione sine alterutris siue adeo vtriusque malo & incommodo ab vno administrari posse. Ita tunc Ludouicus. Sed tãdem victus precibus oratorum annuit.

Legatio Polonorum ad Ludouicum.

Venientem Proceres Poloni cum frequenti Nobilitate ad Sandeciam obuiam progressi excepere, & Cracouiam deduxere. Ibi rursus armatæ ciuitatis occursum honorifice consulatus est. De coronatione deinde noui Regis ab Archiepiscopo & maioribus Polonis scrupulus iniectus, quod ij contendeant, vt ea Gnesnæ more veteri fieret: sed Ludouicus proximorum Regum Vladislai aui & Casimiri auunculi exemplum ea in re secuturum se esse dixit. Quo responso sedatis maioribus Polonis decimo septimo die Nouembris à Iaroslao Archiepiscopo Gnesnensi in Basilica Cracouiensi diadema solenniter accepit. Nec tamen desiderium Casimiri defuncti Regis ex animis hominum euulsit Rex nouus, imo plus etiam accendit, cum non modo dissimilis esset Casimiri, sed ne adiri quidem à Polonis sine interprete posset: quin res quoque Polonicas negligere, ac parui facere videretur, ac non modo non intenderet animum ad recuperanda ea, quæ superiori tempore à Polonia auulsa erant, verum etiam enormem donationem adiiceret, qua Vladislao Duci Opoliensi Vngariæ Palatino Ostressouiensis ac Vielunensis tractum omnem, itemque Olstiniense, Crepiciensse, & Bobolicensse territoria in tractu Cracouiensi, adhuc Bresnicensse in Siradiensi ditione donauit. Exequias deinde magnificas & sumptuosas auunculo mortuo apparauit: vbi permultum argenti facti Basilicæ Cracouiensi oblatum atque donatum est, & infinita pene hominum multitudo lachrymis, planctu, & eiulatu desiderium defuncti Regis testata est: præsertim quod cum eo successione Regum suorum vetustam à Piaſto vsq; propagatam extinctam esse cerneret, regnumque ad externum Regem peruenisse, qui longe abfuturus esset. Quod cum Ludouicus animaduertisset, veritus, ne quam filiæ Casimiri nouandarum rerum occasionem Polonis darent, ablegauit eas in Vngariam & constituto ibi iudicio, perfecit, vt non ex iusta vxore natæ, atq; ex hæredes pronunciantur. Vt vero postulatis maiorum Polonorum satisfaceret, in maiorem Poloniam post paucos dies profectus est, & biduum, Gnesnæ commoratus, paratum sibi in Gnesnensi Basilica solum ascendere noluit, affirmans, neq; sibi, neque Polonis id decorum fore, vt coronationem Cracouiæ peractam quasi in dubium reuocaret. Deinde Cracouiam reuersus, cum animos Polonorum vexatione, violatione, & rapinis Vngarorum offendisset, Transalpinorum Valachorum Palatini siue principis defectione excitus, mox in Vngariam rediit, omni gubernatione Poloniæ matri Elisabethæ commissa. Quo facto,

Ludouici Regis in Poloniam aduentus.

Ludouicus coronatus Cracouiæ.

Exequiæ Casimiri Regis factæ.

Casimiri filia relegata & exhaereditata.

Elisabetha Regina ad ministratio regni commissa.

facto, cum duobus exercitibus Transalpinam Moldauiam ingressus, alterum quidem in sylvis circumuentum ab hostibus amisit, cum altero victor defectores in suam redegit potestatem: & ne tam facile ij deinceps rebellarēt, Senerinum oppidum instaurauit, præsidioq; firmavit.

Interim Elisabetha mater eius in Polonia muliebri vsa consilio iuuenes & imperitos homines in senatum allegit, compluresque bonos ac graues viros magistratibus morit, & nihili homines atque assentatores eis suffecit. Ac inter alios inprimis Prædislaus Goluchouius Palatinus Calissiensis vir moderatus ac magnanimus præfectura maioris Poloniæ motus, eique Otto Pilecius successor datus esse memoratur. Quam rem ægre tulerunt maiores Poloni, & parere Ottoni detrectabant, propterea quod nullas is habebat possessiones in maiori Polonia, atque ita contra leges præfecturam obtinebat. Sed tamen homo splendidus ac liberalis, vt quemque de Nobilitate factiosum, & sibi maxime aduersarium esse nouerat, ita os eius comitate ac munificentia sua primum obstruxit: sic aliquanto patientius deinde imperium eius ferri coeptum. Sed cum ora illa Poloniæ finitimorum latrocinii infestaretur, neq; Otto domesticis opibus, quas ibi nullas habebat, compescere ea posset, & Nobilitas vulgo eius odio militiam detrectaret, cessit inuidiæ, & præfectura se abdicauit. Cui Sendiuuius Subinius indigena successor datus est. Neque is tamen satis prædonum vim & furta coercuit. Pestilens hic, itemque sequens annus Polonis fuit. Prodigium etiam insigne Posnaniæ accidit: Basilica enim cum adhærente sibi turre dextra de coelo tacta est, ita vt perrupto culmine & angulo turris, parua fissura facta in fornice, in facellum regium fulmen penetraret, ac cæteris rebus intactis, solas Præmisli Regis & Rixæ vxoris eius imagines confringeret.

Ziemouitus diris deuotus, quod non coereret bonorum ecclesiasticorum inuasores.

Insequens annus nil fere memorabile habet, præter quædam de Iaroslao Archiepiscopo, nêpe quod is Ziemouitum Masouiæ Ducem ecclesiastico interdicto perculit, eoque ad egræ, vt duorum pagorum donatione ipsi satisfaceret, pro eo, quod bona eius ecclesiastica in Masouia iubente vel certe conuiuente Ziemouito latrocinio infestata ac vexata sunt. Nec multo post senio confectus & oculis captus Iaroslauus, cum supra triginta annos Archiepiscopus fuisset, Nicolao Cossutouio Præposito Gnesnensi propinquo suo Archiepiscopatum concedere statuerat. Sed cum is improuide sine regia commendatione & Collegij Gnesnensis consensu Auinionē ad Gregorium vndecimum Pontificē ea de re se contulisset, infecto negotio inanis rediit. Neque tamen Iaroslauus dimittendæ Archiepiscopatû cogitationem deposuit, sed Ioannem Strelcium cognomēto Suchyuilcum sororis filium sibi successorē legit: verum is quoq; plusculum negocij in conficienda re habuit, palam commendante, & clam impediante eius causam Ludouico apud Pontificem. Ad extremum tamen noua Regis commendatione & collegij approbatione adiutus, voti compos factus est. Iaroslauus vero Pomeranicis & Opatouienfibus possessionibus ac decimis in ora Calissiensis indulgentia Pontificis ad vsum suum retētis, in Landense monasterium secessit, ac biennium fere ibi exegit. Deinde pertæsus monasterij Calissiam commigravit, vbi intra vertetē annum vita excessit. Permultum hic Archiepiscopatû amplificauit, & ornauit. Nam Louicium, Opatouicum, Vnecouiam, & Camenum arces cōdidit: aulas quoq; Archiepiscopales, Gnesnæ, Lenciciæ, Velum, & Calissia construxit. Louicienses redditus primus ita auxit, vt cum antea census duas marcas nō ex-

Iaroslauus Archiepiscopus abdicat se Archiepiscopatu.

Iaroslauus meritor.

cede-

cederet, tunc ad octingentas perueniret. *Ædificauit etiam templa Gnesnæ, Calissæ, Cuielouiz, Opatoueci, & Vneouiz, vbi etiam collegium sacerdotum instituit, ac monasterium Benedictinis condidit, ac Tinecensis Abbatis iurisdictioni id subdidit. Memorabile de eo illud refertur, quod cum iuuenis adhuc Bononiensis Academiae Rector esset, autoritate sua Bononia transtulerit Academiam propter Anglum quendam scholasticum à magistratu vrbs capite plexum, nec prius eam restituit, donec pro cæde Angli satisfactum est. Pertur autem mandasse moriens idem Iaroslauus, vt cadaver suum non ostio, sed pertuso pariete in Basilicam sepeliendum inferretur, quod non rite, neq; ordine Archiepiscopum se factum esse diceret.*

Per hoc tēpus Ludouicus Rex cum Carolo Imperatore in gratiam rediit, ac filiam suam natu maiorem Mariam filio eius Sigismundo quarta vxore suscepit, paruulo etiam num dēpondit, & in aula sua ipsum educauit. Cū enim duas filias, duoq; regna haberet Ludouicus, vtrique filia viuens cupiebat, pspicere, ita vt altera apud Vngaros regnaret, apud Polonos altera. Ac apud Vngaros quidē iam vni prospexisse videbatur: de altera autē sollicito, fortuna siue consilium talē occasionem obtulit. Poscebat is Polonos vctigal, q; regium & Poradline, quasi rastrale, dicitur, duodenos grossos latos, & singulos modios filiginis & auenæ in mansos, quemadmodū antiquitus pēdi solitum erat. Negabāt proceres sacri pariter & politici ordinis, quod ab eo Poloniam immunem factā esse liberalitate Casimiri dicerent: ille vero admonitus à nonnullis promissam modo, nō etiam datā esse à Casimiro immunitatē illam arguebat, cum, quoad vixerit, id vctigal solatū sit. Tandē eo rem deduxit per internuncios, vt, si alterutram de filiabus suis regnare deinceps apud se Poloni iussuros se esse reciperent, binos tantū grossos quotannis deinceps in mansum penderent, quibus Regem agnoscerent: à reliquis pensionibus & oneribus, quæ Regibus ac Ducibus antiquitus debebantur, cuncta Nobilitas ac subiecti homines perpetuam vacationem & immunitatem haberent, præterquam, si Rex nouam arcem conderet, aut veterem tempore belli reficeret, quam, si Rex nouam arcem conderet, aut veterem tempore belli reficeret, tunc vt Nobilitatis subditi cum regis opus facerent. Accepere conditionē Poloni. Atq; inde in hodiernum vsque tēpus manet vctigal hoc Regi: tamētī Episcopi tunc id suos agricolas pendere passi non sunt, defendētes mordicus Boleslai Pudici & Casimiri remissionem. Illa quoque in pactis fuere, ne Rex magistratum siue honorem vllum perpetuum supprimeret, ne externo cuiquam conferret, ac ne præfecturam quidem arcis cuiusquam aut oppidi, quæ iurisdictionem adiunctam habeat, imo ne indigenæ quidem illustri Ducum genere orto. Hæc ita tunc conuenere Cassouiz anno post Christum natum millesimo trecentesimo septuagesimo quarto.

Secuti sunt deinceps noui motus in Polonia, quos paulo altius repetito principio persequi placet. Ziemomyslus Vladislai Loctici frater tres filios moriens reliquit, qui sic patrimonium inter se partiti sunt, vt Præmislo Bydgostia cederet, Lesco Inouladislauia, Casimiro Gnieucouia. Ex his solus Casimirus liberos reliquit, Elisabetham & Vladislauum cognomento Album. Atque Elisabetham quidem cum Caroli Regis Vngariæ coniunx Vladislai Loctici filia educandam suscepisset, Stephano Bosnensium Regulo in matrimonium collocauit, de qua Elisabetha item filia nata est, quæ secunda Ludouici vxor fuit. Vladislauus vero cum patri & Præmislo patruo concedente Rege Casimiro successisset, causamque de vi & alieno agro vsurpato quo-

Ludouicus
R. filiam
suam Sigismundo
Caroli
imp filio
responder.

Ludouici
R. altera filia
Regina
Polonis destinata.
Polonorum
Nobilium
libertas.

Ducum
Cuiusveneris
sum pro-
pago.
Ludouici
R. secunda
uxor.
Vladislai
Ducis Cracouia acta.

*Vladislaus
fit Monachus.*

*Vladislaus
monachus
accescit
ad regnum.*

*Res novas
molitur in
Polonia.*

to quodam tempore apud eundem Regem dicere iussus esset, furore percitustemere Bydgosciam repudiavit: nec eam post vllis precibus recuperare à Casimiro potuit. Postea Gnieucouiam quoque acceptis mille florenis Regi concessit, ac peregre profectus cum permulta loca peruagatus esset, tandem Cistercium veniens monachus factus est: nec multo post mutato consilio, Diuione in Burgundia Bened. & minorum sectæ se addixit, ac complures ibi annos commoratus, sororis Casimirique Regis liberalitate sustentatus est. Cum igitur proceres quosdam de maioribus Polonis nouarum rerum cupidos pœnitentia Regis externi & absentis, muliebrisque dominationis cepisset, communicato clam inter se consilio, legationem ad acciendum Diuione Vladislaum misere, quod nemo eo propinquior Casimiro ac Vladislao Regibus agnatus viueret: ac facile is, vt erat leuis, in spem ac cupiditatem regni adipiscendi adductus est. Quoniam autem iam diaconus erat, Auinionem ad Pontificem summum obtinendæ indulgentiæ siue dispensationis causa contendit, legatis Basileæ se expectare iussis. Et quamuis nil à Pontifice impetrasset, tamen Basileam, atque inde legatorum suasu dimissis eis, in Vngariam dissimulato proposito ad affinem Regem profectus est: apud quem Reginæ propinquæ suæ, magnis precibus perfecit, vt ad Pontificem pro se legationem mitteret, quo sibi mutato ordine possessiones & principatum obtinere liceret, sed repulsam etiam tum passus, clam se cum quatuor tantum comitibus ex Vngaria subduxit, ac veniens Inouladislauiam arcem ex improviso occupauit, & oppidanos mox accitos in verba sua iurare iussit. Inde Gnieucouiam, eadem celeritate vsus, & Zlotoriam quoq; eodem die per deditiōem accepit, cum necem Præfecto sub arcem abducto minaretur, nisi ea sibi dederetur. Ita tribus arcibus vnâ die potitus, cum voluntarij multi ad eum concurrerent, sumpta maiore fiducia postero die Sarleium arcem oppugnare adortus, tertio die in potestatem suam redegit.

Hæc ad Sendiuoium Subiniam Præfectum maioris Poloniæ cum perlata essent, celeriter Ludonicum Regem de statu rerum Cuiauiensium certiores facit, simulque cum non contemnenda manu ad reprimendos Vladislai comatus contendit. Obsessa primum Inouladislauiam, cum nihil esset spei in Vladislao, deditiōem fecit. Qua re permot^o Vladislaus, simul & ab iis, qui cum eo se coniunxerant, desertus, reliquas quoque arces reddidit, promittente ei Sendiuoio clementiam ac munificentiam Regis. Qua diutius expectata cum frustraretur, ac inopia premeretur, rursus eadem, quæ prius, moliri instituit: & quo facilius Zlotoria potiretur, ad præfectum eius loci Scripinium senem ebriosum fallendum subornat piscatores, qui cum allato Torunia vino inebriarent. Eo vino somnoque sepulto ac sopito pariter & custodibus, nocte intempesta missa à Vladislao manus, scalis ad motis arcem, custodes, præfectumque cepit. Hinc rursus magnus e gentium, ære alieno oppressorum, ac facinoroso hominum concursus ad Vladislaum factus est, & cum aliquanta peditum equitumque manu Racianzum arcem Episcopi capere nixus est, sed repulsus ab iis, qui in arce erant, Gnieucouiam oppugnauit, ac fauentibus oppidanis arcem incendit, præfectumque arcis Gerhardum Sloneuium in potestatem suam redegit. Infestabat autem Vladislaus ex arce Zlotoriensi maiorem Poloniam latrocinij, vsque adeo, vt Sendiuoius solus cum maioribus Polonis eum reprimere non posset. Itaque etiam Ioannes Cmiſtha Præfectus Siradiensis cum Nobilitate Siradiensi ad restinguendum gliſcens

scens incendium profectus est, & coniunctis cum Præfecto Brestensi copiis, Vladislao apud Gnieuconiam occurrit, confertoque prælio facile eum fudit ac fugauit. Nactus autem nauiculam Vladislaus, fugiens Vistulam traiecit, & in Zlotoriensem arcem se recepit. Ac quamuis Sendiuoius præsidium militum in munitione Iaroslai Sluzeuij ad arcēdas excursionēs eius collocasset, agebat ille tamen nihilominus prædas ex vicinia. Quare maiore vi Sendiuoius contra eum bellum gerere instituit, maioribus Polonis cunctis & Cuiauiis arma sumere iussis, accitoque etiam in auxilium Casimiro Stetinenſium Duce. Ab his copiis Vladislaus in arce Zlotorienſi oppugnatus ac circumfesus aliquandiu, non modo sustinuit obsidionem, verum etiam non leuibus incommodis ac detrimentis obsidentes se afficiebat. Nocturno enim tempore expeditos milites ex arce nauigiis emittebat, qui præteruerti silentio castra obsidentium, non modo eos, qui longius è castris egressi erant, excipiebant, sed etiam extrema statiuā infestabant: quin machinis etiam quibusdam artificiosis oppugnationi intentos ex arce vulnerabant ac summoueabant. Earum vero machinarum opifices & administri erant duo molitores, quorum alter Zlotoriam Vladislao prodiderat, alter Hanco Brestensis moletrinae hæres, captus superiori tempore à Vladislao. Cum autē hic ipse Hanco exitum illius belli & obsidionis, quam diu sustineri non posse propter cōmatus penuriam videbat, secum reputaret, metuens, ne fraudi sibi esset hostes patrię inuisse, consilium cepit prodendæ arcis: sed re coniecturis quibusdam deprehensa, subiectus quæstionibus, rationem & ordinem omnem meditatae prodicionis aperuit. Quibus rebus exploratis, emisit Vladislaus Hancois generum ad hostes cum mandatis Hancois de prodicione. Latus ea re Sendiuoius, cum gloriam captæ arcis solus obtinere cuperet, Casimirum Ducem ceterosq; Proceres cōsiliū suū celauit: ipse vero intempesta nocte, quemadmodum constitutum erat, cum expedita suorum manu sine vilo strepitu ad arcem accessit, patefactaque porta, cum iam viginti sex milites immisisset, antequam ipse cū cæteris ingressus est, milites Vladislai, qui hæc superne clam obseruabant, celeriter cratem portæ impendentem deiecere: cuius pondere & clauis prominentibus insignes duo equites oppressi sunt, subitoq; illustrata ignibus arce, viginti sex illi, qui primi ingressi erant, saxis & iaculis vndique coniectis obruti sunt. Ita in insidias præcipitatus Sendiuoius tot fortibus viris amissis tristis & confusus in castra rediit. Illucescente vero die fremens ob acceptam ignominiam totis viribus arcem oppugnauit vsque ad vespem, nec tamen eam capere potuit. In ea oppugnatione Casimirus Dux Pomeranorum saxo per cassidem ictus in capite, non diu postea vixit. Postero die cum Vladislaus de retinenda arce desperasset, crematis palam ante arcem molitore ac genero eius, itemque iis, quorum opera arcem interceperat, deditionem fecit, & ad Regem in Vngariam missus decem milia florenorum ab eo pro Gnieuconienſi territorio accepit. Adhæc abbatia quadam opulenta in Vngaria donatus est: in qua aliquantisper commoratus, Diuionem reuersurus, in itinere Argentinae obiit, & Diuionem deportatus, ibi sepultus est. At illi, qui eum ad res nouandas in Polonia adiuuerunt, partim voluntarium sibi ipsi exilium indixere, partim carcere ac bonorum confiscatione damnati pœnas dedere.

Pertaxa Polonorum motuum Elisabetha Ludouici Regis mater excesserat Polonia, & per ampros reditus in Dalmatia de Venetis dudum recepta à filio

Vladislai
Dux vi-
tus.

Vladislai
Dux exi-
tus.

Elisabetha
Regina Po-
lonia abit.

filio acceperat: sed non ita multo post poenitentia ducta, indulgente eodē in Poloniam rediit. Venienti cum magno ac splēdido comitatu Proceres Poloni Cracouienses atq; Sēdomirienses apud Sandeciam gratulabundi obviam prodierunt: simulq; renunciarunt, compertum se habere ab exploratoribus suis, Lithuanos de inuadenda vastandaq; Polonia consilium iniuisse. At illa muliebri leuitate quietos & securos esse eos iussit, filium enim suum tam longis grauibuscq; manibus pręditū esse, vt ad solum nomen eius non modo Lithuani, sed & cunctę in circuitu nationes contremiscant. Haud mora, Lithuani cū valida manu ē Lithuania & Russia coacta, Ducib' Keistuto, Iagellone, Vitoldo, Lubarto, & Georgio, percurso magnis ac clandestinis itinēribus propter vastitatē Lublinensī tractū, quicquid loci in Sēdomiriensī tractū est inter Sanum & Vistulā, populabundi & vastabundi magna celeritate peruagati sunt, ita vt permulti de nobilioribus quoq; & locupletioribus vel in fuga, vel in domibus suis incauti ā barbaris opprimerētur. Itaq; permagna ea barbarorum pręda fuit, quam integram nihil vsquam hostile passi abegere. Elisabetha vero Regina, quamuis ā Proceribus de Lithuanorū excursionē admonita, delusibus & choreis, quibus mulier octogenaria nimium indulgebat, nihil utiq; remittebat, donec eam pręsentius aliud malum percussit. Vngari namq; qui cum Regina venerant, domestica cōsuetudine fœnum atq; auenam, cum Cracouiā siue ad mercatum, siue ad priuatū cuiusquam vsum importaretur, passim diripiebant. Id Prędborius Brezcius nobilis adolescens, ne ipse quoque pateretur, familiam suam armatam ante domū suam, quę ad portam vrbis Casimiriensē sita erat, obseruare iussit: ibi cum Vngari in fœnum, quod aduehebatur, impetum facerent, Prędborij vero ministri prohiberēt, iurgium atq; pręlium inter Vngaros ac Polonos ortū est. Quod cum concursu vtrinq; suis opem ferentibus atrocius fieret, missus ā Regina ad sedandum tumultū Ioannes Cmitha Pręfectus Cracouiensis, sagitta Vngarica in turba colloictus, ex equo decidens expirauit. Ibi familiares eius dolore propefurentes, factō vndique concursu in Vngaros coorti, magnā cædem fecere, non eorum tantum, qui se in tumultu illo obtulerant, sed eorum quoque, qui in hospitiiis & diuersoriis inuenti sunt. Cētum & sexaginta Vngari eo die trucidati feruntur: atque ij modo salui fuerunt, qui in arcem efugere potuerunt. Triduo deinde arx clausa, & ab armatis obsessa fuit. Annus, quo hæc acta sunt, fuit post Christū natum millesimus trecētesimus septuagesimus sextus. Elisabetha igitur paruo interiecto tempore mœsta in Vngariam reuersa est, Petro Cmithę Ioannis filio in solatium necis paternę pręfecto Lenciciensibus dato.

*Excursio
Lithuanorum
in Poloniam.*

*Vngarorum
violētia
& rapacitas.*

*Vngarorum
caedes Craconia.*

*Bellum
Russicum.*

Sequenti anno Ludouicus nouos pręfectos in Polonia de sentētia matris instituit, & excursionibus Lithuanorum in Poloniam, & Belsensium Ducis defectione motus, bellū contra eos parabat, indicta toti Polonię expeditione. Omnibus itaq; ad Sēdomiriā cōuenire iussis, ipse cum non cōtemnenda Vngarorū manu transmissō Carpatho, per Sanocum recta Sēdomiriā profectus est. Vbi cōuentu habito, recensitisq; copiis, cū abundaret viribus & multitudine: partem exercitus cum Sēdiuoiō ad recipiendam Chelmam misit: ipse vero cum reliquo ad Belsum castra mouit. Ac Sēdiuoius quidē intra octauum diem Chelma potit⁹, Graboueciam quoq; Grodlū, & Seuolussum munitiones cepit: deinde ad Regē Belsum adhuc obsidentē reuertit, erat enim arx ea natura loci permunita. Itaq; fame Rex præsidiarios ad deditionem

tionem cōpellere decreuerat, nisi Keistutus Dux Lithuanorū ex hoste pacificator factus, ad castra Regis veniens, pacē certis legibus impetrasset. Quibus expletis, Ludouicus Rex Georgij blāditiis ac polycitationibus delinitus, non modo Belsum ei reddidit, sed etiam Lubassouiam & centū marcas annuas in stipēdium ē salinis Bochnēsis adiecit, accepto ab eo iureiurādo, quod in fide atq; clientela Polonoū semper futurus esset. Fortassis autē & illud adiumento fuit Georgio ac Lithuanis, q̄ orto inter Vngaros ac Polonos iurgio, ac Petro Szuffranecio in faciem ab Vngaro quoque iam vulnerato, ad seditionē & cedem mutuam res spectare cōeperat. Itaq; Petri quidem dolorem Rex donato ei territorio cum arce Pieskouaskala mitigauit: exercitū vero, ne quod maius malum irritatis vtrinq; animis excitaretur, statim dimisit. Cum autem Regi fertile solum Russiæ placuisset, missa Auinionem ad Gregorium vndecimū Pontificem Maximum legatione, effecit, vt dux ibi cathedræ episcopales, nimirum Præmislæ ac Vladimiriæ, Haliciæ vero Archiepiscopalis, quæ postea Leopolum translata est, episcopatu Cameneciam translato, instituere-
Georgius Dux Russo- rum Regi se & Belzum dedit.
Iurgium inter Polonos & Vngaros.
Episcopa in Russiā condita.
Ludouicus R Vngaris Russiam attribuit.
Vladislaus Dux Russiæ.

Quo facilius igitur Ludouicus id, quod cogitabat, perficeret, dedit Vladislao Dobrinensem ditionē, ac Bydgosliensem; itq; Inouladislauiam, Gnieucouiam, Zlotoriam, & Sarleium, quæ à Vladislao Albo Duce redemerat. Et ea quidem lege hæc ei dedit, vt sacramēto adactus in clientela Regum Polonorum semper esset, & ad solos masculos hæredes ea transmitteret. Russicas autem præfecturas ab eo recepit, & Vngaris eas attribuit.

Suspecta & molesta ea res de Russiā Polonis fuit: sed mussantur fere Principum iniuriæ. Nec sane tunc in prōptu erat, quid ea re facerent absente Rege, aut quo malo voluntati eius refragarentur: quin alia magis præsentia mala eos à sensu illius, quod in diem differebatur, auertebant. Increbuerant latrocinia: creuerat audacia perditorum hominum: debilior prædæ erat potē-
Vladislaus Opoliensis Dux gubernator Polonia.
Conuentus Vislicie & Gnesna.
Legatio Polonorum ad Regem.

*Synodus
Calissis.*

*Crucifero-
rum cū Li-
thuanis
bellum.*

*Bombarda
inuenta.*

*Elisabetha
senior Regi-
na obiit.*

*Polonorum
comitia
Buda.*

*Triumui-
ri in Polonia.*

Interim autem dum hæc ita fiunt, vectigal, rastrale superius appellatum, & quod ad duos grossos à Ludouico redactum est, dimidium ei⁹, quod antiquitus pendebatur, iussu Regis ab ecclesiasticorū agrorum cultoribus exigī cœptū est, hoc est, seni grossi, & singuli modij filiginis & auenæ in māfos: negantibus exactoribus regiis, gratiam illam, quæ Nobilitati facta sit, etiam ecclesiastico ordini factam esse. Quocirca Ioannes Archiepiscopus Gnesnensis synodū Calissiam cōuocauit, vnde legati, in Vngariam missi Florianus Episcopus Cracouiensis, ac Dobrogosius Decanus, impetrarunt, vt eodē iure, quod ad illud vectigal attinet, cum Nobilitatis bonis ecclesiarum bona censerentur. Hæc vsq; ad annū Christi millesimum trecentesium septuagesimū octauum octo annis regnāte Ludouico in Polonia acta sunt. Per quod tēpus Lithuani & Cruciferi mutuis se excursionibus & cladibus vehementer afflixerūt: & Carolus Imperator extremo anni tempore vitam cum morte commutauit, relicto sibi filio natū maiore Vēceslao successore cū in Bohemia, tū in Germania. Hoc eodem autē anno & sequētib; aliquot non vsquequaq; tranquille res fuerunt in maiori Polonia. Quamquam publico consilio nullū bellū gestū est, sed priuatis consiliis ac latrociniis propemodū à Polonis finitimi populi, tū ab illis Poloni infestati, & vis vi vitro citroq; propulsata est.

Per hoc tempus circa annum Christi millesimū trecentesium octuagesimū machinam æneam, quam à sono terribili bōbardam vocant, certissimo vitæ ac virtutis humanæ exitio Germanus homo apud Venetos excogitauit. Insequens annus Elisabethæ senioris Reginæ matris Ludouici Regis, & Ziemouiti Masouiorum Ducis morte insignis est. Ac Ziemouirus quidem moriens duos filios Ioannem & Ziemouitum è priore vxore Nicolai Opauiensium Ducis filiz susceptos heredes reliquit: ex altero autē matrimonio Zambicensium Ducis filiz Henricum & duas filias suscepit. Cæterum Ludouicus Rex matre defuncta, cum assiduis Polonorū querelis fatigaretur, vt Reipublicæ Polonæ constituendæ, iudiciorumq; aliquam rationē iniret: Budam eis cōmitia indixit ad medium quadagesimæ. Erat res noua, multa; secum ferebat incommoda: frequentes tamen eo proceres profecti sunt, frequentiores multi, quos priuata iniuriæ factaq; spes iudicij regij excitarat. Multa ibi variaq; de administratione Reipublicæ, absente Rege, ac de summa iudiciorum iactata. Ad extremum de sententia Regis paucis approbantibus summa rerum Polonicarum iudiciorumq; tribus, nempe Zauissæ Cuiosuanio Episcopo Cracouiensi, qui non ita pridem Floriano mortuo successerat, & Dobeslao Castellano Cracouiensi Zauissæ fratri, & Sēdiuioio Subinio Palatino Calissiensis, & præfecto Cracouiensi mandata. Iudicia vero ibi nulla exercuit Ludouicus, sed ad vicarios illos suos siue triumuiros reiecit. Ad hæc fecit potestatem Episcopo omnium magistratuum & honorum, quicunq; vacaturi essent, (exceptis Castellania & Palatinatu Cracouiensi) in Polonia conferendorum. Ita conuentus ille solutus est, & calamitosi homines spe iuris sui obtinendi frustrati, mœsti domos reuertere. Triumuiro vero illi in Poloniam reuersi, audierunt quidem compluribus in locis magno hominum concursu querimonias, sed nusquam ius dixerunt, omnibus Calissiam se sequi iussis, q̃ eo Zauissam Episcopū, sine quo iudicare nolēbant, venturum esse sperabāt. Nat̃ is profectus nō erat cum cæteris, sed Archidiaconū Cracouiensem Cancellarium suum pro se miserat. Quo responso accepto, omnis illa querētium multitudo maledictis incessens Regem atque triumuiros, dilapsa est.

Vexata sunt eo anno in Polonia nonnullis in locis bona ecclesiastica. Nam Vladislaus quidē Dux Opoliensium vetuit in Dobrinēsi tractu decimas dari Episcopo Plocēsi. Insuper de agricolis eiusdē Episcopi quaternos & vicenos grossos in mansos exegit. Sed anathemate percussus à Dobeslao Episcopo, interueniente Archiepiscopo Gnesnense, & Episcopo Vladislauense, in arce Zlotoriensi cum eo in gratiam rediit, ac de omnibus iniuriis satisfecit. In maiore vero Polonia, cum Domaratus præfectus eius orē iussu regio expeditionem contra Bartholomæum Cosminium qui etiam Chotelius nuncupatus est, viciniam omnem latrocinii ex Odolanouia arce sua infestantē fecisset, crudeliter admodum vulgus militum in bona Gnesnensis & Lubuffensis ecclesiarum debacchatū est. Bartholomæo vero petenti pax his conditionibus data, vt Regi arcem territoriumq; omne redderet: assimationem vero eius, hoc est, decem & octo millia florenorum acciperet, deducta tamen inde ea pecunia, quæ Gallis mercatoribus, quorū merces Bartholomæus diripuerat, numerari debuit. Nec multo post Vneouia arx Archiepiscopi Gnesnensis à Bernhardo Garbouio intercepta est. Præerat ei arci Pelca Bernhardi frater, Præpositus Curelouiensis, qui inuitatus ad cōuiuium à Petrassio Malochia Præfecto Lenciciensis, rixa de venationibus quibusdā cum Castellano Lenciciensis excitata, ab eo interfectus est. Sed ne Castellanus quidē fugiens, manus ministrorum Pelcæ euasit. Cognita ergo eade fratrē Bernhardus arcem occupauit: & quo paratior esset ad sustinendam vim & obsidionem, si qua alicunde afferretur, pecudes multas macatas in arcem importauit, hominum quantum potuit in societatem adiecit, & cum his thesaurum Archiepiscopi diripuit: nec prius arcem Archiepiscopo reddidit, quam impunitatē facti simul ac thesauri direpti, Domarato Præfecto maioris Poloniae, & quibusdam aliis proceribus interuenientibus pactus est.

Insequente annum millesimum trecentesium octuagesimum secundū aliquot primorū Episcoporum, & Regis mors, subsecutiq; motus nobilē faciunt. Primū enim pridie idus Ianuarij Zauissa Episcopus Cracouiensis in prædio suo Dobrouoda, seu repētino morbo, seu de scala lapsus, cū aceruum forte ad constuprādā rusticā puellam ascenderet, (uariat enim fama) extinct⁹ est. Cuius funus cū pompa militari à patre Dobeslao & fratre Creslao Castellano Sandomiriensi elatū esset, ferūt noctu in Basilica Cracouiensi, vbi sepult⁹ est, exauditos esse strepitus & hinnitus equorū discursantium, dæmonumq; voces vociferantium: proficiscamur meretricatū. Instituit hic Episcopus in Basilica Cracouiēsi collegium quoddā sacerdotum, quos māsionarios vulgo vocāt, alioquī profanis negotiis, ac voluptatib⁹ magis, quā diuinis rebus additus. Præfuit ecclesiæ Cracouiensi annis duobus & dimidio. Successit autē ei Ioannes Radlicius Regis medicus & Cancellarius Poloniae, Ludouici Regis fauore adiut⁹. Zauissam post alterū mēsem Nicolaus Curnicius Posnaniensis Episcop⁹ secutus est, carcinomate morbo in genitalibus mēbris biennio, ac deinde febre quartana, & gutturi ac linguę exulceratione tanta, vt v. sum sermonis amitteret, afflētus & extinctus, homo garrulus & contentiosus. Et intra paucos dies quoq; Archiepiscopus Gnesnēsis decessit, vir dexterritate ingenij, prudentiaq; cōmendatior vulgo dum priuatus vixit, quam in magistratu, præcipiti iracundia, in ecclesiasticos homines dictis ac factis cōtumeliosus, nec satis acer defensor & vindex sacerdotum ac bonorum ecclesiasticorum. In agnatos plus æquo propensus.

*Episcopi
Cracouiensis
Zauissa
mors præ-
denda.*

Porro Ziemouitus Plocensis Dux cum Archiepiscopum defunctum esse vita accepisset, facta manu pagos Archiepiscopales populat⁹ est, Louiciūq; obsedit. Legato autem Gnesnensis collegij, qui à suffragiis erat Archiepiscopo, causas belli sciscitanti respondit, ad se pertinere, vt bona Archiepiscopi, quæ à maioribus suis profecta essent, obtineret, dum cathedra illa vacat. Neque tamen id se postulaturum fuisse, si Louiciam Canonicus quispiam, & nō inimicus suus Derslaus Iuenius Castellanus Gnesnensis teneret. Quo responso accepto, maturauit collegium noui Archiepiscopi electionem. Electus autem est Dobrogostius Nouiduorius, Cantor Gnesnensis, ac diaconus Cracouiensis, quo postulante soluit Ziemouitus obsidionem. Sed tamen Archiepiscopam Dobrogostius tunc adeptus nō est, aduersante ipsi Ludouico Rege, quod eum Ziemouito, vt sibi in regno Poloniæ succederet, fauere Domarati Præfecti delatione accepisset. Cum autē Dobrogostius præter sententiam Regis Romam ad Pontificem summum vna cum Nicolao Posnaniensi Episcopo designato profectus esset, Taruisij vterq; à Venetis à Ludouico Rege subornatis captus & detentus est aliquādiu. Bozenta vero regius procurator Cracouiæ ab Urbano sexto Pōtifice Archiepiscopus renunciatus est. Posnaniensis vero Episcopus Ioannes cognomento Cripidlo Boleslai Opoliensis Ducis Vladislai fratris filius, adolescens admodum factus est.

Comitia Polonorum in Scepusio. Eodem anno Ludouicus Rex cum languere se, ac sensim viribus destitutum sentiret, vt viuens adhuc resiliarū stabiliret, indixit Polonis comitia sub finē Iulij Zuolenū siue Zolium in Scepusio. Quo cum frequens Senatus cōuenisset, successores sibi designat in regno Poloniæ Mariam filiam natu maiorem cum Sigismundo spōso eius Caroli Imperatoris filio, quartumdecimū tunc annum agente. In quorū verba Proceres Poloni iussu Regis statim iurarunt. Soluta conuentu Zolienfi, profectus est Sigismundus in Poloniam cum non contemnēda Vngarorum manu ad sedādos intestinos motus, & adeundā viuentē adhuc focero possionem. Interim Ludouicus Rex teritiadecima die Septembris Tirnauiz, quo conuentum Vngaris edixerat, vitam finiuit. Quo nuncio accepto Sigismundus Posnaniā se recepit. Ludouici vero funus Albam regiam, vbi Regum Vngarorū fere sepultura est, solenni pōpa elatum est. Regnauit autē Ludouicus apud Polonos duodecim annis, apud Vngaros vno & quadraginta, vixit sex & quinquaginta. Statura fuit mediocri, prominentibus oculis & labris, capillo barbaq; crispa, sereno vultu, humeris parum incuruis. Moribus ita tēperatis fuit, vt foris bella acriter gereret, domi placabilitate ac iustitia pacē coleret: vtrobique prudentia & animi moderatione singulari erat: in contumaces seuerus, in supplices clemēs, maleficio iuxta ac beneficio superari se non patiebatur: in doctos viros fuit propensior: nā & ipse studiis bonarum literarū libenter coluit: nec fere quicquam inconsulta astrologia solitus erat aspiciari. Pietatis autē atq; religionis ita fuit obseruās, vt nō in postremis duceret, Iudeos & Cumanos falsorū Deorum cultores ad Christianam religionē adducere. Quod in Cumanis quidem assecutus est: Iudeos autē, cum neq; minis, neq; prēniis propositis illis persuadere posset, oēs proscrispsit. Plebis non minorē quam Nobilitatis cui āgessit: itaq; nōnunquam dissimilari habitu vicos & oppida perlestrauit, vt cognosceret, quid de publicanis & exactoribus, iudicibus & magistratibus suis, ac de se deniq; vulgus hominum assentandi nescium sentiret, multaue ex huiusmodi sermonibus in se suisque castigauit.

Finis libri quarti.

HISTORIÆ PO- LONICÆ Liber Quintus.

INTERREGNUM.

DIVULGATA morte Ludouici Regis, Vngari, qui Russiæ, Anno Chr. 1382. & plerasque præfecturas obtinebant, Cremeneciam, Olescum, 1383. Grodum, Lopatinum, & Rohatinum arces cum territoriis Russiæ Lithuanis suis Lubarto Lucensium Duci, magna vi auri & argenti ab eo accepta, prodidere. Atque ex eo fere tempore Lithuani præfectis à præfectis Vngariæ Volynensem oram sibi vsurpare cœperunt. In Polonia vero quum Sigismundus Marchio Rex iam esset designatus, non magna re magna facta est voluntatum mutatio. Noluit is Proceribus ac Nobilitate postulante, Domaratû à Præfectura maioris Poloniæ amouere: Quare conuentu apud Mislouiam habito, maiores Poloni mittunt legationem ad minores, vt ij conuentum secum pariter de statu Reipublicæ ac de nouo Rege apud Radomscû agere vellent. Obscundatû est, lecti de Proceribus ac Nobilitate minoris Poloniæ constituto loco cum maioribus Polonis ad vicesimum quintum diem Nouembris conuenere, eoque inclinabant plurimorum sententiæ, vt Hedvigim Ludouici natu minorem filiam Ziemouito Masouiorum Duci vxorẽ cum regno darent. Tuebantur Sigismundi partes Bozenta Archiepiscopus, ac Domaratus Præfectus maioris Poloniæ. Itaque res ad contentionem venerat. Tandem ita decretum est, vt memores pactorum cum Ludouico initiorû, & iurisiurandi sui essent, neq; progeniem Ludouici à regno Poloniæ excluderent: verum eum de genere Ludouici Regem crearent, qui in Polonia præsens per seipsum regnum administraturus esset. Quo quidem tacite Sigismundus excludebatur, qui Vngariam simul obtinere cupiebat.

Altera deinde comitia minorum Polonorû Vislicię ad sextum diem Decembris habita: quo vicissim legati maiorum Polonorum venerunt. Venit & Sigismundus Marchio cum Bozenta Archiepiscopo, & Domarato Præfecto, ne deesset causæ suæ. Aduenerant autem & à Regina Elisabetha Oratores, Stephanus Agriensis. & Ioannes Chanadiensis Episcopi, qui facta dicendi potestate, gratias egerunt Polonis, quod fidem datam Ludouico de filiabus eius seruarent: idemque deinceps vt facere pergerent, hortati sunt. Dein postularunt, ne sententiam præcipitarent, neu quem prorsus Regem sibi sumerent, donec à Regina matre de filiabus constitutum esset, vtram in Vngaria, vtram in Polonia regnare vellet.

Cupide hæc oratio à cōuentu audita est, & cum decreto Radomscësis conuentus, & cū voluntate omnium fere cōgruebat: placuitq; alia comitia Sira-
biam ad vicesimā sextam diem Februarij anni sequentis indici, nequicquam depre-

Comitia
Radomscë
de nouo Re-
ge eligendo.

Comitia
Vislicię,
ad qua Si-
gismundus
venit.
Oratores
Elisabethæ
Reginæ.

deprecante Sigismundo, qui offenderat iam Polonorum animos, tum propter Domaratum, tum quod eiici Polonos, cum cibum sumpturus esset, partiebatur, & quod sacerdotium quoddam in Polonia, repudiatis Procerū precibus, Boemo contulerat. Quocirca repulsam passus, Vislicia discedens Cracouiam diuertere voluit: sed eū Dobeslaus Curosuancius, Castellanus Cracouienſis nō intromisit. Ita acceptus à Polonis in Vngariam rediit: sumptus tamen ei de publico suppeditati sunt, quoad per Poloniam iter fecit.

*Comitia
Siradia.*

Cum vero instaret tempus præstitutum comitiis, misit Elisabetha Regina Vesprimienſem Episcopum cum aliis duobus proceribus Vngaris Siradium, qui Polonos de voluntate sua certiores facerent. Hi Regina mandato Proceres atq; Nobilitatem iurisiurandi religione, quo se Mariæ natu maiori Ludouici filix, & Sigismundo sponſo obſtrinxerant, primum soluerunt: deinde, vt regnum ad Hedwigim natu minorem decreto comitorū deferretur, postularunt: sed vt ea tamen, vbi ad proximum Paschæ in Poloniam deducta & coronata esset, triennio deinceps propter teneram & immaturam regno viroque ætatem in Vngaria apud matrem educaretur. Re in consultationem posita, variæ dictæ sunt sententiæ: & cum non contemnenda pars Senatus atque Nobilitatis ex maiore Polonia bello ciuili distenta abesset, placuit comitia ad vicesimā octauam diem Martij prorogari, & interim per legatos totius conuentus nomine de pace inter dissidentes agi. Frequentes rursus proceres atque equites Siradium ad constitutam diem cōuenere & omnium pene sententiæ in Ziemouitum Masouiorum Ducem inclinata erant, vt ei cum Hedwigis Ludouici Regis filix coniugio regnum mādaretur. Cui fauebat & Bozenta Archiepiscopus; atque ei roganti, placeret ne regnum Ziemouito mādari, magna acclamatione vniuersus conuentus assentiebatur. Sed vnus homo oratione sua mox omnium voluntates conuertit. Ioannes is Tencinius fuit Castellanus Voinicēſis, qui impetrato silentio in hanc sententiam verba fecisse dicitur: Non equidem consensum istum & iudicia vestra reprehendo, Proceres: nec à Ziemouito alieno sum animo. Sed videte, ne quam infamix labem nomini nostro Polono aspergamus. Ego, si integra ea nobis res esset, liberaque prorsus suffragia, tamen de re tanta consultantibus amplius deliberandum esse censerem. Periculosa enim est in re qualibet inconsulta festinatio: & præceps consilium fere poenitentia sequitur. Nunc vero cum mortui Regis Ludouici filix fidem nostram obſtrinxerimus, perpendite cū animis vestris diligētius, an ea præterita recte nobis Regem creare possimus. Equidem fallendi iurisiurandi nunquam vobis autor ero. Quod si quispiam est in hoc cœtu, qui religionem iurisiurandi, sanctissimum societatis humanæ vinculum, paruipendat, ab hoc mihi libere dissentire liceat. Neque enim ego ita sum institutus, vt aut homines fidem meam secutos mentiendo, aut Deum mentium inspectorem, quem volens scientque iurisiurandi testem adhibui, peierando, fallā. A vobis quoque Proceres, & à genere nostro talem mentem, seu verius amentiam Deus vt auertat, precor. Quid igitur faciemus? dicet aliquis. Ergone Rege orbi, mutuis cædibus & intestinis bellis peribimus? Procul hoc omen Deus auertat. Quid ergo? dicam, quod sentio. Differendam ego hanc de creando nouo Rege consultationem adhuc esse censeo. Adſunt hic oratores senioris Reginae, quæ mandata siue adeo postulata ad nos attulerint, non ignoratis. His igitur ita respondendum esse iudico. Non mutare vos id, quod semel cum Ludouico Rege vestro iureiurando dato

*Ioan. Tenc-
zinij ora-
tio.*

dato constituis. Liberatos autem à Sigismundi Marchionis fide, libenter in Hedwig minore natu filia Ludouici fidem seruaturus esse. Sed quod Polonia tam diu orba Rege in maximo versetur discrimine, etiam atque etiam à Regina seniore petere, vt Hedwigin filiam primo quoque tempore ad vos mittat, diadematu solenni suscepturam, & nupturam viro sibi nobisque grato, & cum eo regnum administraturam. Quod nisi illa ad proxime venturam Pentecosten desiderio nostro satisfecerit, tum demum testati, non per nos stare, quo minus pacta conuenta cum Ludouico seruentur, siue Ziemouitum, siue alium quempiam Regem creabimus. Neque enim eousque cunctantem, ne dicam, ludificantem nos Reginam expectare debemus, dū funditus interimus.

Cunctis sententia Tencinij placuit. Igitur in eam itum, ac decretum factum est: in quo illud adiectū est, vt Hedwigis adueniens, si Regina esse vellet, reciperet, se de consilio Procerum nupturam, & in Polonia cum viro māsūram, & summo studio annixuram esse, vt Vielunensem Dobrinensemque tractum, ac in Russia, quicquid Poloniæ detractum esset, recuperaret. Atque cum hoc responso oratores dimissi sunt, solutusque conuentus. Instante autem Pētecoste frequentes proceres & equites Sandeciam, qua Hedwigin Reginam designatam venturam esse sperabant, honoris illius causa profecti sunt. Sed illa ad constitutum tempus non venit, cuius moram Palatinus Calissiensis, cum mandatis Elisabethæ veniens, excusauit: quod diceret, eam cupientem votis ipsorum satisfacere, Cassouiam vsque peruenisse, inde porro commode progredi non potuisse, imbrium vi & inundatione aquarum prohibitam. Orare autem, quod sine incommodo eorum fiat, vt ipsi Cassouiam ad se veniant, & melius atque certius præsentes cum presente omnibus de rebus cōstituunt. Efficax fuit oratio Palatini: quocirca cætera multitudo domos reuersa, primores de Senatu, nempe Dobeslaus Curosuancius Castellanus, Spitco Melftinius Palatinus Cracouiensis, Ioannes Tarnouius Sēdomiriensis, Vincentius Kempius Posnaniensis, Sēdiuuius Subinius Calissiensis Palatini, ac Domaratus Castellanus Posnaniensis & prefectus maioris Poloniæ Cassouiam profecti sunt. Ibi antiquato aliquātulum decreto comitiorum Siradiensium, noua pacta cum Regina inita sunt: nimirum, vt ad tertium Idus Nouēbris (quæ dies diui Martini Episcopi memoriæ sacra est) Hedwigis in Poloniam veniret, ac de sententia amplissimi Senatus matrimonium iniret. Quod si ea postea, nullis liberis relictis, decederet, vt Maria soror cum sua posteritate ipsi in regno Polonorum succederet, vicissimque idem ius esset Hedwigi secundum Mariæ mortem in Vngaria. Ita sempiternum fœdus inter Polonos & Vngaros sancitum.

Comitiorum decretum.

Fœdus sempiternū Vngarorū cū Poloniis.

Interea Ziemouitus Masouia Dux ex actis Siradiensium comitiorū, & nō obscuris plurimorum procerum studiis in magnam spem adipiscendi regni & coniugij Hedwigis erectus, cum quingentis suis equitibus Archiepiscopo ac Bartholomæo Cosminio comitantibus Cracouiam contendit, eo cōsilio, vt Hedwigin ex Vngaria venientem, si potiri coniugio eius aliter non posset, vi raperet. Nec eius aduentus cum tam insigni comitatu latere Cracouienses ciues potuit. Quapropter in urbē intromissus non est, veritis ciuibz, ne per vim eam occuparet: sed in ædibus Prepositi diui Floriani diuertit. Nec ibi diu perstitit. Nam cum suspectum se esse Cracouiensibus intelligeret, veritus, ne qua in se eruptio ex vrbe fieret, postmodum Corcinum, quæ etiam noua ciuitas

pugnandi copiam, ditionē eius omnem crudeliter igni ferroq; vaslarūt. Cæ- *Masonia*
 rerum Ioannis fratris eius ditione abstinuere, propterea quod is quiescebat, *vastatur.*
 nec temerabat pacta cū Ludouico publice de regno inita. Peruastata Maso-
 uia Sigismundus, in Cuiauiam duxit exercitum & Brestam vndecim diebus *Sigismundus*
 obsedit. Inducię deinde semestres cum Ziemouito vsq; ad Pascha factę inter- *Cuiauiam*
 uentu Vladislai Opoliensium Ducis: à quo Domaratus, cum studium suum *infectat.*
 operamq; Sigismundo probare vellet, cum Saxonibus & Pomeranis merce-
 nariis ē Cuiauiā prędas agens, apud Inouladislauiam non leue detrimentum
 acceperat, quod per ditionem eius ipso inuito Cuiauiam infestasset.

Dum hæc ita geruntur turbanturque in Polonia, Lithuani occasione be- *Lithuani*
 ne gerendę rei nacti, Jagellone Olgerdi filio Duce Masouiam inuasere: Dro- *Masouiam*
 hicinum arcem, quam Ioannes Dux Masouiorum Keistuto Duci socero suo *vastant.*
 ciuili bello occupato, non ita multo ante vna cum Mielnico, Camenecia, &
 Surasso interuenterat, obsidione vallauere. Forte tunc aberat præfectus arcis
 Sassinus Magister curiæ; qui, vbi de periculo arcis, in qua nil ipse præsidij reli-
 querat, accepit, cum subitaria triginta hastatorum & sexaginta balistariorum
 manu accurrens, & facto cuneo per medios hostes in arcem perrumpens re-
 cept^o est à suis. Qua eius audacia Lithuani de spe potiundę arcis deiecti, abire
 parabant. Interim Russi quidam, à quibus ora illa fere habitabatur, proditio-
 nē cum eis pacti, arcē incenderunt, & per funes in stationes hostium sese de-
 miserunt. Lithuani arcem fl. grantem lumina vi oppugnarunt, ne quod spā-
 cium Polonis restinguendi incendij darent. Ita plurimi partim hausti incendio,
 partim hostilibus telis necati sunt. Præfectus vero cum paucis reliquis o-
 mani ope desperata viuus in potestatem hostium venit.

Turbauerat vero Polonorum mentes Elisabetha Regina, quod Hedui-
 gin filiam ad constitutum tempus ipsis non mittebat. Itaq; frustra expectato
 Nouembriac Decembri mense, post initium noui anni millesimi trecentesi-
 mi octuagesimi quarti Sendiuoius Subinius Palatinus Calissiensis & Præfe- *Send. Subi-*
 ctus Cracouiensis, de sententia Episcopi & aliorum procerum Cracouiensis *binus la-*
 conuentus cum nobilissimorum quorumque adolescentum comitatu ad E- *deram ad*
 lisabetham Iaderam vsq; Dalmatię profectus, statum rerum Polonicarum, *Reginam*
 & postulata Procerum diligēter exposuit: petiitq; ab ea vt quamprimū Hed- *proficisci-*
 uigim ad breuē tēpus in Poloniam mitteret, coronatam mox ipsi remissum *tur.*
 iri pollicebatur, vt cū ipsa esset, donec adollescere. Quum vero moras Elisa- *Consilia*
 betha neceret, & aliam ex alia excusationē quereret, ambiguisq; respōsis Sē- *Regina.*
 diuoiūm duceret, exacerbatu ille, iram non obscure præ se ferre, velleq; dis-
 cedere innuit. Quod vbi Regina animaduertit, verita, ne is, in cuius potesta-
 te erat Cracouia, reuersus turbas cieret, Ioannē Tarnouium Castellānū Sē-
 domiriensem ad occupandam arcem Cracouiensem misit: Sendiuoiūm autē
 discedere vetuit. Non latuit Sendiuoiūm Reginę consilium: itaq; vnum de
 comitibus fidelē circulo mittit Cracouiam, qui Tarnouij aduentum ante-
 uerteret, curaretq;, ne arx ipsi dederetur, etiam si ipse extrema pateretur. I-
 pse vero clam sese Iadera euoluens, fere intra viginti quatuor horas sexagin-
 ta milliaria bene longa (vt sunt Vngarica) crebro mutando equos emensus,
 Cracouiam lassus peruenit, & proceres de omnibus rebus certiores fecit.

Indixerāt Lelouiam comitia minores Poloni ad secundā diem Martij: sed
 adueniente Sendiuoiō, Radomscum ea transfulere, vt maiores quoq; Poloni
 ad ea propinquitate loci inuitati venirēt, & in cōmune de Republica cōsule- *Comitia*
 rent. *Radomscis.*

rent. Vbi cum multa de superbia & frustratione Elisabethæ, de sedandis dissidiis, ac de nouo Rege creando tractata essent, neq; tamen creatio noui Regis malorum finem allatura esse videretur, eo quod neque foris pacem obviolata pacta cum Ludouico inita, neque domi quietem in tantis animorum ac studiorum dissensionibus habituros se esse iudicabant, tandem placuit, vt Reginæ animum adhuc leuiore legatione pertentarent, si forte legati humilitas, quæ magnam offensionem & alienationem animorum significaret, pertinaciam Reginæ frangeret. Deinceps vero, ne quis omnino ad eam neque publice, neque priuatim proficisceretur. Statuta Reginæ dies octaua Maij, vt Hedwigim Cracouiæ tandem sisteret, si regnare eam in Polonia vellet. Nisi faceret, aliter sibi prouisuros esse. Hæc vt ita rata manerēt, iureiurando se mutuo obstringunt.

*Sigismundus
in Poloni-
am venire
prohibetur.*

Missus est itaque cum his mandatis Prædislaus Vauelius, equestri familia non illustri: qui commouit Reginam, ita, vt Sigismundum generum suum, viris, equis, armisque instructum, ad gubernandam Poloniam, tantisper dum adolescat Hedwigis, mitteret. Quod vbi apud Polonos proceres percrebuit, indignati ludibrio se esse fœminæ, eiusque & Vngarorum arbitratu sibi præfectos atque adeo dominos imponi, & Sigismundū peculiariter perosi, exercitum contrahunt, & ad Sandeciam contēdunt: inde Lubouiliam siue Liblium, quæ tunc Vngariæ ditionis erat, legationem ad Sigismundum mittunt: monent, ne se inuitis in Poloniam veniat: si secus faciat, pro hoste secum habiturum esse. Itaque repressit gradum Sigismundus: sed illud impetrauit à Polonis, vt nonnulli de primoribus ad se venirent, ac de rebus quibusdam secum constituerent. Missi Spitco Melfinius, Sendiuoius Subinius, & Ioannes Tarnouius: à quibus illud modo impetrauit Sigismundus, vt aduentus Hedwigis ad Pentecosten vsque expectaretur. Author expectandi maxime Sendiuoius fuit, quod ei Sigismundus receperat, liberaturum se esse nobiles illos adolescentes, qui post fugam ipsius Iaderæ detenti in custodia asseruabātur, qui fere propinqui erant Sendiuoij. Neque tamen præstitit promissa Sigismundus propter motus fortassis illos Vngaricos, quibus agitabatur. Interim rursus nō quiescebat maior Polonia, certatumque est mutuis viribus ac captiuitatibus inter proceres & equites. At vero Cracouienses & Sedominienses proceres ad octauum diem Maij, quemadmodum cōstituerant conuentum rursus egere apud Sandeciam, Hedwigisque aduentum præstolabantur. Sed cum ea non veniret, placebat rursus oratores mitti in Vngariam, nisi Prædislaus Vauelius dissuassisset, quod diceret, aut se mendacij, aut conuentum omnem leuitatis argutum iri, si, cum constituissent, & Reginæ denunciaissent, neminem se deinceps nec publice, nec priuatim ad eam proficisci passuros esse, nouam legationem mitterent, contemptum quē iri eam legationem. Itaq; placuit in commune, vt mittenda legatione pariter & creando Rege ad tempus adhuc superfederent.

*Majoris
Polonia
motus.*

*Conuentus
Sandecia.*

*Hedwigis in
Poloniam
aduentus.*

Sendiuoius vero Subinius, cuius animū in primis angustabat nobilium adolescentium detentio, priuatim in Vngariam profectus, perfecit tandem, vt Hedwigis in Poloniam veniret. Comitati sunt eam Demetrius tituli sancto-
ctorū quatuor coronatorum Presbyter, Cardinalis, & Archiepiscopus Strigoniensis, & Ioannes Chanadiensis Episcopus, & plures alij proceres Vngari. Ad cuius aduentus famam exciti Polonorum Proceres cum frequēti Nobilitate Cracouiā accurrere, & qui tempore aduenerant, venienti vsque
ad finem

ad fines Vngarię obuiam profecti sunt. Deducta Cracouiam honorifice cum perampla ac splendida aurea & argentea, & stragulę vestis supellectili, idibus Octobris (qui dies memorię diuę Hedwigis Lignicensis apud Polonos festus est) Regina Polonię renunciata, & à Bozenta Archiepiscopo solenni ritu inuncta & coronata est, magna omnium lætitiæ & fausta acclamatione; re- gnique amplissimi administratio tenerę puellę commissa. Lenitum erat in animis Polonorum Regis desiderium, propter suaues & liberales mores Hedwigis Reginæ, cum verecundia, modestia, prudentia, decentique suauitate coniunctos: quarum virtutum non vulgare condimentum erat, forma corporis eximia. Nec grauatim viri muliebri imperio parituri esse videbātur, nisi ad domesticas procerum dissensiones sedandas, & externorum bellorum impendentium motus, parum auctoritatis & præsidij fore in puella iudicassent. Nec satis in tuto Reginæ pudor illa ætate, illaque forma, & necessaria cum viris consuetudine sine coniugio futurus erat. Adhæc posteritati quoq; prospiciendum erat. Itaq; noua cura procerum animos incescit, de adiungendo Reginæ marito, qui regiam dignitatem, molemq; rerum maximarum re- gestu sustinere posset. Destinarat quidem Ludouicus Rex adhuc viuens generum sibi & successorem in Vngaria, siue in Polonia, Vilhelmum Austrię Ducem, quem puerum admodum in aula sua educarat, promisso ei Hedwigis filiæ matrimonio. Sed non magnopere Polonis placebat eum habere Regem, qui propter paternum principatum lōgo spacio & interiectu terrarum à Polonia distantem, longius aliquanto à regno abfuturus esset: nec multum opis princeps tenui fortuna & potentia domestica Polonię in rebus dubiis as- ferre posset.

*Hedwigis
regina
Pol. renun-
ciatur &
coronatur.*

*De Rege
marito
consultatio.*

Dum autem diutius de re tanta consultatur, commodum aduenerunt ab Iagellone magno Duce Lithuanorum Oratores Skirgello & Borissus fratres Principis, perampla munera Hedwigi Reginæ attulerunt: coniugium eius regnumque dotale Principi suo petiuerunt: multa magnaue pollicentes, quæ ad amplitudinem Reipublicę Polonię, & ad incrementum religionis Christianę pertinere videbantur. Non surdis auribus oratio illa à Proceribus Polonis audita est. Cæterum Hedwigis abhorrebat à barbari matrimo- nio. Propositæ oratoribus causæ, quamobrem non impetrarent, quibus de rebus venissent: nimirum quod Christianæ cum barbaro nuptæ esse non li- ceret, & quod pacta iam quædam cū Vilelmo Austrię Duce de matrimonio prius intercessissent, adiecta ducentorum millium florenorum pæcione, ni pactis conuentis statum esset. Ad hæc oratores responderunt. Quod ad reli- gionem Christianam attineret, Iagellonem cum cæteris fratribus Christiana matre natum, iam inde ab ineunte ætate Christiana religione imbutum, non alienum ab ea gerere animum, quamuis eius mysteriis de more initiatus non sit. Illa vero ducenta millia ipsum etiam præstaturum, ac si necesse sit, exolu- turū esse, thesaurosque suos omnes & maiorum suorum in Poloniam com- portaturum, & Lithuaniam Polonię adiuncturum, vt eodem deinceps cum ea imperio censeatur. Permovebant hæc magnopere Polonorum animos: magna videbatur fore ad amplitudinem regni Lithuanie accessio: perutile non modo pacem, verum etiam auxilium eius gentis adiungere, cuius hosti- les excursions, quibus magna pars Polonię superiori tempore ad vastitatem redacta esset, perdifficulter cohiberentur: præclarum & gloriosum nomini Polono, si eius opera Lithuania religionem Christianam susciperet. Verum

*Legatio Ia-
gellonis ad
Reginam
& Polon.
proceres.*

*Conditio-
nes futuri
matrimo-
nij.*

*Oratores
Lithuani
in Vngari-
am profe-
sti.*

*Responsum
Elisabethæ
Reginæ.*

*Polonorum
legati ad
Iagellonem.*

*Regina pa-
tæ cū Zie-
mouito.*

*Vilhelmus
Austriacus
Cracouiam
appulit.*

tamen nihil præter senioris Reginæ sententiam iis de rebus statuendum esse visum est, ad quam Hedwigis etiam pronocabat, cum aliter Procerum postulationem recte refutare non posset. Itaque missi ad Elisabetham oratores in Vngariam, optatum responsum retulere. Respondit enim eis Elisabetha: si id Poloni ex re sua publica fore existimarent, non remoraturam se esse eorum commoda, neque religionis Christianæ incrementa præcisuram. Nec multo post in Croatiam cum altera filia tendens ab Horuato Bano è medio sublata est. Hoc responsum Elisabethæ quum in Poloniam relatum esset, de vniuersi conuentus sententia (in quo tamen pauci aderant ex maiori Polonia, siue quod Ziemouito fere fauebant, siue quod intestino bello distinebantur) Lithuani oratores dimissi, & Vulodicus Ogrodonecius, & Cristinus Ostroui, itemque Petrus Szafranecius, & Hincia Roscouicius, legati ad Iagellonem cum eis missi sunt, vt eum ad coniugium Hedwigis & regnum Polonorum vocarent, si is supra memoratas condiciones accepisset, iurciurandoque suo stabilisset: vna insuper adiecta, de recuperandis iis, quæ in eum diem à iurisdictione Polonorum Regum quoquo modo exciderant. Cum Ziemouito autem transegit Regina his conditionibus, vt is munitiones in Polonia sub interregno captas redderet: ac pro iis decem millia sexagenarum Pragensium ab ipsa acciperet. Cuiusiam autem hypothecæ nomine retineret, donec ea pecunia sibi numeraretur. Captiui vtrinq; dimitterentur liberi. De iniuriis intra inducias vltro citroq; illatis & acceptis, delecti vtrinq; arbitri arbitrarentur: pactum, quod de Lécicia cum Proceribus Polonis Ziemouitus iniuerat, esset irritum: deniq; Mogilnense monasterium idem Ziemouitus recuperaret, ac redderet.

Dum hæc ita sunt, interim Vilhelmus Austriacus certior factus de statu rerum Polonicarum, ac de propensa Hedwigis Reginæ erga se voluntate, eius ipsius nutu (vt creditum est) à Gnieuossio Daleuicio Succamerario Cracouienfi (cui se illa concredebat) admonitus, ne ipse sibi deesset, cum splendido comitatu & apparatu magnisq; diuitiis Cracouiam inopinatus aduenit. Sed arcis ingressu Dobeslai Carosuanici Castellani Cracouienfis, & aliorum Procerum autoritate prohibitus in vrbe diuertit: conuenitq; cum eo identidem Hedwigis Regina in coenobio diui Francisci luce clara, aulico suo virorum ac puellarum comitatu stipata, choreisq; indulgit: & in vrbe optatis nuptiis cum eo defungi tentasset, nisi Demetrius Goraius Thesaurarius regni ei dissuasisset. Intelligens autem Vilhelmus, palam sibi Polonos Proceres aduersari, simul de aduentu Iagellonis certior factus, post aliquantam moram clam se euoluit Cracouia, depositis apud Gnieuossium thesauris, quos secum apportarat. Vnde Gnieuossius postea multas amplasque possessiones sibi comparasse existimatus est, sed quæ tamen à liberis eius deinde turpiter distractæ & dilapidatæ sunt.

V L A D I S L A V S I A G E L L O .

*Anno Clv.
1586.*

ADuentabat iam cum fratribus Iagello, & cū magno comitatu Lithuanorum: sed ei Hedwigis nupturam se non esse præ se ferebat, Vilhelmi amore capta, cui se à patre desponsam esse, eodemque lecto paruulam cum paruulo cubuisse: assueuerat. A Iagellone vero eo magis abhorrebat, quæ eum breui statura, deformem, & barbaris moribus esse accepisset. Negabant Proceres, valere id matrimonium, quod inter impuberes contractum esset. De Iagello-

gellone autem orabatur Reginam, ut maiorem Reipublicæ & religionis Christianæ propagandæ, quam suarum voluptatum rationē duceret. Vbi emollitus est muliebris animus, cum multiplici persuasione & precibus, tum legatione Zauissæ Olesnicij, qui ad contemplandam speciem moreſque Iagellonis per speciem salutandi missus, utraq; commodiora opinione in illo esse renūciarat, tum demū pauci proceres ei obuiam profecti sunt, in quibus principem locum Spitco Melstinius Palatinus Cracouiensis obtinebat. Plures eum Cracouiæ cum Regina expectarunt. Aduenit autem Cracouiā Iagello duodecima die Februarij anno Christi millesimo trecentesimo octuagesimo sexto habens in comitatu suo cum aliis Duces & proceres Lithuanos atque Russos, tum Borissum & Suidrigellonem fratres germanos, & Vitoldum patruſcem. Iam enim eum sibi à Prussia reuocatum reconciliauerat, concessio ipsi Grodnenſi dominatu, Brestia, Drohicinio, Mielnico, Bielsco, Surasso, Camenecia, & Volcouisco oppidis ac territoriis, pactus sibi fidē & obsequium eius. Adueniens in thalamo Heduigin Reginam magna cum admiratione eximia formæ eius salutauit: postridie vero per ampla ei dona cum Vitoldo, Borisso, & Suidrigellone misit. Priusquam autem cum Heduigi matrimonium iniret, vna cum fratribus & proceribus, atq; vniuerso comitatu suo (exceptis iis, qui iam apud Russos initiati erant) decimaquarta die mensis Februarij à Bozenta Archiepiscopo, & Ioanne Episcopo Cracouiensi sacro fonte ablatus, & Christianæ religioni initiatus, Vladislai nomen accepit: atque ita mox matrimonium cum Regina solenni ritu cōtraxit, Lithuaniamque omnem cum Samogitia, & ea parte Russiæ, quæ in ditione ipsius, fratrumque & patruſcium eius erat, Poloniæ iure sempiterno adiunxit, & in vnum corpus redegit, iureiurando interposito, & obsidibus datis ipso Vitoldo, Michaelē Duce Zaslauiensi, & Lubarto Duce Lucensi. Quarto autem die post inunctus ab Archiepiscopo diadema regium nouum suscepit. Nam vetus in Vngariam à Ludouico asportatum, nondum ad eam diem reportatum erat. Sequenti die in urbem solenni pompa deductus, & in foro posito solio collocatus iusiurandum à Cracouiensibus & cæteris oppidanis de more accepit. Lithuani quoque & Russi Duces atque Proceres, qui tunc aderant, in verba Regis & Reginæ iurarunt: indultumq; est postea conuiuio, choreis & lufibus complures dies.

Per hos dies Magister Crucigerorum Prussicorum Cōradus Zolner, spreta inuitatione Regis & Reginæ, quæ ad nuptias per Demetrium Goratū inuitatus erat, hostiliter in Lithuaniam vacuam tūc ducibus & militibus duplici agmine inuasit: & longe lateque eam depopulatus, Lucomliam arcem cepit, Andreamque Iagellonis fratrem, apud Russos religionem Christianam professum, quo autore & concitatore expeditionem istam susceperat, ei præfecit: cui se Polocenses quoq; dederūt. Eodem vero tempore ex composito Russorum Smolenscorum Dux Suentoslaus Lithuaniam & ipse circum Vitepscum & Orsam vexauit, Mescislauiamque oppugnavit. Hæc ubi accepit Iagello, mox Skirgellonem & Vitoldum cum Lithuanis, & cum Polonis voluntariis in Lithuaniam misit: qui festinantes, cum Crucigerorum exercitum Lithuania excessisse didicissent, Lucomliam partim trucidato, partim eiecto Andream præsidio receperunt. Inde Mescislauiam profecti, nihilo maiori negotio oēm eam oram in potestatem suam redegerūt, Suentoslaog; interempto, filium ei⁹ Georgium iurare in verba Vladislai & Skirgellonis

Iagello aduenit Cracouiā.

Baptistas nomen Vladislai accepit.

Cum Heduigi matrimonium contrahit.

Vladislai Iagello coronatur.

Cruciferi Lithuaniam vexant.

Suentoslaus Dux Smolenscorum Lithuaniam infestat.

Smolensci à Polonis & Lithuanis subacti.

nis iussu, Smolensciis præfecerunt. Poloscum quoque recuperarunt, ac de auctoribus defectionis pœnas sumpserunt. Dedit & Andreas Dux postea temeritatis suæ pœnas, toto triennio in arce Chencinenſi squalore carceris confectus.

Rex in maiorem Poloniam cū Regina se recipit. Cæterum Rex ipse Jagello, perfectis rite solennibus regni suscepti ceremoniis, ad pacandam maiorem Poloniam animum intendit: profectusque eo cum Hedwig Regina, & magno comitatu armatorum minorum Polonorum, Posnaniæ sacrum pascha peregit, & Grimaliorum atque Nalenciorum familias, capitalibus odiis inter se dissidentes, cum ducibus suis Domarato & Vincentio Palatino, in concordiam reduxit. Bona Ecclesiastica à quibuscunque per vim siue dolum occupata erant, iustis dominis restituit: Bartholomæum Cosminium, prædonicam exercentem, & venire ad se cōtumaciter & præfractę recusantem, proscripsit: Ioannem Venetium iudicem terrestrem Posnaniensis tractus, qui propter iniusta iudicia, & scelera perpetrata cruenti dæmonis cognomen meruit, confiscatione bonorum & carcere puniuit. Quum autem Gnesnam venisset Vladislaus, & comitatum siue stationem, ut vocant vulgo, à collegio eius basilicę petiisset, nec impetrasset, fertur more barbarico oppignorasse facultates adscriptitiorum ecclesiæ. Verū cum eam ob rē sacris ciuitati interdictū esset à Nicolao Strosbergo Præposito & vicario Archiepiscopi, reprehensus à Regina Vladislaus, pignora capta reddi iussit. Ibi illa suspirans: Pignora quidem reddemus inquit, agrestibus, cæterum lachrymas quis eis reddet. Sic tunc res maioris Poloniæ perturbatas admodum placide Vladislaus composuit. Autumnus totus cum æstate his rebus constitutendis datus. Hyeme & sub anni sequentis initium

Index iniustus punitur.

Vladislaus nouus Rex ingenti procerum atque equitum Polonorum caterua stipatus, vna cum Regina in Lithuaniam se contulit: Archiepiscopum Gælnensem, & multos sacerdotes, ac pios homines secum ducens. Ziemo, uitus etiam & Ioannes Masouiorum, & Conradus Olsnicęſium Duces eum comitati sunt.

Conuentus Lithuanorum.

Conuentu Vilnam indi&o ad initium quadragenarij ieiunij, cōuenerunt eo Skirgello Trocensium, Vitoldus Grodnensium, Volodimirus Kiouiensium, & Coributus Nouogrodenſium Duces, fratres Principis, & infinita equitum plebisque multitudo. Ibi de religione Christiana populariter suscipienda, ac de exterminando cultu falsorum Deorum & omni superstitione diligenter actum, ipso Rege maximam ei rei nauante operam, non solū hor-

Regis studium religionis Christianæ propaganda.

tando, ac orando, & præmiis inuitando, sed etiam docendo: quum Polonici sacerdotes linguæ imperiti essent, ipse autem Russicam callens, Polonos loquentes intelligeret. Ægre gens barbara maiorum suorum religionem relinquebat: sed cum iussu Regis sacer ignis extinctus, templum araque eius diruta, & adytum (vnde oracula à sacerdote edebantur) euerſum Vilnæ esset, necatiquē serpentes & succifi luci, quos pro diis colebant, nulla cuiusque læsione (quod præter opinionem barbarorum acciderat) tum vero barbari vanitate sua agnita alacriores ad Principem suorum religionem facti, & aliquot diebus capita religionis, quod Symbolum vocatur, & orationem Dominicam (pio Rege nullum laborem subterfugiente) cuncti, Christianis mysteriis de more initiati sunt. Sed cum immensi laboris esset, singulos sacro fonte tingere, nobilioribus tantum hic honor habitus est: reliquum vero vulgus turmatim distributū, aqua lustrali siue sacra à sacerdotibus conspersum est:

Lithuani baptizantur.

vnum.

scientibus Cruciferis reuertit, & in itinere tres arces eorum Samogitis confines, cum velut socius & amicus intromitteretur, cepit & exussit, præfectis & prædiariis militibus Cruciferorum partim cæsis, partim in seruitutem abductis, vt aliquo tamen cum munere ab hostibus ad suos rediret. Cum autem spem sibi datam à Rege diutius duci videret, consilium cepit Vilnæ per prodicionem capiendæ. Verum fraude intempestiue detecta, spe frustratus, in Prussiam, reconciliatis sibi per literas & internuncios Cruciferis, sese recepit, indeque biennio Lithuaniam cum auxiliis eorum infestauit.

Vitoldus iterum transit ad Cruciferos.

Lites & similes inter Regem & Reginam.

At in Polonia lites & similitudines inter Regem & Reginam, suspitionibus quibusdam ac susurronum delationibus excitatæ eouq; increuerant, vt nō longe essent à dissidio, ni se Primores interposuissent. Conuenit tandem, vt delatores vtrique ederentur. Editus est Gnieuossius Daleuicius Succamerarius Cracouiensis, qui optimam scēminam Heduigin Reginam clam apud maritum Regem probri insinularat, quod diceret, absente illo Vilhelmum Austriacum Cracouiam secreto venisse, & aliquot diebus cum Regina consueuisse. Qua de re satisfecit Regina Regi iureiurando: verum in Gnieuossium iudicium de infamia Vislicie in conuentu Procerum institutum est: ibique accusatus & damnatus Gnieuossius, quum non probasset, quæ dixerat: nec dixisse se negare posset, ex decreto iudicij mentitum se esse clara voce & latratu subter scamnum edito professus est. Est autē ea grauissima apud Polonos & infamie plena mendacij retractatio, quæ sit publice latratu canino adiuncto. Ita sublata omni suspicione, amor cōiugalis est inter Regem & Reginam redintegratus.

Mendacij retractatio poena apud Polonos.

Regis expectatio in Lithuania.

Fecit deinde Vladislaus Rex anno Christi millesimo trecentesimo nonagesimo expeditionem in Lithuaniam, vt gliscens inter Lithuanos & Russos studium partium dissidium reprimeret, Vitoldiq; potentiam frangeret, atque excursiones arceret: cuius iuuandi gratia Cruciferi exercitum in Germania & aliis exteris oris comparabant. Tenebantur Vitoldi prædiis arces Brestia, Camenecia Podlassensis, & Grodnum, è quibus crebræ fiebant in finitimas oras excursiones. Eas igitur arces primū Rex in ditionem & potestatem suam redigere adortus, Brestiam intra decimum diem occupauit, & Hinciam Rogouium Polonum cum præsidio ibi collocauit. Inde, cum Poloni milites impatientia frigoris (nam initio Februarij hæc agebantur) & pabuli comectusq; penuria missionem efflagitassent, cum aulico suo comitatu & paucis voluntariis ad Cameneciam castra mouit, captamque nullo negotio arcem Zindrami Mascouicij equitis Poloni fidei commendauit. Inde porro nihil paucitate suorum, ac dubia Lithuanorum ac Russorum fide deterritus, transmissio Nemeni fl. ad Grodnum castrametatus est. Ibi conuenere ad eum Skirgellonis, Volodimiri, & aliorum Lithuanorum ac Russorum Ducum, ac Procerum non contemnendæ copiæ. Coributhus vero Nouogrodensium Seuerianorum Dux, cum Russis de religione sentiens, pro se ipse cū insigni equitatu in castra Regis fratris venit. His copiis Grodnum, cum non facile vi caperetur, obsessum est. Non latebant hæc Vitoldum, nec ignorabat is, Grodnenfes diuturnam obsidionem ferre non posse. Protinus igitur cum non parua Cruciferorum manu in auxilium suis aduenit, ac cis Nemenum è regione arcis castris positus, nouam arcem in aggesto ex terra tumulo munire instituit. Verum nihil ea re obsessi releuabantur. Etiam inferior arx inspectante ipso expugnata erat. Igitur intermisso cœpto opere, Vitoldus fer-

Vitoldus cum Cruciferis.

ream catenam nauibus deuectam per flumen ad arcem deligauit, eaque continuatis nauibus in flumine pontē iunxit, quo facilius laborantibus suis subueniret. Contra id opus regij milites ingētes pinus siue pinaestros in ripa succisas, & in amnem deiectas secundo flumine implerunt, quæ impetu rapidi amnis celiter delatæ catenam pertruxerunt, nauesque nonnullas cum hominibus obluuantibus attriuerunt ac demerferunt. Ex quibus vnus quispiam Germanus in vltiorem ripam ad regis castra, frustra in clamantibus suis, vt in vndis periret potius, quam in hostium potestatem veniret, enatauit. De quo rerum hostilium status omnis cognitus est. Insequenti autem nocte Vitoldus cum suis desperata defensione arcis fugienti similis discessit, & arx post quinquagesimum obsidionis diem in ditionem Regis venit. Nec sane multo leuior ea obsidio obsidentibus, quam obsessis fuit. Tanta enim commeatus pabulique penuria pressi sunt, vt vix ater panis (quali etiamnum vulgus Lithuanorum fere vititur) militibus ad vescendum suppeteret: equis vero frondes arborum, ac vetus palea de rusticanis tuguriis detracta, ac per quatuordecim miliaria petita pabuli loco esset. Ab ea Grodni deditione Vladislaus Rex in maiorem Poloniam profectus est, in qua Varsislaus Polimeranorum Dux ritu ceremoniaeque solenni iureiurando praestito in fidem & clientelam regni, ac in societatem contra Cruciferos à Rege receptus est.

Rex in maiorem Poloniam profectus est.

Interea vero, dum Rex expeditione Lithuanica occupatus fuit, fertur Hedwigis Regina alterum de Polonis exercitum comparasse, & Iaroslauiam, Præmisliam, Grodecum, Haliciam, Trebouliam, superiorem Leopolim, & alias quasdam arcas in Russia meridionali in potestatem suam redeigisse, eicctis Silesiis & Vngaris, quorum fidei arcas illæ à Ludouico Rege olim commendatæ erant. Maturescentibus autem segetibus, cum Lancaster Heinrichi Regis Anglorum filius cum permagna Anglorum, Francorum, Germanorumque voluntariorum manu in Prussiam præ contra barbaros militiæ opinionione venisset, triplici agmine in Lithuaniam itum est, Vitoldi vindicandi restituendique prætextu, reuera autem, vt Lithuaniam sibi Cruciferi subiugarent. Ducebat autem vnum agmen Vitoldus, alterum Magister Cruciferosum Liouoniæ, tertium ipse dux belli Cōradus Valerodus Magister Prussie. Ad Caunam igitur initio eæ copiarū conuenere, inde ad Trocos peruentum, & mox ad ipsam Vilnam castra mota. Ibi regij hosti aduentati, occurrere, commissoque prælio terga dedere, multis fortibus viris amissis. Deinde arx Vilnensis inferior, quam Curuam vocant, vixdum obfessa à proditoribus Russis & Lithuanis successa est. Ex quo incendio cum sese Corigello frater Regis subduceret, ab hostibus exceptus, & capite plexus est. Cætera multitudo omnis in ea arce partim absumpta incendio, partim ferro hostili crudeliter cæsa. Ad quatuordecim millia hominum ibi perisse existimantur. Superiorem arcem Poloni cum Moscorouio præfecto tenebant, nec aut clade suorum, & conflagatione arcis inferioris, aut minis hostium & ostentatione capitis Corigellonis, ac ne acerrima quidē oppugnatione, qua pars muri non exigua deiecta erat, ad deditionem cōpelli poterant. Veriti autem proditionem ipsi inter se custodias, ac cætera defendendæ arcis munia, submotis Russis ac Lithuanis, partiti sunt. Loca deiecti muri vel humo fimoque opplebāt, vel coriis iumentoque laxè prætendebant, & sic iactus hōbardarum eludebāt. Skirgello quoque Re-

Cruciferi Lithuanis bellum inferunt.

Lithuanis Cruciferis fusi.

Strages Lithuanorum.

gis frater noctu fere cum suis Lithuanis & Russis erumpens, non paruis detrimentis & cladibus hostes afficiebat. Cum autem plus minus tres menses arx irritò labore obsessa & oppugnata esset, primis demum Octobris diebus hostes magna non modo profanarum, sed & sacrarum ædium vallitate, & inermium hominum infantumque eade perpetrata, ab obsidione discessere. Non paucos tamē & ipsi fortes viros in ea obsidione desiderauere. De Ducibus autem hinc Narimūduş Jagellonis, illinc Totiuilus Vitoldi frater perieret: hic quidem tormēto ex arce ictus, ille vero in singulari certamine victus, captus, & pedibus ex vlmo iussu Vitoldi suspensus, & sagittariorum spiculis confectus. Depopulatus est deinde finitimam Prussiæ Samogitiam Vitoldus cum Commēdatore Ragnetenſi & præfecto Insterburgenſi, quibus hoc negocij datum erat à Magistro. Quare Vladislaus Rex opem laturus afflictæ patriæ, mense Nouembri magnis comitatus copiis, commeatuque copioso in Lithuaniam venit, & nutantes Russorum ac Lithuanorum animos liberalitate & largitione maxime lanearum vestium confirmauit. Nec tamen ibi diu moratus subministrato opportuno commeatu, Ioanneque Olesnicio in Nicolai Moscorouij locū suffecto, in Poloniam est reuersus, cum nullo modo Moscorouium in ea præfectura diutius retinere potuisset: qui partim Skirgellonis, quæ postea Rex Kioiensi oræ præfecit, superbia offensus, partim ob hostium potentiam, partim ob fluxam incolarum fidem aliquid laude dignum se præstare non posse ratus magnopere se excusabat. Drohicinensem vero tractum cum Drohicino, Mielnico, & Bielsco arcibus Ioanni seniori Duci Masouiæ hereditario iure donauit, pactus, vt is tractus, sicut ad Poloniam pertinebat, ita deinceps quoque pertineret. Idem autem eius nomine Dux Regi præstaret, quod alij Duces in Lithuania præstant. Hyeme postea Rex in Poloniam reuertit, ac milites in supplementum commeatum atq; arma Olesnicio in Lithuaniam transmisit.

*Vladislaus
expeditio
in Lithuaniam.*

*Vitoldus
rursus ad
Vilnam
ducit exercitum.*

Æstate sequenti rursus Vitoldus cum Cruciferis ad Vilnam duxit exercitum, spe proditiōis ab iis, quibus exosus erat Skirgello (quem inde amotū esse nondum cognouerant) faciendæ inductus. Cognito vero aduentu hostium, Olesnicius oppidum, ne receptaculo esset hostibus, cremauit, septisque de viridi robore pluribus in locis extructis, aditum ad arces impediuit, & in venientes hostes ad ædem diuæ virginis intra mœnia vi bis impetum fecit. Animaduersa Polonorum audacia, desperataque ob amotum Skirgellonem proditiōe, Vitoldus & Cruciferi paucis diebus soluerunt obsidionem, & ne nihil egisse viderentur, reuertentes Vilcomiriam & Nouogrodecum castris supra Vilnam fl. vi cepere & incendere, interfecit Polonorum præfidiis. Duabus deinde aliis excursionibus eadem æstate Lithuaniam populati Mednicos & Velzanos in Samogitia exussere. Hyeme vero ad Caunam quæ regio præsidio tenebatur, profecti tres munitiones in circuitu excitarunt, Naugardum Metemburgum, & Rirteruerderum, ex quibus subiectam oram infestarūt. Porro Olesnicius, vt hostium conatus reprimeret, Alexandrum Viguntum Regis fratrem cum expeditis copiis ad expugnandas eas munitiones misit. Ceperat iam Vladislaum Regem eius belli satietas propter Polonicas occupationes, quibus distinebatur, & magnitudinem sumptuum. Cogebatur enim per omne id bellum frumento, leguminibus, & pecudibus submittendis non modo præfidiariorum, sed & totius gentis inopiam releuare, ne regio hostilibus excursionibus peruaſtata, & aliqui inculta tunc fere atq; ster-

*Comenſus
Lithuanis
ſuppedita-
uit à Polo-
nia.*

sterilis defereretur, & ab hostibus occupanda permitteretur. Itaque Henricum Ziemoiiti Masouij filium, qui Plocensis Episcopus post Sciborij mortē designat^o erat, subornat, vt ad Vitoldum profectus clam de pace ageret. Sublatus erat veneno per eos dies Alexander Viguntus Regis frater, qui propter industriam ac dexteritatem in rebus agendis Regi charus fuerat. De cuius morte Vitoldus vulgo infimulatus est. Hoc igitur sine liberis extincto, facilius de pace inter Regem & Vitoldum conuenit, cum Rex ei magnum Ducatū posthabitis fratribus germanis superstitibus, pollicitus esset, cum quod illos ignauos, & venationibus modo ebrietatique deditos esse cerneret, tum vt semolestia belli Lithuanici & metu insidiarum Vitoldi liberaret. Hac igitur conditione Henricus Vitoldum Vladislao reconciliauit, & ipse iam hypodiaconus repudiato sacerdotio filiam Vitoldi Ringalam vxorem duxit. Sed paucis diebus veneno extinctus, temerati voti pœnas dedit.

*Vitoldus
Regi reconciliatus.*

Vitoldus autem rebus suis cum Vladislao Rege ex animi sententia compositis, Cruciferos & Germanos mercatores in Ritterv vertero castello secū commorantes comprehendit, & incenso castello victos in Lithuaniam abduxit. Veniens Vilnam Vitoldus cum captiuis, & non contemnenda praeda parca de Cruciferis honorifice ab Olesnicio acceptus est. Quibus de rebus certior factus Rex ad finem mensis Iulij propere in Lithuaniam profectus, apud Ostrouum Vitoldum cum suo comitatu supplicem obuiam habuit, & clementer cum cōsolatus, cum Skirgellone in gratiam reduxit. Vbi Vilnam

*Redit in
Lithuaniam.*

Rex in Lithuaniam se confert.

uentum est, ibi Rex Vitoldum amoto de præfectura Olesnicio, summæ rerum apud Lithuanos ac Russos præfecit, accepto ab eo iureiurando, quod in fide & clientela Polonorum semper futurus esset. Id anno Christi millesimo trecentesimo nonagesimo secundo actum est. Nec tamen concessus Vitoldo principatus pacem Lithuanis attulit. Nam Suidrigello & Skirgello indigne

*Vitoldus
M. D. Lithuaniam creatus.*

tulerunt, quod germani fratres Vitoldo patrueli à Rege posthabiti essent. Ac Suidrigello quidem cum minus animi & virium haberet, ad Cruciferos profugit, ac Lithuaniam cum eis vltro in Vitoldum incitatis, crebris populationibus diuexauit. Skirgello vero maiore animo & opibus præditus, ex emulatione & iurgiis ad testatas cum Vitoldo inimicitias venit. Quorum malorum sedandorum causa Rex rursus cum Regina anno sequenti in Lithuaniam se contulit, Skirgellonem, adiecto ei Cremenecensi, Starodubensi, & Starotrocensi tractu, placauit. In posterum si quid noui dissidij inter eos ortum esset, conuenit, vt Reginae arbitrio staretur. Ita rebus cōstitutis Lithuanicis Rex & Regina in Poloniam reuertere. Per hoc tempus Cruciferi incitante Suidrigellone Lithuaniam crebris excursionibus longe lateque vexa-

*Suidrigello
ad Cruciferos profugit.*

*Skirgelli
cum Vitoldo inimicitia.*

runt, munitiones etiam nonnullas ceperunt, & caput gentis Vilnam tentarunt, spe subornatæ per Russos monachos prodicionis. Sed cum ab vno ex ipsis detecta esset proditio, sumptumque de conscis supplicium, Cruciferi re infecta recesserunt.

Lithuaniam à Cruciferis vexata.

Dum hæc ita aguntur in Lithuania, interea Rex & Regina studiis pacis occupati, muros arcis Cracouiensis, qui humiles ad eam diem fuerant, altius excitauit, præfectis vigilum, quos Burggrabios vocant, stipendia auxerunt, & vt singulos equites sagittarios in promptu semper haberent, innoxerunt. In suburbano etiam Cracouiensi septentrionali, & in ora Clepardie oppidi monasterium tituli S. crucis inchoarunt, & in eo Slavos Benedictinæ sectæ Praga accitos, qui Slauica lingua sacris operarentur, collocarunt. Verum

Arx Cracouiensis firmata.

morte Reginæ intermissum, consummatum non est. Aliud iidem monasterium in eodem suburbano occiduo, titulo sanctæ Mariæ in arena Carmelitis sodalibus mendicantibus condiderunt. Psalterum quoque siue Psalteristarum collegium in Basilica Cracouiensi iidem instituere, attributo eis de salinis solario.

*Sigismundus
Rex Vn-
gar venit
in Polo-
niam.*

*Bellum cũ
Duce Opo-
liensi.*

Venit per eadem tempora in Poloniam Sigismundus Vngariæ Rex visenda Hedwigis Reginæ causa: A qua dies aliquot Sandeciæ perhumane habitus, & post longos tractatus de rebus publicis & priuatis dimissus, in Vngariam reuertit. Mox bellum inter Regem & Vladislaum Opoliensem Ducem ortum. Causæ autem belli Regi hæc fuisse memorantur, vt se religione iurisiuraudi, quod initio regni sui dederat, de recuperandis iis ditionibus, quæ superiori tempore à Polonia auersæ erant, exolueret, & Vladislaum imperium detrectantem suum coerceret. Nam neque reddebat ille, quæ prodiga Ludouici Regis donatione acceperat: neque iusiurandum dabat, se in fide & potestate Polonorum iure feudi semper fore. Quinetiam superbe legatis regiis responderat, ac tumulis etiam compluribus excitatis ditiones illas suas ad Zitnum oppidum à reliqua Polonia disiunxerat. Adhæc Inouladislauense, Tucholiense, atque Tufnense territoria Rege inconsulto Hedwigi filiæ, quæ cum Alexandro Duce nupta fuit, donarat. Magistro autem & ordini Cruciferorum primum Zlotoriam sex millibus sexcentis triginta duobus aureis Vngaricis, mox totam Dobriensem terram quinquaginta millibus oppignorauerat. Eius belli præter Regem quinque Senatores erant conscij, & quo molitio belli occultior fieret, Vladislaumque incautum facilius opprimeret, præmisit Rex Cristinum Ostrouium Castellatum Sendomiriensem cum parte copiarum aduersus Dobrinum, ipse cum reliquo exercitu, cum se Ostrouium subsequi simulasset, d flexo itinere ad Olstinum castra metatus, tertio die eam arcem expugnauit. Postea ad cæteras arces, partitus cum Spitcone Melstinio Palatino Cracouiensi copias, aduentu Ducum Masouiorum auctas, sine mora discurret, ne quod perterritis recolligendi se spatium daret, intra septimum diem Crepicia, Vielunum, Ostressouia, Breznicia, Bobolice, & Grabouia in ditionem accepta. Vladislaus vero Dux, è Silesia regias ditiones infestauit, mercatorum Polonorum ad Vratislauienses nundinas proficiscentium merces & facultates cum curribus diripuit. His igitur irritatus Rex, in ditionem eius paternam cum exercitu imperum fecit, Castella quædam & oppida cepit, & Opoliam primum eius oppidum cum duabus arcibus obsedit. Et implorauit quidem Vladislaus Dux Venceslai Imperatoris & Regis Bohemorum opem, sed non impetrauit, eo quod icerat is paulo ante fœdus cum Rege Polonorum. Sed reuera ignauia Venceslai in causâ fuit, quod clienti opitulatus non est. Cum igitur in illo nihil esset spei, Vladislaus aliam rursus gerendi belli ingreditur rationem & Duce Olesnicensium Conrado, aliisque deprecatoribus ad Vladislaum Regem missis, pacem impetrauit his conditionibus, vt ablata mercatoribus Cracouiensibus bona restitueret: Rex vero Lublineciam & Strelce arces, aliaque oppida de ipso capta iure belli retineret: quæ mox Spitconi Melstinio vtenda fruenda dedit. Ille autem postea Premislo Duci Teschincensium mille marcis, vt tum ferebant modicum

*Vladislaus
Opoliensis
Regi recom-
pensatus.*

æstempora, ea oppignorauit. Hæc acciderunt millesimo trecentesimo nonagesimo sexto.

Insequenti anno Rex Vladislaus iratus Cruciferis, quod ij violato fœdere arma contra se sumpsisent, Dobrinumque infestis armis petiscent, simulque, quod Lithuaniam infestare non intermitterent, magnamque iam Samogitiæ partem occupassent, bello eos persequi cogitabat. Verum abhorrebant ab eo Procerum animi, quod non ignorabant, se vniuersam Germaniam in se concituros esse. Itaque re in consultationem posita, cum maxima pars Senatus quicquid consilia magis probaret, placuit, vt conuentus cum Cruciferis iis de rebus Inouladislauia ageretur, ad eumque conuentum vt Regina modo cum Proceribus proficisceretur: verebantur enim, ne Rex dolore acceptarum in Lithuania iniuriarum exacerbatus, asperiore aliquo dicto intempestiuum bellum exuscitaret. Sed neque hac ipsa ratione æqui aliquid à Cruciferis impetrari potuit: qui necesse moras & excusationes, Polonorumque patientiam eludere, vt sibi diuturnitate temporis possessionem Dobrini firmarent. Ibi Regina reprobata eorum auaritia, & fœderis ac iurisiurandi violatione, tum superiorum temporum ingratitudine, qua in patronos suos Polonos vsi erant, diserte quasi fatidico ore adiecit: se quidem viuente nihil eos aduersi pro illis ausis passuros esse, post mortem vero suam maximis eladibus suis illa omnia expiuros. Ita tunc rebus infectis, neque certa pace, neque aperto bello Inouladislauia discessum est.

Consultatio de bello Cruciferis faciendo.

Hoc autem anno Vitoldus expeditionem in Tartaros suscepisse fertur: tribumque vnam Tartarorum, quam illi Ordam vocant, cum pueris & mulieribus abegisse, partem captiuorum Regi & Proceribus Polonis dono misisse, reliquos in Lithuania supra Vacam amnem prope Vilnam agris attributis collocasse. Qui ibi vsque in hodiernum diem manent, boni & diligentes patresfamilias, & virtutis priscae, armorumque non immemores: ritus autem patrios Mahometicæ superstitionis adhuc seruant. Inescatus autem hac victoria Vitoldus, annum quidem vnum quieti, & comparandis maioribus copiis dedit. Quo anno Sigismundus Rex Vngariæ Cracouiam, siue visendi Regis ac Reginae, siue res suas stabilendi causa, magis etiam alienatis ab eo post cladem Nicopolensem animis Vngarorum, & non obscure nouas res molientibus, iterum venisse fertur. Et sane pepigit is tunc cum Vladislao Rege inducias ad annos sedecim.

Vitoldi expeditione contra Tartaros.

Tartari in Lithuania collocati.

Sigismundus Rex Vngariæ Cracouiam venit.

Sequenti vero anno millesimo trecentesimo nonagesimo nono Vitoldus nequicquam dissuadentibus Rege & Regina, alteram expeditionem fecit in Tartaros: ad quam permulti de Polonica & Germanica Nobilitate gloriæ cupidi nomina dederunt. Fuerunt autem in ea expeditione de Polonis maxime insignes: Raphael Tarnouius, Sendiuoius Ostrogogius, Dobrogostius Szamotulius, Ioannes Glouacius Palatinus Masouia, Ioannes Dambrouius, Varsius Michouius, Socha Plocensis Palatinus, Thomas Verincus, & deniq; Spitco Melstinius Palatinus Cracouiensis. Recēsis itaq; apud Klouiam copiis Vitoldus bonæ spei plenus, Scythiam cum infesto exercitu ingreditur. Imperabat tunc apud Tartaros Tamerlanes, humili quidem loco natus, verum scientia rei militaris, & felicitate eo potentia prouectus, vt duo-

Vitoldi expeditione altera in Tartaros.

vt duo-

*Vitoldus
à Tartaris
fusus casis
ducibus
Regis fra-
trib.*

*Tartari
Lithuani-
am & Rus-
siam popu-
lantur.*

*Hedwigis
Regina mo-
ritur.*

*Virtutes
& laudes
Regina.*

vt duodecies centena millia hominum haberet in exercitu, ac Turcis profligatis, Imperatoreque eorum Baiazete capto, & in ferrea cauea feræ in modum secum circumuectaret, & Iberia, Albania, Armenia, Persia, Mesopotamia, Asia, Ægyptoque incredibili celeritate vastatis, orbem terrarum terrore nominis sui impleret. Cum hoc Vitoldus congressus, multitudine barbarorum obrutus, fusus est. Cecidere de Polonis plurimi, nec inulti tamen: in his fratres Regis Andreas, & Demetrius Coributus, & alij nouem Duces Lithuani & Russi. Vitoldus cum Suidrigellone patruale, Ostrorogio, & Szamotulio, cum inclinari aciem suorum cerneret, pernici fuga euasit. Melstinius quum seu fuga, seu Ducis hostium indulgentia, cui virtutem & prudentiam suam inter colloquendum de pace probarat, saluus esse posset, inter confertissimos hostes honeste occumbere maluit, quemadmodum ipse optarat, & prædixerat Paulo Sciucouio, timorem ipsi & amorem venusta vxoris exprobranti. Sciucouius vero ille dictis, quam factis fortior, primus propemodum fugam iniit. Nec diu Tamerlanes ei victoriæ superstes fuit, eo ipso anno extinctus. Porro Tartari continuantes cursum victoriæ, in Lithuaniam populabundi vsque ad Luscum excurrerunt. Kiouiensis tamen tribus millibus rublorum (continet autem rublus centum grossos) oppidum & agrum suum redemerunt. Sub idem fere tempus Hedwigis Regina filiam Elisabetham Bonifaciam primo partu enixa est: eique post tertium diem extinctæ, nec ipsa diu superstes fuit, & in læua parte Basilicæ Cracouiensis ante aram maximam sepulta est, elata magnificentissimo funere, multorum Regum & Pontificis maximi Bonifacij noni splendidis legationibus celebrato: tametsi non ad exequias, sed ad leuandam de sacro fonte prolem regiam, Rege ipso inuitante, eæ misse erant. Fuit autem Hedwigis singulari pietate & sanctimonia vitæ prædita, ab omni fastu, leuitate, & iracundia aliena, ocij iuxta ac alienorum à suo statu negotiorum fugiens, tempus omne suum vel diuino cultu, vel lectione eorum, quæ ad pietatem moresque formandos pertinerent, vel denique audientis & leuandis viduarum, pupillorum, & aliorum miserabilium hominum querimoniis impertiebat. Facultates suas, quas amplissimas è paterna domo secum aduexerat, liberaliter in vsu egentium, in cultum diuinum, & in publicas vtilitates expendebat: ac præter ea, viuens aras duas in Basilica Cracouiensi dotauit. Pragæ domum amplam Lithuanis, qui honestis disciplinis operam darent, siue emit, siue condidit, possessionesque per amplas, vnde eis sumptus suppeditarentur, adiecit, quæ domus Reginae vulgo dicitur. Moriens vero, quicquid habuit reliquum in suppellectili, partim egenis dilargiendum, partim ad erigendam consummandamque Cracouiæ Academiam, quam Cazimirus Magnus Cazimiræ inchoauerat, legauit, nūcupatis executoribus vltimæ voluntatis suæ, Petro Episcopo, & Ioanne Tencinio Castellano Cracouiensi. Donauit etiam Basilicæ Cracouiensi vestem ad sacra peragenda factam, margaritis & lapidibus pretiosis distinctam. Duo anni temporibus, Quadragesimam & Aduentum Domini religiosa abstinentia & ieiunio semper coluit: delitias, pompas, & ostentationem diuitiarum ita contempsit, vt quum propinqua partui, regali cultu & magnificentia exornare cubiculum Regis absentis literis iuberetur, respondisse ei feratur: se pompam omnem & inanem splendorem pridem abdicasse, nec insciam esse, sæpe mortem parui comitem esse. Tum autem rectius se vilitate & neglectu mundani fa-

stus

stus diuinæ benignitati, quæ sterilitatis probrum à se amouerit, responsuram esse.

Iussis Reginæ peractis, Vladislaus Rex mœstissimus, ac de retinendo regno addubitans, quod non ignoraret, se externum vxoris nomine apud liberam gentem consue regnasse, in Russiam secessit: cogitabatque ultro se regno abdicare, & ad paternum principatum reuerti potius, quam vt vi & armis cum ignominia pelleretur. Sed hæc cum cogitantem Proceres Poloni placide consolati confirmauerunt, quum ei sua studia in posterum quoque detulissent. Quod si quam id ei dubitationem faceret, quod alienus amissa vxore nil iam hæreditarij iuris in regno haberet, ostendebant ei rei remedium, quod ipsa etiam Hedwigis Regina moriens indicasse ferebatur, nimirum vt Annam Vilhelmi Ciliæ Comitis filiam, cuius sororem iam Sigismundus Rex Vugarorum post Mariam in matrimonio habebat, secundam vxorem duceret. Eam enim iustam regni hæredem esse, propterea quod Casimiri Regis neptis esset. Placuit consilium Vladislao. Missi igitur oratores ad Hermanum patrum puellæ (nam pater iam obierat) Ioannes Obychouius Castellanus Sremensis, Hincia Rogouius, & Ioannes Ostrouicius, optata omnia retulere, simulque sponsam ad decimum sextum diem Iulij mensis anni sequentis Cracouiam adduxere. Et cum ea nullius linguæ præter Germanicam gnara esset, octo menses addiscendæ linguæ Polonicæ operam dedit, priusquam nuptiæ celebrarentur. Interea Rex in Lithuaniam profectus, pacta & fœdera cum Vitoldo & Lithuanis suo Polonorumque nomine renouauit: vbi promissum est, & literarum monumentis cautum, vt si Vitoldus sine liberis decederet, in Regis & regni potestatem reciderent omnia, quæcunque is possedisset vna cum magno Ducatu, excepta dimidia parte Nouogrodeci cum quatuor prædiis, quæ Sigismundo Vitoldi fratri cedere deberent, ea quidem lege, vt istamen Regi & Regno sit subiectus: exceptis etiam bonis dotalibus Annæ vxoris Vitoldi, quæ post eius demum obitum ad Regem & Regnum redire deberent. Hæc anno Christi millesimo quadringentesimo primo acta esse literis ea de re tunc conscriptis & consignatis constat. Reuersus autem Rex è Lithuania, cum à nuptiis propter deformitatem sponsæ abhorreret, proceribus Polonis interuenientibus, mense Februario apud Bieczum oppidum cum Cilienfibus proceribus conuentum habuit, nouisq; pactis initis seu prioribus confirmatis, liberalibus diebus nuptias peregit: cui celebritati Reginæ mater Anna Casimiri Regis filia, & Vitoldus cum vxore interfuere.

Rex in Lithuaniam proficiscitur.

Pacta cum Vitoldo & Lithuanis renouata.

Regis secunda nuptia.

Per hæc ferme tempora Academia Cracouiensis ex testamento Hedwigis Reginæ, & liberalitate Regis condita est: duæ domus siue collegia extructa, alterum Philosophis & Theologis in platea, quæ nunc diuæ Annæ nomine nuncupatur, alterum Iureconsultis & Medicis, qua ex vrbe ad arcem itur. Acciti Magistri & Doctores omnis generis è Pragenfi Academia, censusque iis in perpetuum attributi à Rege è salinis & telonio, & adiuncta omnia sacerdotia ad ædem D. Floriani, præter Præposituram, vt vocant. Quietæ tunc res erant in Polonia, eoque florebant studia pacis. Neque memorabile quidquam gestum esse per hæc tempora memoratur: præter, quod perduellium quorundam vias publicas infestantium latrocinia tunc Rex Vladislaus coercuit, expugnata Sorsteno arce in Masouia, quæ illis receptaculo fuerat. Fucra autem prædonum illorum principes Grotus Slupcius, & Ioannes Rogala

Academia Cracouia erecta.

Latrocinia à Rege coercita.

Castellanus Vladislauensis. Quorum hic quidem captus, multis annis carcerem pertulit, donec in Zauissij Nigri gratiam dimissus est: ille vero euasit, sed arx eius Konari in Sendomiriensi tractu diruta est. Latrocinadi vero occasionem Slupocio dederat, prior proscriptio ob eandem Ioannis Ossolinij Castellani Visliciensis, dum disceptant inter se de limitibus agri Præbendæ Sendomiriensis, quam filius Ossolinij obtinebat, patratam.

*Valachia
Palatini
iurant Re-
gi Vladis-
lao.*

Anno sequenti, qui fuit à nato Christo millesimus quadringentesimus tertius, Valachia Palatinus Alexander, & mox Romanus Petri filius, cum è potestate & vinculis Suidrigellonis à Rege liberatus esset, iurati vna cum consiliariis in verba Regis, se in potestate Regis atque Regni fore professi sunt. Romanus vero etiam societatem belli contra quosuis hostes, Prutenis & Lithuanis propter locorum intercapedinem exceptis, promissit. Boguslaum vero Pomeranorum Ducem Rex in aulam suam suscepit, octingentarum marcarum stipendium ipsi pollicitus, vt, quoties opus esset, cum centum hastatis sibi militaret. Porro Vilhelmus Marchio Misnensis fœd^o & societatem cum eodem Rege pepigit, itemque Vngari proceres cum Polonis: quo cautum est, ne alteri contra alteros Regibus suis opitularentur. Ad Regem quoq; Vladislauum iidem post de pace ac fœdere oratores cum certis mādatis misere: Sed an inter eos conuenerit, non liquet. Ac ne illud quidem constat, quid his fœderibus causam præbuerit, nisi forte odium Vngarorum, & perpetratum facinus in Regem suum Sigismundum. De quo magno studio Vladislau liberando laborasse fertur, ita vt regnū quoque à proceribus Vngaris sibi oblatum contemneret: cum Sigismundus Rex in vinculis ab eisdem detentus, misericordia nobilis matronæ, cuius filiis in custodiam traditus erat, & opera Sciborij equitis Poloni, qui armis Polonorum & Bohemorum superiores Vngarię partes Polonię & Morauia finitimas in fide eius continuit, euasisset. Cæterum Vitoldus magnus Dux Lithuania cum Smolensciis rursus rebellibus bellum gerebat, fretusq; Polonorum auxiliis, arcem Smolensem, in quā ciues & nobiles quique vxores, liberos, & fortunas suas contulerant, aliquādiu obsessam & oppugnatam amissis nō paucis Polonis cepit, magnasq; opes in ea repertas partim Vladislao Regi transmisit, partim militibus, vt quisque meritis erat, dilargitus est. Cæteras vero arces in deditiōem accepit, & principatum omnem in formam prouinciæ redegit. Dux in Vngariam profugit, & in ministerio Sigismundi Regis vitam finiuit.

*Fœdus
Marchio-
nis Misnia
cum Rege.*

*Vngarorū
cum Polo-
nis fœdus.*

*Smolensci
subacti à
Vitoldo.*

*Crucigeri
Lithuani-
am vastāt.*

*Suidrigello
à Prussia
reuocatus.*

*Ei Podolia
à Rege con-
cessa.*

Cum Cruciferis quoque Prussicis & Liuonicis bellum paruo tempore intermissum Suidrigellonis opera ipsi recruduerat. Nunquam istamen hostibus ditionē suam instantibus occurrere ausus est: verum Liuones cū præda reuertentes vestigiis clam secutus, cum ij diuersi domos abiissent, agros eorū vicissim lōge lateq; vastauit, pagos vicisq; incendit, ac Dzuinam siue Duneburgum oppidum munitū vi cepit ac diripuit: arcem vero oppido imminētē sibi subiecit, incensiq; arce pariter & oppido ingenti cum præda in Lithuania se recepit. Nec multo post rursus Lithuania hinc à Prussicis, illinc à Liuonicis Crucigeris vehemēter peruasata est, multiq; in seruitutē abacti, quos Vitoldus permutatione captiuorū liberauit. Vladislauus vero Rex, afflicte patriæ vicem miseratus, Suidrigellonē fratrem exulē, qui Crucigeros cōcitabat, è Prussia reuocauit, magno ære alieno, quod ibi cōtraxerat, exoluto. Ac ne quod ei cū Violdo noui dissidij seminarium relinqueret, Podoliam ei quinq; millibus marcarū Pragensium à filiis Spitconis Multinij redemptam concessit.

concessit: itemque Strium, & Zidaczouiam in Russia, Szidlouiam, Stobniam, atq; Drugniam in Polonia: adhuc mille quadringentas marcas annuas è salinis adiecit. Nec tamen ea Regis liberalitas Suidrigellonis animū sanauit. Conuentū postea Rex cū Prussicis Crucigeris apud Racianzum Episcopi Vladislauensis oppidum ad Pentecosten anni sequentis habuit, vbi sic de pace cōuenit: vt Rex quinquaginta vel (secundū Dlugossum) quadraginta millia florenorū Cruciferis exolueret, Dobrinumq; & Zlotoriam reciperet: sed vt ratas tamē Magistri donationes ac largitiones haberet, & pacta à Casimiro Magno cum eis conuenta rata esse iuberet. Deinde vt Nouogrodi magni dominatus Regi, Samogitia vero Cruciferis cederet: ipsi vero, vt omni iure, q̃ habebant in Lithuania, sese abdicaret: nec paterentur hostilem aliquē exercitū per ditiones suas in Lithuaniam transire, neq; ipsi per eam sine permissu Regis copias suas ducerent: neq; receptarent proscriptos è Lithuania, ac ne profugos quidē propinquos Regis: deniq; vt liberam mercaturā ac societate haberent inter se Lithuani atque Pruteni. His autem conditionibus implendis annum tempus constitutum.

*Conuentus
Regis cum
Cruciferis.
Pax & pacta
cū Cruciferis.*

Sic nec necessaria magis, quam speciosa pace facta, Vladislaus Rex inuitatus à Magistro Toruniam cum magna Procerū parte diuertit, triduoq; ibi mansit, magnifice & splendide acceptus. Per quos dies simulacro equestris pugnae inter Crucigeros & Polonos addito, cū superiores illi fere essent in eo genere, ad extremum tū Dobeslaus Olesnicius Polonus palmā & brabium obtinuit. Inde discedens in maiore Poloniam diuertit, aestateq; ibi exacta, & particularibus conuentibus habitis (qui tunc primū haberi propter nouam rem ceperunt) Corcinum, quo comitia toti Poloniae ad vndecimā Nouembris diem indixerat, venit, perfecitq; precario, vt sibi redimendi Dobrini causa agraria contributio noua omnium ordinū consensu extra ordinē decerneretur, nē pedeni grossi in mansum, ab agrestibus tantum & oppidanis cultum. Ex qua contributione cum ordinaria illa binorum grossorum, quæ rastralis nuncupatur, coniuncta, ad centum millia marcarū tunc redacta esse memorantur. Vratislauiam deinde Rex splendido plus quam quinque millium equitatu comitatus profectus est, cum Venceslao Rege Bohemorum, illo postulante, cōgressurus. Animaduertebat enim Venceslaus, se de summa rerum periclitari. Bis captus, & ab imperio amotus erat. Palam ab eo Sigismundus frater, vt sibi Bohemia cederet, contendebat, & non obscure ei fauebant Bohemi proceres. In gratiam etiam eius Dux Austriae Morauiam infestare videbatur. Quo igitur obuiam iret conatibus aduersariorum Venceslaus, & regnū suū stabiliret, Regis Poloniae amicitiam & societatem certo foedere sibi adiungere satagebat. Itaq; aduenientem perhumane lauteque accepit, non sine admiratione opum eius: ita vt etiam Zbigneo Brezio Marefchalco regni cum sexcentis equitibus antecedenti, Regem in eo comitatu adesse ratus, extra urbem obuiam prodiisse dicatur. Octo diebus de foedere inter consiliarios tractatum est, & eo res propemodum perducta erat, vt Bohemus Polono Silesiam omnem redderet, Polonus illi vicissim cum quadringentis hastatis equitibus, si quando res ita posceret, praesto esset. Sed vel indigna res visa est Polonis proceribus, Bohemis esse obnoxios: vel certe Ioannes Zmiritius, consilio & autoritate praestans inter Bohemos, superueniens, rem infectam fecit.

*Rex Toruniam petit,
à Magistro
inuitatus.*

*Comitia
Corcini.
Agraria
contributio
decreta.*

*Vladislaus
R. cū Venceslao
Bohem. R. Vratislauia
congréditur.*

*Acta inter
Polonos &
Bohemos.*

Dum hæc ita sunt, nihilo tamen magis fida pax Polonis fuit à Crucife-

*Ioannes
Masouia
Dux à Cru-
cigeris cap-
tus.*

*Conuentus
cum Cruci-
feris Gni-
euouia.*

*Samogitia
Cruciferis
à Vitoldo
concessa.*

*Suidrigello
iterum ad
Crucigeros
profugit.
Podoliam
dedit in
ditionem
Polonorum.*

*Vitoldi ex-
peditio in
Moscos.*

*Suidrigello
Moscos con-
tra Vitol-
dum adest.*

*Exercitus
Lithuani-
cus à Mosco
incommodis
affectus.*

ris. Etenim cum expedita manu clam in Masouiam ingressi, Ioannem Ducem Cirensem nil hostile suspicantem, in prædio quodam cepere, & equo impositum, ac subter alium equi pedes indigne colligatum, arcem incensa, se- cum abduxere: haud multo post tamen à Rege de violato fœdere admoniti dimiserunt. Anno à Racianzensi conuentu circumactō, alter conuentus Gnieuouia à Rege & Cruciferis de perficienda pace inchoata habitus est. Ibi noua res à Cruciferis oblata, negotium omne irritum fecit. Postulabant ij, vt Rex Pomeraniæ nomen in inscriptionibus ac sigillis suis non vsurparet, quemadmodum cum Casimiro Rege multo ante conuenerat. Negabat ille, consiliariis dissuadentibus. Itaque Cruciferis Dobrinum non reddentibus infecta pace discessum est. Nec felicior euentus fuit alterius conuentus cum Vitoldo in Lithuania. Is enim cum ægre se aduersus potentiam & vim Cruciferorum defenderet, cessit ipsis Samogitia. Detrectabant quidem Cruciferorum imperium Samogitæ, & nocturnis incursionibus atque insidiis præsidium eorum affligebant, Vitoldumque obsecrabant, ne se immanibus Crucigeris proderet. Sed vincebat utilitatem necessitas. Itaque iussu Principis obfides dedere Cruciferis. Quo facilius vero eos Cruciferi in officio continerent, tres arces in Samogitia condidere, duas supra Neuazam fl. tertiam verò in confluyente Nemenis atque Dabiezæ.

Profugerat iterum in Prussiam Suidrigello, spe totius Lithuaniae per Crucigeros potiundæ: sed Podoliam nihilominus suis præsiidiis tenebat. Itaque conuentu Gnieuouienfi soluto, Rex eo profectus, omnem eam cum arcibus in deditionem recepit, orto à Camenecia ciuitate initio: præstaturamque eius oræ Petro Szaffranecio Polono mandauit. Ab Alexandro Valachorum Palatino, iam inde à duobus annis sibi addicto, eiusque consiliariis solenne iusiurandum quod in fide & clientela sua, Regina, & filiorum, & regni Poloniae permansuri essent, ibidem accepit. Vitoldus vero patrem nactus à Crucigeris, eodem anno, qui fuit millesimus quadringentesimus sextus, transmissio Vgra fl. primam in Moscos expeditionem parat, siue proferendorum finium gratia, siue iniuria prouocatus à genere Duce gentis Basilio. Nec tamen illi ad pugnam elici potuere. Peruastata igitur longe lateque eorum regione, Vitoldus præda onustus in Lithuaniam rediit. Maiore is vi postea in id bellum anno vno intermissam incubuit, fretus maioribus Polonorum, quibus Zbigneus Brezius Marschalcus præfuit, viribus & Crucigerorum auxiliis: & vsque ad Occam fl. populabundus peruenit. Quo minus autem flauium traiceret, Suidrigellonis patruelis armis prohibitus est. Nam is seu leuitate quadam ingenij, siue inuidentia stimulatus, Bransco & Starodubo arcibus, quæ in Seueria Vladislai Regis beneficio obinebat, incensis, ad Basilium hostem Vitoldi transfugerat, bonamque illi nauabat operam, exercitum Vitoldi ex insidiis, & iniquis locis laceffendo. Petiit tamen nihilominus pacem à Vitoldo Basilius, & æquis conditionibus impetravit. Quâ constituta, Vitoldus celeriter equos permutando in Lithuaniam ad uxorem, vt erat in venerem pronus, contendit. Exercitus vero eius sine imperio & ordine ex Moscouia decedens, cum per vastata dudum à se, & ab ipsis etiam Moscis loca iter faceret, fame afflctus, & magnis incommodis propter coeli intemperiem in vliginoso solo affectus, & à Tartaris etiam, quos Moscos velut cliens patronos in auxilium acciuerat, à tergo & à lateribus incursantibus vehementer vexatus est. Verum ij tamen virtute Polonorum atque Cruciferorum pe-

castri

destri magis, quam equestri pralio victi pulsique sunt. Poloni amissis armis & equis reuertentes, liberalitate Regis abunde recreati sunt.

*M. sci cum
Tartaris
victi.*

Per hoc tempus Iacobus Cobilenius, Nicolaus Chranstouius, & Andreas Tencinius de adulterio Reginæ à Rege insimulati sunt. Et Chranstouius quidem solum vertit, Cobilenius vero triennio in arce Leopoliensi asseruatus est: Tencinio, quod minus suspectus esset, nihil accidit. Obiurgatus autem Rex à Senatu de nimia credulitate, & probro Reginæ, iudicium in delatores instaurauit: vbi Clemens Moscorouius delator editus, publice & solenni ritu dicta sua retractauit, mendaciq; seipsum damnauit. Porro in Lithuania post Moscicam illam expeditionem, qua vires Lithuanorum vehementer attritæ erant, Cruciferi nullum cupiditati suæ modum statuentes, nouas inimicitiarum atque belli causas quærere, neque iniuriis abstinere. Quibus rebus adductus Rex Vladislaus, cum ad pacem, quamuis iniquam, priorior, quam ad iustum bellum esset, conuentum cum Vlrico Iungingio Magistro Cruciferorum apud Caunam egit. Caterum nihil æqui à Magistro ex mansuetudine Regis maiores spiritus fumente impetrare potuit, amice tamen missis vltro citroque muneribus discessum est, Cruciferis bellum, quod meditarum nondum maturauerant, dissimulantibus. Nec diuturna tamen ea dissimulatio fuit. Nam vt reuertit Rex in Poloniam, viginti naues frumento onustas è Cuiauiensibus horreis suis secundo flumine Vistula ad mare misit, vt inde porro aduerso Nemene in Lithuaniam ducerentur, subuenturus genti suæ, inopia ex malo frugum prouentu tunc laboranti. Eas naues Cruciferi interceptere. Missi ad eos repetitum res legati, Nicolaus Curouius Archiepiscopus Gnesnensis, Nicolaus Michalouius Sendomiriensis, Ianussius Tuliscouius Calissiensis, & Vincentius Granouius Naclensis Castellani, re infecta rediere, causificantibus Cruciferis, arma iis nauibus contra se barbaris supportata esse. Mox & alteram iniuriam adiecere. Etenim Lithuanos mercatores apud Ragnetam violarunt, mercesque eorum diripuerunt. Hac gemina iniuria irritatus Vitoldus, prior bello persequi Cruciferos adortus, Marchalcum clam cum expeditis copiis in Samogitiam misit, præsidia Cruciferorum, quæ erant cum Michaelo Kochmeilero præfecto nouæ Marchiæ, vel cepit, vel interfecit, vel eiecit, & Samogitiam omnem iam inde ab initio à Cruciferorum imperio abhorrentem suæ potestatis fecit. Venere deinde sequenti anno millesimo quadringentesimo nono post Christum natum Obornicos ad Regem legati Cruciferorum, questum de erepta Samogitia, captisque, & cæsis ibi præsidiis suis: & cum bello sibi tantam iniuriam vlcersi necesse esset, eo quod res repetitæ à Vitoldo non redderentur, quærebant ij ex Rege, essetne illi opelaturus? Fluctuabat animo Rex, quid faceret: si deesset Vitoldo, Cruciferis eum atque patriam suam plane prodebat: sin opitulareretur, omnem belli molem in se & Poloniam, commodiorem prædantibus & bellantibus, quam Samogitia est, attrahebat. Abhorrebant ab eo bello Poloni. Itaque ad comitia regni res integra reiecta, neque certi quicquam legatis tunc responsum. At illi elati superbia & impatientia, & protestati, non à se, verum à Rege violari fœdera, minabundi discessere.

*Conuentus
Regis cum
Cruciferis
apud Caunam.*

*Naues Polonica cum
frumento
à Cruciferis intercepta.*

Legati Regis ad Magistrum Cruciferorum.

Samogitia à Vitoldo recepta.

Legati ad Regem Cruciferorum.

*Comitia
Lencicia.
Legati ad
Cruciferos*

*missi à Re-
ge.*

*Superbum
Magistri
responsum.*

*Magister in
Poloniam
irruit, &
oppida non
paucā in-
condit &
diripit.*

*Expediit
Polonorum
cōtra Cru-
cigeros.*

*Arbitrium
Regi Bo-
hem. dela-
tum.*

*Iniquum
Venceslai
Regis Boh.
arbitrium.*

bus iniuriis transigeret, Regis enim, nō Vitoldi, proprium & hæreditarium esse dominatū Lithuaniz. Excandescere Magister, & moram pati nolle, confestimq; arma se Lithuaniz illaturum esse minari. Ibi Archiepiscopus nō ferens Magistri superbiam: desinas, inquit, nos bello terrere: Si arma cōtra Lithuanos ceperis, vicissim arma nostra domi tuæ senties. Quibus Magister statim subiecit: Bene se rem habere, quum sentēciam Regis teneat: caput se potius petiturū, quam pedes, & culta magis, quam inculta. Ita tunc legati impatientia bellum approperatum est. Nec mora, dictis facta adiecit Magister. Dimissis enim legatis, ad medium Augusti mensis Dobrinum, magna vi oppugnatum cepit atque incendit: Polonos, qui arcem defendebant, vna cū præfecto arcis Iacobo Plominio, capitali pœna affecit. Inde Ripinum & Lipnum oppida primo impetu capta vastauit, magnaq; in oppidanos & agrestes crudelitate debacchatus, ne teneræ quidem ætati & muliebri sexui pēpercit. Inde motis ad Bobrounicos castris arcem oppugnando in deditionem accepit: quamuis ea defendi diutius arte, præsidio & cōmeatu munita potuisset. Quare præfectus arcis Varcislaus Gotartouicius fœdum carcerē postea Regis decreto pertulit: cæteri vero, qui in præsidio fuerant, infamia notati. Zlotoria deinde acriter oppugnata, post octauum diem in potestatem Crucigerorum venit, cum magna pars defensorum ictu balistarum & bōbardarum trucidata esset: reliqui captiui abducti, cum de cōmutatione captiuorum postea cū Vitoldo cōuenissent, tamen Cruciferorum perfidia, cum ij suos recepissent, dimissi non sunt. In Bydgosia expugnanda cum plusculum laboris sentierēt, propterea quod arx ea munitior erat, per prodicionem, corrupto Præfati vicario, quem Burgrabium vocant, ea potiti sunt.

Rex vbi hæc crebris certisq; nunciis accepit, minime cessandum sibi rat⁹, expeditionē & ipse toti Poloniz, Russiz, & Lithuaniz aduersus Crucigeros indixit. Minores Poloni cū Russis ad Volbortiam: maiores ad Lenciciam cōuenire iussi. Quod vbi factum est, recensito apud Radzieiouiā exercitu, ad Bydgosiam sub finem Septēbris castra admouit, arcemq; obsedit: quæ post octauum diem à Polonis expugnata, & mox resecta, præsidioque firmata est, Magister vero ad Suece suos conuenire iusserat: quod vbi Rex cognouit, partem copiarum statim eo misit, pulsi dissipatique, qui primi de hostibus conuenerant, & castris exuti. Interea interuenere oratores Regis Bohemorum Venceslai, bellumque induciis vtriusque partis cōsensu, vsque ad vicesimam quartam diem Iunij sequentis anni constitutis diremere, vt interim Venceslaus de tota controuersia inter dissidentes arbitraretur. Venceslaus vero, quum arbitrium inter dissidentes ex compromisso ad se delatum recepisset, vt erat homo nihili, & voluptatibus atq; ebrietati totus immersus, ne cognita quidem causa, de sententia Iodoci Marchionis Morauiz, qui Vladislao infensus erat, propterea quod is æmulum suum Procopium contra se armis adiunisset, ita pronunciauit, vt nullum prorsus neque iustitiæ, neq; æquitatis rationem duceret, & ineptissime, quæ extra controuersiam erāt adiungeret, vt Poloni non nisi ex occidentalibus oris Regem sibi deinceps peterent: Dobrinensem autem tractum vt ipse vno anno obtineret, atq; interim deliberaret, vtri parti eam adiudicaret. Quæ sententia cum Germanica lingua à scriba recitari inciperet, Poloni discessere, negantes, se Germanicæ concioni propter linguæ imperitiā interesse velle.

Desperata igitur æqua pace, Vladislau dimissis in omnes partes literis restibus

libus alligatis, quæ ex cœlestium nomen obtinent apud Polonos, expeditionem cunctæ Poloniæ indixit. Ne quid autem absente se Sigismundus turbaret, quemadmodum præ se ferebant, Ioannem Scecocinium Castellanum Lublinensem & Præfectum Sandecensem, cum omni Sciriciensis & Bieccensis oræ Nobilitate ad tutandam illam oram ab Ungaris reliquit: Vitoldum & aulicum suum comitatum, ut se ad bellum compararent, dimisit: militum mercenarium cum ductoribus ordinum atque centurionibus, metandorum castrorum & instruendarum acierum peritis à Bohemis atque Morauis de sententia Zbignei Breziji Marschalci (aliis aduersantibus, & sumptuum magnitudinē, dubiamque externorum militum fidem causantibus) acciuit: cum Zbigneus diceret, victoribus quidē illis victos hostes stipendia pensuros esse: si vero victi forte essent, pro cæsis captisque non fore, qui ea peterent: fidelē autem operā eos nauaturos esse in conspectu eorum, apud quos stipendia facerēt, dimicantes, & infamiam ignauitæ siue perfidiæ ex disciplina militari metuentes. Misit tamen iterum Vladislaus Rex legationē ad Sigismundum Regē, cumque & fœderum, & promissi de tentata pace inter se & Cruciferos admonuit. Et prolixè quidem ille promissit, se ad Cruciferos ea de causa profecturum esse, sed mutata sententiā Nicolaum Garam Ungariæ, & Sciborium Polonum Transsylvani Palatinos, atque Georgium Gersdorfium Silesium legatos misit in Prussiam, non tam pacis tractandę, quā quadraginta millium florenorum à Cruciferis emungendorum causa. Benigneque illi legati habitū Vladislao, & in Prussiam usque eius iussu ac sumptibus deducti sunt. Nihilominus magis remittebat is institutam expeditionem. Erant in aula & ministerio Sigismundi Regis Ungarorum complures Poloni ordinis equestris, qui propter præclara merita sua non contemnēdas facultates & possessiones in Ungaria, beneficentia ei⁹ Regis adepti erāt. Qui omēs ubi Regem suum Vladislaum ad Prussicum bellum proficisci, & Sigismundum ad violandum cum eo fœdus prouum esse senserūt, relictis possessionibus, & ingentibus Sigismundi pollicitationibus repudiatis, memorabili exēplo Vladislaum Regem secuti sunt. Nec male eis postea respondit Vladislai gratitudo & liberalitas.

*Expeditio
toti Polo-
niæ indicta.*

*Legatio R.
Vladislai
ad Sigis-
mundum
Vng. R.*

Proficiscens itaque Rex ad bellum Prussicum, Nicolaum Curouium Archiepiscopum Gnesnensem Craconiæ cum imperio reliquit, & quacunque iter faciebat, profusa in egenos largitione utebatur. Quum autem Slupiam, oppidum Episcopi Vladislaiensis sub Lyssecensi monasterio situm peruenisset, biduo ibi commoratus diluculo ad ædem sacrā in excelso monte positā pedester ascendebat, nec nisi vespere ad sumendum cibum in oppidum descendebat, quum totum diem precationi flexis genibus in templo vacasset. Iam induciæ cum Cruciferis expirant, Poloniique equites, quos Rex de aulico suo comitatu ad præsidium Inouadislaiæ, Bræstia, & Bydgostia præmiserat, initium belli fecerant, incensis copulibus pagis in ripa Vistulæ, Magistro Cruciferorum cum legatis Sigismundi non sine perturbatione animi inspectante. Sed furore eius mitigato, legati decem dierum inducias, per quas de pace ageretur rursus confecerunt. Quæ quidem induciæ, tametsi nihil per eas de pace actum est, tamen ex re Polonorum fuisse, quod nondum copiarum ad constitutum locum conuenerant. Cum autem ea apud Ciruensisense monasterium conuenissent, nauali ponte iuncto, qui multo ante ad eum usum ingeniose apud Cozinicos saltus paratus erat, Vistulam cum impedimentis, curribus & bombardis transmissere, & in ulteriore ripa castra posuere. Eo Vitoldus cum Lithuanicis & Tartaricis copiis aduenit. Exactis decem dierum induciis, cum ne tentata quidem pax esset,

*Archiepi-
scopus Po-
loniæ gu-
bernator.*

*Poloni
Prussiam
insestant.*

Ioan-

*Polonorum
de Crucife-
ris victoria
prima.*

Ioannes Broglouius, quem Rex præsidio Bydgostienſi præfecerat, cum non contemnenda ſuorum manu, noctu in Suecenſe territorium ingreſſus, inſidias opportuno loco poſuit. Ipſe vero poſtridie cum paucis circum arcem & oppidum populabundus hoſtes elicit, & ſimulata fuga in inſidias induxit, ubi à fronte & à tergo circumuenti omnes ad vnum partim ceſi, partim capti ſunt. Quo cognito Cruciferi Hëricum Plauenium Commendatorē Suecensem cum præſidio tueri oram illam iuſſerunt.

*Pacis con-
ditiones
Cruciferis
à Rege pro-
poſita.*

Venerunt deinde in caſtra Regis legati Sigismundi, & perſpecta voluntate Regis, ad pacem æquis conditionibus componendam inclinata, ad Cruciferos reuerterunt. Fuerunt autem conditiones à Rege editæ, vt Cruciferi Dobrinensem ditionem ſibi redderent, Samogitia abſtinerēt: de damnis vero vt Sigismundus arbitraretur. Nec eas tamen Cruciferi accipiebant, indignum rati, ab hoſte armato, ac ditiones ſuas infeſtante, huiusmodi conditiones accipere, quaſi victoriam in manibus haberent. Cum autem nihil reſpoſi Rex ab Vngaricis legatis acciperet, miſit ad eos Petrum Korsbocum equitem, vt de Cruciferorum ſententia certior fieret. Re in conſultationem Cruciferorum à Magiſtro poſita, fremere omnes, & bellum quam pacem malle. Vnus ab omnibus Commendator Meuenſis Comes Vendenſis, annis & vſu rerum prudentior, diſſentiebat, pacem ſuadens, & communem eſſe martem dubiumq; euentum belli diſcitans. In quem Vernerus Tetinger Commendator Elbingenſis grauius inuectus: Poteras, inquit, cum iſthoc animo domi manere, & ægrotorum fratrum curam gerere. At ille: ego, inquit, quæ recta & vtilia iudico, in medium conſulo; ſed tamē ſi his aliter videbitur, ita me Deo volente geram, vt genere meo dignum eſt: tu vide, ne ſis diſcis ferocior, quam factis fortior.

*Cruciferi
belli anidi.*

Interea dum hæc ſiunt, promouebat caſtra Vladislaus, & quodam tempore ex compoſito hoſtium aduentum nunciari iuſſit, vt inopinato tumultu negligentiam & ſecuritatem ſuis excuteret. Cum autem ad Vucram amnem caſtra haberet (qui locus Maſouiticæ quidem ditionis erat, ſed cū tunc Cruciferi, datis Duci mutuo quinque millibus marcarum Pragenſium, hypothecæ nomine obtinebant) ibi Lithuani & Tartari non ſecus, ac in hoſtes omne crudelitatem, nulla neque ſexus, neque ætatis miſeratione exercuere. Qua de re grauius reprehenſus Rex à primoribus Polonorum, cum ſe ij omni cum Nobilitate Polonica tam impia caſtra deſerturos eſſe minarentur, captiuos omnes ſolui iuſſit ac dimitti. Motis vero ex eo loco caſtris, cum primum hoſtium fines attigit, expandit acies in longe patienti planitie, acceptumq; manu ſua vexillum maximum, (cuius inſigne eſt alba aquila coronata hianſe ro-

*Regis ora-
tio ad De-
um ante
conſlictum.*

» ſtro & extenſis alis) explicat, ſuſpiranſque & lachrymabundus ita fatur: Deus
» optime maxime, non modo factorum atque diſtorum, ſed & cogitationum
» omnium cognitor, tu mihi teſtis es locupletiffimus, me inuitum cum Chri-
» ſtianis qualibus qualibus, Chriſtianis tamen, ad hoc bellum deſcendere, ma-
» ximis & intolerabilibus Cruciferorum iniuriis prouocatum, & officio meo
» adductum, vt populos abs te curæ & fidei meæ concreditos de rapacibus &
» cruentis eorum manibus, & inſandis contumeliis vindicem. Tu noſti, con-
» ſilia pacis me nunquam defugiffe, & vel iniqua pace bellum iuſtum redimere
» cupiuiſſe. Cæterum quando apud homines ſuæ cupiditati inſatiabili, & irre-
» ligioſæ ſuperbiæ modū nullum ſtatuentes, manuſuecudine & patientia vix pri-
» uato homini, nedum principi conſentanea nihil proficio, tuæ iuſtitia fida-

cia,

cia, iusta piaque arma sumpsi, tuisque auspiciis vexillum hoc nunc explico. " Tu quæso iustiori causæ faueto, & sanguinem Christianorum hominum, qui " immaniter hætenus à Cruciferis trucidati sunt, quosque hoc bellum vtrin " que absumer, ab illis, qui causam dederunt, expetito. Hæc Rex, collachy- " mante omni exercitu. Idem fecere deinceps Vitoldus, & Masouij Duces, atq; " Proceres tam Poloni, quam Lithuani. Poloni vero absterfis lachrymis, carnem " patrium siue præna diuæ virginis dicatum, cuius autorem Adalbertum Ar- " chiepiscopum ferunt, cecinere.

His peractis, quasitus est, cui summa administratio totius belli secundum Regem committeretur. Detrectantibus autem tantum onus maximo cum periculo coniunctum Bohemis & Morauis, qui scientia rei militaris præstare in primis videbantur, ad Zindramum Masconicum Ensisferum Cracouiensem munus id deferretur. Erat is quidem statura parua, sed ingenti spiritu & ingenio, solertiaque non vulgari. Huic adiuncti consiliarij, Vitoldus, Cristianus Ostrogius Castellanus Cracouiensis, Ioannes Tarnouius Cracouiensis, Sendiuoius Ostrogius Posnaniensis, Nicolaus Michalouius Sendomiriensis Palatini, Nicolaus Tramba Procancellarius, Zbigneus Brezius Marschalcus, & Petrus Szaflancius Succamerarius Cracouiensis. His constitutis, ad Luterbergam hostile oppidum, quod iam Poloni succenderant, castra mota. Ibi res horrenda accidit, ac barbarico duorum Lithuanorum supplicio disciplina militaris in exercitu sancita est. Dira ac detestanda scelera Lithuani & Tartari in excursionibus & populationibus pagorum nihilominus patrabant, matronas & virgines constuprabant, infantes dissecabant, templa cum sacris diripiebant, & quodam loco hostiam, quæ in templis de more asseruatur, in terram abiecerant. Quare commotus Rex, auctores sceleris perquiri iussit. Inuenti duo Lithuani, qui iussu Vitoldi ipsi sibi furcam excitarunt, & suis vterque manibus barbaro more sese suspenderunt, obiurgantes sese mutuo, ne sua cunctatione iram Principis in se accenderent: quasi is atrocius etiam aliquid in eos posset statuere. Nec fere tale quippiam postea designatum est, territis cunctis duorum supplicio. A Luterburga deinde ad Curretnicum oppidum, quod cum arce superposita ad Rubicouum lacum situm est, haud procul à Dreuancia sit. castra mota. Vnde cum pabulatum nonnulli de Polonis excurrissent, quinquaginta equos hostium, qui in flumine ad aquabantur, sessoribus deicætis cepere, & cum his reuertentes, eminus conspecti, cum speciem hostium aduentantium præbuisent, tumultum in castris conciuere. Verum mox is resedit, errore cognito. Quod ne deinceps accideret, edictum est publice Regis iussu, ne quis absque comiteu castris egrederetur, neue in castris tuba vteretur, præter vnum regium tubicinem.

*Zindramus
Masconi-
cius dux
belli dele-
ctus.
Consilium
Castrense.*

*Edictum
Regis de di-
sciplina
militari.*

In mouendis autem castris hæc ratio instituta, vt ad primum regij tubicinis cantum cuncti sese armarent: ad secundum equos sternerent & frenaret: ad tertium vero vt Marschalcum cum regio vexillo minore præcedentem, compositi suo quisque ordine sequerentur. Omnia denique cautius & accuratius fieri cepta, propterea quod non procul castra habebant Cruciferi, traiectu fluminis Polonos prohibitori, cuius vtramque ripam & alueum densis stipitibus & sudibus præfixis impedierant. Quibus rebus cognitis, Rex, ne suos in extruendo ponte fatigaret, ac dimicationi obiiceret, reflexo ad caput amnis per aspera & montosa loca itinere, prope Dzialdouiam oppidum

*Sigismundus
Vngarus
Regi affini
bellum in-
dicit.*

castra metatus est. Venit eo ad Regem Fridericus Repitius Silesius cum mandatis legatorum Sigismundi Regis: & quando frustra de pace apud Cruciferos tentatum esset, bellum Vladislao Sigismundi nomine in secreta Magistri militiæ, & octo consiliariorum audientia literis Sigismundi exhibitis denuntiavit. Soli autem Regi secretius in aurem insusurravit, ne quid ea denuntiatione terreretur: quadraginta enim millium aureorum à Cruciferis emungendorum causa eam factam esse, animavitque eum, ut ne conferre manus cum Cruciferis, quorum vires longe inferiores essent, reformidaret. Dimissus cum eo responso, quo Vladislao Sigismundo extremam pro compluribus maximisque suis beneficiis ingratitude exprobrauit, & ultionem diuinam in caput eius, qui prior fœdus rumpebat, imprecatus est. Vbi in castra Cruciferorum rediit Fridericus, certiores eos fecit de regis castris. Crediderant enim ij, Polonos & Lithuanos subito pauore perculos, fuga dissipatos esse. Nec multo post ab exploratoribus nunciatum est, Polonos Dambrounum (Germanis Gilgenburgum) oppidum frequens & opulentum expugnasse, direptumque incendisse, & versus Marienburgum iter tendere. Quo nuncio accepto Cruciferi, ira perciti vociferari, indignissimum facinus, impune ab his ditiones suas infestari; quibus ipsi prius Pomeraniam atque Dobrinum eripuissent, & quorum regionem ferro & igni quodam tempore longe lateque peruassissent: nec ferendum amplius, quin de summa rerum cum Polonis primo quoque tempore decernerent. Itaque in hostem se duci flagitabant. Neque Magister abnuuit. Rex cum altero quoque die apud Dambrounum expugnatum statua habuisset, captiuosque omnes, exceptis Cruciferis religionem professis, benigne relaxasset, prædaque & comæatu copioso exercitum ditasset: tertia die, hoc est,

*Rex castra
metatur
prope Grune-
waldum
& Tanne-
brum.*

decima quinta Iulij facto duum milliarium itinere, inter fruteta & nemora prope Grunewaldum & Tannebricum pagos castra posuit. Fuerat nox præcedens tempestatibus inquieta, sed apud Cruciferorum castra longe inquietior, ita ut eorum tentoria disiceret: mane autem vehementiores ventiflere cœperant. Quam ob rem cum Rex non facta re diuina præter morem castra mouisset, apud Grunewaldum demum erecto tentorio rei sacra vacauit. Interim ei nunciatur ab exploratoribus certatim accurrentibus, hostes adesse. Ad extremum veniens & ipse Vitoldus, nunciat hostes in conspectu esse: ne maturetur, in imparatos impetum daturus: nec tamen auelli Rex ab altaribus, donec sacra peragerentur, potuit. Et fuit sane res in periculo, si hostes aciebus Polonorum nondum instructis ilico signa intulissent. Sed ne id facerent, diuinitus, ut creditum est, impediti sunt. Vriti, ne quid fraudis & insidiarum Poloni nemorum opportunitate occultarent.

*Signa Po-
lonorum ac
Lithuano-
rum.*

Interea commode à Zindramo & Vitoldo acies instructæ: laeuum cornu Poloni, dextrum Lithuani tenuere. Quinquaginta fuere signa Polonica, Lithuanica quadraginta. In prima acie robur totius exercitus & veterani milites collocati. Iamque pugna signum à Rege poscebatur, & singuli bini ternique inter duas acies procurrentes, cum pari numero hostium manus conferebant: & Rex iam peractis sacris armatus in aciem prodierat, quum ex hostili acie duo caduceatores progressi, quod mandata ad Regem à Magistro ferre se significabant, intacti ad Regem deducti sunt. Hortabatur autem Regem ij Magistri nomine, ne tam cunctanter & metulose pu-

*Caducea-
tores Cru-
ciferorum
gladios Re-
gi afferunt
à Magistro.*

gnam

gnam iniret: & quo incunctantius id faceret, duos gladios strictos & cruentos Regi & Vitoldo obtulere, vt vel his aduersus Cruciferos vterentur. Ne quam vero angustiarum ad explicandos ordines excusationem necterent, neue inter nemora latitarent, concessarum ipsis esse Magistrum plus campestris spacij. Hæc tam superba mandata dum caduceatores exponunt, interea Crucifericus exercitus, vt fidem dictis eorum præstaret, non modico intervallo retrocessit. Rex placide & modeste caduceatoribus respondit.

Regis responsum modestum.

Quamuis armorum satis habere in exercitu, accipere se tamen in Dei nomine gladios, ab hoste contumeliæ causa missos: atque ita accipere, vt omen victoriæ, quam sibi armorum traditio portendat. Nunquam se quidem à pace abhorruisse: sed quando bellum mallent Cruciferi, & sanguinem Christianum tantopere sitirent, sperare, mansuetudini suæ & iustiori causæ diuinum auxilium affuturum, ac de illis dignas pœnas crudelitatis & superbiæ expetiturum. Omnem autem eam rem vna cum electione campi se diuinæ sapientiæ & iustitiæ committere. Accepti gladij in arario regio in hanc usque diem asseruantur. Mox Vladislaus paucis pro tempore milites cohortatus, canere signa iussit, simulque exercitus omnis patrium præana cecinit. Editiore loco Cruciferi constiterant, inde cum duas bombardas dato loco eiaculari essent, nec vllò tamen fere detrimento Polonos affecissent, per decliue cum infestis signis decurrerunt. Commissum vtrinque summa vi prælium, ita vt fragor sonitusque armorum procul exaudiretur. Iamque ad vnus ferme horæ spacium pugna durauerat, & neutro tamen inclinabat victoria. Ibi Cruciferi animaduertentes, debilius esse cornu dextrum Polonorum, in quo Lithuani, Russi, & Tartari armis, equis, & multitudine Polonis aliquanto inferiores, turmatim instructi erant, cum aliquot alarum subsidiis maiorem in id impetum dedere, eo consilio, vt pulso eo, totis viribus laeuum cornu, in quo pertinacius Poloni dimicabant, adirentur. Nec vanus omnino conatus is fuit. Statim enim res Polonorum ea in parte deteriore loco esse cœpit, Lithuanis, atque Tartaris sensim (dum cataphracti acrius vrgent) pedem referentibus, & ad extremum, quum ad vnus iugeri spacium tamen vtcunque hostium impetum sustinuissent, in fugam, nec quicquam reuocante Vitoldo, effusis. Nec ij lisi vllò modo potuere, sed perpeti fuga plerique in Lithuaniam contendentes, actum esse de vniuerso exercitu renunciarunt. Solum Smolensij Russi, qui sub tribus signis in eodem cornu constiterant, sceditatem fugæ detestati, eximie virtutis & fortitudinis laudem meruere, & vna turma penitus deleta, duæ reliquæ cum Polonis in laeuo cornu sese coniungere. Alia iam erat ibi rerum facies: Poloni enim acerrime dimicantes, vexillum regium, cuius signifer fuit Martinus Vurocimouicius Vexillifer Craconiensis, ab hostibus deiectum, summa vi connixi recuperarunt: ibique primum inclinari cœpit hostilis acies. Instabant Poloni perturbatis: & commodum leni pluuia delapsa, puluis, qui longiorem aspectum adimebat, resederat. Adfuere quidem, sed post tempus ferme ij, qui Lithuanos à dextro cornu pulsos longius persecuti erant: & ni confusi iam fuissent eorum ordines, restituisent procul dubio pugnam. Verum ij quoque & fatigati, & suorum perturbatione consternati, & sine ordine inuæcti, non diu Polonorum impetum sustinere.

Prælium.

Erat extremum agmen Cruciferorum sub sedecim signis, quod nondum prælij fortunam tentauerat, in quo Magister, & primores Cruciferorum erant. Id ubi suorum fortunam cognouit, circumduci coeptum, vt à latere Polonos inuaderet. Forte in ea parte Rex cum globo suo & minori vexillo confliterat, euentum pugnae expectans: ratusque in se aciem illam dirigere, Zbigneum Olesnicium scribam in aciem ad suos misit, vt cohortes aliquot subsidarias inde sibi adduceret. Verum is reiectus à Nicolao Kielbassa, negante id fieri commode posse, ne speciem fugientium exhiberent, & hostibus percussis quidem, sed non deuictis terga obicerent, retulit, nullum in acie cuiusquam imperium exaudiri. Ibi Rex cum experiri nihilominus martis fortunam cuperet, retentus est ab his, quorum fidei à toto exercitu commendatus erat, & vexillum minus, ne ex eo ibi esse agnosceretur, occultatum. Interim vero Lusatius quidam Dipoldus Kickercius, miles strenuus, totum corpus armis tectus, ex hostili acie procurrens, Regem & ipsam armis insignem infesta hasta petere videbatur. In eum & Rex vicissim hastam direxerat: sed Zbigneus Olesnicius inermis cum semis fracta hasta præcurrens, vt vel suo periculo regium periculum auerteret, à latere vibrata hasta Dipoldum de equo deiecit: quem regij satellites interfecere. Præclarum & memorabile nobilis adolescentis facinus: quod Rex postea magnis donis & episcopa Cracouiensi remuneratus est, quum ille sacris initiari cogitans, baltheum militare abnuisset. Iam Poloni totam hostilem aciem, seu quæ initio contra se constituerat, seu quæ actis in fugam Lithuanis posterius accesserat, ingenti strage fractam profligarant, cum illum forte cuneum sub sedecim signis procul aspexerent: & primum quidem Lithuanos esse de fuga reuersos credidere. deinde cum error Dobeslai Olesnicij opera & audacia discussus esset, signa in eum cuneum à Polonis illata sunt, & auctus is erat accessione non modica eorum, quod est profligata acie fuga eo delati sunt. Sed eadem ibi fortuna fuit: victi hostes non magno negotio. Cæsis enim primoribus, qui primi pugnam iniierant, facile reliqua multitudo, cum nihil iam spei opisque vsquam cerneret, in fugam acta est. Fugientium terga Poloni prementes, eodem impetu castra iunctis carris atque curribus munita ceperunt, & plures ibi mortales contrucidarunt, ita vt inde torrens sanguinis longius profluxisse memoretur. Sed vinum id fuit, sanguine caesorum tinctum. Nam cum Poloni captis castris ad prædam versi essent, & magnam vini copiam in castris delicatis Cruciferorum reperissent, auidius eo se, vt qui æstu & labore diuturno & vulneribus cõfecti sitirent, ingurgitare ceperunt. Quare ne à continuanda victoria retraheretur, neu immoderatior potu morbum contraherent, vinum inter caesorum corpora profluens, sanguinis speciem præbuit. Neque vero longiore fuga multi hostium euasere. Nam fugientes quoque versus Poloni persecuti ad aliquot milliaria partim ceciderunt, partim captiuos abegerunt. Cæsa feruntur hostium eadē die quinquaginta millia, in quibus Magister & Commendatores omnes paucis exceptis, fuere: capti ad quatuordecim millia: signa miliaria relata vnum & quinquaginta. Nec id mirum cuiquam videri debet. Nam ad centum quadraginta millia hostium fuisse, auctores habentur. Fere enim omnis Germania tunc auctoribus Cruciferis in exitium Polonorum conspirauerat. Silesiorum item & Pomeranorum Duces in consanguineorum ac progenitorum suorum perniciem deuoti, Cruciferos armis virisque inueiunt. Ex his Conradus Albus Olesnicensium, & Cazimirus Stezinensium

Duces,

Cruciferi
à Polonis
victi.

Caesorum
& captiuo-
rum nume-
rus.

Crucifero-
rum copia.

Duces, qui soli per se ipsi cum auxiliis affuerant, viui capti, multi item alij illustres viri: castra opulenta direpta, in quibus magna vis tædarum ad incendia Poloniæ, magna catenarum, funium, & compedum ad vinciendo Polonos comparatarum, malo dominorum suorum reperta.

Et sane Polonis non obscure diuinum auxilium in eo prælio adfuit. Nam præter Tartarorum, Russorum, & Lithuanorum stragem, quæ non parua fuit, de nobilioribus Polonis pauci cecidere, inter quos Iacobouius & Imbramus Zulicius maxime insignes fuere. Nonnihil fortasse momenti ad victoriam Polonis & Bohemi Morauique mercenarij, sed imprudentes, attulere. Nam ij cum vno vexillo, cuius signifer fuit Ioannes Zarnouius, siue metu, siue auro Cruciferorum corrupti, sub initium pugnæ secesserant. Eos in sylua conspicatus Nicolaus Tramba Vicecancellarius, cum ex acie iussu Regis in castra cum cætera imbelli turba reuorteretur, accurrit ad eos, & grauius obiurgatos in aciem redire compulsi, in ductorem suum Zarnouium culpam omnem referentes. Hi ergo reuertentes in aciem, speciem noui exercitus hostibus præbuere, terroremque addidere. Dum autem Poloni post victoriam pertinacius hostes fugientes persequuntur, Rex cum impedimentis subsecutus, non longe à loco prælij versus Mariæburgum fixit tentoria, & ad vesperum suos cum spoliis & magna captiuorum multitudine reuertentes, ingenti cum lætitia in castra recepit. Ibi defessa totius diei labore, æstu, & inedia corpora, cibo potuque, ac deinde somno curata sunt. Insequenti die sacris inprimis Deo solenni pompa peragendis, hymnisque iussu Regis vacatum est. Hinc eorum funeribus cura impensa, collectaq; Magistri & principum Cruciferorum (inter quos Comes Vendenfis erat, qui ita, vt prædixerat, fortissime dimicans oecubuit) corpora, & curribus imposita, Mariæburgum transmissa sunt à Rege. Relata deinde ad Regem capta signa, & captiui omnes exhibiti. Ac cæteri quidem omnes sponcione militari a Zbigneo Brezio Marschalco obligati, vt se ad diem D. Martini Cracouiæ sisterent, iussu Regis domos dimissi sunt, dato etiam pro cuiusque conditione viatico. Casimirus vero Sterinensium & Conradus Olefnicensium Duces, ac cæteri, qui erant de Crucigerorum ordine, in Poloniam missi per arces asseruandi dispersiti sunt. De duobus saltem Marquardo Salisbachio Commendatore Brandeburgensi, & Sumbergio, nequicquam deprecante Rege, à Vitoldo supplicium sumptum: quod ij in colloquio quodam prope Caunam matri suæ probrum obiecissent, & tunc captiui nihil de fastu suo remississent.

Dimissus deinde in Poloniam veredarius cum nuncio victoriæ & literis, ad Archiepiscopum, Episcopos, ac præsides Academia & ciuitatis Cracouiensis, celeriter cunctam Poloniam immensa lætitia affecit. Quamobrem solennes supplicationes apud omnia templa habitæ, diesque iduum Iulij mensis tam insigni victoria memorabilis, quo diuisio Apostolorum Christi representatur, inter festos relatus. Mouit deinde castra Rex, & cū oppida quædam atque arces sibi subiecisset, repertamque copiosam supellilem Cruciferorum in milites partitus esset, septimis demum castris ad Mariæburgum peruenit, & postmodum oppidum expugnauit: parumque abfuit, quin eodem impetu arcem quoque caperet, Polonis refugientium è capto oppido terga prementibus. Arx deinde dispersito in terna castra exercitu obsideri à Polonis cœpta: quorum vna Poloni in superiore parte, altera Lithuani in inferiore,

riore, tertia vero inter vtrosq; interiecti ad meridiem Russi obtinebant: bōbardisq; distributis, & nonnullis in templo oppidi, aliis in ea parte, vbi pons fuerat, trans flumen collocatis, vtrinq; quassata sunt mœnia.

*Prussia fere
omnis in
deditionem
accepta.*

Dum hæc apud Mariæburgum geruntur, pleraque omnis Nobilitas Prussica, Culmenfis, & Pomeranica, cum Episcopis quatuor, Culmensi, Varmieniensi, Pomesanienfi. & Sambienfi, vltro in potestatem Regis venit: arces quoque & oppida in deditionem accepta, inprimis Gedanum, Elbinga, Torunia, Culma, Regiomontum, Grudentum, Gneuum, Brodnicia, Osterroda, Suece, Golubia, Dersauiia, Stuma, Tucholia, & reliqua. Sed Elbingensium maxime studium in Polonos enituit, qui Vernerum Tetingerum Commendatorem suum ex arce, quo se ex prælio Gruneualdensi turpi fuga receperat, eiecerunt, arcemque Regi dediderunt. Eam vero Rex Ioannis Tarnonij Palatini Cracouiensis fidei commendauit. Nobilitatem vero omnem & oppidanos, quum in verba sua iurassent, suo sibi iure vtumque ordinem viuere permittit. Oppida atque arces inter duces, proceres, & equites, ne Bohemis quidem præteritis, pro meritis cuiusque distribuit. Dum autem continuatur Mariæburgi obsidio, quadam die obsessi, cum negligentius stationes à Polonis seruari animaduertissent, cum impetu erupere: verum mox accurrentibus Polonis non sine strage in arcem compulsi sunt, quos Poloni temere prouecti, vsque ad murum arcis persecuti sunt. Erat is ab ea parte ictu bombardarum labefactatus: itaque facile cum hostes in Polonos incautius succedentes impulerunt, eaque ruina non paucos oppræsserunt. Petiit deinde, & impetravit Henricus Plauenius à Rege colloquium, adueniens in castra cum fratre, & paucis Bohemis ac Silesiis, supplicis habitu, ita apud Regem verba fecisse perhibetur. Deuicti abst. Rex potentissime

*Henr. Plauenij ad
Regem orat.
tie.*

„ grauiſſimo prælio, & ad extremum fere deleti, nihil eſt, quod vel tua victri-
„ cia arma inuſemus, vel fortunæ ſuccenſeamus: penes nos ipſos huius cladis
„ & omnium malorum, quæ cumulate nunc in nos inundarunt, culpa eſt.
„ Nos iniuſte tua appetuimus, & diuexauimus, nos manſuetudinem & po-
„ tentiam tuam contempſimus, nos denique te grauiter læſum, & tamen æ-
„ quiſſimas pacis leges ferentem ſuperbe aſpernati ſumus. Itaque iuſta diui-
„ ni numinis vindicta abſ te tuoque exercitu percuſi & aſſecti ſumus. Sed
„ ſatis iam abunde pœnarum tibi Deo que vltori dedimus, non modo exerci-
„ tu noſtro ad internecionem deleto, verum etiam ducibus & autoribus ho-
„ rum malorum exiſtentis. Iam agnito errore & culpa noſtra, exigua miſero-
„ rum Cruciferorum reliquiæ ad tuam clementiam confugimus, ne ad extre-
„ mum nos excindas. Eiſdem eſt virtutis, Rex inclyte, parcere ſubiectis & de-
„ bellare ſuperbos. Nouimus te Chriſtianum principem eſſe, & clementiâ ma-
„ gis atque bonitatis, quam fortitudinis laudem expetere. Quanquam, quæ
„ fortitudinis laus eſſe poteſt, ſi proſtratos ac iacentes proteras? Ne leones qui-
„ dem atque vſi id facere dicuntur. Quid tibi ſeu commodi, ſeu voluptatis
„ noſtrum adferet excidium? Multa, fateor, in te tuosque Lithuanos & Polo-
„ nos peccauiſus. Verum quo maior eſt culpa noſtra, hoc illuſtrior erit cle-
„ mentia tua. Neque nos tamen tibi omnem victoriæ fructum eripimus, Po-
„ meraniam, Culmenſem, & Michalouiſem tractam, & ſi quid aliud de Po-
„ lonis, ſiue bello, ſiue qua alia ratione quaſiuiſus & uſurpauimus, tibi vt ha-
„ beas, per nos licebit. Prusiā modo, quam olim maiores noſtri, dum Maſo-
„ uiam atque Poloniam illo præmio inuitati defendunt, iuſtis armis & ſanguir-
„ ne ſua

ne suo barbaris eripuerunt, nobis concedas, te per salutem Christi Iesu mortem. & sanctissimæ matris eius Mariæ nomen, sub cuius signis militamus, rogamus & obsecramus.

Varie hæc oratio Plauenij à consilio regio excepta est. Flexerat enim nonnullos ad misericordiam religionis intuitu, & ipsa æquitate conditionum ac postulatorum, perpendentes secum fortunæ inconstantiam, & rerum humanarum varietatem. Alij vero secundis rebus elati, præsentisque fortunæ cursum perpetuum sibi pollicentes, incumbendum esse percussis, extirpandosq; omnes penitus ex illis oris: ne, quæ tunc necessitate cōcederent, mox resumptis viribus per vim & fraudem vsitatam repeterēt. Et videbatur Mariæburgum, vbi tunc summa rerum erat, diuturnam obsidionem tolerare non posse. Vicitque hæc in Senatu sententiā, in quam Zbigneus Brezius Marschallus Plauenio à Rege respondere iussus: Accipere eum à victore condiciones pacis, non domo adferre debuisset, dixit: aut si adferret, non ea sane victori bus eum concedere oportere, quæ ipsorum & olim fuissent, & nunc denuo iure belli ac deditioe facta essent: Mariæburgum potius, & quæ alia in potestate sua haberet, dederet, ac tunc demum clementiam victoris imploraret. Offensus hoc responso Plauenius, cum aliud instanti non redderetur: at ego, inquit, æquissimas vobis condiciones attuliss: me arbitrabar. Sed quando aliter vobis & Regi vestro visum est, Mariæburgum, ceterasq; munitiones, quas adhuc retinemus, Cruciferi prius, quam ego dedam, extrema quæque experiar. Et respiciet iam nos, ut spero, deinceps magis propitius Deus, siquidem iram & offensionem eius ruptione fœderis & superbiam nostrā contractam satis, ut opinor, expiauerimus. His dictis, multa Deum rerum omnium inspectorem testatus in arcem se recepit. Neq; irritæ fortassis eæ Plauenij preces Deo fuscæ sunt. Nam ex eo tempore minus prosperæ Polonis res esse, retroque relabi cœpere.

Paucis diebus, quibus hæc acta sunt, statio Vielunēsium pulsa, bombardæ deiectæ, & aliæ quædam parua incommoda accepta. Nec multo post Hermannus Liunorum Cruciferorum Magister clam cum quingentis militibus in Prussiam aduenit, occasionem bene gerendæ rei captans, qua quidem non difficulter per fraudem potitus est. Nam ut Rex de aduentu eius cognouit, Vitoldum cum suis, & cum duodecim vexillis Polonorum contra eum misit. In quem cum Vitoldus apud Passariam amnem ultra Hollandiam oppidum impetum facere vellet, ille ab armis ad dolos conuersus, colloquio Vitoldi secreto impetrato, persuasit ei, ut suam potius, quam Polonorum rem ageret, ac Samogitarum Sudorumque oras pacis secum & cum Cruciferis incundis sibi pacaret ac stabiliaret. Itaque eo autore Hermannus cætera manu apud Balam & Brandeburgum relicta, cum quinquaginta equitibus ad Regem in castra, atque inde permittente Rege in arcem obsessam, quasi sequester deditiois, vel arbiter pacis peruenit: Plauenium & obsessos confirmauit, cum eos de animo Vitoldi certiores fecisset, ac de ratione persequendi, si opus sit, belli, & amissa recuperandi, cum eis constituisset. Quibus peractis, præiuncta discessit. Inde iam auctus animo Plauenius, nullum facere pacis mentionem: à Polonis vero factam ita accipere, ut, quas ipse prius cōditiones tulerat, abnueret. Vitoldus vero & ipse missionem à Rege Hægitabat, & illum ad soluendam cœptam obsidionem inducebat. Verum hoc tamen non persuasit, illud partim precibus, partim odio,

*Consultatio
Polonorum.*

*Responsum
Plauenio
datum.*

*Plauenius
maiusculis
respondet.*

*Magister
Liunorum
suppetens
fert Crucigeris.*

*Magistri
Liunici
consilium
vassum.*

multa

*Vitoldus è
castris di-
scessit, &
Duces Ma-
sonia.*

multa causificando, tandem impetrauit. Mox & Masouiorum Duces indulgente Rege discessere.

*Prutenorū
consilium
fidele, &
studium
erga Regem
Polon.*

Interim dum hæc fiunt, parochus Gedanensis, senex admodum, quasi molestias obsidionis diutius ferre non posset, ex arce Mariæburgensi Polonis permittentibus, & nil fraudis subesse suspicantibus, ætatiq; & sacerdotio honorem habentibus, excessit, & inter supellectilem suam triginta millia aureorum nummum duplicem à Plauenio accepta secum exportauit, ac inter Gedanensem, Slochouensem, & Suecensem Commendatores, vt ij mercenarium militem inde conducerent, distribuit. Sed lentius id erat, quam vt sustineri posset tam diu obsidio, quæ difficilis sane & molesta Bohemis mercenariis, propter frumenti penuriam dysenteria vulgo afflictis, incipiebat. Itaque ij priuato consilio per Ioannem Socolum Bohemum, & ipsum in castris regis militantem de prodenda arce cum Rege constituerunt, incolumitatem & quadraginta millia florenorum pacti. Verum re ad Senatum relata, turpe visum Polonis, auro & proditione hostilium munitionum potiri victores dudum, & ferrum in manibus habentes. Ita reiecti Bohemi. Falso deinde rumore in castris regis percrebuit, Sigismundum Casarem valido cum exercitu in Poloniam inuasisse: quo commoti Poloni missionem à Rege flagitabant, & suadebant id Regi complures procures. At vero primores Nobilitatis Ciuitatumque Prussicarum & Pomeranicarum, quæ post victoriam Gruneualdensem ad Regem defecerant, sedulo dissuadebant, ac ne præcipuum illius victoriæ fructum Mariæburgi expugnationem omitteret, orabant. Ni faceret, omnia mox rursus Cruciferorum fore, quæ in potestatem eius dudum venissent: excusantique Regi inopiam pecuniæ in stipendium, suadebant, vt tributum sibi imperaret. Cum ille in nouo imperio, nouis deditionis oneri esse nollet, fuere, qui suaderent, vt arces & oppida earum regionum mercenariis militibus debiti stipendij nomine pignori daret. Ne id quidem probauit, veritus, ne milites illi ciuib; graues essent, neu quæ siue ab his, siue ab illis proditio fieret. Itaque salutaribus repudiatis consiliis, quorū autor præcipuus erat Nicolaus Tramba Procancellarius, non modo verbis, sed etiam lachrymis suadens, nequaquam cœpto desistendum esse, ad decimum tertium calendas Octobris incensis statuiis, & mediocri aulicorum comitum præsidio cum Andrea Brochocio, Stumæ ad infestandam oram Mariæburgensem relicto, ab obsidione discessum est. Iucundum id fuit spectaculū obsessis, qui eo inopiæ iam redacti fuerant, vt vix pauculos dies Henricus Plauenius arcis Cōmendator ab eis impetrauerit, ne sese, arcemque Regi dederent. Quominus autem lætus discessus ille discedentibus Polonis esset, non maxima res effecit: nempe quod equus regius, qui dudum alacriter hionniens adlitterat, dum Rex eum abiturus conscendit, subito exanimatus concidit: quæ res mali ominis vulgo est habita. Discedens autem Rex, Radzinum arcem permunitam, in qua oppugnanda pars exercitus à prælio Gruneualdensi frustra tempus triuerat, in deditionem accepit, quum iam eam milites facto impetu, portaq; effracta, fere cepissent. Quindecim ibi Crucigeri insignes reperti, in Poloniam captiui abducti sunt: reliqua multitudo nihil aduersi passa. Arx Ioannis Socoli Bohemi fidei commendata: eoque mox Toruniæ, quo Regem secutus erat, veneno à ciue quodam Torunienfi extincto, Dobeslao Puchala, & Alberto Malscio pariter Rex custodiam eius

*Obsidio.
Mariæburg-
gen. soluta.*

*Radzinum
per deditionem
acceptum.*

manda-

mandauit. Socoli vero paruos filios propter merita patris honeste & liberaliter educari Cracouiæ iussit.

Non cessabat interim Henricus Plauenius, qui iam Magister Crucifero-
rum factus erat: sed vndique contrahebat exercitum, acceptis mutuis in sti-
pendium centum millibus florenorum à ciuitate Gedanensi, quæ iam rursus
in fidem Crucigerorum inclinarat, totidemque & insuper quindecim milli-
bus à Venceslao Rege Bohemorum, cum ei bona Chomentouiensia, quæ
Cruciferi in Bohemia habebant, hypothecæ nomine tradidisset. Et quæ pri-
ma manus è vicinioribus oris cõuenerat, ea Michaelē Sternbergio archima-
giro Aduocato nouæ Marchiæ duce Tucholiam arcem obsedit: nam oppi-
dani primo aduentu hostium deditiōem fecerunt. Niessouiæ tunc Rex e-
rat, quum hæc ad eum perlata sunt, neque is expediebat, quomodo suis suc-
curreret, vastationemq; ditionis suæ prohiberet. Centum modo, vel paulo
plures hastatos de aulico suo comitatu & ipsos necessariam missionem flagi-
tantes precibus promissisque adduxit, vt cum suis quisque ministris, quibus
merebat, Tucholiam præsidij causa profiscerentur, quibus Petrus Mied-
zuecius Magister militiæ præfectus est. Oportune autem Sendiuicius Ostro-
rogus Palatinus Poseniensis, & Dobrogostius Szamotulius Castellanus, &
Martinus Labissinius Palatinus Bræstensis, cum suis cohortibus sese coniun-
xere. Atque hæc manus omnis, seu quod aditu Tucholiæ interclusa esset, seu
qua alia de causa Coronouiæ (quod oppidum nec arte, nec natura munitū
haud longe abest à Tucholia) substitit. Cuiaviensem vero atque Dobrinen-
sem Nobilitatem Rex Bodniciæ, Bræstæ, Ripini, & Nacli in præsidij esse
iussit, ad tuendas eas munitiones, arcendasque hostium excursiones. Ipse
Inouladislauia cum exiguo comitatu mansit, & quidem damnans consi-
lium suum de soluta obsidione Mariæburgensi, dimissoque exercitu, cum a-
lia super alia aduersa ipsi renunciarentur. Nam & Osterroda, Nideburgum,
& Dzialdouia arces per eos dies ab hostibus receptæ sunt, & Stanislaus Char-
binouius Sulimæus, ac Nicolaus Synouecius cum de præsidio Coronouien-
si decessissent, aduenientes perterruerant Regem, quod dicerent, præsi-
dium in magno esse periculo, siue vt honestam causam turpi facto suo præte-
xerent, siue vt eius consilium opemque implorarent. Erant enim in propin-
quo iam satis magnæ vires hostium cum Michaelē Sternbergio. Atque ij qui-
dem, vt de aduentu & paucitate Polonorum cognouerunt, paucis ad obli-
dionem Tucholiæ relictis, raptim tanquam ad certam prædam Coronouiam
contenderunt, vt Polonos nec opinantes opprimerent. Et sane aspirare ini-
tio conatibus eorum fortuna visa, tamen non ad extremum vsque respondit.
Etenim cum exploratores Polonos incauti⁹ progressos exceperunt, & ex his
callide & constanter omnia eleuantibus exiguum modo promiscuæ & impe-
ritæ multitudinis manum Coronouiæ coaceruatam esse didicissent, cõtem-
ptim, turbatisque ordinibus ex equis delapsi, latrocinantium in morem im-
petum fecere in oppidum.

Poloni ubi adesse hostem sensere, & forte tum pranderent, tumultuarie
corruptis armis ad monasterium in crepidine montis supra Berdam amnem
situm, intrepide sese recollegere, celeriterque aciem instruxere. Quod cum
præter expectationem hostibus accidisset, curriculo ij sese ad equos suos re-
cepere, atque his consensu retrocessere: idque siue re inopinata percussis, siue
certo consilio, vt equites Polonos à peditum auxilio longius abducerent.

Henr. Pla-
uenius
Crucifero-
rum Ma-
gister fa-
ctus.

Oppida
Prussiae &
arces à
Cruciferis
recipiuntur.

Et sane impigre Poloni equites pugnae auidi recedentibus insistere, audacius adequitando, iaculando, & cominus etiam feriendo, remorantes agmē, donec pedites consequerentur. Vbi ad Lanscum, qui pagus monachorum Curonouensium est, vno ab oppido milliaro, non sine multis hostium vulneribus peruentum est, subistere Crucigeri in colle quodam editiori, & ordines instruxere. Ne Poloni quidem pugnandi moram fecere: erant enim vtrinque milites & numero, & virtute, & scientia rei militaris fere pares. Sed erat ascensus ad hostem ab ea parte, qua Poloni constiterant, arduus ac difficilis. Itaque ne simul cum hoste, & cum iniquitate loci dimicarent, circumuecti, leniori & accliuiori ascensu aciem aduersus collem erexerunt. Prius vero quam signa canerent, Conradus Nemcius Silesius, de cohorte Regis Sigismundi ex hostili agmine eques in medium procurrit, aliquem de Polonis ad singulare certamen prouocans. Incunctanter sese ipsi Ioannes Scicius obtulit: victus atque captus à Polono Silesius, non leue de euentu vniuersi praelij omen ac præiudicium suis vterque attulit. Confestimque sublato vtrinque clamore, signa collata. Aliquandiu pugna dubia fuit, nemine ex loco, quo primum constiterat, pedem referente. Itaque defatigatis vtrinque militibus, quasi ex composito pugna vtrinque intermissa, diuersi paululum retrocedunt, faucios summouent, vulnera alligant, commutant captiuos, sudorem sibi equisque ociose abstergunt. Quin & pocula inter se misisse memorantur, ita vt colludentium, non infestis odiis cōcurrentium agmina videri potuerint. Vbi aliquantisper respiratum est, signo dato redintegrāt praelium, non minore quam prius pertinacia. Vulneratur & cadunt vtrinque multi: nec tamen in alterutram partem inclinat victoria. Rursus ergo consensu quodam mutuo cessatur & respiratur: refocillatisq; sicut prius, viribus, adeo acriter concurritur obstinatis vtrinque vel ad vincendum, vel ad moriendum animis. Ibi Ioannes Ostroicius cognomēto Nassianus adacto equo vexilliferum hostilem obruncat, vexillumque, quo vno totus eorum exercitus itidem atq; Polonicus utebatur, abripit: Quare tandem hostium acies perturbari, ac deteriori loco esse cœpit. Insistere Poloni acrius trepidantibus. Ibi vero illi metu pudorem superante auersi fugam capssunt: premunt terga fugientium Poloni: nox tandem persequendi finem fecit. Cæsa feruntur eo praelio hostium ad octo millia: captorum numerus nō memoratur: non exiguus tamen fuit.

*Prælium
ad Coronouiam.*

*Pugna intermissio
semel atque iterum.*

*Cruciferi
funduntur
à Polonis.*

Insignior hæc victoria superiore illa Grunewaldensi habita est, eo quod maiore contentione & labore parta est, & quod ita ea vires atque animi Cruciferorum fracti sunt, vt per multos annos postea nunquam auderent rem vniuersæ dimicationi committere. Parta est autem decima die Octobris. Sequenti die spolia à Polonis lecta, humatique, qui ceciderant. Deinde motis castris Bydgoskiæ prædam inter se partiti, Inouladislauiam ad Regem cum longo captiuorum ordine peruenere: Ibique omnibus à Rege gratiæ actæ, ac per ampla munera data sunt iis, quorum illustriora merita esse constabat. Captiuos autem recreatos, & benigne consolatos, ac militari sponfione obligatos, vt se ad diem certum sisterent, dimisit excepto Michaeli Sternbergio duce exercitus, quem aliquandiu postea in arce Chencinensi in vinculis habuit. Nihil tamen consternati animis ex ea clade ij, qui ad obfidionem Tucholiæ relictæ erant, dolo etiam locum ex ea inuenere. Subornatis enim transfugis Polonis, & qui inter ipsos Polonica lingua gnari erant,

riferant, & pro captiuis eos ostentantes magna strage se deuicisse Polonos apud Coronouiam illis testificantibus mentiti, peruaferunt Ioanni Broglouio præfecto arcis ac præsidij, ut arcem sibi dederet. Augebatur enim indies Cruciferorum exercitus nouo milite mercenario, & à Tucholia in Poloniam excursionem facturus esse videbatur. Id ne accideret, celeri consilio prouidendum sibi esse Rex existimauit. Quocirca nouam expeditionem maiori Poloniæ indixit, nec segniter ea manus Bydgostiam, ut à Rege imperatum erat, conuenit. Inde porro eam cum cohorte Regis Petrus Szaffracius Succamerarius Cracouiensis sub signis duodecim ad Tucholiam duxit: præmissisque sexcentis balistariis, qui prædas agendo, vastandoque subiectam Tucholiæ oram, hostem elicerent, ipse cum reliquo exercitu opportuno loco in insidiis substitit. Simulatque conspexere equitatum Polonicum per agros palatè hostes, contempta eius paucitate, cum pertinacius eum fugam simulantem insecuti essent, in paratas insidias præcipitati sunt. Quas cū mature animaduertissent, pedem retulere. Ibi Poloni tardius, quam res postulare, signo dato, pauciores aduersus plures coorti ex insidiis, usque ad portas oppidi fugientes persecuti sunt: & quoniam agilibus equis utebantur, multos ex illis partim interfecere, partim uiuos cepere, ac castris hostium, quæ ante oppidum posita erant, vacuis potiti sunt. Non pauci oppido, ne Poloni simul irruerēt, exclusi, inconsiderate in undas sese præcipitantes, merfi sunt. His ad uicesimam octauam diem Octobris gestis, captiuisque ad Regem missis, exercitus omnis, præter aulicam cohortem, mox iniussu regio domos dilapsus est, propter tempus anni, cuius rei magis, quam bello gerendo, commodum. Captiuos Rex, accepta ab eis itidem atque ab aliis prius sponsione, dimisit.

Noua expeditionis in Prussiam.

Cruciferi rursus profligati à Poloniis.

His cladibus permotus Plauenius Magister Cruciferorum, non ausus de nouo fortunam periclitari, in interiorè Prussiam reliquias profligati exercitus deduxit, ac Stumam arcem aliquandiu obsessam in deditionem accepit. Eam deditionem Morangi quoque deditio secuta est. Inde ad Radinum castra mota, circumfessaque ea arx sex septimanis. Sed cū in spem Toruniæ Gedanique per deditionem recipiendi Magister uenisset, soluta obsidione, fauclisque, quorum non exiguus erat numerus, cum præsidio in oppido Radino relictis, ad recipiendas eas vrbes profectus est. Quo discedente, Poloni accitis celeriter his, qui erant in præsidio Brodnicz, impetum fecere in oppidū, expugnatumque paruo negotio diripere & incendere. Porro Torunienses & Gedanenses adueniente Magistro cum exercitu miserunt ad Regem, ut sibi ex cōtinenti opem ferret, quod ipsi per se oppida sua defendere non possent. Cæterum cum præter opinionem eorum accidisset, ut Rex tēpori se illis ad futurum esse promitteret, ac sine mora eo contenderet, rursus ei legationem obuiam misere Gnieucouiam, se iam necessitate adactos, deditionem cum Magistro pactos esse. Itaque Rex dimissis contra sententiam multorum legatis saluis, quod diceret, testatum se cunctis facere uelle, non suam illis, sed illorum fidem sibi defuisse, Inouladislauiam se contulit. Magister acceptis in deditionem ciuitatibus Gedano & Torunia, arcem Torunensem nequicquam oppugnauit: nam ea strenue à præsidio regio defensa est. Rex postea Gnesnam ad sepulchrū D. Adalberti, & Posnaniam ad eam corporis Christi, votorū, quæ ante prælium Gruneualdense nuncupauerat, exsoluendorum causa profectus, equestrem ordinē totius illius tractus denique ad

Torunienses & Gedanenses ad Cruciferos deficiunt.

expeditionem in Pomeraniam exiuit, eamq; omnem, omiſſa arcium & oppidorum oppugnatione, longe lateq; ferro & igne vaſtauit.

*Sigism. Rex
finis Polo-
niæ vaſtat.*

Dum autem hæc in Pruſſia & Pomerania aguntur, interim Sigismundus Rex Vngarorum, vt Vladislauum à Cruciferico bello auerteret, promiſſiſque (ob quæ quadraginta millia florenorum à Cruciferis acceperat) ſatiſfaceret, Sciborium Transſyluanix Palatinum cum duodecim vexillis Bohemorum, Morauorum, & Auſtriorum (nam Vngari foedera ſibi cum Poloniſ conſtare cauſati ſunt) ad vaſtandam ſubmontanam Poloniam miſit, cum iam Poloni, qui ad præſidium eius oræ relictæ à Rege erant, hyeme ingruente domos dilapſi eſſent. Verum celeriter tamen ij ad primum nuncium cõcurrentes, hoſtem præda ex agro Sandecenſi capta onuſtum, abeuntem perſecuti ſunt, & non procul à Bartſa ſiue Bardeouia adepti, magnoque impetu adorti, proſſigarunt. Hoc eodem anno ſub exitum Nouembris memorabili ruſus victoria de Liuoniis potiti ſunt Poloni. Hermannus enim Liuonicorum Cruciferorum Magiſter validum ex Germania & Bohemia in Pruſſiam adduxerat exercitum, eoque apud Golubam relictæ, ipſe cum paucis equitibus Marienburgum ad Cruciferos, vt cum illis de ratione belli conſultaret, profectus erat. Id cum comperiſſent Poloni, qui Ripini & Bobrounicis in præſidiis erant, auſi facinus audax, ductore Dobeslao Puchala, ad hoſtem viris armisq; longe ſuperiorẽ contendere: inſidiisq; apto loco diſpoſitis, pauci per agros palantes, ſub Goluba ſeſe oſtendere. Eos hoſtes correptis armis auidius perſecuti, locum inſidiarum incaute præteruecti ſunt: quos Puchala cum toto agmine à tergo adortus, perterritos & incompoſite fugientes, uſque ad oppidum perſecutus eſt. Oppidani, vbi id animaduertente, veriti, ne patentibus portis Poloni permixti ſuis in oppidum irrumperent, portas clauſerunt. Ita excluſi oppido hoſtes, quum caderẽtur paſſim in medio, proiectis armis ſupplices Poloniſ ſeſe dederũt, & quadruplo maior numerus captiuorũ, quam eorum, qui eos ceperant, fuiſſe proditur. Verum illi re inopinata percuſſi, alium longe maiorem exercitum Polonorum in ſyluis latuiſſe crediderũt. Ripinum tandem captiuum cum appuſſi eſſent, ingenti cum dolore ac pudore errorem ſuum cognouerunt. Inde porro Breſtam ad Regem trãſmiſſi, ſub militari ſponſione omnes dimiſſi ſunt: Curouienſibus modo, quod fidei tenaces non eſſent, & iis, qui religionem profeſſi erant, retentis.

*Conuentus
inter Regẽ
& Cruciferos
habitus.
Induciæ
menſtrua.*

Conuentus deinde inter Regem & Cruciferos habitus: verum in eo tamẽ de induciis non conuenit. Poſterius autem ex menſtrua tantum per Szaffranecium confectæ ſunt. Quibus durantibus Rex propere in Poloniam excurrit, & apud Radoffice oppidum cum Regina congreſſus, exiſtiſque denuo ad expeditionem cunctis Poloniſ ad inſtaurandum cum Cruciferis bellum, poſt noui anni initium reuertit. Vitoldus quoque cum Lithuanicis auxiliis Vladislauum ad eum venit, eiſque conſilium de circumuallanda Torunia, vbi Magiſter & primores Cruciferorum erant, ſpe pacis iniecta, mutauit, perſuaſitq; vt in ſylua quadam caſtra faceret. Interea de pace in inſula Torunẽſi agi coẽptum. Forte accidit, vt induciæ expirarent, & conſenſu mutuo in longius tempus prorogarentur. Sed eiſ rei ignarus Ioannes Broglouius præfectus Bydgostienſis præſidij, cum permagnum numerum equorum hoſtilium apud Papouiam eſſe didiciſſet, traiecta cũ quadraginta modo equitibus Viſtula, & facto impetu ex improuiſo in antemurale Papouienſe, equos ibi ſtabulantes abegit, & antemurale incendit. Qua re Toruniam ſubito nunciata,

emissi

emissi sunt non pauci equites, qui eum persequerentur. Hoc animaduerso, Broglouius, ceteris cum equis captiuis præcedere, ac tranare Vistulam iussis, ipse cum duodecim modo equitibus persequentes se hostes sustinuit, non ausos sensim cedentem pertinacius sequi, metu insidiarum. Receptus deinde in naues paratas, nullo accepto incommodo flumen traiecit. Pax deinde victoribus, quam victis iniquior, instante maxime Vitoldo, proceribus vero Polonis Regi dissuadere non ausis, stabilita est: cuius hæc potissima fuere capita, vt Samogitiam Vitoldo & Regi, quoad viuerent, Cruciferi concederent, ducentaque millia florenorum Pragensis pecuniæ intra annum vertentem tribus pensionibus numerarent: Ziemouito autem Masouiorum Duci Zaucrense territorium redderent: Rex Cruciferis, quæ de ipsis bello ceperat, remitteret: Dobrinum sibi haberet, captiui omnes inuicem vt dimitterentur. De Dreno & Santoco, & aliis controuersis seni viri vtrunque delecti arbitrantur. Quod si inter eos non conueniret, Pontificis Maximi arbitrio staretur. Complexi sunt autem hoc fœdere, Rex quidem Duces Pomeranorum & Masouiorum: Magister vero Sigismundum Regem Vngarorum, si is vellet: interim autem, dum de eo non constat, neci Polonus bellum faceret. Hæc tam iniqua Polonis pax, stipulatione vtrunque interposita, cum Magister Henricus in castra Regis venisset, firmata est, & mox captiui omnes spoliis soluti. Munera deinde inter Principes vtroque missa. Vitoldo autem ibi Rex, inconsulto Senatu Polonico, Podoliæ dominatum, amoto, a præfectura Petro Vlodeco Charbinouio, vtendum fruendum concessit, non sine magno Polonorum incommodo, dimissoque post exercitu in Poloniam rediit. Nec diu ibi moratus in Russiam contendit, cum Alexandro Palatino Valachorum iam prius fœderato & cliente suo nouam contra Sigismundum Regem Vngarorum societatem iniit: Sniatinumque & Colomeiam, atque omnem tractum Pocuciensem ipsi pignori reliquit, acceptis ab eo mutuis mille rublis, siue ciclis argenti.

Pax & transactio cum Cruciferis.

Vitoldo Podolia concessa.

Rex in Russiam contendit.

Valacho Sniatinum & Colomeiam cum Pocucia operis pignorat.

Eodem vero anno Stephanus, cum Alexandro siue extincto, siue pulso in principatu successisset, missis ad Regem quatuor oratoribus, in fide & clientela ipsius itidem, vt maiores sui fuissent, se fore, & vbi accitus ab eo fuerit, venturum, solenneque iurandum daturum: neque reperiturum vnquam Pocuciam, sed præsentem cum præsentem Rege arbitrato ipsius de eo transacturum esse promisit. Per idem tempus opera Zauissij Nigri, apud Vngarorum iuxta ac Polonorum Regem gratiosi, effectum est, vt primores Poloni & Vngari simul apud nouam villam conuentum de pace inter Reges redintegranda agerent, sed ea non confecta octo mensium inducias tantum constituerunt, ea lege, vt Polonis cum Cruciferis pax rata maneret. Quod si eam Poloni nouo bello rupissent, ille quoque induciæ cum Sigismundo & Vngaris irritæ forent: sin Crucigeri priores id facerent, Sigismundus sese deinceps ab amicitia & societate eorum seiuingeret.

Polonorum cum Vngaris conuentus & pacta.

His ita compositis, Rex per Chlimentem oram sub initium veris in Lithuaniam secessit. Ad Ioannem vero Pontificem, qui Alexandro quinto mortuo successit, oratores suos misit cum peramplis donis, nempe quatuor patenis, duobus crateribus magnis aureis, tribus vestibus Zobellinis & culcitra item ab altera parte e pantherarum, ab altera ex hermelinorum pellibus tota: obedientiam ipsi suam delaturos, postulaturumque, vt Pontifex declararet, ipsum iuste bellum contra Cruciferos suscepisse, & quicquid rerum

Rex in Lithuaniam secedit.

Oratores Regis ad Papam deponit.

sacrarum è templis Prussicis per id bellum ablatum esset, recte in Polonica tēpla conuersum esse: dein, vt ipsi crucis militiam contra Tartaros concederet. Ac cætera quidem impetrata sunt: extremum hoc ne impetraretur, illud obstitit, quod eiusdem modi militia cōtra Ladislaum Regem Neapolitanorum ab ipso Pontifice promulgabatur, & obstabant Polonis Sigismundi Regis, & Cruciferorum oratores, veriti fortassis, ne contra se Rex vteretur illis militibus. Posthæc venit Rex Cracouiam, pedes religionis causa incedens, vexillaque & signa militaria vnum & quinquaginta de Cruciferis capta, ad sempiternam tam insignis victoriæ memoriam in Basilica suspendit: quæ in hunc vsque diem extant. Haud ita multo post inde discedens in Lithuaniam, partē hyemis in venationibus exegit.

Rex ex Lithuania Cracouiam venit.

Ernesto Austriaco Cymbarcā Masouiam in matrimonium dat.

Venetorum legatio ad Regem.

Legatio Sigismundi Regis ad Vladislaum Regē. Conuentus Regum.

Facta conuentus & societas inter Reges Vng. & Pol.

Tartarorū legatio ad Regem Poloniam.

Sequentis autem anni millesimi quadringentesimi duodecimi initio Cracouiam iter vertit, de aduentu Ernesti Ducis Austriæ certior factus, cum quo affinitatem iunxit, collocata ei in matrimonium Cymbarca Ziemouiti Masouiorum Ducis, & sororis suæ filia. Aduenerat & Venetorum legatio, quingentorum hastatorum stipendium Regi pollicens, si Sigismundo Vngarorum Regi bellum facere pergeret. Iam enim creatus erat Cæsar Sigismundus; & facescebāt ei negocium Veneti in Dalmatia. Ipse vero à Ioanne Pontifice in Italiam, & ad liberandam de manu Ladislai Regis Neapolitani Romam, suscipiendumque diadema imperiale inuitatus: Forouiliam Venetorum ditionem infestabat. Auerti igitur eum Veneti ac distineri bello Polonico volebant. Sed nihil impetrarunt: cauebant enim proceres Poloni, ne vetusta cum Vngaris fœdera violarentur. Quod cum sensisset agi à Venetis Sigismundus, misit & ipse legatos ad Vladislaum de renouando fœdere, aut certe de conuentu & colloquio. Ægre conuentu ad certam diem Lubouiliam impetrato, prior Anna Regina Poloniæ eo profecta est, Barbaram sororem, quæ Sigismundo nupta erat, visum. Rex deinde, qui Sandecia subsisterat, secutus, Boleslao Masouio & Sigismundo Coributo patruale, ac multis proceribus Polonis deducentibus. Venienti Vladislao Sigismundus obuiam prodiit vna cum vxore vsque ad iugum montis, atq; ibi septem diebus tētata frustra inter proceres Regum pace, cum discedere iam Vladislaus vellet, ad secretum colloquium semotis prorsus arbitris, à Sigismundo inuitatus, blanditiis eius & ingentibus pollicitationibus expugnatus, tādē homo minime malus, in gratiam cum eo, pactis iureiurando mutuo firmatis, rediit. Aduenere eo quoque legati Venetorū, quod eis Vladislaus rogatu Sigismundi spem pacis æquissimis conditionibus faciendæ fecisset. Ac tentata quidem Vladislao interueniente, sed non confecta pax est, propterea quod nihil æqui Veneti attulissent, nec Sigismundo ereptam Dalmatiam reddidissent.

Dum autem Vladislaus Budæ commoratur, venit forte eo ad eum splendida legatio Tartarorum cum muneribus, magna auxilia, si quando res ita posceret, ei pollicens. Honorifica erat hæc ei legatio apud externos. Persuasit autem is legatis, vt eadem Sigismundo nunciarent. Quo ille ferocior factus, Venetos territabat. Dimissis legatis, ludis, ac deinde venationibus vacatum est, vbi cum Vladislaus bubalinis cascis recētibz sese repleffet, ac deinde calido balneo vsus, in profluente Danubij diutius sese abluisset, febrim cōtraixit. Ab ea vero paucis diebus medicorū opera releuatus, & amplissimis muneribus à Sigismundo donatus, per Morauiam atq; Teschinensem oram in Poloniam

leniam reuertit, quinto demum mēse, posteaquam Vngariam ingressus fuerat. Erant autem præcipua dona, quæ à Sigismundo acceperat, corona, sceptrum, & pœnum, aurea, Boleslai Chrobri gladius & insignia regni, quæ Elisabetha Ludouici Regis mater in Vngariam asportauerat, verita, ne Poloni mutata sententia alium sibi Regem crearent. Ea Rex Cracouiam ingrediens publice sibi præferri iussit. Nec diu moratus Cracouia, per Sedomiriensem, Lublinensem, & Chelmensem tractû profectus, supra Bugum fl. prope Rubessouum oppidum cum Vitoldo de omnib⁹, quæ in Vngaria egerat, communicauit. Dimisso deinde Vitoldo, Russiam Rex obibat: quo cû legati à Sigismundo Rege ad eum venissent, octoginta millia florenorû Pragësiū ab eo mutua acceperat, dato ei in pignus Scepusiensi tractu cum tredecim oppidis, arce tamen excepta. Atque ex eo tempore Scepusium in ditione Polonorum est in hunc vsque diem. Russia peragrata, in Poloniam Rex secessit, paucisque diebus Nepolomicia exactis in Lithuaniam rursus concessit, & hyemem illam ibi exegit: quæ quidem prodigiose mitis fuisse memoratur, ita vt initio Februarij flores & olera in regione frigidissima existerent. Verno atq; æstiuo tempore Poloniam rursus fere omnem obiuit. Apud Grodlû deinde supra Bugum amnem Polonorû & Lithuanorû conuentum habuit: ibi fœdera inter has duas nationes renouata: cōcessumq; ius nobilitatis Lithuanis, iis duntaxat, qui ritus ecclesiæ Romanæ seruaret: iisdē vt insignibus atq; prærogatiuis, quibus Polonica Nobilitas, vteretur, præterquam vt deinceps quoq; iussu magni Ducis arces conderet, vias publicas reficeret, tributaq; solita penderet. Senatum autē & magistrat⁹ more Polonorû haberet. Honores vero & Magistrat⁹ ne alienis ab ecclesiæ Romanæ institutis mādarentur. Ducom qñ vsus postularet, nō nisi de sententiā Regis, & amplissimi Senat⁹ Polonorû legerent: vicissimq; Poloni, vt ne in sc̃is inconsultisq; Duce & Senatu Lithuanico Regē sibi crearent: comitiis cōmunibus quoties opus esset, vt ea Lublinû vel Parczouiam, vel alias, quo videretur, mutuo cōsensu indicerent: ordo item ecclesiasticus vt eodē iure, iisdemq; prærogatiuis, quibus in Polonia, frueretur. Hæc omnia Proceres Lithuani, libertatem & prærogatiuas, nobilitatis adepti, approbarunt ac literarum monumentis consignarunt.

Soluti conuentu, quia pestilēs autumnus erat in Polonia, in Lithuaniam Rex secessit. Inde porro in Samogitiam profectus, gentē eam, quæ nondū falsorū Deorū cultū penitus abdicauerat, magno studio, magnaq; cura, extinctis sacrisignibus, succisis lucis, necatisq; serpētibus, & aliis sacris animalibus, ad religionem Christianam conuertit, nō modo pij Regis, sed etiam doctoris & Apostoli fungens officio, suggerentibus sacerdotibus Polonis, quæ diceret, quæue faceret, cum ipsi barbaros loquētes non intelligerēt, nec ab eis vicissim intelligerentur. Episcopum apud Mednicos, attributis agris & redditib⁹, & paroecos duodecim (tot enim territorii cōtinetur Samogitia) vt iisdē Canonici Mednicēs essent, instituit. Tunc autē Rex præfecto gēti Keszellone nobili Lithuano, & religionis curā in primis in rudi populo gerere iussit, in Lithuaniam, atq; inde porro post anni sequentis millesimi quadringētis simi decimi quarti initium in Poloniam, & in Cuiauiam, ad constitutum cum Cruciferis apud Slonscum conuentû contendit. Iam summū apud Cruciferos magistratū Michael Sternbergius gerebat, amoto & in carcerē coniecto Hærico Plauenio, siue propter profusas largitiones, siue ppter inuidiam, siue quod à Magistro ambizioso homine, quati Polonis in penitus faueret, infimula-

Scepusium
Regi Polo-
nia oppi-
gnoratum.

Hyems mi-
tissima.

Polonorum
& Lithua-
norum con-
uentus a-
pud Grod-
lum.

Lithuanis
prærogati-
ua & leges
à Rege dā-
tur.

Samogitiā
ad religionē
Christianā
conuersa.

Conuentus
Regis cum
Cruciferis.

*Cruciferi
Polonis in-
iurijs.*

mulatus esset: Quo comperto, Vlricus Henrici frater Commendator Gdanensis, metuens & ipse sibi, clam ad Regem profugit. Fugisset Henricus quoque è custodia, re clam per internuncios cum Rege composita, nisi eum Ioannes Cripidlo Vladislauiensis Episcopus, cum quo forte Rex ea de re secreto communicarat, prodidisset. Pace cum Cruciferis tentata, sed non confecta, causa vero tota à Strigoniense Archiepiscopo delegato Sigismūdi Cæsaris iniquissime disceptata, cum Cruciferi iniurijs nullum modum statuerent, mercatoresque Posnanienses Gedani, direptis eorum mercibus crudeliter interfecissent, & per subornatos homines multa oppida ac pagos in Polonia incendissent, latrocinantiumque in morem è Dobrinensi & Polonia finitima prædas agerent, cumque ad extremū sub signis populabundi in Dobrinum excurrissent, ac subito pauore turbati diffugissent, nouam in eos expeditionem Rex Polonis, Russis, ac Lithuanis cunctis indixit.

*Prussicum
bellum.*

Dum autem bellum id adornatur, ipse maiorem Poloniam percurrit. Forte tunc Petrus Vissus Episcopus Posnaniensis lento morbo confectus obiit: qui ni obiisset, restitutus fuisset autoritate Constantiensis Concilij in Cracouiensem Episcopam Alberto deiecto: sed profuit Alberto mors eius, vt facilius à Concilio Rege petente veniam impetraret. Tunc autem cum collegium Posnaniense petiisset à Rege, vt sibi Episcopum arbitrato suo legere liceret, non abnuis: solusque in consilium sacerdotum ingressus, impetrauit, vt de quatuor à se editis (inter quos etiam fuit Alexander Masouia filius, è sorore sua natus) vnus legeretur Episcopus. Leæus aut absens magno omnium cōsensu Andreas Lascaris Goslauius Decanus Cracouiensis, & Canonicus Posnaniensis, qui tūc forte legatus à Rege cum tribus alijs ad Sigismūdum Cazarem de causa Crucifera profectus erat. Æque tamen is decreto collegij cum voluntate regia coniuncto assensus est, vir bonus, & non ignarus, quantum onus in se susceperet. Iam ingentes copię ex omni Polonia, Russia, Lithuania, & Masouia cum suis Ducibus Volborem conuenerant: Tartarorum etiam non contemnenda auxilia Vitoldus adduxerat. Erat & mercenariorum militum ex Bohemis & Silesijs non exiguus numerus: quin & Silesiorum Duces exercitum regium auxerant. Itaque Rex non moratus diutius, in terram hostilem eum duxit, instructum inspectantibus legatis hostium, qui siue ad auertendum bellum, siue ad speculandum vires Polonorum venerant. Verum non ita magnum operæ præcium cum tantis copijs factum est. Oppida modo & castella quædam ignobilia, partim vi expugnata, partim in deditionem accepta, partim vacua dilapsis habitatoribus occupata, direpta, atque exusta.

*Legatus
Ep. ad Re-
gem.*

*Inducia
diuum an-
norum.*

*Concilium
Constant.*

*causa Prus-
sica discep-
tatio per-
missa.*

Venit interim legatus Pontificis Ioannis trigesimali tertij Ioannes Laufenensis Episcopus: qui impetrauit facile à Rege defidis & famelici belli (vulgo postea sic appellati) iam pertæso, vt duorum annorum inducijs cum Cruciferis constitutis, Constantiensis Concilij iudicio causam & controuersiam omnem suam cum Cruciferis permitteret. Itaque Rex dimisso exercitu reuersus in Poloniam, de Senatus amplissimi sententia legatos ad Concilium misit, Nicolaum Archiepiscopum Gnesnensem, Ioannem Vladislauensem, Iacobum Plocensem Episcopos, Andream Lascarem electum Posnaniensem, Ioannem Tuliscouium Castellatum Calissensem, & Zauissium Garbouium cognomento Nigrum. Pollicebatur autem Sigismundus, non defuturum se ibi esse causæ regię contra Cruciferos, eique vicissim rerum Vngari-
carum

carum curam commendauit. Idem fecit Concilium illud, scriptis ea de re ad Regem literis. Ac fecit quidem Vladislaus amici officium: nam cum Turcæ ipso absente Vngariam infestarent, Bosnamque à Sigismundo prius recuperatam, ipsi iterum fufis profligatisque Vngaris eriperent, Vladislaus missa ad Turcas minacile legatione, sex annorum inducias inter eas gētes captiuus Vngaris proceribus liberatis confecit: pacem quoq; perpetuam conficisset, ni Pipo Florentinus Comes Themessienfis temere omnia turbasset, capto pro exploratore Gregorio Armenio Vladislai internuncio, qui Turcicæ legationi de pace venienti tutum ad Vngaros accessum præstruaturus antecesserat.

*Rex Vlad.
curam gerit
Vngaria
Sigism. ab-
sente.*

Interea Vladislaus Rex Lithuaniam, Poloniam, & Russiam continētibus fere itineribus obiuit: & Sniatini quum esset in Russia ad Pentecosten anni sequentis, venit ad eum supplex Alexander Palatinus Valachorum magna & splendida Nobilitatis suæ caterua stipatus, & vexillo ad pedes eius prociecto, datoque conceptis verbis iureiurando, in fide atq; clientela eius & Polonorum se fore semper promissit. Venit & ab Imperatore, & Patriarcha, Constantinopolitanis legatio, frumentarium subsidium petens. Vehementer enim Turcæ Thraciam infestabant & premebant. Vladislaus itaque Rex inopia laborantibus Cōstantinopolitanis liberaliter opitulatus, in Cacybeio portu maris Pontici, qui in ditione Polonorum tunc erat, frumentum ad mensus est. Sniatino in Lithuaniam rursus diuertens, viginti millia marcarum Pragensium, quadraginta vestes zobellinas eximias, centum equos, totidemq; aureos pannos à Vitoldo dono accepit. Anno sequenti millesimo quadringentesimo decimo sexto cum Annam Reginam Cracouiæ mortuam sepelisset, rursus in Lithuaniam profectus, apud Velunam Samogitiæ cum Cruciferis Prussicis pariter & Liouonicis de regundis finibus Samogitiæ, ac de pace perpetua constituenda conuentum egit. Verum Cruciferis intolerabili fastu tumentibus, neque vllam æqui aut iniqui rationem ducentibus, re non perfecta discessum est. Augebat autem eis spiritus, vt creditum est, societas cum Tartaris inita, qua eos ad vastandos Russiæ fines excitabant. Nec multo post ingens vis Tartarorum duce Ediga in Kiouiensem tractum improviso effusa, ferro ignique omnia depopulata est: urbem quoque ipsam Kiouiam diripuit ac diruit, quæ ex eo tempore splendorem pristinum nunquam recuperauit. Arce quidem summa vi oppugnata hostis potiri non potuit.

*Palatinus
Valachia
iurat Regi
Polonia.
Legatio
Imp Con-
stantinopol.
ad Regē V-
ladislaum.*

*Anna Re-
gina mori-
tur.*

*Conuentus
Lithuano-
rum cum
Cruciferis.*

*Tartari
Russiam
vastant.*

Rex pro eo, quod hostes bello persequi debuit, Sanocinuptias celebravit, indignas illa ætate, & nomine ac dignitate suæ, ducta in matrimonium Elisabetha Pilecia, Ottonis Palatini quondam Sendomiriensis filia, vidua prouectæ iam ætatis, & complurium virorum thores experta; quippe quæ virgo propter magnitudinem dotis à Morauo quodam rapta, eique aliquanto post ab alio quodam Morauo itidem erepta, & interfecto priore raptore, in loco iuste vxoris habita, ad extremum Vincentio Granouio Castellano Naclensi, despondēte Spitcone Melstinio propinquo, nupserrat. Siue autem intempestiuo amore & consuetudine eius mulieris captus, siue philtris etiam & magicis artibus dementatus Rex, eo se tam impari matrimonio implicauit, magnam certe nomini suo infamiam non modo apud suos, sed etiam apud exteros aspersit: ita vt Concilium quoq; ea fama, traducentibus Cruciferis, impleret. Rex inde Cracouiam indicto conuentu, Reginam quoque

*Rex tertiam uxorem
ducit.*

*Induciæ cū
Cruciferis.*

Lithuanorum conuentus cū Cruciferis.

eam ritu solenni fecit, nequicquam aduersantibus nonnullis Proceribus, & in primis Sendiuoio Ostrorogo Palatino Posnanienfi. Quoniam autem ea ab Archiepiscopo Leopoliensi Ioanni Reffouio coronata erat, veritus Nicolaus Archiepiscopus Gnesnensis, qui tunc in Concilio Constantiensi erat, ne sibi successoribusque suis ea prærogatiua Reges & Reginas coronandi præriperetur, obtinuit apud Concilium, vt Archiepiscopus Gnesnensis deinceps Poloniae primas sit. Prorogauit deinde Vladislaus Rex inducias cum Cruciferis in aliud biennium, Cæsare ac Rege Francorum Carolo petentibus. Et anno sequenti, qui fuit millesimus quadringentesimus decimus octauus, rursus apud Velunum Samogitiæ cum Cruciferis de pace conuentum celebrauit, deducis secum primoribus Polonorum. Vnde cum re infesta discessisset, dimissisque proceribus, ipse cum paucis ad Vigros (sylvæ id nomen est) venationi operam daret, parum absuit, quin in Rastenburgenfis Commendatoris insidias incideret. Sub idem tempus Vitoldus amissa paulo ante Anna uxore, alteram duxit Iulianam viduam, prioris materteram. Atque id matrimonium incestum Ioannes Episcopus Vladislauiensis, qui etiam Regem forte in Lithuaniam secutus erat, præter disciplinam ecclesiasticam iunxit, cum Petrus Vilnensis, vt id faceret, nequaquam adduci posset.

Legatio Pp. ad Vladislaum Regem.

Insequenti anno, cum Rex in Poloniam reuertisset, venere ad eum legati Martini Pontificis Maximi, Iacobus Campius Spoletanus, & Fernandus Hispanus Lucensis Episcopi, de pace cum Cruciferis conficienda postulantes: qui comiter & liberaliter à Rege habiti, cognita eius voluntate ad pacem propensa, in Prussiam inde ad Cruciferos contenderunt. Qui corrupti muneribus, cum monumenta ad causam ipsorum pertinentia inspexissent, ac descripsissent (ad quam forte rem magis, quam ad pacem faciendam Crucigerorum rogatu & sumptibus venerant) Regis causam incognitam temere testimonio suo damnarunt. Qua de re grauius postea Rex Pontifici questus est: qui fecit postea Regi potestatem producendi documenta causæ suæ. Dimissis autem legatis pontificiis Rex Cassouiam petiit, ad colloquium à Cæsare Sigismundo inuitatus: ibique blanditiis eius inductus, arbitrum eum tulit Cruciferis ex compromisso de contumeliis, damnis, & iniuriis, quas ab illis acceperat, reclamantibus, quos secum duxerat, Proceribus, & ad extremum vt certa tamen formula, certoque die id compromissum adstringeretur, suadentibus. Recusabant autem id compromissum Cruciferorum legati, qui tunc ibi aderant, siue adeo recusare se ex composito simulabant. Quare Cæsar vehementer, vt videri volebat, irritatus, arma se cum Vladislao contra eos coniuncturum iureiurando interposito pollicitabatur. Qua de causa remittere ei Vladislaus pecuniam, quam mutuam dederat, Scepassiumque reddere mox cogitabat, ni Proceres, cum quibus ea de re communicarat, id ei dissuassent.

Legati Cæsarei ad Regem Vladislauum.

Soluto conuentu, Vladislaus Rex in Poloniam reuersus, magna cura bellum aduersus Cruciferos apparauit. Misit & Cæsar Episcopum Passauiensem, & Ioannem Comitem Hardeccium Cracouiam, vt in speciem arma, & cætera ad Prussicum bellum necessaria exercitui suo compararent: quibus laute à Rege sumptus suppeditati sunt. Cæterum ij, cum supra quadraginta dies Cracouiæ mansissent, ultro an reuocati, non constat, in Vngariam ad Cæsarem redierunt. Reuersus est deinde ad Regem ex Vngaria Zbigneus Brezius

Brezius Marschalcus, qui ad deducenda à Cæsare auxilia relictus erat, vanitate Cæsaris perspecta. Lactatus inanibus Cæsaris promissis Vladislaus Rex, tamen institutam in Prussiam expeditionem non remisit, ne legatione quidem eius motus, quæ ille ab eo postulabat, ut in aliud tempus id bellum reiiceretur. Iam copiarum omnes Volboriam conuenerant, indeque per Masouiam progressæ, ad fines hostium peruenierant, cum venit ad Regem in castra Bartholomæus Capra, Archiepiscopus Mediolanensis legatus à Cæsare, dirimendi eius belli causa. Pepigit is quidem rursus adiuvante maxime Vitoldo, & accedente Pontificis Maximi autoritate duorum annorum inducias, cum compromissi sui Regem admonisset, & aliud ei ex aduerso respondens ipse à Cruciferis attulisset. Præfinita autem compromisso dies ad octauum idus Ianuarij. Itaque irritus tantus ille conatus atque apparatus belli fuit, non sine magno omnium fremitu, imprudentiam Regis in faciendo compromisso inculantium. Verum eam culpam Rex in Cancellarium transfudit: quam ob rem is magno omnium odio deflagrauit. Cum Erico autem Danie, Suecie, & Noruegiæ Regibus, ac Duce Pomeraniæ, eiusque consiliariis, publice à Vladislao & Vitoldo in castris tunc idem est fœdus ac societas, cum contra alios utriusque partis hostes, tum nominatim contra Cruciferos: ea lege, ut etiam si quis Principum ab eo fœdere vellet discedere, subditi tamen ipsius eo nihilominus tenerentur: ne tamen uteruis altero inficio, Cruciferis, vel cuiquam bellum omnino intentaret. Excepti sunt autem à Vladislao & Vitoldo Sigismundus Cæsar, & Venceslaus Rex Bohemorum, propter priora cum ipsis fœdera. Reuertens autem ex eo bello Vladislaus, per Cuiaviam in maiorem Poloniam diuertit. Posnania vero Srodam proficiscentem aduersus casus perculit. Nam sub vesperum, cum serenum esset cœlum, subito atris nubibus obductum est: unde inter crebra fulgura ac tonitrua fulmen magno fragore decidens quadrigas carpento, quo Rex vehabatur, iunctas, duosque stipatores regios, & equos complures alios, vno instanti interfecit: aurigæ & sessoribus equorum nil aduersi euenit, nisi quod cubicularij vestis discerpta est. Rex cum aliquandiu exanimatus iacuisset, tandem respiravit, cætera sospes, præter quod surdaster paucos dies, & modico manus dextræ dolore affectus fuit.

Sub illud tempus Ediga Princeps Tartarorum, missa legatione cum munieribus ad Vitoldum, fœdus cum eo iniit. Venit paulo post, prius tamen fibi aditu & colloquio impetrato, ad Vladislaum Sigismundus Cæsar Sandeciam, & cum animo esset distracto, utrum Turcicum bellum prosequi, an Bohemiam post Venceslai fratris obitum, qui non ita pridem paralyti extinguitus erat, Hussi religione & domestica seditione æstuantem recuperare debuisset: Vladislaus ei suavit, ut Bohemiam ante omnia potestatis suæ faceret, Hussique doctrinam vires sumentem opprimeret, & ad hæc peragenda auxilia illi pollicitus est. Qui Pragam cum exercitu veniens, cum non exiguum cladem à Taboritis, qui à castris nomen sumserunt, accepisset, castrisque exutus esset, Vratislaviam iter d flexit, quo se legatos Vladislai Regis & Cruciferorum sequi iusserat, ut ibi inter eos de controuersis arbitrium perageret. Verum ipse ad extremam demum compromisso præfixam diem post initium noui anni eo venit. Veritus igitur, ne die præteritum irritum esset compromissum, ut Cruciferis gratificaretur, causa non cognita

*Inducia
duorum
annorum
inter Polo-
nos & Cru-
cigeros.*

*Rex fœdus
iicit cū Da-
nia & Sue-
cia Regi-
bus.*

*Fœdus
Tartaricū
Vitoldo.
Sigismund.
Imp. cum
Vladislao
R. congrega-
tus.*

*Decretum
Sigism.
Cæsaris ex cō-
promisso.*

gnita, neque disceptata, sententiam ex scheda, quam in pera paratam habebat, insertis quibusdam, quæ in controuersiam non venerant, recitauit, reclamantibus frustra legatis Vladislai, & fidem religionemque iudicis requirantibus. Quod quidem tam molestum legatis Polonicis fuerat, ut in salutato Cæsare & moderationem decreti pollicente astutum discederēt. Eo vero spectabat potissimum decretum illud Cæsaris, ut decreto Pontificis maximi delegatorū abolito, Caroli Vngariæ & Ioannis Bohemiæ Regum arbitrium, pactaque apud Toruniam inter Regem Poloniæ & Magistratum conuenta, rata essent.

*Vladislai
Regis &
Vitoldi
madata ad
Cæsarem.*

*Consulta-
tio Polono-
rum.*

*Cruciferi
non satis
faciunt de-
creto Cæsa-
ris.*

*Comitia
Lenciciensi-
turbulen-
ta.*

*Elisabetha
Regina
mors.*

Hæc ubi celeriter ad Vladislaum in Lithuania tunc venationibus cum Vitoldo vacantem perlata sunt, dolore & ira vterque ad lachrymas usque exarsit. Mox communicato cum paucis consilio, Rex Zbigneum Olesnicius ad Cæsarem misit, qui ei beneficia sua plurima & maxima, & ipsius non modo ingratitude, summam iniustitiam, sed etiam perfidiam & periurium exprobraret, seque paritum esse illi sententiæ negaret. Quod cum Olesnicius grauissimis verbis fecisset, simulque Nicolans Cebulca subsecutus, Vitoldi nomine cum alia quædam acerbe in Cæsarem dixisset, tum scædus & amicitiam olim cum eo constitutam repudiasset, ita commouerunt Cæsarem, ut eos, violato iure gentium, in profluentem demergere voluerit, nisi eum, qui proximi assidebant, Episcopi & Principes à tunc præcipiti consilio auertissent. Sine responso autem ij dimissi sunt. Nec ita multo post Cæsar missis duobus legatis ad Regem, correcturum se esse pollicitus est, quod non malitiose, sed imprudenter Cruciferorum fraude circumuentus deliquisset. Verum ne in eo quidem seruauit fidem, cum Vladislaus Rex rursus Episcopum Cracouiensem, & Marschalcum ea de re ad eum misisset. Relata deinde re ad Senatū, parendumne esset iniquo Cæsaris decreto, an eo spreto inferendū bellum Cruciferis, placuit ad tēpus quiescere & expectare, ecquam priores Cruciferi, non parendo decreto Cæsaris, iustam belli occasionem darent. Nec ea diu expectata est. Cum enim Cruciferi duodecim millia & quadringentos aureos nummos Regi decreto Cæsaris ad certam diem numerare deberent, nec satis auri parati haberent, legati regij Ioannes Koscielecius Palatinus Vladislaiensis, & Zbigneus Olesnicius Secretarius argentum, quod in supplementum auri dabatur, non acceperunt: dieque lapsa, testati, priores Cruciferos iudicatum non fecisse, discessere. Quæ res apprimè grata & exoptata Regi, atque etiam Vitoldo accidit. Quietæ tamen aliquandiu postea res fuit inter Polonos & Lithuanos, atque Cruciferos. Cæterum domi in comitiis Lenciciensibus ad vicefimam quintam diem Iulij parum absuit res à perniciofa seditione. & cæde. Infensa erat Elisabetha Regina Alberto Episcopo Cracouiensi, cum quod is matrimonium eius cum Rege imprimis improbat: tum quod Iohanni filio, quem Granouio pepererat, diploma de Comitatu, quo is à Rege contra leges publicas ornatus erat, non signabat. Cum autem non ignoraret mulier, infiniti compromissi culpam à Rege reici in Albertum Episcopum, Tuliscouium Castellatum Calissensem, & Brezium Marschalcum, quos etiam alienioribus forte à se animis esse sentiebat, mulier vindictæ cupida, vrgebat eam occasionem, Regem in eos assidue instigabat, & eo Regem propemodum perpulerat, ut Episcopo indicta causa Cancellarij munus abrogaret, in tres vero illos ut iudicium publicum in comitiis institueretur, perfecit. Et mortua quidem est Elisabetha ante diem comitiis publicæ

publica omnium ordinum (præterquam Regis ipsius) latitia, quam splendior vestitus omnium testatam faciebat. Iudicium tamen nihilominus in Episcopum & reliquos duos instauratum est. Ibi cum propinqui & clientes Petri Vissi, veteris iniuriæ memores, frequentes Alberto insultarent, & Bartholomæus Vlodecus, cui Petri fratris filia nupta erat, causam aduersus Albertum dicens, acerbius in eum inucheretur; non tulerunt id Alberti fratres propinqui & clientes, quorum numerosa turba stipatus aduenerat. Crescebat iniuriis & conuitiis mutuis tumultus, & ab utrisque ad arma sumenda, acciendosque socios ex arce in oppidum decurrebatur. Rex cum proceribus in penitus cubiculum se subduxit: & ni mox porta arcis clausa, ponsque sublatus esset, multum ibi sanguinis effusum fuisset. Repressa tandem est à proceribus gliscens seditio, Rexque reconciliatus reis, maxime Ioannis Tarnouij Palatini Cracouiensis opera.

*Iudicium
in Episcopum
Cracoui-
cum &
duos proce-
res.*

*Rex recon-
ciliatus Ep-
iscopo.*

Consultatum deinde est de Republica, & in primis de Bohemis, an eos petentes Rex in fidem suam reciperet: nam ij victo pulsoque Sigismundo ad Vladislau regnum deferre nunciabantur. Re diligentius in Senatu agitata, placuit, ne Rex regnum à Bohemis delatum reciperet, propter dogma Hufitarum, quod totam iam Bohemiam infecerat, & propter intestina gentis dissidia, factionesque diuersas, neue Sigismundum Cæsarem, ad quem iure hæreditario regnum illud spectabat, in se concitaret: nec aperte tamen id detrectaret, sed dubios legatos dimitteret, ut eo metu Sigismundus in officio contineretur. Soluta conuentu Lenciciensi, venere deinde Bohemorum legati, quibus questis de Sigismundi superbia & acerbitate, regnumque Vladislao deferentibus, responsum est: Regem vicem eorum dolere, ipsum quoque multis insignibus iniuriis à Sigismundo affectum, ut merito Bohemis pro tam propèsis eorum in se studiis, auxilio aduersus eum esse deberet: sed quoniam res magna ac difficilis esset, quam postularent, nolle eum quicquam de ea sine Vitoldi fratris consilio statuere. Hoc responso accepto, pars legatorum in Lithuaniam ad Vitoldum profecta est: cæteris Nepolomicæ manendi locus datus, sumptusque suppeditati, ne in vrbe propter ipsorum præsentiam superfederi sacris necesse esset. Indictis deinde rursus comitiis Nepolomicæ ad vndecimam diem Nouembris, legati Bohemorum (iam enim & ij, qui ad Vitoldum ierant, reuerſierant) non præcisè aperte omni spe suscipiendi à Vladislao regni, dimissi sunt. Reuerterunt autem ij post sequentis anni initium, repertoque Rege vna cum Vitoldo in Lithuania apud Mereciam, idem quod prius postularunt, adiicientes: si Vladislaus regnum illud abnueret, ut Vitoldus id capesseret. Diu eos Vitoldus suspensos tenuit, ostentata nonnulla spe, vel Sigismundi vlciscendi causa, se id non recusaturum. Tandemque ad decimum octauum calendas Septembris Lublini certum eis responsum Regis pariter ac Ducis nomine datum est, cuius ea fuit sententia: Licet ambo grauiter à Sigismundo læsi sint, non esse tamen sibi in animo improbitate cum eo certare. Scire se, Bohemiam iure ad Sigismundum pertinere: meminisse scelerum, quæ cum ipso sibi constent, quamuis non eadem fide vtrinque seruentur: religionem etiam sibi esse, apud hæreticos regnare. Honoris autem Bohemorum gratia se omni ratione curaturos esse, ut à Sigismundo & Pontifice in gratiam recipiantur.

*Consulta-
tio de susci-
piendo re-
gno Bohem-
iæ.*

*Bohemorum
legatio ad
Vladislau
um Regem.*

*Comitia
Nepolomi-
ciæ indi-
cta.*

*Bohemorum
legati ite-
rum ad Re-
gem.*

*Responsum
Bohem. o-
ratoribus
datum.*

Dimissa cum his mandatis Bohemorum legatione, misit Rex legatos ad Sigismundum Cæsarem Ioannem Tarnouium Palatinum Cracouiensem, &

*Regis ora-
tores ad Si-
gism. Cæsa-
rem.*

Zbigneum Olefnicium Secretarium: qui commemoratis modeste superioribus Vladislai in eum beneficiis, illiusque vicissim in Vladislaum Regem iniuriis, perflare tamen Vladislaum in amicitia, nec mutare fidem ostenderent: peterentque ab illo, ut cum Bohemis in gratiam redire, ecclesieque reconciliare eos clementer vellet. Si ille pateretur, utramque rem Vladislao cure fore, & vel armis, si aliter nequiret, eos ad officium reducturum, & in ditionem eius, societatemque ecclesie catholice reducturum esse: modo ut postea vicissim Sigismundus cum ipso contra Cruciferos secundum pacta conuenta tandem arma coniungeret. Eius autem rei præstandæ pignus interim Silesia in potestate Vladislai ut esset, tantisper, quoad Sigismundus fidem suam apud eum liberasset.

*Sigismundi
Cæs. respon-
sum.*

Grata hæc fuit legatio Sigismundo, maioraque ipsi Vladislao, quæ postulabatur legati, obtulit, nimirum coniugium filie vnice suæ, cuius Vngaria & Bohemia hæreditaria regna futura essent, aut vero Agathæ viduæ, quæ cum Venceslao Rege fratre suo nupta fuisset, si magis cõpar cõiugium ipsi placeret. Adhuc enim impubes erat filia Sigismundi. Ei vero viduæ dotem fore Silesiam, & centum millia florenorum. Hæc cum legati à Cæsare ad Regem retulissent, missus est deinde Zbigneus ad Vitoldum in Lithuaniam, ut cum eo rem omnem communicaret. Res autem ipsa reiecta est ad comitia Nepolomicensia.

*Comitia
Nepolomi-
cia.*

Inde Zauissius Niger de amplissimi Senatus sententia ad Sigismundum de Agathæ matrimonio conficiendo ablegatus est. Qui cum Sigismundum in expeditione Bohemica occupatum sequeretur, eoque ab Hussitis profligato, in proximum oppidum Goram cum multis aliis ex acie sese receperet, oppido per proditionem ab Hussitis capto in potestate ipsorum venit, Pragamque ductus, per longum tempus in custodia habitus est. Eius igitur captiuitas diuturna impedimento fuit, quo minus matrimonium illud perficeretur.

Dum hæc fiunt, Vladislaus Rex cum Friderico Marchione Brandenburgensi affinitatem iunxit, desponsa filio eius natu maximo Friderico vnica filia sua Heduigi: atque is, quam impubes etiam tum esset, in aula regia deinceps honeste & liberaliter educatus est. Conuenerat enim inter affines assentiente Senatu Polonico, (nam Cracouiæ hæc agebantur, quo Fridericus senior ea de re aduenerat) ut, si Vladislaus nullos mares liberos susciperet, regnum Poloniae post eius mortem dotale Fridericus gener, etiam si ante nuptias moreretur sponfa, acciperet: Marchiamque paternam suam ditionem, quæ à Polonia quondam auulsa esset, iure sempiterno, quemadmodum Dlugoffus prodit, eidem rursus adiungeret. Si quas vero alias filias Rex relinqueret, eas Fridericus elocaret. Sin filium hæredem Rex relinqueret, centum millium aureorum Vngaricorum puellæ dos esset, intra duos annos post cõsummatum matrimonium exoluenda: quæ tamén Heduigi defuncta ad Regem & Regnum rediret, si Fridericus ex ea nullos liberos procrearet. Quod si Fridericus dote non accepta è viuus excederet, Heduigis tamen nihiloscus, quoad viueret, in Marchia certorum prædiorum ac bonorum ducentis millibus aureorum æstimatorum vsu fructum haberet Pollicebatur autem Fridericus pater Vladislao magna aduersus Cruciferos auxilia, quoties opus esset. Verum ea cum ex pacto paulo post posceretur, negauit in eum annum se mittere posse, persuasitque Regi, ut in sequentem annum bellum Crucificum differret, quod diceret, initurum se esse rationem, ut Cruciferi ultro imperata Regis facerent, & vel culinarium eius currum traherent. Accessit etiam ad prorogandas inducias Pontificis maximi autoritas, apud quæ tunc causa inter Regem ac Cruciferos.

*Inducia cum
Cruciferis.*

Paulo

Paulo Vladimiro Custode & Canonico Cracouiensi negocia Regis Romæ curante, disceptabatur. Et venit quidē sequentis anni, qui fuit à Christo millesimus quadringentesimus vigesimus secundus, initio legatus Pōificis Antonius Zenus iureconsultus, vir integer & incorruptus, siue ad cōponendas res inter dissidentes Polonos & Cruciferos, siue ad cognoscendā diligentius causam, & audiendā vtriusq; partis testimonia, describendaque monumenta. Secutus autem is est Regem in Lithuaniam, vbi tunc inconsulto Senatu Polonico Rex quartas nuptias cum Zonca Russa (cui postea Sophie nomē fuit) *Rex quartam ducis uxorem.* Andreę Kiouiensem Ducis & sororis Vitoldi filia celebrabat. Id vero matrimonium sine dote Vitoldus frustra resistentibus Polonis, qui cū Rege erant, conciliauit: vsus illa occasione, quod Zauissio capto, nihil ad eam diem cum Cæsare constitutum erat.

In Poloniam Rex reuersus, poposcit ordinem ecclesiasticum quinq; millia florenorum, quę ei Pontifex summus exigenda concesserat. Verum ea de synodi sententia negata sunt, ne quid eiusmodi in consuetudinem veniret, & quod nullum tunc bellum Rex aduersus Hussitas gerebat: nam in eum vsum eam exactionem Pontifex indulserat. Bellum deinde Regi cum Cruciferis præter omnem opinionem exarsit. Nauiter operam dabat causā diuidendæ Zenus legatus, & iam finis induciarum inter Regem ac Cruciferos appetebat. Egit ergo is cum vtrisque de protrahendis induciis, eoque rem perduxerat, neutris recusantibus, vt eæ conuenirent, ni fraus Cruciferos deprehensa esset. Offensus enim iniquitate Cæsaris Vitoldus, Sigismundum Coributhum fratrem cum non contemnendis Polonorum & Lithuanorum copiis in Bohemiam ad recipiendum ac defendendum aduersus eum gentis illius regnum haud multo ante miserat, si non annuente, certe non aduersante Rege. Id cum ægerime ferret Cæsar, Cruciferos ad inferendum Polonis bellum incitabat, & vt facilius incautos fallerent, suadebat, vt inducias non abnuerent, illa duntaxat conditione in pactis adiecta, vt eatenus eæ firmæ essent, quatenus ipsi quid aliud siue à Pontifice, siue à Cæsare in mandatis non haberent. Ea de re cum Cæsar aliquot hominibus habitum mendicorum ornatis literas ad Magistrum Cruciferosum perferendas dedisset, vnā ex his inter vestes mendici cuiusdam apud Coninum (quod maioris Poloniæ oppidum est) forte mortui inuentæ, dolum detexerunt. Itaque cum Cruciferi in iudiciis Pontificis, siue Cæsaris auctoritatem diserte exciperent, re infecta & arguta euidenter à Polonis Cruciferosum fraude, irritatisque animis discessum est, bellumque magna celeritate, & ingenti animorum ardore comparatum. Intra paucos dies cunctæ copię è Polonia, Russia, & Lithuania, quo iussæ sunt, conuenere. Interim autem Zenus cum cognitioni causæ apud Vratislauiam insisteret, mandato Pontificis importunitati Cæsaris concessio reuocatus est, suspecta enim fides eius & integritas Cruciferis esse cœperat.

Ingressus autem Rex hostilem terram, composito agmine, perinde ac si hostes in conspectu essent, incedebat: & habebant ij sane supra triginta millia equitum pariter ac peditum: commissurique erant rem vniuersæ dimicationis discrimini, ne vastari sua sub oculis suis paterentur, nisi Conradus Nencius Silesius, vir scientia rei militaris præstans, temeritatem eorum, qui cum tanto exercitu pauci dimicare vellent, redarguisset. Erant enim supra centum millia bellatorum in castris regis. Itaque
Cruci-

Cruciferi mutato consilio ad tuendas munitiones dilapsi sunt: relicta aliquanta manu ad prohibendum Polonis Deruanciz amnis transitum. Sed ea facile à Polonis pulsa est, cæsis captisque compluribus. Circum castella deinde & oppida Poloni arma circumtulere: Fridicum siue Vanibreznum, & Golumbum oppida cepere, diripuerunt, & incendere: præsidarij omnes, qui supra quadringentos fuerunt, cum quindecim Cruciferis intercepti, & in vincula coniecti. Ibi dum Rex castra habebat, venit ad eum Corbauiensis Episcopus, legatus à Cæsare, petens, vt Coributhum è Bohemia reuocaret, Cruciferos ne bello vexaret. Si quid ij deliquissent, iure cum eis apud Cæsaris tribunal, cui illi subiecti essent, ageret. Quod si iniquitate sententiæ Cæsaris offenderetur, Cæsarem, si quid eiusmodi esset, correcturum esse. Si qua alia iniuria læsum se esse à Cæsare arbitraretur, Polonis & Vngaris Proceribus rem disceptandam secundum fœdera permetteret. Adhæc sic ei responsum est. Quod ad Cruciferos attineret, Regem satis perspectam habere fidem & æquitatem Cæsaris, pariturum tamen eum fuisse eius decreto iniquissimo, nisi Cruciferi priores id contempsissent. Deinde producturum quoque nihilominus inducias cum eis fuisse, si de eorum fraude ex literis Cæsaris interceptis non constitisset. Illud etiam quale esset, quod Cæsaris opera Antonij Zeni legati pontificij incorrupti viri iudicium interceptisset? Itaque oportere Regem armis sua repetere, quando aliter non possit. Coributhum non Regis iussu in Bohemia cum exercitu esse. Intulit mox Vitoldus, à se eum illuc missum esse, vt Cæsaris iniurias & violata fœdera vlcisceretur, futurumque ibi esse deinceps & iam, vt intelligeret Cæsar, quos homines sub specie amicitiz dolis falleret. Cum his responsis dimissus legatus.

*Legatus
Cæsaris ad
Regem Vlachum.*

*Responsum
Regis.*

*Valachorum
auxilia ad
bellum Prus-
sicum Regi
missa.*

*Valachorum
victoria de
Cruciferis.*

Non intermittebant interea Poloni populabundi hostiles agros longe lateque dispersi infestare. Forte quadringenti Valachi expediti (tot enim Palatinus Regi in auxilium miserat) sub Mariæburgo prædas agebant. In eos Cruciferi magno numero ex arce effusi, impetum fecerunt. Valachi, venientium contra se hostium multitudine aduersa, in proximam syluam se abdunt, ex equis desiliunt, non insueto genere pugnandi pedestres inter condensas arbores sese defensuri. Descendunt & Cruciferi, vt latitantes, quemadmodum opinabantur, è latebris extraherent. Verum mox denso sagittarum imbre à Valachis obruti, cæsis captisque primis, fugam capeffunt. In fuga quoque à persequentibus Valachis non paruam cladem accepere. Victores Valachi cum præda & captiuis in castra pedem retulerunt. Alia quoque non minori clade per idem Cruciferi inter Orlouiam & Murinouiam pagos profligati sunt ab Andrea Brochouio præfecto Breffenfi, qui erat cum Mathia Labissinio Breffenfi, & Ioanne Coscielecio Inouladislauienfi, Palatinis, & cum omni Nobilitate Cuiauiensi, relictus à Rege ad præsidium eius oram cum summo imperio, ne quid ibi à Cruciferis moueretur. Indignati autem Palatini, sibi eum prælatum esse, domos cum clientibus suis per speciem comparandi commearius recesserant. Perstitit in castris Brochouius, nihil ea discussione deterritus, diligentiusque agebat excubias quoque uersus dispositas. Erant in præsidio Nessouiz octingenti equites Cruciferorum: ij vt incautos Polonos opprimerent, silenti agmine circumuecti à tergo, ubi nullas rebatur haberi excubias, noctu eos adorti sunt. Sed non sefellere tamen. Et primas quidem excubias securas oppressere: verum à secundis ad tertias, & inde in castra clamor perlatus, Brochocium cum suis exiuit. Armis raptim conceptis, hosti septa castra-

rum

rum conuellere iam incipienti intrepide occursum est, commissoque prælio (lucente forte luna) cessit Polonis victoria: dissipati fuga hostes, cum per ignota sibi loca, sylvasque errarent, agrestibus prædæ fuere per subsequentes dies: magnusque fuit numerus captiuorum, in quibus Commendatoris Torunen-<sup>Crucifero-
rum præsi-
darii Nies-
souia fusi
ab And.
Brochocho.</sup>sis vicarius, ac duodecim Cruciferi fuerunt. Nam Commendator ipse fuga elapsus est. Rex Golubensi arce potitus, ad Coualouiam castra mouit, & in arcis illius oppugnatione non nihil commodi accepit: nam oppidum ipsi Cruciferi succenderant. Captus cum paucis Dobrogostius Castellanus Camenecensis, per cuius incuriam Drahimum haud multo ante interceptum erat à Germanis militibus in Prussiam euntibus: tametsi intra paucos dies arx ea à Polonis recuperata fuit, Pauli Vernici Germani opera; qui cum esset inter præsidarios hostium, Polonos clam noctu cassibus venatoriis in arcem sustulit, à quibus mox præsidium hostile deiectum est. Omissa Coualouia oppugnatione, ad Toruniam Rex duxit. Forte didicerat ab exploratoribus, Cruciferos non contemnendas copias coegisse: quanquam non habebant in animo, aperto prælio cum Rege manus conferere, sed occasionem & opportunitatem rei bene gerendæ captabant. Contra hos ergo sedecim Polonorum totidemque Lithuanorum vexilla misit. Cæterum priusquam in conspectum ventum est, hostes, aduentu Polonorum cognito, fuga dilapsi sunt. Rex cum pestem Toruniæ grassari accepisset, contagionem metuens, mutato consilio, vastatis modo suburbanis, in Culmense territorium exercitum reduxit, vt id siue peruastaret, siue in potestatem suam redigeret.

Interim Cruciferi, & ipsi inauspicati belli pertæsi, & Nobilitatis oppidanorumque suorum clamoribus ac querimoniis defatigati, legatos ad Regem de pace miserunt, quam non difficile impetrari ut. Pacis leges supra Ossam fl. & apud Melnum lacum in castris conscriptæ, inter quas erant præcipue, vt Rex Galardi & Petri iudicium à Pontifice maximo delegatorum decretum; Cruciferorum vero Magistri Paulus Prussiae, & Sigfridus Livoniae, pacta Torunensia, & Sigismundi Cæsaris decreta duo ex compromisso lata rescinderent: Samogitiam, Nessouiam, arce tamen ab ipsis diruta & materia asportata Rex haberet, itemque dimidium Istulæ, & naui apud Toruniam: Cruciferis vero redderet, quicquid de iis tunc cepisset, iniuriarumque vtrinque factarum obliterarentur. Quod si vteruis bellum renouare vellet, vt subditis eorum impune liceret dominis suis nullam opem ferre. Hæc ita conuenta, non diu rata fuisse. Nam discedente Rege non impleuerunt Cruciferi promissa, ita iubente Cæsare. Vnde cum irritatio animorum inter Principes maiores motus parturire videretur, Vngarorum proceres conuentum cum Polonis expetiuerunt, facileque impetrarunt, vt ad Kefmarcum oppidum delecti à Rege de sententia comitiorum secum conuenirent. Ibi constitutum, vt ad medium quadragesimæ anni sequentis ipsi inter se Cæsar & Rex conuenirent, & Proceribus Vngaris ac Polonis arbitris, quemadmodum erat in fœdere, de iniuriis mutuis disceptarent; Cruciferorum quoque legati cum luculentis mandatis vt adessent. Congressi deinde Cæsar & Rex ad præstitutam diem apud Starefolum, cum de iniuriis mutuis inter se audientibus Proceribus exposulassent, pacem inter se renouarunt: Cruciferi quoque pacta conuenta apud Melnum lacum seruare iussi, dicto audientes fuerunt, & cōtrouersa quædam pactorum conuentorum capita, ad mercaturam & cōmercia pertinentia.

*Coributhus
reuocatur
Bohemia.*

*Fines con-
stituuntur
inter Prus-
siam & Sa-
mogitiam.*

*Comitia
Varta Rege
absente.*

*Sophia Re-
gina coro-
natur.*

*Principum
conuentus
Cracouia.*

*Rex Vla-
dislaus a-
lianus &
Friderico
Marchio-
ne.*

*Legatio
Bohemorū
ad Regem
appulsa.*

*Coribu-
thus ad Bo-
hemos pro-
fectus.*

tia, conuentu cum Polonis apud Nieffouiam instituto explicarunt. Reuoca-
tus deinde est à Rege Coributhus è Bohemia, vbi non contemnendas vires
habuerat, & auctoritatem sibi apud Bohemos præter Zisçę factionem compa-
rauerat. Reuersus inde, cum Dobrinensem dominatum à Polonis non obti-
neret, sollicitabat animos multorum ad res nouas. Qua re sibi magnū odium
apud Regem & Proceres conflauit. Missi deinde à Rege Zbigneus Olesnicius
Episcopus designatus Cracouienfis, Sendiuoius Ostrorogius Palatinus, &
Dobrogostius Szamotulius Castellanus Pofnaniensis, & Stanislaus Ciolcus
Procancellarius, ad regundos fines cum Cruciferis in Samogitiam, certis si-
gnis Samogitiam à Cruciferorū ditione diremerunt. Nihil præterea memo-
rabile eo anno gestum, nisi quod Proceres cum Nobilitate in comitiis Var-
tensibus Rege absente leges quasdam condidere.

Insequenti autem anno, qui fuit millesimus quadringentesimus vigesim⁹
quartus, duodecima Februarij Sophiæ Reginæ diadema solenni ritu impo-
situm est. Quam celebritatem præter Polonos & Lithuanos Proceres, Sigis-
mundus Cæsar cum Barbara vxore: Ericus Rex Danorum, qui tunc forte
Hierosolyma religionis ergo iter habebat, Branda Cardinalis cognomento
Placentiaus legatus pōtificius, Iulianus Cæsarinus auditor cameræ Aposto-
licæ, qui postea Cardinalis fuit; Ludouicus Bauarorum, Ziemouitus, Vladis-
laus, & Alexander fratres Masouiorum, ac non pauci Silesiæ Duces, itemq;
Torunensis & Elbingensis Commendatores nomine Magistri Cruciferorū
Pauli Rusdoffij cohonestarunt. Vitoldus venire noluit, incertum, qua de
causa infensor Reginæ factus. Tentatum est in illo conuentu à Principibus
de Heduigi Regis filia Boguslao Duci Pomeranię in matrimonium collocā-
da: cum Vladislaus Rex non obscure alienum à Friderico Marchione, cuius
filio ea desponsa erat, animum præseferret, eo quod is auxilia nulla ex pacto
ipsi ad bellum Crucifericum miserat. Sed nihil tamē ea de re impetratum est,
dissuadentibus Regi Proceribus, fidemque rebus omnibus potiore ducen-
tibus. Dissuasit & Vitoldus absens, apud quem tunc Fridericus iunior edu-
cabatur, cum res tota ad eum à Rege reiecta esset, Cæsarq; & Reges ad ipsum
ea de re oratores ablegassent. Accessit etiam Pontificis autoritas postea, qui
Fridericum è sua familia Columnēsi originem ducere profitebatur. Effectū
est autem in eodem conuentu, annuente maxime Cardinale, vt Rex Vladis-
laus Cæsari præter voluntarios, qui certatim crucis militiam à Pontifice pro-
mulgatam amplectebantur, quinq; millia equitum ad bellum contra Bohe-
mos Hussos promitteret. Acta & alia nonnulla in secretis colloquiis. Post de-
cimum quintum tādē diem Reges & Principes liberaliter ac magnifice ha-
biti, suas quisq; domos repetiuere. Vladislaus Rex Visliciam se contulit: ibi
eam legatio Bohemorum conuenit, petens, vt quando ipse, Vitoldusq; nol-
lēt, Coributhum sibi Regem mitteret. Probauerat enim is priori expeditio-
ne Bohemis industriam, virtutem, ac diligentiam suam. Non modo negatū,
sed bellum quoq; denunciatum Bohemis, ni hæresin abiicerent, & Romano
Pōtifici dicto audientes essent. Profectus est tamen iterum ad Bohemos Co-
ributhus Rege inscio, cum aliquanta facinorosorū & obæratōrū hominum
manu, quæ ad eum confluxerat. Quam ob rem suspicionem Cæsaris, multo-
rumq; præterea vitare Vladislaus nō potuit, quamuis promissa equitū auxi-
lia duce Petro Miedziuecio Cæsari misisset. Quin ea quoq; auxilia, cum per
Morauiam iter facerent, & suspecta se esse iis, quibus suppetias ibant, haud
obscur-

obscure animaduertērent, oppidisq; excluderentur, verita, ne vbi opprimerentur, Olomucio in Poloniam subito reuertere. Hoc anno natus est Vladislaus filius pridie calendas Nouembris ingenti patris lætitia, & post quartū demum mensem religioni Christianæ ritu solenni initiatus, Vladislai nomē accepit. Adfuerunt autem ei ceremoniæ Pontificis Maximi, Cæsaris, Venetorum, & Mediolanensium Ducum, ac nonnullorum aliorum principū à Rege inuitatorum legati, cum amplis donis puerperæ allatis. Vitoldus vero argenteas cunas centum pondo puero misit. Nihil præterea memoratu dignū duobus illis annis, nisi quod pestis ingens Poloniam & Lithuaniam peruagata est, ita vt Rex cum Regina & Vitoldo in syluis degere cogeretur. Vbi cū vacaret venationi, casu equi crus fregit, in quo curādo menses aliquot Crasnistauia absumpsit.

Regi nascitur filius Vladislai.

Anno vero millesimo quadringentesimo vigesimo sexto ad Pentecosten comitia Lenciciæ habita sunt: ad ea Rex per Masouiam proficiscēs Ziemouitum seniore Duce in gratiam recepit, cum is ipsi primum per filios, deinde per se ipse satisfecisset de eo, quod insimulatus erat, quasi in potestate Regis esse nollet. Postea in iisdem comitiis à Rege res magna tentata, sed nō impetrata est, quum is promissa eam ob rem in superioris anni comitiis Brestensibus facta nō præstaret. Promiserat autem confirmaturū & aucturū se Nobilitatis libertatem & prærogatiuas, stationes ecclesiis & monasteriis remissurum, Ciuiuienses autē auenç pēsiōe liberaturum, si filium suum anno superiore natum Regem post se designarent: conueneratq; vt de iis rebus Rex in proximis comitiis diplomatis in singulos tractus seu Palatinatus datis, diligēteraueret. Verū is mutato suaso Cæsaris consilio, quum negaret id se facturum esse, consurgens omnis Senatus, diploma suum, quo Regi de filio promittebat, à Zbigneo Episcopo, cuius fidei concreditum erat, receptum, magno fremitu ac tumultu Rege inspectante concerpfit. Sic re infecta conuentus ille solutus est. Alia tamen via Rex id, q̄ cupiebat, postea perfecit, quum singulos Senatores priuatim, (quemadmodum Cæsar monuerat) prehasset, & à singulis chirographa exegisset, itemq; à ciuitatibus & plerisq; conuentibus Nobilitatis, præsertim Russiæ & Podoliæ. Perpauci de proceribus reperi, qui maiorem Reipublicæ, quam priuatorum commodorum suorū & gratiæ regiæ rationem ducerent. Natus est autē eo anno Regi alter filius Casimirus, & intra annum vertentem mortuus.

Comitia Lenciciæ. Ziemouitus Masouius Regi reconciliatus.

Casimirus filius Regi natus, & paulo post denatus est.

Porro Vitoldus conducto à Polonia magno numero mercenariorum militū, fecit eodē anno expeditionē in Pscouienſes Russos, liberos tūc, post vero in ditionē Moscorum redactos. Nec ea expeditio satis prospera ei fuit initio, quippe quæ nulla iusta de causa suscepta esset, perēnibus fere pluuiis madente humo, per se etiam vlginosa, ita vt neq; progredi cōmode exercit⁹, neque pabulari posset. Ad extremum tñ Pscouienſes magna vi auri & argētī infecti pariter & signati pacē redemerunt. Vladislaus vero Rex per idē tēpus de Nobilitate Russica ditionis Poloniæ quinq; millia equitū, duce Ioāne Cobilenio Præfecto Sanocēsi in auxiliū Sigismūdo Cæsari cōtra Turcas misit, q̄ ad Brailouum vsq; (q̄ oppidū in extremis Valachiæ & Moldauiæ Trāsalpinę finibus fuit) longū iter emēsi, duos mēses in eo loco cāpestri vna cū Valachis, qui & ipsi ex fœdere iussu Regis præsto fuerāt, castra habuere, dum Cæsare ultra constitutum tēpus expectāt. Vbi vero nō venturum esse, Bohemicis rebus impeditum, intellexerunt, pacato agmine, quēadmodum p̄ Caidomaerāt,

Expeditio Vitoldi in Pscouienſes Russos.

Russi & Valachi in auxilium Cæsari contra Turcas missi.

*Ziemouitus Maso-
uius mori-
tur.*

reuertere. Detrectabant nonnulli de Russis eam militiam, propterea quod quinque marce in hastas ex Ludouici Regis sanctione ipsis non dabantur; eos Rex carcere diuturno coercuit, bonisque multauit. Sed remisit post omnibus multam rogatu procerum, aduocatiam modo Crofensem retinuit. Mortuus est eodem anno Ziemouitus Dux Masouiorum, relictis quatuor filiis, & quinque filiabus. Ac filij quidem sic inter se paternum dominatum partiti sunt, vt Ziemouito Rauensis, Vladislao Plocensis, Casimiro Bellsensis ditio cederet: quartus Alexander exors patrimonij, sacris initatus, Episcopus Tridentinus, & post Cardinalis presbyter fuit. De filiabus vero Cimbarca Ernesto Austriae Duci nupsit, ex qua Fredericus tertius Imperator natus est. Eufemia Venceslao Teschinentium: Cunilia Boguslao Pomeranorum Duci: quarta Agathia Michaeli Duci, qui Sigismundi Vitoldi fratris filius fuit: quinta innupta obiit.

*Inquisitio
in Regina
pudici-
tiam.*

Insequens annus nulla fere aliare, quam probro Reginae memorabilis est. Eius vero autor Vitoldus fuit, qui siue odio Reginae, siue cupiditate regni, quam aperte postea prae se tulit, stimulatus, seu denique rumoribus hominum vulgatis permotus, augente suspicionem in decrepita Regis aetate, tertio, quod instabat, Reginae puerperio, cum omnibus minime mali Regis actionibus moderaretur, facile credulum hominem, vt in pudicitiam Reginae inquireret, induxit. Captæ duæ puellæ pedisseque Reginae, Catharina & Elisabetha, sorores Sciucouiae, quæ omnium esse consciæ existimabatur, terrore tormentorum adhibito, confessæ sunt delibidinibus Reginae, quod cum sex quibusdam amatoribus rem habuisset, sed verene, an falso, compertum non est. Regina vero non audita, plena meroris ex tam insigni infamia, Cracouiam remissa est. Remittebatur in Lithuaniam asseruanda in custodia, ni Poloni Proceres, & inprimis Ioannes Tarnouius Palatinus Cracouiensis, cuius magna tunc erat autoritas, dissuasisset. Is enim, quum id à Rege clam agi ex apparatu curruum, & mox ipsius confessione cognouisset, percontatus est Regem: quid filiis ex ea natis factururus esset? quumque Rex secum eos fore, & in spem regni educatum iri, respondisset. Apage, inquit Tarnouius, tunc Reges nobis relinquere vis, quos ipse, dum matrem eorum probro afficis, pro tuis liberis non agnoscis? Cæterum Senatus frequens eo rem perduxit, vt Regina se suo ipsi & septem honestarum ac nobilium foeminarum iureiurando purgaret. Posthæc iudicium in Ioannem Strassum à Regina efflagitatum est, quod is princeps hunc de ipsa rumorem apud Vitoldum & Germanos sparsisse diceretur. At is neque confessus, neque conuictus, cum se etiam decreto Petri Vidauij iudicis Siradiensis, cui Rex cognitionem eius causæ mandarat, iureiurando purgasset, & accusatores ad singulare certamen prouocaret, in carcerem tamen à Rege coniectus est Sendomiriæ: vbi parum abfuit, quin fumo & vapore prunarum illatarum enecaretur. Tunc autem paulo post Regina filium enixa est, cui Andree Casimiro nomen fuit: atq; ita posthæc Regina infamia conquieuit. Sed tamen res ea dissidij, quod deinceps inter Regem & Vitoldum accidit, seminarium fuit. Id vero dissidium gliscens Sigismundus Cæsar tertio deinde anno maleuolentia quadam ductus maxime inflammavit. Cum enim subolsfecisset, subiratum esse Regi Vitoldum, conciliandum eum sibi esse existimauit, à cuius consiliis Regem totum pendere non ignorabat, vt vel committeret eos inter se, vel facilius ipse Regem abastutia alienum circumueneret. Itaque colloquium vtriusque expetiuit: ver-

*Regi nasci-
tur filius
Andreas
Casimirus.
Dissidium
inter Regē
& Vitol-
dum.*

finis

rum id Turcico bello implicatus, in tertium annum distulit. Duxit autem exercitum in Turcas sequenti anno millesimo quadringentesimo vigesimo octauo, quo Golubeciam arcem à Rasciano quodam Turcis, cum ipse eam emere noller, paruo venditam recuperaret: siue adeo, quo belli Turcici prætextu cessationem suam à bello Bohemico Martino Pontifici id virginti excusaret. Sed priusquam ad congressum cum hostibus veniret, retro se transmissio raptim Danubio cum magna parte exercitus ad tutiora loca in Transsylvaniam recepit, proditis hosti reliquis, quos naues capere non potuere.

Hac fere tempestate Vitoldus fretus Polonis militibus, quos non paucos circa se habebat, partim voluntarios, partim stipendio proposito euocatos, Nouogroden-
 sibus Russis, libero populo prætextu controuersorum finium bellum intulit: superataque præter spem eorum difficultate itineris, cum ad Oposcam castra faceret, supplicibus & ingentia dona adferentibus pacem dedit. Ex illo igitur inauspicato bello Turcico reuersus Cæsar Vladislaum Regem inculabat, quod is promissa sibi auxilia non misisset (quæ tamen ille superiori anno frustra miserat) & maiori in eum odio exardescens, vrgeret cõsilium illud suum de adiungendo sibi Vitoldo colloquiumque efflagitare. Nec agre id impetrauit. Dies dicta conuentui apud Lusum ad sextum diem Ianuarij sequentis anni. Cum autem conuenissent Lusum Cæsar cum coniuge sua, Rex, & Vitoldus, actum est aperta fronte de mutuis offensis, ac de Valachis maxime. Postulabat Cæsar ex formula fœderis, vt Valachiam secũ pariter subiugarent & partirentur: propterea quod nemini fatis fida ea gens esset, & quod sibi ad Turcicum bellum dudum præsto non fuissent. Negabat Vladislaus, id se facturum passurumque esse: parere enim sibi Valachos antiquitus. Nam quod subsidio Cæsari non venissent, ipsius, non illorum esse culpam: venisse enim vna cum Russis, & expectasse frustra superiori anno. Et cessit quidem in ea re Vladislao Cæsar: cæterum secreto lōge alia cum Vitoldo egit. Societatem enim cum eo iniit, ac diadema ipsi regium pollicitus est, vt eum cum Vladislao Rege Polonisque committeret. Non recusabat id quidem Vitoldus, homo ambitiosus & ingentis spiritus: at negabat, sibi inuito Vladislao Rege accipere licere. Itaque ad Vladislaum callide & blande affectata à Cæsare & vxore eius via, perfectum est, vt is cohonestandæ patriæ gratia non abnueret, si senatus Polonicus assentiatur.

Ad Senatum vero cum res relata esset, & præsens ipse Vitoldus hoc sibi concedi peteret, dicendisque sententiis, quo minus libere dicerentur, non optimo exemplo intercessit, princeps senatus Albertus Iastrembiecius Archiepiscopus Gnesnensis longis verborum ambagibus vsus, nihil tamẽ certi statuebat. Post hunc Zbigneus Olésnicus Cracouiensis Episcopus grauissimis verbis Vitoldi præsentis consilium reprehendit: pactorum conuentorum, quæ Rex, quæque ipse cum Polonis sanctissimo iureiurando interposito olim firmassent, & quibus Lithuaniam Poloniæ adiunxissent, admonuit: turpem esse præditi senis, & saturo gloriæ principi intempestiuam illam ambitionem, quæ magnas secum clades atq; calamitates Lithuanis iuxta ac Polonis importatura esset: cogitaret, venenatam esse illam offam, & exitiale munus, quod sibi à communi hoste Cæsare offerretur: non hoc illum agere, vt honorẽ ipsi habeat, sed vt dissidium inter eum ac Vladislaum faciat: & quos coniunctos nullo in cõmodo possit afficere, disiunctis ac dissidentibus omnem malorum genus inuehat: reputet secum ingentia Polonorum & Vladislai benefici-

neficia, magis, quam recentes & infidiosas Cæsaris pollicitationes: illum nū-
 quam fideliter, neq; cum ipso, neq; cum Vladislao amicitiam coluisse, p̄cta
 conuēta toties irrita fecisse, sub specie beneuolentiæ, vel maxime semper no-
 cuisse: A Polonis v̄ro Lithuanos omnium rerum egenos, & aduersus Cruci-
 feros agre sese tuentes, in societatem receptos, & ad regnum posthabitis po-
 tentibus aliis Principibus vocatos: Polonorum armis atq; sanguine inexplē-
 bilē Cruciferorum crudelitātē à ceruicibus eorum depulsam esse. Ipsum à V-
 ladislao p̄ germanis fratribus Principatum Lithuanorum adeptū, regni et-
 iam administrandi moderatorem fore magis, quam participē adhiberi: vasi ū
 illud Cæsaris consiliū multo ante sibi notum fuisse, at non se credidisse, Vi-
 toldum tanta prudentia præditum vnquam eo irretitū iri: rediret ad se, neq;
 pateretur, tot tantasq; res in eam diem à se præclare gestas, & sempiternā sui
 nominis memoriam aliena fraude cōtaminari. Hæc elocutum excepit Ioan-
 nes Tarnouius Palatinus Cracouiensis, grauiq; oratione & ipse rem illam, &
 conatum Vitoldi exaggerauit. Hos frequens Senatus magno consensu secu-
 tus est. Itaq; repulsam passus Vitoldus, iratus foras se pr̄ipuit, minitans, quā-
 do sic ipsis videretur, alia id se via tamen affecuturum esse. Correptus deinde
 Rex à Senatu, quod tam facilis & credulus, hostem suum in regno in perni-
 ciam suam, rei q; publicæ Polonæ grassari pateretur: ni sibi caueret, futurum
 esse, vt in illis dolis eius caperetur.

*Rex à Se-
 natu corre-
 ptus.*

*Cæsar in
 Vngariam
 rediit.*

*Vitoldi or-
 ratores ad
 Regem &
 ad proceres
 Polonos.*

*Polonorum
 ad Vitoldū
 legatio.*

*Iterum le-
 gatio ad
 Vitoldum
 à Senatu
 Pol.*

*Polonia ve-
 gnum Vi-
 toldo offer-
 tur.*

Haud mora, Proceres Lasco frequentes abeunt, quos Rex proxima nocte
 secutus est. Cæsar paucos dies cum Vitoldo cōmoratus, veritusq; ne quem in
 se dolum Poloni offensi intenderent, propere in Vngariam rediit. Misit autē
 postea Vitoldus instinctu assentatorum suorum Galtoldum Palatinum Vil-
 nensem, & Rombaldum Marchalcum oratores ad Regē & ad proceres Po-
 lonos, qui frequentes ad Regem Corcinum de impediendis Vitoldi consiliis
 conuenerant, fuitque hæc oratorum extrema oratio: Vitoldum volentibus
 nolentibus Polonis Regem fore. Ad eam legationem, qui responsum Vitol-
 do referrent, Zbigneus Episcopus Cracouiensis, & Nicolaus Michalouius
 Palatinus Sendomiriensis de senatu missi, cum eum fœderum & iurisiurandi
 sui, ac temerarij perniciosique incepti admonuissent, ac, ni desisteret, Polo-
 nos armatos conatibus ei⁹ obuiam ituros assueuerāt, ille in Vladislaum Re-
 gem culpam reiecit, ab eo se detrectantem ad id impulsū esse. Non fore au-
 tem è dignitate sua, si rem semel institutā remitteret. Nec sane remisit, quin
 per internuncium promissum à Cæsare diligentius exigebat. incitātibus ma-
 xime Cruciferis, qui nullam incommodandi Polonis occasionem etiam in
 pace prætermittebant, fœdusq; & societatem fraudulentam cum Vitoldo
 inibant. Id vbi apud Polonos increbuit (nā & literæ, & nunciij aliquot inter-
 cepti erant) conuenere Proceres ad Regem Sendomiriam ad natalē D. Ma-
 riæ, decreta iterum legatio ad Vitoldum, cuius principes fuere Zbigneus E-
 piscopus iterum, & Ioannes Tarnouius Palatinus Cracouiensis. His datū in
 mādatis, vt si aliter animum Vitoldi à proposito flectere nequeant, Polono-
 rum regnum concedente Rege ad eum deferrent, vt, quando tantopere re-
 gnum appeteret, ab amicis id potius, quam ab hostibus acciperet. Vladislaus
 quidē non tā altos spiritus nactus, & pristinum ingenij vigore ætate magis ac
 magis indies hebescentē, viresq; suas exhaustas sentiens, nō grauante Vitoldo
 longe vegetiori regnū concedebat, cuius iam ipse pertæsus erat: & filios par-
 uos, regnoq; administrādo inutiles adhuc habebat: ad quos tamen id, Vitol-
 do nul-

do nullos relinquente liberos, rediturū esse haud ita multo post intelligebatur. Huc accedebat nō aliena à Vitoldo plerorūq; Procerum Polonorū voluntas, munificentia eius cōciliata. Ipse quoq; Vladislaus Rex per multum tempus eius consiliis maxime in omni re nixus, ita eius auctoritatem indulgentia sua apud Polonos auxerat, ut illum magis quam se colerent. Flexisset hęc talis oratio quamuis præfractū Vitoldi animum, nisi Proceres quidam Poloni priuata cōpendia publicæ rei præferentes, ut largitiones eius in se assentando magis augerent, clam eum per internuncios hortati essent, ut persisteret in proposito: de quibus etiam cognouerat, priusquam legati aduenirent, quid ij afferrent. Itaq; respondit *Responsio Vitoldi.* Vitoldus legatis: nolle se esse tam impudentem & impium, ut Vladislaum regno spoliaret: cæterum incepto per omnium gentium ac principum ora vulgato abscedere, turpe sibi & indecorum videri. Nihil se aduersus Regem & Polonos moliri, sed si quod bellum sibi ab eis inferatur, omni conatu propulsaturum. Dum autem aliquot dies ibi commorantur legati, allatus est Vitoldo à Cæsare draco affabre factus, pignus societatis, expetiteque iusurandum de seruanda societate certis legibus. Ac draconem quidem pro hospitali munere, non pro pignore societatis accipere se respondit: iusurandum vero nullum dedit, reueritus legatos regios, qui grauius & seuerius eum agebant: ac Zbigneus quidem longe, quam collega, liberius. Itaq; illū amplis donis Vitoldus honorauit, siue q̃ beneuolentiorē sibi esse crederet, siue ut Zbigneo ægre faceret. Cum Zbigneo vero expostulauit, quod solus desiderio suo aduersaretur, Tarnouio collega non adeo aduersante. At Zbigneus perspectā habens fidem & integritatē Tarnouij respondit haud cunctanter: se quoq; ipsi assensurum esse, si Tarnouius assentiretur. Ita Vitoldum refellit vir excelsi animi & raræ integritatis: nec tamen ille incepto destitit.

Dum hęc ita fiunt, constituere Poloni Proceres cum Vngaris, ut certo loco certoq; die simul conuenirent, ac de resarcienda Regum suorū amicitia toties interrupta inter se tractarent. Verum neq; ad constitutam, neq; ad cōperendinatum diem Vngari adfuerunt. Omnia vero tentabat Rex, ut ac consilium Cæsaris de coronando Vitoldo procederet. Itaq; & ad Pontificem maximum questum ea de re misit: & frustra is vtrumq; missis literis ab instituto dehortari conatus est. Intelligens autem Vladislaus, quorsum Cæsaris & Vitoldi conatus ac molimina, & noua cum Cruciferis fœdera spectarent, *Vitoldi cū Crucigeris fœdus.* anno sequenti, qui fuit millesimus quadringentesimus trigessimus, comitiis Iedlinam (pagus hic est in tractu Radomiensi, venationibus tantum nobilibus) indictis, ut Polonorum voluntates beneficiis suis sibi liberisque suis obstringeret, regniq; successionem alteri de filiis stabiliret, veteres priorum Regum ac Principum donationes & immunitates confirmauit, per multaque equestri ordini, nonnulla etiam ecclesiastico, pauca oppidanæ rusticanaeque plebi indulgit, ac de pensionibus & oneribus remisit. Quæ quidem his fere capitibus continentur: Honores & magistratus sacri iuxta ac profani ut non nisi indigenis in suo cuique tractu mandentur, neq; quicquam eorum cuiquam, priusquam vacet, promittatur. Arces & præfecturæ ne cuiquam ducali genere orto, neve externo cōmittantur. Ecclesia & monasteria cū suis præsidibus ut pensionū, quas stationes vocant, immunitatē prorsus habeant. Equites ut absq; vllō stipendio regni fines per se ipsi defendant: si extra fines ad bellum proficisci iubeantur, quinas marcas in hastam stipendium accipiant: quod

Legatio Cæsaris ad Vitoldum cum donis.

Conuentus Polonorum cum Vngaris.

Comitia Iedlina.

Rex confirmat prioris Regum immunitates, & nouas largitur.

quod si forte accepto eo, intra biennium non educantur, deinceps vt pro eo nihil debeant. Si prælum intra fines commissum sit, capti vt à R. g. redimantur: extra fines vero etiam damna ac detrimenta exoluantur. Captiui hostes vt eorum sint serui, à quibus capti fuerint. Pro vnoquoque Rex, si velit, duos florenos ei, qui cepit, numeret. Monetam ne quam R. x. nisi de S. natus sententia, cudad. Equitum aratores & adscriptitij vt immunes sint ab omni frumenti iuxta ac pecuniæ pensione, procuratione, subuectione, & alio quouis onere Regi præstando, excepta rastrali pensione: & ab ea tamen sculteti siue aduocati, qui patroni sunt pagorum, & oppidani agros colētes, vt immunes sint, itemque hortulani, molitores & caupones, qui exiguos colunt agros. Nobilem indicta causa ne liceat præhendere, aut supplicio afficere, excepta causa furti, incendij, homicidij voluntarij, stupri virginum & matronarum, latrocinij, & iis qui vadimonium promittere nollent, aut non possent. Bona item ne Rex cuiquam Nobili absque iudicij autoritate auferat. Ad fines regundos recuperatores siue commissarios, qui in rem præsentem veniant, ne cuiquam neget. De controuersijs, si qui pendente lite amice inter se composuerint, vt ne mulctæ iudicialiæ ab eis exigantur, quæ vero mulctæ à litigantibus debebuntur, vt ipse eas Rex per se, vel per procuratores suos exigat, neq; cuiquam exigendas donet. Actuarij siue notarij terrestres, vt ipsi per se adsint in omnibus iudicijs, nec vicarijs, nisi necessaria causa impediti, vtantur: atq; eos vicarios, vt integræ famæ apud præsides iudicij edant. Russi vt eodem penitus iure sint cum Polonis, auenæ modo pensione Regi, quoad vixerit, salua. Cuiuienses quoque ac Dobrinienses post decem annos deinceps vt ab auenæ pensione liberi sint.

Poloni Regis filium sibi Regem designant. Regis & procerum ad Vitoldū legatio.

Hæc tunc à Rege concessa publice, & literarum monumentis consignata: receptumque est ei vicissim de alterutro filio, vter aptior administrando regno fore videretur, Rege creando, & quum adoleuerit, prærogatiuasque atque beneficia superiorum Regum cunctis ordinibus publice data confirmauerit, coronando. Missi deinde ex iis comitijs legati ad Vitoldum, Zbigneus Episcopus tertium, & Nicolaus Michalouius iterum, qui ei pro Rege satisfacerent. Querebatur enim Vitoldus, traductum se esse ab eo apud Pōtificem, & alios Principes Christianos. Dein vt fœderum eum admonerēt iterum atque iterum, & ad sanam mentem reducerent. Rebellionem enim moliens, nouo sacramento Lithuaniam omnem adigebat, & arces finitimas Poloniæ

Responsum Vitoldi.

inueniebat. His responsum à Vitoldo datum, quo ille præ se ferebat, non nouandarum, sed stabiliendarum rerum suarum causa ea se facere, ne incautus ab hostibus opprimeretur, ideo quod accepisset, petiuisse à Rege Bohemos, vt se per Poloniam in Prussiam & Lithuaniam exercitum ducere pateretur: ac de eo se præter morem à Rege celatum esse. Rex vbi nulla ratione Vitoldum de sententia dimoueri posse animaduertit, simulque maturari coronationem ad decimum sextum calendas Septembris didicit, negocium dat Ioanni Czarncouio Succamerario Posnaniensi, vt ad confinia Poloniæ & Marchiæ Brandeburgensis obseruaret, atque internuncios Cæsaris & Vitoldi per Prussiam vltro citroq; commeantes interciperet. Nec male successit Czarncouio negotium. Etenim Baptistam Cigallam iureconsultum Genuensem & Sigismundum Rothum Silesium à Cæsare ad Vitoldum proficiscentes comprehendit, scripturasque ad Regem ab eis ablatas attulit. Missi autem ij erant, vt Vitoldo scrupulum omnem eximerent: qui dubitabat, an Cæsar siue Rex

Roma.

Romanorum, qui Imperatorium diadema nondum adeptus est, potestatem habeat noui regni instituendi, simulque vt diplomata Cæsarea, quibus in Lithuania regnum constituebatur, & Vitoldus Rex creabatur, ipsi afferrent, ac diadema ad tempus allatum iri ab aliis legatis promitterent. Habebant & alia quædam mandata, de fœderibus ac societate Cruciferorum, aduersus Polonos.

His cognitis Rex Czarncouium splendide pro meritis remuneratum, & amplioribus pollicitationibus oneratum, ad præcludendas & obstruendas vias remisit. Propediem enim Germanorum, Vngarorum, & Bohemorum legationes splendide cum diademate à Cæsare ad Vitoldum profecturæ erant. Cæterum cum Czarncouius propter aduersam valetudinem ei rei diutius vacare non posset, Nobilitas omnis maioris Poloniæ, Sendiuoio Ostrorogio Palatino & Præfecto, Dobrogostio Szamotulio Castellano Poseniensi, & Iarando Bruzeuio Palatino Vladislauensi ducibus, nemine iubente, quasi sublato signo armata, itinera & syluas ad Turagoram insedit, dimissis quoque versus exploratoribus, vt, quocunque opus esset, etiam ad extremum Oceanum Germanicum cuncta accederet, vel cum longe maioribus copiis pro patriæ tranquillitate & honore decertare parata. Iam Francofordiam ad Oderam legati Cæsaris prætergressi erant, quum obsideri vias omnes à Polonis acceperunt: & non ausi periculo sese committere, quum duos menses frustra expectassent, ad Cæsarem reuersi sunt. Non omiserunt tamen Poloni longiorum custodiam: quæ cum suspecta esset Cruciferis, suorum sibi consiliorum & conatum consciis, misit Paulus Rusdorffius Magister perquisitum ab iis, hostesne eos, an amicos, ducere deberet? Responsum est: Nihil eius referre, si ipsi intra fines suos armati rerum suarum curam habeant. Si bellum illaturi sint, indicturos id esse prius.

Permolestè hæc tulit Vitoldus, vbi rescit: sed tamen dolorem apud hospites, ad celebritatem inuitatos, sedulo dissimulauit, & ad finem vsq; Septembris eos apud se retinuit. Fuerunt autem ii, duo Magistri Cruciferorum cum primoribus Commendatoribus: Moscorum, Tuerensium, & Odoiouiensium Russorum Duces, & principes Tattarorum. Cum ergo Vitoldus inuitis Vladislao Rege & Polonis voti se compotem fieri posse desperaret, arte sibi tentandum esse duxit, quod aperta vi peragere non poterat. Sciebat Regem Vladislauum nullo negotio exorari à se posse, si eum in Lithuaniam, cuius desiderio teneri eum nouerat, extraxisset. Itaque misso ad Regem legato præterita excusat, iam se omnem de regno cogitationem deposuisse ostentat, in Lithuaniam eum ad venationes inuitat. Cupiebat Rex ire in Lithuaniam, sed suspecta erat proceribus, qui cum eo Lublini tunc erant, Vitoldi inuitatio, tamque repentina mutatio. Quare mittuntur cum Rege cum alii proceres quidam, tum Zbigneus Episcopus, cuius neque prudentia facile circumscribi, neque integritas corrumpi, neque constantia frangi à Vitoldo posset: quemque Rex reuereretur, vt nequid præter sententiam eius faceret. Non ignorabat hæc Vitoldus: ideoque cum Regem & cæteros omnes, qui in comitatu eius erant, ab extremis finibus Lithaniæ comiter & liberaliter acciperet, vnum Zbigneum negligebat. Vbi vero Vilnam peruentum est, instabat Regi Vitoldus, orando, ne sibi regium diadema inuideret. Negabat ille, licere id sibi concedere, Polonis reclamantibus: eaque de causa Zbigneum sibi in Lithuaniam proficiscenti, adiunctum esse comitem, qui omnibus neruis hunc

*Hospites à
Vitoldo ad
celebritatem
coronationis
inuitati.
Vitoldi ver-
sum con-
siliū.*

ipſius conatum impediret & reprimeret. illum præhenſandum, & quoquo modo expugnandum eſſe.

*Vitoldus
Zbigneum
Episcopum
preſens.*

Allegat Vitoldus ad Zbigneum, qui eum orent ſuo nomine, & ingentibus promiſſis onerent, ne ſolus honori ſuo ſe opponat. Si deduci de ſententiæ nequeat, vt exiſtimationi tamen ſua vtcunq; conſulat, & ſimulari momento temporis coronationem ſinat. Acceptum diadema ſtatim ſe depoſiturum eſſe.

*Zbignei
ſpoſum.*

ſe. Si pertinacior ne hoc quidem concedat, pro hoſte ſe illum habiturum eſſe, & manibus pedibuſq; adnixurum, vt de episcopatu deiiciatur, quemadmodum Petrus Viſſus antea deiectus eſſet. Immortuus ad hæc Zbigneus, renunciari Vitoldo iuſſit: Digniſſimum eum ſibi videri regio diademate, & ſummis quibuſque honoribus: verum ſaluis fœderibus & iuriſiurandi religione aſſequi id eum non poſſe. Quocirca ſuadere ſe, deſineret id affectare, quod ei non honorem, quemadmodum ipſe putet, ſed dedecus & infamiam ſempiternam pariturum, Poloniæ vero & Lithuania præſens exitium appropinquaturum eſſet. Ne errer, non honoris eius gratia id ei ſuadere Cæſarem & Cruciferos, deuotos non magis Polonorum quam Lithuanorum hoſtes: ſed, vt duos coniunctiſſimos populos, qui coniuncti graues ſibi eſſent, diſiunctos commiſſoſq; inter ſe, in teſtiniſ atq; ciuilibus propemodum bellis debilitent atq; deleant: idque Cæſarem vulgo iactare, dictitantem, ſe os in medium duorum canum conieciſſe, ob quod ii ad mutuum uſq; interitum concertaturi ſint. Poneret ergo Vitoldus ſeneculus, capulo iam proximus, nullos habens liberos, quibus regnum relinquat, modum intempeſtiua ambitioni: ſe quidem neque precibus emolliiri, neque largitione corrumpi, neque minis deterreri poſſe, quo minus in hoc cupiditati eius aduerſetur. Pluris apud ſe eſſe fidem, virtutem, & charitatem patriæ, quam fauorem, gratiam, & omnes theſauros Vitoldi. Mirari vero ſe magnopere, quod Petri Viſſi, cuiusque deiectiõis mentionem faceret, quam ſine ſua Regiſque infamia commemorare non poſſet: neque id ſe reformidare. Alia iam eſſe tempora, & minus turbulenta, minusque deprauata, quam tunc erant, cœca plurium de Pontificatu maximo contendentiũ ambitione. Paratum autem ſe eſſe, non honoris modo, verum etiam vitæ diſcrimen adire pro patriâ, quæ tantam illam rem ſua fidei credidiſſet, neque falſum eſſe vnquam eius expectationem. Atque ita quidem Zbigneus, non ſine magna ipſius Vitoldi admiratione.

*Morbus Vi-
toldi.*

Inualeſcebat interim Vitoldi morbus, quem paulo ante ſiue ex angore animi, ſiue alia ex cauſa contraxerat, ita vt ipſe deſperatione vitæ ſua cogitationem omnem de regno abiiceret, & ad mortem, vti Chriſtiano Principi dignum eſt, obeundam ſeſe componeret. Rex vbi animaduertit, viuere eum diutius non poſſe, Zbigneum & ceteros Polonos proceres in Poloniam amandauit, quod intelligebat, iis præſentibus Suidrigellonem fratrem, ſe Lithuanis Ducem, quemadmodum animo deſtinabat, præſicere non poſſe. Diſcedens autem Zbigneus, cum rogaretur ab Iuliana Vitoldi vxore, vt ſupellectilem ſua gazamque inde aſportaret, ac ſuperſtiti ſibi ſeruaret: ſi quid autem humanitus ſibi acciderit, ad cultum diuinum eam conuerteret, aſſenſus non eſt. Vitoldus vero, quum ſe viribus deſtitui ſentiret, ſacris procuratus, & vero Chriſtianum ſe mori teſtatur, veniam ſuperiorum admiſſorum à Vladislao petiuit, & Lithuanos ei commendauit, petens, vt acta donationeſque ſuas ne reſcinderet. Nec multo poſt apud Trocos ſpiritus exhalauit: cum octogefimum annum exceſſiſſet: Princeps impiger, & vegeto ingenio; abſtemius in
omni

*Vitoldi
mors.*

omnivita, nihil præter aquam bibere solitus, in victu temperans, temporis ita perparcus, ut supra mentam iudicaret, & responsa legatis daret. Caterum in venerem proclivior, in externos liberalis, suos vero metu magis, quam beneficentiâ in officio continere solitus: saturâ fuit mediocri, gracili corpore, radore barbam & genas solitus. Habebat autem in more, ut procuratores bonorum suorum rapinis ditatos excuteret, atque expilaret, rursusque præficeret.

Post mortem Vitoldi Lithuani & Russorum Proceres suspensi animis hærebant, quidnam secum fieret. Supererat Coributus Vitoldi frater: sed aberat, Bohemis ducem se præbens, nec ullum præclari ingenii specimen in Lithuania ediderat. Porro Suidrigello Regis frater, qui Vitoldum metuens ad Sigismundum Cæsarem aliquanto ante profugerat; & Vitoldo indulgente in Lithuaniam redierat, homo erat nihili & ebriosus, & præcipitis iracundiæ, sed tamen liberalitate multorum sibi animos conciliârat: imprimis autem Russi ei fauebant, ideo quod à sua secta non alieno eum esse animo existimabant. Sed tamen sensum Regis, penes quem rerum Lithuanicarum summa erat, non tenebant. Posteaquam autem præsenferunt, Principatum Lithuaniæ clam ab eo ad Suidrigellonem deferri, tunc vero certatim omnes ad eum concurrere, studiaque ei sua probare velle, ita ut ingens circa Regem solitudo esset. Venit deinde Vilnam ad exequias Vitoldi Suidrigello ingenti turba stipatus: elatusque fauore hominum, Vilnensem, Trocensem, & alias quasdam primarias arces occupavit, & pro Duce gerere se absque auctoritate Regis cœpit. Deinde magis ac magis insolescens, assentatoribus frigidam suffundentibus, oblitus omnium beneficiorum Regis, fraternæque necessitudinis Regem contumeliosius tractare, carceris & exilii veteris memoriam refricare, venisset tempus dictitans, cum vlcisci eum probe posset: Polonos, qui cum Rege erant, asperius appellare: internuncios, qui à Rege in Poloniam, quive ex Polonia ad Regem mittebantur, excutere, epistolasque refringere. Plus eius amentia atque temeritate, quam suo periculo Rex commovebatur, & quantum poterat, furorem eius & insolentiam lenitate & comitate suâ mitigabat. Placatioque is iam futurus esse videbatur, quum res nova oblata denuo furorem eius accendit. Podolii namque proceres, nimirum Paulus Episcopus Camenecensis, vir humiliter quidem loco natus, verum generosi animi, cum aliis quibusdam, cognita celeriter Vitoldi morte, Doigertum Palatinum Vilnensem, qui Podoliam Vitoldi nomine administrabat, rerum omnium adhuc ignarum, euocatum ad colloquium cœperant: arcesque, Cameneciam, Smotriciam, Scalam, & Cernonigrodum occupauerant, magnamque Podoliæ partem facile in potestatem tuam redegerant, ut Regi eam & Polonis restituerent, & ne deinceps in ditione Lithuanorum ea esset.

Id ubi factum rescivit Suidrigello, homo violentus & impotens, fremere, & maledictis Regem Polonosque incessere, & palam vincula necemque presentibus intentare, ita ut excubare omnes die nocteque circum regiâ necesse haberent. Non deerat Polonis, quamvis paucis, animus, non solum ad defendendû sese atque Regem, verum etiâ ad inuadendû ac trucidandum Suidrigellonem. Sed Rex, siue quod sibi metuebatur, siue quod Suidrigellonem nimio plus diligebat, seu denique quod Lithuaniâ quâ Poloniâ incrementis & amplitudini impensius faucebat, inconsultis omnibus, assensus est de Podolia Suidrigelloni,

Suidrigello
Lithuaniæ
principatum
arripuit.
Suidrigello
animi impetu
sens.

Podoliorum
insigne fa-
tum.

*Rex Podolia
Suidrigelloni
concedit.*

recipienti vna cum proceribus Lithuanis, Regi se eam bona fide redditurum esse, si de ea inter Polonos & Lithuanos non conuenerit: ac deinde ius suum persecuturum ac repetiturum. Ea; de re Zaclicam Tarlonem in Podoliam cum literis & mandatis misit, qui eam Michaeli Babæ Russo Suidrigellonis nomine recipiendâ & obtinendâ traderet. Ægre id ferebat iuuentus Polona, quæ in comitatu Regis erat, & inprimis duo iuuenes nobilissimi, Andreas Têcinus, & Nicolaus Dreucius custos Sendomiriensis, cui Rex annulû suum signatoriû, Căcellario & Procăcellario absentibus, credebat. Igitur hi duo ducti amore patriæ scripsere Michaeli Buczacio Præfecto Camenecensi: Regē extremam necessitate adactum, Podolia Suidrigelloni cedere: sed si ipse communi patriæ simul & honori suo consultum vellent, non modo non pareret mandatis regiis, verum Tarlonem pariter & Babam comprehenderet. Eas literas, quoniam palam ferri nequibant, Suidrigellone omnes iter in Poloniam capessentes excutiente, conuolutas ceraque contextas, vt speciem cerei præ se ferrent, Tarloni omnium in scio dederunt, vt is, quamprimum Cameneciam venisset, cereum illum Buczacio Præfecto redderet, atque hæc verba adderet: vt si errare ille noller, ex eo cereo vna cum magistratu vrmano lumen quæreret. Cum autem Tarlo bona fide omnia fecisset, miratus Buczaci, quid sibi cereus ille, & ambigua mandata vellent, non de nihilo tamen omnia illa esse suspicatus, refracta cera, literas inuenit, Tarlonemque & Babam in custodia habuit.

*Polonorum
studium er-
ga Regem.
Comitia
Varta absen-
te Rege.
Decretum de
Rege liberā-
do.*

Dum hoc agitur in Lithuania, cognouere tandem Poloni, referente Ioanne Oleſnicio Marschalco, qui mille ciclos argenti, & alia quædam munera, post reconciliationem à Suidrigellone Regi donata, in thesaurum Polonicum inferre iussus erat, quo in statu Regis res essent. Quare deliberando eo nulla interposita mora, agendum sibi esse existimarunt. Grassabatur quidem tunc dira pestis in tota fere Polonia, sed nihilo tamen segnus comitiis ad sextam diem Decembris Vartam indictis, frequentes conuenerunt. Re diligentius in consilio agitata, expeditio in Lithuaniam decreta: edictumque, vt ad mediû Ianuarii apud Kianos pagum supra Vêprum annum armati omnes præsto essent. Tentari tamen prius legatione Suidrigellonis animum placuit: ad eamque obeundam designati, Zbigneus Cracouiensis, & Ioannes Vladislauensis, Episcopi: Sendiuoius Ostrorogus Posnaniensis, & Ioannes Lichimus Brestensis, Palatini. Sed ii cum Varſauiam vsque progressi essent, mandato Regis, nunciantis liberum se iam esse, domos redierunt. Vt enim audiuit Suidrigello, quæ in Vartensibus comitiis acta ac decreta essent, liberum ac reconciliatum sibi Regem dimisit. Eiusdem autem Vartensis conuentus decreto, cura regionum liberorum educandorum ac instituendorum, Magistro Vincentio Cotho Dembinio Custodi Gnesnensi, & Petro Riterſcio Equiti mandata est.

*Comitia Sen-
domiria.*

Post insequentis anni principium Rex per Chelmenſem tractum à Lithuania reuerſus, Sendomiriæ comitia habuit: ibi cum de Suidrigellonis insolentia siue amentia plenius cognitum esset vulgo, afferreturque, etiam castella quædam in Podolia per illud tempus ab eius copiis intercepta, Smotriciam circumfessam, Treboulensam & Leopoliensem oram excursionibus & populationibus diuexari, damnabant omnes præceps Regis consilium, & bellum aduersus Suidrigellonem flagitabant. Verum peruenit Rex, vt legatio prius ad eum de repetendis rebus mitteretur. Missi itaque Stanislaus Posnaniensis-

niensis, & Ioannes Chelmenfis, Episcopi: Sendiuoius Ostrogius Posnaniensis, & Ioannes Lichinius Brestensis, Palatini, cum his mandatis, vt Suidrigello castella, quæ in Podolia cepisset, redderet: Lusco & Volynia decederet, ad Regem ad certam diem veniret, ab eoque Principatum Lithuanie certis legibus acciperet, quem contra fœdera perperam inuasisset: Secus necesse fore Polonis cum Rege ius suum armis persequi. Ferocius his responsum est à Suidrigellone. Nihil enim eorum, quæ postulabantur, faciebat, & asseuerabat, se quicquid egisset, ageretve, optimo iure egisse & agere: quin etiam reliquam Podoliam à Rege repetebat. Interea dum ea geruntur, venit ad Regem Coributus frater Vitoldi cum cæteris Bohemorum Hussitarum, qui post mortem Ziscæ cæci orphanos sese dixere, ducibus, qui Bohemia siue pulsæ, siue ultro excedentes, quum Lusatiam diuexassent, Silesiam quoque belli sede Gliuicia posita, longe lateque vastabant, oppida hostilem in modum diripiebant & incendebant, in templa atque monasteria, sacerdotes atque monachos debacchabantur, Ziscæ ducis sui immanitatem secuti: qui moriturus cutem sibi detrahi, eamque tympano induci iussit: fore asserens, vt ad eius tympani sonum animis conciderent ipsorum aduersarii. Cum his itaque se coniunxerat Coributus, captus, & mox pulsus à Pragensibus, & cum primoribus eorum ad Regem venerat, accepta ab eo fide publica. Actum cum his de religione: adhibiti Doctores Cracouiensis Academia, qui errores ipsorum disputando refellerent. Rex ipse simpliciore oratione usus, quantarum perturbatio secuta apud eos ex mutata religione esset, commemorauit: vtque florentissimum quondam Bohemorum regnum ad interitum properaret, sublatis magistratibus sacris arque profanis, euerfis oppidis & munionibus, cæsis vel fuga dilapsis optimatibus, constupratis honestis matronis & virginibus, agris partim hostiliter vastatis, partim furore quodam ipsorum cultorum desertis, direptis ac dirutis templis, abrogatis ceremoniis, religione contaminata, actam variis portentosisque opinionibus discerpta, ita vt nemini propemodum cum altero conueniret. Quæ omnia, ni mature respicerent, præfens & extremum exitium consequi necesse est. Quod si his rebus commouerentur, pollicitabatur, se perfecturum, vt a quibus conditionibus eorum res componeret. Hæc & alia grauissime præfatus, surdis tamen auribus Bohemi ea acceperunt. Quoad autem si substituere Cracouiæ, cessatum est à sacris, interdicto Zbignei Episcopi. Itaque propter solennes Paschæ dies Castimiriam Bohemi cum Coributo à Rege ire iussi sunt, frementès in Episcopum: Hoc eodem tempore Czenstochouiense monasterium, quod propter peculiarem diuæ virginis cultum, & frequentes non modo Polonorum, sed etiam vicinorum peregrinationes, magnis diuitiis refertum esse credebatur, Poloni quidam, qui iam à Bohemis latrocinari didicerant, diripere: atque, vt patrati sceleris suspicionem à se in Bohemos amouerent, imagini Virginis matris, quæ vulgo magna religione colitur, vulnus inflixere. Cæterum minorem opinione prædam reperere, meritaque sacrilegii pœnas intra illum ipsum annum expendere.

Legatio Polonorum ad Suidrigellonem.

Responsum Suidrigellonis ferox.

Coributus venit ad Regem cum Bohemis Hussitis.

Regis sermo ad Bohemos.

Dimissis Bohemis cum Coributo, Vladislaus Rex Bieczum profectus, bellum in Suidrigellonem parabat. Eo venit ad ipsum Ludouicus Commendator Torunienfis legatus à Magistro Cruciferorum, deferens eius operam ad componendas res inter dissidentes fratres. Ei gratia acta, factaque potestas, vt id ageret. Misit deinde Rex Ioannem Brezium scribam ad Suidrigellonem, vt

Legatio Magistri Cruciferorum ad Regem.

*Legatus ære-
ge ad Suidri-
gellonem mis-
sus violatur.
Expediitio
contra Sui-
drigellonem.*

eum ad saniorē mentem reuocaret. Sed eum Suidrigello exandescens con-
tra ius gentium violauit. Quare irritatus Rex, maturauit expeditionem, mo-
tisq; castris ad Grodlū oppidū supra Bugū amnē duodecim dies statua ha-
buit, & maiores Polonos tardius venientes, hostiliterq; pene in suos, quacūq;
iter faciebant, grassantes, expectauit. Deinde Bugū fl. traiecit. Interim vulgus
omne eius oræ cū iumentis, pecudibus, & facultatib. suis in densas palustresq;
syluas sese abdidit. Aduenit & Suidrigello cū sex fere millib. armatorū, arcēq;
Lucensē armis, cōmeatu, præsidioq; munivit. Certatū deinde est leuib. aliquot
præliis cū hoste, in quib. omnibus Poloni, vel nullo, vel paruo incōmodo ac-
cepto, fere superiores fuere. Senco Dux Russus occisus, captiui nō pauci ad
Regē adducti, incēsa Vladimiriā, peruastratū Vladimiriēse territorii, quod Rex
Theodoreto Duci Russo fratris filio donauit, qui & non multo post mortuus
Regē instituit hæredē. Nō intermittebat tamē Rex Suidrigellonē ad pacē in-
uitare. sed nihil inde pacati referebatur. Sperabat. n. ille, Regē breui inde ada-
liud bellū à Cruciferis, cū quib. sœdus icerat, reuocatum iri. Aduenere deinde
maiores Poloni, quib. grauiter de tarditate & neglecta disciplina militari in i-
tinere obiurgatis, Rex cū omni exercitu Styru flumiū qui Luscu alluit, difficili
ac profundo vado transmisit, cū Suidrigello pontē disiecisset, vltioremque
ripam frustra seruassēt. Videns autē Suidrigello, se valde imparē esse tanto ex-
ercitui, incenso Lusco oppido, arce vero Iurza Russi fidei cōmendata, ne ten-
tata quidē prælii fortuna fugam iniit. Ducē suū secutæ copię, diuersæ & ipsæ
dilapsæ sunt. Sed multi mortales ex his in fuga à Polonis cæsi, captiq; Inter ca-
priuos insignes fuere Rimbaldus Marschalcus Lithuanix, & Gastoldus. Quos
Suidrigello deinde liberauit, cū spondidisset Regi, eos Cracouiā, cū Rex ius-
sisset, venturos esse. Cecideretamen de Polonis quoque nonnulli nobiles &
fortes viri, dum incautius Tartaros, qui in castris Suidrigellonis militabant,
persequuntur.

*Suidrigello
sœdus icit cū
Cruciferis.*

*Suidrigello-
nis fuga.*

*Lithuani i-
terum victi
à Polonis.*

*Inducia triū
dierum da-
mata.*

Alia quoq; per eodē dies victoria de eodē hoste Belzensē tractū vexatē
Polonis parata est. Nā eo sex millia hominū Rex cū Casimiro Duce Masouiorū
& Ioanne Menziō Dambrouio Præfecto Russiæ ad præsidii suis miserat. A
quib. Olescu arx, cū capi posset, tamen in potestate Bogdani Rohatinii Russi
qui ad Suidrigellonē nulla necessitate adactus profugerat, præfecturamque
eius arcis ab eo, confiscatis à Rege bonis suis, adeptus erat, relicta est, ea con-
ditione, vt eam Regi redderet, cū is Lusco potitus esset. Obsessa est deinde à
toto exercitu arx Lucensis, & oppugnata etiam: sed remissa admodum & se-
gniter, indulgentia quadam Regis, vt creditum est. Et cū pars muri à Polonis
bombardarum ictu deiecta esset, frustrata tamen impetus factus est. Triū dein
dierū induciæ, per quas de deditione deliberatē, obsessis data à Rege, frustra
dissuadentibus consiliariis: per quos dies meenia & propugnacula arcis resecta
sunt, saxa, & alia missilia congesta, & aqua importata, cuius haustu à Polonis
arcebantur præsidarii. Post iterum quoque idem factum est, non sine mur-
mure totius exercitus. Fuere tamen inter proceres & consiliarios regios, qui
noctu clam cum obsessis colloquia habere, & arma eis commeatumq; suppe-
ditare soliti esse dicerentur. At Suidrigello ridiculo magis, quā callido, vt ipse
existimabat, commento Polonos ab instituto deterrere aggressus, confictis
literis nomine Principis Tartarorum ad Regem, vt is Podoliā Suidrigelloniā
se donatam redderet. Caterum vbi is commentum id sibi non procedere ani-
maduertit, legationem de pace ad Regem misit, siue ex animo id agens, siue
produr-

producendi belli, & obsessis subueniendi causa, simulans. Intelligebat. n. Po-
lonos belli ob aduentantē hyemem, grassantēq; in equos luem pertaxos, do-
mos reuerti cupere, & ipse Tartatorū ac Valachorū auxilia, cū quib. per hye-
mē Russiā & Poloniā infestaret, expectabat. Cōuenit, vt procures vtrinq; de-
lecti certa die de conditionibus pacis inter se agerent.

*Suidrigello-
nis ad Regē
legatio de
pace.*

Dein his de rebustractatur, Rathnam arx regia, prodentibus eam Russis
defensoribus, à Suidrigellone capta & exusta est, Chelmenfisq; ora diuexata.

Verū eos Ciolcus Præfeti Chelmenfis vicarius cū centū triginta nō amplius
homiaibus, factō in securos animose impetu, ultus est, ita vt trecentos ex iis in-
terficeret, quadraginta viuos caperet. Ad Cremeneziā quoq; eodē tēpore be-
ne res à Polonis desolantibus oram eandem incurfionibus gesta est. Cū enim

*Lithuani &
Ciolco fusti.*

hostes in Polonos paucos consulto per agros palantes ex arce decurissent, ex-
cepti insidiis, per pauci in arcē refugerunt, plurimis vel cæsis, vel captis. Conti-
nuabatur autē à reliquo exercitu obsidio, & maioribus odiis quā viribus inter
obsidentes & obsessos certabatur. Lithuani, & qui cum eis sentiebant, Russi

*Lithuanorū
clades ad
Cremeneziā*

quosq; Polonici generis & Latinorū, vt ipsi loquuntur, ritus in arce repe-
rerant, exquisitis suppliciis in propugnaculis, inspectatibus Polonis, necabāt,
& omne genus contumeliæ in Polonos iactabāt. Sauebāt & Poloni vicissim

*Russorum sa-
uitia.*

in Russos, quosq; ceperāt, vt par pari referret. Conueniebat iā de pace in-
ter procures: Sed eā Suidrigello approbare noluit, nisi Cruciferi quoq; & Va-
lachi fœderati, & socii sui pacis eius legibus cōtinerētur. Vtrosq; n. in societate

*Cruciferi
Cuiavia &
Dobrinum
infestant:
Valachi Po-
doliā &
Russiam.*

adsciuerat, eoq; magnis muneribus illectos adduxerat, vt & Cruciferi rupto
fœdere Cuiaviā atq; Dobrinū, & Valachi clientes Polonorū, Podoliā & Rus-
siam finitimā armis infestaret: quos quidē cū ingenti praeda à Sniatinensi, Ha-
licensi & Camenecēsi agro capta redeuntes, Russi regii Buczaciis fratrib. du-
cibus à castris regiis curriculo profecti, & consecuti, magna strage fuderunt,

prædāq; excusserunt. Non dissimili, sed pro numero tamē aliquanto minore
clade Cruciferi quoq; Crainensē orā vastantes affecti sunt ab agrestibus Cu-
iauiis ac Dobrinensibus, Ioanne Iarogneuo, Bartholomæo Vilēmborgio, ac

*Cruciferi à
Polonis pro-
fligati.*

Dobrogostio Colinio equestris ordinis ducibus, cum ii accepto domestica ca-
lamitatis nuncio, præpeti cursu à castris domū contendissent. Capti sunt ibi
Theodoricus Marefchalcus Liuonicus, & septem Cōmendatores cū quatuor

vexillis, Craconiāq; ad Regē missi, omnes præter Theodoricum in carcere
vitā finierunt. De vniuerso autē agmine illo, in quo septingenti Liuonici equi-
tes præter ceteram Torunensium, Suecensium, Tucholiensium, Slochouiensium-
que equitum pariter ac peditū manū, fuere, paucissimi equestres fere euase-
runt. Nam reliquus Cruciferorū exercitus peruastata longe lateq; Cuiaviensi

ac Dobrinensi ora, viginti quatuor oppidis, & plurimis pagis direptis atq; in-
censis, arceq; Nieslouiensi præsidio munita, incolumis & præda grauis domū
pedem retulerat. Illos vberioris prædæ spes à Iodoco Tucholiensi Cōmenda-
tore ostensa longius prouexerat, & quidem non sine magno compendio, nisi

id sanguine suo exoluissent.

Cum igitur de conditionibus pacis Regi cū Suidrigellone nō conueniret, induciis
interceptū est bellum, ita vt postride calendis Februarii anni sequētis
de pacis conditionibus in conuentu Parczouiensi firmandis denuo tractare-

*Inducia cetera
Suidrigello-
ne.*

tur: protinusq; soluta est Lufci obsidio, dimissusq; exercitus. Ac tū demū Cu-
iauiēses illi, quorū ante mētio facta est, & cōplures alii eiisdē orā Nobiles cur-
su omni præuertentes, & cū agrestibus adunati, illā de Cruciferis victoriam
adepti sunt. Miserat quidē Rex & Suidrigello pariter, induciis sic inter se

factis, legationem ad Cruciferos, ut ne Poloniam bello vexarent: sed tardius ea peruenit, cum iam hostes satis in homines omnis ordinis & ætatis, innocuaque tecta debacchati, præda onusti domum reuenterentur. Rex vero Lusco discedens, in Chelmenfi regione aliquandiu substitit: per quod tempus Russi Volynii nullum genus crudelitatis omiserant in Polonos, qui ibi post pacem factam & discessum Regis cum mercibus omnis generis Lucensibus venum expositis, siue alia quauis de causa remanserant, aut antiquitus domicilia fixerant. Templum etiam, quæcunque Russi citius non essent, crudeliter exusta & euerfa sunt.

Rex Leopoldum petit.

Rex beneficis in calamitosos.

E Chelmenfi deinde ora Rex Leopolum contendit: quo cum ingens Cuiuiensium ac Dobrinensium Equitum multitudo conflueret, opem & subsidium Regis afflictis & perditis Crucifera incursione rebus suis atque suorum implorans, magna in cunctos ac profusa benignitate usus est: cumque immensis donationibus sese & ærarium suum exhausisset, ecclesiastica illis bona dilargiri cœpit, ut per hyemem duntaxat eorum usufructu sustentarentur. Perniciosi exempli ea res visa Antistitibus. Itaque Albertus Archiepiscopus Gnesnensis, & Zbigneus Episcopus Cracouiensis cum primoribus ecclesiarum sacerdotibus propere ad Regem excurrerunt, tam iniustas donationes eius repressuri. Et Archiepiscopus quidem demisse frustra orabat Regem: Zbigneus vero maioris animi vir grauius in eum inuectus est, cum præterita eius peccata commemorans, tum iniustas illas alienorum bonorum donationes reprehendens: ni incepto abstereretur, grauiore se in eum censura & animaduersione usurum esse minitans. Excusantique Regi necessitatem, & piam calamitosorum hominum commiserationem, adiecit: Nihil ea commiseratione & misericordia opus futurum fuisse, nisi ipse calamitatem illam sua culpa inuexisset. Vulgo enim iactari, ab eo ipso Cruciferos quiescentes excitatos esse. Quod si id verum non sit, non esse tamen ipsum culpæ expertem, propterea, quia iustum aduersus sceleratum & ingratum fratrem bellum, quod paruo negotio debellari potuerit, peruersa quadam sua indulgentia duxisset, comeatumque & arma obsessis Lucensibus subministrasse diceretur. Inducias quidem certe, per quas illi se recrearent, bis eis contra omnium sententiam concessisset. Ita tunc Zbigneus, (quanquam nihil cuiquam Rex in eius diœcesi præter quædam Miechouiensis monasterii donarat) non tam suam, quam publicam ecclesiastici ordinis causam agens.

Comitia Nepolomicia.

Hedwigis filia Regis obiit.

Conuentus Parçouia sine successu.

Reuersus deinde Rex est in Poloniam ad comitia, quæ Nepolomiciam ad vndecimam Nouembris diem indixerat. Ibi Hedwigim, filiam Friderico iuniori Marchioni Brandeburgensi desponsam, immatura morte defunctam amisit. Creditum vulgo est, veneno eam à nouerca sublatam esse, ne quo filii suis impedimento ad regnum adipiscendum esset: eo quod Casimiri Magni, cuius grata etiâ tunc erat memoria apud Polonos, Regis proneptis esset. Rex quoque ipse æquiori, quam par erat, animo mortem eius tulisse visus est. Post initium vero sequentis anni Lublinum Rex magna Procerum caterua stipatus profectus est, proceresque omnes, excepto Archiepiscopo, Parçouiam ad conuentum cum Suidrigellone celebrandum transiit. Verum ii cum diu frustra Suidrigellonem moras neccentem expectassent, nullo cum fructu discesserunt. Erat autem apud Suidrigellonem Ludouicus Commendator Toruniensis, qui hoc agens sedulo Cruciferos nomine ne pax cum Polonis corret Rex de statu Republicæ, ac de impendendis in Regem periculis anxius

ad vicesimam tertiam diem Aprilis Siradiæ comitia habuit: ibi Vladislaus maior natu filius regni successor à patre designatus, totiusque conuentus suffragiis approbatus est. Constitutum est etiam, vt si plura simul bella ingruissent, cæteris omiſſis ad tempus, in id, quod esset grauissimum, toto conatu & cunctis viribus incumberetur, ne diductæ multipliciter, & extenuatæ copiæ nulli recte sustinendo sufficerent. Nuptias deinde Rex Ameliæ Masouiorum Ducis & sororis suæ filiæ, Boguslao Pomeraniæ Duci in matrimonium collocatæ, splendido apparatu fecit.

Reuertentem in minorem Poloniam, Pabianiciæ (oppidi collegii Cracouiensis basilicæ) legati Bohemorum Hussitarum conuenerunt, auxilia contra Cruciferos pollicentes, & Coributo Regem reconciliantes: adhæc Basiliensis Concilii propensionem erga se nunciantes. Grata fuit ea legatio Regi & Proceribus, bellū in Cruciferos molientibus: quare comiter & laute legati habitifunt, & assentientibus Archiepiscopo & Episcopis, qui tunc aderāt, ad sacrorū cōmunionem admissi. Perfuncti vero legatione, cū reuerterentur, & Cracouiā contra præceptum Regis exitinere diuertissent, cessatum est à sacris mādato Episcopi, licet absentis. Contumeliosum id vñlum Bohemis, Regi vero & cæteris Episcopis permolestū fuit, quod Zbigneus vnus omnium acta ac placita irrita faceret. Accendebāt etiam magis irā Regis Ioannes Menzicus Dambrouius Palatinus Russiæ, & Petrus Korsbocus, qui Bohemos honoris causā iussu Regis deduxerant. Itaq; excanduit in Episcopū & venienti ad se Visliciā dextram beneuolentiæ symbolum non porrexit: quin asperioribus etiam verbis eū increpuit, & ne episcopatu amoueatur, minatus est. At ille imperterritus respondit: Fauorem se, non offensam Regis meritū arbitrari, quod solus & salutis & existimationis eius, quæ ab inimicis eius, & maxime Cruciferis, cū aliis, tū in Basiliensi cōcilio proscinderetur, curā haberet, prouideretq; omni ratione, ne Rex merito pro fautore hæreticorū traducatur. Et quū de religione agitur, neque Regis, neque cuiusquam omnino vultum aut minas se formidare, quin id faciat, quod rectum esse intelligat. Autoritate Archiepiscopi ac cæterorum Episcoporum nihil se hac in parte moueri, habentē ad stipulatores diuini humaniq; iuris professores, Episcopatus amissione se non terrori, paratū pro religione exilium atq; etiam mortem subire. Quum autē Rex subiiceret, se quoq; diuini & humani iuris peritos diuersæ sententiæ autores habere, acciti primores Academiæ Cracouiensis, & cum his cōmissi Ioannes Szaffranecius Vladislauensis, Ioannes Theologus Chelmenſis, Episcopi, & Vladislaus Oporouius Pontificii iuris peritus, Procancellarius Regis, qui postea Vladislauensis Episcopus fuit, haud difficulter refutati sunt. Neq; tamen penitus ira Regis in Zbigneum resedit: admonitusq; is est à Ioanne Tarnouio Palatino Cracouiensi, vt sibi diligenter cauere: subornatos enim esse à Rege, qui eum de medio tollerent. Et egit quidem gratias Palatino Zbigneus, sed tamen nihil ea nocte, in quam sibi periculum comparatum esse acceperat, de cōsuetudine sua remisit. In eodem cubiculo, eodem lecto cubuit, nullam sibi custodiam adhibuit: nocteq; in tempesta cū vno sacerdote & puero lumen præferente ad matutinas precatōnes templum adiit. Neque aduersi quidquam ei accidit, quod vel Rex mutasset consilium, vel vanus ille terror fuisset.

Venit autem eodem ad Regem illustris legatio Iani Cypriorum, Hierosolymorum, & Armeniorum Regis, mediterraneo mari per Propontidem & Pontum Euxinum, atq; inde aduerso Danubio aduecta in Moldauiā, & inde porro

Comitia Siradiæ, in quibus Vladislaus iunior Rex Pol. designatus est.

Legatio Bohemorum Hussitarum ad Regem.

Bohemi ad sacram cōmunionem admissi.

Rex iratus Zbigneo Episcopo minatur. Zbignei ad Regem responsū.

Regis Cypri ad Vladisl. Regē legatio.

porro terrestri itinere non sine magna difficultate in Russiam & Poloniam profecta. Eius legationis princeps Balduinus de Noris Mareschalcus Cypri, donis Regi & Reginae oblati connubium Heduigis regiae filiae, Regis sui filio, adducenda millia aureorum nummum ipsi Regi mutua petebat, besselumq; hoc est, duas tertias partes Cypriorum regni hypothecae nomine Vladislao Regi offerebat. At nihil impetratum, quod & Heduigis iam obierat, & pecuniam Rex se habere assiduus bellis exhaustum negavit. Misit deinde Rex Laurentium Zarembam Castellanus Siradiensem legatum in Lithuaniam, admonendi in speciem, & sanandi Suidrigellonis causa: reuera autem, ut Lithuanorum procerum animos sua sponte iam a Suidrigellone, cum propter crudelitatem eius, tum propter propensorem erga Russos fauorem alienatos, magis etiam clam in eum incitaret: Sigismundumq; Vitoldi fratrem germanum Starodubensem Ducem ad inuadendum principatum Lithuanorum animaret. Neq; infelix hic conatus fuit. Cognita enim voluntate Regis, Lithuani cum Sigismundo conspirantes, aduersus Suidrigellonem apud Osmianos tunc agentem arma capessunt. Et euasit quidem Suidrigello fugam in Russiam, a Ioanne Monuido de insidiis praemonitus: cupideq; receptus est, cum a ceteris Russis, tum a Smolenscibus indeq; postea adiunctis sibi Liuonibus Lithuaniam vexauit. Vxorem vero eius Russam Tuerensem Ducis filiam Sigismundus cepit, Lithuaniamq; omnem suam in potestate redegit. Deinde ad Regem misit oratum, vellet iuberet se principem esse Lithuaniae. Missi in Lithuaniam septem de primoribus Polonorum, conditiones Sigismundo rulerunt, ut iurciurando interposito reciperet, se in fide & clientela Regis, qui supremi Ducis Lithuaniae titulum retineret, & Polonorum, semper futurum: eosdem cum eis amicos hostesq; habiturum, suisq; stipendiis eis militaturum, cum Suidrigellone & Cruciferis nullum foedus contra Regem ac Polonos seruaturum: Olescum, Grodlum, Rathnum, Lopatinum, & omnem Podoliam, quae in ditione Polonica fuisset, deinceps quoq; esse passurum: neminem alium, quam Regem & liberos eius in principatu successorem relicturum: Michaellem vero filium, & reliquos haeredes suos legitimos in Trocensitantum dominatu & patrimonio sibi successuros, fidem & subiectionem Regi Regnoq; profitentes, iis vero, si absq; suis haeredibus decederent, Regem & Regnum haeredes fore. Volyniam, quoad viueret, sibi concessam & adiunctam, quemadmodum & Vitoldo concessa esset, se mortuo in ius ac ditionem Polonorum reuersuram esse. Haec omnia Sigismundi ipsius, & filii Michaelis, Senatusq; Lithuanici, & vniuersae Nobilitatis consensu approbata, atq; literarum monumentis consignata sunt. Quibus rite peractis, Zbigneus Episcopus princeps legationis regiae, gladium, Principatus insigne, Sigismundo Regis nomine publice tradidit. Interfuit his omnibus Ludouicus Commendator Torunensis, cum tribus collegis a Paulo Magistro Cruciferorum ad ineundam nouam cum Sigismundo, posteaquam Suidrigello principatu eiectus erat, societatem missus. Atq; is enixe studuit, insecta reddere, quaecumq; a Polonis proceribus agebantur: adiutorem ad id naclus Georgium Butrim Lithuanum, hominem ingeniosum & callidum, quippe qui multas Christiani orbis regiones peragrasset. Sed irriti tamen ii conatus fuere iussique Cruciferorum legati, velut hostes, Lithuaniae finibus statim excedere.

Compositis rebus Lithuanicis, ad Podoliam pacandam Rex animum intendit. Et miserat quidem eo non nihil copiarum: sed in Olesci obsidione temper ea terebant, & minores erant, quam ut Podoliam, cuius nonnulla munitiones

tiones adhuc Suldrigellonis præsidii tenebantur, subigere possent. Itaq; Leopoli profectus est, ut ex propinquo rectius de re nata rebus consuleret. Ibi Lucensi conuentui ad priores immunitates adiecit, ut Nobilitatis subditi non nisi aduenienti in id territorium Regi com meatum & stationes præberent. Tempora Russorum ne vastarentur, neq; cogere quisquam transire ad religionem Romanam. Forte per eos dies Olecum oppugnatum erat. Eas igitur victrices copias nouo supplemento auctas, ad recipiendas reliquas munitiones Podoliam misit: *Podolia recepta à Polonis.* nec magno ea negotio in potestatem Regis peruenerunt. Bratislauiam vero arcem, ne Poloni eam potirentur, Theodoretus siue Fedco Ostrogus Dux Russus, partium Suldrigellonis, vir strenuus & bellicosus, una cum oppido incendit. Habebat is quidem circa se non contemnendam manum, sed nusquam aperto Marte cum Polonis regerebat, nec se certo loco tenebat. Ex insidiis vero Polonos lacessens, sæpe fusus fugatusq; erat. Cum autem hominem in late patentibus campis cum expedito equitatu vagantem adipisci, & perdomari difficile esset, tempusq; anni hybernium bello gerendo minime aptum, reuertebantur Poloni, & nihil minus quam bello amplius cum hoste certare velle videbantur, ecce subito Fedco Valachorum, Tartarorum, & Bessarabum auxilium auctus, & numero militum Regis superior factus, apud fl. Moraquam, qui in Nestrum influit, limosum & late restagnantem, ac fragili iam glacie concretum, regiones flumen superat & conantes in ulteriore ripa ex insidiis aggreditur. Iam pars regionum angusto tramite impeditum locum transierat, pone carri & impedimenta in medium recepta sequebantur: cum Fedco magno cum impetu, clamore, & dissono tubarum, tympanorumq; cantu ac strepitu inuectus, nec opinantes adoritur, & in iis stragem edit memorandam. Trepidum re noua & inexpectata Poloni, cum neq; ad extremum agmen receptus daretur, nec ab eo magna auxilii spes affligeret, imperum tamen hostium utcumq; sustinere. At qui in extremo agmine erant, ubi suorum periculum animaduertere, nil cunctati, contempto omni periculo, partim per contrariam viam, euersis & in cœnum deiectis carris, partim per infirmiorē amnis restagnantis glaciem superata difficultate, auxilio suis iam laborantibus accurrerunt, ac prælium instaurarunt. Superabant tamen multitudine hostes, perturbatosq; Polonos & sine ordine pugnantes premebant: pars etiam quasi partem iam victoriam ad diripiendos currus discurrerat. Deplorata res Polonorum erat, cum subito quasi diuinitus eis auxilium affluisset. Kemlicius quispiam tribunus militum cum centum equitibus pabulatū profectus, opportune rediens, & clangore tubarum signo pugne dato, instructam tumultuaria acie, denuo prælium redintegrat, & intentos in pugnam hostes, à tergo pariter, & à fronte furdit ac dissipauit, fugientibus insilire Poloni usq; ad mediam fere noctem, quæ tunc sublustis erat: & cum neminem viuum seruarent, magnam hominum stragem fecerunt, duodecimque signa capta retulerunt. Dux ipse maturius, quam par fuerat, fuga euasit. De regis non adeo multi desiderati sunt, & ii fere gregarii. Abest autem locus ille prælii à Leopoli, non minus quadraginta miliaribus bene longis, & tamen, quo die hæc gesta sunt, hoc est, ultimo Novembris, quum Rex in templo, ubi tunc totos dies transigebat, diuinam opem sedulus imploraret, non ignarus, cum quam grauib; & insidiosis hostibus exercitui suo res esset, rumor de victoria sparsus totam urbem impleuit. Nec auctor eius rumoris inueniri potuit, ita ut vana exultasse latitia homines viderentur. Sed cum postera luce certo nuncio res omnis, ut gesta erat, cognita esset, gratia Deo acta, ac dona à Rege missa militibus.

Prælium Polonorum cum Russis.

Russi vin- cuntur.

Suidrigello à Rege fusus & fugatus. Nec multo post cum lata est Regi ea latitiae, profligato à Sigismundo Duce apud Osmianos insigni strage Suidrigellonis exercitu, è Russis, Tartaris, & Liunionibus collecto: de quo ad decem millia caesa, quatuor capta esse, relata sunt. Suidrigello quidem pernici fuga crebro mutando equos euasit. Sigismundus monumentum victoriæ, templum & collegium sacerdotum apud Osmianos postea constituit. Hac geminâ victoriâ Rex lætus, Leopoli discedens, Cracouiam ad comitia, ad natalem Christi indicta, venit, & ouans pedibus urbem ingressus, apud complura templa festas supplicationes obiuit, priusquam arcem ascenderet. In comitiis deinde de Prussico bello agi cœptum, resq; integra ad alia comitia, quæ ad secundam dominicam quadragesimæ Sendomiriam promulgabantur, reiecta. Eo porro aduenerunt oratores è Concilio Basilienfi, quod Eugenius Pontifex cum initio approbasset, Ferrariam transferebat, atq; adeo dissoluebat. Concilium contra abrogare Pontificatû Eugenio nitebatur. Quanquam obstabat Sigismundus Imperator, ut gratiam referret Eugenio, à quo Romæ paulo ante diadema Casareum ritu solenni acceperat. Postulabat autem ea legatio, ut Rex cum omnibus populis suis Concilio aduersus Pontificem faueret, & ut vexandis bello Cruciferis supersederet; Concilioq; causam illam omnem cognoscendam & arbitrandam permitteret. Cui responsum est: Non abhorre Regem à pace, si à Cruciferis ipsi satisfieret. Porro de iis, quæ Præterea Oratores postulabant, diligentius eum consultaturum, ac deinde missurum legatos suos ad Concilium cum certo responso. Ita dimissi Oratores Concilii, in Prussiam ad Cruciferos, ut eos ad conditionem accipiendam pacis à Rege oblatam adduceret, profecti sunt. Caterum in comitiis Sendomiriensibus de bello contra Cruciferos administrando nihil remissius agebatur: tamen si gerendi eius ratio non expediebat, propterea quod Rex senio cōfectus, & caligantibus oculis munia belli per se ipse obire non poterat: & Lithuanorum, Russorum, ac Valachorum auxilia, cum ex gentes partim domesticis bellis implicatæ essent, partim à fide Regis desciuissent, defutura erant. Itaq; tertia comitia armatorum ad diem S. Ioannis Baptistæ natalem Colum indicenda, & Bohemorum, quæ offerebant, auxiliis utendum esse, quamuis refragantibus Episcopis, decretum est.

Comuentus inter Pol. & Cruciferos frustra institutus. Nec ita multo post conuentu inter Polonos ac Cruciferos opera oratorum Concilii de pace frustra instituto, cum Cruciferi quindecim dies ultra conditum expectati non venirent, euocati Bohemi à Rege duce Czapcone præsto fuere, cōiunctiq; cum maioribus Polonis, quib. Senduuius Ostrogius iussu Regis præerat, nouâ Marchiam Cruciferorum imperio subiectâ, crudeliter vastarunt, duodecimq; oppida munita, partim vi, partim deditione ceperunt: quæ quidem omnia direpta ac diruta sunt, Ernbergæ siue Chosliu excepto: quod quoniam munitissimum erat, præsidio firmatum est, quo facilius omnis ea regio in fide regia cōtineretur. Per eosdē fere dies Sigismundus Dux Lithuanorum, adunatis magnis copiis, duodecim dies Liunioniâ depopulatus est, & ingentē prædā inde asportauit. In Russia vero Gregorius Kerdeius Nofsū Ducē Russū, Suidrigellonis partiū, qui Lusci nō ita pridē interceperat, profligauit & cepit. Vbi statuta armatorum comitiorum dies aduenit, frequēs cōuētus sciuit, ut Rex in Polonia subsisteret: exercitui vero vniuerso, & sumæ rerū præfectus est Nicolaus Michalouius, Castellanus & Præfectus Cracouiēsis. Huic Rex dedit in mādatis, ut hostiles regiones ferro, flāma, ac direptionib. vexaret, munitionū vero oppugnationib. abstineret. Colo profectus Michalouius, cum exercitu in Pomeraniā, nō diu

diu mandatorū regionū memor fuit. Iam maiores Polonici Bohemis subacta omni noua Marchia, præter Landisbergum oppidum, in Pomeraniam antecesserant, & Choiniciam obsidebant. Quoniam autem consultissimum videbatur coniunctis copiis rem gerere, eo duxit reliquum exercitum Michalouius, facileque persuaderi sibi ab Ostrorogio passus est, ut cæptam Choiniciæ obsidionem prosequeretur. Erat autem oppidum bene munitum, com meatu, præsidio, & omni apparatu belli instructissimum. Vbi in longius tempus obsidionem eius duci animaduersum est, institutus cuniculus, quo ex improviso in oppidum irrumperetur: verum is non alte ductus, priusquam perduceretur, subsidente sabuloso solo obrutus est. Tentata deinde vi & impetu oppugnatio, exiccata fossa oppidum ambiente. Sed inde quoque, multis vulneribus acceptis, nullo cum fructu discessum est, cum primi Bohemi in tutum se recepissent. Iam difficiliore annona propter multitudinem & vias ab hostibus infestās Poloni utebantur, & ex pabuli inopia plurimos equos amittebant. Itaque sero regionum mandatorum recordati, quum totos duos menses in obsidione Choiniciæ casto labore consumpsissent, ea soluta, castra mouerunt, & in interiora Pomeraniæ populabundi progressi sunt: prætergressique nonnulla oppida, direpto Peplinenſi monasterio, magnifice ædificato & opulento, ad Dersaniam peruenerunt. Præcesserant & præterierant oppidum Bohemi, qui primas stationes seruabant, & loca metandis castris capiebant. Poloni vero, quo minus in suburbana prædandi causa discurrent, cohiberi à ducibus nequiuere. Erat in oppido validum hostium præsidium. Nam ii quocunque admoturos esse Polonos suspicabantur, omnia præsidia ex propinquis munitionibus deducta noctu eo contrahebant. Id igitur præsidium occurrit Polonis ad extrema suburbana: sed tamen, quo minus ea incenderentur, prohibere non potuit. Itaque late vagante incendio, in oppidum se hostes retulerunt. E vestigio aduerso ac vehementi vento flante, urbana quoque ædificia flamma corripuit: nec ea restingui vllō cum hostium ipsorum, tum ad extremum etiam Polonorum conatu potuit. Sic oppidum munitius & opulentius, quam Choinicia, quasi fortuito incendio conflagrauit: præda omnis, præter eam, quæ in subterraneis cellis & fornicibus absconſa erat, igne corrupta: captiuorum supra decem millia fuisse dicuntur. Ex his quicunque Bohemi fuerunt, Czapco reuertens, ut sibi condonarentur, impetravit: traditos, quod Teutonibus contra Polonos eiusdem secum originis & linguæ militarent, corripuit, pyraque ingenti extructa exussit. Eius exemplum secutus Ioannes Strassus Bialaczouius nauticos homines in ergastulo conclusos, quorum inter Cruciferorum præsidia non pauci fuere, circumiecta palea & arida materia succendit. Qui cum effracto ergastulo ligneo effugere vellent, aduersis Polonorum hastis excipiebantur, donec Michalouius superueniens eadem eorum repressit, ignemque restinxit. Matronis vero & puellis captiuis iustus honor habitus est, adhibita publice custodia, ne quid contumeliose in eas fieret, aut ne quapriuatum à quopiam occuleretur: omnes ad Viſtulam deductæ, traictæque nauibus, liberæ dimissæ sunt. Perhonorificum id fuit Polonis, apud ipsos etiam hostes: omnesque eis omnia bona præcati: suis vero, qui longe fuissent in populanda Polonia dissimiles, mala imprecari. In templis, monasteriis, & rebus sacris Poloni non eadem abstinentia vſi sunt. Sed plus hic valuit ira & dolor immanissime direptorum à Cruciferis in Cuiavia templorum. Itaque Oliuienſe quoque monasterium paulo post direptum & incensum est. In-

*Choinicia
obsidetur à
Polonis.*

*Pomerania
viſitatur.*

*Perſania in-
cenſa.*

*Oliuen. mo-
nasterium
direptum.*

*Geda dunn
castra mota.*

de ad Gedanum castra mota, quatrduoq; in eius vrbs conspectu statua habita: per quos dies omne id territorium peruastatum, & munitio portus lineae disiecta.

*Iaseneeia
arx capta &
incensa.*

Desolata vsque ad mare Pomerania, reuertentes alio itinere Poloni, Tucholiensem & Iaseneensem oram vastabant. Cum autem apud Iaseneciam statua haberent, de pace ab hostibus tractari coeptum est. Dum colloquuntur inter se primores, pauci de Polonis iuniores temere impetum in arcem fecere, eosque prægressos exercitus omnis, cum esset sine imperio, quasi dato signo secutus est. Capta momento arx, direpta atque incensa est. Captiui ad vnum omnes trucidati, furore militum, ob interfectum in oppugnatione Ioannem Leuinum Velcinium, nemini parcente. Permolestè id factum, dum de pace agitur, tulere Cruciferi: sed Polonis iniussu id suo, & tamè iure belli, neq; pace neque induciis adhuc constitutis, factum defendentibus, acceleratè

*Inducia triu
mer sum.*

sunt inducia trium mensium. Interim autem ad calendas Decembris, vt in conuentu Brestensi de conditionibus pacis constitueretur: captiui Cruciferos nobiliores facta sponfione sistendi sese, si de pace non conuenisset, dimissi: tenuiores & gregarii, vel cõmutati, vel binis florenis redempti. Poloni munitiones in noua Marchia quasitas retinere, pacti nihil munire interim, nec reficere. Mirum vero est, tum demum Cruciferos de pace & induciis quã diligentissime egisse, cum Poloni peruastata omni Pomerania (ita vt soli quatuordecim pagi inter lacus & paludes intacti à Polonis relinquerentur) domũ reuerterent. Peractis his, exercitus, accepta à Michalouio missione, suam quisque domum dilapsus est. Sed Bohemorum primores Pysdros ad Regem, vt erat ab eo præceptum, profecti, honorifice ab eo accepti & remunerati sunt. Nouum etiam tunc fœdus contrà Cosimirus Dux Pomeraniæ Stetiniensis cum Rege Vladislao icit, veteri forte violato, quo recepit sub fide & honore suo, vna cum primoribus suis, nullam opem selaturum Cruciferis esse aduersus Polonos: neque passurum esse quenquam, qui contra eos arma sumpserit, per ditionem suam transire. Hoc fœdere facto, & Bohemis dimissis, Rex in Sendomiriensem tractum contendit fugiens pestem, quæ maiorem Poloniam inuaserat: qua quidem Ioannes Szafranecius Episcopus Vladislaiensis absumptus, Vladislauum Oporouium Procancellarium regni Rege suffragante successorem accepit. Cum autem Proßouia Rex esset, venit ad eum Bohemus quispiam sacerdos Hussiticus à Christiano Astrologo, nuncians, vt mortem sibi prope imminentem caueret. Id cum ille semotis arbitris ageret, Zbigneus Episcopus Cracouiensis veritus, ne quid de religione Regi suaderet, grauitè obiurgauit Regem, quod neminem de consiliariis ad audientiam Bohemi adhibuisset. Et satisfecit quidem Rex Zbigneo, nihil Bohemum neque de religione, neque de Republica secum locutum esse, sed tamen coactus est eum primo quoque tempore instante Zbigneo dimittere, eo quod spargebatur vulgo suum dogma.

Cometes.

Nec multo autem post cometes non obscurus, plus quam vnum mensem pernnox face ad occidentem versa apparuit: regiæ mortis, vt vulgo tunc creditum est, postmodum euentus comprobauit, prænuncius. Nepolomiciæ iam Rex erat, quo comitia ad diem D. Martini Episcopi memoriæ dicatum edixerat: eo venit Elias Alexandri Palatini Moldauiæ defuncti filius, à minore natu fratre Stephano dominatu paterno eiectus, Regis opem implorans, & in fide clientelaque Regis ac Polonorum, se fore semper, solenni

*Comitia Ne
polomicia.
Elias Molda
uia, Palati
nus iurat
Regi.*

iuranti

iureiurando promittens. Consecuta est eum & Stephani fratris legatio cum splendidis donis, Lenciciam usque; Regem sequens, & postulans, ut ipsi potius, quam fratri omnibus inuiso, Rex faueret: fore & ipsum perpetuo in fide & clientela Polonorum, quemadmodum pater maioresque ipsius fuissent. Habebat quidem Elias in matrimonio sororem germanam Sophiæ Reginæ: sed tamen re in consultationem posita, placuit, ut Stephanus, in quem studia gentis inclinassent, dato iureiurando in verba Regis & regni Poloniae, retineret Valachiam, tractumque Sepinensem cum Chocimo, Cecuino, & Chmielouia munitionibus à Rege iure sempiterno reciperet. Helia vero, quo magis Stephanus eius metu in officio contineretur, luculentæ possessiones à Rege in Polonia datæ sunt. Cæterum cum his ille non acquiesceret, & ad recuperandum dominatum paternum aspiraret, ex fuga retractus, Sira- dia deinceps sub honesta custodia cum vxore & liberis vixit. Stephanus vero, sicut conuenerat, Soczauiæ solenne iuramentum legatis regiis exigentibus præstitit, & ut gratiam referret Regi, non ita multo post Tartaros in ditio- nes Polonicas excursionem parantes repressit, Bratislauiamque, quæ Suidri- gellonis præsidio tenebatur, interceptam, Regi restituit. Exiisdem comitiis missi sunt procures quidam in Cuiuiam ad conuentum Brestensem, cele- brandum cum Cruciferis. Verum ex eo conuentu re non composita, & irritatis animis, incertum, quæ de causa, discessum est. Lenciciæ Rex exitum illius conuentus expectabat: ubi rediere ad eum legati è conuen- tu, de bello agi coeptum, visumque est, non expectandam esse æstatem, sed quamprimum immittendum in terras hostiles exercitum. Expeditione fore omnia concretis glaciæ fluminibus & lacubus, quibus abundat Prussia. V- na res difficultatem faciebat, quod pecunia Regi deerat in stipendium: & prope abfuerat res à seditione superiori æstate apud Choiniciam, fre- quente vniuersa Nobilitate contra Procures, quod ii bellum extra fines Po- loniæ sine stipendio decreuissent, receperantque illi, nunquam id se dein- cept admissuros esse. Inuentus tandem est modus eius difficultatis expli- canda, ut Palatini suæ quisque ditionis Nobilitati de stipendio soluendo ca- uerent.

*Patia cum
Stephano
Palatino con-
uentu.*

*Tartari re-
pressi à Mol-
dano.*

*Conuentus
Polonorum
cum Cruci-
feris Brestia.
De bello con-
sultatio.*

Hæc ubi didicere Cruciferi, missis mox ad Regem legatis, quas antea repudiarant conditiones, ultro accipere, in duodecim annos pacti inducias. Adiectum, ut ad diuæ virginis diem natalem sequenti anno apud Slonscum de pace perpetua tractaretur. Ibi tunc Marschalcus Cruciferorum Lio- nicorum ex pacto dimissus, sine adeo sponcione militari solutus, ac Theodo- ricus Buczacijs Praefectus Camenecensis pro eo receptus: qui captus à Fed- cone Duce Camenecensem agrum vastante, cum paucitate prædatorum contempta temere in eos erupisset, ac Magistro Lioonum petenti à Sui- drigellone donatus erat. Neque enim quiescebat Suidrigello cum Russis: sed cum ipse perse auxilia Tartarorum & Lioonum habens, Lithuaniam tam per Fedconem & Nossam Duces Russiam regiam æstate præterita Cruciferis incitantibus infestarat, illa occasione usus, quod Poloni Russi- co bello distinebantur, & quod is Sigismundum Ducem Lithuanorum inuisum iam esse plerisque Lithuanis acceperat. Et sumptis Sigismun- dus paulo ante supplicium capitis de Ioanne Monuido Palatino Trocensi, & Rumboldo summo Lithuanie Marschalco, autoribus conspirationis, quæ in eum comparata esse dicebatur.

*Inducias duo-
decim anno-
rum cum
Cruciferis.*

*Suidrigello
Lithuaniam
infestat &
Russiam re-
giam.*

Libere etiam tunc Suidrigello Lithuaniam depopulatus est, Vilna, Lida, & Trocis oppidis immunitis exustis, & Bresta Russica obsessa: qua non difficulter potitus esset propter commeatus inopiam ac dubiam Russorum fidem, nisi Masouios iussu Regis arma sumpsisse, & aduentare eo nunciatum esset. Tartaros quoque magnis donis ad populandum eam oram Russiæ, quæ Sigismundo parebat, concitabat. verum ii, cum aliquousque progressi, Sigismundum in clientela Regis Polonorum esse intellexissent, mutata statim sententia, in Kiouiensem & Cernichouiensem tractum, qui in Suidrigellonis ditione erat, populabundi excurrerunt.

*Tartari à
Suidrigello-
no euocati
ditionem i-
psius vastat.*

Insequens annus millesimus quadringentesimus trigessimus quartus Vladislai Regis morte insignis est. Ac initio quidem eius anni in Lithuaniam is rogatu Sigismundi Ducis profectus Krinchos peruenit. Inde vero stabiliro Sigismundi Principatu Korcinium, quæ & noua ciuitas dicitur, venit, & comitia ibi per tempus quadragenarii ieiunii habuit: in quibus legati ad concilium Basiliense designati sunt, ad obrectationes & falsas criminationes, quæ aduersus Regem Vladislauum iactabantur, Sigismundi Imperatoris & Cruciferorum refellendas, ac de vniuersa causa cum Cruciferis disceptanda.

*Comitia
Korcini.
Legati ad
Concilium
Basilien.*

Fuerunt autem principes eius legationis, Zbigneus Olesnicius Cracouiensis, Stanislaus Polnanienis, Episcopi, Ioannes Konieczpolius Cancellarius regni, & Nicolaus Lassocius Decanus Cracouiensis. Non putauit autem Olesnicius sibi prætermittendam occasionem castigandi Regis priusquam peregre proficisceretur. Itaque in illo ipso cōfessu, grauissimis id verbis egit, in hac sententiam locutus: Non recusare se iniunctum legationis onus pro honore ac dignitate patriæ simul & Regis: sed non posse tamen, quin Regem, quibusdam de rebus pro officio suo, priusquam proficiscatur, admoneat. Veneri enim se, ut eum reuertens è concilio superstitem reperiatur, quippe qui tam grandis natus esset, & debilitatis iam viribus. Nescire etiam, quonam pacto pleraque Imperatoris ac Cruciferorum criminationes in ipsum diluat. Nam & ipsum se, & alios plerosque omnes in illo cōfessu animaduertere in eo nonnulla reprehensione digna. Multas quidem in eo dignas bono principe virtutes relucere: sed non carere eum vitiis, quibus virtutes illæ obscurentur: qualia sint, quod ipso vel iubente, vel permittente, multis per iniuriam, aut certe summo quodam iure, & nimis exacta & acerba interpretatione iuris, bona adimantur: quod oppressi à potentioribus non vindicentur: quod calamitosorum causæ non audiantur, neque decendantur, ipso in profundam noctem prolixioribus cœnis indulgente, ac deinde magnam diei partem inertisomno absumente. In itineribus etiam pergrauem eum esse ecclesiasticis iuxta ac equestribus hominibus, oppidanis & agricolis, propterea quod laulicum suum comitatum, à rapinis, stupris, & iniuriis non cohibeat: subuectionesque & procuraciones præter ius & æquum acerbe, & pignoratione iumentorum, exigi patiatur. Adhæc monetæ cudendæ potestatem facinoris eum fecisse, eam vero perleuem cudi magno Reipublicæ detrimento. Superstitiones vero quasdam ex prisco dæmonum cultu, quas ipse quoque non ignoret, retinuisse. Egisse se his de rebus plerisque omnibus cum ipso, primum semotis arbitris, deinde paucos etiam arbitros adhibuisse, verum quando nihil profecisset, in amplissimi consilii cōfessu id sibi facere necesse fuisse, ut, quem timor Dei in officio non contineret, pudor hominum duntaxat emendaret. Quod ni hæc quoque profutura essent, acerbioribus deinde

*Zbignei E-
piscopi ad
Regem ora-
to.*

medica-

medicamentis ad sanandum eum vsurum esse. Licere quidem sibi, non minus quam aliis, dissimulando, vel etiam assentando gratiam eius aucupari, sed memorem se esse officii sui, & nullo neque metu, neque gratiæ deserturum esse stationem, in qua se Deus, & Rex ipse, & Senatorem & Episcopum constituisse. Pluris se facere incolumitatem patriæ, quam omnia, quæ vult go concupiscantur: & pro magnis Regis in se beneficiis antiquiorem sibi esse eius salutem, quam præsentem & assentando quæsitam gratiam, quæ tamen stabilis & certa esse non soleat. Non poterat se diutius Rex tenere, quin sermone eius interrumperet. Itaque fremens atque lachrymans respondit: intemperanter eum & arroganter facere, qui, cunctis aliis senatoribus cum Archiepiscopo ipso Primatetacitibus, vnus tam acerbè in se inuehatur. Ibi assurgens cunctis Senatus, eandem omnium esse sententiam, & illam Cracouiensis Episcopi orationem, suam esse, professus est. Quo audito Rex accensus magis è consilio se præripuit, multa Zbigneo minitans: verum cito ad se reuersus, impensis Zbigneum postea dilexit, & corrigere ea, quæ illereprehenderat, studuit. Albertus vero Archiepiscopus etiam gratias egit Zbigneo, quod maiore fiduciâ Regis peccata corrigere aggressus esset.

His ita actis, & conuentu solato, Rex Cracouiam contendit, vt inde porro in Russiam proficisceretur, iusiurandum à Stephano Palatino Valachorum promissum ritu solenni coram accepturus. Dum autem itineri se accingit, nunciatum est; Fridericum quempiam Russum Ducem exulem, cum non contemnenda Bohemorum manu arcem nouam prope Corstenum munire instituisse, vnde in finitimos Polonos & Vngaros latrocinium exerceret. Id vbi Rex accepit, misso confestim aulico comitatu suo manum illam dissipauit: dein iter institutum ingressus, cum Grodecum oppidum in Russia peruenisset, inter prandendum validâ febre correptus est: quam inde accidisse existimatum est, quod nocte præcedenti, quæ præter tempus anni frigida fuit, in syluis diutius lusciniæ cantu se de more oblectans, cœli intemperiem pertulisset. Vbi vitæ suæ finem adesse sensit, sacris mysteriis procurari se iussit, offensas omnes remisit, sibi; ab omnibus vicissim remitti petiuit: testamentum condidit: si quid cuiquam per iniuriam abstulisset, reddi iussit. Filios Proceribus præsentibus atq; Nobilitati commendauit, ac Vladislaum quidem diligentius, nâ eum tenerius diligebat. Zbigneo vero Episcopo annulû nuptialem ab Heduigi Regina, quo nihil carius in omni vitâ sua habuerat, dono misit, veniam superiorum omnium admissorum ab eo petens, & animam suam, liberosq; superstites ei commendans. Deinde pridie calêdas Iunias, decimo septimo die, postquam agrotare cœperat, animam exhalauit, quum regnasset annos duodequingenta, & tres fere menses. Nam quantum vixerit, non constat: Vitoldo quidem natu maior fuit. Tanta autem fuit liberalitate, vt non modo fiscum exhauriret, verum etiam magnam partem regiarum possessionum etiam immerentibus, ac tota interdû singulis hominibus territoria donaret: sic vt quodam tempore Martinus quintus Pontifex maximus prodigalitem eius inhibendam sibi esse duceret, dato ad Archiepiscopum Leopoliensem mandato, vt donationes eius rescinderet. Basilicas Chelmensem atq; Kiouiensem in Russia instituit, & Episcopis attribuit. Monasterium Lublini D. Brigittæ nomine condidit. In Casimiriensem vero Cracouiæ vicinam paræciam Canonicos D. Augustini institutum professos induxit: Gnesnense, Sendomiriense, & Visliciense templa Græcâ picturâ decorauit: in peregrinos hospitalis & munificens.

Senatus Polon. constantia.

Bohemi profligati in finibus Vngariæ. Regis morbus, eiusque causa.

Mors Vladislai Regis.

Virtutes & vitia Regis.

Nullum quamvis exiguum munus aspernabatur: nec eos, qui donarant, irremuneratos dimittebat. Aliquid petentibus à se, fere dimidium eius, quod petiissent, largiebatur. Itaq; duplum petebant, qui simplum auferre cupiebant: offensarum immemor: ad supplicia de fontibus sumenda lentus: assentatoribus ac delatoribus aurem libenter accommodabat. Cultui diuino apprime deditus. Ieiuniorum diebus pane & aqua fere utebatur. Superstitiones quasdam ab inuente ætate imbibitas ad extremum vsq; retinuit: in quibus illa fuit, quod quotidie, priusquam prodiret in publicum, ter se in gyrum vertebat, & stipulam contractam in terram abiiciebat. Abstemijs in omni vita sua, nec nisi aquę potu vsus: ceterũ cibi appetentissimus fuit, itemq; balnei, cultu corporis neglecto, neque alijs, quam agnibus pellibus, & laneis fere vestibus vsus. Venationum sine vlllo modo auidus fuit, interfectas feras maiores, & præsertim bisontes, in Prælatos & Canonicos, Academiaq; ac ciuitatis Cracouiensis præsides & magistratus partiiri solitus. A pomis ita abhorruit, vt ne odorem quidem eorum ferret. Statura fuit mediocri, facie oblonga, macra, & ad mentum contractiore: capite caluo, paruo, & fastigiato, oculis nigris, paruis, & instabilibus: ceruice longa, voce graui & cita. Corpus eius magna pompa Cracouiam relatum, & intra mensem in basilica Cracouiensi frequenti Procerum atq; Nobilitatis concursu funus celebratum est.

VLADISLAVS TERTIVS REX.

Anno Chri-
sti 1434.

Maiores Po-
lo. cum Zbi-
gneo defun-
cti Regis filio
Vladislao re-
gnum decer-
nunt.

Præiudiciũ
maiorum
Polonorum
agere ferunt
minores Po-
loni.

Conuenticu-
lum Opato-
uie quorun-
dam.

IAM Zbigneus, ceteriq; legati ad concilium missi, Posnaniam peruenerant. Cum de morte Vladislai Regis nunciatum esset. Itaq; conueniunt frequentes Proceres Posnaniam, Nobilitasq; maioris Poloniae, atq; ex consilij sententia Vladislao natu maiori defuncti Regis filio regnum deferunt, & ad Sigismundum magnum Ducem Lithuanorum oratores mittunt, vt ad eam celebritatem vel ipse adsit, vel legatos mittat. Molestè hoc maiorum Polonorum præiudiciũ minores Poloni tulere sed tamen quia Zbigneus Episcopus Cracouiensis, homo suarum partium, auctor eius fuerat, & ex Republica maxime esse videbatur, ne qua dissensio, neu qua mora in re tanta fieret, in eandem & ipsi sententiam decretum fecerunt. Dies modo ad octauum calendas Augusti prorogata est, quo maiore & splendidiore pompa omnia celebrarentur. Erant in equestri ordine duo factiosi actui bulenti iuuenes, Spitco Melsinius Palatini quondã Cracouiensis filius, ac Derslaus Rithuianius Palatini quondam Lenciciensis filius; qui cum res nouare cuperent, & vterq; magnas post se iuuentutis cateruas traheret, Opatouia ad tertium idus Iulias, communicato cum suis consilio, conuenticulum instituere. Ibi omnium vna erat sententia: male tantum regnum puero committi, cuius ætate & Regina mater, superba mulier, & Primores ad dominatum abusuri essent, aliter de republica constitui oportere. Confirmabat autem id imprimis Gouorgus Chrobranius, homo senex, multa ex veteri memoria ad rem facientia commemorans. Redierat iam Zbigneus Cracouiensis Episcopus cum Konieczpolio Cancellario, reuocatus ex itinere, reliquis duobus legatis institutum iter Basileam prosequentibus. Ab eo itaque Regina non ignara consiliorum Spitconis atq; Derslai impetravit, vt Opatouiam proficisceretur, turbulentaq; iuuenum concilia disturbaret. Non fuit gratus eius aduentus iis, qui illuc conuenerant: sed tamẽ ille singulari patientia vsus, & in consilium admissus, graui & prudenti oratione pla-

rite plurimis persuasit, ut abiecto nouandarum rerum studio, decreto Breſtenſum comitiſſorum ſtarent: quo cautum eſt, ut Vladislaus deſuncti regis filius, Rex poſt mortem patris deſignaretur. Ita conuentus ille nulla re perfectæ fruſtra frementibus ſeditionis auctoribus ſolutus eſt. Nec tamen ii quicuerunt, naſti plures ſententiæ ſuæ adſtipulatores: In quibus præcipui fuerunt Abraham Zbanſcius iudex Poſnaniensis conuentus, & Ioannes Straſſus. Nam quum vndiq; frequentes proceres acequites Cracouiam ad præſtitutam diem conueniſſent, iniectus eſt ab iis ſcrupulus, nouum & inuſitatum eſſe impuberi diadema imponi: in diſcrimen autem adduci libertatem & prærogati-
Controuerſia de coronatione & iuramento Regis noui.
 uas Nobilitatis, magno labore & ſanguine maiorum ſuorum partas, illa impuberis Regis coronatione: neque enim rite ab impubere iuſiurandum dari poſſe. Quod ſi in aliud tempus differatur, difficulter exactum iri ab eo, qui iam rerum potiatur. Cæterum hic quoque ſcrupulus à maioribus natu exemptus eſt, producto à Zbigneo codice è baſilica Cracouiensi, in quo effigies Caſimiri magni Regis, dum coronaretur, impubes depicta erat. De iureiurando autem Regis reiecta res ad pubertatem eius, interim autem placuit, ut Sophia mater & Proceres ſacri pariter & ciuilis ordinis pro eo fideiuberent, nec eum prius ad gubernacula regni admitterent, quam iuſiurandum rite præſtitiſſet. Conquieturi iam turbatores illi videbantur, quum in ipſo coronationis articulo nouas conciuerunt turbas, vociferantes, ne ſibi inuitis paucorum conſpiratione Rex imponeretur. Inita deno ſuffragia, nec ea tamen libere ferri poterant, factioſis illis altercando tempus extrahentibus, ut præteriret dies, & interim ipſi plura de Nobilitate ad ſe pertraherent: ii porro, quibus magis placebant quietia conſilia, ut tædio diuturnæ moræ domos dilaberentur. Quod ubi à Proceribus animaduerſum eſt, Ioannes Oleſnicius cognomento Glouacius Marſchalcus è Senatusconſulto pronunciauit ad Nobilitatem: ut quibus placeret Vladislaum coronari, in dextram diſcederent: qui aliter ſentirent, in læuam. Id ubi factum eſt, vna voce omnes Vladislaum Regem eſſe iuſſerunt. Melſtinius vero cum Zbanſcio & Straſſo, qui in editiorem locum conſcenderant contradiſturi, deturbati ſunt, extemploque coronatio Regis in baſilica ſolemniter peracta eſt, ſole ad veſperum declinante.
Vladislaus iunior coronatur.
 Poſtridie in urbem deſcenſum, ad recipiendum ab oppidanis & plebe iuſiurandum. Nec tamen aſcendit tunc Rex in præparatum ſibi in foro ſolium, contentione orta inter Epiſcopos & Duces Maſouiſſorum, quod proximum Regi locum ſibi vtrique vendicarent.

Subſequentibus deinde diebus conſultatum eſt à proceribus de ratione adminiſtrandæ Reipublicæ: multorumque ſententiæ in Ziemouitum Ducem Maſouiſſorum inclinabant, ut is gubernator regni eſſet, erat enim vir bonus, & magni conſilii. At vicit plurius ſententia, metuentium, ne is domnandi dulcedine deguſtata, ambitione deprauatus, aliquid aduerſus Regem & Rempublicam moliretur: & indignum viſum eſt, ad eum ſummam rerum Polonicarum deferre, qui in clientela Polonorum eſſet. Itaque placuit, in ſingulis ſatrapiiſ ſue Palatinatibus ſingulos conſtitui prouiſores, in Cra-
Prouiſores inſtituti in Polonia.
 couienſi vero propter monetariam officinam duos, ex iis, qui ſummis in Republica honoribus non fungerentur, qui quaſtores regionum redituum eſſent, & intra ſuos quiſque fines negotia publica regio nomine adminiſtraret. Sed ne quid tamen noui in Republica, niſi ex ampliſſimi conſilii

Ruffica & Podolica Nobilitas cum Polonica ex- aquata. decreto, statuerent. His quinquagenæ marcæ annuæ in sumptus constitutæ. Ibi etiam Ruffica & Podolica Nobilitas cum Polonica omni iure exæquata est à nouo Rege, non sine multorum murmure, qui remitti illa quoque Ruffis ægre ferebant, quod necesse eis fuit antiquitus, quādo cūque & quocūque Rex iussērat, sine vlllo stipendio ad bellum proficisci: ad arces muniendas ac reficiendas operas mittere: de quolibet ingero culto duos auenæ, totidemque filiginis modios, & quaternos grossos quotannis Regi pendere. Verum illud maxime permouit Regem, quod à patre & Senatu illam exæquationē promissam eis esse constabat. Incessit deinde cura consiliarios constituendæ Reipublicæ & pacis: multæ vndique difficultates impendebant, cum Cruciferis, cum Sigismundo Imperatore, cum Suidrigellone, cum Silesiis, qui post mortem Regis finitimas sibi oras Nicolao Coticcio duce latrocinii infestabant. Ne domi quidē vsquequaq; quieræ res erant, nouatorib. illis.

Nobilitas cōtra ecclesiasticos premit.

Nobilitatem aduersus ecclesiasticum ordinem ob repressos conatus suos cōcitantibus, & ius decimandi, censuræque ecclesiasticæ siue excommunicationis in controuersiam vocantibus. His de rebus omnibus frequentī Senatu actum. Et ad Sigismundum quidem Imperatorem missi legati Cancellarius & Marefchalcus, quo æquiorib. conditionibus pacem conficerent, coniugium duarum filiarum Alberti Ducis Austria generi Casarei nouo Regi fratrique eius petere iussi sunt. Sed suspensæ res ab Imperatore, vt prius dissidiorum causæ conuentu instituto summouerentur, ei; rei constituta dies ad Pentecosten sequentis anni. Quod autem tunc nihil impetratum est, in causâ fuit illud quod Imperator tutelam Regis, & gubernationem regni sperabat, & ambiebat, legatosque largitione & pollicitatione frustra tentarat, vt eum sibi honorem publice vel simulate deferrent, repudiatiuro honestius, quam diuulgarat. Cum Cruciferis conuentus actus apud Racianzum & Zlororiam ad natalem D. Mariæ, sed vtrinque re infecta discessum, propterea quod in expectatione erant Cruciferi, quonam modo succederet Liouonibus, qui Samogitiam & Lithuaniam cum Suidrigellone tunc bello vexabant. Et iam Poloni discedētes Brestam Cuiaviensem peruenerant, cū eos Commendator Osterrodenfis consecutus est, de pace postulans: fefellerat enim Cruciferos exitus Samagitici belli. Nam Liouones præda onusti è Samogitia reuerrentes, in sylua quadam succis arboribus impediti, à Samogitis, & circumuenti magna strage profligati erant. Atque id Poloni quoque eo ipso puncto temporis, quo Commendator aduenit, cognouerant. Prorogatæ sunt tamen induciæ ad tertium nonas Maias insequentis anni, & de alio conuentu constitutum.

Cum Cruciferis conuentus.

Liouones à Samogitis fusi.

Inducia prouogata.

Cum Silesiis quoque Bendzini conuentus actus esset, ipsis postulanti- bus, propterea quod Cristinus Cozeglouius Castellanus Sandecensis damna passus à prædonibus Silesiis, cū fœnore ipsis vicem referebat, & Gliuiciam oppidum in Silesia interceperat. Renouata pax his conditionibus, vt Coticcius turbator pacis vna cum sociis suis vtrinque pelleretur: damna data acceptaque inuicem compensarentur. Deinceps vero, si quod latrocinium ab alterutris in alteros patraretur, ad id armis persequendum vt præsto essent, quoque ipsi, à quorum parte id exiisset. Nec diu tamen hæc à Silesiis obseruata sunt, ad ingenium redeuntibus. Podoliam vero cum Suidrigello infestaret, ac Fedconem Nefuissensem Ducem cepisset, repressus est à Polonis du- cibus Vincentio Szamotulio, & Michaelē Buczacio: receptusque & liberatus Fed-

Pax cum Silesiis.

tus Fedco Bratislauiam & Cremeneciam Regi dedit, moxque rursus concedente Rege eas, quoad viueret, retinendas recepit, cum se vnacum posteris suis in fide & clientela eius, & regni fore solenni iureiurando professus esset. Porro domi diutius res agitata inter Ecclesiasticum atque Equestrem ordinem, conuentumque sapius, neque tamen conuenire quicquam inter partes poterat, Melstinio, Zbanfio, & Strasso omnia miscentibus. Temperatum tamen est à vi, metu interdicti ecclesiastici. Tandem pedetentim turba omnis conqueuit, compluribus ex iis, qui antesignani erant illarum turbarum, intra breue tempus extinctis, cæteris religione & metu interdicti ecclesiastici perculsis. Illud autem in contentionem venerat, quod cupiebant politici valere constitutionem Iaroslai Archiepiscopi, qua sanciebatur, vt qui à gri ex illo tempore colicæpissent, ex iis ne manipularis decima penderetur. Verum ea constitutio per vim expressa esse ferebatur. Præterea, quem agrum quisque constitutio per vim expressa esse ferebatur. Præterea, quem agrum quisque Nobilis agresti & adscriptio depulso sibi ipse coleret, vt inde paræco suo decimam penderet, quæ ius alii prius ea pendi solita esset. Sed neutrum extortum, illud modo concessum: vt quoscunque agros Nobilis coleret, ex his canapale ne solueret, neve conueheret suo curru decimam, neque delectum in ea sacerdos haberet, nisi data opera vitiosum frumentum à Nobili relinqueretur. Aliud quoque minorum Polonorum intestinum inter ipsos diffidium mortuo Spitcone Palatino Sendomiriensi, de conferendis honoribus in conuentu Vislicienfi diuersis partium studiis excitatum, sedatum est: cum esset constitutum, vt vacantes honores iis, qui essent gradu proximi, conferrentur. Itaque Ioannes Czizouius Castellanus Sendomiriensis Palatinus factus est: in eius vero locum Castellanus Lublinensis successit, & sic alii deinceps successerunt. Brieczensem vero Castellaniam Clemens Strelcius alter de primoribus Gracouienfis tractus, Nobilitatis suffragiis adeptus est. Verum hæc duo extrema in sequenti fere anno millesimo quadringentesimo trigesimo quinto acta sunt.

Cause diffidum inter ordines.

Diffidium minorum Polonorum intestinum.

Cum Cruciferis conuentus initus.

Suidrigello cum Liouonicis Cruciferis profligatus.

Coributhus mors.

Conuentus deinde rursus cum Cruciferis apud Brestam Cuiuiensem & Sluzeuiam eodem plane, quo superiori anno, exitu actus est. Cruciferis itidem ex euentu Samogitici belli pendentibus, & Polonorum facilitate abudentibus, & ad octauum idus Decembris conuentum & inducias extrahentibus. Inde Siradiæ comitia Rex habuit: ibi de dimittendo Helia Valacho petatum ab eius fautoribus, nec tamen impetratum. Sed post paucos dies is, siue præfecti conniuentia, siue custodum negligentia, euasit, & miscere Valachiam ciuili bello adortus est. Autumno vero eiusdem anni Suidrigellonis exercitus cum auxiliaribus Cruciferis Liouonicis insigni strage in Lithuania à Polonis, duce Iacobo Cobilano in auxiliū Sigismundo Duci à Rege missis, ad Vilcomitiā profligatus est, multi ibi capti, multi cæsi, multi Suætæ & Livadis, ubi prælium commissum est, suffocati. Ibi robur omne Liouonū cum Magistro & Marchalco concidit. Captus est in eo prælio Sigismundus Rothus Silesius, is, qui à Cæsare ad Vitoldum proficiscens, à Ioanne Czarconio captus, & sub militari sponsione dimissus, fidem fregerat: itemque Coributhus qui paulo ante à Bohemia, ubi negligiam se animaduertat, per Prusiam cum auxiliaribus Bohemis & Silesiis reuersus, cum Suidrigellone se coniunxerat. Vterque in profluentem demersus: Suidrigello vero cum paucis Russis effugit, & ex eo tempore Smolenscum, Orsam, Poloscum, Vitescum, & Russiam fere omnem victoris fidem secutam amisit. Miserat interim, dum hæc in Lithuania

*Sigismundi
Imp. legatio
ad Vladislau
Regem.* geruntur, Sigismundus Imperator legationem ad Vladislau Regem, ut bellum inter cognatos principes componeret, non tam pacis cupidus, quam quod Suidrigellonis partibus, quem ipse vanis promissis ad id bellum concitaret, metueret. Ei legationi, priusquam de exitu belli Lithuanici cognitum esset, responsum est: Libenter id facturum fuisse Regem si integrum esset: verum credere eum, illos collatis signis iam ferro inter se decreuisse. Vtrilibet autem cessisset victoria, eum difficilior fore ad æquas condiciones pacis. Commodum legati discesserant, cum de victoria Sigismundi allatum est. Quo minus postea negotii fuit cum Cruciferis in conuenianda pace perpetua, cum ii fracti animis duriores etiam condiciones acceptarent.

*Conuentus
Vngarorum
& Polonorum
ad Kismar-
cum.* Subsequenti anno ad Pentecosten Proceres Polonorum & Vngarorum apud Kismarcum conuenerunt, sublatisque dissidiorum causis pacem inter Reges susceperunt. Qua confecta, misit rursus Vladislau Rex legationem ad Imperatorem, coniugium neptium eius sibi fratrique suo postulans. Nec ille abnuitt, sed in aliud tempus, quo esset bellicis curis & negotiis Bohemicis solutior, eam rem suspendit. Interim vero ille pacata Bohemia non diu post mortuus est.

Inter dissidentes autem fratres Valachos Rex per legatos tunc composuit pacem, partitus inter eos dominatum, ita ut inferior & maritima ora (quam Bessarabiam vocant, in qua Bialogrodium arx est, & Kilia) Stephano: superior vero, hoc est, occidentalis & Russis vicinior cum Soczaui metropoli Eliæ cederet.

*Elias Pala-
tinus Molda-
uia iurat in
verba Regis
Pol.* Qui quidem Elias omni mora postposita Leopolim veniens, in verba Regis præsentis ac habitu regio præsentis, una cum proceribus suæ partis iuravit: vexilloque ritu solenni ad pedes Regis abiecto, in fide ac clientela eius, & omnium deinceps Regum Poloniæ semper se fore, & contra quosuis hostes summa ope ipsis affore, professus est. Quo facto, Rex eum sublatum exosculatus est. Proceribus vero Valachis dextram dedit, tributumque centum equorum, totidem, siue (ut volunt alii) quadringentorum sericorum pānorum, quæ Camchæ vulgo vocantur, totidem boum, ac ducentorum curruum Visonis (piscis id prægrandis nomen est cuius ferax est Danubius) in singulos annos imposuit: Scepinensem vero tractum, diplomaque paternum, quo is tractus Stephano donabatur, ex pacto ab eo recepit, in compensationem damnorum, quæ Alexander pater eius in Colomeiensi & Sniatinensi præfecturis dederat. Haliciensis vero arcis possessionem Eliæ, quoad viueret, Rex concessit. Post quartum demum annum & Stephanus, & Elias frater iterum cum vniuerso senatu suo in verba eiusdem Regis iurarunt.

*Pax cum
Cruciferis
pacta ad Bre-
stam.* Sub finem anni huius pax cum Cruciferis Prussicis & Liuonicis Brestæ Cuiauiensi facta est à Rege: qua cautum est fide & iureiurando principum inter cetera, ut fœdus Cruciferorum cum Suidrigellone esset irritum: Episcopi & ecclesiis Polonicis bona sua ac decimæ in ditione Cruciferorum saluæ essent atque liberæ, fructus præteritorum duorum annorum interuersi, ad Pascha proximum ut iis à Cruciferis restituerentur. Episcopo Vladislauensi mille ducenti aurei pro domo Gedanensi diruta soluerentur. Nouam Marchiam

chiam & Chosnum Rex Cruciferis, ipsique vicissim Niessouiam, ac dimidium traiectum Vistulæ apud Toruniam Regi redderent, & nouem millia florenorum ac quingentos aureos numerarent. Iafenciam retinerent: nec fraudi esset cuiquam à suis dominis ad hostes defecisse: finium regundorum ratio certa præscripta.

De controuersis dirimendis conuenit, vt quotannis bini vtrinque delecti arbitri certo loco conuenirent: sed ita, vt Polonos Magister, Prutenos Rex ederet. Atque hæc pacta conuenta noui Reges, Duces, & Magistri intra annum vertentem à creatione sua, consilarii vero ac subditi decimo quoque anno solenni iureiurando coram legatis alterius partis approbarent: Nobilitas atque ciuitates cauerent sibi inuicem, non fore se dicto audientes dominis suis, si ti contra hæc pacta venire vellent: idque impune fore, principes ipsi suis quisque subditis intra certum tempus cauerent.

Sequens annus nulla re memorabilis est, nisi quod cum Sigismundo Lithuanorum Duce de Suidrigellone reconciliando per principes Senatus Polonici, legatos à Rege missos, frustra actum est. Commouerat enim Suidrigello Regem Senatumque Polonicum ad misericordiam supplici habitu adueniens, & Luscum, quod adhuc retinuerat, Regi tradens: quod non multo post Rex Sigismundo repetenti ex fœdere tradidit, ea lege, vt eo mortuo in ditio-
nem Regis & Polonorum cum tota Volynia recideret.

Insequenti vero anno millesimo quadringentesimo trigesimo octauo non usque adeo quietæ res fuere domi forisque. Etenim Spitco Melstinus partim inueterato in Zbigneum Olesnicius Episcopum Cracouiensem odio, quod conatibus suis ad nouandas res intentis obstitisset, partim etiam nouo (quod de hæresi exagitaretur) inflammatus, bona eius Vilsenensia Melstinio arci suæ propinqua armata manu inuasit atque diripuit: castellum interceptum præsidio muniuit Citatus à Rege velut publicæ pacis turbator, in gratiam cum Zbigneo rediit, cum ei communium amicorum arbitrio satisfecisset. Quæ tamen gratia diuturna non fuit.

Ea vero causa fuit vtriusque ordinis proceribus, vt in comitiis Corciensis mensis Aprilis habitis sancte se obstringerent, pro perduelle habituros, quisquis iudicia contemneret, armisque priuato consilio sumptis ius suum persequeretur: & quisquis hæresim vllam profiteretur, aut profitentes defenderet.

Vbi etiam minores Poloni frequentes constituerunt inter se, pronisioribus siue curatoribus regiis deinceps non parere, dominatus eorum pertæsi, siue adeo indignum esse rati, à paribus regi.

Vix dum hoc malum conqueuerat, cum subito aliud exortum est: Derslaus namque Rithuianus, opibus & animo ex direptis propatruui sui Alberti Archiepiscopi Gnesnensis superiori anno defuncti, facultatibus auctus, validæ peditum equitumque manum coegit: accitusque ad Regem, negauit se quidquam contra Rempublicam moliri. Dimissus, nocte quadam ad Zatoriam coactum illud exercitum duxit, & scalis admotis oppidum id cepit, oppidanis nil eiusmodi suspicantibus: deinde Osuiecimensem tractum omnem in ditionem suam redigere adortus est. Et iam Sigismundus Imperator Vngarorum & Bohemorum Rex obierat. Molestum id fuit Regi Senatuique, vicinum & amicum
princi-

De Suidrigellone cum Sigismundo Duce Lithuanorum reconciliando frustra actum.

Melstinus bona Episcopi Craco. intercipit.

Reconciliatio cum Episcopo.

Comitia Corcini.

Promissores amoti.

Rithuianus Zatoriam intercipit.

*Oſiuecimien-
duces in cli-
entela Regis
Polonia.*

principem, eamque oram, quæ promptuarium quoddam eſt Cracouia, à ſuis vexari. Nectamen reuocari ſe à cœpto Derſlaus paſſus eſt, donec dum incautius ſtatiua habet, ſuſus fugatusq; à Sileſiis, Regi Zatoriam tradidit, acceptis ab eo mille marcis impendiorum nomine. Rex vero non prius eam Venceslao Oſiuecimienſium Duci Caſimiri filio reddidit, donec in fide & clientela Regis Polonorum ſe deinceps fore, ſolenni iureiurando ſpōndit, & Berualdum caſtellum infame latrocinii ipſi conceſſit. Dederant autem ei tumultui cauſam Duces ipſi Sileſii, qui cum late propagati patrimonium ſua in tenues portiones diduxiſſent, neque pro dignitate inde ſuſtentare ſe poſſent, rapto viuere neutiquam turpe aut ignominioſum ducebant: & cum alias in mercatores viatoresque graſſabantur, tum poſt pacem haud multo ante cum Polonis factam, Vielunenſe territorium nouo latrocinio infeſtarunt: quanquam non impune. Nam reuertentes à Laurentio Zarembo, cæteraque Vielunenſi Nobilitate prædâ omni exuti, trepidè domos dilapſi ſunt. Sic ergo tunc Vladislaus Rex Sileſios vltus eſt. Quo fit, vt minus moleſte factum illud Rithuianii tuliffe videatur.

*Expedi-
tio
Polonorum
in Bohemi-
am.*

Bohemicum deinde bellum exarſit, neq; ſpacio temporis diuturnum, neque exitu funeſtum, cuius hæc fuit cauſa: Sigismundus Imperator moriens, cum animaduertiſſet, Barbaram vxorem ſuam de regno magis, quam de vita ſua ſolicitam, cum primoribus Bohemorum clandestina conſilia conferre: Albertum generum ſuum Vngaris & Bohemis proceribus diligenter commendauit. Barbara, quæ regna illa ad Vladislaum Regem Polonorum dotalia offerre, quam filiam Reginam videre mallebat, capta Znoimæ, & cum funere mariti in Vngariam ducta eſt. Poſt Sigismundi mortem nihilominus Bohemi in duas factiones diuiſi, partim Albertum, quem Vngari iam ſibi Regem coronârunt, partim Caſimirum Vladislai Regis fratrem ad regnum iuuuârunt. Accepit delatum regnum Caſimirus magnâ Senatus Polonici parte nequicquam diſſuadente: cæterum prouiſoribus ſiue curatoribus regni compendi ſui cauſa, quemadmodum creditum eſt, inprimis ſuadentibus. Ita que miſſi in Bohemiam ad adeundam poſſeſſionem regni nomine Caſimiri Sendiuoius Oſtrogius Poſnaniensis, & Ioannes Tencinius Sendomiriensis, Palatini, cum non contemnendis copiis, cum quibus ſeſe non exiguus Bohemorum numerus coniunxit, ita vt ad quatuordecim millia eſſent in eo exercitu. Præuenterat eos Pragæ Albertus, iamque ſolenni ritu diadema ſuſceperat: quin cœgerat etiam longe validiorem exercitum, cum de Bohemis & Vngaris, tum ex omni fere Germania, cumque eo obuiam hoſtibus prodiit. Caſimiriani ne iniquo loco cum potentiore hoſte pugnare cogerentur, ad Thabori oppidū foſſis & carris caſtra cōmuniunt. Nec Albertus caſtra oppugnare auſus, non longe & ipſe caſtra ſua metatus eſt. Crebris excuſſionibus & leuibus certaminibus haud leuia vrrinq; damna accepta. Cum autē Caſimiriani, quo tutiores eſſent ab iſtibus bombardarū, quibus acriter petebantur, in oppidum ſe recepiſſent, dimiſit Albertus exercitum: nam difficili & ipſe pabulatione atq; annonâ iam vtebatur, & difficilis erat oppidi permuniti oppugna-

*Poloni re-
ſcitæ Bohe-
mia exceſſe-
re.*

*Expedi-
tio
in Sileſiam.*

tio. Caſimiriani quoque nullo operæ precio facto numis exhausti, & amiſſis equis Bohemiâ exceſſerunt. Verum id priusquam Vladislaus Rex factum reſciret, quoniam de periculo eorum certior factus erat, nihil deterrius minaci legatione Alberti, Poloniam omnem ad bellum Bohemicum exciuit, & in Sileſiam cum infeſto minorum Polonorum exercitu ingreſſus, longe lateque

que eam vastauit. Idem ab altera parte maiores Poloni in inferiori Silesiâ fecere. Inde in Bohemiam Rex progredi, & suis opem ferre parabat. Sed cum de statu rerum Bohemicarum apud Opauiam ex Palatino Sendomiriensi & Bohemia reuertente cognouisset, exercitum dimisit, domumq; rediit.

Non fuerunt in ea expeditione Russi & Podolii, clade domesticâ, quam insignem eius ætatis initio à Tartaris acceperant, impediti. Excurrebāt enim Tartari populabundi in Podoliam, ingentemq; prædam abigebant. Recedentes eos cum Podolii manu validâ factâ persequerentur, in limosam quandam paludem ex metu recipere se cogerunt: ignariq; locorū, ad actis equis impetū in eos fecerunt. Stabant contra instructi Tartari æquiori loco, eminusq; imbrem sagittarum in Polonos cum cœno conflantes iaculabātur. Ibi ancipiti malo percussī primi extremis, ut retrocederēt, sibiq; explicandi sese ex illa difficultate locum darent, significabant. At illi actum esse de suis rati, in fugam se profus coniecerunt. Nec Tartari occasione defuerunt: obtritis enim primis, ceteros auersos obstinate persecuti, magnâ strage profligarūt, neminem uiuū seruantes. Ibi pleraq; Nobilitas omnis & firmamentum Russiæ cum Michaelē Buczacio Præfecto Podoliæ concidit, ita ut crebris deinceps excursionibus absq; metu oram illam omnem Tartari peruaftarent. Qua in clade Ioannes Vlodeus egregium fortis & tolerantis viri exemplum præbuit. Is multis vulneribus confectus, quum inter cadauera iacens à victoribus despoliaretur, ita compressit vitalem spiritum, ut, quum barbarus caligas de pedibus eius non sine vulnere rescinderet, digitumque cum annulo præcideret, tamen nullam doloris atque sensus significationem edidit, & incredibili patientiâ vitam seruauit. Eodem anno confirmatum est Vladislao regnum in comitiis Petriconien-sibus mense Decembri habitis: amorique ab administratione curatores siue prouiso-res, quum Rex iam decimum quintum annum, qui apud Polonos finiendæ tutelæ legitimus est, attigisset, ac iusiurandum solenne dedisset. Sigif-mundo magno Duci Lithuanorum renouanti pacta conuenta cum Iagellone & Polonis stabilitus principatus regio diplomate. Monetæ quoque probandæ qui præessent, in singulis ciuitatibus designati, valde enim iactabatur num-mus. Verum non diu id decretum valuit, præterquam in minore Polonia & Russia.

Tartari Po-
doliam va-
stant.

Pugna Tar-
tavorum
cum Polonis.

Poloni pro-
fligantur.

Comitia Pe-
triconia.

Lithuanorū
pacta reno-
uata cum
Polonis.

De pace inter
Cæsarem &
Regem Con-
cilium Basil.
& Pp. agit.

Legatio Re-
gis Pol. ad
Cæsarem.

De pace deinde inter Cæsarem & Regem Concilium tunc temporis Ba-siliense, & Eugenius Pontifex per Oratores diligentius egerunt: quo commo-diù sublato inter hos Principes bello Græcis atq; Vngaris subueniretur. V-trisq; enim grauis erat Turcarum Imperator Amurathes, qui Transalpinam Valachiam iam sibi vectigalem fecerat, ac Rusciam & Serbiā vectigales Re-gum Vngarorum ditiones affligebat. Non abhorrebat à pace Cæsar, ac ne Po-loni quidem: iam enim refrixerant studia Bohemorum in Casimirum. Silesii vero Alberto Marchione Brandeburgensi duce accepto à Cæsare, crebris po-pulationibus Poloniam vexabant. Itaq; ex illis ipsis comitiis Petriconien-sibus quatuor de proceribus legati missi ad Imperatorem Vratislauiam, quo is ve-nerat è Bohemia, multis hinc inde iactatis, eo rem perducebant, ut potestas fieret Bohemis denuo, quem vellent, Regem creandi. Id eo lubentius facie-bant Poloni, quod Cæsar secreto pollicitus esse dicebatur Archiepiscopo prin-cipi legationis Poloniæ, daturum se Casimiro Bohemiam in dorem cum filia matu minore. Nec tamen de pace conuenire ibi potuit, variante Cæsare con-ditiones pacis, quorundam consilio & maleuolentiâ, nam ipse vir bonus, &

pacis amans erat. Discedentes autem legati infecto negotio, precibus legatorum Pontificis & concilii aggreuocati sunt. Namislouia deinde tentatum de conditionibus pacis, neque ibi tamen ea conuenit: induciæ modo quadri-

*Inducia cum
Caesare Polo-
norum.*

meses, per quas commodius pax conficeretur, constituta. Atque id anni millesimi quadringentesimi trigesimali noni principio actum.

*Comitia
Corcini.*

Quo quidem anno foris pax fuit, domi turbæ quædam, siue nouandarum in religione rerum studio, siue ecclesiastici ordinis odio & inuidia, siue utroque excitatæ, paucorum supplicio sedatæ sunt. Corcinum ex composito erant indicta comitia post Pascha, iamque eo ipse etiam Rex peragrata maiore Polonia & parte Russiæ venerat, quum Spitco Melstinus clam cum armatis sue factionis hominibus & agrestibus suis in oppidum improuisus irrupit, & impetu facto in diuersoria Vladislai Episcopi Vladislauiensis, & Nicolai Lassocii Decani Cracouiensis summo mane, quiescentibus adhuc omnibus, ea diripuit. Idemque monasterio fecit, quum ibi Ioannem Konieczpolium Cancellarium, & Ioannem Olefnicium Marschalcum, qui ibi diuenterant, non inuenisset. Commodum enim se subdlexerant, præmoniti à quibusdā Spitconis sociis, quod cum infensum ipsis esse nouerant, quippe qui conatibus eius antea restitissent. His partratis, ex oppido suos eduxit, & e regione oppidi curribus & fossis castra munire coepit. Cæterum priusquam ea perficeret, coadunati omnes, qui circa Regem erant, impetum in exercitum eius Hincia Rogouio, & Dobeslao Scecocinio ducibus, inermes fere in armatum fecerunt: commissioque prælio, quum Spitconem ipsum inaret primos pugnam cientem interfecissent, facile cæteros in fugam egerunt. Nec multum ibi sanguinis fusus est, parci enim Rex agrestibus, qui inuiti dominum secuti erant, iusserat. In Spitconem palpitantem adhuc iudicium institutum: damnatusque perduellionis, triduo nudus & inhumatus in publico iacuit. Rapstinum arx eius in ditionem regiam redacta: Melstinum vero uxori eius deprecanti concessum. Quin & iudicium decretumque suum Rex proceribus supplicantibus, ne quid factum eius posteris obesset, elementer rescidit, quod amentia deliquisse diceretur. In Zbigneum vero Episcopum conatus illos suos maxime intēdisse existimatus est, partim propter litē quandam priuatam ex affinitate ortam, partim quod ab eo diris deuotus, & senatu propter haresin abstinere iussus erat. Sed vim eius Zbigneus præmonitus, ad comitia non

*Spitco inter-
fectus.*

*Perduellio-
nis damna-
tus.*

*In maiore
Polonia mo-
tus.*

ueniendo, declinauit. Non minores in Polonia maiore per idem tempus motus erant, Abrahamo Zbanfio eos concitante. Fauebat & hic Hussitarum dogmati, Bohemosque sacerdotes domi suæ alebat, per quos dogma illud in populum spargeret. Catholicis vero sacerdotibus & Episcopo Posnaniensi Stanislaio Ciołko ita infestus erat, ut is Cracouiam commigrare cogeretur. Eo vero defuncto, Andreaque Bninio successore ei dato, magis sacerdotes vexabat Zbanfius. Et perculit quidem eum anathemate Andreas Episcopus: sed quum ea via nihil proficeret, vi coercere eum adortus est. Coactos enim nongentos amplius equites de propinquis & clientibus suis, ad Zbanfium arcent duxit, dedique sibi quinque Bohemos sacerdotes coegit: quos instaurato Posnaniæ iudicio publicæ cremauit. Hoc etiam anno magna pars Cracouiæ gemino incendio conflagrauit.

*Conuentus
Vngarorum
cum Polonis.*

Ad Pentecosten eiusdem anni actum de pace inter proceres Polonos & Vngaros, neque tamen Regibus ipsis absentibus quicquam confectum. Reiectares ad congressum ipsorum Regum, qui antequam contingeret, Albertus Imperator ab expeditione, quam in Turcas nullo opere precio instituerat,

reuertens, dysenteria ex immoderato esu peponum contracta, vitam finiuit. Post cuius mortem Vngari perpendentes in quantis essent periculis, Turcico bello implicati, communicato cum defuncti Cæsaris & Regis sui vxore Elisabetha consilio, ad Vladislaum Regem Polonorum vna cum ipsius Elisabethæ coniugio, tamen si prægnaus tunc erat Elisabetha, regnum detulerunt. Missi publice ad acciendum Vladislaum è Polonia Ioannes Signiensis Episcopus, Matthias Taloncius Dalmatiæ & Croatiæ Præfectus, Emericus Marcellus Magister curiæ, Ioânes Perenaus maior, & Ladislaus Palocius, mense Februario insequentis anni cum splendido comitatu & legatis ciuitatum Cracouiæ venerunt, & postulata totius Vngariæ Vladislao Regi exposuerunt. Rein consultationem Senatus posita, variabant sententiæ Senatorum, dissuadentibus multis, difficultatemque duorum amplissimorum regnorum administrandorum, & Turcici belli magnitudinem exaggerantibus, aliis contra rem splendoris & gloriæ plenam nequaquam repudiandam esse censentibus, neque prodendam barbaris cum florentissimo regno salutem & amplitudinem Reipublicæ Christianæ, quæ illo quasi firmissimo propugnaculo niteretur: tum quod, illo regno quasi intermedio pariete sublato, Polonos omnem maximi ac difficillimi bellicum Turcis molem sustinere oporteret. Prior in eam partem Vladislaus erat, vt regno suo paterno contentus esse veller, cum propter illas, quæ modo commemoratæ sunt causas, tum quod adolescens prouectæ mulieris coniugium fastidiebat. Cessit tamen plurium diuersum suadentium sententiæ, & Vngarorum precibus. Et aderat forte Amurathis Turcarum Imperatoris legatio, quæ viuente adhuc Alberto Cæsare missa, fœdus & amicitiam tyranni, pecuniamque, & centum millium armatorum auxilia Vladislao contra Albertum deferrebat. De conditionibus deinde cum Vngaris tractatum. Conueniebat iam legatis, totius conuentus Vngarici & Reginæ mandata diserte proferentibus, vt si Elisabetha Regina ex Alberto Cæsare masculum posthumum peperisset, eum Vladislaus ad Bohemicum regnum adi-piscendum adiuarer, Vngaricum ipse ad posteros suos transmitteret. Quod si nullos mares liberos relinqueret, tum demum vt Alberti posthumus in Vngaria ipsi succederet. Hæc dum ita constituuntur, interim aduolat ex Vngaria veredarius cum literis ad legatos, quibus scriptum erat, vt infecto negotio redirent, eo quod Regina filium peperisset. Abiecerat illo nuncio Rex omnem de suscipiendo eo regno cogitationem: sed tamen victus est legatorum perseuerantia, qui diserta mandata se habere asseuerabant, vt etiam si Regina marem peperisset, nihilominus Vladislao regnum deferrent. Tum demum Turcarum legationi, quæ aliquot menses expectabat, Cracouiæ responsum à Rege datum est: regnum sibi ab Vngaris delatum esse. Si igitur Amurathes amicitiam suam expeteret, Vngariam ne infestaret, sociis & clientibus Vngarorum Rasciis redderet, quæ ademisset. Nam is post expugnatam Smiderouiam, alias etiam quasdam Rascinorum munitiones, partim viuente, partim defuncto iam Alberto Cæsare, ceperat.

*Oratores Vn-
garorum ad
Vladislaum
R. de regno
suscipiendo.*

*Consultatio
Senatus de
regno Vnga-
riæ.*

*Turcica le-
gatio ad Vla-
dislaum Re-
gem.*

*Pacta Regis
Vladislai cū
Vngaris.*

*Ladislaus
Posthumus
Alberti Cæs-
aris nascitur.*

*Turcica lega-
tioni à Rege
Vladislao
responsum
datum.*

His ita compositis, legati Vngarorum, duobus ad deducendum Regem relictis, ceteri in Vngariam reuerterunt. Ac Pereneus quidem apud Sarrissam arcem suæ ditionis Regem venientem hospitio accepturus substitit: Matthias vero & Emericus ad Reginam dolorem & iram dissimulantem

contenderunt, et, utque nulla comprehenti, & in vincula cum omni comitatu suo coniecti sunt. Id ubi Sendiuoius Ostrorogius Palatinus Posnaniensis, & Ioannes Konieczpolius Cancellarius regni, qui legati à Vladislao ad Reginam missi erant, accepere, ommissa Simonis Agriensis Episcopi sua legatione, in Poloniam redierunt. Scinduntur in duas partes Vngari, dum alii Reginæ, alii Vladislao student: nihil tamen hac Vladislao mouebant, ut mutaret sententiam. Quin aliud quoque maius impedimentum fortuna ei obiecit. Nam per eos dies, quibus iter adornabat in Vngariam, nuncium accepit è Lithuania, Sigismundum Ducem Lithuanorum auare & crudeliter dominantem, conspiratione Iuani Czartorienſis Ducis, & aliorum quorundam Russorum & Lithuanorum procerum, apud Trocos interfectum esse: Suidrigellonem vero Lusum Russorum proditione rursus in potestatem suam redegiſſe. Magnos etiam thesauros Sigismundus reliquerat, eosque interfectores una cum Trocensi arce occuparat. Sic autem is Iuanus Sigismundum ex insidiis adortus esse fertur: Vrsam habebat Sigismundus cicurem, quam ad mensam & ad cubiculum familiariter admittebat. Illa vel non venerat illo eunte cubicum, vel de more emissã exiuerat, & à coniuratis alicubi conclusa erat. Eius igitur vnguim scalptura ad ostium cubiculi assimilata, coniurati intromissi Ducem nihil tale suspicantem trucidarunt. Desiderabant nonnulli de proceribus Lithuanis Regis presentiam, & res ipsa flagitabat. Nihil tamen his de sua profectioe in Vngariam mutabat, ne leuitate quadam, aut metu & angustia animi cœpto destituisse videretur. Casimiro vero fratri recipienda, pacanda, & gubernanda suo nomine Lithuania negotium dedit. Ingressurum autem iter post medium Aprilem ingens aquarum inundatio, soluta tunc primum niue & glacie, remorata est. Asperissima enim præterita hyems fuerat, magna que niuium vis ante medium Nouembrem delapsa, ad illud vsque tempus durarar. Neque vero bene superiore æstate fruges prouenerant, ita ut hominibus vulgo foliis ac tenerioribus frondibus arborum, & radicibus herbarum vesci necesse esset. Pecudes vero & iumenta vetustis tuguriorum stramentis detractis agre sustentata: indeque magna vis morbi passim grassabatur. Cuncta hæc agminatim concurrentia, ominosa vulgo habita, Regem tamen minime commouerunt. Itaque institutum iter parans, in minore quidem Polonia & Russia Ioannem Czizouium Castellatum Cracouiensem: in maiore vero Albertum Malscium Palatinum Lenciciensem vicarios pro se reliquit. Præfectos autem Cracouiensem, Posnaniensem, & Podoliensem, incertum, qua de causa, mutauit. Porro Scepusium Zbigneo Episcopo Cracouiensi, ut inde debitum pro argento calato signatoque, cuius non modicum pondus ab eo mutuatus erat, sibi detraheret, commendauit. Boleslao Duci Masouiorum præcepit, ne cuiquam Drohicinensem tractum concederet, quem post interfectum Sigismundum Lithuanorum Ducem ex fœdere vetusto, sed ab ipso Sigismundo renouato, occuparat.

His peractis, & rebus omnino Polonicis pro tempore constitutis, cum magnificentissimo, apparatu, & comitatu Nobilitatis Polonæ elegantissimo, iustique exercitus speciem præ se ferente in Vngariam profectus est: præmissoque Simone Rosgonio Episcopo Agriensi, Vincentio Szamotulio Castellano Medirecensi, Ioanne Sennenio, & Andrea Tencinio, Budam in potestatem suam redegit. Regina vero certior facta de omnibus, filium suum Ladislauum nondum quadrimestrem, sublato Alba regali diademate diui Stephan-

*Vngarorum
diuersa
sua.*

*Sigismundus
Dux Lith.
interficatur.
Lusum à
Suidrigello
ne interco-
pum.*

*Casimirus à
Rege Lithua-
nia præfici-
tur.*

*Gubernato-
res Polonia.*

*Vladislauus
Rex in Vnga-
riam præfici-
tur.*

phani

pham & Dionysio Cardinali & Archiepiscopo, Vicedominis, Ladislao Garo, Nicolao Iusticio, Stephano Rosgonio, & Thoma Zechofratre Archiepiscopi, coronari curauit. Posteaquam Budam venit Vladislaus magna Nobilitatis ac procerum (in quibus & Archiepiscopus Strigoniensis, & Ladislaus Gara fide publica accepta faere) multitudo ad eum conuenit, per interpretem huiusmodi concionem habuisse fertur: Alium ego, proceres & viri Vngari, alium longe quam video, regni huius statum me reperiturum esse speraui. Credebam, enim summo omnium ordinum hominumque consensu me accitum esse, ut vobis volentibus imperarem, Turcarumque arma ab Vngaria depellerem. Itaque omissis rebus Lithuanicis, quæ meam præsentiam nunc maxime requirebant, desiderio vestro, & precibus legatorum vestrorum satisfeci, & meum ad vos aduentum maturaui. At nunc aduenienti alia se mihi rerum facies offert. Non idem est sensus omnium: diuersa studia: habet inter vos non paucos, nec obscuros fautores Alberti filius posthumus, & iam ab his diademate redimicus est. Quid hinc aliud quam civile bellum inter vos propediem expectandum est? Eius ego vobis author causaque, esse nolo. Abunde regno paterno contentus sum. Vos, me nihil obstante, quouis modo commodis vestris & quieti, salutique publicæ diligenter etiam atque etiam prospicite: mei vero nullam rationem dicite. Hæc eloquio Rege, secedunt in consilium Vngari, suspicientes Regis modestiam & excelsum animum.

*Vladislai
Regis oratio
ad Vngaros.*

Postea Laurentius Hadreuarus Palatinus Vngariæ ex omnium sententia gratias Regi egit, quod patris clarissimi & optimi Regis vestigiis insistentem, religionem Christianam in primis defendere studeret, plurisque publicam salutem, quam suam amplitudinem faceret: deinde orauit eum, ut susceptum semel summa omnium cum lætitia & spe optima regnum, nerepudiaret. Paucorum vero illorum, qui aut muliebri consilio seducti, aut domi nandi alieno nomine cupidi cum Regina sententiam mutarunt, conatibus nefariis nihil moueretur. Ne quam vero ei dubitationem relinquerent, statim cuncti in verba eius iurarunt, orsi à Dionysio Cardinali & Archiepiscopo Strigoniensi (nam eum, qui præsentibus aliis quibusdam proceribus puerum Ladislaum Albæregiæ coronauerat, pœnitebat iam facti) sublatumque de more gentis in humeros Vladislaum acclamante populo Regem promulgarunt. Vissegradum deinde itum est, ubi asseruari solebat diadema, quod D. Stephani ferebatur: verum id Regina inde clam omnib. subtraxerat. Quare parum abfuit, quin Ladislaus Gara Banus, præfectus eius arcis & ararum, tumultu populi conciperetur. Captus quidem est, sed mox Regis beneficio liberatus, cum is in Poloniam statim rediturum se esse minaretur, ni sibi Ladislaus, qui fidem suam secutus eo venisset, condonaretur. Decretum autem est, ut Vissegradensis arcis præfecturam deinde non nisi Polonus obtineret. Itaque Vincentio Szamotulio Castellano Medirecensi tunc ea mandata est. Regi vero Vladislao diadema de caluaria sancti Stephani detractum ad decimum sextum calendæ Augusti solenni ritu apud Albam regalem ab Archiepiscopo Strigoniensi impositum. Coronatione rite peracta, Rex Polonos proceres, qui se in Vngariam deduxerant, dimisit. Ex his Zbigneus Episcopus nouo Cardinalis præbyteri honore auctus, tam ab Eugenio Pontifice, quam ab Amadeo Allobroge Duce, quem Concilium

*Responsum
ab Vngariis
Vladislao
Regi.*

*Vladislaus
ab Vngariis
Rex promul-
gatur.*

*Vladislaus
Rex corona-
tur.*

Basilienſe amoto Eugenio ſuffecerat, & Felicem quartum appellarat, Cracouiam reuertens magna omnium gratulatione exceptus eſt. Tametiſi in itinere apud Keueſſum oppidum in Vngaria non multum abſuit à periculo, iurgio inter oppidanos & familiam eius concitato. Nemo tamen de comitatu eius caſus eſt, vulnerati complures: oppidani vero multorum ſanguine & nece, dimidique oppidi conflagratione, excitati temere tumultus, pœnas luerunt.

*Conuentus
minorum
Polonorum
Corcini.
Ingerale rei
butum decre-
tum.*

*Vngarorum
factiones.*

*Vngarorum
ſiles lubrica.*

*ſlaunia &
Croatia à
Vladislao R.
recepta.*

*Casimirus
magnus
Dux à Li-
thuanis re-
nunciatur.*

Conuentum deinde minores Poloni bis apud Corcinum egerunt, & auxilia quinque millium equitum Regi in Vngariam decreuerunt. In eorum vero ſtipendia vt agricolæ duodenos groſſos in iugera penderent: ſculteti & nobiles, qui nullos haberent adſcriptitios, octonos & quadragenos. Cæterum qui equites per ſe ipſi eam militiam obire vellent, vt & ipſi, & adſcriptitii eorum ab omni penſione immunes eſſent. Fuit autem neceſſarium id ſubſidium, eo quod Vngari apertius iam factiones alere cœperant, ac partim Regi Vladislao partim Regina ſtudebant. Et firmiores erant Reginae partes in ſuperiore Vngaria, cuius ciuitates pleræque omnes à Germanis habitatae, non contemnendo externi militis mercenarii præſidio, duce Ioanne ſcra Bohemo, in fide Reginae continebantur. Ab his aduerſariorum agri vexabantur, munitiones etiam partim expugnabantur, partim per proditionem interceptiebantur: Ab altera quoque parte Ladislaus Gara male referens Regi liberatori ſuo gratiam, temerato vna cum Archiepiſcopo Strigoniens ſi iureiurando, multos in Reginae partes potentia & authoritate ſua pertraxerat, & validum exercitum contraxerat. Contra quem Rex. non expectatis Polonorum auxiliis, aulicum ſuum comitatum, Vngaris ac Polonis conſtantem, & quos ad manum habuit Vngaros voluntarios, Nicolao Friſtacio ſiue Vilachio, qui à Regina ad Regem defecerat, & Ioanne Huniade ducibus, miſit, & certam ſibi victoriam pollicentem inſigni ſtrage proſtigauit. Ladislaus tamen ipſe fuga euasit: ſed non ita multo poſt à Friderico Cæſare, qui Alberto patrueli in imperio ſucceſſerat, captus, ſeptuaginta millibus florenorum ſeredemit, cum Regina ſecutus in Aſtriam veniſſet. Captiuos autem omnes Rex liberaliter dimiſit. Qua clementia permagnam apud Vngaros gratiam iniit, ſlauniamque & Croatiam, miſſo illuc Nicolao Laſſocio Decano Cracouiens ſi legato, ſine armis recepit. Friſtacium à vero & Huniadem ampliffimis muneribus affecit: & illum quidem Croatiae præfectum, (quem illi Banum vocant) hunc vero Tranſyluaniae Palatinum fecit, dein vero etiam Themefſienſi & Seueninens ſi præfectura auxit. Poſtmodum vero quum nauiter rem gereret, Turcasque Vngariam infeſtantes aliquoties magnis cladibus affeciſſet, etiam Magiſter Vngaricæ militiæ ab Vladislao creatus eſt.

Dum hæc ita ſiunt, Caſimirus Regis frater cum plerisque proceribus minoris Poloniae & Ducibus Maſouiorū Caſimiro & Boeſlao ſplendido comitatu pro gubernatore in Lithuaniam præfectus, accepta de ærario regio pecunia, Vilnæ magnus Dux à Lithuanis renūciatus eſt, fruſtra reclamantibus Polonis, & fœdera, Regisque aduerſam voluntatem teſtantibus. Verum plus valuit apud Lithuanos præſens motus. Verebantur enim, ne ſi vicarius modo ducis eſſet Caſimirus, Michael Sigifmundi interfecti filius Samogitarum & aliorum fautorum ſuorum ope principatum arriperet, pœnasque moris paternæ à ſe expeteret. Quin apud Ruſſos noui iam

motus

motus extiterant, & Smolenscia plebs inprimis tumultuata, sumptis armis præfectos suos cum Nobilitate profligarat & eiecerat, arcem sibi subiecerat, & Georgium Mescislauiensium Ducem dominum sibi adsciuerat. Sed Casimirus nouus Dux cum subitatio exercitu, exulto oppido, ingentique cæde hominum edita, arcem recuperauit. Hæc igitur causa siue prætextus fuit Lithuanis creandi sibi magni Ducis præter sententiam Regis, & contra pacta conuenta cum Polonis. Petiuit tamen à Rege Vladislao postea diligenter Casimirus, ut factum Lithuanorum, quo se magnum Ducem declararint, approbaret: sed non modo non impetrauit, verum etiam vehementius eum irritauit, quod neque exemplum Regi placebat, & Michaellem Sigismundi filium Casimirus patrimonio omni exuerat, & Bielscum Mielnicum, ac Drohicinum cum omni eo tractu Boleslao Masouiorum Duci ademerat. Nam Boleslaus eas munitiones auo suo Ioanni à lagellone Rege olim donatas, sed à Vitoldo deinde ereptas, post Sigismundi demum obitum, ex pacto occuparat.

*Michael patri-
monio o-
mni à Casi-
miro exui-
tur.*

Insequenti anno minorum ac maiorum Polonorum, ac Russorum auxilia partim ex mercenariis militibus, partim ex voluntariis collecta, ducibus Ioanne Tencinio Palatino Cracouiensi, Ioanne Olesnicio Castellano Sandomiriensi, Petro Odrouanzo Palatino Russiæ, Gregorio Kerdeio Palatino Podoliæ, Laurentio Zarembo Castellano Siradiensi, Ioanne Siennenio præfecto Sandomiriensi, Derslao Rithuiano, & nonnullis aliis viris illustribus in Vngariam, nequicquam prohibente Iscra, ad Regem venerunt. Quorum opera ductu Tencinii in ea quidem parte, quæ Austriæ finitima est, superiores fere partes Regis fuerunt, Posnioniensis arx obsidione liberata: aliæ munitiones, quæ Regina præfidiis tenebantur, partim per vim, partim per deditionem extrema adhuc hyeme receptæ sunt. In ea vero ora, quæ ad Poloniam vergit, diuersa fortuna Regis fuit, ita ut ab obsidione Castoniæ re infecta discedere Poloni cogerentur, Kelmarcum amitterent. Scepusiensem etiam oram, quæ ditionis Poloniæ est, & à Zbigneo Episcopo tunc tenebatur, Iscra infestaret, & Podolinetiam obsideret. Nec tamen eo Rex arma conuertere ab Vngaris permissus est, siue propter grassantem pestem, siue quod ii vererentur, ne perturbatus tam onerosi acturbulenti regni in Poloniam propinquitatem loci inuitatus sese subduceret. Pestem tamen ita is contempsit, ut quamuis plurimi passim repente conciderent, & in intimum quoque cubiculum eius contagio morbi peruaderet, nihilo tamen minus versaretur in publico, regiaque obiret munia. Apud Parczouiam vero Poloni proceres cum Lithuanis conuentum egere, fustaque, Lithuanis rem interrumbantibus, concordiam inter Casimirum Regis fratrem, & Boleslaum Masouiorum Ducem, & Michaellem Sigismundi Ducis filium tentarunt. Per quod tempus Moscorum Dux adiunctis sibi Tartaris Cassanensibus excursionem fecit in Lithuaniam, Velsmensemque tractum ferro & igni depopulatus est. Quem Lithuani insecuti commisso prælio fuderunt, & vicissim regionem eius longe lateque vastarunt, ingentemque prædam abegerunt. Casimiro interim Smolensci euentum belli expectante.

*Poloni auxi-
lia Re in
Vngariam
mittunt.*

*Diuerfa for-
tuna Vladis-
lai Regis in
Vngaria.*

*Conuersus
cum Lithua-
nis Polonorum
initus.
Excursio
Mosci in Li-
thuaniam.*

Sequenti anno maiores Poloni Silesiæ finitimæ magna detrimenta intulerunt, vlti crebra Silesiorum latrocinia. Vexatum est tamen postea nihil-

*Silesia vexa-
tur à Polo-
nis.*

*Tartari Po-
doliā va-
siant.*

nihilominus territorium Vielunense à Vratislauiensibus, Vierussouumq; oppidum cum castello incensum, ac dominus eius loci captus. Podoliam vero ac Russiam Leopolum vsq; ingentia Tartarorum examina impune ferro igniq; vastârunt, & infinitam pene captiuorū multitudinem, ceteramque prædam abduxerunt. Reuertentes præfectus Glinianorum parua cum manu infecutus, magnâ strage afflixit, multosq; captiuos liberauit: sed ad extremum hostium multitudine circumfusus, honestam cum suis omnibus mortem oppetiit. Rex ubi de excursione Tartarorum nuncium accepit, Polonos, & Russos proceres profuse magis quam liberaliter, non modo pecuniâ de re ditibus Polonicis proueniente, verum etiam censibus, possessionibus, ac totis præfecturis præter leges Polonorum siue donatis, siue hypotheca nomine addictis, atque etiam alienis bonis perperam per imprudentiam attributis, remuneratos dimisit. Ex his Petrus Odrouanzus Palatinus Russiæ, & præfectus Leopoliensis cum suis Russis festinanter reuertens, cum Agriâ ab Episcopo laute acceptus esset, à Bohemis, qui Cassouiæ erant in præsidio summo diluculo duce Telepho in oppidum inprouiso irruentibus captus est, currusq; eius direpti. Ceterum Bohemos cum præda raptim sese recipientes consecuti Poloni pariter cum comitatu Episcopi, ad internecionem pene ceciderunt, suaq; omnia præter ipsum Odrouanzum recuperârunt, quem Telephus in arcem quandam propinquam præmiserat. Sed cum tamen præfectus arcis Iacobus Zuder Regi condonauit, defectionisq; suæ impunitatem, placato Rege eo munere, impetrauit. Pauci hostium viui in potestatem Polonorum venere, inter quos fuit ipse Telephus. Hi omnes Simoni Episcopo traditi, non multo post ab eo, icto cum Israëlcœdere, & affinitate firmato dimissi sunt. Sub idem fere tempus Nicolaus Czaica, & Nicolaus Komorouius in Scepusio præfecti exiguis cum copiis noctu Eperiaßum oppidum, quod modico Israë præsidio tenebatur, ad motis scalis ingressi, raptim direptum incenderunt. Quo repente cognito Israë cum expeditis equitibus eos abeuntes infecutus, facile suis vel cæsis, vel captis paucis, qui cum ducibus hostem eminus conspectum temere expectârunt, prædam fere omnem recepit, Czaicâ & Komorouium duces cepit, & ad Brozoueciam ad motis castris altera arce siue fortuito incendio, siue subiecto à quopiam igni exusta, altera per deditiōem potitus est. Quocirca subsidarias aliquot cohortes Zbigneus Cardinalis ad tenendum Scepusium mittere ex Polonia coactus est.

*Legati Pon-
tificis duo ad
Regem veniunt.*

Æstatis huius initio duo legati pontificii in Vngariam ad Regem iisdem de causis venerunt. Ab Eugenio quidem Iulianus Casarinus Cardinalis Episcopus Sabinensis: à Felice vero & Concilio Basiliensi Alexander Ziemouiti Masouiorum Ducis filius, Patriarcha Aquiliensis, Episcopus Tridentinus, & Cardinalis præbyter tituli S. Laurentii in Damaso, non ita multo ante ab ipso Felici creatus. Atq; hic quidem vt Felicis, ille vero vt Eugenii auctoritatem Rex vna cum suis omnibus sequeretur, postulauit. Iustior Eugenii causa Vngaris visa est, quippe quæ Græcos etiam, & Armenios ad stipulatores haberet, qui concilio Ferrariam ab eo conuocato, & propter pestem Florentiam translato interfuere. Polonis, quoniam Academia Cracouiensis auctoritatem Concilii defendebat, & non modo Zbigneum Cracouiensem Episcopum, sed etiam Vincencium Archiepiscopum Gnesnensem Cardinalis præbyteri honore ornarat Felix, tutius visum, neutrum, donec dissidium illud maneret, pro Pontifice summo agnoscere. Egit deinde Iulianus cum Rege & Vngaris de pace faciendâ

cienda cum Regina Elisabetha, & de suspiciendo bello contra Turcas. Et pax quidem cum Regina secretis conditionibus composita est, quum ad eam Rex laurinum rogatu Iuliani venisset, moresq; & virtutem suam, ac dignitatem oris ei probasset. Verum ea pax, Regina paucis diebus ex dysenteria ac dolore matricis mortua, rursus infecta mansit, defendentibus nihilo segnus partes Ladislai posthumi, seu verius suam rem agentibus iis, qui in superiore Vngaria cum Regina senserant.

Neque vero in persuadendo bello Turcico plus difficultatis sensit Iulianus, quum non tam utilitas inferre bellum barbaris, quam necessitas illatum ab iis depellere, & amissa recuperare suaderet. Etenim Amurathes non ignarus Vngaricorum dissidiorum, civilisque belli, infestabat reliquum Rascia, atque Transylvaniam: Belogradum obsederat, & summa vi oppugnat. Ac quamvis Vladislaus Rex per Dobrogostium Ostrorogium, & Lucam Gorcanum Polonos oratores suos postulasset ab eo, ut ab obsidione discederet, & pacem fœdusque dudum ultro expetitum secum sanciret, ille tamen ferox, a mandatis Smiderouiam oratoribus, continuauit obsidionem in septimum mensem, nec nisi maxima suorum strage adactus ab ea recessit. Ac ne tunc quidem demisit spiritus: quin dimittens oratores Regis, iis demum legibus pacem sedaturum respondit, si sibi reliquum Rascia & Belogradum (quod Nandor Albam & Albam Græcam etiam vocant) traderetur. Pollicebatur interim Regi & Vngaris Iulianus ingentia Pontificis, & quorundam Principum Christianorum ad id bellum auxilia. Adhæc autem agebantur Vngarorum spes per seipsæ iam inde ab initio in Vladislaum erectæ, rebus ad eum diem aduersus eundem hostem prospere gestis. Nam præter id, quod Amurathes à septimestri illa Belogradi oppugnatione nulla re perfecta turpiter recedere coactus erat, Ioannes quoque Huniades Regis huius auspiciis eisdem barbaros tribus ingentibus præliis per illud ipsum tempus vicerat, & magnis cladibus affecerat: Mezitem Bassam ducem exercitus bellicosissimum cum filio interfecerat: & Sciabadinum alterum Bassam trepide fugere coegerat. Commouebat etiam Regem & Vngaros Stephani siue Georgii Despota Rascia & Albanie misericordia, qui paucis illis annis vtraque oratione exutus à Turcis, & filiis duobus captis, exsecris & excœcatis orbatus, Regis beneficentia in Vngaria sustentabatur. Superba denique Amurathis legatio, in illud forte consultationis tempus coniecta, quæ tributum à Rege & Vngaris exigebat, aut traditionem Belogradi contendebat, omnium animos vehementer accendebat.

Itaque procerum animis ad bellum inclinatis, comitia Budam ad Pentecosten anni sequentis, qui fuit à Christo nato millesimus quadringentesimus quadagesimus tertius, à Rege indicuntur: ibiq; bellum vno omnium cōsensu decernitur. Mittuntur oratores ad Fridericum Cæsarem, atq; alios Principes Christianos, & ad Cruciferos Prussicos atq; Liuonicos, nominatim in hostes Christiani nominis militiâ professos, petitū auxilia ad tam piam, ac toti Christianæ Reipublicæ salutarē expeditionem. Verum nihil vsquam impetratum, præter duorum annorum inducias à Cæsare Friderico. Pontifex quidem Eugenius piam crucis militiâ aduersus barbaros per omnes nationes Christianas pronunciari iussit. Inde aliquantus voluntariorum militū siue adeo promiscue multitudinis numerus, quem duxit Iulianus legatus, cruce pro vexillo vtens, confectus est. Poloni vero non contemnenda auxilia Regi suo misere, eo qui-

*Pax inter
Reginam &
Regem in
Vngaria.
Regina mors.*

*Belogradum
à Turcis frustra
oppugnatur.*

*Steph. Des-
potes Rascia
& Albania
à Turcis pul-
sus.
Amurathis
legatio su-
perba ad Re-
gem.*

*Comitia
Vngarorum
Buda.
Bellum con-
tra Turcas
decernitur.*

*Turca ad
Morauam
fusi.*

dem tempore, quo magnus terræ motus Vngariam, Bohemiam, & Poloniam nonis Iunii afflixit, quo multa ædificia atque arces etiam quædam concussa & disiectæ sunt. Vicesima secunda die mensis Iulii Buda castra mota sunt, transfusioque apud Salsum lapidem Danubio, ad hostiles terras peruentum. Capta & incensa in Rascia & Bulgaria non pauca ignobilia oppida, & ceteræ munitiones. Vbi ad Morauam fluuium, alium ab eo, qui Morauia nomen dedit, ventum est, quum didicisset Rex ab exploratoribus, in propinquo esse hostium copias, Ioannem Hunniadem cum decem millibus ex peditorum militum, in quibus & Poloni erant, contra eos misit. Qui cum intempestæ noctis silentio improviso in statua eorum impetum fecisset, magna strage ad internecionem hostes profligauit. Cæsa feruntur ad triginta millia Turcarum, capta quatuor. Bulgaria deinde pleraque omnis, partim per vim, partim per deditionem, ob linguarum & stirpis cognationem in potestatem Regis redacta. Ad fines post Macedoniæ peruentum est, vbi Carambeius propinquus Tyranni præfectus Asiæ, montes ad prohibendum transitum Christianis infederat: quumque illi ad montes appropinquarent, pridie natalis Christi impetum fecit in Regis exercitum. Neque Rex detrectauit pugnam, victosque & fusos barbaros, duce ipso Carambeio capto, in montes compulit: & rupem, in qua statua habebant, usque ad vesperum summa vi frustra oppugnauit, non sine suo incommodo, ita ut ipse quoque, licet armatus, aliquot sagittas aduerso pectore exciperet. Post hanc victoriam magnis itineribus Rex Belogradum peruenit. Ibi aliquot diebus refecto exercitu, continuato itinere Budam attigit, & nudis pedibus urbem intrauit, signa hostium in æde D. Virginis affixit.

*Legationes
principum
Christianorum
ad Vladislauum R.*

His in vniuersum orbem Christianum celeris fama vulgatis, frequentes à plerisque omnibus Principibus & Rebus publicis, etiam à Constantinopolitano Imperatore Ioanne Palæologo legationes, tam insignem victoriam Regi gratulabantur, & ad prosequendum cœptum bellum eum cohortabantur, auxilia pollicentes. Nominatim autem Pontifex Eugenius cum Veneretis, Genuensibus, & Philippo Duce Burgundiorum classem, ad prohibendum Turcis ex Asia traiectum, deferebant. At vero Poloni procures, missis publice & priuatim legatis, vere & ipsi gratulabantur tam felices Regi suo successus: obtestabantur autem eum, ut vno illo periculo defunctus: ne rursus difficilis belli fortunam tentaret, in Poloniam veniret, ac bene merentis patriæ salutis & tranquillitati consuleret. Nam & Tartari crebris excursionibus Podoliam & Russiam infestabant, & Lithuani cum Duce suo Casimiro aduersus Boleslaum Masouium, ob occupatum (post interfectum Sigismundum Ducem Lithuanorum) Drohicinensem tractum, quem ei Rex in Vngariam proficiens addixerat, bellum apparabant: & vero è Silesia ipsa magna belli moles conspiratione Principum existere videbatur. Illa igitur presentia pariter & impendentia mala, ut Rex aduentu suo sedaret & auerteret, Poloni magnopere instabant. Hæc itaque optimi Regis animum in diuersa distrahebant: hinc dulcedo degustatæ gloriæ, aut potius salutare exprofligato Christiani nominis hoste gaudium, & cohortationes maximorum Christiani orbis Principum: illinc Polonorum, quibus quantum deberet, intelligebat, preces & impendentia pericula, cogitationes eius differebant. Vicit tamen causa totius Christiani orbis publica, instante maxime legato pontificio. Ceterum ne Polonos omnino derelictui habere videretur, pollicetur se in Polonia ad Pentecosten futurum, ac de amplissimi Senatus sententia Rempublicam constiturum esse.

*Tartari Po-
doliæ in-
festant.*

*Deliberatio
Regis.*

Vnga-

Vngaris vero ad diem S. Georgii Budam indixit comitia. Venerat huc quoque *Comitia Vngarorum Budae.*
 euocatus Ioannes Iskra Bohemus, aduersæ factionis princeps, & dux belli strenuus, data sibi à Rege fide (nam Vngari proceres post Reginæ mortem omnes iam in fide & potestate Regis erant) ibiq; pactis cum Iskra & factione Ladislai *Bellum in Turcas decernitur.*
 pueri induciis, bellum in Turcas summo omnium ordinum consensu decernitur: oppidanis atq; agrestibus pecunia in sumptus belli, quia ærarium regium nullum erat, imperatur. Dant ultro nomina piæ militiæ Ioannes Varadiensis, & Simon Agriensis, Episcopi.

Peraetis comitiis, Regem in Poloniam iter adornantem Vngari proceres summo studio & contentione retinuerunt, veriti, vt à Polonis desiderium eius non ferentibus rursus dimitteretur. Quæ res non paruo Polonis constitit: nam Boleslaus Opoliensis posteaquam cognouit, Regem Turcico bello implicatum in Poloniam venturum non esse, maiore confidentia mercatores Cracouienſes ad nundinas Vratislauenſes proficiscentes diripuit: quod damnum ad ducenta millia aureorum nummum æstimatum est. Quæ res cum ad Regem in Vngaria relata esset, quietos esse iussit suos, quoad ipse à Turcico bello reuerteretur. Dum autem bellum id comparatur, de pace à Turcis *Turca pacem postulant à Rege.*
 acceptum est cum Georgio Despote Rasciæ, & Ioanne Huniade per speciem redimendi Carambeii, pro quo quinquaginta millia nummum aureorum numerata sunt Despotæ. Quo vero proniorem ad pacem redderet Huniadem Despotes, promisit ei cuncta, quæ exul in Vngaria partim Sigismundi & Alberti Imperatorum, partim Vladislai Regis munificentia nactus erat. Cupiebat autem Amurathes pacem propterea, quod non ignorabat, quanto consensu, & quanta mole Christiani principes contra se bellum pararent, & satis iam anno superiore solius Vladislai vires expertus fuerat. Adhæc aliud ei pergrauē bellum in Asia à Carmanorum principe imminēbat, in quod totis viribus incumbere, pace cum Vladislao facta, cogitabat. Nec Vladislaus, neque Vngari ab honesta & gloriæ plena pace abhorrebant, ex multo tempore petere à Turcis, ac non dare ipsis pacem soliti: & nihil dum contentaneum promissis de classibus & nualibus fociis Veneris ac Genuensibus afferebatur. Segedinum igitur profectus Rex, non intermisso tamen apparatu belli, quo facilius hostem in suas condiciones perduceret, oratores Amurathis ampla dona afferentes audiuit: *Inducia decem annorum Amurathi data.*
 pacemq; petentibus, siue adeo inducias decem annorum dedit, his legibus, vt Amurathes certas arces, totamq; Rasciam, & eam partem Albanicæ, quæ in ditione Despotæ Rasciæ fuisset, ac duos filios Despotæ captiuos redderet: ad eaque implenda pauci dies constituti. Interim allatæ sunt literæ à Francisco Cardinali Veneto, præfecto classis pontificiæ, & aliarum sociarum classium præfectis, itemque à Ioanne Palæologo Imperatore Constantinopolitano, quibus nunciabatur, Amurathem omnes fere copias suas in Asiam ad Carmanicum bellum traduxisse, mareque fociis classibus teneri. Maturaret Rex expeditionem: neque occasionem tam commodam Græciæ liberandæ, & Europæ vindicandæ elabi sibi è manibus sineret. Pollicebantur autem ii, se præstatuſos, ne Turcæ ex Asia in Europam rursus traicerent. Palæologus vero terrestres etiam copias & societatem belli promittere. His permotus Iulianus Cardinalis, qui pacem frustra dudum dissuaserat, *Italianus pacem dissuasit.*
 tunc vero ad omisſum bellum summa cura atque diligentia Regem incitavit: belli præmia longe ampliora quam pacis in immensum attolleret: necessitate expressam pacem, quæ diuturna futura non esset, eleuare

ac temporis causa simulatam dicere. Argumento esse, quod lapso iam tempore, tamen promissa à barbaris non impleverentur. Quod si maxime nulla per eos mora in tradendo fieret, priora tamen cum Pontifice, Duce Burgundiorum, Venetis, & Genuensibus fœdera, & societatem pii belli initam magis valere oportere. Quod si qua religione Rex teneretur, ne iusiurandum barbaris datum violaret, illo se cum metu Pontificis maximi autoritate prorsus liberare.

Absolutio à iuramento.

Hæc identidem agendo & inculcando, tandem perpulit iuuenem, ut nouo sacramento se cum proceribus ad continuandum bellum Turcicum obstringeret, cedente de priore sententia etiam Huniade, Bulgarici regni promissione illecto.

Poloni improbant Regis consilium de pacis violandis. Comititia Petricouia instituta.

Non placebat hoc Regis de violandis pactis consilium Polonis proceribus, qui absque eo quoque Regem illo bello tunc implicari, moleste ferebant, & pacis nuncio dudum exhilarati erant. Itaque quum primum hæc acceperunt, comitia Petricouia instituunt, ad vicesimum quintum diem Iulii, legationem ad Regem decernunt. Verum ille eos antevertit, misso ad conuentum Ioanne Gruscinio Custode Cracouienfi, qui referret, Regi omnino constitutum esse Turcicum bellum persequi, iuberetque Polonos auxilio esse Boleslao Masouio aduersus Lithuanos & Casimirum, si bellum id æ-

Bellum inter Lithuanos & Massanos.

quis conditionibus dirimere non possent. Iam enim Casimirus ad Drohichinum castra posuerat. Habebat & Boleslaus exercitum hostili non impari, in quo multi de Polonica Nobilitate voluntarii militabant. Nec Michael Sigismundi Ducis filius & Boleslai generaberat, qui non parum momenti rebus fœderi allaturus esse videbatur, propterea quod complures ex Lithuanico exercitu cum eo clam sentire, commissosque prælio transituri esse ad eum dicebantur. Nec tamen Nicolaus Pouala Succamerarius Sendomiriensis, & magister militiæ Masouitice fortunam prælii absente Boleslao experiri volebat, intererat enim Boleslaus comitiis: atque ibi eo petente, è sententia Regis decretum est, ut Lencicienses, Cuiavienses, ac Dobrinenses arma pro eo capesserent. Præmissi tamen ad Casimirum Vincentius Archiepiscopus Gnesnensis, & Ioannes Olefnicus Palatinus Sendomiriensis, cum pacem nequirent, inducias & controuersiæ totius reiectionem in aduentum Regis confecerunt. Sed mox ipsis inter se ducibus de re tota ita conuenit, ut Boleslaus Casimiro omnem illam controuersam ditionem, excepto Vengrouiensi territorio, concederet, ac duodecim millia florenorum Pragensium ab eo acciperet. Nec ad amissum tamen Casimirus ea pacta seruauit: mox enim & Vengrouiense territorium Boleslao eripuit. Legati vero, qui ad Regem designati erant, ubi de Gruscinio cognitum est, Regem iam iter ingredi, reuocati sunt. Missæ tamen publice ad Regem illa ipsa de re literæ per veredarium.

Expeditio Vladislai Regis contra Turcas. Exercitus Regis exiguus.

At Rex post medium Septembris Segedino castra mouit, non satis alacer, nec spe optima, eo quod violari à se fœdera & iusiurandi religionem non cogitare non poterat. Iam enim Turcæ & filios Despotæ, & munitiones promissas reddiderant: & animaduvertebat, quam longe minores copias, quam pro magnitudine belli, & quam superiore expeditione duxisset, duceret. Multi enim cum ex Vngaris, tum ex aliis Christiani orbis nationibus non occurrebāt, pacis conuentione decepti. Adhuc de Polonis, qui circa Regem fuerāt, multi, quod eorū spei liberalitas Regis minus respondebat, comæatu accepto discesserunt, cuius rei inuidiam Nicolaus Lasocius, qui fiscum Regis administrabat, sustinuit. Directo autem in Bulgariam itinere, tertia die Nouembris Rex cum omni

omni exercitu apud Orsauā Danubiū traiecit. Erat consilium eius, vt Callipo *Consilium*
lim ad orā Helleſpōti sitā, vbierat statio classis Italice, recta duceret, & ibi se ma- *Regis.*
ritimis cum copiis cōiūgeret. Atq; eo si compēdioso maxime itinere peruenire
veller, per fines Macedonię & Adrianopolim proficisci eū necesse erat. Quoniā
autem iter illud difficillimum, per montes transitum habet, nec muniri pauci-
tas exercitus proficiscentis obiecta curruum inter angustias poterat, per Bul-
gariam planiori & flexo in læuam itinere ad Pōntum Euxinum exercitus
iter habuit, nec oppugnationi urbium & arcium intendit, vt milites quam in-
regerrimi ad dimicationē essent. Ad Nicopolim, quæ metropolis Bulgarię est,
viceſimo sexto die quum peruenisset, venit ad eum Vladus siue Dracula, Pa-
latinus Transalpinæ Valachię, veniam petens, quod necessarium cum Tur-
cis fœdus superiori tempore icisset: visaque paucitate exercitus regii, in quo
vix quindecim millia equitum, pedites vero longe pauciores, & ii fere cruce si-
gnati erant, quum reditum Regi persuadere nequaquam posset, quatuor mil-
libus suorum hominum, duce filio, exercitum eius auxit: ipse vero domum re-
uertens, duos equos perniciosissimos, duosque iuvenes viarum peritos in aduer-
sum belli euentum ei dedit.

Vbi ad fines Thraciæ peruentum est proposuit Rex edictum, vt milites à *Regis edictū.*
Christianorum templis manus abstinerent: itemque vt Turcæ libere & secu-
re saluis rebus suis, munitionum præſidiis decederent: eiusque edicti exempla
per Turcas captiuos quoquo versus dimisit. Hinc deditæ nonnullæ munitio-
nes: Petressum vero & Sumenum, quæ Bezechium & Sunium vocat Bon-
finius, quum non dederentur, vna die summa vi expugnatae sunt. Vbi præ-
clarum imprimis eximie virtutis specimen duo Poloni equites, Iohannes Tar-
nouius, & Lescus Bobricius, vel Vngaricorum annalium testimonio, edidere:
dum alter Sumeni portas duobus vulneribus acceptis refregit: alter Petressi-
murum primus ascendit. Interim Amurathem cum quadraginta (vt Vapoui-
us scribit) centum, siue (vt Iouius) octoginta millibus Turcarum infra Calli-
polim paruis nauibus ex Asia traieciſſe allatum est, siue conuiuentibus Ve-
netis, & Genuensibus mercede corruptis, siue quum commeatus comparā-
di causa è custodia decessissent. Nec tamen hic nuncius Regem à cœpto de-
terruit. Decima die Nouēbris quū exercitus Christianus ad Varnā (quē Dio-
nyſiopolim dixeret veteres) oppidum mox clade sua nobile futurum, quod iam
in deditionem suam receperant, castra haberet, post ortum solis hostes adesse
ab exploratoribus nunciatum est. Laborare ex apostemate pedis Rex cœpe-
rat: Itaque Huniades militibus prælium poscentibus exercitum instruxit, at-
que sic instructa acie ad duo millia passuum obuiam hostibus itum est: deinde *Acies Chri-*
signis defixis (quæ tamen subita tempeſtas in tranquillo coorta concepit) *stianorum*
ad tres horas hostes expectati. Apparuerunt ii post, ab extremis collibus in *instruitur.*
dextrum cornu Christianorum inuehentes: nec eorum impetum Christiani
ab ea parte, equis insuetum camelorum aspectum & odorem non ferentibus,
Transalpinisque illico dissipatis, sustinuerunt: fusi fugatique per montes
versus Galatam ad decem fere millia passuum. Meliore vero fortuna à Rege *Conſtitutus*
& Huniade ab alia parte collata signa, & ad quatuor millia passuum submoti *ad Varnam.*
non sine cæde barbari, instabili fere genere pugnae vtentes. Inde ad opem
ferendam suis, qui reliqui in dextro cornu cum Iuliano & Francobano agre-
vim barbarorum sustinebant, Rex reuertens inde quoque hostes in fugam e-
git, ita vt ii dissipati Thraciam trepidatione implerent, quasi deletis iam omni-
bus suis copiis.

At Rex fuso fugatoque iam omni equitatu Turcico, in Ianiczzerorum phalangem (in qua Amurathes ipse erat, & in quam se Bassa Asiaticus ex fuga recipiebat) temere cum paucis, iisque Polonis maxime inuectus, quum ab Huniade, siue persequente adhuc hostem fugatum (vt Vngari & Turcæ ipsi) siue fugiente cum media parte exercitus (vt Poloni prodidere) nequicquā renocaretur, pedem referre turpe, & se genereque suo indignum esse duxit: neganti eius esse, qui bellum inferret, fugere. Itaque cum magnam inter confectos hostes pugnans stragem faceret, arque Asiaticum Bassam (quemadmodum Bonfinius memorat) interfecisset, ad extremum sub vesperum iam equo ab Ianiczzeris confosso periit, Princeps lōgiore vita & immortalī gloria dignissimus. Nec barbari tunc equitatu destituti persequi fugientes Vngaros atque Transalpinos, ac ne currus quidem & castra vsque ad tertium diem inuadere ausi sunt. Nox enim pugnares adhuc opprimens, incertam eis fecerat victoriam: & insidias autem timebant. Tercio demum die castra immuniter trucidatis ægrotis & sauciis direpta. Iulianus autem Cardinalis, & Varadiensis atque Agriensis Episcopi fugientes periisse narrantur. Ac Cardinalis quidem secundum Cromerum fugiens à Transalpino nauiculario cum per Danubium veheretur, propter aurum, quod secum ferebat, occisus, & in profluentem nudus deiectus periit. Callimachus in valle quadam à latronibus spoliatum, & à Gregorio Sanocio prætercurrente conspectum, & cum exprobratione perfidiæ increpitum, periisse scribit. De Polonis duo tantum ex prælio euasere, Iohannes Resouius, & Gregorius Sanocius. Cecidere autem insignes maxime duo fratres Tarnouii, & Zauisii. De omni exercitu, qui viginti millia pugnatorum non excessisse existimatur, vix quintam partem eo prælio desideratam esse, & tamen vix tertiam euasisse, multo pluribus in cœno ac longa fuga absumptis: Turcarum autem ad octoginta millia, vt vult Dlugossus, secundum Bonfinium autem supra triginta millia (quum fuissent sexaginta) periire. De captiuis Polonis Paulus Grabouius, qui Chelmenfis Episcopus, Albertus Zichdinius, qui Procācellarius regni, Iohānes Strelcius, qui Canonicus Cracouiensis, Andreas Siennenius, Iohannes Borouinius, Petrus Lathosinius postea mirabiliter euaserunt. Duodecim vero alii nobiles adolescentes Poloni Adrianopoli, cum ab Amurathe ex omni captiuorum numero propter eximiam formam secreti, & in cubiculum tyranni deducti essent, in necē eius coniurarunt: peregissent que facinus præclarum, & omnibus seculis memorabile, ni in ipso articulo à Bulgāro, quem vnum socium consilii adhibuerant, proditi essent. Atque ii tamen, vbi rem palam esse cognouerunt, ne tyranni siue libidini, siue crudelitati essent obnoxii, obditis ostio pessulis, armati inter se concurrerunt, & mutuis vulneribus fortiter conciderunt. Accidit autem clades hæc anno à Christo nato millesimo quadringentesimo quadragesimo quarto, regni vero Vladislai, in Polonia quidem vndecimo, in Vngaria vero quinto, quum is vicesimum ætatis suæ annum vix dum egressus esset.

Fuit autem Vladislaus hic statura procera, facie fusca, sed honesta ac dignitatis plena, capillis nigris, laboris & inedia patientissimus, abstemius, iustitiæ & religionis cultor eximius: probitate, comitate, & clementia etiam in hostes singulari: liberalitate propemodum nimia: animi vero magnitudine tanta, vt nihil humile cogitaret, nulla difficultate ab eo, quod consulto instituerat auelli se pateretur. Deniq; summa in eo fuerunt omnia, quæ maximos & optimos principes decent: Polonia quidem, totus in Turcicum bellum inten-

*Vladislai
Regis interi-
tus.*

*Iulianus Car-
dinalis mors.*

*Polonorum
strages.*

*Turcarum
desideratorū
numerus.*

intentus, minorem, quam debuit, curam gessit, eiusq; regni non modo ararium in alienam rem exhaustum, sed etiam reditus profusis largitionibus extenuauit.

I N T E R R E G N V M.

POSTeaquam in Polonia de clade Regis Vladislai incerto primum rumore, deinde & sermonibus eorum qui fuga euaserant, percrebuit, ingens motor atque luctus mentes omnium peruasit. De Rege ipso, uiueretne, an periisset, certum sciri non poterat. Missi publice in Thraciam, Græciam, & Bulgariam Johannes Reffouius, & Ægidius Suchodolius, perquisitum Regem, nihil tamen explorati retulere. Dum autem hæc ita sunt, Poloni proceres inducias annuas cum Ducibus Opoliensibus publice pacti sunt Glogouia: quæ argumento sunt, orto à latrocinii mutuis initio, ne ab armis quidem temperatum esse. Conuenit autem ut captiui, utrinque data cautione dimitterentur: Polonis cum aliquo alio bellum gerentibus, ut liceret ex Opoliensi agro comitatum petere: Duces vero illi, ne cui aduersus eos opem ferrent, neue suos homines ferre paterentur, ac ne transitum quidem præberent per ditionem suam latronibus & hostibus Polonorum: si quid iniuriæ damni uel datum esset utrinque, de eo bini arbitri certis locis conuenirent, ac deciderent. De vniuersa autem controuersia, ut Vladislai Regis, si is reuersus esset, arbitrio staretur, si cum Polonis proceribus Duces rem non composuissent: promittebant enim ob id venturos se esse in Poloniam. Cum Vratislauiensibus quoque tertio post anno decennes induciæ factæ sunt, iisdem fere conditionibus. Porro Opauiensium, Ratiboriensium, Teschinentium, Osuiecimensium, & Toscentium Duces eo ipso anno Cracouiam cum uenissent, pacem & concordiam cum Regibus & regno Polonorum redintegrarunt. Vnde satis euidens est, non leues offensas tunc Polonis cum vniuersa Silesia intercessisse, ex quo tempore Rex Vngaricis negociis, & Turcico bello distentus erat: quæ tamen magna ex parte sopitæ sunt, incerto adhuc rumore de morte eius.

Cæterum ubi cognitum est, Vngaros alium sibi Regem, Ladislaum posthumum Alberti Cæsaris filium, nondum quinquennem, creasse: Poloni quoque ad uicesimam tertiam diem Aprilis insequentis anni post amissum Regem Siradia comitia frequentia de Rege creando habuere: atque ibi in Zbignei Cardinalis sententiâ, quamuis aduersantibus nonnullis, qui expectandum adhuc censebant, decretum factum est, ut Casimiro Vladislai Regis fratri regnum mandaretur, facile & æquo animo fratrem fratri celsurum, si is vel post aliquot annos reuerteretur. Missi igitur legati ad Casimirum in Lithuaniam, qui cum, re tota suspensa, ad alia comitia, quæ ad uicesimum quartum diem mensis Augusti indiciebantur Petricouiam euocarent ad consulandum in commune, & constituendum de Republica Polona, Rege orba. Et Polonorum quidem legatos absque certo responso Casimirus dimisit, suos vero Petricouiam ad conuentum his cum mandatis misit: Debilitatum se egritudine ex aduerso casu fratris, venire eo non posse, & in opem esse consilii: præter quod immatura sibi ea de surrogando Rege consultatio videretur: se quidem, dum adhuc incerta essent omnia, neque regnum, neque administratiōem ullam suscepturum esse. Videri autem sibi, ut si deinceps quoque summæ rei præsentent, quos Vladislaus in Vngariam discedens vicarios & gubernatores reliquisset. Non acquieuit in eo responso conuentus. Itaque placuit, ut octo principes Senatus ad Casimirum mitterentur, ac diserte ad regnum

*Interrogniū
A. Ch. 1444
& sequen-
tibus duob.*

*Inducia
annua Po-
lonorum cum
Ducibus O-
polia.*

*Inducia cū
Vratislaui-
ensibus.
pax & con-
cordia cum
reliquis Du-
cibus Silesia.*

*Comitia Si-
radia de no-
uo Rege cre-
ando.
Casimirus à
Polonis Rex
creatur.
Comitia Pe-
triconia.*

*Casimirus ad
Polonos lega-
tio.*

*Polonorum le-
gatio ad Ca-
simirum.*

gnum

gnum suscipiendum eum vocarent : si renueret aut cunctaretur , alium sibi quaesituros esse. Neq; enim tutū sibi esse, neq; consultū Reipub. diutius Principe carere. Perstabat in sentētia Casimirus, siue quod de fratris vita nō desperaret, siue quod Lithuani eū agere à se dimitterēt, lenis ac lēti imperii dulcedine sub Casimiro degustata, ac veriti, ne absente eo Michael Sigismundi filius dominatū arriperet, interfectique patris pœnas à se expeteret: aut si cui alii Principatus à Casimiro mandatus esset, ne is profusas ipsius donationes in se retractaret: adhuc Luscum & Podoliam in suam ditionem redigere cupiebant. Id autem si regnum capefferet Casimirus, commode fieri non posse iudicabāt. Nectamen Casimirus regnum penitus repudiabat.

*Comitia Petricouia.
A Casimiro legati.*

Vbi per Lithuanos itare, quo minus Casimirus tunc regnum delatum acciperet, animaduersum est, actum est cum eis diligenter : at nil impetratum. Itaque discedebant re infecta legati, testati, se suo functos officio, quod paternum fraternumque regnum Casimiro detulissent, deinceps aliter sibi prospecturos esse. Regina quoque Casimirum filium, vt saniore vteretur consilio, ne quicquam obsecrabat: quem vbi obstinatum vidit, à legatis impetrauit, vt referre illi de re tanta ad Lithuanorum & Russorum conuentum liceret. Ad octauum idus Ianuarii sequentis anni, qui fuit post Christum natum millesimus quadringentesimus quadragesimus sextus, eum certum responsum Polonis daturum esse. Vbi vero tempus id aduenit, frequens senatus Nobilitasque Petricouiam venit: Venerunt etiam sex legati à Casimiro & Lithuanis, differri adhuc rem postulantes. Quod ni fieret, bellum comminantes, propterea quod Casimirus armis ius suum persecuturus esset: quem tamen dicebant in principatu Lithuanorum acquiescentem, regnum non appetere. Irritati hoc responso Poloni, alium Regem sibi creare statuunt. Cæterum cum ad rem ventum est, pœnitentia nonnullorum mentes subiit, metuentium, ne graues inde motus existerent. Veniebat enim in mentem, Cruciferos orto inter Polonos & Lithuanos dissidio, minime defuturos esse occasione vexandæ & infestandæ Poloniæ. Quare placuit rursus rem in tertium mensem differre, & interim adhuc Casimiri animum pertentare. Missi itaque ad id Prædiborius Konieczpolius Sandomiriensis, & Sciborius Sarleius Inouvladislauiensis, Castella ii, qui authores comperendinandi in senatu fuerant, nihilo æquius responsum retulerunt. Ideoque ad vicesimam octauam diem Martii, quum frequens senatus Petricouiam conuenisset, cunctusque (quo sic religiosius Reipublicæ consuleret) sacris mysteriis procuratus esset, inita de Rege creando suffragia: ea tamen conditione, vt Casimiro etiam tunc acceptandi regni locus relinqueretur. Persuadebant enim sibi complures, mutaturum eum esse sententiam, vbi intelligeret, alium Regem creatum esse. Ac Episcoporum quidem sententiæ fere in Fridericum Marchionem Brandeburgensem, qui iam ante gener & successor Iagelloni Regi destinatus fuerat, inclinabant: præter Paulum Gizicium Plocensem Episcopum, qui ad alterutrum de Ducibus Masouiorum, Vladislaum vel Boleslaum regnum deferebat. Hunc secuti Ioannes Czizouius Castellanus, Ioannes Tencinius Palatinus Cracouiensis, Lucas Gorcanus Palatinus Posnanienensis, ac maior pars senatus, & pleraque Nobilitas Boslaum Regem edebant. Itaq; ex senatusconsulto Boleslaus à Vincentio Archiepiscopo Gnesnensi Rex renunciatus, designatique quinque de primoribus oratores ad eum, si Casimirus ante Pentecosten mutata voluntatis significationem nullam daret.

Boleslaus Masouius Rex à Polonis creatur.

Ibi iam Casimirum, quum de iis, quæ Petricouia acta erant, celeriter certior factus esset, pœnitere vchementer consilii sui cœpit: nec modo speratum regnum se amisisse dolebat, sed etiam de Principatu Lithuanorum, ac de vita denique in periculum se venturum esse propediem augurabatur. Non ignorabat, impigrum esse Boleslaum, & sibi merito suo inimicum. Michaellem vero hostem iidem suum generum eius esse, in eumq; rursus Lithuanorum & Samogitarum studia inclinata esse, alienatis à se animis, quod moleste ferrent, Gastoldi arbitrato sibi imperari: & meminerat, aliquoties iam insidias à coniuratis capiti suo & ferro & veneno comparatas esse, etiam ab iis, quos intimos habuerat.

*Casimirum
pœnitet non
suscepti re-
gni.*

Cogitabat ergo, si secundis rebus suis, septies tamen petitus, ægre insidias depulisset, quid futurum esset aduersis? Itaque consultores suos, & ipsos per se peccatum suum agnoscentes, reprehendebat: & ad matrem secreto misit, vt erratum suum, si quo modo posset, corrigeret. Nec segniter ea proceres atque Nobilitatem pro filio præhensauit, multa largiendo, plura pollicendo. Nec difficulter minores Polonos induxit, vt conuentum apud Belzice agerent, indeque Petrum Curoniuum Castellanum Sandecensem ad Casimirum mitterent. Is vbi cupere eum iam regnum retulit, Regem eum Nobilitas, quæ frequens Cracouiam conue-
nerat, declarauit, reclamante Zbigneo, & nonnullis aliis proceribus: qui leuitatem multitudinis reprehendebant, quod, nulla propria Casimiri legatione expectata, soli sine cæteris Polonis de re tanta statuerent. Itaque reiecta res ad maiores Polonos: ad quos Ioannes Pilecius legationem sibi desumpsit.

*Minorum
Polonorum
studia in Casimirum.*

At illi, Coli conuentu acto, in Casimirum ipsi quoque rursus animos inclinant, & abrogata Boleslai electione, legationem nouam ad Casimirum decernunt, vt ad penultimum septembris diem Parczouia, siue vtquam alibi in finibus Lithuania inter Brestam & Parczouiam conuentum secum celebraret.

Legatio noua Polonorum ad Casimirum.

Deinde & minores Poloni ad decimum octauum Calendas Septembris Corcini conuentum rursus egerunt, & Colense decretum approbarunt. Conueniunt ergo proceres frequentes Parczouiam ad præfixam diem. Casimirus vero frustra expectatus, & admonitus, vt veniret, negauit vllam se significationem suæ voluntatis de acceptando regno dedisse, se matris & quorundam Polonorum procerum sibi amicorum precibus adductum Brestam venisse: si quid forte Poloni secum agere vellent, illuc ad se venirent.

Nimia tunc erat Polonorum patientia, & misera propemodum conditio, quod factum hunc & ludificationem tam æquis animis ferrent. Et tamen miserunt ii sex de primoribus ad eum Brestam: qui eam conditionem legatis tulit, non aliter se suscepturum regnum, nisi Podolia, Lusum, & Olesum Lithuanis redderentur. Quam quum Poloni non acciperent, & re infecta recedere pararent, insusurrarunt nonnulli Casimiro, in manu eius fore suscepto regno, vt per se ipse faceret, quæ tunc aliunde postularet. Placuit Casimiro consilium, & sic tandem Polonorum desideriis assensus ad octauum decimum Calendas Iulii sequentis anni in Poloniam ad capeendum regnum venturum se esse recepit.

*Casimirus
suscepit Re-
gnum.*

*Pax cum
Ducibus
Ratiborinſi
& Teſſinenſi
ſi.*

Nec multo poſt Duces Ratiborienſium & Teſſinenſium aduenientes Cracouiam, pacem cum Poloniſ fecerunt, reddita Zbigneo Epifcopo Cracouienſi Seueria, quam emerat à Venceslao Teſſinenſium Duce ſex marcarum Pragenſium millibus.

FINIS.

RERVM

RERVM QVÆ IN HOC

OPERE CONTINENTVR

I N D E X.

A



<i>Academia Cracouia erecta</i>	241
<i>Acta inter Polonos & Bohemos</i>	243
<i>Adalberti in Poloniam aduentus §2. in Prussiam. ibid.</i>	ib.
<i>A Prutenis trucidatur.</i>	ib.
<i>Affinitas inter Silesios & Masouios Duces</i>	134
<i>Agraria contributio decreta.</i>	243
<i>Amurathis legatio superba ad Regem.</i>	307
<i>Andreas, Casimirus, Vladislai Regis filius nascitur</i>	276
<i>Anna Regina moritur</i>	199
<i>Anna Polonia Regina moritur</i>	265
<i>Aquila alba in signe Polonia vnde factum</i>	40
<i>Archiepiscopi, Episcopi</i>	12
<i>Archiepiscopi Gnesnensis officia</i>	23
<i>Archiepiscopi Gnesnensis ad Vladislauum oratio</i>	100
<i>Archiepiscopus Polonia gubernator</i>	247
<i>Arcis Gedanensis defensio Cruciferis commendata</i>	178
<i>Argentum quando in Polonia signari coeperit</i>	17
<i>Arx Cracouiensis firmata</i>	237
<i>Aues in Polonia quales</i>	10

B.

<i>Bele regis Ungaria filii fugiunt in Poloniam</i>	65
<i>Belgradum à Turcis frustra oppugnatur</i>	
<i>Belligerend ratio</i>	37
<i>Bellicæ leges</i>	ib.
<i>Bellum Bohemicum §3. Russicum ib.</i>	ib.
<i>Bellum Russicum à Iaroclaio Russorum duce renouatum</i>	54

<i>Bellum Russicum à Miecislao Rege secundo gestum</i>	55
<i>Bellum Bohemicum & Pomeranorum ib.</i>	ib.
<i>Bellum Masouiticum à Casimiro gestum</i>	59
<i>Bellum Ungaricum & pugna ad Tibiscum, sine Tissam amnem</i>	63
<i>Bellum Præmisliense</i>	65
<i>Bellum Prussicum & Pomeranicum</i>	71
<i>Bellum Pomeranicum alterum</i>	ibid.
<i>Bellum Bohemicum & Germanicum quomodo exarsit</i>	81
<i>Bellum Pomeranicum à Boles'ao gestum</i>	82
<i>Bellum Germanicum magna gloria Polonorum gestum</i>	83
<i>Bellum Prussicum à Boleslao gestum</i>	88
<i>Bellum Pomeranicum à Boleslao continuatum</i>	89
<i>Bellum Bohemicum inter fratres exortum</i>	90
<i>Bellum ciuile inter fratres</i>	100
<i>Bellum Russicum & Ungaricum</i>	116
<i>Bellum ciuile inter Polonos</i>	110
<i>Bellum ciuile inter Henricum & Conradum Duces</i>	134
<i>Bellum cum Duce Opoliense</i>	238
<i>Bellum Russicum</i>	155
<i>Bellum Brandenburgicum quomodo exortum</i>	156
<i>Bellum Silesiacum à Pudico gestum</i>	159
<i>Bellum contra Marchionem in Pomerania gestum</i>	157
<i>Bellum in Silesia intestinum</i>	160
<i>Bellum Brandenburgicum</i>	161
<i>Bellum Russicum</i>	203
<i>Bellum Russicum à Ludonico gestum</i>	218
<i>Bellum inter Lithuanos & Masouios</i>	286
<i>Bellum Prussicum</i>	264
<i>Bellum cum Turcis ab Ungaris decretum</i>	

I N D E X

	C	
C	Æsaris pacta secreta cum Vitoldo	277
	Caduceatores Cruciferorum gladios	
	Regi afferunt a Magistro	250
	Cancellarii & Vicecancellarii in Polonia of-	
	fici aqua	24
	Capitani sine prefecti in Polonia qui	25
	Casimirus Rexæ filius monachus factus	56
	renocatur in Poloniam	57
	Casimirus primus Gnesæ inunctus	59. E-
	ius uxor coronatur	ibid.
	Casimiri Regis liberi	61. Casimirus mori-
	tur	ib.
	Casimirus Boleslao nascitur post decem anno-	
	rum sterilitatem ex Adelheida	90
	Casimirus suus Dux Sendomiriensis	103.
	ducit uxorem	ib. di.

I N D E X

Casimiri Ducis laudes	111	Casimirus tertius regnum suscipit.	321
Casimirus ad principatum vocatur.	112.	Castellani munera.	23
Casimiri ad milites oratio.	114. victoria	Castrensis iudex & notarius	26
de Russis.	ibid.	Castrense iudicium & officium.	31
Casimirus Masouiam & Cuiaviam sua potestatis facit.	115	Choinicia obsidetur à Polonis.	293
Casimirus principatum recuperat auxilio Russorum	117	Christianorum strages à Tartaris magna	142
Casimirus Prutenis bellam infert.	118	Colloquia & generales termini qui	32
Casimirus princeps moritur.	118. Eius	Cometa futurorum malorum prodigium	
mors & studia.	ibid.	Anno 1211. apparens	127
Casimirus Cuiavienfis Dux moritur.	157.	Cometa mortis Regie prenuncius.	294
Casimirus Dux Cruciferis supplex factus.		Commeatus Lithuanis suppeditatus à Polonis.	236
180.		Comentum Gedeonis Episcopi sapiens.	110.
Casimirus Vladislao Loethico nascitur.	182	Comitiorum ratio.	35
Casimirus Regis filius Gedimini filiam uxorem ducit.	188	Comitia regi. 36. Comitiorum locus.	37
Casimirus Regis filius maiori Polonia preficitur.	191	Comitia de principe nono Chrusphicia habita	48
Casimirus secundus cognomento Magnus Rex eligitur & cum uxore coronatur.	197	Comitia & consultatio de Repub. in Polonia constituenda.	57
Casimirus successorem sibi designat Ungarum	199	Comitia Leuczicia habita.	113
Casimirus alteram uxorem ducit.	200	Comitia apud Gansuam habita.	133
Casimiri expeditio in Russiam.	ibid.	Comitia Craconie de creando Principe	119
Casimirus Rex in Ungariam ad funus Caroli Regis proficiscitur.	201. Eius cum Cruciferis transactio.	Comitia Chencini ab Vladislao Rege habitata	191
Casimirus Rex in Prussiam proficiscitur.	209	Comitia Craconia habita	197
Fœdus cum Ludonico contra Imperatorem Carolum facit.	ibid.	Comitia Polonorum in Scepusio	222
Casimiri Regis cum Ludonico Ungar. Rege de Russiâ transactio.	203.	Comitia Siradia habita	224
Casimirus Rex plebeiiorum vocatus.	205	Comitia Craconia habita.	226
Casimirus Rex in Prussiam proficiscitur.	209	Comitia Radomsci habita	227
Fœdus cum Ludonico contra Imperatorem Carolum facit.	ibid.	Comitia Radomsci de novo Rege eligendo habita.	223. Item Vislicia ad quæ Sigismundus venit
Casimiri Regis mors.	210. virtutes & facta insignia.	Comitia Corcini habita.	243.
Casimiri filie relegata & exheredata.	213	Comitia Leuczicia habita.	245.
Casimirus magnus Dux à Lithuanis renunciat	310.	Comitia Leuczicia turbulenta.	268
Casimirus à Rege Lithuania preficitur.	308	Comitia Neopolomiciam indicta.	269
Casimirus Vladislai Regis frater, Rex creatur.	319 Eius ad Polonos legatio.	Comitia Varta Rege absente habita	274
Christina Vladislai uxor. maritum aduersus fratres incitat.	47	Comitia Leuczicia habita.	275
Christianæ religionis apud Polonos occasio	50	Comitia Sendomiria habita.	284.
Casimirus pœnitet non suscepit Regni	31	Comitia Ungarorum Bude habita	313. 315
		Comitia Iedline habita.	279
		Comitia armatorum Colum indicta.	292
		Comitia Siradia habita in quibus Vladislai minor Rex Polonia designatus est	289
		Comitia Craconia habita. 292 Item Sendomiria.	311

I N D E X

<i>Comitia Petriconia instituta</i>	305.	<i>bitus.</i>	244
<i>Comitia Corcini habita</i>	306.303.296.	<i>Conuentus Regis cum Cruciferis</i>	243
<i>Comitia Nepolomicia habita</i>	294.288.	<i>Conuentus Regis cum Cruciferis apud Cau-</i>	
<i>Comitia Siradia de nono Rege creando ha-</i>		<i>nam.</i>	245
<i>bita</i>	289.292	<i>Conuentus inter Regem & Cruciferos habi-</i>	
<i>Comitia Parte absente Rege habita</i>	284	<i>tus</i>	260
<i>Concilium Basiliense & Papa de pace in-</i>		<i>Conuentus Regis cum Cruciferis.</i>	263
<i>ter Casarem & Regem agunt</i>	305	<i>Conuentus Lithuanorum cum Cruciferis.</i>	
<i>Confectus cum Turcis ad Varnam.</i>			265
<i>Conradi Caesaris expeditio per Poloniam in</i>		<i>Conuentus Sigismundi Caesaris, Vladislai</i>	
<i>Asiam. 103. bellum Polonis inferi.</i>		<i>& Vitoldi, Lusci habitus</i>	277
<i>ibid.</i>		<i>Conuentus Polonorum cum Hungaris.</i>	279.
<i>Conradi Imperatoris ad Polonos legatio.</i>		<i>Conuentus cum Cruciferis irritus.</i>	301
	108	<i>Conuentus cum Lithuanis Polonorum irri-</i>	
<i>Conradus Dux bis ab Henrico victus.</i>		<i>tus</i>	300
	134	<i>Conuentus Parczonia sine successu</i>	288
<i>Conradi in oram Cracouiensem expeditio</i>		<i>Conuentus inter Polonos & Cruciferos frustra</i>	
	136	<i>institutus.</i>	292
<i>Conradus Dux, Massonia principatum in-</i>		<i>Conuentus Ungarorum & Polonorum ad</i>	
<i>uadit.</i>	143	<i>Kesmarcum.</i>	302
<i>Conradus bellum infert Boleslao Pudico.</i>		<i>Conuentus cum Cruciferis ad Rocianzum</i>	
	144	<i>habitus</i>	300
<i>Conradi expeditio contra Pudicum</i>	146.	<i>Conuentus Polonorum cum Cruciferis Bre-</i>	
<i>moritur</i>	ib.	<i>ste habitus.</i>	295
<i>Conradus in Masouiam fugit.</i>	153	<i>Conuentus Ungarorum cum Polonis</i>	306
<i>Conradus a Lesco vincitur & fugatur.</i>	166	<i>Conuentus minorum Polonorum Corcini ha-</i>	
<i>Conradus Masonia Dux moritur.</i>	172	<i>bitus</i>	310
<i>Conradus dux Glogouiensis moritur.</i>	174	<i>Coributhus in Bohemiam cum exercitu pro-</i>	
<i>Conspiratio contra Secechum.</i>	78.	<i>fiscitur.</i>	271
<i>Consultatio de bello Cruciferis inferendo.</i>		<i>Coributhus renocatur è Bohemia.</i>	274.
	239	<i>Ad Bohemos profiscitur.</i>	ib.
<i>Consultatio in senatu de regno Vitoldi</i>		<i>Coributhus Vitoldi frater ad Regem cum</i>	
	277	<i>Boheminis Hussitis venit.</i>	285
<i>Controuersiarum inter Ecclesiasticum &</i>		<i>Coributhi mors.</i>	301
<i>equestrem ordinem arbitet quis.</i>	36	<i>Corona à Pontifice Polonis petita.</i>	184
<i>Controuersia de tutela Boleslai Pudici &</i>		<i>Cracouia à Craco condita.</i>	41
<i>principatus administratione</i>	133	<i>Cracouia obsidetur</i>	136
<i>Controuersia de coronatione & iuramento</i>		<i>Cracouienses à Conrado alienantur</i>	144.
<i>nouu Regis.</i>	299	<i>Cracouia à Tartaris incensa</i>	154
<i>Conuenticulum quorundam Opatonia habi-</i>		<i>Cracouia in Lesco fide permanet.</i>	166.
<i>tum.</i>	298	<i>Cracouia regimen Germanis mandatum.</i>	
<i>Conuentus generales & particulares</i>	36		166.
<i>Conuentus Vislicie & Gnesna.</i>	219	<i>Cracouia proditione ab Henrico recepta.</i>	
<i>Conuentus Sandecia habitus</i>	227.		164.
<i>Conuentus Lithuanorum Vilna habitus.</i>		<i>Cracouia à Lodico recuperata.</i>	183
	232	<i>Cracouienses desiciunt ad Boleslaum Du-</i>	
<i>Conuentus cum Cruciferis Gniencouia ha-</i>		<i>cem Opoliensem</i>	183
		<i>Cracus Princeps quis fuerit.</i>	41. Mori-

tur *ibid.*
Cristinus Palatinus Plocensis à Conrado Du-
ce necatur. 130.
Cruciferi in Prutenos euocati. *ibid.*
Cruciferi à Prutenis afflicti. 155
Cruciferorum vicinitas suspecta. 173
Cruciferorum in Ecclesiasticos iniquitas:
 184. *Excommunicantur.* *ibid.* tri-
 butum Pomeranis imperant. *ibid.*
Cruciferi à delegatis Pontificis damnantur
& excommunicantur. 185
Cruciferi & Massonii à Polonis victi.
 189.
Cruciferorum cum Bohemis in Poloniam
expeditio. 19
Cruciferi Poloniam vexant & oppida qua-
dam diripiunt. 192
Crucigeri arcem Gedanensem suæ potestatis
faciunt. 179
Cruciferi vincuntur à Polonis 195
Cruciferi Cuianiam vastant. 196
Cruciferorum cum Lithuanis bellum 220.
Cruciferi Lithuaniam vexant. 231.
Cruciferi Lithanie bellum inferunt. 235.
Cruciferi Lithuaniam vastant. 242
Cruciferi belli anidi. 248
Cruciferi à Polonis victi. 252
Cruciferi funduntur à Polonis 258.
Cruciferi à Polonis profligati. 259.
Cruciferorum immensa copia à Polonis victa
 152. 260.
Cruciferi Polonis iniurii. 264.
Cruciferi non satisfaciunt decreto Caesaris.
 268.
Cruciferorum prasidiarii Nieffoniæ fusi
 273.
pacem à Rege petunt & impetrant.
ibid.
Cruciferi à Polonis profligati. 287
Cruciferi Cuianiam & Dobrinum infe-
stant. 287
Crudelitatis exemplum in Henrico duce sta-
tutum. 172.
Cuiania à Mieczeslao subacta. 121
Culmensis tractus Crucigeris concessus iure
hospitii. 133
Cunegundis Princeps moritur. 171

D

*D*ecretum contra Crucigeros 199
Delegati Pontificis de controuersia Po-
lonorum cum Cruciferis. 198
Dersania incensa 293
Dersania incensa & alia oppida capta.
 181.
Disidia ducum Silesie. 174.
Disidii inter ordines causa. 301
Disidium minorum Polonorum intesti-
num. *ibid.*
Disidium inter filios Suentopelci 157
Disidium inter Regem & Vitoldum
 276
Dobrinum à Prutenis incensum. 167
Duces exercitus in Polonia qui 24
Duces seu Palatini duodecim in Polonia.
 41
Ducum Cuianiensium prope go. 215

E

*E*cclésiasticus ordo eiusq; in Polonia desti-
 natio 17.
Ecclesiastici feri iudicia, cause, & indices
 30
Ecclesiasticorum immunitas. 39.
Ecclesiastici ordinis cum Equestri controuer-
sia composita. 206.
Edictum Regis Polonia de disciplina militari
 249
Elias Palatinus Moldania in verba Regis
Polonia iurat. 302
Elisabetha Vladislai filia Caroli Hungarie
Regi nubit.
Elisabetha Casimiri Regis filia Duci Pome-
rania elocata. 201
Elisabetha Ludonici Regis mater Polonia
excedit. 217
Elisabetha Regine regni administratio com-
missa. 213. *moritur.* 220.
Elisabetha Regina mors. 268.
Episcopi electio. 29.
Episcoporum & reliquorum Sacerdotum
prouentus. 30
Episcopus Plocensis à Bolesla occisus
 109.

<i>Exsecratus cum sacerdotibus ab Henrico citatur.</i>	165	<i>Expediit contra Suidrigellonem.</i>	286
<i>Exsecratus in Russia condita.</i>	219	<i>Expediit Vladislai Regis contra Turcas</i>	316
<i>Equites aulici</i>	27	<i>Expediit in Silesiam</i>	304
<i>Equorum cursus de principatu</i>	44	<i>Expediit Polonorum in Bohemiam</i>	ibid.
<i>Ernestus Dux Austriae Cymbarcam Masoviam in matrimonium ducit.</i>	262	F	
<i>Exactiones novae & munera honoraria instituta</i>	98	<i>Fames & pestis in Polonia</i>	129
<i>Excursio Prutenorum & Pomeranorum in Masoviam</i>	86	<i>Fames in Polonia magna</i>	164
<i>Excursio Lithuanorum in Poloniam</i>	212	<i>Fames horrenda & pestis in Polonia</i>	183
<i>Excursio Mosci in Lithuaniam</i>	311	<i>Fames in Polonia</i>	207
<i>Excursio Lithuanorum in Poloniam.</i>	218	<i>Fera in Polonia quales</i>	10
<i>Exequie Casimiri Regis factae.</i>	213	<i>Fines inter Prussiam & Samogitiam constituti</i>	274
<i>Executio rerum indicatarum in Polonia</i>	35	<i>Fluvii Poloniae praecipui qui</i>	8
<i>Executio urbanorum iudiciorum</i>	35	<i>Fœdera & pacta inter Ungaros & Polonos</i>	199
<i>Exercitus Lithuanicus à Mosco in commodis affectus.</i>	244	<i>Fœdus & affinitas Boleslai cum Bela Ungariae Rege.</i>	138
<i>Expediit bellum casine Comitibus non indicitur</i>	38	<i>Fœdus Casimiri Regis cum Ducibus Pomeraniae.</i>	201
<i>Expediit Polonorum in Ungariam</i>	66	<i>Fœdus Marchionis Misnie cum Rege.</i>	242
<i>Expediit in Pomeranos tertia & quarta.</i>	71	<i>Fœdus Tartarorum cum Vitoldo</i>	267
<i>Expediit in Bohemiam, 73. In Moraviam ibid. in Pomeranos ib.</i>	71	<i>Fœdus cum Duce Pomeraniae initum</i>	294
<i>Expediit in Pomeranos</i>	79	<i>Fortuna Vladislai Regis in Hungaria diversas</i>	311
<i>Expediit Boleslai in Pomeraniam.</i>	86	<i>Friderici Imperatoris ad Polonos legatio.</i>	105.
<i>Expediit Moravia</i>	149	<i>in Poloniam expediit.</i>	ibid.
<i>Expediit Polonorum in Marchiam</i>	158	G	
<i>Expediit Vladislai Regis cum Lithuanis in Marchiam Brandenburg.</i>	189	<i>Gedenum à Cruciferis receptum.</i>	179
<i>Expediit Casimiri Regis in Russiam</i>	206	<i>Gedanum Cruciferis proditum.</i>	180
<i>Expediit Cruciferorum in maiorem Poloniam</i>	191	<i>Gedanenses dedunt se Marchionibus</i>	178.
<i>Expediit Valachica, eiusque causae.</i>	206	<i>Gedeon Episcopus Cracoviensis corripit principem.</i>	110.
<i>Expediit Ungarorum adversus Zimovitem.</i>	226	<i>Gedeonis oratio ad principem libera</i>	111
<i>Expediit Polonorum contra Crucigeros.</i>	246	<i>Gedeminus magnus Dux Lithuaniae fœdus cum Polonis facit.</i>	188
<i>Expediit toti Poloniae indicta</i>	247	<i>Georgius Dux Russorum se & Beczum Regi dedit.</i>	219.
<i>Expediit in Russiam nova.</i>	259.	<i>Germani incolae Poloniae</i>	205
<i>Expediit Vitoldi in Proscovienfes Russos</i>	275	<i>Gladium stringendi in Polonia circa Evangelii recitationem consuetudo</i>	51
			Glogo.

I N D E X

Glogonia oppugnata & strenue defensa	83
Glogoniam Bohemus sui iuris facit	186
Gostinum à Conrado surreptum Loctico	167
Gostinum & Ploscum à Bohemis oppugnantur	176
Griphina Lesci Nigri vxor principatum	
Venceslao Bohemo donat	170
Guilhelmus Austriacus Craconiā venit	230

H

H Abdanci familia nomen unde	84
Habitandi ratio in Polonia	11
Habuc seu mare recens in Borussia	9
Halicienses à Polonis victi, in potestatem eorum transeunt	121
Haliciense bellum à Casimiro gestum	127
Hedwigis regina moritur	206
Hedwigis in Poloniam aduentus	227
Regina Polonia renūciatur & coronatur	229
moritur	240
Hedwigis filia Regis moritur	288
Helena à Miecislao decepta	123
Henricus Imperator Casimirum in Poloniam deduci curat	58
Henricus Boleslai filius nascitur	92
Henricus Dux ad Hierosolymitanam militiam profectus	104
Henricus Dux interfectus	108
Henricus Barbatus ad principatum interuertendum concitatur	130
Henrici Barbatī in Craconiensem principatum expeditio	131
Henricus Barbatus à Conrado Missam audiens capitur	134
Henrici Barbatī in minorem Poloniam expeditio	136
Henrici expeditio in maiorem Poloniam	138
moritur	ibid.
Henrici Plauenii ad Regem oratio	254
Henricus Plauenius Cruciferorum Magister factus	257
Henricus Probus Ecclesiastica bona ac decimas usurpat	165
Henrici Ducis cum Episcopo transactio	165
Henricus Vratislaniensis Craconiā potitur	169

Henricus Lignicensis Vratislaniā potitur	170
Henrici Probi mors	ib.
Henricus à Boleslao victus moritur	182
Henricus Vratislaniensis ad Vladislai Regis Pol. confugit auxilium	187
Homicidii indicium & pœna	35
Hospites à Vitoldo ad celebritatē coronationis inuitati	281
Hyems aspera & niuosa	208
Hyems mitissima	263

I

I Agello Craconiā aduenit	231
Baptizatus nomen Vladislai accipit	ibid.
cum Hedwigi matrimonium contrahit	ib.
Rex coronatur	ib.
Iagello Rex cum Regina in maiorem Poloniam se recipit	232
Iagellonis Regis studium religionis Christianae propaganda	ib.
Jaroslans Archiepiscopus abdicat se Archiepiscopatu	214
moritur	ib.
Iasenecia arx capta & incensa	249
Iazyges à Pudico victi & pene deleti	155
Ieiunii quadragesimalis moderatio	147
Immunitates Polonorum à Rege confirmata	279
Inducia cum Vngaris	117
Inducia inter Polonos & Crucigeros	196
	197
Inducia inter Polonos & Cruciferos	186
Inducia cum Vratislaniensibus	319
Inducia trium mensium cum Pomeranis facta	294
Inducia cum Cruciferis facta	270
Inducia cum Suidrigellone	287
Inducia Polonorum cum Cesare	306
Inducia trium dierum damnosa	286
Inducie annue Polonorum cum Ducibus Opolie	319
Inducia duodecim annorum cum Cruciferis facta	295
Inducia decem annorum Amurathi data	315
Inimicitia inter Carolum Imperatorem & inquisitorem in Regina pudiciam	276

<i>Interdictum Archiepiscopi in Plocensis ditio-</i>		
<i>ne</i>	139	L
<i>Interdictum & dira Archiepiscopi in Henri-</i>		
<i>cum</i>	169	
<i>Interregnum anno Christi 1444. & sequenti</i>		
<i>bus duobus</i>	319	
<i>Inundatio & tempestas magna</i>	89	
<i>Inundatio & imbres in Polonia</i>	129	
<i>Inundatio in Polonia insolita</i>	157	
<i>Ioannes Czapla Scholasticus Plocensis suspen-</i>		
<i>ditur</i>	139	
<i>Ioannes Rex Bohemia in Prussiam cum ex-</i>		
<i>ercitu venit</i>	189	
<i>Ioannes Rex Bohemia bellum Polonis facit</i>		
	202	
<i>Ioannis Tencinii oratio admodum efficax</i>		
	224	
<i>Ioannes Masovia Dux à Crucigeris captus</i>		
	244	
<i>Joannes Rex Bohemia dolo Vratislavia poti-</i>		
<i>tur</i>	187	
<i>Judai prerogativas in Polonia quomodo a-</i>		
<i>depi</i>	211	
<i>Index iniustus punitus</i>	232	
<i>Indicis, subindicis, & notariorum electio</i>	29	
<i>Indicia terrestria</i>	30	
<i>Indicii terrestres causa</i>	31	
<i>Indicium iuris supremi Magdeburgici</i>	34	
<i>Indicium iuratum, & ab eo prouocatio</i>	34	
<i>Indicia Consulum & Magistratum Contu-</i>		
<i>berniorum</i>	34	
<i>Indicia tribunalitia qua</i>	35	
<i>Indicia comitalia</i>	36	
<i>Indices à Pontifice Romano, inter Polonos &</i>		
<i>Cruciferos delegati</i>	184	
<i>Judicii Temionici supremi institutio Craco-</i>		
<i>nie</i>	205	
<i>Judiciorum ratio varia</i>	30	
<i>Judicium in Episcopum Craconiensem &</i>		
<i>duos proceres</i>	269	
<i>Iulianus Cardinalis pacem cum Turcis dis-</i>		
<i>suadet</i>	315	
<i>Iuliani Cardinalis mors</i>	318	
<i>Iugium inter Polonos & Ungaros</i>	212	
<i>Iurisdictio bellica qualis</i>	32	
<i>Iurisdictionis mos barbarus sublatus</i>		
	202	
<i>Lacus sereno & ardente sole in solidum salem</i>		
<i>instar glaciei concrevens</i>	8	
<i>Lacus pisci in Prussia</i>	9	
<i>Ladislaus posthumus Alberti Caesaris nasci-</i>		
<i>ter</i>	307	
<i>Ladislaus posthumus infans coronatur</i>	309	
<i>Latrocina à Rege Polonia coercita</i>	241	
<i>Lechi parricidium. 43. pœna</i>	ibid.	
<i>Legati Pontificii in Poloniam & Prussiam ad-</i>		
<i>uentus</i>	164	
<i>Legati Regis ad Magistrum Cruciferorum</i>		
	245	
<i>Legati Polonorum ad Sagellonem</i>	230	
<i>Legati Casarei ad Vladislaum Regem</i>	266	
<i>Legati Regis Vladislai ad Sigismundum Ca-</i>		
<i>sarem</i>	269	
<i>Legati Pontificis duo ad Regem veniunt</i>		
	312	
<i>Legati ad Concilium Basiliense</i>	296	
<i>Legati Casarei ad Vitoldum</i>	280	
<i>Legatio Boleslai ad Henricum Casarem</i>		
	84	
<i>Legatio Casimiri Regis ad Pontificem</i>	198	
<i>Legatio Polonorum ad Ludouicum Vngaria</i>		
<i>Regem</i>	213	
<i>Legatio Polonorum ad Regem</i>	219	
<i>Legatio Sagellonis ad Reginam & Polonia</i>		
<i>proceres</i>	229	
<i>Legatio Vladislai Regis ad Sigismundum Vn-</i>		
<i>gar. Regem</i>	247	
<i>Legatio Sigismundi Regis ad Vladislaum</i>		
<i>Regem</i>	262	
<i>Legatio Imp. Constantinopol. ad Regem Vla-</i>		
<i>dislaum</i>	265	
<i>Legatio Papa ad Vladislaum Regem</i>	266	
<i>Legatio Boemorum ad Regem</i>	274	
<i>Legatio Casarei ad Vitoldum cum donis</i>		
	279	
<i>Legatio Regis & Procerum Polonia ad Vi-</i>		
<i>toldum</i>	280	
<i>Legatio Magistri Cruciferorum ad Regem</i>		
	285	
<i>Legatio Sigismundi Imp. ad Vladislaum</i>		
<i>Regem</i>	302	
	Legatio	

I N D E X

<i>Legatio Regis Poloniae ad Caesarem</i>	305	162	
<i>Legatio Caesaris ad Vitoldum</i>			<i>Lignicum in clientelam Bohemorum venit</i>
<i>Legationes Principum Christianorum ad Vladislaum Regem</i>	314	187	
<i>Legatio nova Polonorum ad Casimirum</i>	321		<i>Lingua Polonica qualis</i>
<i>Legatio Regis & procerum Poloniae ad Vitoldum</i>			18
<i>Legatio Polonorum ad Sigismundum Imperatorem</i>	300		<i>Lites & similitudines inter Regem & Reginam</i>
<i>Legatio Polonorum ad Suidrigellonem</i>	285	234	
<i>Legatio Regis, ad Sigismundum Imp. de coniugio</i>	302		<i>Lithuani Sandomiriensem tractum populantur. 164. à Lesco vincuntur</i>
<i>Legatio Regis Cypri ad Vladislaum</i>			<i>ibid.</i>
<i>Legatio Bohemorum Hussitarum ad Regem</i>	289		<i>Lithuani Poloniam vexant</i>
<i>Legatio Turcica ad Vladislaum Regem</i>	307		188
<i>Legatio Polonorum ad Casimirum</i>	319		<i>Lithuani Cuiavianam populantur</i>
<i>Legatus Pontificis ad Regem veniens inducias cum Cruciferis facit</i>	264		171
<i>Legatus Caesaris ad Vladislaum Regem missus</i>	272		<i>Lithuani Lenciciensem oram vastant</i>
<i>Legatus à Rege ad Suidrigellonem missus violatur</i>	286		172
<i>Leges Polonorum</i>	21		<i>Lithuani maiorem Poloniam vastant</i>
<i>Leges mala ab Henrico abrogata</i>	137		232
<i>Leges Casimiri Regis</i>	202		<i>Lithuani Masoviam vastant. 189. Eorum in Marchiam excursio</i>
<i>Lescus secundus quomodo ad principatum pervenerit. 44. ob dolum interfectus</i>	45		<i>ibid.</i>
<i>Lesci studia in pace & bello. 45. Mors. ibid. liberi</i>	<i>ibid.</i>		<i>Lithuani Masoviam vastant. 199. funduntur</i>
<i>Lescus quartus moritur</i>	50		<i>ibid.</i>
<i>Lescus princeps creatur</i>	119		<i>Lithuani Sandomiriensem oram populantur</i>
<i>Lescus Albus Cracovia potitur</i>	123		203
<i>Lescus ad principatum accersitur</i>	127		<i>Lithuani Masoviam vastant</i>
<i>Lescus fratri Masovia & Cuiavia cedit. 128</i>	<i>ibid.</i>		227
<i>Vxorem ducit</i>	<i>ibid.</i>		<i>Lithuani à Cruciferis fusi</i>
<i>Lescus à Suentopelco interfectus</i>	133		235
<i>Lescus Russiam peragatur. 162. Contra Hericum Probum expeditionem instituit. ib. Vratislaviensem ditionem duxerat ibidem</i>			<i>Lithuani oratores in Ungariam profecti</i>
<i>Lesci Nigri victoria de Lithuanis insignis</i>	163		236
<i>Lesci ad milites sermo</i>	164		<i>Lithuani à Polonis victi</i>
<i>Lescus Niger, princeps moritur</i>	168		286
<i>Leo Russorum Dux in Poloniam excurrit</i>			<i>Lithuani à Ciolco fusi. 287. Eorum clades ad Cremenciam</i>
			<i>ibid.</i>
			<i>Lithuanis prerogativa & leges à Rege datae</i>
			263
			<i>Lithuania à Cruciferis vastata</i>
			207
			<i>Lithuania vexatur à Cruciferis</i>
			233
			<i>Lithuania à Cruciferis vexata</i>
			237
			<i>Lithuanorum & Iazygum in Poloniam excursus</i>
			145
			<i>Lithuanorum excursio in Masoviam & Poloniam</i>
			149
			<i>Lithuanorum in Lublinensem oram excursio. 162. Masoviam vexant</i>
			167
			<i>Lithuanorum Ducum dissensio</i>
			233
			<i>Lithuanorum conventus cum Cruciferis</i>
			266
			<i>Liiones à Samogitis fusi</i>
			300
			<i>Liunia à Lithuanis vexatur</i>
			292
			<i>Lothicus principatum armis petit. 169. princeps renuntiatur</i>
			<i>ibid.</i>
			<i>Lothicus ditionem Cracoviensem infestat</i>
			172

I N D E X

<i>Loeticus Vislicia potitur & Craconiensem oram infestat.</i>	170
<i>Loeticus omnibus bonis spoliatur</i>	175
<i>Loeticus in Vngariam fugiens peregrinatur 136. Regnum repetit</i>	ib.
<i>Loeticus Craconiam recipit 177. Henrico Glogo. bellum facit ibid. Rex creatur ibid.</i>	
<i>Locustarum vis ingens in Polonia</i>	198
<i>Ludonici Regis privilegium Polonis datum</i>	204
<i>Ludonici Regis in Poloniam aduentus & coronatio</i>	213
<i>Ludonici Regis mors</i>	222
<i>Ludonicus Rex Polonia designatur</i>	203
<i>Ludonicus Rex filiam suam Sigismundo Caroli Imperatoris filio despondet 215. Eius filia altera, Regina Polonia destinata ibid.</i>	
<i>Ludonicus Rex Vngaris Russiam attribuit</i>	219
<i>Lusum à Snidrigellone interceptum</i>	308

M

M agister Liunum suppetias fert Crucigeris 255. Eius consilium vafrum	ibid.
<i>Magister Crucigerorum in Poloniam irruit, & oppida non pauca incendit</i>	246
<i>Magistratus & honores perpetui</i>	29
<i>Magistratum creandorum ratio</i>	ib.
<i>Magistri Crucigerorum responsum superbum</i>	180
<i>Mareschalci Curie</i>	27
<i>Mareschalci Regni officia</i>	23
<i>Maslans Masoniam recipit, & Polonis bellum infert</i>	60
<i>Maslai Pocillatoris Regii conatus</i>	57
<i>Masonia à Lithuanis vexatur.</i>	209
<i>Masonia à Russis vastata</i>	154
<i>Massonii Russiam, & Russi Massoniam populantur</i>	166
<i>Masonia Blocensis in ditionem Bohemiae Regis venit</i>	199
<i>Masonia Poloniae redintegrata 205. Massonii in Regis clientela</i>	ibid.

<i>Masonia Cirnensis à Losco vexatur</i>	167
<i>Massonia Cirnensis, à Siradiensibus vastata</i>	168
<i>Matrimonii inter Jagellonem & Hednigen conditiones</i>	229
<i>Melssinius bona Episcopi Craconiensis intercipit</i>	303
<i>Mendacii retractatio, poena apud Polonos qualiter fiat</i>	234
<i>Mercimonia Polonorum qua</i>	18
<i>Michael Sigismundi interfecti filius patrimonio omni à Casmiro exiit</i>	311
<i>Mieczislai etymon.</i>	50
<i>Mieczislans primus princeps Christianus quando principatum suscepit</i>	50
<i>Mieczislans baptizatur s. i. filius ex Dambreuca nascitur</i>	ib.
<i>Mieczislai mors</i>	52
<i>Mieczislans filius Boleslai à patre successor designatus 55. Eius vitia</i>	ib.
<i>Mieczislans moritur</i>	56
<i>Mieczislans Boleslai filius nascitur</i>	92
<i>Mieczislai dominatus asper</i>	110
<i>Mieczislans principatu deicitur</i>	112
<i>Mieczislans Masonia & Cumania arte potitur</i>	115
<i>Mieczislans senex à minoribus Polonis ad principatum reuocatur</i>	117
<i>Mieczislans ducit filiam sororis Friderici Imperatoris 105. A filio pulsus, Pomeranorum ope ditionem suam recuperat</i>	113
<i>Ad principatum rursus adspirat</i>	120
<i>Mieczislans principatu potitus 121. promissa non seruat</i>	ib.
<i>Mieczislans in odium procerum incurrit</i>	123
<i>Mieczislans pastorum immemor moritur</i>	124
<i>Mieczislans Conradi Ducis filius à muribus absumptus</i>	138
<i>Miesco nascitur cæcus</i>	50
<i>Miesco immatura morte obit</i>	71
<i>Miesco Bolislai filius exul reuocatur</i>	70
<i>Mindacus Lithuanorum Rex interficitur</i>	154
<i>Ministeria aulica</i>	27
<i>Mogilnense monasterium à quo constructum</i>	70

Monachi

I N D E X

<i>Monachi Benedictini Cluniaco in Poloni-</i>	
<i>am acciti.</i>	61.
<i>Monarchia apud Polonos</i>	18
<i>Montes in Polonia.</i>	7
<i>Mosci cum Tartaris victi.</i>	245
<i>Motus in maiore Polonia</i>	134
<i>Motus Silesiaci.</i>	151.
<i>Motus in Silesia multi</i>	171
<i>Motus Polonia maioris</i>	226
<i>Motus maioris Polonia</i>	227
<i>Motus in Polonia maiori.</i>	306
<i>Muliebri in Polonia imperium.</i>	56

N

<i>Nacum à Suentopelco interceptum.</i>	
150	
<i>Nervia fluvius venenata animalia auersatur</i>	
9	
<i>Naves Polonica cum frumento à Cruciferis</i>	
<i>intercepta</i>	245
<i>Nimcense territorium Bernhardo Suidnichen</i>	
<i>sum Duci oppigneratum.</i>	186
<i>Nix & gelu post medium Maium.</i>	204
<i>Nobiles qui</i>	14
<i>Nobiles familiae in Polonia unde dicantur.</i>	
15	
<i>Nobilitatis prerogativa</i>	14
<i>Nobilitatis in Polonia amissio. 15. equa-</i>	
<i>litas</i>	ibid.
<i>Nobilitatis in Polonia studia</i>	16
<i>Nobilitatis officium</i>	38
<i>Nobilitatis Craconiensis motus contra Bo-</i>	
<i>leslaum principem</i>	109
<i>Nobilitas Haliciensis omnis fere à Romano</i>	
<i>irucidata</i>	126
<i>Nobilitas contra ecclesiasticos fremit</i>	300
<i>Nobilitatis maioris Poloniae confederatio</i>	
204	
<i>Nobilitas Russica & Podolica cum Polonica</i>	
<i>exaequata.</i>	300
<i>Nobilium habitandi & vivendi ratio.</i>	
15	
<i>Nobilium prehensio in Polonia fieri non po-</i>	
<i>test</i>	35
<i>Nobilium Polonorum libertas.</i>	215
<i>Novogradenses pacem à Vitoldo redemerunt</i>	

276

<i>Nummariare ratio in Polonia.</i>	17
<i>Nuptiarum Casimiri apparatus.</i>	208
<i>Nuncii nobilitatis.</i>	35

O

<i>Obsidio Marieburgensis soluta</i>	256
<i>Officiales seu magistratus terrestres in</i>	
<i>Polonia</i>	24
<i>Officia Curiae quae</i>	26
<i>Officiales Regni qui</i>	23
<i>Olinense monasterium directum</i>	293
<i>Onera Polonia à Pontifice iniuncta.</i>	58
<i>Oppidanorum munia in bello</i>	38
<i>Oratores Poloni Romam profecti.</i>	58
<i>Osuecimensium Duces in clientelam Regis</i>	
<i>Poloniae perveniunt</i>	304
<i>Otonis III. Imperatoris in Poloniam adven-</i>	
<i>tus</i>	53
<i>Otto Mieczislai filius patri reconciliatus</i>	113

P

<i>Pacis conditiones Cruciferis à Rege pro-</i>	
<i>posita.</i>	248
<i>Pacta Conradi Ducis cum Crucigeris.</i>	133
<i>Pacta Cruciferorum cum Duce Crutania.</i>	
179	
<i>Pacta Reginae cum Ziemovito.</i>	230
<i>Pacta cum Vitoldo & Lithuanis renova-</i>	
<i>ta.</i>	241
<i>Pacta conventa & societas inter Reges Un-</i>	
<i>gar. & Pol.</i>	262.
<i>Pacta conventa inter Regem & Marchio-</i>	
<i>nem Brandenburgensem.</i>	270
<i>Pacta cum Silesiis.</i>	300
<i>Pacta Regis Vladislai cum Ungaris</i>	307
<i>Pacta Lithuanorum cum Polonis</i>	290
<i>pacta Lithuanorum cum Polonis renovata</i>	305
<i>Pacta cum Stephano Palatino conventa</i>	
295	
<i>Palatini, Castellani, Marechalci, Cancellarij,</i>	
<i>Thesaurarii.</i>	12
<i>Palatini officium</i>	23
<i>Palatinorum dignitas</i>	41
<i>Palatinus Valachus iurat Regi Polonia</i>	265

I N D E X

<i>Pannonos & Morani à Polonis fusi</i>	<i>Ploscum à Sbigneo obsessum</i>	77
44	<i>Ploscum intercipitur a Loctico.</i>	167
<i>Paulus Episcopus turbator captus.</i>	<i>Podolia Suidrigelloni à Rege concessa.</i>	
165	242	
<i>Paulus Episcopus Craconiensis moritur</i>	<i>Podolia in ditionem Polonorum redacta.</i>	
171	244	
<i>Pax inter Bohemos & Polonos affinitate sanc-</i>	<i>Podoliorum in signe factum.</i>	283
<i>cita</i>	<i>Podolia recepta à Polonis</i>	291
<i>Pax & affinitas inter Henricum Casarem</i>	<i>Pœna non militantium</i>	37
<i>& Boleslaum principem</i>	<i>Poloni unde & quando in Sarmaciam vene-</i>	
<i>Pax inter Imperatorem Fridericum & Po-</i>	<i>runt</i>	3
<i>lonos</i>	<i>Poloni à Russis in fugam versi</i>	94
<i>Pax cum Vngaris congressu virisque prin-</i>	<i>Poloni à Prutenis fusi</i>	107
<i>cipis confirmata</i>	<i>Polonorum clades à Tartaris accepta</i>	
<i>Pax à Casimiro Prutenis data</i>	140	
<i>Pax & fœdus inter principes Polonia cogna-</i>	<i>Poloni maiores in fidem Loctici veniunt</i>	
<i>tos.</i>	182	
<i>Pax inter Suentopolcum & Premislum</i>	<i>Poloni minores ad Ducem Opoliensem defici-</i>	
151	<i>unt. 159. Eorum cum Bohemis in-</i>	<i>ibid.</i>
<i>Pax & transactio cum Crucigeris.</i>	<i>Poloni minores expeditionem contra Russos</i>	
<i>Pax inter Cruciferos & Polonos.</i>	<i>suscipiunt. 176</i>	
<i>Pax cum Saganensibus Duce Henrico</i>	<i>Poloni Masoniâ populantur</i>	188
161	<i>Poloni maiores Henrico Glogoniensi se sub-</i>	
<i>Pax & pacta cum Cruciferis.</i>	<i>iciunt</i>	177
<i>Pax inter Casarem & Regem Polonia</i>	<i>Poloni Culmensem oram vexant.</i>	
173	196	
<i>Pax cum Cruciferis & pacta ad Brestam</i>	<i>Poloni à Valachis trucidati.</i>	206
302	<i>Poloni Prussiam infestant</i>	247
<i>Pax inter Reginam & Regem in Vngaria</i>	<i>Poloni cum Crucigeris ad duos annos inducia</i>	
313	<i>faciunt</i>	267
<i>Pax & concordia cum Ducibus Silesia.</i>	<i>Poloni re infecta Bohemia excedunt.</i>	
<i>Pax cum Ducibus Ratiboriensi & Tesseniensi</i>	304	
322	<i>Poloni à Tartaris profligantur</i>	305
<i>Peregrinatio Boleslai in Galliam</i>	<i>Poloni Regis filium sibi Regem designant</i>	
<i>Perfidia Russorum notata</i>	29. 298	
<i>Petrus Dumnus dolo Cristine petitus</i>	<i>Poloni auxilia Regi in Vngariam mittunt</i>	
<i>Eius calamitas</i>	311	
<i>Pasti genus & conditio.</i>	<i>Poloni maiores cum Zbigneo Vladislao</i>	
48. posterius, mors.	<i>Vladislai defuncti Regis filio regnum de-</i>	
49	<i>cernunt. 298. Eorum præiudicium</i>	
<i>Pisces in Polonia.</i>	<i>minores Poloni agre ferunt.</i>	<i>ibid.</i>
10	<i>lonia fines. s. situs geographicus.</i>	
<i>Piscine in Polonia</i>	<i>Poibid. finitimi populi. ibid. partes</i>	
9	<i>& satrapia. ibid. limites</i>	<i>ibid.</i>
<i>Plebei in Polonia qui</i>	<i>Polo-</i>	
16		
<i>Plebeiorum magistratum creatio</i>		
29		
<i>Plebs urbana & plebei magistratus</i>		
28		
<i>Plebis indicia rusticana</i>		
34		

I N D E X

<i>Polonia ubertas.</i>	7	<i>Polonorum studium erga Regem</i>	284
<i>Polonia solum quale</i>	7	<i>Poma Da porta in Polonia</i>	123
<i>Polonia inter Boleslai filios diuisa</i>		<i>Pomerania Boleslao victi</i>	77
95		<i>Pomeranis bellum à Polonis infertur.</i>	
<i>Polonia status turbulentissimus</i>	57	80	
<i>Polonia maior ad Henricum Barbatum desciunt</i>	135	<i>Pomerania exterior à Polonis subacta & Christiana facta</i>	90
<i>Polonia maioris diuisio noua</i>	149	<i>Pomerani sunt Christiani</i>	81
<i>Polonia minoris motus</i>	135	<i>Pomerani ad Casimirum à Mieczislao deficiunt</i>	113
<i>Polonia ciuilibus bellis agitur</i>	152	<i>Pomerania Marchionibus prodita</i>	178
<i>Polonia minor à Lesco ad Conradum Masouium deficit.</i>	166	<i>Pomerania à Cruciferis subacta.</i>	182.
<i>Polonia regnum Vitoldo offertur.</i>	278	<i>Pomerania à Cruciferis bello petita.</i>	180.
<i>Polonici regni diuisio</i>	96	<i>Popielus principatum suscipit.</i>	46. Eius
<i>Polonorum origo qua</i>	1.	<i>execrandi sese consuetudo</i>	ibid.
<i>Polonorum nomen quam vetustum.</i>	41	<i>Popielus aetas iuuenilis</i>	46
pagi. 12. vestitus. ibid. Victus		<i>Pomeraniam Crucigeri emunt à Marchionibus</i>	183
ratio. ibid. Corporum habitudo. 13		<i>Pomerania Crucigeris à Rege Bohemia donota</i>	190
ingenia & mores. ibid. Educatio.		<i>Pomerania à Polonis vastatur.</i>	293
ibid. studia. ibid. Rei familiaris		<i>Popielus patruos suos veneno tollit.</i>	
cura. ibid. Conuiuia & computationes	ibid.	47	
<i>Polonorum foedus cum Polonis</i>	95	<i>Eius, uxorisque & liberorum mors miserrata</i>	ibid.
<i>Polonorum cum Vngaris conuenta & pacta</i>	261	<i>Portenta & prodigia in Polonia.</i>	
<i>Polonorum ad Pontificem legatio</i>	184	157	
<i>Polonorum & Lithuanorum conuentus apud Grodum</i>	263	<i>Portenta in Polonia varia.</i>	159
<i>Polonorum minorum contra principem conspiratio.</i>	158	<i>Praefecturarum redditus & administratio.</i>	
<i>Polonorum expeditio contra Prutenos</i>	107.	26	
<i>Polonorum à Boleslao Caluo defectio.</i>	145	<i>Praefectorum iurisdictio</i>	31
<i>Polonorum in Silesiam expeditio</i>	196	<i>Præbium inter patrem & filium</i>	75
<i>Poloni improbant Regis consilium de pactis violandis.</i>	316	<i>Praedium Polonorum ad Mosgavam</i>	
<i>Polonorum de Cruciferis victoria forma.</i>	248	120	
<i>Polonorum ad Vitoldum legatio</i>	278	<i>Praedium Polonorum cum Russis ad Zauichostum</i>	126
<i>Polonorum Comititia Bude habita</i>	220	<i>Praedium cum Tartaris ad Ligniciam</i>	
<i>Polonorum minorum studia in Casimirum</i>	319	141	
<i>Polonorum ad Varnam strages</i>	318	<i>Praedium ad Coronouiam commissum.</i>	
		258	
		<i>Praedium Polonorum cum Russis.</i>	
		291	
		<i>Premisus princeps Polonorum primus, quis antea fuerit, & quomodo ad Principatum peruenerit.</i>	44
		<i>Premisli mors & laudes</i>	11

I N D E X

<i>Premisus posthumus nascitur.</i>	151
<i>Premisus Gnesnerex creatur</i>	173
<i>Premisus Gedanum munivit. 173. In-</i> <i>sidiis Marchionum Brandeburgensium</i> <i>interficietur.</i>	ibid.
<i>Premisus Glogouiensis veneno sublatus.</i>	186
<i>Principis potestas qualis olim fuerit</i>	19
<i>Principis in Polonia redditus</i>	40
<i>Principatum obscurus quidam casu adeptus</i>	45
<i>Principum conuentus Cracouia</i>	274
<i>Procerum alienatio ab Vladislao principe.</i>	98
<i>Prouisores in Polonia instituti</i>	299
<i>Prouisores in Polonia amoti</i>	303
<i>Pronocatio ad principem in Polonia.</i>	32
<i>Pruteni rebellantes, bello à Boleslao petun-</i> <i>tur.</i>	62
<i>Prutenorum & Pomeranorum rebellio.</i>	71.
<i>Pruteni religionem Christianam recipiunt</i> <i>& mox iterum deserunt.</i>	106
<i>Prutenorum defectio & in Culmenscm tra-</i> <i>ctum excursio</i>	107
<i>Pruteni Culmenscm tractum sue potestatis</i> <i>faciunt.</i>	130.
<i>Prutenorum vires fractæ à Cruciferis &</i> <i>Germanis</i>	139
<i>Prutenorum studium erga Regem Polonia, &</i> <i>consilium fidele.</i>	256
<i>Pruteni multa de Crucigeris capiunt.</i>	162
<i>Prussia vastata à Massoniis & Cruciferis</i>	136
<i>Prussia fere omnis in deditionem accepta</i>	254
<i>Prussia oppida & arces à Cruciferis reci-</i> <i>piuntur</i>	257
<i>Prussica cause disceptatio Concilio Cōstantien</i> <i>si permissa.</i>	264
<i>Puer dentatus nascitur & loquitur</i>	159
<i>Pugna ad Suchodolum.</i>	144.
<i>Pugna Tartarorum cum Polonis.</i>	305

Q

<i>Q</i> <i>uartaredituum regiorum Reipub. con-</i> <i>cessa</i>	39
---	----

R

<i>R</i> <i>Adzinum per deditionem acceptum</i>	256
<i>Redditus magistratuum</i>	30
<i>Referendariorum officium.</i>	27
<i>Regia potestatis finis</i>	19
<i>Regii iudicii cause quæ</i>	32
<i>Regina coronatio.</i>	20
<i>Regina Comitatus & administratio</i>	28
<i>Regis electio in Polonia. 19. Coronatio</i> <i>ibid.</i>	
<i>Regis expeditio in Lithuaniam</i>	234
<i>Regis Oratores ad Papam cum muneribus</i>	261
<i>Regis sermo ad Bohemos.</i>	285
<i>Regis responsum datum concilii oratoribus</i>	292
<i>Regum & Principum conuentus Cracouia</i> <i>adnuptias Casimiri neptis Elisabethæ.</i>	207
<i>Restium literæ.</i>	37
<i>Rex Pol. Toruniam petit, à Magistro Cruci-</i> <i>gerorum inuitatus</i>	243
<i>Rex ex Lithuania Cracouiam pedes ingredi-</i> <i>tur</i>	262.
<i>Rex Polonia fœdus cum Dania & Suecia</i> <i>regibus facit</i>	267
<i>Rex a senatu correptus</i>	278
<i>Rex iratus Zbigneo Episcopo minatur.</i>	289
<i>Rex Pol. Leopolim petit. 288. Benefi-</i> <i>cus est in calamitosos</i>	ibid.
<i>Rex Lithuanos concitat in Suidrigellensem.</i>	280
<i>Ritigerus Venda coniugium petit.</i>	43
<i>Rixa Mieczislao desponsatur.</i>	53
<i>Rixæ reginæ regnū administrās, eo abutitur &</i> <i>fugit ex Polonia</i>	ibid.
<i>Rixa Premisli filia.</i>	174
<i>Ruthuanus Zatoriam intercipit</i>	303
<i>Russi se in libertatem asserunt</i>	71
<i>Russi superantur à Boleslao</i>	78
<i>Russia Polonis victi</i>	91. 291
<i>Russi à Polonis victi</i>	127
<i>Russi & Tartari à Polonis profligati</i>	155
<i>Russi cum barbaris à Polonis caesi</i>	162
<i>Russi</i>	

I N D E X

<i>Russi Sandomiriensem tractum vastant</i>	176
<i>Russi victi à Polonis</i>	ibid.
<i>Russi exaequati cum Polonis iure & prae- gatiis</i>	200
<i>Russi à Polonis ad Lithuanos deficiunt</i>	203
<i>Russi & Valachi in auxilium Caesari contra Turcas missi</i>	275
<i>Russia Polonis vectigalis facta</i>	67
<i>Russia meridionalis à Casimiro Rege subacta</i>	199
<i>Russia Lithuaniae prodita à praefectis Vnga- ris</i>	223
<i>Russorum origo & nomen</i>	2
<i>Russorum in Poloniae excursio</i>	77.92
<i>Russorum sanitas</i>	287

S

S acerdotiorum collatio	29
Salinatores qui	26
Salinae Bochenenses quando inuenta	149
Sambia à Crucigeris subacta & ad religio- nem Christianam adacta	150
Samogitia Cruciferis à Vitoldo concessa	244
Samogitia à Vitoldo recepta	245
Samogitia ad religionem Christianam conuer- sa	263
Satellites, cubicularii & pueri	27
Saxonibus bellum à Boleslao illatum	54
Sbigneus aduersus patrem pugnans capitur & patri reconciliatur	75
Sbigneus sit monachus in Saxonia 74. Ex monasterio extractus, Dux exulum crea- tur	ib.
Sbigneus à fratre capitur 82. Eius perfidia ib. Exilio mulctatur	ib.
Sbigneus exul fratris Boleslai gratiam implo- rat & impetrat 88. interficitur	89
Scabinorum in Poloniae iudicia	34
Scarbimirus Palatinus Craconiensis excoca- tus & magistratu motus	89
Scepusium Regi Poloniae oppignoratam	263
Sclauorum origo qua sit, sententia Auctorum varia	1
Sculptorum iudicia	35
Secretarii magni officium	27
Secretariorum munera qua	26

Senatorum genera & numerus	12
Senatorum officia communia	23
Senatus conuocandi ratio	ibid.
Senatus & magistratuum equestrium cre- andorum ratio	29
Senatus ad Vladislai orationem responsum	97
Senatus Polonici constantia	297
Senatus de regno Vngariae consultatio	307
Sendiuius Subinius Iaderam ad Reginam proficiscitur	227
Sandomirienses à Lesco deficiunt	163
Sigismundus Rex Poloniae designatus	222
Sigismundus Cuiusiam infestat	227
Sigismundus in Poloniae venire prohibe- tur	ib.
Sigismundus Rex Vngariae venit in Poloni- am	238
Sigismundus Rex Vngariae Craconiam ve- nit	239
Sigismundus Vngarus Regi affini bellum in- dicat	250
Sigismundus Rex fines Poloniae vastat	260
Sigismundi Imperatoris cum Vladislao con- gressus 267. Eius decretum ex com- promisso	ib.
Sigismundus Caesar & Vladislaus Rex con- grediuntur	273
Sigismundus Dux Lithuanorum à Rege de- claratur	290
Sigismundus Dux Lithuaniae interficitur	308
Silesia à Bohemis vexata	96
Silesia Vladislao attributa	105
Silesia Ducum origo 106. Eius diuisio ib.	ib.
Silesii Duces in Boleslaum principem conci- tantur	108
Silesia à Tartaris vastata	141
Silesiorum & Polonorum fuga	142
Silesia inter Boleslaum Caluum & Henri- cum Duces diuisa	146
Silesia motus & bellum inter fratres	147
Silesia intestinis dissidiis agitata	160
Silesiorum expeditio contra Loethicum	169
Silesii à Polonis electi	182
Silesia interuorsa à Bohemis causa	185
Silesiorum Ducum bella intestina	185
Silesii Duces Bohemo se permittunt	187
Silesia vexatur à Polonis	311

INDEX

Siradienses à Massoniis fusi	168
Siradiensis dit. & vastatur	171
Skirgello à Rege fit praefectus Lithuania	
233	
Skirgellum cum Vitoldo inimicitia	237
Slanonia & Croatia ab Uladislaw Rege recepta	310
Smolenscii à Polonis & Lithuanis subacti	
231	
Smolenscii subacti à Vitoldo	242
Soldinum oppidum à Boleslaw directum	157
Sophia Regina coronatur	274
Spectrum in Cracoviensi tractu apparet	
161	
Spitco interfectus & perduellionis damnatus	306
Stanislaw Episcopi Cracoviensis cades	69
Status & Ordines Polonorum	14
Statuta regni Poloniae qua	35
Stephanus Despotas Rasciae & Albaniae à Turcis pulsus	313
Stipendia equitum & peditum	38
Strages Cruciferorum	195
Strages Lithuanorum	235
Succamerarii indicium quod	31
Succinum ubi colligatur	8
Suentopelcus fit Boleslaw rebellis	90
Suentopelci Pomeranorum praefecti ambigua & defectio. 132. se pro Duce gerit. 133. moritur	156
Suentopelci bellum adversus Cruciferos.	145
Suentopelcus Culmensensem & Cuavianensem terram infestat	147
Suentoslawa filia Boleslaw nascitur	80
Suentoslaus Dux Smolenscorum Lithuaniam infestat	231
Suidrigello ad Cruciferos profugit	237
Suidrigello à Prussiis renocatur	242
Suidrigello Moscis contra Vitoldum adest	
244	
Suidrigello iterum ad Cruciferos profugit	
244	
Suidrigello Lithuaniae principatum arripit	283
Suidrigello à Rege fusus & fugatus	292
Suidrigello Lithuaniam infestat & Russiae Regiam	295
Suidrigellani responsum feroci.	295

<i>Snidrigella fugit, & Lithuaniam vexat</i>	290
<i>Snidrigello cum Linonicis Cruciferis profi-</i>	
<i>gatus</i>	301
<i>Snidrigellonis cum Sigismundo Lithuaniae</i>	
<i>duce reconciliatio frustra instituta</i>	303
<i>Snidrigello fœdus facit cum Crucigeris</i>	286
<i>Eius fuga ibid. Ad Regem legatio de pace</i>	
286	
<i>Synodi Sacerdotum</i>	37
<i>Synodus Calissia ab Archiepiscopo Gnesnensi</i>	
<i>instituta</i>	220
<i>Szamotoulus pristino honori restitutus</i>	195
<i>Szamotoulus interficitur</i>	196
<i>Szamotoulus Regi reconciliatur</i>	192

T

Tartari bipartito agmine totam Poloniam	
peruastant	140
Tartari Poloniam populantur	143
Tartari cum Russis Poloniam vastant	167
Tartarorum excursio in Poloniam & Rus-	
siam	202
Tartari in Lithuania collocati	239
Tartari Lithuaniam & Russiam populan-	
tur	240
Tartarorum ad Regem Poloniae legatio	262
Tartari Podoliam populantur	204
Tartari Russiam vastans	265
Tartari Poloniam vastant	139
Tartari Polonis bellum inferunt	128
Poloniam vastant	153
Tartari repressi à Moldano	295
Tartari Podoliam vastant	305
Tartari à Snidrigellone euocati, diuonemi-	
psius vastant	296
Tartari Podoliam infestant	314
Telonia in Polonia 21 Impense principis ib.	
Templa à Casimiro condita	204
Temomotus in Polonia	56
Temomotus in Polonia	135
Teutonorum fratrum Ordo in Masonia	
institutus	133
Thesaurarii Polonici officium	24
Thesaurarii Curiae	27
Tornimenses & Gedanenses ad Cruciferos de-	
ficiunt	259
Trebn-	

I N D E X

<i>Trebnicense monasterium fundatum</i>	128
<i>Tributorum exactores qui</i>	26
<i>Tributa sine exactiones</i>	38
<i>Tributum ab Vladislao fratribus imperatum</i>	98
<i>Tributum iugerale decretum</i>	310
<i>Tributum Moldauorum</i>	302
<i>Triumviri in Polonia</i>	210
<i>Turca ad Moravum fusi</i>	314
<i>Turcica legationi à Rege Vladislao responsum datum</i>	307
<i>Turcarum ad Varnam desideratorum numerus.</i>	318
<i>Turce pacem postulant à Rege</i>	315

V

V. <i>Alachia Palatini Regi Vladislao iurant</i>	242
<i>Valacho Rex Polonia Suiatenum & Colometiam oppugnat.</i>	261
<i>Valachorum auxilia ad bellum Prussicum Regi missa.</i>	272. Eorum victoria de Cruciferis
<i>Vanda se in Vistulam precipitat.</i>	43
<i>Varta fluvius ubi originem habeat</i>	8
<i>Vlahi Podoliam & Russiam infestat.</i>	287
<i>Vestigalia principis.</i>	20
<i>Venceslaus Bohemus Polonis expeditus</i>	175
<i>Rex coronatur Gn. sive, & Rixam uxorem ducit</i>	175
<i>Venceslaus Rex moritur Praga</i>	177
<i>Venceslai iunioris in Poloniam expeditio.</i>	177
<i>Venceslai Bohemia Regis arbitrium iniquum</i>	246
<i>Venetorum ad Polonia Regem legatio.</i>	262
<i>Vicicapitanei seu Burgravi officium.</i>	25
<i>Vincentius Scamotulus ad Cruciferos transfugit</i>	191
<i>Victoria Boleslai de Russis</i>	67
<i>Victoria Pudici contra sectores</i>	159
<i>Vistula unde ortum trahat.</i>	8
<i>Vua Casimiri Regis impudica</i>	211
<i>Vitoldus in Masoviam fugit, & inde ad Cruciferos.</i>	233. in Lithuaniam redit
<i>ibid.</i>	
<i>Vitoldus ad Cruciferos transit</i>	234

<i>Vitoldus ad Vilnam exercitum ducit.</i>	236
<i>Regi reconciliatur</i>	237
<i>Vitoldus in Lithuaniam redit.</i>	237. Magnus Dux Lithuania creatur
<i>ibid.</i>	
<i>Vitoldi expeditio contra Tartaros</i>	239
<i>Vitoldus a Tartaris fusus casis Ducibus Regis fratribus</i>	240
<i>Vitoldi expeditio in Moscos</i>	244
<i>Vitoldo Podolia concessa</i>	261
<i>Vitoldus Nonogradensibus Russis bellum infert</i>	277
<i>Vitoldus oratores ad Regem & proceres Polonos mittit</i>	278
<i>Vitoldi cum Crucigeris foedus</i>	279
<i>Vitoldi ad Regis legationem responsum.</i>	282
<i>Vitoldi versutum consilium.</i>	281. Zbigneum Episcopum prensat
<i>ibid.</i>	282
<i>Vitoldi morbus & mors.</i>	ibid.
<i>Vladislaus Casimiri filius nascitur.</i>	60
<i>Vladislaus Hermanus ad principatum Polonia promouetur.</i>	70. ducit uxorem
<i>ibid.</i>	
<i>Vladislai expeditio contra exules</i>	75
<i>Vladislaus moritur</i>	78
<i>Vladislaus Boleslai filius nascitur</i>	79
<i>Vladislai cum Christina nuptia</i>	90
<i>Vladislaus secundus Princeps Polonia quando factus</i>	96
<i>Vladislai ambitio.</i>	97. Oratio in senatu habita.
<i>ibid.</i>	
<i>Vladislaus fratres violat cum Russis</i>	100
<i>Vladislaus diris denouetur ab Archiepiscopo</i>	100. Vincitur & fugatur à fratribus.
<i>101. in Germaniam fugit</i>	ibid.
<i>Vladislaus exul infestat Poloniam</i>	104
<i>Vladislaus Rex moritur.</i>	106
<i>Vladislaus Lasconogus princeps renunciatur</i>	125
<i>Vladislaus Sputator Calissiam intercipit</i>	131
<i>Vladislaus Lasconogus moritur</i>	135
<i>Vladislaus Sputator moritur</i>	138
<i>Vladislaus Locticus Rex creatur.</i>	174.
<i>Silesis bellum infert</i>	ibid.
<i>Vladislaus Locticus cum Cruciferis exposulat</i>	179
<i>Vladislai Regis cum Cruciferis Brasie conventus</i>	182

I N D E X


<i>Vladislaus latrocinatur</i>	185	<i>coronatur</i>	<i>ibid.</i>
<i>Vladislaus Rex Dobrino potitur.</i>	188	<i>Vladislai Regis interitus</i>	318
<i>Vladislaus Lothicus cum uxore coronatur</i>	185	<i>Vladislaus Rex constitutus Poloniae gubernatoribus in Vngariam proficiscitur</i>	308
<i>Vladislaus à fratre Boleslao in carcerem coniectus</i>	186	<i>Vladislai Regis morbus & mors, Virtutes & vitia.</i>	297
<i>Vladislaus bellum in Prussiam mouet.</i>	189	<i>Vngarorum violentia & rapacitas.</i>	218.
<i>Vladislaus Rex cum exercitu Prussiam ingreditur</i>	190	<i>Eorum cades Cracouia</i>	<i>ibid.</i>
<i>Vladislai Regis ad milites oratio</i>	193	<i>Vngarorum cum Polonis fœdus sempiternum</i>	225
<i>Vladislaus Lothicus Rex moritur.</i>	197	<i>Vngarorum cum Polonis fœdus.</i>	242
<i>Vladislai Ducis Cuianiae acta.</i>	215	<i>Vngarorum & Polonorum conuentus Kefmarci</i>	273
<i>Vladislaus fit monachus.</i>	216.	<i>Vngarorum diuersa studia</i>	308
<i>accersitur ad regnum. ibid. Res nouas molitur in Polonia.</i>	<i>ibid.</i>	<i>Vngarorum Oratores ad Vladislaum Regem de regno suscipiendo</i>	307
<i>Vladislaus Dux victus.</i>	217.	<i>Vngarorum factiones, & fides lubrica.</i>	310
<i>ibid</i>		<i>Vratislaus Boemia princeps Polonis bellum mouet</i>	61
<i>Vladislaus Opoliensis Dux, gubernator Poloniae</i>	219	<i>Vrbis & oppida.</i>	11
<i>Vladislai expeditio in Lithuaniam.</i>	236		
<i>Vladislaus Rex cum Bohemia Rege Vratislauiæ congregitur.</i>	243		
<i>Vladislai Regis ante conflictum cum Cruciferis oratio ad Deum.</i>	248		
<i>Vladislaus Opoliensis Regi reconciliatus</i>	238		
<i>Vladislai Regis congressus cum Sigismundo Imperatore</i>	296		
<i>Vladislaus Rex curam gerit Vngariae Sigismundo absente.</i>	267		
<i>Vladislai Regis & Vitoldi mandata ad Cæsarem</i>	268		
<i>Vladislai Regis de suscipiendo Bohemia regno consultatio.</i>	269		
<i>Vladislaus Rex alienus à Friderico Marchione</i>	274		
<i>Vladislai Regis filium Poloni sibi Regem designant</i>	280		
<i>Vladislaus iunior tertius eius nomine coronatur</i>	299		
<i>Vladislai Regis ad Vngaros oratio</i>	309.		
<i>eorum ad Regem responsum</i>	<i>ibid.</i>		
<i>Vladislaus ab Vngaris Rex promulgatur &</i>			

Z

Z <i>Anissa Episcopi Cracouiensis mors pudenda</i>	221
<i>Zbignei ad Vitoldum responsum.</i>	289
<i>Zbignei ad Regem responsum.</i>	<i>ibid.</i>
<i>Zbignei Episcopi ad Regem oratio</i>	296
<i>Ziemomislus Dux Poloniae moritur</i>	50
<i>Ziemomitus primus princeps Poloniae & eius virtutes.</i>	49.
<i>mors eius</i>	50
<i>Ziemomitus diris deuocetur quod non coereret bonorum Ecclesiasticorum inuasores</i>	214
<i>Ziemomitus Cuianiam suae potestatis facit.</i>	216.
<i>Comitia Siadia indicit. ibid. Rex Pol. renunciat.</i>	<i>ibid.</i>
<i>Ziemomitus Masouius Regi reconciliatus</i>	275
<i>Ziemomitus Masouius moritur</i>	276
<i>Zindramus Moscus, dux belli eligitur.</i>	249

F I N I S.





13876

7890

